





V  
IV  
III

13-22.f.4

4. K. n. 1.

$$\begin{array}{r} \text{X} \\ \hline \text{VI} \\ \hline \text{X} \end{array}$$

$$\begin{array}{r} \text{III} \\ \hline \text{VI} \\ \hline \text{IX} \end{array}$$

$$\begin{array}{r} \text{L} \\ \hline \text{XIV} \\ \hline \text{>} \end{array}$$

1800

222  
—  
V  
—  
22

V  
—  
10  
—  
1



JOANNIS  
LAUNOII  
CONSTANTIENSIS,  
PARISIENSIS THEOLOGI,  
REGIA  
IN MATRIMONIUM  
POTESTAS:  
vel

TRACTATUS

*De jure sæcularium Principum Christianorum  
in sanciendo impedimento Matrimonium di-  
rimentibus.*



PARISIIS,  
Apud Viduam EDMUNDI MARTINI, via Ja-  
cobæ, sub Sole aureo, & Sacrificio Abelis.

M. DC. LXXIV.  
CUM PERMISSU.

Ex Bibl.  
Jos. Ren. Card.  
Imperialis.

THE NEW YORK PUBLIC LIBRARY

ASTOR LENOX AND TILDEN FOUNDATIONS

1195 N. 4th St. New York, N. Y.

Acquired

1891-1892

1891-1892

1891-1892

1891-1892

1891-1892



1891-1892

1891-1892

1891-1892

1891-1892

1891-1892



ILLUSTRISSIMO VIRO  
ACHILLI  
HARLÆO  
GENERALI  
IN PARISIENSI SENATU  
COGNITORI REGIO.

**E**MINENS magistratus ille, quem  
cum universis ingenii dotibus, &  
tanta cum integritate morum &  
innocentia geris, effecit, VIR IL-  
LUSTRISSIME, ut meus de re-  
gia in Matrimonium potestate Tractatus tibi di-  
cicaretur. Vix occurrebat alius, in cujus nomine  
aque actuo posset convenientius apparere. Obver-  
sabatur mihi ante oculos paterni & materni ge-  
neris ac manantium ex utroque genere virtutum  
splendor, qui tibi perpetuo & ubique lucet. Athle-  
ta fortissimi te hinc inde circumstant, magnus  
ā ij

## EPISTOLA.

*ille Achilles Harlaus, Christophorus Thuanus,  
 & Pomponius Belleveraus, tres Senatus Principes,  
 qui optime munus obierunt suum, quia ex  
 utilitate omnium obierunt. Exemplaria sunt  
 plane tria, eaque non aliena, sed domestica, in  
 quibus contemplandis atque imitandis curæ &  
 cogitationes semper evigilant tuæ. O te beatum,  
 cui tot conjunctissima & perfectissima contige-  
 runt exemplaria! Et si mihi liceat fateri nescire  
 quod nesciam, mediùs fidiùs nescio, an sit fue-  
 ritve mortalium ullus, qui te felicitate pari su-  
 peret aut coequet. Quidquid in causa, majores  
 eos imitandos nactus es, quibus te natura simil-  
 limum esse voluit: nec natura votis eventus de-  
 fuit. Res ei, prout voluit, mirifice successit: at-  
 que ita nunc te familia ostendis amplissima, cum  
 alias tibi familiam ostendebas amplissimam. De-  
 inde mihi veniebat in mentem legum, canonum,  
 historiarum scientia, quam cœpisti ab ineunte  
 atate comparare, & comparatam accessionibus  
 in dies novis cumulas: persuasus, hominem, quis-  
 quis ille sit, non eadem celeritate discere qua  
 obliviscitur; & quia nihil semper suo statu ma-  
 net, decrescit scientia qua non augetur. Ceterum  
 ex persuasionem illa evenit, ut cum in Senatu ju-  
 stitium edicitur, seu ad paucos, seu ad multos  
 dies, nullum tibi remittis tempus, neque te respi-  
 cis infinitis publicarum & forensium discepta-*

## EPISTOLA.

tionum molibus onustum : absit , ut dicam oppressum , aut pene oppressum. Etenim tam robusto & valenti es animo , ut opprimi non possis : recrearis , dum alii opprimerentur. Quod plerique conciliare nequeunt inter se , tu recte concilias , jucundum & negotiosum otium : nec miror , aut quicquam dissimulo. Vix retineretur aliter optima illa hereditas , omnique patrimonio excellentior , quæ tibi ab avis personis heroicis tradita est , virtutis rerumque præclare gestarum gloria. His demum accessit , quod Senatus de Matrimonio , & de rebus Matrimonii naturam antecedentibus , comitantibus & subsequenter non ante pronuntiat , quam finienda causa præluxeris vel per te , vel per Patronos regios , Dionysium Talaum , Christianum Franciscum Lamonium , Guillelmi Senatus Principis filium , Hieronymi Bignonii successorem , nomina omnia probitatis antiquæ , jurisprudentiæ sanctioris , & eruditionis variæ , quæ forum totum quantum est , circumfunditur , & quotidie circumsonat. Finiendæ enim vero causæ ita præluces , & præluce censes , ubi conceptum datur judicii specimen , quod est legum interpretibus præjudicium , & Justiniano legum latori præjudicialis actio. Et ne quis sit offensionis veræ locus , atque ut nonnullus datur gustus operis , rem sic explicari necesse est. Quæ Matrimonii naturam antecedunt , ea sunt leges ,

## EPISTOLA.

quas de celebrando rite Matrimonio Principes  
 diversis atatibus jure suo condiderunt. Has leges  
 Theologi vocant impedimenta Matrimonium di-  
 rimentia, non quod contractum jam Matrimo-  
 nium reipsa dirimant vel dissolvant, sed quod  
 prorsus impediane ne contrahatur reipsa Matri-  
 monium; & nisi data immunitatis tabula contra-  
 hatur, frustra & inaniter contrahitur. Romana  
 simplicitate diceretur magis proprie & apertius,  
 non servatis, nec solutis legibus vir & mulier ad  
 contrahendum Matrimonium redduntur inhabi-  
 les, solutis habiles redduntur: suus tamen est &  
 arti & schola cuique loquendi modus, quem qui  
 nescit, vagari, ut putant, atque errare cogitur.  
 Quae comitantur Matrimonii naturam, in mu-  
 tuo & legitimo conjugis utriusque consensu uni-  
 ce positam, ea censentur formula pactorum, quae  
 inter virum & mulierem conveniunt, ut insta-  
 bilitatis humana vincula, quae abundarent alias,  
 si homines essent cujusmodi esse deberent. Tunc  
 autem consensus est legitimus, cum ille juxta  
 praescriptas ad Matrimonium contrahendum le-  
 ges praebeatur, cum persona ad Matrimonium  
 contrahendum non sunt inhabiles; & quia per-  
 sona per se ipsa subsunt Principibus, personarum  
 consensus per easdem personas iisdem Principibus  
 intelligitur necessaria consecutione subesse. Illa  
 vero subsequuntur naturam Matrimonii, quae

## EPISTOLAE

temporis progressu ad pacta firmanda & exequenda, & ad hereditaria jura qualibet pertinent. Hac autem sunt omnino tria, quae & naturalem tenent ordinem, & civilis prudentiae, quae genuina est Principum regula, limites non excedunt, eamque ob causam regiae potestati non possunt non subesse. In hoc uno, me vide, cardo rei vertitur, & causa Principum tota consistit. Hinc sit continuo, ut superfusa in quocunque, si velint, Fœdere Matrimonio sacramenti dignitas, Matrimonii naturam haud immutet, & patiatur facile, ut quo antea jure in Matrimonium fruebantur Principes, hoc integrum postea & saluum retineant conserventque. Capturus est illud sine ullo negotio, qui tum demum capiet, aquis inditam sacramenti, quod baptismus dicitur, rationem non efficere, ut quod in aquas jus obtinent Principes, id amittant: non amittunt revera, & de aquis cum in foro civili moveretur controversia, tunc perinde fertur judicium, ac si penitus abesset Sacramenti ratio. Exemplum intellectu facillimum, qui non assequetur, in quolibet argumenti genere futurum erit fere nihil, quod assequatur unquam. Alia sunt igitur in Matrimonio, quae civile; alia, quae sacerdotale Forum attinent. Conjungenda non sunt quae Sacramentorum auctor separari, & duplici Foro subjacere voluit. Penes civile Forum trium illo-

## EPISTOLA

rum quæ antecedunt, comitantur & subsequuntur naturam Matrimonii, quatenus est Matrimonium, seu contractus civilis, iudicium & potestas esse debet. Penes sacerdotale disceptatio & cognitio veritatis Sacramenti, quod inest Matrimonio, & quæcunque ad Sacramentum per se & directo spectant, materia, forma, partes, proprietates, spiritualis effectus, & dispositiones ad eum consequendum necessaria, nuptialis benedictio. Nam si ageretur questio quid vice materia, quid vice forme fungatur in sacramento Matrimonii; num Matrimonium in veteri lege Sacramentum fuerit, & si fuit, quale fuerit; num in nova lege gratiam producat, & quam; quo in statu erga Deum & Ecclesiam esse debeat, qui Matrimonium legitime contrahit; quæ conjugibus contra fas contrahentibus vel agentibus imponenda sit pœnitentia: hoc totum quidquid est, quam multum, & quam multa circumspeditione dignum, ad Sacerdotes ut ad proprios oportet iudices referri. Nec nova est, nec gratuita hæc meditatio, sed vetus & certa doctrina, quam præceptores minime suspecti nobis tradiderunt. Annus volebatur vîngentesimus vicesimus secundus, cum universalis Synodus Imperii totius, & generale placitum celebrata sunt in palatio, quod Attiniacum in pago Remensi ad Axonam situm nominatur.

Legati



## EPISTOLA.

Legati Romana Sedis placito & Synodo interfuerunt. Agembertus & Northildis vir & uxor proclamando ad Ludovicum Imperatorem detulerunt connubialem causam, cujus arcanum ut dicatur, pudor minime finit. Imperator Episcopis iudicanda causa provinciam delegat; Episcopi iudicare causam detrectant: sed illius iudicium laicis transmittunt, vindicato sibi tantum jure imponenda conjugibus pœnitentia, si quid ab illis peccatum sit. Nec mirandum est Episcopos ita se gessisse: hi siquidem in sacris institutionibus eruditiores erant Imperatore, qui connubialem causam ab iis decidi voluerat. Tunc Sacerdotes apprime noverunt quid in ejusmodi causa sibi concessum, quid non concessum esset; & quanquam delegati ab Imperatore Antistites de re, de mutuis maritum inter & uxorem querelis cognoscere, statuere & iudicare poterant: id tamen facere non sunt ausi, ne falcem in messem alienam mittere viderentur. Successores autem illorum, si suis sint, ut esse debent, finibus contenti, nunquam nisi gratis & injuste conquirentur de civili Magistratu, de te, & de duobus regis Advocatis, trium viris equitati simillimis, quibus id solum videtur habere rationem, quod habet justitiam. Hac notissima sunt, & quo notiora, eo minus nostro (si quis sit noster) vel alieno egent stilo. Tractatus noster, quem tibi

# EPISTOLA

*offero, VIR ILLUSTRISIME, patrocinio egeret tuo, nisi ad conservandum jus regium semper incumberes, nisi te totum & animo & corpore ad salutem Reipublica sic conferres, ut tuis curis ac vigiliis addi quidpiam sit difficile, & quod vere affirmateque possem dicere, non dico aduicari, ut tollatur omnis adulandi suspicio. Igitur cum jampridem ab hac parte securus sim redditus, securum ab alia me reddi vehementer cupio: scilicet, ut per opus quaecunque nostrum observantia erga te mea venerationique fides integra constare possit.*

Illustrissimæ amplitudini tuæ  
devinctissimus

JOANNES LAUNOIUS  
Parisiensis Theologus.

INDEX  
ARTICULORUM  
ET  
CAPITUM  
HUIUSCE TRACTATUS.

---

PRIMA PARS TRACTATUS

*De iure Principum secularium Christianorum in facienda impedimentis Matrimonium dirimentibus.* pagina 7

ARTICULUS PRIMUS.

*Christiannus Princeps secularis leges Matrimonium dirimentes statuere potest.* ibid.

- |  |   |    |
|--|---|----|
| CAPUT I. Parisensium Theologorum de proposito themate iudicia recensentur.                     | mate iudicia recensentur.   | 26 |
| CAP. II. Burdigalensium Theologorum de proposito themate iudicia recensentur.                  | CAP. VII. Theologorum Italia de proposito themate iudicia recensentur.  | 33 |
| CAP. III. Remensium & Mussipontanorum Theologorum de proposito themate iudicia recensentur.    | CAP. VIII. Theologi variarum & Societate Jesu nationum de proposito themate iudicia recensentur.                            | 39 |
| CAP. IV. Lewanicensium Theologorum de proposito themate iudicia recensentur.                   | CAP. IX. Synopsis rationum, quibus laudati Theologi regium in Christianorum Matrimonium potestatem explicanti & stabiliunt. | 49 |
| CAP. V. Duacenium Theologorum de proposito themate iudicia recensentur.                        | CAP. X. Ponderantur semel atque iterum videtur nonnullorum Theologorum motus hoc in materia disputandi.                     | 53 |
| CAP. VI. Salmanticensium & Complutensium Theologorum de proposito themate iudicia recensentur. | CAP. XI. Privata rationes aliquot praecedentibus adduntur.  | 55 |
|  | CAP. XII. Desideris quidam de iure Regum in facienda impedimentu Matrimonii.  | 55 |

## INDEX.

- testimonium dirimentibus, quamvis ob-*  
*sensu locuti, illud reissa tamen non*  
*negantur.* 63  
 CAP. XIII. Romanorum Pontificum  
*de proposito thomae, seu de regio in*  
*Matrimonium iure iudicia recusen-*  
*tur.* 67  
 CAP. XIV. Africanorum Praesulum de  
*regia in Matrimonium potestate judi-*  
*cium expenit.* 77  
 CAP. XV. Tridentina Synodi de regia  
*in Matrimonium potestate iudicium*  
*expunxit.* 79  
 CAP. XVI. Circa privatum hominem  
*potest impedimentum dirimens Mari-*  
*monium a Principibus laici iusta de*  
*causa constitui.* 83

## ARTICULUS II.

*Ecclesia seculares Principes iure statuendi impedimenta Matrimonium*  
*dirimentia hactenus non spoliavit, aut illud juri sibi reservavit.* 86

- CAPUT I. Prajudicia seu praemunitio-  
*nes septem exponuntur.* 86  
 CAP. II. Recensentur iudicia quorum-  
*dam illustriorum Theologorum, qui de-*  
*cent non esse sublatam vel restrictam a*  
*quoquam Principum secularium po-*  
*testatem in sciendum impedimentum*  
*Matrimonium dirimentium.* 93  
 CAP. III. Qua pro abrogata Principi-  
*bui ab Ecclesia vel Romano Pontifice*  
*potestate obijciuntur ex Decreto &*  
*Decretalibus, diluuntur.* 107  
 CAP. IV. Deducta quadam ex obje-  
*ctionibus superioris capitis observationes*  
*explicantur.* 117  
 CAP. V. Sumptum ex abrogatis legibus  
*politici argumentum obijcitur & di-*  
*luitur.* 115  
 CAP. VI. Sumptum ex pontificii dis-  
*pensationibus argumentum obijcitur &*  
*diluitur, & simul eie epocha adijcitur.*  
 127  
 CAP. VII. Sumptum aliud ex Gregorio  
*I. argumentum obijcitur & diluitur,*  
*sed dilutum obijcentibus nocet.* 134  
 CAP. VIII. Quadam a Bellarmino  
*in hac questione paulo involutus edita*  
*retractantur.* 141  
 CAP. IX. Recentiores quidam Theologi  
*novam inaniter ecclesiastici opinio-tem,*  
*ut asserunt assertum ab alio juri Prin-*  
*cipum, hoc ipsum juri praeferunt in*  
*Principibus confirmant.* 157  
 CAP. X. Recentiora cujusdam Iuriconsul-  
*tuli de causis matrimonialibus tracta-*  
*tus plures exornantur, & illorum vi-*  
*tia demonstrantur.* 163  
 CAP. XI. Retractantur dicta quorum-  
*dam auctorum, qui veteris legu Ma-*  
*trimonio sacramenti nomen ac dignita-*  
*tem adjudicant.* 183  
 CAP. XII. Nonnullorum auctorum a  
*Principum partibus stantium coram qua-*  
*dam minus considerate dicta retractan-*  
*tur.* 195  
 CAP. XIII. Explicatur modus, quo im-  
*pedimenta Matrimonii dirimant Ma-*  
*trimonium, ut regia in Matrimonium*  
*potestas in regis obiectat, & prorsus con-*  
*stabilisatur.* 211

## ARTICULUS III.

*In quo dirimentes Matrimonium leges praecipuas jam sum primum ab*  
*Imperatoribus aut Principibus institutas esse demonstratur.* 217

- CAPUT I. Consanguinitatis impedimen-  
*tum.* 218  
 CAP. II. Impedimentum disparis cul-  
*tae.* 227  
 CAP. III. Impedimentum affinitatis. 229  
 CAP. IV. Impedimentum cognationis  
*legalis.* 231  
 CAP. V. Impedimentum spiritualis cog-  
*nationis.* 233


# INDEX.

CAP. VI. <i>Impedimentum publica honestatis.</i>	133	CAP. XII. <i>Impedimentum voti.</i>	246
CAP. VII. <i>Impedimentum erroris.</i>	234	CAP. XIII. <i>Impedimentum ordinis.</i>	254
CAP. VIII. <i>Impedimentum raptus.</i>	235	CAP. XIV. <i>Galaat primum, quæ &amp; catholica, communis universim antecedentibus ad Principum leges &amp; quosdam canones animadversionibus.</i>	257
CAP. IX. <i>Impedimentum criminis.</i>	237		
CAP. X. <i>Impedimentum legaminis.</i>	239		
CAP. XI. <i>Impedimentum impotentia.</i>	240		

## ARTICULUS IV.

*Non expedit Sacerdotio ut Regnum jure ferendarum legum Matrimonia dirimentium spoliaret: imo fieri non potest, ut ullus civilis seu regis Principatus hoc jure spoliatur in perpetuum.* 261

CAPUT I. <i>Non expedit Sacerdotio, ut Regnum jure ferendi impedimentum Matrimonium dirimentia spoliaret.</i>	262	ferione VI. precedentis capituli concludendi.	291
CAP. II. <i>An &amp; qua ratione Principibus abrogari possit juxta statuti impedimenta Matrimonium dirimentia.</i>	268	CAP. V. <i>Tridentina Synodi de reformatione capita duo referuntur. &amp; in sensum commodum nec superioribus assertionibus repugnantem explicantur.</i>	297
CAP. III. <i>Potestas in Matrimonium secularis &amp; spiritualis, suis utraque descripta finibus explicatur.</i>	273	CAP. VI. <i>Cur disciplina civilium legum circa Matrimonium post annum Christi millesimum paulatim in consuetudinem aliter, Causa cum rebus aliis, cum maximo Decreto Grassani &amp; Decretalium libri quinque transfigitur.</i>	305
CAP. IV. <i>Nunc Tridentina Synodi canones referendi sunt duo, &amp; cum as-</i>			



## SECUNDA PARS TRACTATUS,

*Sen usus regia in Matrimonium potestatis apud Gallos.* 310

## ARTICULUS I.

*Impedimenta & matrimonialis ejusdem generis cause, quæ ad primam Regum stirpem pertinent, attinguntur.* 311

CAPUT I. <i>Inter regum in constituendum impedimentum Matrimonium dirimentibus proponitur, consuetudine &amp; scriptis legibus inducitur.</i>	311	CAP. II. <i>Reges Matrimonia dissolvunt, Regiarum in omnibus matrimonialibus constitutionum specimen.</i>	315
---	-----	---	-----

# INDEX.

## ARTICULUS II.

*Impedimenta & causa ejusdem generis matrimoniales, quæ ad secundam Regum Gallia stirpem pertinent, attinguntur.* 317

CAPUT I. Sub Pipino Rege promulgata quædam in conciliis Episcoporum circa Matrimonium leges.	317	solis eruntur.	340
CAP. II. Ex recepto repudii libello sub Carolo Magno regia in Matrimonium potestas affertur.	318	CAP. VI. Caroli Calvi pro regio in Matrimonium jure editum refertur.	342
CAP. III. Carolus idem Magnus ruita in libro v. Capitularium circa Matrimonium edixit.	328	CAP. VII. Exemplum pro regio in Matrimonium jure ex Ludovico Balbo questum refertur.	345
CAP. IV. Contracti inter Balduinum Camitem & Judith viduam Caroli Calvi filiam Matrimonii histria refertur, & inde regia in Matrimonium potestas affertur.	335	CAP. VIII. Quædam in causis impedimentisque Matrimonii constitutionum Caroli Calvi Capitula recensentur.	347
CAP. V. Alia exempla pro regio in Matrimonium jure ex Nicolai Papa episcopi	336	CAP. IX. Ius regum in impedimentis Matrimonii stirpimentibus & interdictis, a Concilio Episcoporum Gallia agnoscitur.	349

## ARTICULUS III.

*Impedimenta & causa ejusdem generis matrimoniales, quæ ad tertiam Regum Gallia stirpem pertinent, attinguntur.* 352

CAPUT I. Robertus Rex Gallia contra Theodosii legem ducens uxorem in causa fuit, cur Romanum Concilium regiam in Matrimonium potestatem confirmavit.	352	in Matrimonium potestas retenta.	372
CAP. II. Usus civilium legum in dirimendis Matrimonii proponitur, ex quo regia in Matrimonium potestas elucet.	358	CAP. IX. Sub sancto Ludovico Clemente IV. regiam in Matrimonium potestatem agnoscit.	373
CAP. III. Regia in Matrimonia procurum potestas ex beato Bernardo deducitur.	362	CAP. X. Sub Philippo Pulcro regia in Matrimonium potestas retenta & vindicatur.	375
CAP. IV. Sub Ludovico Crasso regia in Matrimonium potestas retenta.	363	CAP. XI. Sub Philippo Pulcro Benignus VII. regiam in Matrimonium potestatem agnoscit.	379
CAP. V. Sub Philippo Augusto regia in Matrimonium potestas retenta.	364	CAP. XII. Sub Philippo Longo cum Regente, tum Rege, regia in Matrimonium potestas retenta.	380
CAP. VI. Ludovicus VII. legem de consobrinis Matrimonio non jungendis ab Imperatoribus latam, & ab ordine sacerdotali confirmatam agnoscens, divortium cum uxore fecit.	368	CAP. XIII. Sub Carolo Pulcro regia in Matrimonium potestas retenta.	381
CAP. VII. Sub Ludovico VII. regia in Matrimonium potestas retenta.	370	CAP. XIV. Sub Philippo Valois regia in Matrimonium potestatem retenta.	382
CAP. VIII. Sub sancto Ludovico regia	370	CAP. XV. Sub Ioanne Rege regia in Matrimonium potestas retenta.	384
		CAP. XVI. Sub Carolo V. regia in Matrimonium potestas retenta.	386
		CAP. XVII. Sub Carolo VI. regia in Matrimonium potestas retenta.	388
		CAP. XVIII. Sub Carolo VII. regia	388

## INDEX.

in Matrimonium potestas retenta. 381	in Matrimonium potestas retenta. 413
CAP. XIX. Sub Ludovico XI. regia in Matrimonium potestas retenta. 385	CAP. XXVII. Sub Ludovico XIII. Regia in Matrimonium potestas retenta. 415
CAP. XX. Sub Carolo VIII. regia in Matrimonium potestas retenta. 386	CAP. XXVIII. Sub eodem Rege Ludovico regia in Matrimonium quod Ioannes Baptista Gajus Auzanensis dux cum Margherita Lotharinga contraxit. potestas retenta 416
CAP. XXI. Sub Ludovico XII. regia in Matrimonium potestas retenta. 405	CAP. XXIX. Hadrianus regia in Matrimonium potestatis usus constat ex aetate restricta sene. 417
CAP. XXII. Sub Francisco I. Regia in Matrimonium potestas retenta. 406	CAP. XXX. Hieronymus regia in Matrimonium potestatis usus constat ex d'rimetum impedimentorum dispensatione cum heterodoxis. 418
CAP. XXIII. Sub Henrico II. regia in Matrimonium potestas retenta. 409	CAP. XXXI. Ad solutionem objectionum, quæ suis locis dilata sunt, maxima. 419
CAP. XXIV. Sub Henrico III. regia in Matrimonium potestas retenta. 411	
CAP. XXV. Articulus Henrici III. Regis. & potestas repositio in Cameris Saengermaensis addeatur, & in bonum sensum explicatur. 419	
CAP. XXVI. Sub Henrico IV. regia in Matrimonium potestas retenta. 420	

TERTIA PARS TRACTATUS.

*De jure Principum secularium Christianorum in sanciendo impe-*  
*dimentis Matrimonium dirimentibus.* 441

## ARTICULUS I.

*Quid in causis impedimentisque Matrimonii quidam Imperatores cum Graeci, tum Latini post divisum Imperium egerint, attingiunt.*  
ibid.

CAP. I. Sub Baptis Macedone regia in Matrimonium potestas retenta.	442	tur. tam apud Orientales, cum Occidentales.	448
CAP. II. Sub Leono V. regia in Matrimonium potestas retenta.	444		
CAP. III. Sub Alexio Commeno regia in Matrimonium potestas retenta.	446		
CAP. IV. Sub Manuele Commeno regia in Matrimonium potestas retenta.	447		
CAP. V. Quod Matthæus Monachus seu Blasphemas tradit de causis apud Orientales, impedimentisque matrimonialibus, referat: ubi de divorcio agitur.	448		
		tur. tam apud Orientales, cum Occidentales.	448
		CAP. VI. Sub Ludovico Germania Regis regia in Matrimonium potestas retenta.	449
		CAP. VII. Sub Henrico III. Imperatore regia in Matrimonium potestas retenta.	450
		CAP. VIII. Sub Henrico IV. Imperatore regia in Matrimonium potestas retenta.	451
		CAP. IX. Sub Ludovico IV. regia in Matrimonium potestas retenta.	452

# INDEX.

## ARTICULUS II.

Quæ in causis impedimentisque Matrimonii plerique Occidentalium partium Reges & Principes egerint, attinguntur. 534

- CAP. I. Sub Ricardo Gothorum in Hispania Rege regia in Matrimonium potestas retenta. 534
- CAP. II. Sub Ervigio & Erigido regia in Matrimonium potestas retenta. 536
- CAP. III. Sub Henrico I. Castella Regis regia in Matrimonium potestas retenta. 537
- CAP. IV. Sub Ferdinando V. vel ejus successoris regia in Matrimonium potestas retenta. 538
- CAP. V. Sub Philippo II. regia in Matrimonium potestas retenta. 539
- CAP. VI. Sub Alemanni & Bajuvarii regia in Matrimonium potestas retenta. 540
- CAP. VII. Sub Longobardorum Regibus regia in Matrimonium potestas retenta. ibid.
- CAP. VIII. Sub Rogerio Siculorum Regis regia in Matrimonium potestas retenta. 541
- CAP. IX. Sub Frederico II. Imperatore regia apud Siculos in Matrimonium potestas retenta. 545
- CAP. X. Sub Haroldo Anglorum Rege regia in Matrimonium potestas retenta. 546
- CAP. XI. Sub Ioanne Rege regia in Matrimonium potestas retenta. 547
- CAP. XII. Sub Richardo II. regia in Matrimonium potestas retenta. 548
- CAP. XIII. Sub Henrico VI. regia in Matrimonium potestas retenta. 549
- CAP. XIV. Sub Elizabetha regia in Matrimonium potestas retenta. 549
- CAP. XV. Altera breviter in impedimenta dirigendisque procerum Matrimonii consuetudo Anglia. 551
- CAP. XVI. Sub Maccabæ Scotorum Rege regia in Matrimonium potestas retenta. 552
- CAP. XVII. Sub Alexandro III. Rege regia in Matrimonium potestas retenta. 553
- CAP. XVIII. Sub Roberto Rege regia in Matrimonium potestas retenta. 554
- CAP. XIX. Ad Polonos regia in Matrimonium potestas retenta & vindicta. 556
- CAP. XX. Sub Idellone Polonorum Rege regia in Matrimonium potestas retenta. max. mo. 556
- CAP. XXI. Apud Ungaros regia in Matrimonium potestas retenta. & maxime sub sancto Stephano primo Rege. 557
- CAP. XXII. Sub Ladislao, Colomanno & Alberio regia in Matrimonium potestas retenta. 558
- CAP. XXIII. Certis quibusdam exemplis apud Ungaros regia seu civilis in Matrimonium potestas retenta confirmatur. 559
- CAP. XXIV. Apud Navarras regia in Matrimonium potestas retenta. 563
- CAP. XXV. Lotharinga Duces suam in Matrimonium auctoritatem retentam vindicarunt. 565
- CAP. XXVI. Sabaudia Duces suam in Matrimonium suorum potestatem retentam demonstrant. ibid.
- CAP. XXVII. Apud Florentinos Duces suprema civilis in Matrimonium procerum auctoritas apparuit. 566
- CAP. XXVIII. Romani Pontifices suam in Matrimonium subditorum potestatem retentam demonstrant non quam temporales domini. 568
- Vniuersi Tractatus conclusio. 573
- Adiunda quibusdams in locis ad calcem conclusio.

555 553

JOANNIS





JOANNIS LAUNOII  
CONSTANTIENSIS,  
PARISIENSIS THEOLOGI,  
REGIA  
IN MATRIMONIUM  
POTESTAS,  
vel  
TRACTATUS

*De jure facularium Principum Christianorum  
in sancendis impedimentis Matrimonium  
dirimentibus.*



UEM de jure Principum Christiano-  
rum in sancendis legibus, quæ Ma-  
trimonium dirimant, tractatum ag-  
gredimur, hunc tres in partes commo-  
dum tribuimus, ut quæ res alias ob-  
scuritatem involvere, & graves a nonnullis sustinere

2 REGIA IN MATRIMONIUM POTESTAS.

difficultates creditur, ex certa differendi ratione, cum ad intelligendum lucem, tum ad capiendum facilitatem præ se ferat.

Prima pars commune jus omnium Christianorum Principum explicabit, & hæc erit juris quæstio. Altera explicatum jus illud apud Galliæ Reges in usu perpetuo fuisse ostendet. Tertia idem quoque jus a ceteris Regibus ac Principibus, prout vnumquodque Regnum tulit, passim retentum docebit. Hæc utraque pars in facti conditione versabitur.

Prima pars reliquarum fundamentum cum sit, & ad quam subinde redeatur a Doctoribus, paulo longiorem disputationem continebit. Enimvero hæc, si recte perpendatur, nulla in aliis duabus partibus, sive in legibus, sive in factis vel exemplis, quæ referentur, superesse poterit legitima difficultas. Quotus enim quisque est, qui bonam in partem non interpreteretur factum Principis, quod alioquin ex certo constantique jure trahitur?

Hæc igitur prima pars, quæ potissima est, quatuor concludetur articulis, qui deinde in varia capita dividuntur.

Articulus primus repræsentabit Principes, qui, si natura rei spectetur, ex communi Theologorum consensu & invictis rationibus, leges Matrimonium dirimentes instituere possunt.

Articulus secundus in ea facti quæstione versabitur, ut probet hanc Principum potestatem ab Ecclesia haud imminutam fuisse, ac proinde quosdam errasse Doctores, qui quam ex naturali jure feren-

darum legum auctoritatem concedunt Principibus, hanc Pontifices sibi reservasse scripserunt; pluribus quidem, sed nullis argumentis, & quæ sola sui expositione fatiscunt.

Articulus tertius expediet duo: e re quidem Ecclesiæ non esse, ut illa potestate ferendarum legum, quæ Matrimonia dirimant, Principes spoliet; deinde hac potestate civilem spoliari non posse principatum in perpetuum, & ex iis, qui civilem principatum gerunt, siquando & si qua necessitate nonnulli spoliarentur, alios non continuo spoliari: quippe inusitatum facinus esset, pari modo cum fontibus & infontibus agi.

Articulus quartus indagabit originem legum, quæ impediunt ne contrahatur Matrimonium, & contractum dirimunt. Rationem aperiet, qua hæc leges Matrimonium dirimunt. Hæc autem ratio multiplex non erit; sed vnica, quæ in eo consistit, ut ad contrahendum Matrimonium personæ reddantur inhabiles. Tum constabit, plerisque istis legibus canones, non canonibus adjectas fuisse leges: quo ex ordine, siue in hac, siue in alia materia, Nomocanon a Græcis tractatoribus dictus est.

Altera pars tractatus tribus concludetur articulis, qui deinde in varia capita dividuntur.

Articulus primus attinget impedimenta, & conubiales ejusdem generis causas, quæ ad primam Regum Galliæ stirpem pertinent.

Articulus secundus idem in secunda Regum Galliæ stirpe perstringet.

4 REGIA IN MATRIMONIUM POTESTAS.

Articulus tertius idem quoque in tertia delibabit.

Hinc consuetudo, inde leges; hinc exempla, inde varia instrumentorum genera, quibus Reges suis quisque temporibus suam in Matrimonia subditorum & procerum auctoritatem asseruerunt, confirmarunt, vindicarunt.

Tertia pars tractatus duobus concludetur articulis, qui deinde in varia capita dividuntur.

Articulus primus perstringet quid in causis impedimentisque Matrimonii Imperatores quidam cum Græci, tum Latini post divisum Imperium egerint. Quid autem egerint ante divisum Imperium, habetur in prima parte tractatus, articulo quarto qui originem legum Matrimonia dirimentium disquirat.

Articulus secundus attinget, quid in iisdem causis impedimentisque Matrimonii plerique Occidentalium partium Reges & Principes egerint: Gothorum primum in Hispania, deinde Castellæ Reges, Alamanni, Bajuvarii, Longobardi, Siculi, Angli, Scoti, Poloni, Ungari Reges, Lotharingæ, Sabaudie, Etruriæ Duces, ac tandem Romani Pontifices, qua supremum temporale dominium in Ecclesiastica ditione exercent. Non quod mihi sumam, ut quæ omnia pro retinendo in Matrimonium subditorum & optimatum jure fecerint, adnotaverim; fieri enim qui posset? sed ut ea cum primis adnotaverim, quæ, si cum prima tractatus parte conjungantur, ad argumentum rei conficiendum sufficient, immo nimis multa forsitan videbuntur.

Ad methodum autem disserendi quod attinet,

REGIA IN MATRIMONIUM POTESTAS. 5  
facti potius, quam juris viam vniversim amplector.  
Hoc enim satis liquet in secunda & tertia parte tra-  
ctatus, vbi leges & facta quædam Principum refe-  
runtur, explicantur, vel tandem ea diluuntur, quæ  
incautis negotium aliquod facerent. In prima vero  
parte tractatus non a me quidem juris quæstio dis-  
putatur, sed ab aliis, quorum sententias rationes-  
que certum in ordinem coegi. Quod operis mei ge-  
nus facti quæstionem attinet: vel siquando juris  
quæstionem agito, eam ex receptissimis aliorum  
Theologorum principiis agito; & quæ ex illis recte  
concluduntur, aliena sunt, non mea. Si quæ vero  
non recte, quod absit, concludantur, mea sunt  
omnino. Itaque & hæc & reliqua omnia non modo  
Ecclesiæ Catholicæ, Apostolicæ & Romanæ, sed &  
cuicumque erudito & cordato Theologo summissa  
esse volo.



Christus apud S. Matthæum cap. XXII.

*Ostendite mihi numisma census. At illi obtulerunt ei denarium. Et ait illis JESUS: Cujus est imago hac, & superscriptio? Dicunt ei: Caesaris. Tunc ait illis: Reddite ergo qua sunt Caesaris, Cafari; & qua sunt Dci, Deo.*



Celestinus I. in epist. X. ad B. Cyrillum.

*Indifficulter est Ecclesiarum & Catholica fidei speranda tranquillitas, quando pro hac elaborare Christianissimos Principes sic videmus. Non est enim inefficax in divinis maxime causis cura Regalis, qua pertinet ad Deum; qui fideliter tenet corda Regnantium.*



PRIMA PARS TRACTATUS  
de jure Principum sæcularium Christiano-  
rum in faciendis impedimentis Matrimo-  
nium dirimentibus.

ARTICULUS I.

*Christianus Princeps secularis leges Matrimo-  
nium dirimentes statuere potest.*

CAPUT I.

*Parisiensium Theologorum de proposito themate judicia  
recensentur.*

QUONIAM nihil in Ecclesia Catholica salubrius fieri  
dicit beatus Augustinus, quam ut rationem præcedat  
auctoritas, a multorum ex diversis Academiis Theologorum  
auctoritate sumendum esse disputationis exordium duximus:  
atque imprimis ex auctoritate Parisiensium, qui ut ceteris  
ætate, sic & doctrina, ut plurimum antecelluerunt.

I. Parisiensium igitur Theologorum agmen ducet Magister  
sent. in IV. dist. XXXIX. sic Matrimonium legitimum defi-  
niens: *Matrimonium legitimum est, quod legali institutione, vel  
provinciæ moribus, non contra passionem domini contrahitur.* Hac,  
ut apparet, definitione Magister cum legitimi Matrimonii  
naturam ex legum institutione & provinciarum moribus re-  
petat, Principum, quibus illa duo subsunt, ordinationi, ut  
valeat, vel non valeat, Matrimonium reliquit. Quod auctor

## 8 REGIA IN MATRIMONIUM POTESTAS.

celebris cum ex disciplina sui temporis, tum ex Justiniano desumpsit. *Legitimas*, inquit Imperator, *nuptias inter se Romani contrahunt, cum ea servant, qua legibus nuptiis precepta sunt.* Cyrillus Alexandrinus in libri II. super Joannem capite IV. Justiniano prævit. *Non enim*, inquit, *qui ex voluptate sit, coitus, sed qui secundum legem est, consensus, & qua ex casto amore conjunctio existit, inculpata nuptias efficiunt.*

II. Albertus Magnus in IV. sent. dist. XXXIV. *Matrimonium*, inquit, *licet sit de moralibus secundum suam substantiam; tamen modus contrahendi est judicialis: & ideo variatur secundum leges contrahentium, ut dicit Nicolaus Papa.* Hæc autem quæ docet Albertus, ad sæcularem jurisdictionem pertinere quis negaret? Sacerdotum enim non est varias contrahentibus leges, pro variis Regnorum administrationibus præstitui, licet variis de Matrimonio consultationibus respondeant. Illud Imperatorum est ac Principum, qui varias contrahentium leges publicæ subditorum paci ac tranquillitati admetiuntur.

III. Sanctus Thomas tribus in locis, & primo quidem in IV. sent. dist. XXXIV. quæst. I. art. I. ad IV. *Ad quartum*, inquit, *dicendum, quod persona illegitime ad Matrimonium contrahendum dicuntur, ex eo quod sint contra legem, qua Matrimonium constituitur. Matrimonium autem in quantum est in officium nature, statuitur jure nature; in quantum est in officium communis, statuitur jure civilis in quantum est sacramentum, statuitur jure divino: & ideo ex qualibet dictarum legum nature, humane & divine potest persona effici ad Matrimonium illegitima.*

Deinde dist. XXXVI. art. V. in corpore. *Dicendum*, inquit, *quod Matrimonium, cum fiat per modum contractus cujusdam, ordinationi legis positivæ subjacet, sicut & alii contractus.* At sane reliqui contractus civiles ordinationi Principum ita subjacent, ut ab iis irriti nonnumquam reddantur.

Denique lib. IV. contra Gentes cap. LXXVIII. *Considerandum est*, inquit, *quod quando aliquid ad diversos fines ordinatur, indiget habere diversa dirigentia in finem, quia finis est proportionatus agenti: generatio autem humana ad multa ordinatur, scilicet ad perpetuitatem alicujus boni positivæ, puta populi in aliqua civi-*



*civitate ordinatur etiam ad perpetuitatem Ecclesie, quæ in Fide-  
lium collectione consistit: unde oportet, quod hujusmodi generatio  
a diversis dirigatur. In quantum igitur ordinatur ad bonum na-  
tura, quod est perpetuitas speciei, dirigitur in finem a natura in-  
clinante in hunc finem: & sic dicitur esse natura officium. In quan-  
tum vero ordinatur ad bonum politicum, subjacet ordinationi civi-  
li legis. In quantum igitur ordinatur ad bonum Ecclesie, oportet  
quod subjaceat regimini Ecclesiastico. Ea autem, quæ populo per  
ministros Ecclesie dispendantur, Sacramenta dicuntur. Matrimonium  
igitur, secundum quod consistit in conjunctione maris & femine  
intendens prolem ad cultum Dei generare & educare, est Eccle-  
sie Sacramentum. Unde & quadam benedictio nubentibus per mi-  
nistros Ecclesie adhibetur, sicut & in aliis Sacramentis per ea, quæ  
exterior aguntur, spirituale aliquid figuratur.*

His omnibus, quibus nihil clarius est, opponi non debent,  
quæ idem Doctor scribit in IV. dist. XLII. art. II. ad IV. *Prohi-  
bitionem scilicet legis humana non sufficere ad impedimenta Matri-  
monii, nisi intervenires Ecclesie auctoritas hoc idem prohibentis.*  
Hæc, inquam, opponi non debent, cum hæc Ecclesie, de  
qua loquitur, auctoritas, non ad vim legis, sed ad majorem  
legis solennitatem ab eo referenda sit, qui noverit sanctum  
Doctorem superiori loco & accuratiori, non cuicumque hu-  
manæ legi, sed civili tantum personam ad Matrimonium in-  
habilem reddendi jus concedere, nec in statuendis impedi-  
mentis dirimentibus, sed in ministerio Matrimonii, quæ sa-  
cramentum est, & in impetrienda nubentibus benedictione  
Ecclesiasticum regimen, cui Matrimonium subjacere tradit,  
designare. Et vero licet in opinione beati Thomæ valeat,  
servi, non consentiente domino, Matrimonium: tamen non  
sequitur idem valere contra certam Regis voluntatem ini-  
tum, cum Rex, non privatus aliquis dominus, ferendarum le-  
gum, quibus dirimatur Matrimonium, potestatem habeat.  
Quare beatus Thomas de tali mancipii conjugio loquitur,  
quod vel non accedente Principum lege, vel quod veteri ab-  
rogato consentientibus Principibus civili jure tunc contrahe-  
retur. Quidquid id est, locus tertius, qui est in libro quarto  
contra Gentes, cum posterior sit commentatio in quartum.

10 REGIA IN MATRIMONIUM POTESTAS.

Sententiarum, potest corrigere quidquid in eo videretur contrarium, & omnia complanare.

IV. Petrus Aureolus in IV. dist. XXVI. art. vnico ad III. *Plus potest*, inquit, *Papa in materiam hujus Sacramenti, quam in aliorum, quia in eo Sacramento est jurisdictio admixta; Papa vero habet jurisdictionem plenariam.* Hæc Auteoli ratio, non Papæ, nisi qua dominus temporalis est, faver, sed Regibus: admixtam quippe jurisdictionem vocat, spirituales scilicet ac temporalem. At quamvis falsum, & apud Bellarminum sacræ Scripturæ & canonibus adversum sit, Pontificem temporalem jurisdictionem habere præterquam in terris ditioni suæ subiectis; hacce tamen ratione significat auctor temporalem jurisdictionem requiri ad ordinandam Sacramenti Matrimonii materiam, nec sufficere spiritalem, quæ Matrimonium respicit tantum, qua Sacramentum est, non qua dirigitur ad bonum communitatis.

V. Petrus de Palude in IV. dist. XXVI. art. I. conclus. I. *Præceptum*, inquit, *vel prohibitio juris civilis, scripti, vel consuetudinis nihil facit licitum vel illicitum, debitum vel necessarium in contractu Matrimonii, si est contra legem Evangelii vel canones sanctorum Patrum.* Videtis quid juri civili tribuat, ubi nihil Evangelio vel canonibus contrarium decernit.

Deinde dist. XXXVI. quæst. I. art. III. conclus. V. *Si alibi sit consuetudo, quod contrahens cum servo fiat serva, valet. Nam sicut jus scriptum potuit invenire novum modum servitutis, sic jus non scriptum; ita ut etiam mulier alterius terræ ligetur eo ipso quod contrahit in terra tali consuetudine affecta.* Hoc autem ad sæculares Principes spectat.

Tum dist. XXXVII. quæst. I. art. III. conclus. III. *Ecclesia potest facere personas inhabiles ad contrahendum Matrimonium carnale sicut & spiritale, & si non ratione sui, tamen ratione fundamenti, quia pactio & conventio in qua fundatur Matrimonium, subest ordinationi Principum & Prelatorum.* Hæc dicuntur ad mentem sancti Thomæ, qui quatenus ad bonum politicum ordinatur Matrimonium, hoc civilibus legibus subiacere docet, quatenus vero ad bonum Ecclesiæ, regimini Ecclesiastico, hoc est, ministris Ecclesiæ, per quos Ecclesiæ Sacramenta dispen-

## REGIA IN MATRIMONIUM POTESTAS. 11

santur. Quare cum in IV. dist. XXVI. art. III. concl. III. scribit, *humanam legem non habere effectum in Matrimonio, nisi fuerit jure canonico probata*: non ita intelligendus est, quasi hoc probationis genus humanæ legi vim obligandi tribuat; sed tantum ut nihil continere, quod naturali vel positivo juri contrarium sit, declaretur.

VI. Guillelmus Okam in tractatu de potestate Imperatoris in causis matrimonialibus. *Abſque dubitationis ſcrupulo*, inquit, *ad Imperatorem, qui tam fidelibus, quam infidelibus Romanis Auguſtis in pleno jure Imperii Romani ſuccedit, videtur cauſa matrimonialis, maxime quantum ad illa, de quibus ſacræ Litere non loquuntur, pertinere. Unde & de Matrimonio, & de contrahentibus ipſum, antequam leges Eccleſiaſtica aliqua apparerent, Imperatores tam fideles, quam infideles leges ediderunt non paucas.*

VII. Thomas de Argentina in IV. dist. XLII. art. IV. *Ad primum*, inquit, *dicendum, quod quamvis Matrimonium ſit de jure naturali, tamen ſine omni præjudicio juris naturalis leges poſitivæ poſſunt determinare perſonas matrimonialiter copulandas pro gentis & temporis congruitate, &c. Ad ſecundum dicendum, quod quamvis Sacramentum Eccleſiæ ſecundum ſe non debeat ſecularibus legibus ſubjacere, conſideratis hujusmodi legibus ſecundum quod ſaculares ſunt, tamen quantum ad determinationem poſſunt ſubjacere ſecularibus legibus, ſed ut per Eccleſiæ approbationem canonizata ſunt. Hoc eſt, Matrimonium, quia Sacramentum eſt, ſecularibus legibus non ſubjacet ex ſeſe; ſed quia in officium communitatis ordinatur. Porro de eadem Eccleſiæ approbatione loquitur, de qua locutus eſt Paludanus, ut ex relatis verbis facile colligitur.*

VIII. Bertrandus de Trilla in IV. quaſt. I. de Matrimonio. *In Matrimonio*, inquit, *ſunt duo. Primum eſt contractus quidam, qui eſt de jure naturali & civili, quo unus transfert ſe in poteſtatem alterius. Secundum eſt ratio Sacramenti ſuperaddita. Secundum neceſſario ſupponit primum: primum ſubeſt ſtatuto humano; ſecundum ſubeſt ſtatuto divino. Poſteſt igitur facere ſtatutum humanum, quod talis non poſſit ſe transferre in poteſtatem alterius, ſicut ſervus non habet vendere ſe, nec res ſuas; nec alienatio facta a furioſo, &c. videtur de jure: & oppoſitum certe poſ-*

12 REGIA IN MATRIMONIUM POTESTAS.

*set esse de jure, si jus institueres.* Sic postea de humano circa contrahentes personas jure concludit. In his autem notanda sunt duo. Unum, auctorem nostrum affirmare Matrimonium, qua contractus civilis est, non Ecclesiastico, sed civili juri subesse. Alterum, humano statuto posse contrahentes personas inhabiles reddi. At ex verborum serie humanum statutum aliud non intelligit præterquam civile. Bertrandi commentarius est MS. in Bibliotheca Cœnobii sancti Victoris Parisiensis.

VIII. Joannes Capreolus in IV. dist. XXVI. sic in beati Thomæ sententiam discedit, vbi solutionem Paludani ad argumentum de sacramentalis materix mutatione sibi objectum retulit. *Hæc ille & bene concorditer sancto Thoma* XXIV. dist. hujus quest. 1. art. 1. ad IV. vbi dicit: *Persona illegitima ad Matrimonium contrahendum dicuntur, ex eo quod sint contra legem, qua Matrimonium constituitur, & cetera quæ supra retulimus.*

IX. Guillelmus Vorillonius in IV. dist. XXXIX. hæc scribit tam de suo, quam de Magistri sensu: *Postquam in dist. XXXVII. determinavi de impedimento illegitimante respectu cujuscunque persona jure Ecclesiastico; & in dist. XXXVIII. egis de impedimento illegitimante respectu cujuscunque persona jure Dei veridico: nunc tertio agitur de impedimento illegitimante, non respectu omnis, sed respectu alicujus persone jure politico.* Sic ergo jus politicum personam efficit ad Matrimonium inhabilem. Enimvero asserit dist. XXVII. art. 1. *in legitimitate Matrimonii diversas provincias in suis abundare sensibus.* Quæ verba non in aliud quam in jus civile referenda sunt.

X. Franciscus de Victoria relectione VII. de Matrimonio primus omnium, ni fallor, quæstionem amplissime tractavit: *utrum Princeps secularis possit ponere impedimentum Matrimonio, hoc est, an persona legitima ad Matrimonium possint lege civili illegitimi reddi, ita ut si contrahant, factum non teneat.* Et post alia: *Ad hanc quæstionem respondeo primum. Mibi non est dubium quin Princeps secularis ex genere & natura sue potestatis vim habeat & jurisdictionem super Matrimonium, etiam ad prohibendum connubia inter cognatos aut affines, & posset leges ferre & impedimenta ponere, sicut Ecclesia. Nec valet dicere, quod Matrimonium*

*est Sacramentum, & ideo eximitur a quacunque potestate non spirituali. Primo, quia redibit difficultas de Matrimonio, antequam esset Sacramentum proprie, sed solum in officium. Secundo, quia non obstat quod sit Sacramentum, quin privati homines leges & conditiones apponant Matrimonio, sine quibus non est Sacramentum.*

x i. Claudius Espencæus tractatu de clandestinis Matrimoniis, ubi cum doceat, contracta a liberis sine parentum consensu conjugia nulla esse, supponit aliam ab Ecclesiastica potestatem vetare, ne illa vere contrahantur, eamque civilem esse ac supremam, cujus refert leges & edicta pro bono reipublicæ condere, & de deferendo parentibus a filiis honore providere.

x ii. Claudius Guillaudus in Matthæum cap. vii. Unde fit disputatur, ut aliquando sit de Matrimoniis clandestinis ac furtivis, qua contra parentum conscientiam & voluntatem contrahuntur, num iusta sint & valida. Habent hic legem in novo Testamento juxta quam interrogent seipsos, num velint sibi tale quid fieri, nempe filiam suam ab eo sibi fraudulenter & contra animi sententiam subripi, quem nolunt habere generum. Profecto nollent. Quibus verbis aperte significat, civilem potestatem id habere juris, quo contracta sine parentum consensu Matrimonia nulla efficiantur.

x i i i. Philippus Gamachæus in tertiam partem sancti Thomæ cap. xv. de Matrimonio. Addimus, inquit, posse quoque Reges & Principes laicos, simpliciter & absolute loquendo, Christianis sibi subiectis quædam impedimenta Matrimonii facere, prout opus fuerit, ad bonum communis & ad regni tranquillitatem, quia contractus Matrimoni est etiam politicus.

x iv. Andreas Duvallius in lectionibus publicis, quas in Scholis tradidit in iii. partem disputatione postrema de Sacramento Matrimonii, de impedimentis ejusdem cap. iv. & ultimo quaest. i. Utrum Ecclesia possit quædam impedimenta statuere. Concl. i. tertia ratione. Tertia, inquit, probatur ex Imperatoribus, qui circa Matrimonii contractum quædam impedimenta statuerunt, ut patet digestis de ritu nuptiarum, & ad legem Juliam de adulteris. Igitur multo magis id licebit potestati Ecclesiæ,

## 14 REGIA IN MATRIMONIUM POTESTAS.

&c. *Secunda conclusio contra Ruardum Tapperum: Nec objicias Christum nihil immutasse de natura contractus, sed eum reliquisse in statu, in quo antea erat: argui Princeps, seu respublica civilis potestatem habet in contractum naturalem & civilem: ergo poteris impedimenta quadam ad eum irritandum statuere. Respondeo Principes ex se certa quadam impedimenta statuere posse, si non esset illis ab Ecclesia prohibitum. Cum enim ex se potestatem habeant in contractum civilem, consequenter potestatem in eum, quatenus est Sacramentum, habere poterunt. Hanc autem prohibitionem factam fuisse dicit, non probat; sed istud expenditur postea suo loco. Ucut sit, Principes in illius Doctoris opinione fanciendi impedimenta Matrimonium dirimentia potestatem habuerunt & habent, nisi ablata sit.*

xv. *Jacobus Hennequinnus, qui in iisdem Scholis olim magna cum laude Theologiam docuit, cum videatur in hanc quæstionem præ ceteris recentioribus Magistris Parisiensibus incubuisse diligentius, operæpretium erit hoc loco inferere, quæ in illius lectionibus præcipua judicamus de impedimentis Matrimonii.*

*Secunda primæ assertionis pars. Potest publicæ, civilis & secularis potestas impedimenta prohibentia & dirimentia apponere contractui civili Matrimonii, seu Matrimonio. Post multas Scholasticorum auctoritates subdit: Porro accedit, tum quia ex dictis hoc libro passim, maxime XIV. immo communiter ex Theologia Christus Matrimonium instituendo Sacramentum, nihil in illo ut contractui civili immutavit, sed tantum illi ut prærequisito fundamento necessaria imposuit, trunco infernis, principali annexuit, materiali affixit naturam & dignitatem Sacramenti, ita ut Matrimonium contractum civilem reliquerit hujusmodi post, cujusmodi erat ante sui institutionem & elevationem in Sacramentum. At ante sui elevationem subjiciebatur: ergo & post sui elevationem, saltem priusquam de facto habeat sibi impositam naturam & dignitatem Sacramenti, seu revera sit inter baptizatos initum tanquam Sacramentum, subjicitur potestati publicæ seculari prohibendum ac dirimendum, seu impediendum ne licite & valide ineatur. Tum quia propter omnimodam humanæ superioritatis, jurisdictionis, inferioritatis, subjectionis Ecclesiasticæ spiritalis, & secularis corporalis*

REGIA IN MATRIMONIUM POTESTAS. 15

diversitatem ac distinctionem Matth. XXI. versu XXI. Rom. XIII. versu I. ad VIII. primæ Petri II. versu XIII. ad XVIII. & alibi sapius in Scripturis inculcatam, possunt Principes laici independentem ab auctoritate & approbatione Principum Ecclesiasticorum pro varietate locorum, temporum, personarum in suo, seu reipublica secularis regimine seculari connaturaliter & relative ad suum finem & scopum proprium ac distinctum, videlicet secularem, ferre leges civiles, id est, ad pacem & tranquillitatem ac bonum reipublicæ pertinentes: quibus ut alios contractus civiles, isæ Matrimonium cont actum civilem (cum utrinque par sit ratio, & utrinque communis utilitas secularis postulare queat) suorum subditorum im baptizatorum & baptizatorum, quatenus totius corporis & status civilis, membrorum, partium, civium prohibeant & dirimant; alioqui carerent potestate sufficiente, qua bono sue reipublicæ civilis, & suorum subditorum communi & constanti proficerent & consulerent. Nec obstat, quod Matrimonium baptizatorum sit Sacramentum, cum etiam sit essentialiter contractus civilis, quæ parte & ratione est directæ & immediate fori ac tribunalis politici, ut iusta ex causa vetetur & irritetur, ac si non esset Sacramentum, reddendo personas inhabiles ad contrahendum, ideoque illegitimum & invalidum contractum; cum tamen Matrimonium Sacramentum presupponat, & prærequirat Matrimonium contractum civilem legitimum ac validum, tanquam suum fundamentum, truncum, principale, materiale, intrinsicum. Et certe cum ex omnium consensu Principes politici Matrimonium baptizatorum Sacramentum, quatenus contractum civilem, possint impedire, ne contrahatur licite, seu sub pœna tam corporali, exempli causa, mortis, quam spiritali, exempli causa, peccati, proindeque privationis gratiæ Matrimonio Sacramento propriæ, adhibendo impedimenta prohibentia etiam poterunt impedire, ne contrahatur valide sub pœna nullitatis, adhibendo impedimenta dirimentia: cum tam prohibitio, quam direptio Matrimonii baptizatorum Sacramenti, in suo ordine: saltem mediate & indirecte Matrimonium Sacramentum respiciat & attingat. Hæc ille, cuius ut & aliorum Parisiensium doctrinam secutus, has duas assertions publice in Facultate Theologiæ defendi, dum Actum Minoris Ordinariæ, ut vocamus, in Scholis nostræ Regiæ Navarrae



## 16 REGIA IN MATRIMONIUM POTESTAS.

celebravi anno MDCXXXIII. XXI. Junii. *Qui absolutam habent condendi leges potestatem, possunt spectata natura rei inducere impedimenta Matrimonii. At Reges & Principes talem habere potestatem quis negaret?*

Deinde hæc alia: *Princeps iusta de causa potest suorum subditorum Matrimonia impedire, vel ad ea obligare.* Iterum alius in iisdem Scholis hanc propositionem in Actu Majoris Ordinarie sustinuit anno MDCXXXIX. mense Januario: *Licet Principi iusta de causa suorum subditorum Matrimonia impedire, vel ad ea obligare propter bonum publicum, utilitatemque Imperii quod regit: quod nulla ratione ledit Matrimonium, et Sacramentum est.* Ista, ni fallor, omnia sufficiunt, ut quænam sit hæc in parte Parisiensium Theologorum sententia, judicetur.

## CAPUT II.

*Burdigalensium Theologorum de proposito themate judicium recensetur.*

UNUS instar omnium erit Joannes Baptista Gonetus ex Ordine Prædicatorum Theologus, de Sacramento Matrimonii disp. VII. de impedimentis Matrimonium dirimentibus art. vnico.

*Dico 1. in Ecclesia esse potestatem constituendi impedimenta Matrimonium dirimentia. Probatur auctoritate Tridentini Concilii. Et paullo post: Ratio suffragatur. Cum pax & tranquillitas reipublica magna ex parte ex bene iniis connubiis pendeat, & contra ex male copularis conjugibus magna in ea turbatio oriri soleat: in omni republica bene ordinata necessaria est potestas ad providendum abusus, qui in Matrimoniis possunt contingere, & statumendi Matrimonio impedimenta, quibus stantibus valida contrahi nequeat. Ergo talis potestas non debet denegari Ecclesia, quæ est reipublica bene ordinata, ne deterius conditionis sit, quam reliquæ saculares, quæ hanc potestatem habent, ut ex variis earum legibus de ritu nuptiarum constat. Hic notandum est obiter rationem*



tionem, qua Gonetus utitur, ex iis quæ reipublicæ civili propria sunt, non ex iis, quæ Ecclesiasticæ, procedere. Tum si quid pro Ecclesiastica reipublica probaret, nimis probaret, quia jus mactandi violatores sepulcrorum ultimo supplicio inesse Ecclesiæ debere, probaret, ne deterioris conditionis sit quam reliquæ reipublicæ civiles. Pergendum est.

*Dico II. Principes fideles potestatem habent statuendi suis subditis fidelibus impedimenta Matrimonium dirimentia. Ita sanctus Thomas in quartum questione unica art. 1. ad quantum, ubi sic ait: Matrimonium, & cetera. quibus relatis, ut ea supra relata sunt, subjicit: Matrimonium enim non solum est Sacramentum in bonum Ecclesiæ, & fidelium sanctificationem ordinatum, sed etiam contractus civilis in bonum politicum, & in officium communis: sed contractus civiles juri civili & Principum secularium legibus subjiciuntur. Ergo & Matrimonium, subindeque Principes fideles potestatem habent statuendi suis subditis fidelibus impedimenta Matrimonium dirimentia: nec talem potestatem ab eis abstulit Christus, cum Matrimonium ad dignitatem Sacramenti exexit; sed potius eam præsupposuit, non minus quam præsupposuit contractum valide initum, ut materiam hujus Sacramenti. Hæc ille in libro, quem cum Butdigalensis Academiæ Cancellarius, & plures illius Theologi comprobaverunt, suum comprobando fecerunt.*

## CAPUT III.

*Remensium & Mussipontanorum Theologorum de proposito themate judicia recensentur.*

**E**X Remensibus vnum dabimus, sed qui propter summam eruditionem multorum instar esse potest. Is est Gentianus Hetvetus oratione de clandestinis conjugiiis tota, quam sic nervose concludit: *Quod si clandestina Matrimonia vestra sententia ita comprobetis, (Tridentini Patres) ut parentum non esse requirendum consensum statuatis, & eum qui contradixe-*

*rit, vestra sententia anathemate notetur: videte, videte, inquam, & diligenter considerate, quanta audacia filios aliqui satis hodie insolentes in parentes armetur. quos ergo nunc mihi videor audire unumquemque suo patri ita dicentes: Ego te vel invito, pater, cum quo volo Matrimonium inibo: & si tu contradixeris, ego te non solum ut excommunicatum, sed etiam ut anathemate notatum vitabo. Miseri autem parentes hoc unum solatii habebunt, quod si sint anathemate notati, Evaristum, Leonem, Basilium, Tertullianum, Ambrosium, viros longe sanctissimos, eodem anathemate secum comprehendendi videbunt: qui omnes aperte dixerunt, in contrahendo Matrimonio parentum omnino requiri consensum. Quorsum vero sic parentum consensus requiritur, nisi quia & naturalis ratio & civiles leges id expostulant?*

Gentiano præluxisse videtur Hincmarus Remensis Archiepiscopus, in opusculo seu in epistola, quam de nuptiis Stephani & filia Regimundi Comitis scripsit ad Rodulfum Bituricensensem & Frotarium Burdigalensem Archiepiscopos, num. 11. *Et quoniam qualiter debeat iniri conjugium, & vetus & nova lex edocet, Domino per Moysen precipiente, & Evangelio demonstrante: Cum esset, inquit, desponsata mater JESU Maria Ioseph, antequam convenirent, id est, antequam nuptiali celebratione convenirent; sicut in nuptiis celebratis idem ostendit, quas sua presentia sanctificare, & miraculo ibidem patrato inlustrare dignatus est. Sed & sanctus Evaristus quartus a beato Petro Romane Sedis Episcopus, & sanctus Siricius, & beatus Leo, atque ceteri quique Doctores ostendunt. que omnia hic ponere propter pluralitatem & longitudinem devitamus. Tantum dicere necessarium duximus, quia inter ingenuos & inter aequales legitima sunt conjugia, cum a parentibus, quorum interest, petita & legaliter desponsata & dotata & publicis nuptiis honorata femina conjugii copula sociatur, & ex duobus unum corpus unaque caro efficitur, sicut scriptum est: Erant duo in carne una, jam non duo, sed una sunt caro. &: Quod Deus conjunxit, homo non separet. De qua conjunctione Magnus Leo Papa ad Narbonensem scribit Episcopum: Non omnis, inquit, mulier juncta viro uxor est viri, quia nec omnis filius heres est patris. Nuptiarum autem fœdera inter ingenuos sunt libera, & inter aequales. Et paulo post: Unde cum societas nuptia-*

rum ita ab initio constituta sit, ut præter sexuum conjunctionem haberet in se Christi & Ecclesiæ Sacramentum, dubium non est, eam mulierem non pertinere ad Matrimonium, in quo docetur nuptiale non fuisse mysterium. Et nos e regione hinc etiam ostendere possumus, quia non omnes nuptia conjugalem copulam faciunt, quas non sequitur commixtio sexuum: sicut nec semper illius est filius omnis & heres, cuius esse noscitur heres. Nec habent nuptiæ in se Christi & Ecclesiæ Sacramentum, sicut beatus Augustinus dicit, si se nuptialiter non utuntur, id est, si eas non subsequitur commixtio sexuum. Nec pertinere poterit illa mulier ad Matrimonium, cum qua docetur nuptiale non fuisse mysterium. quod ita esse præfatus Leo demonstrat, dicens: Unde cum societas nuptiarum ita ab initio constituta sit, ut præter sexuum conjunctionem haberet in se Christi & Ecclesiæ Sacramentum. Et item idem: Igitur, inquit, qui filiam suam viro habenti concubinam in Matrimonium dedit, non ita accipiendum est, quasi eam conjugato dederit: nisi forte illa mulier & ingenua facta, & legitime dotata, & publicis nuptiis honestata videatur. Paterno arbitrio viris juncta caret culpa, si mulieres, quæ a viris habebantur, in Matrimonio non fuerunt. Quibus sententiis evidenter ostendit, quia tunc est vera legitimi conjugii copula, quando inter ingenuos & æquales fit, & paterno arbitrio viro mulier juncta legitime dotata, & publicis nuptiis honestata, sexuum commixtione jungitur: & tunc habent nuptiæ in se Christi & Ecclesiæ Sacramentum; & tunc pertinere noscitur mulier illa ad Matrimonium, in qua & sexuum commixtio, & nuptiale docetur fuisse mysterium. Hic duo sunt; prius vnum, alterum posterius. In priori conjugii ratio tota consistit, quæ, ut apparet, ad legum civilium dispositionem pertinet. In posteriori, ratio Sacramenti, quæ conjugio succrescit, & succrescendo non efficit, ut conjugium legum civilium dispositioni subducatur.

Ex Mussipontanis vnum quoque dabimus, qui Academiæ sensum exponet. Is est Nicolaus Baionensis cap. ix. de Matrimonio lectione ix. num. li. *Potestne Ecclesia sua lege impedimenta Matrimonii constituere? Respondeo posse: & ratio est, quia Matrimonium præterquam quod est Sacramentum, est etiam contractus civilis. At Ecclesia leges statuere potest in iis, quæ*

*spectant ad huiusmodi contractum: ergo etiam in iis, quæ spectant ad Matrimonium. Unde Ecclesia Christianis Principibus hanc potestatem circa Matrimonia fidelium eripuit occasione Sacramenti. Sic in Christianis Principibus agnoscit faciendorum Matrimonii impedimentorum jus, quod ipsis Ecclesia eripuerit. An eripuerit, vel potuerit eripere, videbitur inferius.*

Hic auctor postea indicat, Principum potestatem directam esse, sed Ecclesiæ indirectam, ubi ait, jus faciendi impedimenta Matrimonium dirimentia, ad Papam & Concilium generale pertinere. *Hoc, inquit, solum pertinet ad Papam & Concilium generale, quia dum hoc fit, videtur Ecclesia potestate indirecta, quam habet circa res temporales. Hoc discutietur postea: interim quod quaeritur habemus, jus in Matrimonium Principibus assertum.*

---

## CAPUT IV.

*Lovanienſium Theologorum de proposito themate iudicia  
recenſentur.*

I. **F**AMILIAM ducet Hadrianus VI. qui ex Theologo & Cancellario Lovanienſi ad ſupremum tandem Eccleſiaſticae dignitatis apicem conſcendit. Ille igitur de Sacramento Matrimonii reſpondens ad illud argumentum, quo probatur non eſſe Sacramentum, quia mutationi foret obnoxium, hæc tradit in rem noſtram. *Non eſt, inquit, abſurdum per acciſſum mutari poſſe. Sicut ſtatutum poſſe facere, quod non valet alienatio facta per hominem de rebus ſuis, ut puta ab homine interdicto bonis quia prodigus, vel etiam a furioſo, vel minorennem quindæcim annis; ita poſſe facere, quod non valet alienatio de ſeipſo. Nam ſicut ſervus non poſſeſt dare id quod habet, nec ſeipſum dare vel vendere ſine domini voluntate; ſic homo, qui eſt membrum communis, contra juſtam ordinationem rectorum univerſitatis non poſſeſt ſe dare in vaſallum vel ſervum, nec per conſequens in maritum. Quibus verbis nihil eſt clarius.*

II. Adriani diſcipulus Albertus Pighius controverſia XV. in fine: *Cum contractum quodam, inquit, celebratur Matrimo-*

# REGIA IN MATRIMONIUM POTESTAS. 21

nium, ille non solum Ecclesiasticis, sed etiam civilibus & politicis interdictis subiacet; atque adeo subiacet, ut etiam civilibus legibus & publica consuetudine inter ethnicos quoque irritari interdicique possint quædam Matrimonia, & fieri non solum posse illicita, sed etiam invalida, & cetera, quæ alibi referentur. Potuit validius? potuit apertius?

III. Ruardus Tapperus Lovaniensium Theologorum Decaput art. II. Lovaniensi editionis Colonienfis anni MDLXXXVII. Quibus præmissis articulum nostrum probamus hac ratione: Contractus reliqui quicunque sunt contra leges ipsos dirimentes, sunt irriti, inanes & nulli. Igitur neque contractus matrimonialis erit validus, si inius contra dispositionem legis ipsum dirimentis. Antecedens patet de contractibus factis contra dispositionem legis siue Ecclesiastica, siue civilis. Et paullo post: Competit autem potestas condendi huiusmodi leges Magistratui seculari & Ecclesiastico ex iure divino. Ex quo enim præfetti sunt populo ad regimen, (sicut Ecclesiasticos Praesides præficit Dominus, & præficiendos seculares tam ipse, quam naturale rationis dictamen demonstrant) statim consequitur esse per media convenientia perducere ad populum, propter quem consequendum coadiuvantur. Illud autem cum nequeat fieri, nisi adhibeantur variae leges, statuta, &c. mox evidens fit, his oportere Magistratum uti in regendo populo sibi commisso, prout viderit congruere fini, quem spectare alicuius, siue is sit naturalis tantum civilis & politicus, veluti est pax & concordia inter cives, & utilitas temporalis reipublicæ; siue spiritalis, qui est, ut populus contineatur in timore, amore, & vero Dei cultu, quorum hunc spectat Magistratus Ecclesiasticus; illum autem seculares, in quantum huiusmodi. Ex quibus liquet hos Magistratus habere potestatem disponendi, atque adeo leges condendi, quas observent sibi subditi in contractibus suis, cum ex his potissimum pendeat concordia communis. Et post alia: Quod si addas contractus istos matrimoniales in Christiano populo, non naturales tantum esse, sed de genere supernaturalium, tum propter rationem Sacramenti accedentem contractibus, tum propter finem propter quem ineatur, videlicet ut fiat multiplicatio populi Dei, perspicue videbis ad Magistratum Ecclesiasticum spectare leges, & canones condere, quibus ita ordinentur Matrimonia in populo, ut suo fini

C ij



## 22 REGIA IN MATRIMONIUM POTESTAS.

*congruant. Ad Magistratum vero secularem videatur dumtaxat spectare ea quæ concernunt finem naturalem, cui serviunt Matrimonii. Rem Auctor perspicue decidit.*

I V. Jacobus Latomus in tractatu de substantia Matrimonii & Sacramentum, ait, Matrimonii presupponit contractum, quo invicem potestas conceditur in mutua corpora. Hinc fit, ut quidquid contractum impedit, consequenter & Sacramentum impediat: sublato enim priori posterius auferri necesse est. Neque istud est huic Sacramento peculiare, quia etiam aliis Sacramentis convenit, ut verbi gratia, qui facit ne corpus aqua tingatur, facit ne homo baptizetur; & in Eucharistia, si quis impediatur ne Sacerdos habeat panem & vinum; & in Pœnitentia, si quis impediatur ne Sacerdoti peccator subiciatur, impeditur Eucharistia vel Pœnitentiæ Sacramentum. Non autem refert, quibus de causis accedat impedimentum. Nam ex aquo impeditur matrimonialis donatio & potestas in corpora, siue ex penuria mutui legitimique consensus, siue ex natura rei proveniat, vel in pueris, ebriis, furentibus, vel fatuis, qui naturaliter consentire non possunt, siue ex lege divina, ut inter parentes & liberos, siue ex ordinatione humana, ut inter consobrinos, de quibus circa tempora Augustini lata fuit lex, ut ipse refert xv. de Civit. cap. xvi. Et post relatum beati Augustini locum subdit. Ratio prædictorum est, quia natura donationis & accipientis consensum requirit & rei donatæ facultatem. Id quod non est in pueris, ebriis, aut furentibus, aut morionibus per naturam. Inter parentes autem & liberos, aut inter fratres & sorores, ubi ejusmodi donatio rata non est, impediuntur lege divina. In ceteris, ubi donatio & contractus est invalidus, illis impedimentum præstat humana ordinatio. Latomus hic tria legum agnoscit genera, quibus, ne validum fiat Matrimonium, impeditur, naturalem, divinam & humanam, cujus nomine civilem intelligit, ut docet relatum ex Augustino testimonium, quod alibi referetur commodius, dum de consanguinitatis impedimento agitur.

V. Franciscus Sonnius Episcopus Antuerpiensis, in tractatu VII. de Sacramentis, cap. ix. In Matrimonio concurrunt tria, contractus politicus, institutum divinum, & Sacramentum. Quæcumque ergo excludunt & irritum faciunt valorem contractus, eadem

porro excludunt & irritum faciunt Matrimonium. At contractus politicus ad Principes politicos spectat.

v l. Guillelmus Mercerus ab Atho in tertiam partem sancti Thomæ quæst. l. de impedimentis Matrimonii: *Quæritur*, inquit, *secundo an Princeps secularis possit illa constituere. Respondetur distinguendo. Nam Princeps infidelis potest suis subditis tam infidelibus quam fidelibus constituere hujusmodi impedimenta, quia ejus est curare ea, quæ pertinent ad tranquillitatem reipublicæ, ad quam magni interest, quibus legibus Matrimonia contrahantur. Confirmatur, quia Ecclesia non potest ejusmodi impedimenta statuere, nisi quatenus Matrimonium est contractus civilis: ergo ubi Princeps non est Ecclesia subiectus, ad ipsum pertinet de illis curare, cum hic contractus subsit dispositioni juris civilis, & circa ea quæ civilia sunt, directe & per se potestatem habeat Princeps secularis; Pontifex autem nonnisi indirecte, quatenus scilicet id necessarium est ad finem spirituales.*

*Sic quoque Princeps fidelis, habens subditos infideles, potest pro eorum conjugis statuere impedimenta dirimentia, quia hæc conjugia sunt contractus mere civiles, & Ecclesia non habet jurisdictionem in subditos infideles, & non abstulit Principi potestatem statuendi de suorum subditorum infidelium conjugis. At Princeps fidelis non potest ea constituere circa Matrimonia suorum subditorum fidelium, eo quod potestas Ecclesiastica causas fidelium matrimoniales sue cognitioni reservavit, licet aliqui spectata natura potestatis secularis præveniando Ecclesiæ dispositionem id posset, eo quod etsi Matrimonium fidelium sit Sacramentum, non tamen definit esse contractus civilis. Hæc ille de jure Principum ex se considerato: hujus reservatio ab Ecclesiâ facta pertinet ad facti quæstionem, quæ suo postea discutietur loco. Sic Lovanienſes Theologi Regum potestatem in faciendis impedimentis Matrimonium dirimentibus agnoverunt, & rationibus comprobaverunt.*





## CAPUT V.

*Duacensium Theologorum de themate proposito judicia  
recensentur.*

**I**NSTITUTA recens Academia plures suppeditare Theologos non potest; eos tamen suppeditat, qui & assertioni cumulatissime satisfaciunt, & reliquorum Academicorum sensum exhibebunt.

I. Primus est Matthæus Galenus Duacensis Cancellarius catechesi cccx. *Huc, inquit, adde sanctissimos quosque Theologos non arbitrari tantum penes Ecclesiam jus esse personas ineptas (ad conjugium) discernendi; verumetiam Regibus Imperatoribusque potestatem ducendarum cognatarum faciendi, quoties id rerum publicarum utilitas tranquilliusque postularis. Insanos, opinor, eos Doctores intelligeret, qui quod a sanctissimis Theologis assertum est, negarent; nempe jus non esse penes Reges impedimenta dirimentia sanciendo, & in iis pro utilitate rerum publicarum dispensandi.*

II. Guillelmus Estius Duacensis quoque Cancellarius in IV. dist. xxxiv. §. 1. *Quod adeo, inquit, negandum non est, Ecclesiam posse, (statuere impedimenta dirimentia) cum potuerint etiam Principes infideles circa suorum subditorum Matrimonia; atque etiam possint fideles Principes seculares, quatenus ab Ecclesia permitterentur, ut fatetur Dominicus Soto, & ratio suadet. Quod autem de Ecclesie permissione addit, id vel ex eo factum est, quod statuendi impedimenta jus ab Ecclesia Principibus ablatum esse forte supponat: qua de re suo loco disputabitur. Satis est, hunc Doctorem in Principibus jus illud agnovisse, & id ratione suaderi.*

III. Matthæus Kellisonus quaest. I. de impedimentis Matrimonii, art. unico, dubio unico. *Probatur secundo, quia cum Matrimonium sit contractus civilis, licet in nova lege inter baptizatos sit etiam Sacramentum, possunt per se Principes non solum*  
*fideles,*



*fideles, verumetiam infideles in suis regnis constituere impedimenta Matrimonii: ergo etiam Ecclesia. Probatur antecedens ex divo Thoma lib. IV. contra Gentes cap. LXXVIII. & ex communi Doctorum opinione. Et paullo post: Probatur ratione, quia cum Matrimonium adhuc sit contractus civilis, (licet etiam Sacramentum sit ex institutione Christi, & multum concernat rempublicam, Matrimonia recte contrahi) potest Princeps impedimenta ponere huius, sicut & aliorum contractuum; ita ut non solum peccent contrahentes, verumetiam & irritus sit Matrimonii contractus, nisi fiat cum talibus & talibus conditionibus, tali vel tali solennitate, vel numero testium, tali gradu affinitatis.*

IV. His Duacensibus Theologis adjungendus videtur Eligius Bassius Capucinus Gallobelgicus, in Floribus Theologiae Moralis, Matrimonium VII. num. 1. *Dupliciter potest Ecclesia contractus irritare, primo mediate reddendo personas inhábiles ad contrahendum Matrimonium; secundo immediate irritando contractum Matrimonii: qua ratione potest etiam irritare Matrimonia infidelium, modo illa irritet, non tanquam Princeps Ecclesiasticus, quia non habet potestatem supra infideles, sed tanquam Princeps secularis erga subditos. Et paullo post num. III. Secundum probabiliorém & veriorém sententiam, Princeps secularis ex genere & natura suae potestatis posset impedimenta dirimentia fidelibus sibi subditis ex iusta causa suis legibus indicare, nisi summus Pontifex hanc sibi potestatem reservasset, quia juxta divum Thomam in IV. dist. XXIV. art. 1. ad IV. Matrimonium in quantum contractus civilis est in officium communis institutum, subiacet legis civilis ordinationi. Sic explicata Duacensium Theologorum mente, ad alios transeundum est. De reservatione alibi tractabitur.*



## CAPUT VI.

*Salmanticensium & Complutensium Theologorum de proposito themate judicia recensentur.*

1. **E**X iis Theologis, quos recensebimus, plures Concilio Tridentino interfuere. Ac imprimis Petrus Sotus lectione IV. de Matrimonio: *Possunt etiam positiva jura illegitimos aliquos reddere. Non omne itaque impedimentum inhabiles aliquos reddens est juris divini; nec tamen est juri divino contrarium. Sicut in ceteris omnibus quedam non prohibuit jus divinum, sed gubernandi auctoritatem tradens Prelatis potestatem dedit ea prohibendi, cum id ratio expedire judicaverit saluti animarum, & divinæ gloriæ convenire: ita & in Matrimonio potestatem iis reliquit, quos gubernandis populis præfecit. & hæc est communior ratio omnium prohibitionum juris positivi. Est enim in Matrimonio specialis ratio. Cum igitur sit contractus & officium naturæ necessarium reipublicæ gubernandæ ac propagandæ, atque Ecclesiæ, etiam ipsi bonoque religionis Catholicæ merito, gubernantium in Ecclesiæ vel republica est, si quid videretur expedire, ut officium hoc Matrimonii recte agatur ad conservationem religionis Christianæ, id statuere. Unde beatus Thomas supradicta intrepide asserit, jura ipsa civilia & Imperatoris leges illegitimos aliquos reddere ad contrahendum: ita videlicet, ut nullum sit Matrimonium, neque negans hoc alii, quanquam non ita aperte asserant. Et certe hoc est solidissime fundatum in illo verbo Evangelii: Quod Deus conjunxit, homo non separet. Deus enim per causas naturales & ordinatas humanos contractus perficit, id est, auctoritate legum, sicut naturales res per causas naturales. Non itaque Deus conjunctis quod contra justas leges humanas conjungitur. Hoc dicimus, quoniam Iuristis multis visum est, non esse potestatis secularium legum Matrimonium nullum reddere, sed tantum Ecclesiasticum. Et certe Iurista nulla auctoritate juris divini aut canonici hoc probant, nec etiam ulla efficaci ratione: nec advertunt nihil per hoc*

derogari auctoritati Ecclesiastica, sed potius conducere Ecclesie paci. Si enim jus divinum ipsum permittit prohiberi ab Ecclesia, quod ipsum non prohibet: quare non permittet seculari potestati prohibere circa Matrimonium quod ipsa non prohibet. Fatemur igitur leges civiles non posse licitum Matrimonium facere, quod Ecclesiastica illicitum reddunt: sic nec Ecclesiasticas leges approbare, quod divinum jus reprobatur: hoc enim esset, inferiorem superiori contradicere. Verum quod Ecclesiastica leges non prohibent, cur seculares prohibere non poterunt, sicut quod non prohibet jus divinum, prohibent leges Ecclesiastica? Nec debent Prælati Ecclesie gravate suscipere, si quid temporali paci viderint necesse, si seculares Principes statuant. Nec est cur illis se opponant, sed permittant potius Matrimonium legibus humanis ordinandum, cum officium humanum sit: & addant postea ipsi, si videbitur, quod ad bonum religionis pertinet: quamquam civiles leges in his omnibus ex pietate certe & voluntate Principum facile cesserint Ecclesie, & jam nullum censetur Matrimonium illegitimum, quod Ecclesiastica non iudicat. Sed ista sane non aliis quam obijcientibus nocent. Jus Principum non potuit distinctius explicari.

II. Dominicus Sotus, qui & Tridentino Concilio interfuit, in IV. dist. XXXIX. quaest. unica art. I. ad III. Tertio cum probabilitate possumus asserere, quod quacunque respublica etiam infidelium potest leges condere Matrimonia irritantes, si sua reipublica expedierit. Et post pauca: In hac parte infideles non sunt fidelibus inferiores, cum fideles Principes nostri, ut sequenti dist. dicemus, possunt huiusmodi leges ferre, nisi ab Ecclesia cohibeantur. Et dist. sequenti art. V. Respublica, inquit, civilis & Principis potestas in pacem & prosperum reipublicæ statum instituta est. Huiusmodi autem pax & tranquilla felicitas plurimum ex nuptiis contrahendis pendet, imo plusquam ex aliis civilibus contractibus: ergo potest legibus huiusmodi Matrimonia definire & dirigere.

Secundo quia rationes illæ, ob quas gradus cognationis prohibentur, lumine naturali innotescunt, nempe quia sordiditatem habent, & quia cum consanguinei in eadem habitant domo, in periculo incestuum versarentur: quos quidem incestus Principi incumbit sua reipublica cavere.

## 28 REGIA IN MATRIMONIUM POTESTAS.

*Item Principi etiam incumbit amicitias in sua republica propagare, quod per Matrimonia diversi sanguinis contracta fieri solet: ergo de hujusmodi conjugii leges potest condere. Nec obstat cavillus, quod cum Matrimonium jam sit Sacramentum, non potest Princeps materiam ejus & subiectum mutare, hoc est, prohibere, ut si cognati contraherent, Matrimonium non teneret. Non, inquam, hoc obstat, quoniam institutio Sacramenti non abstulit, quominus Matrimonium sit civilis contractus: & quia ratione civilis contractus est, a potestate civili non eximitur. & saepe Matrimonia inter consanguineos in perniciem rei publicae vergerent. Unde divus Thomas in dist. XXI. quæst. II. art. 1. ait quod Matrimonium, quatenus ad civiles utilitates, quali est amicitia & mutuum obsequium, institutionem habet a lege civili. Et dist. XXX. art. IV. ad IV. ait, quod in quantum est in officium communitatis, statuitur jure civili. His demum accedit, quod jure civili adoptiones filiorum instituuntur & approbantur, ex quibus legale vinculum contrahitur Matrimonium impediens, ut §. 1. Instituta de nuptiis. Quod autem subijcit, ad Ecclesiam pertinere de Sacramentis, ac proinde de personis ad contrahendum Matrimonium legitimis vel illegitimis censere, cavillus est. Nam Ecclesia seu Sacerdotes de Matrimonio quatenus Sacramentum est, censent, & respublica civilis seu Principes de Matrimonio quatenus contractus civilis est, censent, & quænam sint personæ ad contrahendum Matrimonium habiles vel inhabiles, decernent: atque ita non erunt in eodem, sed in diverso genere capita duo. Et sane mirum est, virum doctum & summum dialecticum non pervidisse illud quod putabat absurdum, absurda complexione penitus carere.*

III. Michael de Palatio in IV. dist. XIX. Matrimonium, ait, contractus civilis est, & inter infideles verum est Matrimonium, & Principes infidelium possunt illegitimare personas, ut de facto illegitimant, ad hujusmodi contractum, sicut & ad alios. At eadem est ratio de Principibus fidelium.

Idem dist. XXVIII. disp. III. Sicut Ecclesia, quia Matrimonium est Sacramentum, illegitimant personas ad Matrimonia incedenda: ita Principes infidelium si advertant mala suboriri ex clandestino, quæ aliter curari nequeunt, nisi inhabilitando, ad clan-

## REGIA IN MATRIMONIUM POTESTAS. 29

*destina possent idem facere. At cum Principes infidelium id faciant qua Principes sunt, idem Principibus fidelium ex se convenire potest.*

Idem dist. XXXIV. sub finem disput. I. *De impedimentis istis, quæ obstant Matrimonio contrahendo, & solvunt contractum, quæ enumerantur quindecim, consule, si juvas, leges Regni, habes lib. XVI. tit. II. part. IV. & lib. X. & in margine habetur: Quindecim impedimenta Matrimonii, secundum leges Regni. Quid sibi vult, secundum leges Regni, nisi quod Regnum Hispaniæ jus habeat augendi vel minuendi ea impedimenta, quæ Matrimonium dirimunt?*

IV. Josephus Angles in Floribus quæst. de impedimento consanguinitatis art. III. *Potestas civilis potest aliquos inhabilitare, quominus contrahant: & de facto si contrahatur, Matrimonium erit nullum. Hæc ille in eo libro, qui a Complutensibus Academicæ Doctoribus comprobatus est.*

V. Petrus Ledesma additionibus ad tertiam partem quæst. I. art. I. *Quamvis potestas constituendi impedimenta etiam dirimentia convenias etiam potestati civili, juxte tamen illam usurpavit potestas Ecclesiastica. Prima pars hujus conclusionis est communis inter Doctores. Ratio est, quia Matrimonium ex natura sua ordinatur ad bonum civile & commune.*

Deinde in Theologia Morali cap. XI. de impedimentis Matrimonii: *Prima conclusio. Quamvis potestas constituens impedimenta etiam dirimentia convenias etiam potestati civili, juxte tamen illam usurpavit potestas Ecclesiastica. Prima pars hujus conclusionis est communis inter Doctores, & probatur: quia Matrimonium ex sua natura ordinatur ad bonum civile & politicum; ergo potestas civilis potest constituere impedimenta, quando & quantum fuerit necessarium ad bonum naturale ejusdem Matrimonii. Conclusio pars secunda probatur: quia potestas Ecclesiastica est altioris ordinis, quam civilis. nam respicit ordinem magis elevatum & sublimem, scilicet supernaturalem; sed maxime expedit ad hunc finem supernaturalem, quod Ecclesia habeat hanc potestatem, maxime cum Matrimonium habeat rationem supernaturalem Sacramenti: ergo juxte & sancte potest illud facere. Hic primum notanda est partis primæ probatio, quæ in duobus consistit.*

rum est communis Doctorum consensus; alteram vero efficax ratio, quæ rem secundum Principes decernit. Tum notanda est partis secundæ probatio, in qua & communis Doctorum consensus & efficax ratio desiderantur. Quinetiam propositio, quæ probanda suscipitur, nonnihil potestati Ecclesiasticæ invidiosum & odiosum obijcit: nempe potestatem Ecclesiasticam, jus quod Principibus convenire duplici modo probavit, juste usurpassc. Deinde quid sibi vult, juste & sancte usurpassc, quasi justa & sancta esset juris alieni usurpatio? & vere Theologica ratio suppeteret, qua usurpatio hæc confirmaretur. Argumentum fallax est, formaque & figura carens, quod sponte sua dissilit. Præterea non potest tempus assignari, quo potestas Ecclesiastica jus illud Principibus assertum usurpare cœpit; sed utrum usurpare potuerit, suo postea loco disputabitur.

VI. Petrus Cornejo tom. II. in III. part. tract. II. disp. VII. dubio III. de impedimentis Matrimonii, conclusione prima: *Princeps secularis sive Christianus, sive gentilis, ex natura sua potestatis habet posse hujusmodi impedimenta apponere, quia omnes contractus civiles & humani in bonum reipublice ordinati debent subjacere potestati civili Principis, ut eo ipso quo incipiant esse nocivi communitati, irritentur, & sub forma & circumstantiis, qua magis bono communi expediant, disponantur. Sed Matrimonium est contractus humanus & civilis: ergo cum maxima boni communis pars constet ex contractibus, ut patet, debent cadere sub regia potestate. Confirmatur, quia de facto plures leges extant jure civili, quibus aliqua Matrimonia prohibentur, ut patet in lege Semper, lege Palam, l. finali, s. de ritu nuptiarum. Confirmatur secundo, quia potestas civilis Regis aut reipublice potest irritare, & de facto irritat plures contractus civiles, reddendo personas inhabiles ad eos celebrandos, ut patet in contractibus minorum sine licentia tutoris, & in contractibus uxoris sine licentia viri. Ergo similiter potest irritum facere contractum Matrimonii, sine hac vel illa solennitate. Et post alia: Ad secundum fundamentum respondeo, Matrimonium in quantum Sacramentum non cadere directe sub potestate civili seculari, sicut neque sub Ecclesiastica Pontificis cadere tamen sub utraque, ut contractus humanus, & hac ratione posse optime Principem sacularem & Ecclesiam illud*

*irritare, nisi sub certis conditionibus sibi placitis fiat, æque bene ac si talis contractus Sacramentum non esset. Constat autem, quod deficiente valida ratione, contractus non potest fundare rationem Sacramenti. Hæc ille de jure Principum secularium.*

VII. Petrus de Orchagavia tractatu III. de Matrimonio quæst. XXXVII. conclusione I. *Princeps secularis ex vi & natura sue potestatis secularis bene potest suis subditis fidelibus impedimenta dirimentia Matrimonium statuere.*

VIII. Antonius Fernandes de Moure tertia parte Examinis Theologiæ Moralis cap. XVI. Interrogatio. *Potestne Princeps secularis aut respublica statuere impedimenta dirimentia Matrimonium? Responsio. Respublica civilis infidelium, qui Ecclesia non subjacent, itemque respublica civilis Christiana, si sua ordinationi relinquantur, potest valida impedimenta apponere naturali ac civili contractui. Et post alia: De facto vero ita statutum est lege Sororis, §. Si quis, lege Semper, §. Si Senatorium, lege fin. §. de ritu nuptiarum.*

IX. Henricus Villalobos in summa Theologiæ vernacule scripta de Sacramento Matrimonii tractatu IV. difficultate prima, tertia conclusione, his verbis, quæ Latine reddimus: *Spēctata Principum potestate in se suæque natura dubium nullum est, quin ad sancienda impedimenta Matrimonii dirimentia extendatur. Commune pronuntiatur est Doctorum id ex eo probantium, quod aliis contractibus eadem impedimenta possit ab iis Principibus apponi.*

His Doctoribus addo Ludovicum Caspensem Cæsaraugustanum Ordinis Capucinatorum, tract. XXVI. de Matrimonio disp. IX. sect. I. ubi sic habetur conclusione prima: *Omnis Princeps & Magistratus secularis potens subditis suis condere leges, potest & Matrimonii impedimenta sancire respectu Matrimonii, quod non est Sacramentum, siue Princeps sit infidelis, siue fidelis. Ita communiter omnes Doctores. Et probatur: quia Principibus & Regibus data est a Deo potestas condendi leges pro subditis ad eorum rectam gubernationem in bonum reipublicæ sed quandoque expedit ad bonum reipublicæ & communis civitatis impedimenta dirimentia inducere: ergo valent legitime statuere ea Matrimonii impedimenta. Et confirmatur, quia eodem titulo ac jure*



## 32 REGIA IN MATRIMONIUM POTESTAS:

possunt alios contractus civiles irritare, has vel illas personas ad eos inhabiles reddere, apposisis impedimentis eosdem contractus dirimentibus: ergo pari ratione id possunt in ordine ad contractum civilem Matrimonii, ubi in eo ratio Sacramenti non invenitur.

Ex quo infero primo cum Sanchez lib. VII. disp. 111. & fore communi sententia, etiam Principes Christianos idipsum posse etiam respectu Matrimonii, quod est Sacramentum, scilicet attentio precise jure & potestate sua dominationis regalis, nisi Ecclesia iustus ob causas sibi reservasset munus & potestatem statuendi ea impedimenta, eoque modo restrinxisset potestatem, quam de se aliquin habent Principes Christiani. Reservatio hæc postea examinabitur.

x. Melchior Canus, qui Tridentino Concilio interfuit, & collegis suis Hispanis nec dissentit, nec dissentire potest ea in sententia, quam de Matrimonio sine ministris Ecclesie celebrato tuetur. Illius adscribo verba e libro VIII. de locis cap. V. *Non igitur, inquit, Ecclesia docet, quodlibet fidelium Matrimonium Sacramentum esse, nisi quis adeo despicit, ut Cajetanum damnet, qui & probabilissime, & me quidem iudice, verissime Matrimonium, quod inter absentes per literas procuratoresque contrahitur, Sacramentum esse inficiatus est. Nam qui in hoc Cajetanum errasse clamant, hi non intelligunt, nec quæ loquuntur, nec de quibus affirmant. Quod si nullo idoneo & necessario argumento, sed multis turbulentiisque clamoribus alienas refellere sententias pergunt, atque adeo damnare, quæ probabiliter & vere dicta sunt, tum nos in quiete & silentio tacti illorum stultitiam amentiamque ridebimus. Concedant illi unum pro altero Sacramentum sumere, cum pro altero contrahit. Concedant Sacramenta Christi abscentibus ministris, eisdemque & gratiam conferre & peccata remittere. Nos enim, quoniam hæc absurda sunt, concedere potius volumus, ejusmodi contractus, qui inter absentes transiguntur, Matrimonia quidem verissima esse, vera Sacramenta nullo modo. Quæ ratione Matrimonium nihil habet, quo a civilibus regulis eximatur, aut eximi possit; immo quia tunc Matrimonium purus putus est civilis contractus, is totus secularium Principum legibus subjacet, quibus rite inecatur, aut inecatur non rite, si leges illæ non observentur. Hactenus de Theologis.*



CAPUT VII.

*Theologorum Italiæ de proposito themate judicia  
recensentur.*

I. **E**X iis Theologis, quos recensebimus, nonnulli Tridentino Concilio interfuerunt, Ambrosius Cathatinus, & Jacobus Naclantus; sed Theologorum Italiæ primus erit Franciscus Ferrariensis in lib. IV. contra Gentes cap. LXXVIII. ubi de Matrimonio sic disputat ad mentem sancti Thomæ: *Quando aliquid ordinatur ad diversos fines, indiget diversis dirigentibus in finem, cum finis proportionetur agenti. Unde quantum ad primum, oportet ut dirigatur a natura in hunc finem inclinante, & sic dicitur quoad naturæ officium. Quantum ad secundum, subjacet ordinationi legis civilis. Quantum vero ad tertium, oportet ut regimini subiaceat Ecclesiastico.* De potestate Matrimonii ad diversos fines dirigendi Ferrariensis pronuntiat, quasi ea de re nulla esset vel esse posset difficultas.

II. Hieronymus Savanatola in lib. III. de veritate fidei cap. XV. *Septimum est conjugalis copula Sacramentum ad carnalem propagationem, hoc est, sololis ordinatum, sine qua spiritualis multiplicatio deficeret. Nam propagatores administratoresque corporalis vite secundum duo considerantur; id est, secundum originem naturalem, quæ ad parentum genituram pertinet, & secundum regimen politicum, ut hominum societas pacifice conservetur: id quod ad Reges ipsos & Principes spectat. At istud ad Reges spectare non potest, quin ad eosdem statuendi leges quasdam Matrimonium dirimentes spectet auctoritas, nisi sine hac potestate quis putet humanam societatem conservari pacifice posse.*

III. Chrysostomus Javellus v. parte Philosophiæ Christianæ tract. VIII. cap. v. ubi cum dicit, potestatem statuendi impedimenta dirimentia quondam a populo Christiano emanasse in procetes Ecclesiæ, non obscure significat, jus illud

### 34 REGIA IN MATRIMONIUM POTESTAS.

suam in politica congregatione originem habere. Nam quæritanti Luthero, penes quem esset statuendi impedimenta dirimentia facultas, sic respondit: *Populus Christianus in primitiva Ecclesia unanimi consensu voluit hanc potestatem esse in Majoribus & Prælatibus Ecclesiæ.* Quæ autem potestas ferendarum legum in politica congregatione residet, ad illius Principem & Magistratum non potest non pertinere. Sed an hæc potestas a populo in proceres Ecclesiæ emanarit, alibi disputabitur. Inprasentiarum satis est, Javellum hanc statuendum impedimentorum potestatem, non in Ecclesiæ Prælatibus, sed in populo quoad originem agnovisse: sic enim ex natura sua civilis est.

IV. Joannes Tabiena in Summa verbo *Imp.* i. parag. II, ubi verba beati Thomæ in IV. sent. dist. XXXIV. art. I. ad IV. suppresso auctoris nomine sua repetendo facit; & verbo *Matrim.* II. parag. VI. ubi vult ex eodem sancto Doctore notari, quod cum Matrimonium fiat per modum cujusdam contractus, ordinationi legis positivæ subjaceat, sicut & alii contractus, qui sine dubio Principum sæcularium auctoritate irritari possunt.

V. Eustachius de Zichenis de Sacramento conjugii: *Tametsi Sacramentorum rationem humana non variat auctoritas; verumtamen contractus quosdam deprehendimus in conjugio humanos, ac legibus humanis obnoxios, atque citra quos nullum coit conjugium fieri potest, ut nonnumquam ejusmodi humani contractus præoccupari possint, quominus sint ipsius conjugii capaces.* Et post alia: *Adde iis, quod & aliud quoddam habet conjugium humanis legibus obnoxium, utpote officium humane propagationis, quæ vere ut humane reipublice maxime saluterrima est, ita & maxime humanis legibus & spectanda & moderanda est.* Hæc ille, quæ ad sæcularium Principum jura & leges facile referuntur.

VI. Ambrosius Catharinus Archiepiscopus Compæ, in quaestione de clandestinis Matrimoniis inter alios ejusdem tractatus edita Romæ anno MDLII. cum privilegio Julii III. *De his querimus an valida sint, & ita rata, ut dici mereantur Sacramentum. Si leges civiles attendimus Principum Christianorum, certe hujusmodi invalida sunt.* Et post alia, quæ suo tan-

dem alio loco referentur. *Non est autem dubium, quin saculares Principes ea possint circa Matrimonia providere ac statuere, per quæ probi & civiles mores ad illum finem custodiantur, atque serventur, ad quem ipsa respublica constituuntur. Itaque quidquid non est contra legem Dei & legem naturæ, credo Principes posse circa Matrimonium tanquam suam & non alienam materiam, suis legibus providere.* Hæc omni luce clariora sunt.

VII. Jacobus Naclantus Clugensis Episcopus, tractatione xvi. de irritandis clandestinis conjugiiis, sic probat Ecclesiam posse Matrimonia clandestina rescindere. *Ex unico, inquit, argumentabor medio, quod eo eris efficacius, quo procedit ex propriis, & sic habet: Potest Princeps seu respublica secularis rescindere, vel si contrahatur, contractum reddere nullum, qui præjudicialis est bono communi. Hoc est notum tum ex ratione politicae potestatis, tum ex praxi, &c. Ergo poteris Princeps seu respublica Ecclesiastica illos rescindere contractus, &c.*

VIII. Clemens Monilianus Cardinalis, in compendio Theologicarum Institutionum cap. lxxii. secundæ editionis Romanæ ann. MDLXV. Cum igitur abrogata sit lex Moysi de gradibus consanguinitatis & affinitatis in xviii. Levitici posita, cum noster esset pedagogus in Christo; (translato enim sacerdotio necesse erat secundum Apostolum ad Hebræos septimo, & ut legis translatio fieret, præcipue cum de eis nulla habeamus Dei præcepta, & jus naturale propter suam generabilitatem & ambiguitatem non sufficiat ad populi Christiani directionem, præcipue pro secunda nuptiarum honestate) necessarium fuit constitui Magistratus tam politicos quam Ecclesiasticos: similiter & leges & canones statui, quibus explicarentur generalia divini & humani juris præcepta de supradictorum contractuum gradibus, & Matrimonii impedimentis, ac quibuscunque aliis, quæ in præfatis rebus politicis pro illarum communi utilitate expedire videbantur. Et post alia: *Ex prædictis concludimus quod necessarium est, ut contractus conjugalis, qui Sacramentum est, & propaganda Ecclesiæ officium, sub sit ordinationi & irritationi Magistratus Ecclesiastici in ordine ad pacem Ecclesiæ, & fidelium salutem, quamvis etiam sub sit ordinationibus & legibus potestatis civilis, secundum quod refertur ad pacem & bonum reipublicæ.* Viderat hic auctor, quam de

gradibus consanguinitatis legem tulerat olim Imperator Theodosius, antequam de iis Ecclesia quidquam decerneret. Quare ante canones legum mentionem facit, quibus de iisdem gradibus & impedimentis Matrimonii generalia divini naturalisque juris præcepta explicantur, & necessaria ad vere contrahendum conditiones fanciuntur. Unde concludit, *conjugalem contractum, qui Sacramentum est, subesse legibus & ordinationibus potestatis civilis, secundum quod refertur ad bonum & pacem rei publicæ.*

IX. Alexander Pefantius in Additionibus ad sanctum Thomam 111. parte quæst. I. ubi probat Ecclesiam posse impedimenta dirimentia statuere. Et ratio, inquit, *naturalis dicat, etiam penes potestatem secularem esse huiusmodi facultatem, si consideratur Matrimonium, ut est contractus mere naturalis, quia propter bonum publicum expedit ut Princeps reddat quasdam personas inhabiles Matrimonio.*

X. Martinus Bonacina in quæstione 111. de impedimentis Matrimonii puncto 1. *Ecclesia potest statuere aliqua impedimenta, non solum impedientia, sed etiam dirimentia Matrimonium. Ratio est, quia Ecclesia potest irritare contractus, quando non sunt sub certis conditionibus & sub certa forma: sed Matrimonium est contractus. Advertendum est Ecclesiam posse dupliciter contractus irritare: primo, mediate reddendo personas inhabiles ad contrahendum Matrimonium; secundo, immediate irritando contractus Matrimonii, qua ratione potest irritare contractus infidelium, non tanquam Princeps Ecclesiasticus, (Ecclesia non habet potestatem supra infideles, juxta illud: Quid mihi de iis qui foris sunt?) sed tanquam Princeps secularis erga subditos. Hæc juti quæstio est, quæ suo loco enucleabitur. Secundo sequitur Principes saculares posse seclusa prohibitione Ecclesia constituere impedimenta Matrimonii, quatenus Matrimonium est quidam contractus. Principes enim seculares habent potestatem supra contractus, & possunt præscribere formam sub qua celebrandi sint: verumtamen illam potestatem super Matrimonium illis ablatam esse ab Ecclesia in Caput, Ecclesie sanctæ Mariæ Novæ. Hæc ille celebris per Italiam Doctor.*

XI. Vincentius Candidus Pœnitentiarius Romanus ad sanctam Mariam Majorem, in Disquisitionibus Moralibus, disqui-

# REGIA IN MATRIMONIUM POTESTAS. 37

sitione xxviii. de Matrimonio dubit. v. Dico, inquit, nono: Principes seculares fidelium possunt, seclusa prohibitione Ecclesia constituere impedimenta Matrimonii, quatenus Matrimonium est quidam contractus, quia Principes seculares habent potestatem supra contractus, & possunt prescribere formam sub qua celebrandi sint. Duo patibus verbis asserunt Bonacina & Candidus. Alterum seculares Principes posse ex natura suae potestatis impedimenta Matrimonium dirimentia inducere, & istud hoc articulo quarimus; alterum, hanc potestatem ab Ecclesia Principibus ablatam esse: atque istud suo postea loco examinabitur.

xii. Celestinus quidam apud Antoninum Dianam patte v. Resolutionum Moralium tractatu de Immunitate Ecclesiastica resolut. xvi. An Principes laici possint statuere impedimenta dirimentia Matrimonium.

Ad hanc questionem respondet novissime Celestinus in compendio Theologiae Morali tract. ii. cap. xxxi. num. i. ubi sic ait: Principes fideles, si precise eorum potestas spectetur, possunt ex iusta causa statuere impedimenta Matrimonium dirimentia, respectu suorum subditorum tam fidelium quam infidelium in terris suis degentium. Ita divus Thomas in iv. dist. xxxiv. quest. i. art. i. ad iv. & Becanus de Sacram. cap. xlix. quest. iii. ubi tamen recte notat hanc potestatem impediri posse a Pontifice, respectu subditorum fidelium, non autem infidelium: quia Pontifex reservavit sibi causas matrimoniales, ut patet ex gloss. fin. cap. Si quis ingenuus, ii. quest. Quia vero statutum hoc est positivum humanum, & potuit a primaeva sua publicatione non recipi in aliquibus provinciis & Regnis, vel si receptum fuit, potuit per non usum abrogari: hinc fit ut si in aliquo Regno & provincia edito cautum esset, ne quis contraheret Matrimonium parentibus renitentibus, vel etiam ipsomet Principe, sub poena nullitatis Matrimonii, editum huiusmodi servandum esset. Et si quis contra formam in illo contentam celebraret matrimoniale contractum, irritus, cassus & nullus omnino foret, praedicti statuti virtute; modo tamen sit longo usu confirmatum, & ab immemorabili tempore ad abrogandam legem Ecclesiasticam requisitio ac sufficienti receptum. Ita Celestinus loco citato.

38 REGIA IN MATRIMONIUM PŌTESTAS.

Hæc de Theologis, qui per Italiam variis in locis docuerunt, & nativum jus Principum sæcularium in statuendis impedimentis Matrimonia dirimentibus agnoverunt. Ferrariensis, Savanarola, Javellus, Tabiena, Zichenius, Catharinus, Naclantus, Candidus, sunt omnes Theologi ex Ordine Prædicatorum.

CAPUT VIII.

*Theologi variarum e Societate JESU nationum de proposito themate judicia recensentur.*

NUNC veniendum est ad illustriores e Societate JESU Theologos, qui per varias orbis Christiani partes de jure sæcularium Principum in ferendis legibus Matrimonium dirimentibus sententiam dixerunt.

I. Agmen ducet Edmundus Augerius, qui in libri de Sacramento Matrimonii Gallice edito capite XIV. hæc tradit, quæ Latine vertimus: *Quod spectat ad Principes, possunt illi quidem inhibere, ne certa Matrimonia contraherentur, ubi inde Regnorum suorum periculum seu damnum futurum evidenter agnoscerent, suisque inhibitionibus pœnas addere gravissimas. Nam ut res civilis ad eorum finem pertinet, quasi diceret, Matrimonii contractum, qui sub pœnis gravissimis prohiberetur, res civilis cum sit, iis Principum subjacere legibus, quæ, si opus esset, invalidum illum ac nullum redderent.*

II. Joannes Azor Institutionum Moralium parte II. lib. V. cap. II. Item, inquit, *objicies: Ergo pari ratione civilium Principum auctoritate potest constitui & condi lex, qua reddatur irritum Matrimonium hoc vel illo modo contractum. Respondeo: Posses id Princeps justis de causis, nisi Ecclesia prohiberet.*

III. Joannes Maldonatus tertia parte disputationis de impedimentis Matrimonii quæst. I. *Quod autem possit hoc Ecclesia, ex eo manifestum est, quod respublica etiam possit. Nam quia Matrimonium est contractus quidam civilis, videmus ab Imperatore*

*varias esse leges latus de contrahendis vel non contrahendis Matrimonii: quibus legibus id certe efficiebatur, ut si Matrimonium contra leges illas contraheretur, non esset contractus legitimus, quia Sacramentum Matrimonii non potest esse, nisi nitatur quasi fundamento ipso contractu Matrimonii.*

IV. Gregorius de Valentia quæst. v. de impedimentis Matrimonii puncto 1. *Non solum Ecclesiastica auctoritas, sed etiam politica seu civilis posset Matrimonio impedimenta apponere, quatenus est contractus quidam ordinatus ad bonum etiam commune reipublice civilis.*

V. Robertus Cardinalis Bellarminus cap. xxxii. de Matrimonio: *Causæ matrimoniales tertii generis (de impedimentis & aliis) nos dicimus ad politicum Magistratum pertinere posse, sed cum subordinatione ad Ecclesiasticum. Infra: Tam arcta diximus posse etiam Principem politicum de impedimentis Matrimonii legem ferre, sed Principe Ecclesiastico approbante. Hæc ille, cuius rationes alibi expendentur commodius.*

VI. Henticus Hentiques lib. xii. Theologiæ Moralis de impedimentis Matrimonii cap. 1. num. iv. *Impedimenta irritantia posset Princeps secularis addere Matrimonio, nisi Ecclesia inter Christianos eam facultatem suo iudicio reservasset. Hæc reservatio facti quæstio est, quæ discutietur postea. Hic satis est, quod auctor jus Principum agnoscat.*

VII. Ferdinandus Rebellus in opere de obligationibus iustitiæ lib. iiii. de impedimentis Matrimonii quæst. 1. ii. conclusionem. *Seculso omni jure Ecclesiastico etiam potestas civilis hujusmodi impedimenta constituere potest, quod sit contractus civilis, qui perinde ac ceteri in bonum commune regimini Principis sive reipublice subditus esse debet.*

VIII. Thomas Sanchez lib. vii. de Matrimonio disp. iiii. *Absque dubio dicendum est posse Principem secularem ex genere & natura sue potestatis Matrimonii impedimenta dirimentia fidelibus sibi subditis ex justa causa suis legibus inducere eo pacto, quo Pontifex summus potest, nisi sibi hanc potestatem reservasset. Et post alia: Nec obstat Principis secularis potestati Matrimonium esse Sacramentum, quia ejus materia est contractus civilis. Quia ratione perinde potest illud ex justa causa irritare, ac si Sacramentum*



# 40 REGIA IN MATRIMONIUM POTESTAS.

*non effit, reddendo personas inhabiles ad contrahendum, & sic illegitimum & invalidum contractum redderet.*

ix. Martinus Ledesmius 11. part. quæst. LXI. art. 11. & quæst. LXV. art. 111. eandem propositionem habet cum Rebello, conceptisque verbis scribit, *Sacramentum non eximere Matrimonii contractum a seculari potestate; veluti si emptio aut venditio esset Sacramentum, non eximeretur a potestate civili, quatenus est contractus quidam.*

x. Luisius Turrianus parte 12. de Sacramentis dubio v. concl. 1. *Principes seculares jam nihil possunt circa hæc (impedimenta Matrimonium dirimentia) disponere, quia Pontifex sibi hanc materiam reservavit. Reservationis tempus requireretur postea.*

Conclusionem 11. *Possunt Principes infideles suis subditis precipere, ut non contrahant Matrimonium, nisi certis conditionibus, & statuere impedimenta dirimentia.*

xi. Jacobus Gretserus in secunda disputatione de Judice causarum matrimonialium, thesi 1. *Matrimonium olim quidem fuisse, & nunc etiam extra Ecclesiam civilem contractum: in Ecclesia autem, & apud eos, quos salutaris baptismi unda abluit, contractum & Sacramentum simul esse, fatentur communiter orthodoxi.*

11. Et paulo post: *Cum autem Matrimonium contractus quidam sit, sequitur illud legum dispositioni & ordinationi subjacere. Nam omni propemodum contractui commune est, ut pro varietate temporum & hominum aliter atque aliter iniri possit & debeat: ita ut ad commune reipublice bonum redundet, quem finem omnes contractus, & maxime matrimonialis, spectant. Ut ergo Magistratum esse oportet, qui aliis contractibus leges præscribat, eosque ad reipublice emolumentum dirigat: sic necessario requiritur Magistratus, qui contractum connubialem latæ legibus regat & moderetur, idque tanto magis, quanto plus commodi, si bene, & quanto plus incommodi, si male incatur, ex hoc contractu ad hominum societatem manare soles.*

111. Et quidem apud non baptizatos, quorum Matrimonium neque modo est, neque olim fuit Sacramentum, dubitari nequit, quin ejus Magistratus, cujus erat alias civiles causas cognoscere, fuerit etiam Matrimonium legibus temperare, declarando, qui, cum quibus,



bus, qua via & ratione contrahere possent, & qui omnino non possent, decretis etiam pœnis, si qui dicto minus audientes sese præberent. Nam cum omnis potestas a Deo sit, ut divine Littere sepe testantur, necesse est omnem Magistratum tantum accepisse potestatis, quantum satis est ad bonum commune reipublice conservandum & amplificandum. At nisi de conjugii ineundis leges ferre, & controversias, si quæ nascuntur, dijudicare & terminare posses, haud tantum potestatis accepisset, quantum ad bonum commune reipublice requiritur: cum maxima ex parte salus, tranquillitas, & pax hujus universi ex Matrimoniis rite & ordine initis pendeat. quod quotus quisque est, vel fuit quondam, præsertim apud infideles, qui sine legum auspicio & beneficio faceres?

IV. Hinc tot leges veterum Romanorum de connubiis, quas Christiani quoque Imperatores in corpus juris civilis transfulerant, quarum aliæ efficiebant, ne licite; aliæ, ne licite simul & valide inirentur a certis, & in lege nominatis hominibus Matrimonia. Nam ut leges ad alios contractus, ita & ad hunc personas quasdam certos ob fines inhabiles & minime idoneas reddere poterant. Neque enim cogitandum est promiscue & indiscriminatim, & quovis modo cuiusvis sui esse Matrimonio jungi, eo quod Matrimonium sit juris naturalis. Licet enim quoad primam institutionem juris naturalis sis; quoad determinationem tamen modi & contrahentium a legibus pendes. Ipsa siquidem natura docet semperque docuit, non cuiusvis liberam arbitratu suo conjugii amplectendi potestatem relinquendam esse; sed eam quæ & cum privata cujusvis, & cum utilitate communi omnium conjuncta esset.

V. Quare libenter subscribimus sententiæ illorum, qui censent Principem quempiam infidelem jam quoque habere potestatem faciendi legem, qua simpliciter invalidum faciat contractum, quo sue sectæ vel nationis persona cum alia alterius sectæ vel nationis contrahat, ad eum plane modum, quo olim invalida erant nuptiæ, cum filia Senatoris nupsisset liberto, aut Senator libertinam duxisset: tametsi libertina Senatori justa uxor esse poterat, si Principis indulgentia libertina Matrimonium Senatori concessum esset.

VI. Iam vero Iudæorum legislator Moyses, quid de Matrimonio iussu & instinctu non prescripsit, dum partim dirimentia, partim non dirimentia impedimenta constituit, jusque ipsum natura, sec-

## 42 REGIA IN MATRIMONIUM POTESTAS.

*lere & improbitate hominum nonnumquam obrui & sepeliri solitum, lege positiva denuo sanxit, & a tenebris & oblivione asseruit. Quas leges nisi ipse sua auctoritate non tulerit, sed auctoritate divina; potuisset tamen illas ferre propria auctoritate, & sine peculiari Dei jussu, etiamsi ponamus potestatem ipsius nullo modo, quatenus erat Princeps, & caput illius populi, fuisse spirituales, sed tantum civilem & politicam: hoc ipso enim, quod populi illius Dux civilis constitutus erat, tantum potestatis accepisse censei debuit, quantum ad Hebrææ reipublicæ quietem & incolumitatem requirebatur.*

Græserus censet postea Sacramenti rationem efficere, ne Matrimonium apud Christianos politicis legibus sublit amplius: sed cum id nec probet, nec probare possit argumento, quod ex duobus veræ Theologiæ principiis ducatur, perinde est ac si nihil omnino diceret. Quæcirca rationes quibus jus Principum infidelium in sanciendo apud infideles impedimento Matrimonium dirimentibus confirmat, vim suam toram in Christianos Principes derivant: ita ut id quod ethnici Principes erga Matrimonium efficiunt, Christiani similiter efficiant; alioqui deterior esset Christianorum, quam ethnicorum Principum conditio. Et hoc ipsum Christianam religionem in odium & invidiam summam adduceret, & Principes ethnicos ab illa suscipienda vehementer abstereretur. Et hoc ipsum vir bonus, & propagandæ fidei nostræ avidus, non perdidit: quod si pervidisset, convenienter aviditati suæ & ordinis sui instituto murasset sententiam, & docuisset quod docendum erat.

XIV. Egidius Conink disp. xxx. de impedimentis Matrimonii dubio 1. conclus. 1. *Speciata natura rei omnes ejusmodi impedimenta inducere possunt, qui alias absolutam habent potestatem ferendi leges, ut sunt supremi Principes ac libera reipublica. Ita D. Thomas in IV. dist. xxxiv. art. 1. ad IV. & fere communiter Theologi. Probatur, quia Matrimonium est contractus vere civilis non minus quam alii, & consequenter similiter potestati publica subiectus est. Sicut igitur supradicti ex justa causa possunt aliquos v. c. prodigos & pupillos reddere inhabiles ad alios contractus: ita etiam ad hunc, quia eadem plane est ratio. Nec*

# REGIA IN MATRIMONIUM POTESTAS. 43

refert, quod Matrimonium sit Sacramentum: quia ideo non definit esse vere contractus civilis, & hac ratione subditus potestati politica. Quare etsi potestas politica directe nihil possit statuere circa Sacramenta; potest tamen indirecte, impediendo valorem contractus, quem Matrimonium essentialiter involvit.

XIII. Adamus Tannerus disp. VII. de Matrimonio quæst. IV. dubio I. assert. I. Possunt Principes tam Christiani, quam ethnici leges pro Matrimonio infidelium subditorum, iisque etiam certa impedimenta constituere tam dirimentia, quam prohibentia. Assert. III. Potuissent etiam Principes fideles saculares ex genere & natura sua potestatis Matrimonii impedimenta quolibet etiam dirimentia pro ipsis quoque subditis ex justa causa constituere eo modo, quo Pontifex potest, nisi hic potestatem hanc sibi reservasset.

XIV. Martinus Becanus cap. XLIX. de Sacramento Matrimonii quæst. II. conclus. II. Princeps infidelium non solum subditorum infidelium, sed etiam fidelium potest talia impedimenta statuere. Infra. Hinc sequitur: Sicut Christiani Principes habitantes sub potestate Principum infidelium tenentur servare alias leges civiles, quæ ad pacem reipublicæ pertinent; ita etiam legem irritantem certa Matrimonia, modo non sit injusta. Quæst. III. concl. I. Potest Princeps Christianus, si precise huius potestas spectetur, statuere talia impedimenta, respectu suorum subditorum. Ratio est, quia non minorem habet potestatem quam Princeps infidelium. Si ergo hic potest statuere impedimenta circa Matrimonium, potest & ille. Nec obstat, quod Matrimonium Christianorum sit Sacramentum, quia impedimenta non statuuntur circa Matrimonium, ut Sacramentum est, sed solum ut contractus civilis est.

XV. Vincentius Fillucius in secunda parte tractationis de Sacramento Matrimonii cap. I. Primo ergo quæro an Princeps infidelium possit suis subditis impedimenta statuere. Respondeo & dico primo, posse. Est communis Doctorum ex Sanchez lib. VII. disp. III. num. V. Ratio universalis est, quia regia potestas est constituta ad bonum reipublicæ. Ejus ergo erit providere ea, quæ considerantur ad hunc finem, cujusmodi est impedimenta Matrimonii. Hinc enim persæpe pendet recta reipublicæ gubernatio. Hinc sanctus Thomas IV. contra Gentes cap. LXXVIII. dixit Matrimonium in

#### 44 REGIA IN MATRIMONIUM POTESTAS.

quantum civilem contractum, subiacere ordinationi legis civilis. Confirmatur, quia potest irritare alios contractus civiles: ergo etiam hunc, cum id possit quandoque necessarium esse ad bonum commune, ut (verbi gratia) si irritaret Matrimonia inter infideles diversa secte, quia id officiat bono reipublice. Item precipere certam solennitatem in eo servandam ad vitanda clandestina, ut agit Tridentinum.

Dico secundo eadem potestate posse Principes infideles statuere impedimenta, tum ea quae tantum impediunt, tum ea quae etiam dirimunt.

Infra: Secundo quero, an Princeps fidelis secularis possit suis subditis impedimenta statuere. Respondeo & dico, eodem modo posse sicut infidelem. Probatur auctoritate eorundem Doctorum, & ratione. Non obstat autem quod Matrimonium sit Sacramentum, quia materia, ut diximus, est contractus civilis, eaque ratione potest illud irritum reddere; perinde ac si Sacramentum non esset. Hæc ille in Romano Collegio docuit.

xvi. Joannes Præpositus quæst. vii. de impedimentis Matrimonii dubio i. *Utrum Ecclesia possit constituere impedimenta Matrimonium dirimentia.* Respondeo, posse. Et post alia: Immo nisi Ecclesia id ad se revocasset, Principes seculares id possent; & proinde Principes seculares nequeunt de facto constituere impedimenta dirimentia Matrimonium Christianis sibi subditis. Possunt, inquit, de jure, non de facto. Sed istud examinabitur postea.

xvii. Paulus Laiman iv. part. de impedimentis Matrimonii quæst. i. Dico primo: Spectata natura rei, & seclusis Ecclesiasticis constitutionibus, omnis Magistratus secularis, qui absolutam potestatem habet ferendi leges ad subditos suos, potest eisdem impedimenta Matrimonii tum dirimentia, tum impediencia tantum ob justam causam decernere. Et post alia: Neque obstat, quod Matrimonium in nova lege Sacramentum sit, quia ratio Sacramenti superveniens Matrimonio non mutat, sed potius ut materiam supponit humanum contractum: quo immutato per humanam potestatem, consequenter etiam definit esse materia Sacramenti.

xviii. Stephanus Baunius in Theologia Morali tract. xii. de Matrimonio quæst. v. Dico primo, si spectetur tantum

id, quod est juris natura, posse Principem & alios omnes, qui supremam habent regendi potestatem impedimenta Matrimonii dirimentia statuere suis subditis, quorum violatio certa sit Matrimonii irritatio. Probat, quia eadem potestate sunt praediti Christiani Principes, quae ethnici; sed hi leges praescribere possunt subditis suis de contrahendo Matrimonio, quas servare teneantur: ergo & Christiani. Major est certa. Nam fides Christiana potestatem Principum non imminuit, quod planum sit exemplo Philippi primi Christianorum Principis, qui plenum jus imperii retinuit, hoc est, omnem illam potestatem sibi vindicavit, quam exercuerat ethnicus. Minor probatur. Cum tuenda ac promovenda publica tranquillitatis gratia insituta sit, potestas imperatoria ea vetare, praecipere, statuere posse debet, quae ad hunc finem utilia sunt ac necessaria. At nemo ibi inficias, quin de hoc rerum genere saepe sint nuptiae: ergo subditis praescribere suis Imperator poterit, qui, quando & quomodo nuptialia foederare debeant. Confirmatur, cum contractus humani & civiles subiecti sint Principi, certis illis conditionibus praestituere potest, quibus non servatis sint nulli ac irriti; ut patet in donationibus inter virum & uxorem, pupillorum transactionibus, quae nulla sunt, nisi firmentur auctoritate tutoris. Sed Matrimonium non est tantum Sacramentum, sed etiam est contractus humanus ac civilis, qui a Deo elevatur ad esse Sacramenti: ergo potest Princeps, aut quilibet alius, potestatem habens ferendi leges, statuere, ut Matrimonium quatenus est contractus, certo modo, aut cum certis circumstantiis ineatur, quae si omittantur, ratum non sit. Confirmatur secundo. In Magistratu politico auctoritatem tantum esse est necesse, ut cum res temporariae reipublicae exigunt, contractus, qui in ejus perniciem vergunt, modificare, irritare, ac determinare valeat: ergo cum Matrimonium sit contractus Matrimonii ac civilis more aliorum contractuum, legibus certis ab eo & Principibus, quorum in terris fiet, restringi poterit. Quid clarius?

XIX. Thomas Camptonus in tertiam partem disp. CIV. sect. 1. Speculata sola natura rei, Principes omnes & Magistratus, qui leges ferre possunt, possunt etiam pro suis subditis fidelibus statuere impedimenta dirimentia & impediencia Matrimonium, cum sit contractus humanus; nec per hoc mutatur, quod sit in Sacramentum elevatus. Unde de facto hoc possunt tam Christiani,

quam ethnici pro Matrimoniis suorum subditorum infidelium; Ecclesia tamen hanc potestatem circa Matrimonia fidelium Principibus secularibus ademisse, ac sibi reservavit. Ita Sanchez, &c.

xx. Michael Rabardeus contra Optatum Gallum sectione v. num. 11. Gravius errat adversarius, cum dicat Ecclesiam solam a Deo jus habere in Matrimonium. Sapientius divus Thomas & alii Theologi, quos quisque facile notabit apud novos scriptores, docent, Matrimonium esse naturam suam ad officium & propagationem generis humani, reipublica conservationem, & sanctæ Ecclesiæ propagationem: ex quo sanctus Doctor probat illud recte rationis iudicio, quod jus naturale vocamus, & diversis legibus tum civilibus, tum Ecclesiasticis dirigendum, ut bene, honeste studioseque celebretur. Infra num. 111. Multas leges de antiquorum Iurisperitorum libris, & antecessorum Imperatorum edictis traductas, Iustiniani Imperatoris auctoritate, summorum Pontificum, & sanctissimorum Episcoporum illius temporis conscientia publicatas reperies, in quibus Valentiniani, Gratiani, Theodosius uterque, Arcadius, Honorius & Iustinianus Catholici Imperatores suis legibus formulas & solennitates quasdam decernunt ex necessitate servandas a Christianis subditis suis pro firmitate & validitate Matrimonii, ab Ecclesia Catholica nunquam prius definitas.

Deinde in defensione legum connubialium. In hac controversia de potestate Regum & aliorum summorum Principum secularium pro constituendis & modificandis impedimentis, quibus Matrimonia subditorum suorum etiam fidelium Christianorum & Catholicorum illegitima, irrita & nulla definiantur, (quæ sane gravissima existit) non unus; sed, quod fatentur adversarii, plures viri sanctissimi atque prudentissimi in doctrina Christiana, in Theologia & viroque jure peritissimi, aperte docent, Imperatoribus, Regibus, & quibuscunque summis Principibus secularibus ex natura suæ dignitatis concessum esse jure quodammodo naturali vel gentium potestatem condendi & promulgandi leges, quibus hæc Matrimonia rata, firma, valida seu irrita, nulla & invalida efficiantur.

xxi. Franciscus Amicus in disput. ix. de impedimentis Matrimonium dirimentibus, sect. 1. num. 111. Certum est 1. hanc potestatem penes Ecclesiam esse.

Infra: Certum est 11. hanc potestatem non habere Ecclesiam su-

*pra infideles sibi non subiectos. Probatnr ex Innoc. III. cap. Gaudemus de divoritiis, qui docet paganos legitimum contrahere Matrimonium in gradibus ab Ecclesia prohibitis, quippe qui constitutionibus canonicis non arctantur.*

*Infra: Certum est III. hanc potestatem habere Principes infideles: experientia enim constat apud multas barbaras nationes connubia inter alienigenas prohibita esse ut invalida. & hi veri sunt Principes, omnimque potestatem a populo acceperunt, quae ad bonum publicum conservandum legesque ferendas ad id conducentes necessaria est.*

*Infra: Certum est IV. hanc potestatem non esse Principibus sive a Deo, sive a populo concessam, nisi iusta & rationabili causa exigente: quia cum quisque jus habeat a Deo & natura ad Matrimonium contrahendum, non poterit Princeps nisi iustam ob causam personas ad Matrimonium contrahendum inhabilitare. Porro iusta exigente causa non solum poterit Princeps ad tempus, sed etiam in perpetuum, si id bono publico expedire iudicaverit, personas ad Matrimonium inhabilitare, nonobstante quod Matrimonia sint de jure natura & divino. Nam hoc jus, quod quisque privatus a Deo & natura habet, subordinatur juri naturali, quod de se habet in ordine ad bonum publicum. Translata enim semel in Principem potestate rempublicam vero gubernandi, jure natura consurgit in Principe potestas adhibendi omnia ea media, quae ad ipsam bene gubernandam, bonumque publicum promovendum conducunt, cum natura dicet semper bonum publicum praefendum esse privato.*

*Infra num. VI. Dubitatur I. an Principes fideles potestatem habeant statuendi suis subditis fidelibus impedimenta dirimentia Matrimonium. Prima sententia negat. Et Infra: Secunda affirmat. Gloss. in can. Si quis ancillam, xxix. quas. II. verbo & legibus. S. Thom. in IV. dist. xxiv. quas. unica art. I. ad IV. Item contra Gentes IV. cap. lxxviii. Victoria, Petrus Sotus, Bellarminus de Matrim. cap. penultimo sine, Henriques, Sanches, Conink, Præpositus, & alii apud Sanchez, qui omnes conveniunt, Principes seculares, quantum est ex vi potestatis quam vi muneris sui a populo communicaram habent, posse impedimenta Matrimonium dirimentia suis subditis statuere; de facto tamen usum hujus potestatis sibi soli Pontificem reservasse: excipe Petrum Solum, &c.*



43 REGIA IN MATRIMONIUM POTESTAS.

*Quod autem talis potestas de facto sit in Principibus secularibus ab Ecclesia impedita, ne valide possit exire in actum, constat ex communi Doctorem sensu, & ex multis canonib. can. Multorum xxxv. quæst. vi. & cap. de consang. & affinis. sui, & cap. Accedent de excessib. Prælatorum. demum ex Trid. sess. xxiv. can. ult. ubi definit causas matrimoniales spectare ad Iudices Ecclesiasticos. Hæc est facti quæstio, quæ postea expendetur.*

*Infra: Quod autem Principes seculares vi sui muneris hanc potestatem habeant statuendi suis subditis fidelibus impedimenta dirimentia, nonobstante quod Matrimonium inter Christianos celebratum sit Sacramentum, probatur ex eo, quod cum Christus Matrimonium in Sacramentum evertis, non abstulit Principibus secularibus, quam ipsi in illam habent ut contractus civilis est, sed illam præsupponit, non minus quam præsupponit contractum valide irritum. Confirmatur ex eo, quod Christus verba ex hominum placito significantia evertis ad rationem Sacramenti, non abstulit a republica potestatem illam quoad significationem mutandi ac variandi; sed ea supposita non minus quam supposita verborum significatione ab hominum placito dependente, illa in Sacramentum evertis. Ergo pari modo, &c.*

*Et post alia: Ad argumenta prima sent. S. Thomas, ut & antiqui citati intelligendi de potestate impedimenta Matrimonio imponendi quatenus Sacramentum est, non quatenus contractus civilis. Quamquam explicari possunt de potestate proxima & expedita ad confirmationem, ea tantum probat de facto penes Iudices Ecclesiasticos tantum esse de causis Matrimonii judicare. An autem hoc proveniat ex defectu potestatis in iudice seculari, an ex prohibitione Ecclesia usum hujus potestatis sibi reservantis excitata occasio non colligitur.*

*Hactenus de Theologis Societatis JESU variarum nationum, qui & cum aliis bene multis, quorum testimonia retulimus, aperte significant, qui & qualis sit in Ecclesia de regia in Matrimonium potestate sensus, dum suis illa finibus explicatur.*





## CAPUT IX.

*Synopsis rationum, quibus laudati Theologi regiam in Christianorum Matrimonium potestatem explicant & stabiliunt.*

**A**D exponendas rationes, quibus Theologi regiam in Matrimonium potestatem explicant & stabiliunt, non ante mihi veniendum est, quam te de duobus monitum velim. Unum est, cur tot Magistrorum suffragia superioribus capitibus retulerim. Alterum, cur Theologicarum hæc in materia rationum synopsis instituerim. Cur tot igitur Theologorum suffragia retulerim, fecit primum rei, quam tractamus, magnitudo. Causam enim Regum, quibus nihil est in sæculo excelsius, majore quam ceterorum hominum examinandam esse diligentia & accuratione quis ignorat? Deinde, ut si quos adversarios habeant Reges, iis constet, politicam in Matrimonium potestatem non ab vno vel altero hujus aut illius nationis ignobili scriptore, sed a quamplurimis diversarum gentium illustribus Magistris assertam esse.

Ad secundum vero impulerunt me duo: tum quia ut esset in promptu, vnde colligendarum hinc inde rationum assertionis nostræ onus levaretur; tum quia ut obstinatorum hominum animis facilius insinuentur repetita rationum momenta, quibus regia in Matrimonium potestas asseratur.

Exposita igitur consilii mei ratione, ad expeditiorem Theologicorum momentorum notitiam ponendum est id, quod necessario & cum rei veritate poni debet, in Matrimonio potissimum spectari duo. Unum, civilis contractus naturam, quæ & in veteri & in novo Testamento fuit eadem semper. Alterum Sacramenti rationem, quæ civili contractui supervenit, sine vlla civilis contractus mutatione supervenisse. Qui adversarius hanc receptissimam, maximeque necessariam distinctionem recipit, captus est, cum ad eam ut ad scopulum

## 50 REGIA IN MATRIMONIUM POTESTAS.

qualibet argumenta contrariæ partis allisa penitus concidant; qui vero rejicit, nullus, cum multo facilius sorbere favillas possit, quam sine vlla distinctione explicare: quo pacto immutata Sacramenti materia dirimentes Matrimonium leges a suis auctoribus præscribantur.

## PRIMA RATIO.

Matrimonium humanus contractus eum sit, sequitur illud civilium legum dispositioni & ordinationi subjacere. Nam omni contractui commune est, ut pro varietate temporum & hominum aliter atque aliter iniri possit & debeat, ita ut ad commune reipublicæ bonum referatur: quem finem omnes tractatus, & maxime matrimonialis, spectant. Quemadmodum ergo Magistratum esse oportet, qui aliis contractibus leges præscribat, eosque ad reipublicæ utilitatem dirigat: sic necessario requiritur idem Magistratus, qui contractum nubialem latis legibus regat & moderetur; idque tanto magis, quanto plus commodi, si bene, & quanto plus incommodi, si male ineatur, ex hoc contractu ad hominum societatem manare solet. Quod autem sit Sacramentum, nihil interest omnino, tum quia contractus civilis, cui innititur Sacramentum, ab Regum potestate non eximitur per Christum Sacramentorum auctorem, tum quia ratio Sacramenti Matrimonio superveniens humanum contractum non mutat, sed potius vti idoneam materiem supponit. Quare sæcularis Princeps æque potest justa de causa hunc contractum irritum facere, ac si non esset ad Sacramenti dignitatem evectum.

## SECUNDA RATIO.

Ufu venire potest aliquando, ut in magnum alicujus Regni commodum cedat, siue illud sit publica honestas, siue pacis inter fœderatos inita conservatio, siue quodlibet aliud bonum reipublicæ procurandum, vel malum avertendum, quod hæc vel illa conjugia fiant, vel non fiant. Debuerunt igitur Principes ea gaudere potestate, quæ ad prohibenda dirimenda-

## REGIA IN MATRIMONIUM POTESTAS. 51

que conjugia sufficeret : cum præcipue hic contractus Matrimonii talis esse credatur, vt si semel valuerit, rescindi non possit amplius. Nemo vero asserat, in libera perfectaue re- publica ejusmodi contingere posse malum, cui nulla potestas Principis ex sese præcurrere aut niederi queat.

### TERTIA RATIO.

Bona pars, immo fere tota politicae congregationis, cum ex Matrimoniis constet, posse debet Princeps illius caput, vbi Matrimonia quædam publicæ vtilitati obessent, leges & edicta ferre, quibus, si secus facta fuerint, irrita declarentur: quidquid enim ad pacificam vivendi rationem, communitalis hominum concordiam, & bonum reipublicæ destinatur, id totum regiæ vel civilis potestatis limitibus circumscriptum est, alioquin hæc potestas sibi non sufficeret: at sibi sufficere debet. quod Grotius in cap. VIII. demonstravit.

### QUARTA RATIO.

Quæcumque adducuntur, adducive possunt, vt impedi- menta Matrimonium dirimentia sanciantur, ad civilem ma- gis & naturalem, quam ad spiritualem & supernaturalem finem spectant, cum a lumine naturæ pendeant, atque intra civilis prudentiæ fines contineantur. At politicam pruden- tiam sæcularium Principum regulam esse certum est. Sive igitur considerentur gradus consanguinitatis, & pericula cog- natorum in eadem domo commorantium, ne si conjugii li- centia foret, incestus & stupri daretur occasio; siue amicitiarum & familiarum propagatio spectetur, ne inter eosdem lares & parietum ambitus coerceantur necessitudines: totum istud regiæ auctoritatem non excedit; & sicut in veteri, ita & in novo Testamento pertinere potest ad civiles leges, quibus stupra & incestus severissime vetantur & puniuntur.

## QVINTA RATIO.

Eadem est ratio contractus Matrimonii, quæ venditionis aut emptionis; sed pro bono reipublicæ Princeps sæcularis ea statuere potest, quibus irritetur venditio, vel emptio, si fiat aliter quam Princeps voluerit. Igitur & pro bono reipublicæ idem Princeps ea statuere potest, quibus irritetur Matrimonium, si secus ac Princeps statuerit, celebretur. Neque superveniens Matrimonio Sacramentum obesse potest: quia dirimentes Matrimonium leges non afficiunt Matrimonium, quia Sacramentum est, sed quia tantum contractus civilis. Quemadmodum si fingeremus rationem Sacramenti ad contractum venditionis accedere, ex eo hic contractus sæcularium Principum potestati ac legibus non minus subesset.

## S E X T A R A T I O.

Institutio legis civilis ad Principem sæcularem pertinet; sed impedimentum dirimens Matrimonium lex civilis est: igitur impedimenti Matrimonium dirimentis institutio ad Principem sæcularem pertinet. Major certissima est, sed minor probatur: Quidquid spectata natura rei sæcularis Princeps pro bono communi instituere potest, id legis civilis rationem sibi vindicat; sed spectata natura rei sæcularis Princeps impedimentum dirimens Matrimonium instituere potest, ut consentiunt omnes Theologi quos retulimus: igitur quod impedimentum dirimens Matrimonium instituere potest, legis civilis rationem sibi vindicat. Confirmatur: Eiusmodi esset impedimentum dirimens contractum Matrimonii, cuiusmodi esset impedimentum dirimens contractum venditionis aut emptionis; sed impedimentum dirimens contractum venditionis aut emptionis, legis civilis rationem sibi vindicat: igitur impedimentum dirimens Matrimonii contractum legis civilis rationem sibi quoque vindicat.

## SEPTIMA RATIO EAQUE PALMARIS.

Cum Matrimonium contractus quidam sit, sequitur illud legum dispositioni & ordinationi subiacere : nam omni pro-  
pmodum contractui commune est, ut pro varietate tempo-  
rum & hominum aliter atque aliter iniri possit & debeat, ita  
ut ad commune reipublicæ bonum redundet : quem finem  
omnes contractus, & maxime matrimonialis, spectant. Ut  
ergo Magistratum esse oportet, qui aliis contractibus leges  
præferibat, eosque ad reipublicæ emolumentum dirigat ; sic  
necessario requiritur Magistratus, qui contractum connubia-  
lem latis legibus regat & moderetur : idque tanto magis,  
quanto plus commodi, si bene, & quanto plus incommodi,  
si male ineatur, ex hoc contractu ad hominum societatem  
manare solet. Et certe nisi de coniugiis ineundis leges ferte,  
& controversias, si quæ nascuntur, diiudicare & terminare  
posset, haud tantum potestatis accepisset, quantum ad bo-  
num commune reipublicæ requiritur, cum maxima ex parte  
salus, tranquillitas & pax hujus vniuersi ex Matrimonii  
rite & ordine nititur pendeat. Hoc autem animis auribusque  
tani absconum quis in se reciperet?

## CAPUT. X.

*Ponderandus semel atque iterum videtur nonnullorum Theo-  
logorum modus hac in materia disputandi.*

**C**ELEBRES sunt quidam Theologi, qui quod Principes  
impedimenta Matrimonium dirimentia statuere possint,  
inde conficere se putant, eadem ab Ecclesia, ut loquuntur,  
statui posse.

Sic Duvallius in articuli 1. capite 1. disputat. *Imperatores  
circa Matrimonii contractum quedam impedimenta statuerunt. Igi-  
tur multo magis id licebit potestati Ecclesiæ.*

#### 54 REGIA IN MATRIMONIUM POTESTAS.

Sic Gonetus in ejusdem articuli capite II. disputatur: *Cum pax & tranquillitas reipublica magna ex parte ex bene initis connubiis pendeat, & contra ex male copulatis conjugibus magna in ea turbatio oriri soleat; in omni republica bene ordinata necessaria est potestas ad providendum abusus, qui in Matrimonii possunt contingere, & statuendi Matrimonio impedimenta, quibus stantibus valide contrahi nequeat: ergo talis potestas non debet denegari Ecclesia.*

Sic Kellifonus in ejusdem articuli capite V. disputat: *Posunt per se Principes non solum fideles, verumetiam infideles, in suis regnis constituere impedimenta Matrimonii: ergo, etiam Ecclesia.*

Sic Naclantus in ejusdem articuli capite VII. disputat: *Potest Princeps seu respublica secularis rescindere, vel si contrahatur, contractum reddere nullum: ergo poteris Princeps seu respublica Ecclesiastica illos rescindere contractus.*

Sic Maldonatus in ejusdem articuli capite VIII. disputat: *Quod autem possit hoc Ecclesia, ex eo manifestum est, quod respublica etiam possit.*

His autem ita constitutis & disputatis observanda sunt omnino tria, quæ veritate summa nituntur.

Primum est, argumentorum istorum omnium antecedens explore percepti & cogniti principii instar a suis auctoribus haberi: quod minus prudenter ab illis haberetur, si antecedens aliud explicatius perceptum & cognitum assumi posset: alioqui causam suam nisi prodere, certe perperam tueri dicerentur.

Alterum, antecedens omne, quod ita principii rationem sibi vindicat, eo quod inde colligitur, certius & magis indubitatum esse. Id jure suo postulat axioma commune: *Propter quod unumquodque tale & illud magis.* Sic quidquid in consequente certum atque indubitatum est, id totum ex antecedente derivatur.

Hæc autem duo cum ita sint, nec aliter esse possint, si dubitandum est de jure ferendarum legum, quæ Matrimonium dirimant, longe minus de jure Principum secularium, quam de jure Ecclesiæ, seu potius sacerdotalis ordinis, vel con-

REGIA IN MATRIMONIUM POTESTAS. 55  
fessus in ferendis legibus ejusmodi dubitandum erit.

Tertium, antecedens posse verum remanere consequente falso, cum antecedens & consequens nec ejusdem sint ordinis, nec ejusdem finis. Antecedens ad naturalem ordinem & finem, consequens ad supernaturalem ordinem & finem attingit. Principes conservando naturali ordini & fini, qui est pax & tranquillitas publica, incumbunt; Sacerdotes supernaturali ordini & fini advigilant: id executi, quod Sacramenti ratio & dignitas civili Matrimonii contractui accedens exigit. Huc autem non spectant leges illæ, quæ cum ad civilem Matrimonii contractum rite celebrandum referantur, civilem ipsum Matrimonii contractum præcedunt; sed de vitio consequentis jam dictum est nonnihil, dum in cap. II. relatum est Goneti testimonium; & deinceps dicetur amplius, cum sese dabit occasio.

---

## CAPUT XI.

*Privata rationes aliquot præcedentibus adduntur.*

EXPEDITIS rationibus, quas Theologi ad explicandam & stabiliendam regiam in Matrimonium potestatem adhibere solent, privatas aliquot alias rationes subjungimus.

### PRIMA RATIO EST.

Quæ ratio probat, maritum solo suo jure adulteram vxorem occidere non posse, aut mutilare, eadem penitus convincit, hominem non posse vxorem ducere sine consensu congregationis politicæ, aut ejus Principis, si ex tali Matrimonio quoddam in republica damnum timeretur. At Durandus in IV. dist. XXVII. quæst. 11. Paludanus ibidem dist. XXXVII. & alii Doctores aliud adferunt nihil, præterquam quod si vir perimeret vxorem, politica congregatio vehementer læderetur, cujus est videre, ne quid sibi contingat

detrimenti : contingeret autem plurimum, si quis re sua, id est, vxore male vteretur. Civis enim in iis, quæ ad civitatem spectant, non est homo integer, sed pars civitatis, ad eum fere modum, quo filius est pars patris. Si igitur interest reipublicæ, ne quis re sua, id est, vxore abutatur, ejus multo magis intererit, ne quis re nondum sua, ducenda nimirum vxore, in publicum damnum vtatur. Cum ergo res illa dirimentis obstaculi capax sit, tale sine dubio respublica vel Princeps illius constituere poterit : & si facilius impediatur acquirendum, quam tollatur jam quæsitum, facilius etiam impiedietur rei acquirendæ, quam acquisitæ abusus.

#### SECUNDA RATIO.

Quæ omnia ad finem naturæ & salutem civilis societatis referuntur, Principum ordinationi subjici necesse est. Causas Matrimonii finales ad illud vtrumque revocant Magistri veteres, Bandinus lib. 1 v. sent. Stephanus Cantuariensis, & Præpositivus in Summa tit. de Matrimonio, Petrus Piâtaviensis in 1 v. sent. Joannes Noviomensis in Summa MS. dist. v. cap. v111. Guillelmus Autisiodorensis lib. 1 v. Summæ cap. 11. Robertus de Corceon Cardinalis in Summa; Rodericus patre 1 v. Hist. Hisp. cap. xx1. Durandus in 1 v. dist. xxv11, quæst. 11. At hi Theologi causas finales alias faciunt necessarias, vti est liberorum procreatio; alias vtilis & honestas, quales sunt victorum vel inimicorum reconciliatio, civitatis dilatio, bellorum sedatio, & regnorum pacificatio. Causa illa prima finalis propagandos Imperii fines respicit; altera pacificam illius conservationem. Ad quem vero, amabo te, pertinent hæc duo, nisi ad eum, cui Deus concredidit Imperium, & cui publicorum mœnium jus est commissum? Itaque sicut quod priori fini, id est, bono prolis obest, inter impedimenta dirimentia numeratur: sic quod oberit posteriori, scilicet publicæ regnorum utilitati, cur impediementi dirimentis vim obtinere non quiret? Sed a quo tandem obtineret, nisi ab eo, qui politicæ societatis curam gerit? Par est propemodum vtriusque ratio. Sicut enim susceptotum libe-

torum



rorum defectu regnum enervaretur ac periret; sic & bellorum tam externorum, quam domesticorum acerbitate & hominum stragibus, quæ ob connubia nonnulla possunt accidere, susque deque verteretur. Unde recte docuit beatus Thomas, Matrimonium esse institutum non modo in officium naturæ, sed etiam in officium communitatis.

## TERTIA RATIO.

Ex Bellarmino lib. 1. de Matrimonio cap. xxxii. Baio lib. 11. Institutionum Christianæ religionis cap. cxlv. & aliis causas Matrimonii trifariam dividendis. *Quædam*, inquit, *sunt omnino politice, ut de dotibus, de successioneibus, de hereditatibus, &c. Quædam sunt omnino spirituales, ut de partibus Sacramenti, de benedictione sacerdotali; quædam sunt partim politica, partim spirituales, ut de gradibus cognationis, de impedimentis Matrimonii, &c.* Et post alia: *Causas primi generis non negamus ad politicum Magistratum simpliciter pertinere.*

Deinde ex Gretsero, qui loco jam citato, Bellarminum & Batum suo judicio correxit, eorumque divisiones tres in duas reduxit hoc modo: *Verum ut hæc omnia planiora & clariora fiant, diligenter animadvertendum est, duplici generis res partim in Matrimonio contineri, partim cum Matrimonio connexas esse. Quædam sunt omnino politica & civiles, cujusmodi dotes, donationes inter virum & uxorem, successiones, hereditates, & id genus alia jura ex Matrimonio obvenire solita. Quædam propius ipsum Matrimonium attingunt, ex quorum numero sunt impedimenta Matrimonii tam dirimentia, quam non dirimentia, divortia, vel quoad thorum tantum, vel quoad cohabitationem. Res prioris generis omnium judicio pertinent ad Magistratum civilem, &c. Res posterioris generis simpliciter ad Ecclesiasticum tribunal spectant, neque potest circa illas ullus Princeps quidquam valide constituere, nisi Ecclesiæ approbatio accedat.*

Ex his sic formamus argumentum. Causæ matrimoniales primi generis ad politicum Magistratum pertinent: ergo & politicus Matrimonii contractus, & quæ ad ejus constitutionem concurrunt, ad eundem Magistratum simpliciter pertinebunt, cum

sane naturam cognoscere ejusdem sit, cujus est cognoscere effectus & proprietates, vti omnes Philosophi docent. Ut enim effectus physicus ad causam physicam, sic & moralis ad moralem refertur, nisi aliter jure ipso caveatur. At causæ, quæ de dotibus, de successione, de hæreditatibus instituuntur, ex politico contractu sobolescent, & ab eo tanquam rivus a fonte dimanant. De successione enim & aliis id genus nunquam aut raro disceptaretur in sæculari foro, nisi contractus matrimonialis intervenisset.

Porro ad quem simpliciter spectat contractus politicus, ad eundem quoque simpliciter pertinent impedimenta & leges, quibus contractus fieri, vel non fieri debet. Enimvero longe facilius concipies sæcularem judicem de Matrimonii impedimenti agere, illæsa Sacramenti dignitate, quam de causis primi generis, cum Matrimonii impedimenta contractum ipsum Matrimonii, proindeque Sacramentum antecedunt: causæ vero de dotibus, de successione, de hæreditatibus & aliis, & civilem Matrimonii contractum, atque inædificatum contractui Sacramentum subsequuntur. Quæ vero & Matrimonii contractum, & superveniens contractui Sacramentum subsequuntur, plus certe possunt de excellentia Sacramenti, quo civilis contractus consecratur, participare, quam impedimenta, quæ & contractum Matrimonii, & inditum contractui Sacramentum antecedunt. Cum ergo causæ de dotibus & aliis ad politicum Magistratum simpliciter spectant, potiori ratione ad eundem spectabunt causæ de impedimenti, eorumque institutio.

Quidquid id est, duplici modo confirmatur. Et primum quidem, quod alterum divisionis membrum sacerdotali foro gratis attribuitur, & sine ratione Theologica, id est, quæ ex duobus veræ Theologiæ principiis, scriptura & traditione, ducatur, ex solo divisoris arbitrio & beneficio attribuitur; & proinde attribuitur, quomodo non debet attribui, ut quod civile & politicum est, aperte secernatur, & secretum sine fraude dignoscatur. Deinde, quod primum divisionis membrum æque atque alterum sacerdotali foro adjudicaretur, idque contra mentem eorum, qui divisionem hujusmodi fecerunt; scilicet, quia res quæ

## REGIA IN MATRIMONIUM POTESTAS. 59

dicuntur prioris generis, & res quæ dicuntur posterioris, non sunt vere diversi, sed vnius & ejusdem generis, si sacerdotali benedictionem excipias. Sunt omnes naturalis ordinis & finis, atque intra civilis prudentiæ, quæ certa est secularium Principum norma, terminos continentur: & hoc ipsum est verum principium, quo quæcunque spectant ad Matrimonium, dirigi ac dijudicari necesse est.

Si comparanda sunt rerum matrimonialium divisio, ut dicerentur ea, quæ Matrimonium quatenus civilis contractus est, per se & proxime antecedunt & subsequuntur, secularium Principum legibus subiacere; ea vero, quæ Matrimonium quatenus Sacramentum est, per se & proxime antecedunt & subsequuntur, sacerdotali iudicio subesse. Ad primum divisionis hujus membrum impedimenta quæcunque, & præsertim dirimentia, dotes, hæreditates, & alia hujusmodi: ad secundum quæ sit Sacramenti materia & forma, quæ necessariæ ad illud recipiendum dispositiones, quæ & qualis gratia conjugibus datur, & quæ sacerdotalis sit benedictio, & alia hujusmodi referuntur. Ceterum Bellarmini, Baii & Gretseri divisio à dialecticorum regulis recedit, nostra non recedit.

## QVARTA RATIO.

Dirimentem Matrimonium legem ejus est condere, cujus in eadem dispensare. At Principes olim in ea dispensabant. Id primum constat ex Honorii & Theodosii lege, cui titulus est: *Si nuptia ex rescripto petantur.* & ea sic se habet: *Quidam vetusti juris, ordine prætermisso, obreptione precum nuptias, quas se intelligunt non mereri, de nobis æstimant postulandas, se habere puella consensum constringentes: quapropter tale sponsaliorum genus præsentis legis definitione prohibemus. Si quis igitur contra hanc definitionem nuptias precum subreptione meruerit, amissionem bonorum, & pœnam deportationis subiturum se esse non ambigat, & amisso jure Matrimonii, quod prohibita usurpatione meruerit, filios se juste hac ratione susceptos non habiturum, nec unquam postulate indulgentiæ adnotationisve Principis indulto, efficacem se veniæ effectum meruisse, exceptis his, quos consobrinorum, hoc est,*

quarum gradus conjunctione lex triumphalis memoria patris nostri exemplo indulgentum supplicare non vetavit; exceptisque his, qui parentum sponsione de nuptiis filiarum impleri desiderant, vel sponsilia, hoc est, arrarum data nomine, reddi sibi precepto legum eum quadrupli poena deposcunt. Nos enim peti de nobis nuptias supplicatione prohibemus, quas decent de voluntate parentum, vel de ipsis adultis puellis aut mulieribus impetrari. Nam si negato conjugio, quod fuerat ante promissum, lis aliqua legum precepto nascatur, de jure nos consuli non vetamus. Data Calendis Februarii Ravenn. DD. NN. Honorio VIII. & Theodosio III. AA. Coss. id est, anno Christi ccccix. Imperatores exponunt, quando, & quibus, & qua ratione legis veniam dare volunt.

Deinde constat ex veniæ seu dispensationis formula, quæ extat apud Cassiodorum lib VII. variarum cap. XLVI. Institutio divinarum legum humano juri ministrat exordium, quando in illis capitibus legitur preceptum, quæ duabus tabulis probantur adscripta. Sacer enim Moyses divina institutione Israelitico populo inter alia definivit, ut concubitus suos a vicinitate sanguinis abstinerent, ne & se in proximitatem redeundo polluerent, & dilationem providam in genus extraneum non haberent. Hoc prudentes viri sequentes exemplum longius pudicam observantiam posteris trans miserunt, reservantes Principi tantum beneficium consobrinis nuptiali copulatione jungendis: intelligentes varius posse presumi, quod a Principe jusserant postulari. Admiramur inventum, & temperiem rerum stupenda consideratione laudamus, hoc ad Principem fuisse remissum judicium, ut qui populorum mores regebat, ipse & moderata concupiscentia frana laxaret; & ideo supplicationum suarum tenore permoti, si tibi illa tantum consobrini sanguinis vicinitate conjungitur, nec alio gradu proximior approbaris, Matrimonio tuo decernimus esse sociandum, nulli nullamque vobis exinde jubemus fieri questionem, quando & leges nostra permitti voluntate consentiunt, & vota vestra presentis beneficio auctoritatis firmaverunt. Erunt vobis itaque, Deo favente, posteri heredes sollemniter, castum Matrimonium, gloriosa permixtio, quando quidquid a nobis fieri precipitur, necesse est ut non culpis, sed laudibus applicetur. Hæc est illa publica formula, qua disponentibus Regibus consobrina legitima fiebat vxor.

Porto autem si quid cum in Imperatorum constitutione, tum in relata deinde veniæ formula dictatum esset, quod vel Scripturæ sacræ, Ecclesiasticæ traditioni, & præcedentibus Conciliis œcumenicis, vel Sacerdotum juri repugnasset, vehementer obstitissent æquales Honorii & Theodosii Pontifices Siricius, Anastasius I. Innocentius I. vehementer obstitissent æquales Cassiodori & Theodorici Regis Italiæ Pontifices Gelasius I. Anastasius II. Symmachus, Hormisdas. Non obstiterunt athletæ de Scripturis, de traditionibus, de sacerdotali jure armati, de generalium Conciliorum canonibus, de consuetudine Ecclesiastica succincti: non obstiterunt, inquam, quia obstandi causâ nulla fuit; alioqui de silentio & taciturnitate sua rei coarguerentur a Celestino I. dum in epistola ad Galliarum Episcopos ita scribit.

*Quid illis spei est, ubi Magistris tacensibus hi loquuntur, qui si ita est, eorum discipuli non fuerunt? Timeo ne connivere sit hoc tacere, timeo ne magis ipsi loquantur, qui permittunt illis taliter loqui. In talibus causis non caret suspitione taciturnitas, quia occurreret veritas, si falsitas displiceret. Merito namque nos causa respiciat, si silentio foveamus errori: ergo corripiantur hujusmodi, non sit his liberum habere pro voluntate sermonem.*

A Leone I. dum in epistolæ xciii. ad Turribium Asturicensis Episcopum capite xv. ira scribit: *Qui alium ab errore non revocat, seipsum errare demonstrat.*

Ab Hilario, qui Romana in Synodo, cui præfuit, sic discernit: *Nos qui potissimi Sacerdotis administramus officium, saluum transgressionum culpa respiciet, si in causis Dei desides fuerimus inventi, quia meminimus, quod timere debemus, qualiter comminetur Dominus negligentia Sacerdotum: siquidem reatu majori delinquit, qui potiori honore perficitur, & graviora facit vitia sublimitas personarum.*

A Felice III. dum in epistola ad Acacium Constantinopolitanum ita scribit: *Error cui non resistitur, approbatur; & veritas qua minime defensatur, opprimitur. Et paullo post: Negligere quippe cum possis deturbare superbos, nihil aliud est quam fovere. Non caret scrupulo societatis occultæ, qui evidenter facinorosi desinit obviare.*

62 REGIA IN MATRIMONIUM TOTESTAS.

A Gregorio I. dum in libri VII. Indict. II. epistola VI. ad Eusebium Thessalonicensem Episcopum ira scribit: *Qui non corrigit rescandens, committit.* Et in lib. IX. epistola LXXIV. ad Brunichildam Reginam: *Non sunt dissimulanda quæ dicimus, quia qui emendare potest & negligit, participem se proculdubio delicti constituit.*

A Leone II. dum in epistola ad Episcopos Hispaniæ ita scribit: *Honorius flammam hæretici dogmatum, non ut decuit Apostolicam auctoritatem, incipientem non extinxit, sed negligendo conseruit.*

A Gregorio VII. dum in libri II. epistola V. ad plures Archiepiscopos & Episcopos ita scribit: *Vos, fratres, in culpa estis, quia dum perditissimis factis sacerdotali vigore non resistitis, proculdubio nequitiam consentiendo fovetis.* Iterum in libri III. epistola I. ad Episcopos, Abbates & Duces Romani Imperii: *Melius est nobis debitam mortem carnis per tyrannos, & oportuerit, subire, quam nostro silentio, timore vel commodo, Christianæ legis destructioni consentire: sanctos quippe Patres nostros dixisse scimus: Qui pravis hominibus sui consideratione officii non contradicit, consentit, & qui rescandam non aufert, committit.*

A Paschali II. dum in epistola, quæ est LXXXIV. inter epistolas libri II. epistolarum sancti Anselmi: *Si vero nostro silentio pateremur Ecclesiam felle amaritudinis & impietate radicis pollui, qua ratione possemus apud internum iudicem excusari, cum Dominus sub specie Sacerdotum dicat Propheta: Speculatorem te dedi domui Israel. Non bene custodis urbem, qui in specula positus, dum non obsistis, eam hostibus diripiendam exponis.*

Pontifices, inquam, Siricius, Anastasius & Innocentius non obstiterunt Honorio & Theodosio: Gelasius, Anastasius II. Symmachus, Hormisda non obstiterunt Theodorico vel Caffiodoro, nec ob id in crimen, quod malorum fautoribus, Celestinus, Leo I. Hilarus, Felix, Gregorius I. Leo II. Gregorius VII. & Paschalis II. denuntiant, incurterunt. Intelligebant viri sapientissimi, & rerum Ecclesiasticarum peritissimi, Imperatores & Reges non alieno, sed proprio jure usos esse: quod mox a Parisiensibus, Burdigalensibus, Remensibus,

Mussipontanis, Lovaniensibus, Duacensibus, Salmanticensibus, Complutensibus, Italis, & variarum e Societate JESU nationum Theologis, assertum & omni ex parte confirmatum vidimus.

Ad Theodoricum Italiæ Regem quod attinet, hic quamvis Arianus fuerit, jus tamen ob id suum in civilem Matrimonii contractum non perdidit, quia illud non sectæ, sed regis dignitati convenit. Et aliunde plurimum laudatur in annalibus Ecclesiæ, quod opera Cassiodori Regnum optime administraret, quod Catholicos bene haberet, quod Apostolicæ Sedis vindicem se præberet, & cuncta Ecclesiastice peragi vellet. De Theodorico sic loquitur Romana Synodus palmaris dicta, quæ in causa Symmachi Papæ celebrata est: *Sancta Synodus apud urbem Romam ex præcepto gloriosissimi Regis Theodorici ex diversis regionibus congregata, in Christi nomine dixit. Infra: Respondit prefatus Rex piissimus bonæ conversationis affectu. Infra: Symmachus de evocatione synodali clementissimo Regum gratias retulit. Infra: Ad hæc serenissimus Rex taliter, Deo aspirante, respondit.*

---

## CAPUT XII.

*Doctores quidam de jure Regum in sanciendo impedimentis Matrimonium dirimentibus, quamvis obscure locuti, illud reipsa tamen negarunt.*

**D**E Doctoribus illis, qui sæculum quod excurret, antecesserunt, sermo est. Nam recentiores sunt maxime tres, Basilius Pontius, Gaspar Hurtadus, Antoninus Diana, qui negarunt vllum esse in Principibus Christianis jus sanciendo impedimenta Matrimonium dirimentia. Quidquid ea super re scripserunt, in articulo 11. examinabimus, & favere magis Regibus quam nocere ostendemus. De Doctoribus illis hic loquimur, qui paulo sunt antiquiores. Capituli lemma non tam probabimus, quam probatum ab aliis, qui Principibus ablatam ab Ecclesia sancientorum impedimentorum potestatem contendunt, demonstrabimus. E pluribus seligimus

duos, Ægidium Conink, & Petrum Cornejo, quorum primus negantem partem ita proponit disp. xxx. de impedimentis Matrimonii dubio 1. Dubitatur igitur, utrum Principes seculares habeant potestatem inducendi impedimenta Matrimonii. Quidam id absolute negant. Primo, quia Matrimonium est Sacramentum, circa quod seculares nihil possunt constituere. Secundo, quia cap. Tuam 111. de ordine cognitionum, dicitur, causas matrimoniales ad solum forum Ecclesiasticum pertinere. Ita Richardus in 1v. dist. XLII. art. 11. quest. 11. in corpore, & fervens Paludanus ibidem quest. 1. art. 11. conclus. v 11. Sotus quest. 11. art. 11. ad 11. sed hic alibi contrarium tenet. Deinde postea hæc ita solvit: Nec refert quod Matrimonium sit Sacramentum, quia ideo non desinit esse vere contractus civilis, & hac ratione subdixit potestati politica: quia etsi potestas politica directe nihil possit statuere circa Sacramenta, potest tamen indirecte impediendo valorem contractus, quem Matrimonium essentialiter involvit. Sicut etsi lex Ecclesiastica non possit directe impedire potestatem ordinis, potest tamen id facere indirecte, subtrahendo nimirum Sacerdoti jurisdictionem ad absolutionem necessariam. Immo nec potestas Ecclesiastica potest alia ratione irritare hoc Sacramentum, quam irritando indirecte contractum: & hinc patet solutio argumenti positi num. 11. Ad secundum respondeo, illud solum probare conclusionem sequentem, quæ dicit, Ecclesiam hanc potestatem Christianis Principibus circa Matrimonia fidelium ob Sacramenti dignitatem ademisse.

Secundus vero negantem partem ita quoque proponit tom. 11. in 111. part. tract. v 1. disp. v 11. dubio 111. de impedimentis Matrimonii: *Oppositum hujus conclusionis* (quod Princeps ex natura potestatis suæ sancire impedimenta dirimentia queat) *videntur tenere D. Thomas hic quest. LVII. art. 11. ad 1v. D. Bonaventura in 1v. dist. XLII. art. 11. quest. 11. Paludanus ibidem quest. 11. art. 11. concl. v 11. Major dist. xxxix. quest. 11. conclus. 1. & ex Iuristis plures, quos refert Sanches loco citato num. 1. Fundamentum hujus sententiæ possunt esse duo. Primum est desumptum ex decisione Ecclesiæ. Nam in cap. 1. de sponsalibus, quod est desumptum ex Concilio Triburiensi sub Bonifacio III. cap. xxxix. ubi decernitur, Matrimonium cum alieni-*



*alienigena contractum validum esse, etiamsi celebratum fuerit contra leges civiles sue gentis & nationis. & in cap. Tuam, de ordine cognationum decernitur, causas matrimoniales non ad forum faculare, sed ad Ecclesiasticum duntaxat pertinere. Secundum fundamentum sumi potest ex ratione, qua Matrimonium fidelium est Sacramentum & res quaedam spiritalis: ergo extra omnem potestatem secularem. Et confirmatur, quia potestas secularis solum est circa ea que pertinent ad forum contentiosum externum, & non se extendit ad forum conscientie, quia hoc est Dei, ad quod pertinet Matrimonium. Confirmatur secundo, quia Matrimonium est pactum naturale obligans lege naturali: ergo non cadit sub potestate civili, sicut alii contractus civiles, emptionis & venditionis, & e contra. Confirmatur tertio, quia ad leges civiles solum pertinet premiare bona, & punire mala; non vero ea que de se bona & licita sunt, sua prohibitione mala & illicita reddere: ergo si Matrimonium inter certas personas est natura sua licitum & validum, non poteris illud illicitum & invalidum reddere; sed solum poteris punire eos, quia Matrimonia de se illicita & invalida contraxerint. Et confirmatur ultimo, quia ex opposito oriri posset maxima perturbatio inter fideles. Nam si eisdem subditis posset ex una parte Rex, & ex alia Pontifex apponere impedimenta Matrimonii, in casu, quo contraria sub legibus precipere, non esset certitudo, cui eorum parendum esset.*

*Hæc, inquam, ita proponit, quæ deinde ita solvit: Sed his facile responderetur, & ad primum fundamentum solum probare, jam hodie non posse Principes Christianos condere leges, quibus apponant nova aliqua impedimenta Matrimonio, quæ ab Ecclesia imposita aut approbata non sint: quia hoc sibi reservavit Ecclesia, ut dicemus conclusione sequenti. Hoc tamen non tollit, quominus seclusa tali reservatione haberent Principes Christiani potestatem impedimenta, apponendi.*

*Ad secundum fundamentum respondeo, Matrimonium in quantum Sacramentum, non cadere directe sub potestate civili seculari, sicut neque sub Ecclesiastica Pontificis; caære tamen sub utraque, ut contractus humanus est: & hac ratione posse optime Principem secularem & Ecclesiam illud irritare, nisi sub certis conditionibus sibi placitis fiat æque bene ac si talis contractus Sacramentum non*

# 66 REGIA IN MATRIMONIUM POTESTAS:

*esset. Constat autem, quod deficiente valida ratione contractus non potest fundare rationem Sacramenti.*

*Ad primam confirmationem respondetur, etiam Principes seculares habere potestatem, quæ obliget in foro conscientie, cum potestas temporalis sit a Deo, non minus quam spiritalis, ex illo ad Rom. xiiii. Omnis potestas a Deo, & qui potestati resistit, Dei ordinationi resistit. Unde etiam alii contractus jure civili, ut emptio, donatio, & similes, obligant in foro conscientie.*

*Ad secundam confirmationem dico, etiam alia pacta, ut donationes, promissiones, & reliquæ stipulationes esse jure nature valida & obligatoria: & nihilominus cadunt sub potestate civili.*

*Ad tertiam confirmationem negatur antecedens. Nam revera potest Princeps sua lege constituere aliqua in genere virii aut virtutis, etiam ea quæ ex suo objecto indifferentia aut determinate bona erunt, quando ratione alicujus circumstantiæ id postulaverit expedire bono communi: alias potestas civilis esset insufficiens ad rempublicam gubernandam, & per hoc patet responsio ad alteram confirmationem.*

Ex iis autem, quæ auctores hi duo disputant, apparet primum sanctum Thomam, Bonaventuram, Paludanum, Richardum, Majorem & Jurisconsultos, cum negant, seculares Principes impedimenta Matrimonium dirimentia statuere posse, id nonnisi facta quadam suppositione negare, quod scilicet Ecclesia sciendi impedimenta dirimentia potestatem secularibus Principibus abrogavit; non veto quod spectata rei natura seculares Principes hanc potestatem non habuerint. Deinde Ecclesiam secularibus Principibus hanc eandem potestatem ademisse. Ex his duobus primum juris conditionem attinet, atque illud ipsum est, quod hoc capite quarimus: seculares nimirum Principes spectata rei natura posse statuere impedimenta, quæ Matrimonium dirimant. Quo fit ut eam quam explicamus sententiam, alii, ut Conink & Sanches, fere communiter a Theologis defendi, & absque dubio tenendam esse dicant; alii vero, ut Sotus, ab iis Theologis, quos referunt Ægidius Conink & Petrus Cornejo, non negari, licet non ita aperte offerant, testentur. Et revera, si qui antiquiores Theologi negare videantur, non de ea secundum

se spectata loquuntur, sed prout hanc ab Ecclesia Principibus ablatam esse sibi persuadent. Secundum vero facti quaestionem attinet, in qua auctores illos errare ostendemus.

Theologis accensemus Jurisconsultos, de quibus sermonem habet Basilius Pontius lib. vi. de Matrimonio cap. 11. *Hic, inquit, sententia (quam scilicet defendimus) subscripserunt non pauci, qui existimant non valere statum civitatis, quod inter homines diversarum civitatum non contrahunt Matrimonium sub certa poena, dummodo possint honeste contrahere inter homines suae civitatis. quod docet Bartolus & Angelus, & alii quos pro hac parte refert Felinus in cap. 1. de sponsalium num. xx.*

Jurisconsultos adderemus alios, & inprimis Franciscum Conanum lib. viii. cap. v. de incestis nuptiis, & Antonium Contium lib. de clandestino Matrimonio cap. 11. & vii. nisi Petrus Montius vetaret, qui cap. xxxi. de abbreviatione legum asserit constare, quod aliquoties secundum divinam & naturalem legem Iurista aberrant. At quaestionem nostram ad divinæ naturalisque legis amulsum exigentiam esse quis nescit?

## CAPUT XIII.

*Romanorum Pontificum de proposito themate, seu de regia in Matrimonium jure judicium recensentur.*

COMMODOVS heic visus est locus, in quo quid Romani Pontifices de regia seu civili in Matrimonium potestate senterint, ostendatur: tum ut quæ hætenus a Theologis diversarum Academiarum & nationum disputata sunt, ab hominibus minime suspectis confirmetur amplius: tum vt explicandis, quæ in aliis tractatus nostris partibus, occurrent, difficultatibus via quædam magnifica sternatur. Interim memoria recolendum est illa Romanorum Pontificum Theodosii vtriusque & Arcadii, necnon Theodorici Regis Italiæ æqualium taciturnitas & silentium, quod sub finem capitis xi. pro-

posuimus, & in quo præsidium ingens constituimus. Nunc agitur de Romanis Pontificibus, qui non tacuerunt ut alii, sed locuti sunt.

Primus est Leo Magnus in epistola XCII. ad Rusticum Narbonensem cap. IV. *Non omnis mulier iuncta viro, uxor est viri, quia nec omnis filius heres est patris. Nuptiarum autem fœdera, inter ingenuos sunt legitima & inter equales, multo prius hoc ipsum Domina consensiente, quam initium juris Romani existat. Itaque aliud est uxor, aliud concubina, sicut aliud ancilla, aliud libera. Dirimens impedimentum conditionis agnoscit Leo, non ut ab Ecclesia, sed ab Romano jure institutum. Cum ergo, inquit Ivo epistola XLII. Qui non sunt hac lege conjuncti, non dicimus esse conjugium; sed veluti contubernium male conjunctorum dissolvimus.* Sed ante Ivonem Carolus Calvus in capitulis quæ in Pistensi Concilio edidit, Leonem tanquam juris sui vindicem & assertorem ita laudat in capite XXXI. *Si autem de istis partibus in illis partibus femina maritum, aut maritus feminam accepit, illud conjugium, quia non est legale, neque legitimum, sicut Leo in suis decretis, & sanctus Gregorius in epistolis monstrans, dissolvatur. Quid est, quæso, conjugium legale & legitimum, nisi qui secundum leges est initum?*

Alter Gelasius apud Gratianum XXVII. quæst. II. cap. XLIX. *Lex illa præteritorum Principum ibi raptum dixit esse commissum, ubi puella, de cujus ante nuptiis nihil actum tradit, videatur adducta. Legem de raptu a Principibus tanquam a suis genuinis auctoribus profectam laudat Gelasius.*

Tertius Gregorius Magnus lib. XII. epistola XXVII. ad Petrum Defensorem. *Petrus, inquit, quem Defensorem fecimus, quia de massa juris Ecclesiæ nostræ; quæ Vitellus dicitur, oriundus sis, experientia tua bene est cognitum. Et ideo, quia ita circa eum benigni debemus existere, ut tamen Ecclesiæ utilitas non laedatur, hac tibi preceptione mandamus, ut cum districte debeas commonere, ne filios suos quolibet ingenio vel excusatione foris alicubi in conjugio sociare præsumat, sed in ea massa, cui lege & conditione ligati sunt, socientur. In qua re etiam & suam omnino necesse est experientiam esse sollicitam, atque eos terrere, ut qualibet occasione de possessione, cui oriundo subiecti sunt, exire non debeant. Nam*

*si quis eorum exinde, quod non credimus, exire præsumpserit, certum illi sit, quia noster consensus nunquam illi aderit, ut foris de massa, in qua nati sunt, aut habitare debeant aut sociari, sed & superscribi terram eorum: atque tunc sciasis, vos non leve periculum sustinere, si vobis negligentibus quisquam ipsorum quidquam de iis, quæ prohibemus, facile qualibet forte tentaverit.* Luculentius testimonium nullum est, quam quod hic Gregorius de temporali jure suo præbuit in impediendis dirigendisque beneficiariorum Matrimoniiis. Neque vero tam ille vetat, ne Matrimonium, quo de agebatur, sine suo fiat assensu, quam quid sit juris domino in vasalli conjugium exponat.

Quartus Nicolaus I. consultus a Bulgaris, an coronæ gestationem, auream argenteamve ligaturam in nuptiis omittere tam grande nefas esset, quantum assererebant Græci, remoto prius ab eis hoc scrupulo, aliaque Romanorum perstricta consuetudine, cap. 111. respondit, sufficere *secundum leges eorum*, (vti legunt Bandinus, Lombardus & alii veteres) vel (vt legit Hildebertus Cenomanensis) *secundum leges solum eorum consensum*, de quorum conjunctionibus ageretur. Hoc loco ad civiles leges spectabat Pontifex, quas ab Imperatoribus de ritu nuptiarum latas esse noverat.

Porro ante Nicolaum hoc ipsum ex jure civili desumpserat Cyrillus Alexandrinus lib. 11. in Joannem cap. 1v. *Non qui ex voluptate fit coitus, sed qui secundum legem est consensus, & quæ casto amore conjunctio existit, inculpata nuptias efficiunt.*

Deinde in iisdem ad Bulgaros responsis cap. xxxix. *De consanguinitate generationum exquisitis, ut quibus utique feminis jungi debeatis, liquido cognoscatis. Verum quod leges hinc sanciant, jam meminimus, memorare summatim operapretium esse ducimus. Aiunt enim: Ergone omnes nobis uxores ducere licet? Nam quorundam nuptiis abstinere debemus. Inter eas enim personas, quæ parentum liberorumve locum inter se obtinent, nuptiæ contrahi non possunt, veluti inter patrem & filiam, vel avum vel nepotem, matrem & filium, aviam & nepotem, & usque ad infinitum inter eas quoque personas, quæ ex transverso gradu cognationis junguntur, est quædam similis observatio, sed non tant,*

70 REGIA IN MATRIMONIUM POTESTAS.  
Hic Pontifex ex jure civili multa defumit.

Quintus quidam Benedictus Papa in appendice Concilii Lateranensis III. tit. de sponsalibus cap. xxviii. respondens huic Gradenſis Patriarchæ Gaudentii conſultationi: *Utrum ſoror illius, quæ Ioanni deſponſata ante peractas nuptias obiit, illi eidem Ioanni nubere poſſit? Censura Apoſtolica mandamus, hoc abſque criminis vitio poſſe fieri. Nam cur prohibeam, quod prohibitum nunquam ſacra Scriptura declaravit, ſed neque mundanæ leges connumeratis perſonis, quibus inter ſe nuptias contrahere non licet, de huiusmodi aliquid dicunt negotio? Ne ergo abnegetis, quod nulla abnegandum ratione monſtratis.* Pontifex innuit duo. Unum ſæculares Principes legem, quæ ejuſmodi nuptias prohiberét, non tuliffe quidem, ſed ferre potuiſſe. Alterum, ſe non poſſo vetare, quod ſacra Scriptura non vetat? Cur, inquit, prohibeam, quod ſacra Scriptura nunquam prohibitum declaravit. Hoc ſi ſemel concedatur, regia in Matrimonium poteſtas in tuto collocata eſt.

Sextus Alexander II. in epiſtola xxviii. ad Conſtantinum Aretinum Epiſcopum. *Scriptiſti, inquit, quendam Eccleſiæ ſuæ filium concubina ſua in quarta linea conſanguineam, alterius ſcilicet deſponſatam, pro conjuge duxiſſe. Iuraverat enim eam, ut aſſeris, in Matrimonium prius ducere ſponſus. Et paullo poſt: Perjurio namque, quia quod obſervare legaliter non potuit, ſine iudicio parentum vel iudicum ſemere iurare præſumpſit.* Verba hæc, quod obſervare legaliter non potuit, legaliter, id eſt, per civiles leges. Nam poſt pauca ſactos canones alio quam ad Matrimonium refert. *Noſti, ait, quid ſicri canones ſuper huiusmodi hominem decreverunt, videlicet ſi laicus, ut non promoveatur ad clerum; ſi clericus, ulterius non aſcendat.*

Deinde in epiſtola xxxviii. ad Epiſcopos, Clericos & Iudices Italiæ. *Ad ſedem, inquit, Apoſtolicam perlata eſt queſtio noviter exorta de gradibus conſanguinitatis, quam quidam legum & canonum imperiti excitantes, eoſdem propinquitatis gradus contra ſactos canones & Eccleſiaſticum morem numerare nituntur, novo & inaudito errore affirmantes, quod germani fratres, vel ſorores inter ſe ſint in ſecunda generatione, filii eorum & filia in quarta, nepotes vel neptes eorum in ſexta.* Tali namque modo pra-

geniem computantes, & in hujusmodi sexto eam gradu terminantes, dicunt, deinceps viros ac mulieres inter se posse nuptialia iura contrahere: & ad ejusmodum profanum errorem confirmandum in argumentum assumunt seculares leges, quas Iustinianus Imperator promulgavit de successione consanguineorum. Quibus confisi ostendere moluntur, fratres in secundo gradu esse numeratos, filios eorum in quarto, nepotes in sexto; sic seriem genealogiae terminantes, numerationem sanctorum Patrum & antiquam Ecclesiae computationem ad nos usque perductam perversa quadam calliditate disturbare nituntur. Nos vero, Deo annuente, hanc questionem discutere curavimus, in Synodo habita in Lateranensi consistorio, convocatis ad hoc opus Episcopis & Clericis atque Iudicibus diversarum provinciarum. Denique diu ventilatis legibus, & sacris canonibus distincte invenimus ob aliam causam, alteram legum fieri, alteram canonum computationem. In legibus siquidem ob nihil aliud ipsorum graduum mentio facta est, nisi ut hereditas vel successio ab una ad alteram personam inter consanguineos deferatur; in canonibus vero ob hoc progenies computatur, ut aperte monstretur usque ad quoram generationem a consanguineis sit nuptiis abstinendum. Ibi praescribitur ut hereditas propinquis modo legitimo conferatur; sic vero ut recte & canonice inter fideles nuptiae celebrentur. Et quibusdam interpositis: Hanc computationem intelligens prudentissimus Papa Gregorius, dum quaeretur in quora generatione conjungi fideles debeant, ipsas seculares leges in testimonium adducens, Augustino Anglorum Episcopo sic rescripsit: [Quaedam terrena lex in Romana Republica permittit, ut siue fratris & sororis, siue duorum fratrum, siue duorum germanorum, seu duarum sororum filius & filia misceantur; sed experimento didicimus ex tali conjugio sobolem non posse suscescere. Unde necesse est ut jam in tertia vel in quarta generatione copulatio fidelium licenter sibi conjungi debeat. Nam a secunda, quam prae diximus, omnimodo debent abstinere.] Ecce hic aperte monstratur filios & filias fratrum in secunda generatione numerari, & si fratrum filii & filiae numerantur in secunda, fieri non potest, ut ipsi fratres non sint in prima. Quod si fratres computantur in prima, filii eorum in secunda, dubium non est, quin eorum nepotes sint in tertia, pronepotes in quarta, & sic de reliquis usque ad septimam. Sed sunt quidam,

## 72 REGIA IN MATRIMONIUM POTESTAS.

qui ex his Gregorii verbis, quibus ait, ut in tertia, vel quarta generatione copulentur fideles, occasionem accipiunt illicita Matrimonia contrahendi, dicentes se hic iuste posse facere, quod prudentissimus Doctor sua sententia diffinivit. Isti itaque qui se hoc velamento defendere nituntur, advertant in ejusdem Patris sententiis hoc non generaliter cunctis, sed specialiter Anglorum genti mandasse. Nam postmodum a Felice Messana Sicilia Praefule requisitus an hoc quod Augustino mandaverat, generaliter cuncta Ecclesiae tenendum esset, apertissime firmavit, non aliis hoc quam illi genti mandasse, ne bonum quod ceperunt, metuendo ansteriora desererent; sed & illis postquam in fide essent firma radice solidati, & universali Ecclesiae, censuit semper esse tenendum, ut nullam de propria consanguinitate vel affinitate infra septimam generationem aliquis sibi audeat conjugio copulare. Ecce aperte monstratum est, & ex verbis ipsius legis & auctoritate prudentissimi Papae Gregorii, quod de gradibus consanguinitatis numerandis sentire debeamus.

Et primo quidem Alexander II. sequitur Gregorium I. qui ad computandos generationis vel consanguinitatis gradus saeculares leges adhibuit. Novit Theodosium seniore consobrinorum nuptias vetuisse, tanquam sororum, ut ait Aurelius Sextus Victor. Deinde hereditas non potest propinquis legitimo modo conferri, nisi nuptiae sint legitima, id est, secundum leges celebratae. Tum in sacris canonibus decernitur, quomodo nuptiae seu Matrimonium quatenus Sacramentum est, inter fideles celebretur.

Ceterum Alexander II. sequitur Gregorium I. qui ad computandos generationis vel consanguinitatis gradus saeculares leges adhibuit.

Septimus Callistus II. seu potius Concilium Lateranense I. can. V. *Conjunctiones consanguineorum fieri prohibemus, quoniam has & divina & saeculi prohibent leges.* Concilium verba haec accepit ex Callisti I. epistola 11. ubi canonis ratio redditur. *Leges, inquit, divina hoc agentes, & eos qui ex his produnt, non solum ejiciunt, sed & maledictos appellant. Leges ergo saeculi infames tales vocant, & ab hereditate repellunt. Nos vero sequentes patres nostros & eorum vestigiis inhaerentes, infamia eos notamus, & infames esse censemus, quia infamia maculis sunt aspersi,*



si; nec eos viros, nec accusationes eorum, qua leges sæculi rejiciunt, suscipere debemus. Quis enim dubitat leges humanas rationi & honestati non repugnantes esse amplectendas, præsertim ubi publicæ consulunt honestati, vel Ecclesiastica dignitatu auctoritatem defendunt, ac pro adminiculo tuerentur.

Eos autem consanguineos dicimus, quos divina & Imperatorum ac Romanorum atque Græcorum leges consanguineos appellant, & in hereditatem suscipiunt, nec repellere possunt. Talium enim conjunctiones nec legitime sunt, nec manere possunt; sed sunt repellende.

Hic notanda mihi tria videntur. Primum, quod epistola hæc Callisto I. subiecta est, idque sola demonstrat lectio. Nam auctor ad annum CCXXIV. de Gallicanæ Ecclesiæ statu & rebus perinde scribit ac scripsisset, quo tempore Gregorius Magnus Romanæ Ecclesiæ præfedit, non quo tempore Callistus I. eidem præfedit. Tunc enim non erant tot Episcopi per Gallias constituti, quot sibi sumit in epistolæ titulo: *Dilectissimis fratribus per Gallias constitutis universis Episcopis.* Tunc non erant conspirationes illæ contra Episcopos, ut fingit: *Conspirationum enim crimina vestrum in partibus vigere audivimus, & plures contra Episcopos suos conspirare, nobis manifestatum est.* Et paullo post: *Antecessores vero nostri cum plurima turba Episcoporum, quicumque eorum in sacerdotali honore sunt positi, aut exsunt clerici, honore quo utuntur, cadere præceperunt; ceteros vero communione privari, & ab Ecclesia extorres fieri jussuerunt, omnesque simul utriusque ordinis viros infames esse censuerunt.* Qui hæc omnia sub Callisti nomine memoriæ mandavit, illum Ecclesiasticarum rerum ignoratione summa laborasse oportuit. Pauci erant Episcopi per Gallias constituti, plebium contra Episcopos conspirationes nullæ. Christiana Religio Imperatorum vexationes patiebatur innumeras, & Callistus ipse diuturno carcere detentus post longam famem, & quotidiana verbera, e fenestra domus in qua custodiebatur, in puteum præcipitatus martyrii coronam adeptus est. Quocirca non est mirum, si qui decretum Gratiani Romæ emendaverint, Pontificis hujus epistolas rejecerint, ut Antonius Augustinus in lib. II. dial. IV. de emendatione Gratiani testatur.

## 74 REGIA IN MATRIMONIUM POTESTAS.

Deinde quod epistolæ suppositor, quid ætate sua de latris ab Imperatoribus circa Matrimonium, & consanguinitatis impedimentum legibus sentiebatur in Ecclesia Dei, significat, cum quidquid id est, ad Callisti ætatem revocandum esse censuit, ratus hoc a nemine deprehensum iri.

Denique quod Callistus II. & Lateranense Concilium, pro vniuersali habitum a pluribus, epistolæ fragmentum approbarunt, & ex eo canonem confecerunt, nec in eo præiudicium ullum Ecclesiæ fieri iudicarunt: ex quo fit, vt Callisti & Lateranensis Concilii fides & auctoritas tota quanta est, in regii circa connubiales leges juris defensionem & confirmationem non possit non oppignerari.

Octavus Clemens III. lib. IV. decretalium tit. XIV. cap. III. sic de legibus Principum sentit: *Quod parentes, fratres, & cognati utriusque sexus in testificatione suorum in Matrimonium conjungendum vel dirimendum admittantur, tam antiqua consuetudine, quam legibus approbatur. Ideo enim maxime parentes, etsi defuerint parentes proximiores, admittuntur; quoniam unusquisque suam genealogiam cum testibus & charis, tum ex recitatione majorum scire laborat: qui enim melius recipi debent, quam illi, qui melius sciunt, & quorum est interesse, ita vt si non interfuerint, & consensum non adhibuerint, secundum leges nullum fiat Matrimonium?* Clemens ergo in civilibus legibus vim dirimendi Matrimonium agnoscit, nec in Regum institutis, in quibus hodie quidam hæsitant, cunctatur.

Nonus Innocentius III. in cap. *Venerabilem*: *Insuper cum Rex (Gallix) superiorem in temporalibus minime recognoscit, sine alterius juris læsione in eo jurisdictioni nostra sese subijcere potuit, in quo videretur aliquibus, quod per se ipsum, non tanquam pater cum filiis, sed tanquam Princeps cum subditis potuit dispensare.* Rex Gallix nothos suos non qua pater, sed qua Princeps natalibus restituit. Major enim potestas est Regis in filios, qua Princeps est, quam qua pater: siquidem patris conditio eo non pertingit, vt legem ferat; sed Regis conditio id sine dubio præstat.

Decimus Clemens IV. in epistola, quam pro felici regimine Regni transmisit ad Carolum Provinciæ Comitem, &

postea Siciliæ Regem: Cum Matrimonia libera esse debeant, filias militum, qui nec sunt Comites, nec Barones, nec castrorum fortium possessores, similiter & Burgensium, aut aliarum privatarum personarum a parentibus superstitibus libere nuptui tradi sinas, parente vel parentibus sublati de medio nubunt, libere suo motu vel suorum consilio amicorum. Sed & de filiabus Comitum & Baronum viventium suscinere debes, quod eas cum pecunia tradant nuptui, quibus voluerint, qui tibi non debeant esse suspecti: si vero cum terris eas maritare voluerint, decens est, ut tuus requiratur assensus, quem negare non debes, nisi persone suspicio contrarium suadeat evidenter. Orphanæ autem filie Comitum & Baronum cum amicorum suorum consilio & tua majestatis assensu: sic tamen quod hac occasione non cogas eas hominibus nubere, quibus eas non deceat copulari. Commonitorio pio declarat Pontifex quid sit juris penes Reges in Comitum & Baronum Matrimonia, & hæc quando, & qua ratione ab Regum voluntate pendeant.

Undecimus Hadrianus VI. factus Pontifex, quod olim de regio seu civili in Matrimonium jure Lovanii in Academia celebri docuerat, retinuit, non mutavit in Romana editione. Res se habet in disputatione de Matrimonii Sacramento. Non est, inquit, absurdum per accidens mutari posse. Sicut statutum potest facere, quod non valet alienatio facta per hominem de rebus suis, ut puta ab homine interdicto boni, quia prodigus, vel etiam a furioso, vel minorenni quindecim annis: ita potest facere, quod non valet alienatio de seipso. Nam sicut servus non potest dare id quod habet, nec seipsum dare, vel vendere sine Domini voluntate: sic homo, qui est membrum communis, contra rectam ordinationem rectorum universitatis non potest se dare in vassallum vel servum, nec per consequens in maritum. Sic Theologus insignis & Pontifex philosophatur, ut cum philosophari decuit.

Hæc habui quæ de regio in Matrimonium & illius impedimenta jure per Romanos Pontifices undecimi, Leonem I. Gelasium I. Gregorium I. Nicolaum I. Benedictum in appendice Lateranensis Concilii, cui Alexander III. præfuit, Callistum II. Clementem III. Innocentium III. Clementem IV. & Hadrianum VI. & per Lateranense illud Concilium, cui Callistus II. præfuit, dissererem, & Romanæ Ecclesiæ

traditionem exponerem. Reliquum est modo, ut observationes aliquot subnectam.

Prima est, ab Ivone Carnotensi recte dictum esse, *instituta legum novellarum ab Ecclesia Romana servari atque commendari.*

Secunda, Romanos Pontifices ita tractasse de Matrimonio & ejus impedimentis, ut tractatui suo rationem Sacramenti non immiscuerint. Intelligebant viri prudentes Sacramenti rationem illam Matrimonio cum superveniat, posteriorem esse, & prius a posteriori non pendere. Cum illis Pontificibus commercii nihil aut parum habent caudicis quidam, qui agere non possunt de Matrimonio seu nuptiis, sola actionis suae materia, quin Sacramentum alienam ab iis materiam toties nominent, quoties Matrimonium vel contractum Matrimonii nominare oportet: adeo difficile est vnumquemque semper ἐπὶ τοῦ θέματος, & suis se finibus continere; sed illae sunt ad populum phaleræ. Dum enim Sacramentum nominant, cum Matrimonium aut contractum Matrimonii nominare debent, se quid causæ maximæ serviens ac decretorium dixisse arbitrantur.

Tertia, cum relati Pontifices tacito nec expresso Sacramenti nomine de Matrimonio & de conditis ad contrahendum rito Matrimonium legibus loquuntur, eos quæ tacenda sunt & dicenda novisse, non vero quod Sacramentum non esse crederent. Leo I. & Innocentius III. Matrimonium & in vetiti fuisse, & in nova lege Sacramentum esse scribunt. Hic in libri II. epistola CCXIX. ubi de divortio inter Mariam Aragoniæ Reginam, & Petrum Aragoniæ Regem scribit. Ille in epistola XCII. ad Rusticum Narbonensem Episcopum.

Quarta & ultima, Regum & rerumpublicarum in Matrimonii contractum, & in ea quæ contractum præcedunt impedimenta, potestatem ita certam esse, ut qui contra eam discederet, contra Romanæ Ecclesiæ traditionem dixisse censendi sit. Id confirmatur ex eo quod Scripturæ testimonia, *Quodcumque ligaveris super terrâ, &c. super hanc petram, Pasci oves meas, &c. Prævi pro te;* intellecta quemadmodum Tridentina Synodus in sessione I. v. & fidei professio intelligi jubent, ius statuendi leges, quibus iuratur vel non iuratur Ma-

REGIA IN MATRIMONIUM POTESTAS. 77  
rimonium, non importent. Hac interpretandum Scriptu-  
rarum regula stante, ex ea parte jus stabit regium, & inta-  
ctum remanebit; sed ut caderet, quis nisi Tridentinæ Synodi  
& professionis fidei hostis juratissimus tentaret?

#### CAPUT XIV.

*Africanorum Præsulum de regia in Matrimonium pote-  
state judicium exponitur.*

**Q**UID Africani Patres, quos inter beatus eminent Augu-  
stinus, & doctrinæ principatum tenet, de regia in Ma-  
trimonium potestate sentiant, in codice canonum Ecclesiæ  
sue luculenter declarant. Adscribo verba canonis CII, *Pla-*  
*cuit, ut secundum Evangelicam & Apostolicam disciplinam neque*  
*dimissus ab uxore, neque dimissa a marito conjugatur, sed*  
*ita maneant, aut sibi met reconcilientur. Quod si contempserint, ad*  
*pœnitentiam redigantur: in qua causa legem imperialem petendum*  
*promulgari.* Hic autem canon seu placitum paucis multa com-  
plectitur.

I. Africani Patres non aliud agnoscunt, quod juris sui sit,  
canonis seu placiti præsidium, excepta pœnitentia, ad quam  
qui contravenerint eos redigi volunt.

II. Africani Patres cum perspiciunt ad exequendum om-  
nino canonem, seu placitum suum indicendæ pœnitentiæ  
minas non sufficere, non decernunt negotium istud tam gra-  
ve ad Episcoporum Synodum majorem, vel ad Sedem Apo-  
stolicam remittendum esse, ut canon seu placitum præsidio  
validiori atque efficaciori communiretur.

III. Africani Patres considerata re non decreverunt, quod  
fuisse decernendum proposuimus. Hinc efficitur, ut verissimi-  
liter credi possit illos esse persuasos, nec ab Episcoporum  
Synodo majore, nec a Sede Apostolica ultra pœnitentiæ im-  
positionem procedere posse.

IV. Africani Patres evolutis Scripturis, replicatis Ecclesiæ

annalibus, & perpensa traditione vniversa, quæ ab Apostolorum ætate vsque ad suam decurrerit, non inuenerunt se id posse facere, quod ab Imperatore faciendum esse censent.

v. Africanorum Patrum illa persuasio & diligentia, quam attestamus, ex illorum opere confirmatur. Ad Imperatorem confugiunt, & ab eo petendum esse iudicant, vt quod ipsi facere nequeunt, faciat; nempe legem ferat, qua vetetur, ne dimissus ab vxore, nec dimissa a marito coniungatur alteri; sed ita permaneant, aut sibi met reconcilientur. Tunc Imperator severiorem pœnitentia pœnam exilii vel deportationis aut mortis pro sua prudentia decrevisset.

vi. Africani Patres cum talem in Imperatore potestatem agnoscunt, eam non possunt in eodem Imperatore potestatem non agnoscere, quæ per leges suas Matrimonii contractum dirigat & moderetur. Hoc autem tandiu verum erit dicere, quandiu valebit apud homines ratione præditos a maiori ad minus argumentatio. Ab Imperatore eam de Matrimonio condi legem, quam Africani Patres postulant, maius esse quam eam condi legem, quæ rite ineatur, vel non rite ineatur contractus Matrimonii, quis vera cum ratione dubitet? Lex prior Matrimonium, quod iam Sacramentum est, omnino supponit; posterior non supponit. Sacramenti dignitas Matrimonii contractum subsequitur, non antecedit. Lex prior celebratum iuxta Evangelicam & Apostolicam disciplinam Matrimonium confirmat. Lex posterior versatur duntaxat circa personas, quæ ad celebrandum Matrimonium inhabiles vel habiles redduntur: quod omnibus civilis reipublicæ contractibus commune est. Sic lex prior majoris est ponderis, & ad supernaturalem finem propius accedens; lex posterior minoris, nec ultra naturalem finem ex se protenditur. Lex prior cum Africanorum Patrum iudicio Imperatoris potestati subiacet, lex posterior multo magis subiacet. Qui dissensiat, mente captus sit oportet.

vii. Africani Patres in alia educati sunt schola, quam qui relati sunt in capite x. Theologi. Non enim ratiocinantur hoc modo: Imperator legem circa indissolubilem viri & vxoris societatem præstare condebat; ergo id multo magis licebit

Ecclesie, seu potius Sacerdotum confessui. Non ita ratiocinantur Africani Patres. Noverant, & cum primis Augustinus, dialectice peritissimus, hunc ratiocinandi modum non semper quadrare, & vitio inconsequentie plerumque sordescere. Quod & facto suo confirmarunt. Nam quæ illis præter penitentiam lex visa est necessaria, hanc non tulerunt, sed ab Imperatore ferendam esse censuerunt.

## CAPUT XV.

*Tridentina Synodi de regia in Matrimonium potestate iudicium exponitur.*

QUID Tridentina Synodus de hoc jure senserit, aperte colligitur ex iis, quæ de clandestinis conjugii & eorum abulibus disputata sunt in sessione xxiv. Cum ibi varix a variis Doctoribus quærerentur rationes, quibus haud mutata Sacramenti natura, clandestinum Matrimonium posse irritum fieri, declararetur: ecce Camillus Campegius Dominicanus eam invenit & proposuit, quæ pluribus arrisit; non mutari videlicet Sacramentum, etiamsi quis efficiat, ut quod Sacramenti materia est, desinat Sacramenti materia esse. Qui autem civilem Matrimonii contractum sustulerit, personas ad contrahendum reddens inhabiles, continuo effecturum dixit, ut Matrimonii contractus non possit amplius Sacramenti supereffe materia. Non secus ac si quis efficeret, ut qui liquor vera est aqua, aqua esse desinat, non mutaturum esse dicit Sacramenti baptismi materiam, sed effecturum duntaxat, ut quæ nunc aqua ad baptismum sufficit, ad eundem postea non sufficiat. Camillo Campegio, cui difficultates omnes facile solvendi applaudebatur a quamplurimis, Antonius Solisius reclamavit: non quod, inquit, Campegi vera non esset speculatio, sed quod eam ad institutum applicari non conveniret, quia ejusmodi contractus Matrimonii sic irritos & nullos facere, ad seculares Magistratus pertineret. Quare,

inquietabat, cavendum erat diligentissime, ne dum Ecclesiæ clandestina Matrimonia rescindendi auctoritatem vellent concedere, eam potius sæculari potestati permetterent & assererent. Hæc in Tridentini Concilii historia; sed quid inde factum est? Inventus a Campegio rescindendi clandestini conjugii modus Tridentinis Patribus omnino placuit, insuper habitis quæ Solisius contra Campegianæ speculationis usum disseruerat. Synodi verba adscribo e sessione xxi v. cap. 1. de reformatione Matrimonii: *Qui aliter quam præsentem Parochum, vel alio Sacerdote, de ipsius Parochi seu ordinarii licentia, & duobus vel tribus testibus Matrimonium contrahere attentabunt, eos sancta Synodus omnino inhabiles reddit, & hujusmodi contractus irritos & nullos esse decernit, prout eos præsentis decreto irritos facit & annullat.*

1. Tridentini Patres non minus cordati atque eruditi quam Africani, malo, quod ex clandestinis oriebatur conjugiiis, occurrere, & remedium efficax adhibere voluerunt. Ut Africani Patres ad Imperatorem confugiunt pro lege ab eo promulganda, quæ vetet, ne dimissus ab vxore, vel dimissa a marito conjugatur alteri: sic & Tridentini Patres Africanos nonnihil imitari videntur. Dico nonnihil, quia revera necesse non erat, ut confugerent ad Imperatorem & alios supremos Principes pro lege ab iis promulganda, quæ personas ad contrahendum inhabiles redderet. Quid ita? Inprimis necesse non erat ut Romanus Pontifex aut illius legati ad Imperatorem propter id confugerent, ut ex Innocentio III. in cap. *Per venerabilem*, qui sint legitimi filii discimus. Sic enim ibi scribit: *Id autem (restitutionem natalium circa sæculares actus) in patrimonio beati Petri libere potest Apostolica Sedes efficere, in quo & summi Pontificis auctoritatem exercet, & summi Principis exequitur potestatem.* Et paullo post: *Super Ecclesiæ patrimonio plenam in temporalibus gerimus potestatem.* Sic Romanus Pontifex pro iis locis, quia summi Principis potestatem exequitur, potuit per legatos personas ad civilem Matrimonii contractum celebrandum inhabiles facere, & contractum illum irritum & nullum declarare.

Deinde si qui alii Præsules Tridentino interfuerunt Concilio, & plenam in temporalibus auctoritatem habuerunt: ii poterant



terant quoque personas subditorum ad contrahendum inhabiles reddere, & contractus in irritum mittere: quia non alieno, sed suo jure fuissent vsi. At quia Tridentina Synodus seu Tridentini Patres non eo vniversim jure vti poterant, quo Sedes Apostolica in beati Petri patrimonio, & quidam alii fortassis Præsules in terris suis utebantur: necesse fuit, vt Imperatoris & Regum jure vterentur, vt quam hic legem tulerunt, ferre possent; cum sane nihil sit sæculi Principibus magis obnoxium, quam personas ad civilem Matrimonii contractum inhabiles reddere, si res ex objecto, sine & circumstantiis spectetur, vt spectari penitus debet: ex his enim tribus æstimanda est natura & conditio legis quæ fertur, non ab iis præcise qui legem ferunt. Nam si Sacerdotum consensus legem conderet in civili materia, lex illa per se civilis esset, non spiritualis, nec per se supernaturalem ad finem tenderet: hoc dialecticæ & Philosophiæ tyrones non ignorant. Id invita Minerva perdidit, qui pervidere noluisse Solisius, cum non tam publicis quam privatis Tridentinæ Synodi opportunitatibus vel maxime servire concupiverit, sed auditus non est, cum ad vitanda clandestini connubii mala, nullum aliud quam personas ad contrahendum inhabiles facere, inveniri remedium potuit efficacius ac præsentius. Utinam auctor ille Africanum legisset canonem, & suis expendisset momentis: tunc, opinor, dedignatus non esset Africanorum Patrum candorem & prudentiam æmulari, exemplumque simile Tridentinis Patribus palam suggerere. Tridentini Patres, ni fallor, Africanorum Patrum factum haud ignorarunt, sed illud alio tractandi modo sibi proposuerunt ad imitandum.

III. Cum Tridentini Patres jure Principum sic vniversim vsos esse dico, id consensientibus supremis rerum dominis, qui per legatos interfuerunt Synodo, gestum esse intelligo. Qui enim Principes non consenserunt, vt Rex Galliæ, illis ad vitanda clandestini conjugii mala liberum fuit lege lata subdiros suos ad sic contrahendum inhabiles facere, quemadmodum Henricus III. & celebrata Blefis Regni comitia fecerunt.

## 82 REGIA IN MATRIMONIUM POTESTAS.

IV. Qui Tridentinos Patres vniversim jure proprio, non alieno vfos esse contenderet, Africanos statim experiretur aduersarios, & vtrouque inter se acerrime commissos exhiberet; & sic res esset, cui nunquam adscriberetur bonum factum. Nam Africani non crediderunt se id posse facere, quod ab Imperatore fieri perierunt: & tamen lex, quam ab Imperatore promulgari perebant, non erat magis politica & civilis ea, quæ personas ad contrahendum inhabiles reddit.

Deinde cogererur rantorum Antistitum, quanri erant Africanis, & cum primis Augustini æquabilitatem & prudentiam fugillare, quasi in detrimentum Ecclesiæ eo non essent vfi jure quod haberent.

Tum cogererur in se recipere, Tridentinos Patres non modo summorum Sacetdorum exereuisse auctoritatem, sed etiam summorum Principum executos esse potestatem: quo certe in casu non alieno, sed proprio jure legem, quæ pura civilis est, vr mox probauimus, & ex testimoniis & rationibus innumerabilium Theologorum euidenter colligitur, rullissent. Sed quis, quæto, lemma illud duobus veræ Theologiæ principiis Scripturarum auctoritare, & Catholicæ Ecclesiæ traditione asserturus est vnquam: asserendum tamen est, vt vere affimateque dicatur, Tridentinam Synodum seu Tridentinos Patres jure suo, non alieno edidisse decretum, quæ personæ ad contrahendum inhabiles redduntur, & quo contractus nulli & irriti declarentur. Potestas spiritalis, & quæ supernaturalem ad finem per se tendit, institura non est, vt civiles & politicas leges ferat: si recens inuenta & excogitata indirecta in Regum & Principum temporalia potestas admitteretur; frustra prius admitteretur. Nam potestas ista a suis inuenta & excogitata non est auctoribus, vr per eam civiles ferantur leges; (quæ ab ordinaria & directa potestate ferri debent) sed vr per eam a Principibus admora saluris obstacula, quæ illi suppliciter rogati removere nollent, Sacerdotes summi removerent.

V. Quæ hæcenus animadvertimus & disseruimus, eo spectant, vt appareat Tridentinos Patres, cum ediderunt decretum illud quale repræsentauimus, regiam in Matrimonium

potestatem sincere, prout decet, agnovisse: quam ne agnoscerent, Solisius dissertatione longa, sed inutili; dehortatus est. Dicenda sunt cum veritate, quæ veritas ipsa gessit. Præterea ut pax & concordia Regnum inter & Sacerdotium magis magisque firmaretur, asserendo Regibus quæ sunt Regum, & Sacerdotibus quæ sunt Sacerdotum: scilicet ut ea pax & concordia in sæculis posterioribus persisteret, quæ in prioribus inconcussa stetit & clatuit.

## CAPUT XVI.

*Circa privatum hominem potest impedimentum dirimens  
Matrimonium a Principibus laicis juxta de causa  
constitui.*

**O**CCASIONEM capitis hujus dederunt nonnulli minus sapientes, qui licet circa politicam congregationem apponi posse impedimenta Matrimonii consentiant, eadem tamen circa privatum seu singularem hominem apponi posse eunt inficias; sed meo judicio disputant inconsequenter, aut de nomine dumtaxat lis erit. Eadem quippe est utriusque ratio, cum nequis privatus homo vel non absolutus Princeps hoc aut illud Matrimonium inear, prohibendi juxta causa subsit, cujusmodi esset magna inter contrahentes dissimilitudo, vel ingentium discordiarum peticulum, aut gravis in republica perturbatio quæ timeretur.

Deinde quæ esset potior ratio omnium ex Regno, quam alicujus privatæ personæ, quæ si forte Princeps esset, ob initium cum hostibus Regni conjugium, plures in Regno quam homines alij sexcenti turbas excitare posset.

Tum si potest juxta ex causa supremus Princeps irritum efficere conjugium inter duo privatarum personarum genera, nimirum inter consanguineos, uti fecit Theodosius senior: cur non idem posset inter duas nominatim personas, causa legitima si subsistat.

#### 84 REGIA IN MATRIMONIUM POTESTAS.

Ceterum quamvis Principis constitutio, qua hæc vel illa persona ad contrahendum fiet inhabilis, dici lex nequeat, quia circa communitatem non versabitur, præceptum tamen seu mandatum nominabitur, & effectum eundem sortietur.

In Remensi Concilio, cui Leo IX. & Henricus I. Rex Gallie interfuerunt, Comiti Balduino Flandrensi prohibitum est ne filiam Guillelmo Northanno nuptui daret, & huic ne eandem acciperet; & quia Rex præsens consensit, nihil juri illius derogatum est: deinde Matrimonium istud Sacerdotii minime referebat, sed Regni.

Urbanus V. ad contrahendum Matrimonium inhabilem reddidit Bernabonem Mediolani Vice-Comitem, qui res Imperii & Ecclesie turbaverat; idque quomodo factum sit, declarat Ivo, cum ait, *Instituta novellarum legum ab Romana Ecclesia servari atque commendari.*

Ivonem sequitur Honorius II. cum in appendice Lateranensis Concilii parte xxi. de juramento calumnie cap. i. convenienter instituto nostro sic philosophatur: *Cum Imperator Justinianus decreverit, ut canones Patrum vim legum habere oporteat, & in nonnullis canonibus reperitur, ut jurare Clerici omnino non audeant: dignum est ut totus clericalis ordo a præstando juramento immunis esse proculdubio censatur. Præterea statuti principalis tenor pene nos talis esse dignoscitur. Nos itaque utriusque legis divinæ & humanæ intentione servata decernimus, & imperiali auctoritate irrefragabiliter definimus, ut non Episcopus, non Presbyter, non cujuslibet ordinis Clericus, non Abbas, non Monachus, non Sanctimonialis in quacunque causa vel controversia sive criminali, sive civili iurjurandum compellatur qualibet ratione subire. Nihil ergo prohibet quominus Pontifex imperiali auctoritate quamlibet non expressa, qua personæ ad contrahendum inhabiles reddantur, usus, id erga Bernabonem fecerit, quod eum fecisse literis proditum est.*

Urbanum secutus Paulus IV. anno MDLVI. IV. Nonas Januarii monitorio quodam denunciavit Joannæ Arragoniz uxori Ascanii Columnæ, ne ullam e filiabus in Matrimonium collocaret sine licentia sua: quod si secus faceret, conjugium, tametsi consummaretur, irritum foret. Hoc ita peractum fuisse

in Tridentino Concilio retulit Cassadorus Barcinonensium Episcopus. Dicimus quid amplius: secularis Princeps aliquem posset perpetuo inhabilem reddere. Qui enim in gravissimi sceleris pœnam vita privare potest, cur non posset concessa vita in pœnam mitiorem quempiam connubiali jure privare?

Qui vero assertioni nostræ repugnant, hoc vnicum opponunt, Juris civilis determinatio circa privatum hominem nominatim esse nequit, cum juris naturalis conditionem sequi debeat. At jus naturale neminem speciatim, sed omnes ex æquo respicit. Respondemus argumentum hoc ex ignorantia interjecti civile jus inter & naturale discriminis procedere. Jus enim civile vel eo maxime inductum est, ut quod in omnibus elucet jus naturale, certis quibusdam limitibus, prout rationi congruit, definiat. Qui hoc in singularum regionum & Imperiorum moribus non deprehenderit, in orbe terrarum peregrinus sit necesse est. Differrentem hæc de re beatum audiamus Augustinum tractatu VI. in Joannem. *Vnde, inquit, quisque possidet quod possidet? nonne jure humano? Nam jure divino Domini est terra & plenitudo ejus; jure tamen humano dicitur: Hæc villa mea est, hæc domus mea est, hic servus meus est.* Ex his igitur apparet perspicue, & quomodo jus civile imitetur conditionem naturalis, & quomodo juris naturalis a civili determinatio proficiscatur.



## ARTICULUS II.

*Ecclesia saculares Principes jure statuendi impedimenta Matrimonium dirimentia non spoliavit hactenus, aut illud jus sibi reservavit.*

## CAPUT I.

*Praejudicia seu praemunitiones septem exponuntur.*

## PRÆMUNITIO PRIMA.

**H**EC vtor Ecclesiae nomine, quo vtantur auctores quos examinaturi sumus; sed in illius vsu detegenda est amphibologia. Hac in quaestione intelligi non debet Ecclesia, quae Patribus, Conciliis, Romanis Pontificibus & Theologis dicitur fidelium seu Catholicorum congregatio. Nam Ecclesia haec de abrogando illo Principibus jure cogitationem nusquam suscepit, cum in ea fideles & Catholici comprehenduntur Principes, quos suo se jure abdicasse, vel etiam in successorum detrimentum abdicare posse, quis vera cum ratione affirmaret?

Deinde vniuersale intelligi non debet Concilium, quod Ecclesiam, seu fidelium, aut Catholicorum congregationem referat. Nam tale nullum extat Concilium, quod Principes jure statuendi impedimenta Matrimonium dirimentia conciliariter, vt loquuntur, id est, quod habitis vltro citroque, prout res postulat, disputationibus, & auditis Regibus, prout audiri debuerint, priuauerit. Quinetiam in superioris articuli capite XIII. vniuersale fuit Concilium quod jus Principum confirmarit.

Denique superest vt Ecclesiae nomine Romanus intelliga-

REGIA IN MATRIMONIUM POTESTAS. 87  
tur Pontifex, quem nonnulli sinceriores & literatiores  
Theologi tacito Ecclesiæ nomine appellant. Sinceriores qui-  
dem, quia quod alii Ecclesiæ tribuunt, colore nullo fucati  
potest; literatiores vero, quia nomen *Pontifex* simplex esse,  
non collectivum probe noverunt.

PRÆMUNITIO SECUNDA.

Articuli primi assertio in juris, secundi hujus in facti quæ-  
stione versatur: at inter utramque juris & facti quæstionem,  
hoc intercedit discriminis, quod juris quæstio disquisitis  
convenienter naturæ quæstionis rationibus probetur; facti  
non item. Sed quod vera, non ficta auctoritate, genuinis non  
subditiis Pontificum decretis, & receptis Conciliorum ca-  
nonibus, si probanda est, probari debeat.

PRÆMUNITIO TERTIA.

Quod veræ legum & canonum interpretationes non in  
cumulandis Doctorum opinionibus & commentariis, sed in  
explicanda legislatoris mente potissimum consistunt. Quia in  
re magni omnino refert disquirere, non solum a quo & quo  
tempore, verum etiam ad quos & de quibus negotiis decre-  
ta & canones edantur. Hoc dicat communis hominum sen-  
sus & intelligentia, hunc tractandi modum veteres exaggeta-  
tæ sapientiæ Theologi confirmant.

Ambrosius in libro III. de Virginibus: *Quoniam vero beati  
Ioannis Baptiste non strictim prætereunda est recordatio, interest ut  
quis, & a quibus, & quam ob causam, quomodo, & quo tempore  
per occisus, advertere debeamus.*

Chrysostomus in homilia de verbis Hieremix cap. x. *Alla-  
tam, inquit, in medium prophetiam hanc sententiam diligenter  
expendamus: quis eam protulerit, & quorum causa, quo tempore,  
& quem alloquens, & quo in statu res tum essent; omnia denique  
pervestigemus, quæ ad inveniendum usus esse possunt.*

Cyrillus Alexandrinus in thesauro assertionis xx. *Primum,  
inquit, quidem oportet eum, qui ad investigationem sacrarum Scri-*

# 83 REGIA IN MATRIMONIUM POTESTAS.

*plurimum accedit, observare tempus, quod aliquid dicitur, & personam a qua dicitur, propter quod, & de quo dicitur.*

Porro autem ad has inveniendi adferendique veri regulas, cum exigentur quæ juri Principum ex decreto & decretalibus opponuntur, illa statim diffugient; & vagum in pulverem factificent.

## PRÆVNITIO QUARTA.

Non est in eo multum nobis laborandum, quod Theologi complures doceant, jus statuendi impedimenta Matrimonium dirimentia fuisse Principibus sublatum ab Ecclesia, cum sit facti quæstio, in qua minor vel major Doctorum consensus, non tam spectatur quam rei gestæ veritas, quæ nonnullos vel aliud agentes, vel rem suis non expedientes momentis, vel etiam aliena credulitate deceptos effugere potuit. Quot sunt, Deus immortalis! auctores, qui mulierem nomine Joannam inter Leonem IV. & Benedictum III. & Pontificem nomine Cyriacum inter Pontianum & Anterum sedisse, & cum vndecim mille Virginibus Colonix martyrium fecisse, literis prodiderint? & tamen utrumque tam est falsum, quam quod falsissimum. Hinc Ecclesiasticorum annalium conditor illustrissimus ad annum CIX. num. LI. *Iura, inquit, veritatis ampliora sunt omni antiquitate: quippe quæ nulla plurimorum seculorum valeant prescriptione ladi, nec innumera testium multitudine obrui atque labefactari.*

Adde quod si plerique consentiunt, vniuersalia ipsa Concilia in facti quæstionibus errare posse, immo & errasse nonnunquam: quid est quod innumerabilium in hac facti quæstione Magistrorum consensus reformidetur?

## PRÆVNITIO QUINTA.

Nullæ specialium locorum aut regnorum leges, nullæque consuetudines speciales revocantur per Romanorum Pontificum constitutiones sine expressa illarum mentione, ut habetur in cap. *Licet Romanus Pontifex*, in Sexto his verbis: *Licet*

*Romanus*



## REGIA IN MATRIMONIUM POTESTAS. 89

*Romanus Pontifex constitutionem condendo posteriorem, priorem, quamvis de illa non faciat mentionem, revocare nō scatur: quia tamen specialium personarum singularium consuetudines & statuta, cum sint facti, & in factō consistent, potest probabiliter ignorare, ipsis dum tamen sint rationalia per se, constitutionem a se noviter editam, nisi expresse caveatur in ipsa, non intelligitur in aliquo derogare. Hoc autem, si verum est in iis rebus, quæ hoc capite memorantur, quanto magis in iis, quæ spectata politici Magistratus natura ad Principes pro bono reipublicæ pertinent: qualis est potestas sancienti dirimentia Matrimonium impedimenta. Ceterum non me latet Sextum Decretalem nullam apud Gallos in auctoritatem admitti; sed eo vtor contra externos Doctores, qui Sextum Decretalium recipiunt.*

### PRÆMUNITIO SEXTA.

Quandiu ab iis, qui contrariam nostræ sententiam defendunt, non adferetur generalis Concilii, vel Pontificis decretum, quo jus statuendi dirimentia Matrimonium impedimenta Regibus & rebuspublicis abrogetur perspicue: tandiu verum erit dicere, Reges & republicas posse pro bono communitalis, quod in contractu Matrimonii tanquam totius utilitatis, publicæque concordie fundamento consistit, eas leges præscribere, quibus haud servatis Matrimonium consequens sine dubio non valebit.

### PRÆMUNITIO SEPTIMA.

Articuli secundi hujus titulum de titulo prædamnare est, cum titulus significat fuisse Theologos, qui postquam Principibus & reipublicæ cuilibet liberæ jus ferendi leges Matrimonium dirimentes invictis asseruerunt rationibus, docuerunt postea Ecclesiam, ut quidam eorum loquuntur, vel Romanum Pontificem, ut dicunt alii, jus illud eripuisse Principibus & cuilibet liberæ reipublicæ, vel, quod idem est, sibi reservasse, idque propter rem momenti tam exigui, ut ab illustrioribus Theologis *cavillus* appelletur. Hoc, inquam, in

anteceſſum exponere prædamnare eſt. Nam id genus lemma-  
tis horrorem incutit, Eccleſiam & Romanum Pontificem in  
odium vocat & invidiam, ac Principes ethnicoſ a ſuſcipienda  
religione Chriſtiana deterret; & revera poteſtatem jure na-  
tura & gentium quaſitam Principibus auferri, vel illius uſum  
interturbari ab Eccleſia, vel Romano Pontifice, facinus eſſet  
non minus deteſtabile, quam ſi ſuſ quoddam Eccleſiæ, vel Ro-  
mano Pontifici divinituſ conceſſum, a ſæculi Principibus au-  
ferri, vel illius uſum interturbati. Hic ſiſto pedem, quia diſpa-  
rilis ratio quæ ſic aſſis vnius, nuſquam dabitur, quæ non ſta-  
tim reddatur dantibus notitura.

Ad præjudicia ſeu præmunitioneſ haſ ſeptem quidquid au-  
ctoſ contraſ opinionis adducunt, non priuſ examinabitur,  
quam id velut neceſſario labefactatum motu corruat, indeque  
poſita in hoc articulo concluſionis veritas omnino conſtabi-  
liatur. Et vero licet hæc pauca intelligentibus & cordatiſ vi-  
riſ ſufficerent; tamen quia mihi reſ eſt cum hominibus, qui  
huiuſ rei facileſ aures non accommodant, ſequenti capite ad-  
ſetam judicium illuſtriorum quorundam Theologorum, qui  
poteſtatem Principum ab Eccleſia vel a Pontifice ſublatam non  
eſſe tradunt. Tum alio capite ſingillatim oculiſ ſubjiciam,  
quidquid ab aliis conſuevit adferri, vt ſublatam vel reſtri-  
ctam eſſe Principum poteſtatem in ſanciendiſ impedimentis  
Matrimonium dirimentibuſ oſtendant. Hiſ autem allatiſ, nec  
tam reſutatiſ quam expoſitiſ, poteſtaſ illa Principum liberior  
adhuc atque expeditior apparebit.

## CAPUT II.

*Recensentur judicia quorundam illustriorum Theologorum, qui docent non esse sublatam vel restrictam a quoquam Principum secularium potestatem in sciendis impedimenti Matrimonium dirimentibus.*

**I**N hoc capite a recentioribus ad antiquiores regrediemur. Primus erit in hac arena Joannes Baptista Gonerus in articuli 11. capite 11. laudatus. *Advertendum tamen, quod licet in Principibus Christianis sit potestas statuendi suis subditis fidelibus impedimenta Matrimonium dirimentia, ea tamen non utuntur: quia, ut ait Petrus Sotus lectione IV. de Matrimonio, ex sua potestate talem usum Ecclesia sponte cesserunt, vel, ut alii voluit, quia Ecclesia iusti de causis usum talis potestatis sibi reservavit.* Bimembris est animadversio. In priori cum dicitur: Principes potestare statuendi suis subditis impedimenta Matrimonium dirimentia non utuntur, scilicet hodie, sed alias vti sunt, & quæ statuerunt impedimenta Matrimonium dirimentia, nunc ad commune reipublicæ bonum sufficiunt; voluit dicere: Cesserunt iudicium, quod de impedimenti Matrimonium dirimentibus ferendum est. Sed istud ubique gentium verum non est: nam sæculares Magistratus in Gallia de iis aliquando iudicant. In posteriori animadversioe vtinam auctor suam non fecisset quodammodo aliorum quos laudat, sententiam, quæ & falsa est, & in Ecclesiam, vel in sacerdotalem ordinem injuriosa. Falsa quidem, quia causæ nullæ possunt assignari iuste, cur sacerdotalis ordo vniuersos Principes eodem vel diversis temporibus potestare sciendi impedimenta Matrimonium spoliaverit in perpetuum. Injuriosa vero, quia significat, sacerdotalem ordinem quæ sunt secularium Principum jura sibi reservasse. Hoc esset latrocinii quoddam genus, quod in sacerdotalem ordinem, quem vocat Ecclesiam, non cadit. Satiuset atque honestius,

vt auctor in qualicunque Petri Soti opinione mansisset, & omisisset aliorum opinionem, quæ tanta incommoda secum trahit. Non igitur posterior, sed prior fecit animadversio, vt Gonetum hoc in capite laudarem.

Secundus Michael Rabardeus in defensione legum conubialium. *In hac, inquit, controuersa de potestate Regum & aliorum summorum Principum secularium pro constituendis & modificandis impedimentis, quibus Matrimonia subditorum suorum etiam fidelium Christianorum & Catholicorum illegitima, irrita & nulla definiantur, non vnus, sed, quod fatentur aduersarii, plures viri sanctissimi atque prudentissimi in doctrina Christiana, in Theologia, & utraque iura peritissimi, aperte docent, Imperatoribus, Regibus, & quibuscumque summis Principibus secularibus ex natura sua dignitatis concessam iure quodammodo naturali, vel gentium potestatem condendi & promulgandi leges, quibus hæc Matrimonia, rata, firma, valida, seu irrita, nulla & invalida efficiantur. Sic non censet potestatem illam ab Ecclesia, vt loquuntur alii, vel à Romano Pontifice Regibus ac Principibus summis ademptam aut restrictam esse.*

Tertius Stephanus Baunius in tractatu XII. de Matrimonio quæst. V. *Fides Christiana potestatem Principum non imminuit, quod planum sit, exemplo Philippi I. Christiani Principis, qui plenum jus imperii retinuit, hoc est, omnem illam potestatem sibi vindicauit, quam exercebat ethnicus. Et paullo post: Potest Princeps aut quilibet alius potestatem habens ferendi leges, statuere, vt Matrimonium quatenus est contractus certo modo, aut cum certis circumstantiis ineatur, quæ si omittantur, ratum non sit. Confirmatur secundo. In Magistratu politico auctoritatem tantam esse est necesse, vt cum res temporis,que reipublica exigunt, contractus, qui in ejus perniciem vergunt, modificare, irritare ac determinare valeant. Erga cum Matrimonium sit contractus Matrimonii ac civilis, more aliorum contractuum, legibus certis Principibus, quorum in terris fiet, restringi poterit. Hic de adempto vel restricto jure Principum ne gry quidem.*

Quartus Jacobus Hennequinus in lectionibus publicis apud Parisienses de impedimentis Matrimonii: *Si objiciat cum nonnullis, posse Principes seculares prædicta impedimenta præscri-*

bere, nisi Ecclesia hanc potestatem sibi reservasset; & illis ademisset. Contra, tum quia auctoritates Concilii Tridentini & summorum Pontificum a nobis in prioris partis confirmationem allate, quibus ipsi utuntur, probant tantum de Matrimonio ut Sacramento, & quoad Matrimonii solennitates de impedimentis, quae Ecclesia instituit, non autem de Matrimonio ut contractu civili; tum quia cum isti auctores talem reservationem & ademptionem, respectu Principum infidelium & paganorum quoad suos subditos, non tantum infideles & paganos, sed etiam fideles & Christianos factam negent: non video cur respectu Principum fidelium & Christianorum quoad suos subditos fideles & Christianos factam affirmemus, praesertim cum fideles & Christiani quicumque Principi, siue im baptizato; siue baptizato sint subditi; etiam Ecclesia quoad Matrimonium Sacramentum subijciantur; alioquin Principes saeculares Christiani essent deterioris conditionis, quam Principes ethnici quoad suos subditos baptizatos. Dicere autem Principes Christianos tali potestate se ipsos abdicasse quoad suos subditos baptizatos, est fingere, cum Principes saeculares sint debeantque esse diligentissimi conservatores sua potestatis temporalis: ita ut nec se illa spoliarent, nec spoliari permittant. Atque sicut non debent spiritalibus ut spiritalibus se immiscere: ita etiam nec temporalibus se privari sinere possitissimum, cum ejusmodi potestatem a Deo ubiineant, & Christus, cui debet Ecclesia ejus sponsa se conformare, praedictam auctoritatem illis quoad Matrimonium non abstulerit, sed talem qualem habebant ante Matrimonii contractus civilis institutionem & elevationem ad naturam & praestantiam Sacramenti, illam & integram reliquerit.

Quintus Philippus Gamachus in tertiam partem sancti Thomae cap. xv. de Matrimonio. Addimus, inquit, posse quoque Reges & Principes laicos simpliciter & absolute loquendo, Christianis sibi subjectis quaedam impedimenta Matrimonii facere, prout opus fuerit ad bonum communis & ad Regni tranquillitatem, quia contractus Matrimonii est etiam politicus. De Principum potestate adempta vel restricta, ne verbum quidem. Liberam illam atque expeditam esse arbitratur.

Sextus Petrus Cornejo Theologus Salmanticensis tom. ii. in iii. part. tract. vi. disp. vii. dub. iii. conclus. iii. Et

quamvis, non adducitur ab auctoribus nostra conclusionis textus aliquis hoc Pontifici reservari, neque illum invenerint; colligi tamen potest a posteriori, tum primo ex ipsa Principum Christianorum consuetudine nihil de hac re statuentium, &c. Duo dicit auctor. Unum, nullum ab auctoribus sententia suae adferri textum quo probetur, Jus Principum in faciendo impedimentis fuisse ab Ecclesia Pontifici reservatum. Alterum, hanc reservationem a posteriori tamen colligi posse. Ex his duobus primum rem nostram conficit, alterum nihil incommodat: quinetiam ex quarta praemunitione destruitur.

Septimus Joannes Maldonatus III. parte disp. de impedimenti Matrimonii, quaest. I. *Quod autem hoc possit Ecclesia, ex eo manifestum est, quod respublica etiam possit. Nam quia Matrimonium est contractus quidam civilis, videmus ab Imperatore varias esse leges latas de contrahendis vel non contrahendis Matrimonii: quibus legibus id certe efficiebatur, ut si Matrimonium contra leges latas contraheretur, non esset contractus legitimus, quia Sacramentum Matrimonii non potest esse, nisi nitatur quasi fundamento ipso contractui Matrimonii. Quapropter si quod Matrimonium sit, quod non fuit legitimus contractus, non potest esse legitimum Sacramentum. Itaque mirum est adversarios Ecclesiam accusare quod novas leges faciat de Matrimonio, & non accusare Imperatores, qui jure hoc semper fecerunt. Itaque si jure hoc semper fecerunt Imperatores, jure hoc faciendo privatos fuisse non arbitratur Maldonatus, quo etiam tendunt haec verba: Quod autem hoc possit Ecclesia, ex eo manifestum est, quod respublica etiam possit.*

Octavus Josephus Angles in Floribus quaest. de impedimento consanguinitatis art. III. *Potestas civilis legis potest aliquos inhabilitare quominus contrahant; & de facto si contrahatur, Matrimonium erit nullum. De rebus, prout sunt, cum loquatur, Principes jure suo non esse privatos significat.*

Nonus Edmundus Augerius in tractatu de Matrimonii Sacramento Galliae edito. lib. I. cap. XIV. *Quod ad Principes spectat, possunt illi quidem inhibere, ne certa Matrimonia fierent, ubi inde Regnorum suorum periculum seu damnum evidenter agnoscerent, suisque inhibitionibus poenas addere gravissimas: nam ut*

res civilis, ad eorum forum pertinet. Quod autem illam inhibitionem impediendi dirimentis locum habere velit, tria satis declarant: publica salus, cui non aliter consulerebatur; petita ex re civili ratio, quam ad forum civile pertinere ait; postremo, quod in hocce tractatu doceat auctor, civilem Matrimonii contractum toties seungi a Sacramento, quoties praesto non est proprius coniugum Sacerdos. Praeterea de Principum in Matrimonia potestate sic differit, ut eam integram, & nulla sui parte imminutam supponat.

Decimus Matthaeus Galenus catechesi cccx. Adde sanctissimos quosque Theologos non arbitrari tantum penes Ecclesiam esse ius personas ineptas (ad conjugium) determinandas, verum etiam Regibus Imperatoribusque potestatem ducendarum cognatarum faciendi, quoties id rerum publicarum utilitas tranquillusque postularit. Hæc ille Christianam doctrinam explicans, ubi iura Principum etiam in dispensando de impedimentis dirimentibus agnoscit. Deinde Galeni verba æquo praesentium ac praeteritarum rerum conditionem spectant.

Undecimus Jacobus Naclantus qui Concilio Tridentino interfuit, & post illud scripsit anno MDLXVII. tractatione xiv. de Sacramento Matrimonii: Et demum, ut & iuxta legem dirigatur civilis, non modo servanda sunt, quæ tradunt leges Cæsares, sed & quæ propriæ omniæque statuum republicæ, & probata servant in illis consuetudines. At petit quis? Num leges præfate tam mordicus sunt retinendæ, ut secus attentantibus invalidum reddatur conjugium? Tria dicenda videntur. Primum est, quod licet non omnia de quibus leges prædictæ essentiam ingredientur Matrimonii, omnia tamen sunt consequentia; & plurima eorum maxime necessaria; quare eorum nullum valet sine culpa contemni. Secundum est, quod licet simpliciter essentiale, definiatur consensus; nulli tamen, quod aliquot exigit condiciones, a quibus ipso jure nequit absolvi: siquidem cum satis non sit, si consensus in sese fuerit rectus; sed & opus est, ut & rectus tum divino, tum Ecclesiastico appareat tribunali. Haud obscure; quod illas necessario exigit condiciones, quibus possit in utroque consistere.

Idem tractatione xvi. de irritandis clandestinis conjugiiis: Certum est rationem contractus rationem prævenire Sacramenti,



idque non solum precessione, ut loquuntur, natura, sed & precessione temporis, ut palam est in Matrimonio per procuratorem contracto. Et post alia, ut probet Ecclesiam clandestina Matrimonia rescindere, hæc subiungit: Ex unico argumentabor medio, quod eo erit efficacius, quo procedis ex propriis, & sic se habet. Potest Princeps seu respublica secularis rescindere, vel si contrahatur, contractum reddere nullum, qui prejudicialis est bono communi. Hoc est notum, tum ex ratione politica potestatis, tum ex praxi, cum frequenter eorum legibus irritentur societates, donationes & testaments, quæ ad eorum præscriptum facta non sunt, tanquam bono communi perniciofa, vel incommoda: ergo poterit Princeps seu respublica Ecclesiastica illos rescindere contractus, qui sine præscripta sibi lege sunt attentati, & in perniciem vergunt boni totius Ecclesiæ. Consequentia nota, quia aliter principatus hierarchicus bono non prospiceret totius Ecclesiæ, & infirmior esset principatu politico, qui id pro sua ratione promoveret. Et post alia: Sed dicis, fateor, Ecclesiam posse irritare contractus, societates & donationes, non minus quam respublica possit, quantum est ex parte contractus; sed non potest propter annexum Sacramentum. Obiectio nulla est, quoniam etsi illi contractui annecteretur Sacramentum, non annecteretur, nisi ut gratia natura & accidens subjecto. Unde sicut, natura sublata & amoto subjecto, tollitur gratia, & amovetur accidens, non quæ fuerunt, sed quæ fuissent, si non fuissent amota, ita & in proposito. Non enim subsistit ratio contractus, nec ratio Sacramenti adderetur rationi contractus, nisi foret. Et post alia: Denique nec verum est Ecclesiam hætenus non irritasse, etsi leges irritaverint civiles, propter rationem Sacramenti, ut quidam dicunt, quam leges civiles non agnoscunt: quoniam non ex illa factum ratione, sed quia Ecclesia Spiritu sancto ducta iudicavit, hætenus non proficere. Et post alia: Clandestinis irritatis si quis contrahit, neque fit Matrimonium, neque Sacramentum revera, sed tantum apparentia quædam; nec sic in contracto sunt essentialia Matrimonii & Sacramenti vere, sed apparenter, sicut in homine picto non sunt partes hominis vere, sed apparenter. Fundamentum est, quia irritato, ut dicebatur, contractu, ita ut si fiat, sit nullus, nullum sequitur Sacramentum. Oportet autem, si quis rem vellet perpendere, semper illud habere præ oculis, quod sicut ratio Sacramenti



# REGIA IN MATRIMONIUM POTESTAS. 97

menti supponit validam rationem contractus, ita & materia & forma Sacramenti, ut vere sint materia & forma Sacramenti, supponunt validam materiam & formam contractus. Hæc ille, in quibus quam longissime abest ab eorum sententia, qui jus statuendorum Matrimonii impedimentorum Principibus ab Ecclesia sublatum finxere.

Duodecimus Clemens Monilianus Cardinalis in Compendio Theologicarum Institutionum, cap. LXIII, Romanæ editionis ann. MDLXV. Cum igitur abrogata sit lex Moysi de gradibus consanguinitatis & affinitatis in XVIII. Levitici posita, cum noster esset pedagogus in Christo; (translato enim Sacerdotio, necesse erat, secundum Apostolum, & ut legis translatio fieret, præcipue cum de eis nulla habeamus Dei præcepta, & jus naturale propter suam generalitatem & ambiguitatem non sufficiat ad populi Christiani directionem, prout ut pro servanda nuptiarum honestate) necessarium fuit constitui Magistratus tam politicos, quam Ecclesiasticos; similiter & leges & canones statui, quibus explicaretur generalia divini & naturalis juris præcepta de supra licitorum contractuum gradibus & Matrimonii impedimentis ac quibuscunque aliis, quæ in præfatis rebus politicis pro illarum communi utilitate expedire videbantur. Et post alia: Ex prædictis concludimus, quod necessarium est, ut contractus conjugalis, qui Sacramentum est, & propaganda Ecclesiæ officium, subjectioni & irritationi Magistratus Ecclesiastici in ordine ad pacem Ecclesiæ, & fidelium salutem, quamvis simul etiam subjectioni ordinationibus & legibus potestatis civilis, secundum quod refertur ad pacem & bonum reipublicæ. At ita non loqueretur Clemens Monilianus, si persuasum haberet, civilem in contractum Matrimonii potestatem ab Ecclesiâ esse abrogatam.

Decimus tertius Franciscus Sonnius Antuerpiensis Episcopus tractatu VII. de Sacramentis, cap. IX. In Matrimonio contrahuntur tria, contractus politicus, institutum divinum, & Sacramentum: quæcunque ergo excludunt, & irritum faciunt valorem contractus, eadem porro excludunt, & irritum faciunt Matrimonium. Hæc non supponunt ademptam ab Ecclesiâ Principibus in Matrimonium potestatem. Hactenus Theologi qui post Tridentinum Concilium scripserunt, quique non existima-

8 REGIA IN MATRIMONIUM POTESTAS.

runt, vlllo Tridentini Concilii canone, vlllo Pontificum decreto imminutam esse regiam in Matrimonium auctoritatem: immo vero sunt, qui ex ea vtpote illata & integra Ecclesiasticam in Matrimonium potestatem probare contendunt. Nunc aliquot alios producamus, qui Tridentini Concilii tempore ea super te scripserunt.

Decimus-quartus Ambrosius Catharinus, qui Concilio interfuit, in quaest. de clandestinis Matrimoniis: *De his quaerimus, an valida sint & ita rata, ut dici mereantur Sacramentum; si leges civiles attendimus, etiam Christianorum Principum, certe hujusmodi invalida sunt. Reperiuntur autem qui dicunt, civiles leges non esse sequendas, cum eis canones adversentur. Quo in loco videndum est, (hoc interim dato, nimirum canones contra statuere) qua ratione confecti sint isti canones ad statuendum contra jus civile. Oportet enim canones civilem aliquam legem irritantes ab aliqua solida ratione proficisci; nulla vero potest esse ratio alia, nisi quia forte viderint, quod a lege civili constitutum erat, vel contra jus divinum esse, vel contra jus naturale. Dicunt ergo aliqui, legem civilem prohibentem Matrimonii contractum a filiis familias sine consensu parentum, esse contra jus divinum: quod manifeste statuis, hac in re non esse requirendum patris aut matris consensum, dicente Domino: Propter hoc relinquet homo patrem suum & matrem suam; elicientes inde hunc sensum, quod homo in causa debet requirere consensum patris aut matris. Quid hic dicam? Nonne miserum est prorsus & indignum ista prosequi tam inepta iamque inconsiderate pronuntiata. Mitto illis verbis non tradi legem inveniendi Matrimonii, sed quantarum sit virium conditio Matrimonii jam contracti declarari. Et post alia: Verum innituntur alii alio argumento, quod lex illa civilis erat contra jus naturale, quoniam contra ipsam Matrimonii naturam, quae solo conjugum consensu contenta est, ut sit verum & ratum Matrimonium, quod si natura haec & lex Matrimonii debet servari: ergo pater & filia, mater & filius legitime copulabuntur, si consentiant, &c. Idcirco perperam fuisse prohibita lege hominum, cum de jure divino consensus viri & mulieris satis sit, ut constituatur verum ac ratum Matrimonium. Diceret fortasse quis personas illas esse distinxisse notatas, ne possint consensum prestare legitimum: idque magna ex*

causa, vel propter honorem illum, quem sibi invicem debent, & honestatem. Cur non valuerint leges civiles etiam has personas notare in parentum potestate existentes, ut non sit legitimus eorum consensus propter honorem, quem jure suo suis parentibus debent? An non hac est maxima causa? quis id non videt, qui videt? Audi nunc, obsecro, prudens lector, officium legis civilis, quam disponi a sapientibus oportet, <sup>est</sup> ut quæ ratio naturalis & jus naturale ipsum poscit, illud determinat vel declaret. Educitur ergo jus civile ex ipsius juris civilis principiis. Non est autem dubium per has clandestinas nuptias non parum violari jus paternum, & illam patriam potestatem, & honorem debitum, quem ratio naturalis cunctos docet: ergo jure optimo & meritissimo lex civilis ejusmodi Matrimonia habenda irrita sanxit, vipote contra jus paternum, & honorem parentibus debitum, idque si in quavis deliberatione, in hac una præcipue. Est enim magnus parentum contemptus, si in hoc contractu, qui eosdem magnopere tangit, eorum consilium & beneplacitum, immo etiam auctoritas despiciatur, &c. Recte igitur factum est, & prudenter declaratum per jus civile, ne talia Matrimonia vera sint & rata, cum nec legitime persona fuerint contrahentes, nec eorum consensus fuerit legitimus. Et paullo post: Quamobrem si hujus rei decisio, aut reformatio ad me pertineret, irrita continuo velim esse hæc Matrimonia, nec vere esse Matrimonia, declarare aut statuere, quæ contra legem civilem naturalem manifeste, contra bonos mores, contra legem Moysis, contra decreta canonum incuntur. Et post alia: Scio glossas Doctorum & Magistrorum obijci solitas. Sed ab iis quæro, utrum leges civiles, quæ a Christianis conditæ fuerunt vel probatæ, & in usum receptæ, quæ talia Matrimonia inhibuerunt, & nulla esse, si forte contraherentur, declararunt: quæro, inquam, an hujusmodi leges bonæ fuerunt, an malæ? Potueruntne Principes condere eorum legem, an non? Si potuerunt, cur reprobatur? Si dicat quis non potuisse: ergo nemine contradicente condiderunt? Cur servabatur inter Christianos? Cur summi Pontifices & Ecclesiarum Antistites non reprehendebant, immo potius tacite commendabant? Et post alia: Quæ ratio adducitur, cur illi Principes non potuerunt talem legem condere? Lex enim quæ honorem debitum parentibus a filiis servari præcipit, & quæ scandalis multis ne veniant, occurrat, &

## 100 REGIA IN MATRIMONIUM POTESTAS.

ad civium & familiarum concordiam spectat, qua causa, quove nomine potest improbari? quo jure damnari? Dicit quis: Hac est materia circa quam seculares Principes non habent cognoscendi aut statuendi potestatem, quoniam sacra & propria, circa quam versantur, & de qua statuans soli Pontifices. Respondeo verum esse, quatenus Matrimonium est Sacramentum; sed quatenus est in officium natura, pertinet etiam ad Principes circa illud animadvertere, & leges condere propter honestatem & pacem domesticam, modo servetur verbum Dei. Fateor tamen, si in dubitationem veniat, an hæc questio pertineat ad causam Sacramenti, remittendam esse cognitionem ejus ad pontificium tribunal. Non est autem dubium, quin ea possint seculares Principes circa Matrimonia providere ac statuere, per quæ probi & civiles mores ad illum finem custodiantur atque serventur, ad quæ ipse respublica constituitur. Itaque quidquid non est contra legem Dei ac legem naturæ, credo Principes posse circa Matrimonium, tanquam circa suam & non alienam materiam suis legibus providere: & ita latam ab eis legem valuisse puto, qua irritabantur Matrimonia non consultis parentibus contracta. Considerate tandem quanta cum libertate Christiana Catharinus disputet; quid esse juris penes Christianos sæculi Principes in impediendis pro bono reipublicæ Matrimoniis asservet; quid canones adversus leges Principum Matrimonia dirimentes possint.

Decimus-quintus Petrus Sotus, qui Tridentino Concilio ex parte Romani Pontificis interfuit, lectione IV. de Matrimonio: Possunt etiam positiva jura illegitimos aliquos reddere; non omne itaque impedimentum ad quos inhabiles reddens, est juri divini, nec tamen est juri divino contrarium. Sicut in ceteris omnibus quadam non prohibuit jus divinum, sed gubernandi auctoritatem tradens Prelatis potestatem dedit ea prohibendi, cum id ratio expedire judicaverit salutem animarum, & divine glorie convenire: ita & in Matrimonio potestatem reliquit his, quos gubernandis populis præficit. & hæc est communior ratio omnium prohibitionum juris positivi; est enim in Matrimonio specialis ratio. Cum igitur sit contractus & officium naturæ necessarium reipublicæ gubernanda ac propaganda Ecclesiæ, etiam ipsi bonoque religionis catholice, merito gubernantium in Ecclesiæ vel reipublicæ est, si quid

*videretur expedire, ut officium hoc Matrimonii recte agatur ad conservationem religionis Christiana, id statuere. Unde beatus Thomas supradicta intrepide asserit, jura ipsa civilia, & Imperatoris leges illegitimos aliquos reddere ad contrahendum: ita videlicet, ut nullum sit Matrimonium. Neque negant hoc alii, quanquam non ita aperte asserant; & certe hoc est solidissime fundatum in illo verbo Evangelii: Quod Deus conjunxit, homo non separet. Deus enim per causas naturales & ordinatas humanos contractus perficit, id est, auctoritate legum, sicut naturales res per causas naturales. Non itaque Deus conjunxit quod contra justas leges humanas conjungitur. Hoc dicimus, quoniam Iuristis multis visum est, non esse potestatis secularium legum Matrimonium nullum reddere, sed tantum Ecclesiasticarum. Et certe Iurista nulla auctoritate juris divini aut canonici hoc probant, nec etiam efficaci ulla ratione. Nec advertunt nihil per hoc derogari auctoritati Ecclesiastica, sed potius conducere Ecclesia paci. Si enim jus divinum ipsum permittit prohiberi ab Ecclesia, quod ipsum non prohibet: quare non permittes seculari potestati prohibere circa Matrimonium quod ipsa non prohibet? Fatemur igitur leges civiles non posse licitum Matrimonium facere, quod Ecclesiastica illicitum reddunt: sic nec Ecclesiasticas leges approbare, quod divinum jus reprobant. Hoc enim esset inferiorem superiori contradicere. Verum quod Ecclesiastica leges non prohibent, cur seculares prohibere non poterunt: sicut quod non prohibet jus divinum, prohibent Ecclesiastica? Nec debent Prælati Ecclesia gravate suscipere, si quid temporali paci viderint necessarium, seculares Principes statuunt. Nec est cur illis se opponant, sed permittant potius Matrimonium legibus humanis ordinandum, cum officium humanum sit, & addant postea ipsi, si videbitur, quod ad bonum religionis pertinet. Quanquam civiles leges in his omnibus ex pietate certe & voluntate Principum facile cesserint Ecclesie, ut jam nullum censeatur Matrimonium illegitimum, quod Ecclesia tale non judicat: non est tamen vel legi vel consuetudini reipublice auferendum, ut illegitimos aliquos reddere, si velint, possint; sed potius, si opus foret, confirmandum esset ab Ecclesia. Civilia jura illegitimum Matrimonium judicant inter tutorem vel curatorem, &c. Sed derogatum videtur his consuetudinibus per contrariam consuetudinem, quæ tamen non videtur minima ratione*

*Et necessitate hoc statuisse. Si itaque denuo hoc videretur statuendum, non est cur hæc auctoritas auferatur a Principibus, qui de Matrimonio quidem, ut officium est reipublicæ necessarium, statuunt, quod tamen Sacramentum prærequirit. Quot apud hunc auctorem lineæ, tot invictæ probationum moles, quibus Christianorum Principum obarmatur auctoritas in sanciendo legibus, quæ Matrimonium ditimant. Exit forte qui obijcienda confestim arripient hæc paucula verba: Quanquam civiles leges in his omnibus ex pietate certe & voluntate Principum facile cesserint Ecclesiæ, ut jam nullum censeatur illegitimum Matrimonium, quod Ecclesiæ tale non judicat. Sed ista sane non aliis quam obijcientibus nocent. Tria quippe in his advertenda sunt. Unum est quæstio juris, quod penes Principes esse & asserit & probat. Alterum quæstio facti, quod auctorem latere potuit, nec illud insuper Principibus illis, quorum cessio scripta non compareret, incommodabit: quemadmodum & auctor ipse adjacentibus verbis non obscure significat. Tertium, quod sicubi Ecclesiæ seu Sacerdotium illegitimum Matrimonium judicat, id ex concessione sæcularium Principum judicat.*

Decimus-sextus Claudius Guillaudus in Matth. cap. VII. *Unde si disputatur, ut aliquando sit, de Matrimoniis clandestinis ac furtivis, quæ contra parentum conscientiam & voluntatem contrahuntur, num iusta sint & valida. Habeant hic legem in novo Testamento, juxta quam interrogent scipsos, num velint sibi tale quid fieri, nempe filiam suam ab eo sibi fraudulenter & contra animi sententiam subripi, quem nolunt habere generum: profecto nolent. Consentientem Catharino & Naclanto Guillaudum habemus, licet pauca de clandestinis Matrimoniis edisserat.*

Decimus-septimus Jacobus Latomus in tractatu de substantia Matrimonii: *Sacramentum Matrimonii supponit contractum, quo invicem potestas conceditur in mutua corpora; hinc fit, ut quicquid contractum impedit, consequenter & Sacramentum impediat: sublato enim priori, posterius auferri necesse est. Neque istud est huic Sacramento peculiare, quia etiam aliis Sacramentis convenit, ut verbi gratia, qui facit ne corpus aqua tingatur, facit ne homo baptizetur. & in Eucharistia, si quis impediatur ne Sacerdos habeat panem & vinum; & in Pœnitentia, si quis im-*

pediat ne Sacerdoti peccator subjiatur; impeditur Eucharistiæ vel Pœnitentiæ Sacramentum. Non autem refert, quibus de causis accidat impedimentum. Nam ex æquo impeditur matrimonialis donatio, & potestas in corpora, siue ex penuria mutui legitimique consensus, siue ex natura rei proveniat, ut in pueris, ebriis, furentibus vel fatuis, qui naturaliter consentire non possunt; siue ex lege divina, ut inter parentes & liberos; siue ex ordinatione humana, ut inter consobrinos, de quibus circa tempora Augustini lata fuit lex, ut ipse refert xv. de Civit. cap. xvi. Et post relatum a Latomo beati Augustini locum subdit; Ratio prædictorum est, quia naturæ donationis & accipientis consensus requirit, & rei donata facultatem; id quod non est in pueris, ebriis, aut furentibus, aut morionibus per naturam. Inter parentes autem & liberos, aut inter fratres, aut sorores, ubi ejusmodi donatio rata non est, impediende lege divina. In ceteris, ubi donatio & contractus est invalidus, illic impedimentum præstat humana ordinatio. Latomus hic tria legum genera agnoscit, quibus impediatur, ne validum Matrimonium fiat, naturalem, divinam & humanam, quam civilem ab eo intelligi docet relatum ab Augustino testimonium,

Decimus-octavus Ruardus Tapperus Lovaniensium Theologorum Decanus art. xx. Quibus præmissis articulum nostrum probamus hac ratione: Contractus reliqui, quicunque sunt contra leges ipsos dirimentes, sunt irriti, inanes & nulli. Igitur neque contractus matrimonialis erit validus, si initus contra dispositionem legum ipsum dirimentis. Antecedens patet de contractibus factis contra dispositionem legum siue Ecclesiastica, siue civilis. Et paullo post: Competit autem potestas condendi hujusmodi leges Magistratui saculari & Ecclesiastico ex jure divino; ex quo enim præfecti sunt populo ad regimen, (sicut Ecclesiasticos Præsides præfixit Dominus, & præficiendos saculares tam ipse, quam naturale rationis dictamen demonstrant) statim consequitur esse per media convenientia perducendum populum ad finem propter quem consequendum coadjuvantur. Istud autem cum nequeat fieri, nisi adhibeantur varia leges, statuta, &c. mox evidens fit huius oportere Magistratum uti in regendo populo sibi commissio, prout videris congruere fini, quem spectare dicitur, siue is sit naturalis tantum, civilis & po-



#### 04 REGIA IN MATRIMONIUM POTESTAS.

*utitur, veluti est pax & concordia inter cives, & utilitas temporalis reipublica; siue spiritualis, qui est, ut populus contineatur in timore, amore, & vero Dei cultu, quorum hunc spectat Magistratus spiritualis; illum autem secularis, in quantum huiusmodi. Ex quibus liquet, hos Magistratus habere potestatem disponendi, atque adeo leges condendi, quas obsequuntur subditi in contractibus suis, cum ex his potissimum pendeat concordia communitatis. Et post alia: Quod si addas contractus istos matrimoniales in Christiano populo non naturales tantum esse, sed de genere supernaturalium, tum pr. r. rationem Sacramenti accedentem contractibus, tum propter finem propter quem ineatur, videlicet ut fiat multiplicatio populi Dei; perspicue videbis ad Magistratum Ecclesiasticum spectare leges & canones condere, quibus ita ordinentur Matrimonia in populo, ut suo fini congruant. Ad Magistratum vero secularem videntur duntaxat spectare ea, quae concernunt finem naturalem, cui serviunt Matrimonia.*

Haecenus de Theologis, qui tempore Tridentini Concilii de jure Principum in faciendis impedimentis Matrimonium dirimentibus scripserunt: reliquum est modo, ut nonnulli qui ante Concilium ea de re scripserunt, audiantur.

Decimus nonus Albertus Pighius controversia xv. in fine: *Cum contractu quodam celebretur Matrimonium, ille non solum Ecclesiasticis, sed etiam civilibus & politicis interdicitis subjacet, atque adeo subjacet, ut etiam civilibus legibus & publica consuetudine inter ethnicos quoque irritari interdicique possint quadam Matrimonia, & fieri non solum illicita, sed etiam invalida, quae sublati ejusmodi legibus & consuetudine secundum limites juris natura forent licita & valida: proinde non quovis consensu, sed legitimo, & inter personas legitimas contrahuntur nupiarum foedera & conjugalitatis societas. Hic auctor tacitus rejicit eam opinionem, quae jus Principum ab Ecclesia restrictum esse affirmat.*

Vigesimus Guillelmus Okamus in tractatu de causis matrimonialibus: *Abique dubitationis scrupulo ad Imperatorem, qui tam fidelibus quam infidelibus Romanis Augustis in pleno jure Imperii Romani succedit, videtur causa matrimonialis quantum ad illa, de quibus sacra littera non loquuntur, pertinere. Unde & de Matrimonio*



rimonio & de contingentibus ipsum, antequam leges Ecclesiasticæ aliquæ apparerent, Imperatores tam fideles, quam infideles, leges ediderunt non paucas. Et post alia: In specie autem de Matrimonii Sacramento, quod etiam Decretales Romanorum Pontificum dicunt apud fideles & infideles existere, extra. de divortiiis Gaudemus. Dicitur. quod ad Imperatorem in quantum solummodo est Imperator, eo quod pluries extitit Imperator infidelis, causa Matrimonialis quantum ad illa, quæ specialiter ultra legem naturæ, & ius gentium, & leges civiles, sunt in scripturis sacris prohibita vel præcepta, minime spectat. Et post alia: Canones asserentes causam matrimonialis ad Ecclesiam quantum ad ea, quæ in lege Dei singulariter & solummodo exprimuntur, juxta prædicta possunt intelligi, quin nihilominus intelligi possint quantum ad alia, non quidem ut causa matrimonialis quantum ad illa, de quibus in lege Dei mentio non habetur: sic ad Ecclesiam, id est, ad Clericos spectent. quod ipsi auctoritate eis specialiter a Christo concessa valeant eas, præsertim iudice seculari prohibente, tractare; sed quod auctoritate Principis introductæ eas valeant definire. Ceterum inde magnum de veritate habeatur præjudicium, quod hi duo Doctores Okamius & Pighius, qui in multis inter se tam hostiliter dissident, in hoc momento tam amice conveniant.

Vigesimus primus sanctus Thomas senior factus, & longe eruditior in Summa contra Gentes, quam in Commentariis super IV. sent. re accuratius examinata, quæstionem iis rationum momentis adornat, ut Principes jure suo privari non posse videantur: tantum abest, ut eo privatos jam esse meminerit, vel meminisse tutus voluerit. Ipsum igitur audiamus iterum, & secundis cogitationibus differentem expendamus. Considerandum est, inquit lib. IV. cap. LXXVIII. quod quando aliquid ad diversos fines ordinatur, indiget habere diversa dirigentia in finem, quia finis est proportionatus agentis. Generatio autem humana ad multa ordinatur, scilicet ad perpetuitatem speciei, & ad perpetuitatem alicujus boni possitivi, puta populi in aliqua civitate; ordinatur etiam ad perpetuitatem Ecclesiæ, quæ in fidelium collectione consistit: unde oportet, quod hujusmodi generatio a diversis dirigatur. In quantum igitur ordinatur ad bonum naturæ, quod est perpetuitas speciei, dirigatur in finem a natura inclinante in

*hunc finem, & sic dicitur esse natura officium. In quantum vero ordinatur ad bonum politicum, subjacet ordinationi civilis legis. In quantum igitur ordinatur ad bonum Ecclesie, oportet quod sub-  
jaceat regimini Ecclesiastico; ea autem, quæ populo per ministros  
Ecclesie dispensantur, Sacramenta dicuntur.*

Hos ergo scriptores legat ac relegat Gaspar Hurtadus ante citatus, & adhuc citandus postea: videat ille, num verum sit quod ait, convenire Doctores de facto in Principe seculari baptizato non esse regiam in Matrimonium expeditam potestatem: tum consideret, num aliquid scripserit Petrus Sotus contra communem sententiam.

His auctoribus adjungendi sunt trecenti Episcopi, qui Concilium Lateranense primum generale dictum confluxerunt, can. v. *Conjunctiones consanguinearum fieri prohibemus, quoniam eas & divina & sæculi prohibent leges, Leges enim divina hoc agentes, & eos, qui ex eis procedunt, non solum ejiciunt, sed maledictos appellant; leges vero sæculi infames tales eos vocant, & ab hereditate repellunt. Nos itaque patres nostros sequentes, infamia eos notamus, & infames eos esse censemus.* Id sibi vindicat Concilium, quod antea Principes seculares occupant; in famia quippe nota ad forum civile spectat. Nunc veniendum est ad illos Theologos sat multos, qui sibi sumunt regiam in Matrimonium potestatem ab Ecclesia vel a Romano Pontifice abrogatam esse. Monumenta examinabimus, quæ pro confirmanda tali abrogatione in medium adducunt.

## CAPUT III.

*Quæ pro abrogata Principibus ab Ecclesia vel Romano Pontifice potestate objiciuntur ex Decreto & Decretalibus, diluuntur.*

**N**E quis vero nos vllius xp̄i fides infimulet; integra ipsa Decretorum & Decretalium capita, quæ objiciuntur, representamus,

*Caput Euphemium obijcitur, & diluitur.*

Itaque primo Sanchez & alii quidam proponunt Cap. *Euphemium* 11. quæst. 111. *Quod est,* inquit ille, *divi Gregorii lib. IV. epistolarum epistola I. ad Ioannem Episcopum Corinthiorum, cum divus Gregorius ass. russit non effici infames, quos tales lex civilis reputat, eo quod ad secundas nuptias se transferunt, cum Matrimonia hodie reguntur jure poli, non jure fori.*

Respondemus primo, in his verbis nihil esse, quo jus statuendorum impedimentorum Matrimonii Christianis aut infidelibus Regibus adimatur, quod vnicum, sed disertis expressum verbis querimus, nec invenimus. Sed quæ consecutio hæc: *Matrimonia hodie reguntur jure poli, non jure fori?* ergo Ecclesia Christianos Principes, spoliavit, illa sancienti leges Matrimonium dirimentes potestate, quam articulo superiori illis tam multiplici & auctoritate & ratione asseruimus, & quam præcedenti capite liberam atque expeditam demonstravimus. Ex sancto Thoma, atque ex rei veritate Matrimonia quatenus Sacramenta, jure poli, sed qua contractus civiles, quibus accessit Sacramenti ratio, jure fori reguntur.

Deinde respondemus hoc caput, præter Euphemii nomen, cum tam non reperitur apud Gregorium, quam non reperitur apud Homerum vel Virgilium, Gregorio tribui non debere; multo minus ex eo regiam auctoritatem elevari.

Porro glossema illud, *Matrimonia hodie reguntur jure poli, non jure fori*, quod olim e margine in Decreti textum irrepsit, non ita pridem Romani correctores expunxerunt. An autem his verbis statuendi leges Matrimonium dirimentes potestas auferatur Principibus, judicium sit ex sermone XLIX. de communi vita Clericorum apud Augustinum cap. VI. unde desumpta sunt: *Quidam cum filios non haberet, neque speraret, res suas omnes, retento sibi usufructu, donavit Ecclesia. Nati sunt illi filiis, & reddidit Episcopus nec opinanti, quæ illi donaverat. In potestate habebat Episcopus non reddere, sed jure fori, non jure poli.* Quæ postrema verba ad Matrimonium transtulerunt, si quo

108 REGIA IN MATRIMONIUM POTESTAS.  
sensu transtulerint, attendatur. Sic fictitiis Decretis attendatur regia in Matrimonium potestas.

Tum respondemus, quarendo quid sibi vult adverbium *hodie*. Fuitne tempus, quo Matrimonia jure poli non regerentur? Fuit procul dubio in Sanchis & aliorum sententia, qui ut probent quod probandum suscipiunt, Caput *Euphemium* assument. Nam fateri debent Matrimonia jure poli recta non esse usque ad Gregorium Magnum, cui Caput illud tribuant: & si loquantur consequenter, id dicendum erit. Sed cum dicetur, nihil dici poterit absurdius; & viris Theologis indignius.

*Caput De Francia obijcitur, & diluitur.*

Secundo adferunt Cap. *De Francia*, quod ita legitur lib. IV. Decretalium tit. I. cap. I. *De Francia quidam nobilem mulierem de Saxonia, lege Saxonum duxit in uxorem: verum quia non utuntur iisdem legibus Saxones & Frantigena, causatus est, quod eam non sua, id est, Frantorum lege, desponsaverat, dimissaque illa, aliam superduxit. Desinivit super hoc sancta Synodus, ut ille transgressor Evangelice legis subijciatur penitentia, & a secunda conjuge separetur, & ad priorem redire cogatur.*

Respondemus primo in his verbis nihil esse, quo jus statuendorum impedimentorum Matrimonii Christianis aut infidelibus Regibus adimatur: quod unicum, sed disertis expressum verbis quarimus, nec invenimus. Sed quæ consecutio hæc: *Sancta Synodus desinivit, ut Francus quidam Evangelice legis transgressor in connubio, quod cum Saxonica muliere contraxit, subijciatur penitentia, ab hac secunda conjuge separetur, & ad priorem redire cogatur* ergo Ecclesia Christianos Principes spoliavit illa sciendi leges Matrimonium dirimentes potestate, quam illis articulo superiori tam multiplici & auctoritate & ratione asseruimus, & quam superiori capite liberam atque expeditam demonstravimus.

Respondemus secundo, Triburicensi Concilium, quod anno DCCCXCV. Præsules viginti duo tantum celebrarunt, dici non potest Ecclesia, quia Ecclesiam universam non repræ-

sentabat, nec repræsentare poterat.

Respondemus tertio hoc Caput ex Tributienſi Concilio non tam depromptum, quam miſere depravatum eſſe, nec, quod magis dolendum, hominum corruptione abutentium cauſam juvare. Tributienſis canon feminæ conditionem omiſit; at Caput iſtud nobilem facit. Canon loquitur de iis *alienigenis, qui conſultu propinquorum legitime vel ſua, vel mulieris lege acquiſitam feminam in uxorem duxerunt.* At Caput ex canone hæc omnia detraxit, quæ civilem in Matrimonium poteſtatem declarant: tantum abeſt, ut de ea imminuenda Concilium cogitarit. Canon habet tantum, *ut tranſgreſſor canonice arguatur.* At Caput canonem ſic augeſcit, *ut tranſgreſſor ſubjiciatur pœnitentiæ, a ſecondæ femina ſeparetur, & ad priorem redire cogatur.* Et licet interpretatio canonis in partem canonis venerit, inde tamen non læditur regia in contractum Matrimonii poteſtas. Canones enim, ad quorum amuſſum tranſgreſſor arguendus erat, & qui Tributienſe Concilium præceſſerant, de ordinando Matrimonii contractu, vel de dirimentibus Matrimonium impedimentis nihil caverant. Sed eos, qui ſecundum naturalem, divinam, vel civilem legem non contraxerant, Eccleſiaſtica pœna coercerat.

Porto autem qui utuntur hoc canone, ut probent quod probandum ſuſcipiunt, ſemel iterum & tertio peccant. Semel quidem peccant in ſe, quid ſit hac in facti quæſtione diſputare, neſcire ſe luculenter oſtendunt. Iterum in cauſam ſuam, quæ Tributienſi canone deſtruitur, non ædificatur. Tertio peccant in Tributienſis Concilii Episcopos xxi. quibus quod non fecerint, perperam imponunt; ſcilicet regię in civilem Matrimonii contractum poteſtatis abrogationem, quod majoris abolitæ crimen eſt.

*Caput Multorum relatione cognovimus objicitur, & diluitur.*

Tertio proferunt Cap. *Multorum relatione cognovimus* ex Decreti ii. part. cauſ. xxxv. quæſt. vi. cap. x. ſic illud ſe habet: *Multorum relatione cognovimus, te propriam velle abjicere uxorem, & adharere alteri, prætendentem conſanguinitatis occa-*

sonem; unde Apostolica auctoritate interdicendo mandamus tibi; ut hanc, quam nunc habes uxorem, nullatenus presumas dimittere, vel aliam ducere, donec Episcoporum religiosorum Concilium causam istam examinaris. Hæc Alexander II. ad Guillelmum de Monstrolio.

Respondemus primo, in his verbis nihil esse, quo jus statuendorum impedimentorum Matrimonii Christianis aut infidelibus Regibus, adimatur; quod vnicum, sed disertis expressum verbis querimus, nec invenimus. Sed quæ consecutio hæc: Alexander Pontifex II. mandat Guillelmo Monstrolienti, ne abjecta priori uxore aliam superducat? ergo Alexander II. Christianos Principes spoliavit illa sancienti leges Matrimonium dirimentes potestate, quam illis articulo superiori tam multiplici & auctoritate & ratione asseruimus, & quam superiori capite liberam atque expeditam demonstravimus.

Respondemus secundo, si qui primi leges & edicta de consobrinorum Matrimonio fecerint, & de iis dispensaverint, queratur, hanc forte, de qua agitur, causam ab Episcopis examinandam fuisse ad civilium legum normam competere: quo vel vno regis in Matrimonium potestas appareret, adeo non abrogaretur. Unde præclare Ivo Carnotensis ait, *Instituta novellarum legum ab Ecclesia Romana servari a se mandari*. Sic Pontifex, sic Episcopi, quibus ille causam de consanguinitatis impedimento quod objiciebat, qui uxorem dimittere voluit, examinandam commisit, Theodosii utriusque & Arcadii Imperatorum legis executores se præbent; tantum abest ut illam abrogent. Caput istud non legerunt qui obijciunt, aut qui eo ad assertionis falsæ confirmationem vtuntur. Caput assertionem infirmat, non confirmat.

*Caput Ex literis. de consanguinitate objicitur, & diluitur.*

Quarto proferunt Caput de consanguinitate & affinitate; quod habet titulus XIV. Decretalium, ubi Alexander III. Cassinensi Abbati sic scribit: *Ex literis tuis accepimus, quod cum qui iam secreto quandam viduam subarrasset, & carnaliter cognovisset. Et infra: Tandem cum vir paratus esset eam in con-*

## REGIA IN MATRIMONIUM POTESTAS. III

*specu Ecclesia subarrare, surrexerunt duo proponentes, quod iste, qui eam subarrare volebat, priorem virum quarto consanguinitatis gradu attingit. Vnus autem ita se audivisse iuravit; alius noluit id iuramento firmare. Et infra: Nunc questio revixit, & iuraverunt duo coram Archipresbytero Plumbarella, quod primus vir fuit superstiti quinto consanguinitatis gradu conjunctus: quocirca mandamus, quatenus utramque partem ante tuam presentiam convoces, & facias testes coram se jurare. Et infra: Inquisita vero diligentius veritate, si per testes circumspectos omni exceptione majores inveneris, quod primus vir superstitem quarto gradu consanguinitatis attingit, non differas divortii sententiam promulgare. Eque enim ut canones dicunt, abstinendum est a consanguineis uxoribus ac propriis. Ceterum tuam prudentiam volumus non latere, quod non sint causa Matrimonii tractanda per quoslibet, sed per iudices discretos, qui potestatem habeant judicandi, & statuta canonum non ignorent.*

Respondemus primo, his in verbis nihil esse, quod jus statuendorum Matrimonii impedimentorum Christianis aut infidelibus Regibus adimatur: quod unicum, sed disertis expressum verbis quaerimus, nec invenimus. Atque ita argumentum dilutum est. Sed quæ tandem consecutio hæc: *Causa Matrimonii non sunt per quoslibet, sed per discretos iudices tractanda?* igitur Alexander III. Regum potestatem eâ parte minuit, quæ in ferendis circa Matrimonium legibus versatur. otiose omnino ac ridicule.

Respondemus secundo, Pontificem leges supponere, quæ de gradibus consanguinitatis institutæ sunt, & ad earum normam velle Matrimonium, quo de agitur, dijudicari. At leges illæ suam ab Imperatore Theodosio repetunt originem, & illas sic agendo confirmat. In omnibus consanguinitatis gradibus eadem est ponendi impedimenti ratio, quæ tota ad politicum finem refertur.

Respondemus tertio, qui sint illi iudices causatum matrimonialium, definite distincteque non designari, non quoslibet, sed eos tantum qui discreti sint, designari. At qui videntur hoc Capite contra Reges, per discretos iudices, sacerdotalis ordinis iudices intelligunt, quasi sæculi iudices discreti non

## 112 REGIA IN MATRIMONIUM POTESTAS.

essent, aut esse non possent. In discretis iudicibus hinc iudicandi potestas, inde canonum notitia requiritur. Utrumque ad sæculi & sacerdotalis ordinis iudicem diversa ratione spectari potest. Ad sæculi iudicem, ut videat num secundum leges contractus sit Matrimonium: ad sacerdotalis ordinis iudicem, ut pro violatis in contrahendo contra leges Matrimonio, canonicam & convenientem delicti poenitentiam imponat. Sic utrique foro, sæculati & sacerdotali, quod suum est, reddetur, & inter utrumque concordia servabitur.

Ceterum Alexander in suis Responsionibus ad leges passim respectum habet, quas vel sequatur vel interpretetur. Hinc in parte 1. appendicis ad Lateranense Concilium capite VI. *Manifestum est eum puberem esse, qui de gestulatione sui corporis talis est, ut jam procreare possit, licet ad metas legibus definitas non pervenerit.* Deinde in part. IX. cap. II. *Super illa questione, qua questum an scilicet mulier possit sine infamia nubere infra tempus secundum leges definitum; sollicitudini sue respondemus, quod cum Apostolus dicat: Mulier viro suo mortuo soluta est a lege viri sui, in Domino nubat cui voluerit; per licentiam ejus & auctoritatem infamia aboletur.* Sic consultus Pontifex respondet sæculi leges proponendo vel interpretando, & Doctorem privatim agit: tantum abest, ut de abrogandis sæcularium Principum legibus cogitationem ullam suscipiat.

*Caput Accedentibus de excessibus Prælatorum obijciatur,  
& diluatur.*

Quinto producantur Cap. *Accedentibus* de excessibus Prælatorum ex lib. V. Decretalium tit. XXXI. cap. XII. illud autem sic se habet: *Accedentibus ad nos de diversis mundi partibus Episcoporum querelis, intelleximus graves & grandes quorundam abbatum excessus, qui suis finibus non contenti, manus ad ea, que sunt episcopali dignitatis, extendunt, de causis matrimonialibus cognoscendo, injungendo publicas poenitentias, concedendo etiam indulgentiarum literas, & similia presumendo; unde contingat, quod vilescit episcopalis auctoritas apud multos. Volentes igitur in his & Episcoporum dignitati, & Abbatum provi-*  
*dere*



*dere salutis presentis decreto firmiter prohibemus, ne quis Abbatum ad talia se presumat extendere, si proprium voluerit periculum arisare, nisi forsitan quisquam eorum speciali concessione, vel alia legitima causa super huiusmodi valeat se tueri.*

Respondemus primo, in his verbis nihil esse, quo jus statuendorum impedimentorum Matrimonii Christianis, aut infidelibus Regibus adimatur: quod vel vnicui, sed disertis expressum verbis quærimus, nec invenimus.

Respondemus secundo, adduci neminem posse ut credat, Innocentium III. dum Abbatum excessus corrigit, velle civilem in Matrimonium auctoritatem imminuere, qua tunc Principes non abutebantur: quæ sola causa, si tanquam causa, Innocentium merito commovere potuisset.

Respondemus tertio, de iis matrimonialibus causis Abbates judicare, de quibus speciali concessione, vel alia legitima ratione cognoscere poterant. Atqui constituendi dirimentia Matrimonium impedimenta, vel de iis dispensandi Abbatibus nunquam communicata est auctoritas.

Respondemus quarto, ex capite sine controversia vlla colligi, quæ in re sita erat causarum matrimonialium cognitio, quam Abbates sibi sumebant in Episcopalis dignitatis præiudicium, *injungendo pœnitentias publicas*; iis nempe qui divinas & civiles in contrahendo Matrimonio leges violaverant aut neglexerant; Episcoporum erat pœnitentias illas injungere, ut Africani canone suo CII. injunxerunt: deinde concedendo indulgentiarum literas, quibus pœnitentiarum injunctarum partem aliquam relaxabant; & hæc relaxatio ad Episcopos, non ad Abbates jure pertinebat. Hoc agitur tantum, non abrogatio potestatis, quam Principes in Matrimonia suorum subditorum habent.

*Caput Ecclesia sanctæ Mariæ Novæ obijcitur & diluitur.*

Sexto obijciunt Cap. *Ecclesia sanctæ Mariæ Novæ*, ex lib. I. Decretalium tit. II. de Constitutionibus cap. X. Audiamus illud: *Nos attendentes, quod laicis, etiam religiosis, super Ecclesiis & personis Ecclesiasticis nulla sit attributa facultas, quos obse-*

#### 114 REGIA IN MATRIMONIUM POTESTAS.

*quendi manet necessitas, non auctoritas imperandi, & cetera quæ piget referre:*

Respondemus primo, in his verbis nihil esse, quo jus statuendorum impedimentorum Matrimonii Christianis, aut infidelibus Regibus adimatur: quod vel vnicum, sed disertis expressum verbis quærimus, nec invenimus. Sed quæ consecutio hæc: *Laicis, etiam religiosis, super Ecclesiis & personis Ecclesiasticis nulla est attributa facultas?* ergo Pontifex Christianos Principes spoliavit illa sancienti leges Matrimonium dirimentes potestate, quam illis articulo superiori tam multiplici & auctoritate & ratione asseruimus, & quam præcedenti capite liberam atque expeditam demonstravimus.

Respondemus secundo, Abbati & religiosis laicis, de quibus loquitur Pontifex, cum Regibus, opinor, commune nihil esse in ferendis legibus Matrimonium dirimentibus.

Respondemus tertio, verba hæc desumpta esse ex Romano Concilio, quod Gelasius habuit de bonis Ecclesiæ concessis, nec illa verba desumpta tantum, sed insuper interpolata: *Laurentius Mediolanensis Ecclesiæ dixit: Ista scriptura nullum Romana civitatis potuit obligare Pontificem, quia non licuit laicis statuendi in Ecclesia præter Papam Romanum habere aliquam potestatem, quos obsequendi manet necessitas, non auctoritas imperandi.* Et paullo post: *Contra Patrum regulas a laicis, quamvis religiosus, quibus nulla de Ecclesiasticis facultatibus aliquid disponendi legitur unquam attributa facultas, facta videtur; scilicet scriptura, qua de agitur. Quid autem cum impedimentis Matrimonium dirimentibus, quæ Reges statuere possunt vel non possunt, hæc habent commercii?*

*Caput Tuam de ordine cognationis objicitur & diluitur.*

Septimo opponunt *Cap. Tuam de ordine cognationis*, ex lib. 11. *Decretalium* tit. x. cap. 1v. Illud autem sic se habet: *Tuam non credimus latere prudentiam, causam natalium Regina Cypri ad examen nostrum, utpote qua ad forum Ecclesiasticum pertinet, esse delatam.* Et infra: *Quia vero antequam natalium causa terminata esset, dependentem ex illa successione causam incipere ni-*

*hil aliud esset, quam diversis processibus intricare negotium, & ordinem perturbare, si forte ab ipsa Regina fueris super hoc requisitus, donec jam dicta causa natalium Apostolico iudicio finem acceperit, patienter expectes.* Hæc Honorius III. Ludovico Regi Francorum.

Respondemus primo, in his verbis nihil esse, quo jus statuendorum impedimentorum Matrimonii Christianis, aut infidelibus Regibus adimatur: quod vnicum, sed disertis expressum verbis quærimus, nec invenimus. Sed quæ consecutio hæc: *Causa natalium Regina Cypri ad forum Ecclesiasticum pertinet?* ergo Honorius Christianos Principes spoliavit illa sancienti dirimentes Matrimonium leges potestate, quam illis articulo superiori tam multiplici & auctoritate & ratione asseruimus, & quam præcedenti capite liberam atque expeditam demonstravimus.

Respondemus secundo, causam natalium non alibi, quam apud sæculares iudices in Gallia ventilari. Hæc quidem de re sic disserit Durandus in IV. sent. dist. XLII. quæst. III. *Alii dicunt, quod in terris non subiectis temporali dominio Papæ legitimatio facta per eum non valet quoad successionem, quæ est præjudicialis legitimo heredi, licet valeat quoad actus spirituales & dignitates Ecclesiæ: & hoc de facto tenuit in regno Fræcia. Quin primogenitus Comitissa Flandria legitimatus per Papam non successit in Comitatu, sed alius minor, qui erat legitimus.* Quo autem jure causa natalium in terris Ecclesiæ non subiectis ad Ecclesiasticum forum pertinuerit, proprio, an adscritio, atque ex voluntaria subiectione alterius, nunc non disputo; disputat vero Innocentius III. Honorii decessor in Cap. *Per venerabilem. qui sunt legitimis filii.* Igitur ad Ecclesiæ forum pertinere aliquid potest, vel qua spirituale, vel qua temporalem jurisdictionem exercet. At natalium restitutio, si quando spectat ad forum Ecclesiæ, qua temporalem jurisdictionem exercet, spectat. Regina Cypri potuit se foro Romanæ curiæ subicere; sed inde non concluditur, quod restituere aliquem natalibus, vel spurium ingenuitatis jure donare ad forum Ecclesiasticum ex se pertineat, nisi Ecclesiæ, de qua est quæstio, sit totius orbis Christiani domina. Quo, in casu

de ingenuitate, de successioneibus, & de hereditatibus iudicari caret. Sed quis hoc vniuersim Romanæ curiæ tribuat?

*Canon XII. sessionis XXIV. Conc. Tridentini obijcitur, & diluitur.*

Octavo proponunt ex Concilio Tridentino canonem XII, sess. XXIV. *Si quis dixerit causas matrimoniales non spectare ad iudices Ecclesiasticos, anathema sit.*

Respondemus primo, in his verbis nihil esse, quo jus statuendorum impedimentorum Matrimonii Christianis aut infidelibus Regibus adimatur: quod vel vnicum, sed disertis expressum verbis querimus, nec invenimus. Sed quæ conclusio hæc: *Ex Tridentino Concilio causa matrimoniales spectant ad iudices Ecclesiasticos?* ergo hoc Concilium vel Ecclesia, ut aiunt, Christianos Principes spoliavit illa potestate, quam & communis Doctorum opinio, & Pontifices ipsi tam necessariam in Principibus existimarunt, ut articulo superiori ostendimus.

Respondemus secundo, ex Adamo Tannero disp. VII. de Matrimonio, quæst. VII. *Non plus definiri hoc canone, quam Capite Tuam de ordine cognationis.* Tum ex Joanne Sortheallo Theologo, & Horatio Lucio Jurisconsulto, eadem hoc canone definiri, quæ *Capite Multorum. XXXV. quæst. VI. cap. I. & Capite Accedentibus, de excessibus Prelatorum.* At in tribus istis Capitibus nihil omnino contra regiam in Matrimonium potestatem definiri mox vidimus; & certe de abroganda Principibus sancienti dirimentes Matrimonium leges auctoritate nulla propositio, nulla consultatio habita est in Concilio. Quod observasse, ductam ex hoc canone objectionem diluisse est.

Respondemus tertio, ex Bellarmino & aliis matrimoniales causas tria in genera dividendis sequi, hoc canone nihil esse definite definitum, cum quasdam matrimoniales causas ad Magistratum politicum pertinere concedant, de quibus tamen iudices Ecclesiasticos alias iudicasse Decretalium libri docent. Quo fit, ut data matrimoniales causas in diversa genera partiendi libertate, alius poterit illas in duo tantum genera distribuere, in politicas scilicet, & spirituales. Politicæ sunt, quæ ad disponendum contractus matrimonialis valorem

concurrunt, quæque eadem semper essent, tametsi Sacramenti ratio nulla contractui Matrimonii superaddideretur: cuiusmodi sunt causæ, quæ ad ditimentia impedimenta, ad dotes, successiones & hereditates spectant. Spiritales vero sunt quæ vel ad Matrimonium, quæ Sacramentum est, pertinent, vel quæ ex legum ad contrahendum institutarum violatione sequuntur. Siquidem peccata, quæ ex violatis legibus civilibus emergunt, in foro conscientiæ Ecclesiasticos iudices respectant: illorum enim est in eo foro pro tali peccatorum genere poenitentiam imponere, & si necesse est, Sacramentorum communione privare. At hæc spiritualium causarum genera duo ad Ecclesiasticum tribunal spectant. De matrimonialibus autem his causis, non de aliis, & ipsa rei natura, & rerum quæ ad fidem pertinent, definiendum conditio canonem esse intelligendum declarant. Quæ omnia confirmantur ex superiori capite, ubi declaratur quid de jure Principum in sanciendo impedimento Matrimonii sentiant ii Doctores, qui Tridentino Concilio interfuerunt.

## CAPUT IV.

*Deductæ quædam ex objectionibus superioris capitis observationes explicantur.*

**A**D illustriorem superioris capitis noticiam necessarium, nedum ad veritatem utile visum est, observationes nonnullas ex objectionibus, quas præcedenti capite proposuerunt adversarii, deducere, & apertam in lucem prodere.

## OBSERVATIO PRIMA EST.

Auctores illi, quos in hac facti quæstione ex ipsa rei gestæ ignorantia lapsos esse vidimus, inter se non conveniunt de tempore, quo iustitatuendorum Matrimonii impedimentorum Principibus ab Ecclesia, ut loquuntur, vel a Romano Pontifice fuisse

## 118 REGIA IN MATRIMONIUM POTESTAS.

adempum docent. Etenim alii tam grande facinus in Gregorium I. rejiciunt, & sic per annos a Christo sexcentos, Reges & Principes suo, nec alieno, proprio, nec aliunde per sacerdotale privilegium accepto jure vfos fuisse concedunt. Alii in Alexandrum II. & sic per annos a Christo mille & eo amplius, Reges & Principes suo, nec alieno, proprio, nec aliunde per sacerdotale privilegium accepto jure vfos fuisse concedunt. Alii in Innocentium III. & Honorium Innocentii successorem, & sic per annos a Christo mille & ducentos & eo amplius, Reges & Principes suo, nec alieno, proprio, nec aliunde per sacerdotale privilegium accepto jure vfos fuisse concedunt. Hæc autem cum ita sint, ex objectionibus superioris capitis, licet illæ ad arbitrium adversariorum concluderent, apparet inprimis Reges & Principes, qui jus statuendorum Matrimonii impedimentorum sibi nunc vendicarent, suum profecto, & ad retinendam inter subditos pacem necessariam, sibi que a Christo Sacramentorum auctore, Apostolis, Apostolicisque viris relictum jus vendicare: tum & apud primos Ecclesiarum Magistros, & apud eos, quos impugnamus, Theologos tanti non fuisse, si capiant, indicam a Christo in Matrimonium Sacramenti dignitatem, vt ad auferendam Regum potestatem sola sufficeret.

### OBSERVATIO SECUNDA.

Qui vtuntur Capite *Euphemium* ad suam assertionem, sic disputant: Lex civilis infamiae notat eos, qui ad secundas nuptias transeunt, seu, vt alii objiciunt, mulieres, quæ nondum expleto post viri morrem anno nubunt alteri: ergo cum Gregorius I. eos non effici infames decernat, jus statuendorum Matrimonii impedimentorum aufert Regibus, non infidelibus quidem, sed Christianis.

Qui vtuntur Capite *De Francia*, sic quoque disputant: Triburiensis Synodus decernit, vt qui dimissa vxore, quod non sua, sed illius lege eandem duxerat, aliam superduxit, vti Evangelicæ legis transgressor poenitentiae legibus subjiçatur, a secunda femina separetur, & ad priorem redire cogatur:

ergo Ecclesia, vt dicunt, seu Triburiense Concilium Christianis Principibus jus statuendorum Matrimonii impedimentorum abrogavit. O ridicula collectio!

Qui vtuntur Capite *Multorum*, sic etiam disputant: Alexander II. Guillelmo de Monstrolio mandat, vt quam habet vxorem nullatenus præsumat dimittere, vel aliam ducere, donec Episcoporum religiosorum Concilium causam istam examinavit: ergo Pontifex iste jus statuendorum Matrimonii impedimentorum abstulit Principibus omnibus, præterquam ethnicis. O miserrima collectio!

Qui vtuntur Capite *Accedentibus*, sic quoque disputant: Pontifex vetat, ne Abbates de causis matrimonialibus cognoscant, nisi ex speciali concessione, vel alia iusta de causa: ergo Pontifex jus statuendorum Matrimonii impedimentorum Regibus omnibus Christianis in persona vnus privati hominis ademir. O absurda collectio!

Qui vtuntur Capite *Ecclesia sancta Mariæ noua*, sic disputant: Laicis etiam religiosis super Ecclesiis & personis Ecclesiasticis nulla est attributa facultas, quos obsequendi manet necessitas, non auctoritas imperandi: ergo Innocentius III. dum sic ad Abbatem sancti Silvestri de Urbe, super rebus & possessionibus Monasterii scribit, jus statuendorum Matrimonii impedimentorum Regibus omnibus eripuit, nisi forte paganos excipias. O perversa collectio!

Qui vtuntur Capite *Tuam*, sic argumentantur: Causa natalium Reginæ Cypri Honorii III. iudicio terminata est, vel ad forum Ecclesiasticum pertinet: ergo vniuersa per hunc Pontificem Ecclesia jus statuendorum Matrimonii impedimentorum Principibus, & cuilibet politicæ societati abrogavit, idque eum ad vnicum Galliarum Regem super causa natalium Reginæ Cypri scriberet. Quam otiose!

Qui vtuntur Canone XII. sess. XXIV. Trid. Conc. sic quoque argumentantur: Concilium anathema decernit in eos, qui dicunt causas matrimoniales ad iudices Ecclesiasticos non pertinere: ergo Concilium jus statuendorum Matrimonii impedimentorum Christianis Regibus abstulit, sed non ethnicis. Sed cur Christianis potius quam ethnicis, licet Conci-

lium inter eos non distinguatur, quia unum placet, aliud vero non placet. Deinde anathema decernitur in Bellarminum & alios qui matrimoniales causas de dotibus, de successione, & de hereditatibus ad politicos Magistratus spectare concludunt. Tum idem quoque anathema decernitur in eoldem, qui matrimoniales causas de impedimentis Matrimonii ad politicos Magistratus cum subordinatione ad Ecclesiasticos asserunt pertinere posse. Harum porro ratiocinationum quanta sit vanitas, dici non potest; sed post singulas recte quis cum Hieronymo non exclamaret? *O epicitharsina post fabulam!* Tot absurdas animis, & tot absonas auribus complexiones, nemo vidit, aut visurus est unquam.

## OBSERVATIO TERTIA.

Ex vna vnius Honorii III. Papæ ad vnum Ludovicum Francorum Regem epistola, verborum potius officiis, quam decretorio stilo exarata, & in alieno ab ea, quæ nunc movetur causa, negotio conscripta colligunt, non vnum tantum Galliarum Regem, sed Angliæ, Hispaniæ, immo Europæ, Asiæ, Africa, & novi, si vultis, orbis Reges, si Christiani forent, omnes jure statuendorum Matrimonii impedimentorum spoliatos esse; sicque tam fontes, quam infontes Principes pari pena puniri concludunt. Aut toti theatris nihil explodetur unquam, nisi conclusio hæc explodatur.

## OBSERVATIO QUARTA.

Cum delectu capiendæ sunt ea, quæ ad episcopalem dignitatem aliquando pertinere dicuntur. Neque enim omnia semper credenda sunt primigeniæ & jure divino vel Apostolico sancitæ dignitatis. Fecit olim Episcoporum dignitas, ut Principes multa ipsis exequenda commiserint: unde postea dici aliqua ratione potuerint ad episcopalem dignitatem attinere. *Omnes causæ*, inquit Theodosius, *quæ vel prætore jure vel civili tractantur, Episcoporum sententiis terminata perpetuo stabilitatū jure firmantur, nec liceat ulterius retractari negotium,*



*gotium, quod Episcoporum sententia deciderit.* Certum est Episcopos vel Ecclesiasticos iudices de dotibus quondam, de successione, & de hereditatibus iudicasse; nec minus certum, de his rebus iudicium ad illos jure divino vel Apostolico non spectasse. Hæc si bene capiaturs observatio, difficultatibus permultis finem imponet, & obstabit, quominus concessæ quædam a Principibus sacerdotali ordini prærogativæ Principum auctoritati noceant.

## OBSERVATIO QUINTA.

Dum legitur in Decreto aut in Decretalium libris causam aliquam ad forum Ecclesiasticum pertinere, non est continuo concludendum, eam ex se suaque natura referri ad illud forum. Sed videndum, an ex se, vel ex Principum concessione tacita vel expressa referatur. Alioqui tres jam laudati Pontifices, Alexander, Honorius & Innocentius, fœda inter se contradictione pugnarent, dum illi duo causam Reginæ Cypri & matris Regis Anglorum ad forum Ecclesiasticum spectare pronuntiant; hic vero definit, se non posse, nisi in terris Romanæ Ecclesiæ subiectis, quemquam natalibus jure proprio restituere.

## OBSERVATIO SEXTA.

Qui tam futilibus, ut visum est, argumentis jus statuendorum Matrimonii impedimentorum Principibus ab Ecclesia, ut loquuntur, vel ab Romano Pontifice sublatum esse tradunt, gravissimam Regno & Sacerdotio injuriam faciunt. Regno quidem, cum jure naturæ & gentium quæsitam Regibus potestatem, & omnino ad regendum populum necessariam gratis & sine veta & solida ratione adimunt: Sacerdotio vero, cum Romano Pontifici, vel Ecclesiæ, qua primi & secundi ordinis Sacerdotum & Clericorum cœtus est, facinus execratione omni dignum attribuant. Primum, quia nonnullis Pontificum rescriptis, quæ ad privatos, ut plurimum, & proletarios homines spectant, Christianorum Regum omnium au-

Autoritatem in Matrimonia nunc restrictam & truncatam, nunc ademptam esse docent. Deinde, quia Christianos Reges omnes inauditum jure suo privatos esse affirmare audent. Notum est illud Senecæ in Medea: *Non eripis mortalia qui regna dat celestia.*

*Qui statuit aliquid parte inaudita altera;  
Æquum licet statueris, haud æquum fuit.*

Atque hoc ab Ecclesia, quam appellant, vel a Romano Pontifice insuper habitum esse facerentur, necesse est. Tum quia Christianorum Regum omnium conditionem faciunt miseriorem conditione liberorum & talonum, qui indicta causa non condemnarentur. Denique, quia exemplum Christi spernitur, qui Sacramentorum auctor cum fuerit, Principum auctoritatem non minuit; de quo canit Ecclesia: *Non eripis mortalia qui regna dat celestia.*

## OBSERVATIO SEPTIMA.

Qui Theologi hac in re certa quædam Pontificum rescripta objiciunt, non objecissent, si eos aluisset schola Romanæ Ecclesiæ. Nimirum illius Pontifices, Sixtus II. Leo I. & Silvester II. qui quæ Romanorum Pontificum Decreta in auctoritatem recipienda sint, ita docent:

Primus in epistola ad Illyrici Episcopos: *A canonum preceptis vestrum nemo discedat, quæ juxta regularum ordinem frequens ad vos directæ Sedis Apostolica decrevit auctoritas.* In collectione Romana bipartita.

Alter in epistola I. ad Episcopos Campaniæ, capite V. *Ne quid vero sit, quod præmissum a nobis forte credatur, omnia decretalia constituta tam beata recordationis Innocentii, quam omnium predecessorum nostrorum, quæ de Ecclesiasticis ordinibus, & canonum promulgata sunt disciplinis, ita vestram dilectionem custodire debere mandamus, ut si quis illa contempserit, veniam sibi deinceps noverit denegari.*

Tertius in epistola ad Seguinum Senonensem Archiepiscopum: *Sit lex communis Ecclesiæ Catholica, Evangelium, Apostoli, Prophete, canones spiritu Dei constituti, & totius mundi reverentia consecrati, & Decreta Sedis Apostolica ab his non dis-*

*cordantia.* Eundem ad finem spectant decretalia constituta de Ecclesiasticis ordinibus, & canonum promulgata disciplinis, & Decreta Sedis Apostolicæ a canonibus spiritu Dei constitutis non discordantia, de quibus fit sermo in Romano Pontificali, cum ordinandus Episcopus sic interrogatur: *Vis traditiones sanctorum Patrum, ac decretales sanctæ & Apostolicæ Sedis constitutiones veneranter suscipere, docere ac servare.* De quibus, inquam, fit sermo, non de iis quæ canonibus spiritu Dei constitutis derogarent in perpetuum, si quæ tales, quod non credimus, invenirentur. At Caput *Euphemium*, etiamsi subdititium non esset, quod Gregorio I. tribuitur: Caput *Multorum relatione cognovimus*, quod Alexandro II: Caput *Accedentibus*, de excessibus Prelatorum, quod Innocentio III. Caput *Ecclesia sanctæ Mariæ novæ*, quod eidem Innocentio III. Caput *Tuam de ordine cognitionis*, quod Honorio III. Decreta cum non sint ex sacris promulgata canonibus, in certam auctoritatem recipi necesse non est, Sixto III. Leone I. & Silvestro II. decernentibus. Hoc animadvertimus in opinione eorum Theologorum, qui putant Gregorium I. Alexandrum II. Innocentium III. & Honorium III. in suis ad varias consultationes responsionibus, vel, ut volunt, Decretis scopum ferire, quem reipsa non feriunt: hoc est, jus statuendorum Matrimonii impedimentorum Principibus auferre.

## OBSERVATIO OCTAVA.

Bene ac sapienter monet Joannes Chrysostomus in homilia de verbis Hieremix, cap. x. prætermittendum nihil esse, quod ad indagacionem veritatis usui esse possit. Monitioni huic obsequimur, & relata ex Decreto Gratiani, & Decretalibus Gregorii IX. capita ad regulam, quam Bellarminus auctor minime suspectus posuit in libri IV. de Romano Pontifice capite V. *Summus Pontifex errare non potest in Decretis morum, quæ toti Ecclesiæ præscribuntur, & quæ in rebus necessariis ad salutem, vel etiam in iis, quæ per se bona vel mala sunt, versantur. Dicimus primum non posse errare Pontificem in iis præceptis, quæ toti Ecclesiæ præscribuntur, quia, ut supra diximus, in*

## 124 REGIA IN MATRIMONIUM POTESTAS.

*preceptis & judiciis particularibus non est absurdum Pontificem errare. Addimus secundo, quæ in rebus necessariis ad salutem, vel per se bonis aut malis versantur, quia non est erroneum dicere, Pontificem in aliis legibus posse errare, nimirum superfluum legem condendo, vel minus discretam. At Pontifices, Gregorius I. Alexander II. Innocentius III. & Honorius III. in relatis capitibus seu veris seu falsis nihil toti præscribunt Ecclesiæ, ut ex lectione capitum apparet; & eam ob causam Gregorius I. scribens ad Joannem Corinthiorum Episcopum; Alexander II. scribens ad Guillelmum Monstrolensem; Innocentius III. scribens ad Ecclesiam sanctæ Mariæ novæ; & Honorius scribens ad Ludovicum Regem Galliarum, cum errare potuerint: non est quod eorum steterit iudicio, tametsi fecissent quod non fecerunt; scilicet quod ius statuendorum Matrimonii impedimentorum Principibus abstulissent. Deinde ad salutem non est necessarium, quod Principes illo jure priventur. Quæro, si Pontifices illi legem de privandis jure suo Principibus tulissent, non esset erroneum dicere, Pontifices in condenda lege ista errasse, vel quia superflua, vel quia minus discreta erat. Bellarmini verba sunt. Porro autem cum Bellarmini propositione, tanquam certa regula vrò, ad hominem & curiæ Doctores vrò; cum illa nova sit, & antiquis Ecclesiæ Patribus incognita, nec vllò nitatur Scripturæ testimonio, quod juxta vnanimem consensum Patrum intelligatur, ut intelligi debet, decernente Tridentino Concilio in sess. IV. ejus verba in juramentum professionis fidei sic transierunt. Item sacram Scripturam juxta eum sensum quem tenuit & tenet sancta mater Ecclesia, cujus est judicare de vero sensu, & interpretatione sacrarum Scripturarum, admitto, nec eam unquam, nisi juxta vnanimem consensum Patrum accipiam & interpretabor.*



## CAPUT V.

*Sumptum ex abrogatis legibus politicis argumentum obijci-  
tur & diluitur.*

**S**UNT vero qui vt probent, nullum amplius penes Reges residere jus faciendarum legum, quæ Matrimonia dirimant, tale contra eos comparant argumentum. Multæ leges civiles, quæ ab Imperatoribus & Regibus de causis matrimonialibus latæ sunt, per canonicas abrogatæ repetiuntur. Igitur sæculares Principes non possunt statuere leges Matrimonia dirimentes. Catharinus ad antecedens respondet, *videndum esse, qua ratione confecti sint isti canones, quibus civile jus abrogetur. Oportet enim canones civilem legem aliquam irritantes ab aliqua solida ratione proficisci: nulla vero potest esse alia ratio, nisi quia forte viderint, quod a lege civili constitutum erat, vel contra jus diuinum esse, vel contra jus naturale.* At profecto nullus est, qui canonem ea de causa conditum proponat. Antecedens fictum est, & in academia volatica formatum.

Deinde *abrogatas esse leges per canones*, ponitur pro arbitrio; non probatur, sic abrogata lex nulla in medium editur: & quamvis aliqua ederetur, querendum tunc esset diligenter, num consentientibus vel dissentientibus Christianis Principibus abrogata esset. Nam si Christiani Principes abrogationi consensissent, enervis & cassa foret obiectio: si vero dissentissent, captu non erit facile, quo modo Christiani Principes dici poterunt hinc custodes canonum, inde defensores Ecclesiæ, vt a Patribus & Conciliis dicuntur? Eruntne custodes canonum, per quos illorum leges abrogarentur? Eruntne defensores Ecclesiæ, in qua tam inciviliter tractarentur? Hoc, Deus immortalis! maximum & custodiæ canonum incitamentum est & defensionis Ecclesiæ! Dedignati sunt ad hoc oculos adiacere, qui argumentum depromunt ex abrogatis legibus Principum Christianorum.

Ad consequens autem quod attinet, respondemus illud nullum penitus esse, immo indignum, quod vel ab infantissimo dialectico deducatur. Et revera quamvis concederetur, leges Principum, si quæ sint in perniciem naturalis & divini juris latas posse per canones abrogari; indene continuo removeretur a Principibus auctoritas iustam in eadem etiam materia, ubi peccatum est, legem ferendi? Sic tamen arguantur, qui ex lib. V. Decretalium tit. XVII. cap. VII. Caput *Accedens, de raptoribus*, opponunt, si modo Innocentium III. id eo capite quod volunt efficere consentiremus; scilicet Pontificem statuere, inter raptorem & raptam valere Matrimonium, quod legibus civilibus non valere decernitur. Verum opponentium *ἀλλὰ τίς* redarguet ipsa capitis lectio: *Accedens ad Apostolicam Sedem*: *Infra: Rapta puella legitime contrahet cum raptoe. Si prior dissensio postmodum transeat in consensum, & quod ante displicuit, tandem incipiat complacere; dummodo ad contrahendum legitima sint personæ.* Pontifex in respondendo, consultoris potius quam iudicis personam gerit, ut apparet. Lex civilis edicit Matrimonium raptorem inter & raptam initum nullum esse; Pontifex vero respondet id conjugii genus valere posse, & raptam puellam legitime cum raptoe contrahere, si modo prior dissensio transeat in consensum, & quod antea displicuit, tandem incipiat placere. At istud quid aliud est, quam civilem legem adversus raptorem confirmare, & nova, si opus foret, declaratione munire?

Noverat quippe Innocentius labentium temporum cursu, & tacita Principum voluntate antiquum politicarum legum rigorem ita xtate sua remissum esse, ut non amplius in perpetuum raptori eum rapta conjugium interdiceretur.



## CAPUT VI.

*Sumptum ex Pontificiis dispensationibus argumentum obijci-  
tur & diluitur, & simul in epocha designatur.*

**H**OC aliud alii proponunt argumentum, vt putant, va-  
lidissimum: *Non Reges & Principes, sed Pontifices de in-  
stituts humano jure impedimentis dispensant. Igitur non Reges  
vel Principes, sed Pontifices jus habent statuendi impedimenta  
Matrimonium dirimentia.*

Respondemus primo, retorta in adversarios ratiocinatione  
pari: Non Pontifices olim, sed Reges seu Principes dispen-  
sabant de impedimento consanguinitatis. Igitur non Pontifi-  
ces, sed Reges seu Principes jus habent statuendi impedi-  
menta Matrimonium dirimentia, tum non sit potior ratio  
impedimenti vnus, quod est consanguinitas, quam alterius.  
Quod autem Reges olim seu Principes de impedimento con-  
sanguinitatis dispensaverint, dispensandi formulæ docent,  
quas articulo superiori cap. XI. retulimus. Hæc autem ratio-  
cinatio eo est validior, quo ex antiquiori doctrina & disci-  
plina, quæ a nullo Pontifice reprobata fuit, repetitur, & re-  
vera antiquitas inter præcipuas Ecclesiæ, ac proinde doctrinæ  
& disciplinæ notas a Catholicis Doctoribus collocatur.

Respondemus secundo, ejus esse aliquam legem solvere, cu-  
jus est eandem legem constituere, sed ex illis Theologis, quo-  
rum testimonia in articulo I. per plura capita descripsimus, Prin-  
cipes impedimenta Matrimonium dirimentia constituere sal-  
tem poterant, antequam illorum judicio potestas constituendi  
hæc impedimenta Principibus auferretur: igitur & tunc im-  
pedimentorum lege solvere poterant. Hac autem re nihil  
est evidentius.

Respondemus tertio, ex mente illorum Theologorum,  
quorum auctoritates & rationum momenta in articuli II.  
cap. II. recensuimus: Reges, inquiunt, hodieque possunt

impedimenta Matrimonium dirimentia constituere: igitur & hodieque talem impedimentorum immunitatem dare possumus. Hac quoque re nihil est evidentius: *Sanissimi quique Theologi*, inquit Matthæus Galenus, *non arbitrantur tantum penes Ecclesiam esse jus personas ineptas (ad conjugium) decernendi, verum etiam Regibus Imperatoribusque potestatem ducendarum cognatarum faciendi, quoties id rerum publicarum utilitas tranquilliusque postularit.*

*Non debent*, inquit Petrus Sotus, *Prælati Ecclesiæ gravate suscipere, si quid temporali paci viderint necessarium; saculares Principes statuunt, nec est cur illis se opponant; sed permittant potius Matrimonium legibus humanis ordinandum, cum officium humanum sit; & addant postea ipsi, si videbitur, quod ad bonum religionis pertinet, quanquam civiles leges in his omnibus ex pietate certe, & voluntate Principum cesserint Ecclesiæ. Non est samen vel legi, vel consuetudini Reipublicæ auferendum, ut illegitimos aliquos reddere, si velint, possint; sed potius, si opus foret, confirmandum esset ab Ecclesiâ.*

Respondemus quarto, ratâ esse Pontificis in vetitis consanguinitatis gradibus ante annos sexcentos dispensationis exempla, immo nulla, si Joanni Marianæ non ignobili Hispanorum historico credamus. *Alfonso*, inquit libro x. hist. cap. viii. *Vrracam uxorem a patre tertio propinquitatis gradû attingebat. Nondum moribus receptum erat, ut Pontificum Romanorum venia lege cognationis soluta, conjugia inter cognatos coirent: itaque passim consideramus per hæc tempora concubia Principum disrupta esse cognatione inter conjuges illegitima injustaque. Hanc unam arbitror esse causam, cur Alfonso hic in nullo Castella Regum numero ponatur apud veteres scriptores. Deinde in libro xi. cap. xi. Vrraca ipsa quæd cognatione devincta esset, a viro repudiata: hæc via dissolvendis conjugis inventa erat, offensione inter conjuges nata. Nondum enim interpretando sibi quisque leges de Matrimoniis aptas faciebat; neque enim venia Pontificum solvabantur.*

Quam epocham Mariana huic Pontificum veniæ fixit, Petrus Cellensis Abbas illustrat, dum in libri vi. epistola 111. ad



ad vnum e Cardinalibus ita scribit: *Vna sua Christus amplissima & generalissima regula omnes ipsi præcedentium, quam subsequen-  
tium Catholicorum Patrum sanctissimas sanctiones compendio-  
se includit, dicens de dilectione Dei & proximi: In his duobus  
tota lex pendet & Prophete. Revocanda igitur omnia, quæ sunt  
in Ecclesia Dei, ad hanc præcelsissimam regulam; quia quicquid ab  
ea discordat, a spiritu patris & matris, non manet. Ipse est, Pa-  
ter venerande, quod dispensationes quarundam institutionum non  
indigne admittantur pro maiori & meliori recompensatione. Volu-  
mus igitur vobis notificare quanta mala & quanta hominum strages  
in terra nostra ex guerris quorundam nobilium hominum, videlicet  
Comitis Wischardi de Ruzeio & Comitis Ricensii, atque Hugo-  
nis de Petri-Ponte, viribus nostris & antecessorum nostrorum acci-  
derunt. Homines innumerales tam occisi, quam capti & redempti  
sunt, & horribilia damna sustinuerunt: religiosa domus depredata  
sunt, & multa alia mala prævenerunt; interventu tandem bonorum  
& sapientum & religiosorum Matrimonia inter se contrahere dis-  
posuerunt, ut saltem isto nexu confederati inter se pacem tene-  
rent & haberent. Penset itaque vestra discretio, ut si quid de gra-  
du consanguinitatis obstat, pro bono pacis, & pro tantorum malo-  
rum recompensatione, quæcumque fieri potest, a domino Papa non  
recusetur dispensatio. Hæc illi beato Bernardo æqualis; sed il-  
li multum supervixit. Ex verbis igitur epistolæ satis apparet,  
nondum vñ receptum esse, ut Romanus Pontifex daret ve-  
niam, qua consanguinei Matrimonium inter se contraherent.  
Quorsum enim Cellensis eas adhiberet rationes quas adhibet  
tanto cum studio, & tanta cum diligentia? Quorsum ad-  
ferret generalem illam Christi regulam, qua Catholicorum  
Patrum omnium constitutiones sanctissimæ quæque summa-  
tim includuntur? Diliges Dominum Deum tuum & proximum  
tuum. In his duobus mandatū universa lex pendet & Prophete.  
Quorsum ex illa regula colligeret dispensationes quarundam  
institutionum admitti non indigne pro maiori & meliori recom-  
pensatione? Quorsum adduceret diuturna bella, depredationes,  
& alia id genus mala, quæ ex bellis nascuntur? Quo-  
rum hæc omnia, nisi ut Romanum Pontificem ad dandam  
contrahendi inter consanguineos Matrimonii veniam incli-*

net, quem difficile inclinari videbat, nisi quod tunc veniæ huiusmodi non esset usus, qui postea fuit, & nunc est usus? Quare, si vera est epocha hæc, quæ Pontificiis in hoc genere dispensationibus ponitur: quæro nunc, quis ante illam dabat veniam, ut consobrina legitima fieret vxor? Ii scilicet, qui Theodosio legislatori successerant. In Italia veniam dedisse Reges, docet ipsa veniæ dandæ formula, quam ex Cassiodoro retulimus in articuli 1. capite XI. Et sane Gregorius cum annis post Cassiodori excessum fere quadraginta passus est, ut Anglorum natio lege *Celebrandis* vteretur, in vetitis gradibus veniam nullam dedit: quia lex *Celebrandis* vetitos per Theodosii legem gradus abrogaverat. Quid ergo fecit, non moror. Usus legis *Celebrandis*, vsui Theodosianæ legis duntaxat anteposuit: quod facti genus veræ propriæque dispensationis notionem haud importat.

Zacharias annis post excessum Gregorii centum triginta quinque aut sex ea scribit ad Bonifacium Episcopum, quibus data omnis venia rejicitur: *De illa namque qui viduam avunculi sui, quæ & ipsa fuit vxor consobrini sui, & sacrum velamen habere monstrata est, & a beatæ memoriæ prædecessore nostro sibi licentiam concessam esse divulgavit, ut eam in pernicioso Matrimonio assumere debuisset: absit, ut hoc prædecessor noster ita credatur præcepisse. Non enim ab hac Apostolica Sede illa diriguntur, quæ contraria esse Patrum seu canonum institutis inuenirentur.*

Gregorius VII. Zachariam sequitur, & annis post hujus excessum trecentis decem & octo paria scribit in libri 11. epistola L. ad Sancium Aragoniæ Regem: *Et quia venerandi canones ad Sacerdotii gradum tales provecchi contradicunt, probare eos non satis cautum fore putavimus, ne quidquam a nobis contrarium sanctis Patribus in exemplum & auctoritatem posteris relinquantur. Solet enim sancta & Apostolica Sedes pleraque considerata ratione tolerare; sed nunquam in suis decretis & constitutionibus a concordia canonice traditionis discedere.* Ex postrema periodo colliguntur veniæ dandæ genera duo, quibus aliquid fieri permittatur. Unum est, venia legis infractæ, quæ his verbis designatur: *Solet sancta & Apostolica Sedes pleraque considerata ratione tolerare; quia quod perpetam factum est, necessario to-*

lerari debet, sed illud pœnitentia indicta purgandum est ab eo, qui legem infregit. Hoc autem ygnia dandæ genus semper vigit in Ecclesia: quia, qui leges violarent, nullo unquam tempore defuerunt. Alterum, venia legis infringendæ, & hoc genus Gregorius perinde vt Zacharias Sedi Apostolicæ abjudicat, cum ait: *Sed nunquam in suis decretis & constitutionibus solet a concordia canonica traditionis discedere; & si quando, & sicubi discessum esset ab aliquo decessore Pontifice, id Gregorius subreptioni deputeret. Sic in libri 1. epistola xxxiii. ad Fratres Monasterii sanctæ Mariæ in diocesi Dordonenſi. Veniens, inquit, ad nostram præsentiam frater Benedictus, quem post obitum Patris Vberti religio vestra sibi prælegit in Abbatem, detulit nobis quoddam priuilegium, quod beate recordationis prædecessoris nostri Alexandri nomine titulum inuenimus, quod ratum non esse manifestissimis deprehendimus indicis, corruptione videlicet Latinitatis, & diuersitate canonica auctoritatis. Ratum igitur non erat, & proinde subreptitium, quia sacris canonibus adversabatur.*

Sic in libri v. epistola xxiv. ad Guillelmum Hirsau-gienſem Abbatem: *Privilegium autem quod bona memoria prædecessor noster Alexander contra sanctorum Patrum statuta aliqua subreptione vel deceptione inductus eidem loco fecit, nos canonica correctionis sententia per Apostolicam functionem videntes infirmamus.* Sic Gregorius asserta per seipsum venia dandæ genera duo confirmat, vt ea nullus alius, nisi me mea fallit opinio, labefacter.

Atqui hæc sunt, quæ pertinent ad rei historiam, quæ corrigenda esset, si Pontificiarum in gradibus veteris dispensationum, vsus eo, quem Mariana designat apud idoneos auctores, vetustior ostenderetur.

Nunc ad propositum initio argumentum revertimur. Respondemus quinto, Pontificiæ venia vsum habuisse præterpropter initium, quo tempore Romana Curia de dotibus, de successionibus, de hereditatibus, de restitutione natalium, de donationibus inter virum & vxorem, deque rebus aliis, quarum beatus Bernardus meminit, scribens de Consideratione ad Eugenium III. iudicavit, & varia ad varias consultationes

responsa dedit. Sub illud tempus Rex Galliarum Philippus Augustus ad Romanam Curiam confugit, ut ea nothos quosdam suos natalibus restitueret. sine mora restituit. Quo autem id jure factum sit, Innocentius III. in cap. *Per venerabilem. Qui sint legitimi filii?* declarat. Insuper cum Rex (Galliarum) superiorem in temporalibus minime recognoscat, sancti juris alterius lesione, in eo se jurisdictioni nostrae subicere potuit, in quo videretur aliquibus, quod per seipsum, non tanquam pater cum filiis, sed tanquam Princeps cum subditis suis potuit dispensare. Sic potuit Alfonso Rex Hispaniarum facere, cum id fecit, quod Mariana literis prodidit: nec dubito quin sapiens historicus ingenuam Innocentii III. confessionem sibi ante oculos statuit, cum novum disciplinæ genus in Alfonso notari voluit.

Ceterum, ut dicam quod sentire debeo, hodiernus Pontificiarum dispensationum usus in tantum laudandus mihi videtur, in quantum integritas & innocentia singularis intelligi possunt. Adscribo Tridentinæ Synodi Decreta, quæ hoc modo Romana exequitur Curia, ex sessione xxiv. in Decreto de reformatione Matrimonii: *In contrahendis Matrimoniis vel nulla omnino detur dispensatio, vel raro, idque ex causa, & gratis concedatur. In secundo gradu nunquam dispensatur, nisi inter magnos Principes, & ob publicam causam.* Deinde ex sessione xxv. de reformatione, cap. xviii. *Sicuti publica expedit legis vinculum quandoque relaxare, ut plenius evenientibus casibus & necessitatibus pro communi utilitate satisfiat: sic frequentius legem solvere, exemploque potius, quam certo personarum rerumque dilectu petentibus indulgere, nihil aliud est quam unicuique ad leges transgrediendas aditum aperire. Quapropter sciant universi sacratissimos canones exacte ab omnibus, & quoad ejus fieri poterit indistincte observandos; quod si urgens justaque ratio, & major quandoque utilitas postulaverit, cum aliquibus dispensandum esse. Id causa cognita, ac summa maturitate, atque gratis a quolibetquoque, ad quos dispensatio pertinebit, erit præstandum, aliterque facta dispensatio SVBREPTITIA censetur.* Cum Tridentini Patres, & cum primis Sedis Apostolicæ legati decernunt hæc omnia, respectum habent sine dubio ad id, quod Concilium delectorum Cardinalium Paulo III. ita suggererat: *Illud vero ante om-*

*nia, beatissime Pater, putamus statnendum esse, ut dicit Aristoteles in Politicis: Sicut in unaquaque republica, ita & in hac Ecclesiastica gubernatione Ecclesia Christi, hanc prae omnibus legem habendam, et quantum fieri potest leges seruentur; nec putemus nobis licere dispensare in legibus, nisi urgenti de causa & necessaria. Nulla namque perniciosior consuetudo in quavis republica induci potest, quam hæc legum inobservantia, quas sanctas majores nostri esse volunt, earumque potestatem venerandam & divinam appellarunt. Scis tu hæc omnia, optime Pontifex; legis iam pridem apud Philosophos & Theologos; illud vero non tantum, huic proximum, sed prius & potius superiore putamus, non licere Pontifici & Christi vicario in usu potestatis, clavium potestatis, inquit, a Christo ei tollere, lucrum aliquod comparare: hoc enim est Christi mandatum: Gratis accepistis, gratis date. Quæ cum ita sint, nemini mirum videri debet, si Romana Curia in mandandis sinceræ executioni Decretis Tridentinæ Synodi, ad nihil aliud magis attendat, quam ad Gelasium I. Pontificem, dum in epistola XIII. ad Dardaniæ Episcopos ita scribit: Quibus convenienter ex paterna traditione perpensis, confidimus, quod nullus jam veraciter ignoret Christianus uniuscuiusque Synodi constitutum, quod universalis Ecclesiæ probavit assensus, non aliquam magis exequi sedem præ ceteris oportere, quam primam, quæ & unamquamque Synodum sua auctoritate confirmat, & continuata moderatione custodit, pro suo scilicet principatu, quem beatus Petrus Apostolus Domini voce perceptum, Ecclesia nibileminus subsequente, & tenuit semper & retinet. Romana igitur Curia, cui compertum atque exploratum est, quantæ sit apud Christianos necessitatis principatum retinere huiusmodi, relatos Tridentinæ Synodi, ea pietate & religione qua decreti sunt, canones exequitur, & mirificum exequendi sacerdotalibus Curiis aliis exemplum præbet, remoto omni compendio, quod ipsa Curia ut Romanæ Ecclesiæ traditioni contrarium abominatur.*



## CAPUT VII.

*Sumptum aliud ex Gregorio I. argumentum obijcitur & diluitur, sed dilutum obijcientibus nocet.*

**A**RGVMENTVM aliud est, quod ita proponunt: Gregorius I. in vetitis gradibus dispensavit: ergo Pontificia dispensandi consuetudo quæ sita jure optimo videri potest. Gratianus in causa xxv. cap. xx. materiam hujus objectionis, qualiscunque ea sit, suppeditat. *Quædam lex, inquit, servata in Romana Republica permittit, ut siue fratris & sororis, seu duarum fratrum germanorum, seu duarum sororum filius & filia misceantur; sed experimento didicimus ex tali conjugio sobolem non posse succrescere, & sacra lex prohibet cognationis turpitudinem revelare. Unde necesse est, ut in quarta, vel in quinta generatione fidelium licenter sibi conjungantur. Sed idem humillimus Pater Gregorius post multum temporis a Felice Missina Sicilia civitatis Prasule, requisitus, utrum Augustino scripserit, ut Anglorum in quarta generatione contracta Matrimonia minime solverentur; inter cetera talem responsionem reddidit: Quod scripsi Augustino Anglorum gentis Episcopo, alumno videlicet, ut recordaris, tuo, de sanguinis conjunctione, ipsi & Anglorum genti, quæ nuper ad fidem venerat, ne a bono, quod ceperat, metuendo austeriora recederet, specialiter & generaliter, ceteris me certissime scripssisse cognoscas. Unde & mihi omnis Romana civitas testis existit, nec ea intentione hac illis scriptis mandavi, ut postquam firma radice in fide fuerint radicati, si intra propriam consanguinitatis lineam inventi fuerint, non separentur, aut intra affinitatis lineam, id est, usque ad septimam generationem jungantur; sed adhuc illos neophytos existentes sapissime eos prius illicita docere vitare, & verbis ac exemplis instruere, & quæ post de talibus egerint, rationabiliter & fideliter excludere oportet. Nam juxta Apostolum, qui ait: Lac dedi vobis potum, non escam; ista illis modo, non posteris, ut præfixum est, temporibus, tenenda indulgimus, ne bonum quod infirma adhuc*

radice plantatum erat, eradicaretur, sed aliquantulum firmaretur, & usque ad perfectionem custodiretur. Hæc apud Gratianum. Sed operæpretium est ea quæ continuo sequuntur, referre: Immo si in his secus quam debuimus, aliquid egimus, non propter ipsam, sed commiserando actum esse cognoscamus. Unde & testem invoco Deum, qui cogitationes omnium hominum novit, cujus etiam oculis omnia nuda sunt & aperta. Nam si ea destruerem, quæ antecessores nostri statuerunt, non constructor, sed everfor esse jussu comprobaret, testante veritate voce, quæ ait: Omne regnum in se divisum non stabit, & omnis scientia & lex adversus se divisa destrueretur. ideoque necesse est, ut omnes concorditer statuta sanctorum Patrum nostrorum teneamus; nihil videlicet per contentionem agentes, sed ad omne studium bonæ devotionis unanimis divinis & Apostolicis constitutionibus, auxiliante Domino, pareamus: O quam bona est charitas, quæ absentia per imaginem presentia sibi metipsis exhibet, per amorem divisa unit, confusa ordinat, inæqualia sociat, imperfecta consummat! Quam recte Prædicator egregius vinculum perfectionis vocat! quia virtutes quidem cetera perfectionem generant; sed tamen eas ita charitas ligat, ut ab amantis mente dissolvi jam nequeant. His rite perpensis, charitati suæ jam dictis indulgi, nec præceptum dedi, sed consilium, nec regulam in his posteris ullis tenendam tradidi; sed de duobus periculis quod facilius sit vitandum ostendi. Et quibusdam interpositis: Ideo nolumus nos in hac re a vobis, sive a ceteris fidelibus reprehendi, quia quod in his Anglorum genti indulsimus, non formam dando, sed consideratione, ne Christianitatis bonum, quod ceperant, imperfectum omitterent, egimus.

Nunc referenda est lex illa terrena, de qua scribens ad Augustinum Gregorius mentionem facit. Hæc igitur ita se habet in libro V. cod. Justiniani, tit. IV. lege XIX. *Celebrandis inter consobrinos Matrimoniis licentia legis hujus salubritate indulta est, ut revocata prisca juris auctoritate, restitutiisque columniarum fomenti, Matrimonium inter consobrinos habeatur legitimum, sive ex duobus fratribus, sive ex duabus sororibus, sive ex fratre & sorore nati sunt; & ex eo Matrimonio editi legitimi, & suis patribus successores habeantur.* Datum Stilicone & Antemio Coss.



His autem omnibus rite perpensis, manifestum est Pontificem, dum Felici Messanæ Episcopo respondet, vna respondere objectioni, quam nonnulli Doctores ex causa xxxv. cap. xx. imperite proponunt, ut sacerdotalem cum in ferendis legibus Matrimonium dirimentibus, tum in iis relaxandis auctoritatem confirment.

Verum quo res ista intelligatur plenius, notanda sunt duo. Primum, quod Theodosius senior legem tulit, qua consobrinorum Matrimonium vetuit, tanquam fororum, ut scribit Sextus Aurelius Victor. Hæc autem lex cum in aliis Imperii partibus, tum in Italia maxime servabatur, ut testis est Cassiodori formula, qua *consobrina legitima fiat uxor*. Deinde, quod Justinianus codex annis ante Gregorium plus minus quinquaginta vulgari cepit. In eo relata *Celebrandis* extat constitutio, qua Theodosiana lex revocatur, & priscum jus de licentia Matrimonii consobrinorum restituitur. Ad illam respectum habet, scribens Augustino Anglorum Præfuli, & Felici Messanæ Episcopo. Sed cum illa nondum invaluerat, nec, opinor, postea invaluit, hujus usum Gregorius Anglorum genti optima fultus ratione permisit. Ceterum in legem *Celebrandis* non inquisivit altius, ut nostra ætate a duobus præstantissimis viris inquisitum est.

Hic omittere non possum, Basilium Pontium in libro vi. de Matrim. cap. ii. præfidenter scripsisse quæ sequuntur: *Capite quodam lex xxxv. cap. xx. rejicitur a Gregorio I. lex Honorii & Justiniani Imperatorum, quæ decernebat valida Matrimonia interconsobrinorum*. Hic auctor nec Gregorium legit, nec Justinianæum codicem, in quo lex illa non Justiniano, sed Arcadio & Honorio tribuitur. Nam si legisset Gregorium, inprimis vidisset se falsum dicere. Deinde animadvertisset, quanta cum reverentia Mauricii Imperatoris constitutionem exceperit, quæ alias iniqua sibi videbatur.

Sic autem se res habet in libri ii. epistola lxi, ad Mauricium Imperatorem: *Omnipotenti Deo reus est, qui serenissimis dominis in omne quod agit & loquitur, purus non est; ego autem indignus pietatis vestrae famulus in hac suggestionem, neque ut Episcopus, neque ut servus jure republica, sed jure privato loquor:*



quor: quia, serenissima Domine, ex illo jam tempore Dominus meus fuisse, quando adhuc Dominus omnium non eras. Longino viro clarissimo Stratore uerpiente Dominorum legem suscepi, ad quam fatigatus tunc agitudine corporis respondere nil valui, in qua Dominorum pietas, sanxit, ut quisquis publicis administrationibus fuerit implicatus, ei ad Ecclesiasticum officium venire non liceat. Quod valde laudavi, & evidentissime sciens, quia qui secularem habitum deferens, ad Ecclesiastica officia venire festinat, mutare vult seculum, non relinquere. Quod vero in eadem lege dicitur, ut ei in monasterio conversi non liceat, omnino miratus sum, dum & rationes ejus possint per monasterium fieri, & agi potest, ut ab eo loco in quo suscipitur, ejus quoque debita solvantur. Nam esse quisquam devota mente converti voluisset, prius res male ablatas redderet, & de sua anima tanto verius, quanto expeditior cogitaret: in qua lege subjunctum est, ut nulli qui in manu signatus est, converti liceat. Quam constitutionem, ego fateor Dominus meus, vehementer expavi, quia per eam salubrum via multis clauditur, & quod nunciusque licuit, ne liceat, prohibetur: multi enim sunt, qui possunt religiosam vitam etiam cum seculari habitu ducere; & plerique sunt, qui nisi omnia reliquerint, salvari apud Deum nullo tenus possunt. Ego vero hac Dominis meis loquens, quid sum nisi pulvis & vermis? sed tamen quia contra auctorem omnium Deum, hanc intendere constitutionem statim, Dominis tacere non possum. Ad hoc enim potestas Dominorum meorum pietati calitus data est super omnes homines, ut qui bona appetunt, adjuventur, ut celorum via largius pateat, ut terrestre regnum celesti regno famuletur. Et ecce aperta voce dicatur, ut ei qui semel in terrena militia signatus fueris, nisi aut expleta militia, aut pro debilitate corporis reclusus, Domino JESU CHRISTO militare non liceat. Ad hac, ecce per me servum ultimum suum & vestrum, respondebit Christus, dicens: Ego te de notario comitem excubitorum; de comite excubitorum Caesarem, de Caesare Imperatorem; nec solum hoc, sed etiam patrem Imperatorum fieri: ego Sacerdotes meos tuae manus commisi, & tu a meo servitio milites tuos subtrahis? Responde, rogo, piissime Domine, servo tuo, quid venienti, & hac dicenti responsurus es in iudicio Domino tuo? Sed fortasse creditur, quia nullus eorum puro animo convertatur. Ego indignus famulus vestrex

scio quanti his diebus meis in monasterio milites conversi, miracula fecerunt, signa & virtutes operati sunt: sed per hanc legem jam ne quisquam talium converti valeat, prohibetur. Requirit, rogo, Dominus meus piissimus quis prior Imperatorum talem legem dederit, & subtilius aestimet, si debuit dari. Et quidem considerandum valde est, quia eo jam tempore prohiberetur quique relinquere seculum, quo appropinquat finis ipse seculorum. Ecce enim mora non erit, & ardente calo, ardente terra, coruscantibus elementis, cum Angelis & Archangelis, cum Thronis & Dominatibus, cum Principatibus & Potestatibus tremendus iudex apparebit. Si omnia peccata dimiserit, & solam hanc legem contra se dixerit: prolatam: que, rogo, erit excusatio? Vnde per eundem tremendum iudicem deprecor, ne illa tanta lacryme, tanta orationes, tanta jejunia, tantaeque eleemosyna Domini mei ex qualibet occasione apud omnipotentis Dei oculos suscentur: sed aut temperando pietas vestra, aut immutando vigorem ejusdem legis insecletur, quia tunc magis Dominorum exercitus contra hostes crescit, quanto Dei exercitus ad orationem creverit. Ego quidem jussioni subiectus eandem legem per diversas terrarum partes transmitti feci: & quia lex ipsa omnipotenti Deo minime concordat, ecce per suggestionis meae paginam serenissimis Dominis nunciavi: utrobique ergo que debui, exolvi, qui & Imperatori obedientiam praebeo, & pro Deo, quod sensi, minime taceo.

Imperator a Gregorio sic monitus legem temperavit non-nihil, ut ipse Pontifex in libri VII. Indict. I. epistola XI. sic scribit ad Macedoniæ & Siciliae Episcopos: Legem, quam piissimus Imperator dedit, ne fortasse hi, qui militia vel rationibus sunt publicis obligati, dum causarum suarum periculum fugiunt, ad Ecclesiasticum habitum veniant, vel in Monasteriis convertantur, vestre studii fraternitati transmittere, hoc maxime exhortans, quod hi qui saeculi actionibus implicati sunt, in Clero Ecclesia prae-propere suscipiendi non sunt, quia dum in Ecclesiastico habitu non dissimiliter quam vixerant, vivunt, nequaquam student saeculum fugere, sed mutare. Quod si etiam tales quoque Monasterium petunt, suscipiendi nullo modo sunt, nisi prius rationibus publicis absoluti fuerint. Si qui vero ex militaribus numeris in monasteriis converti festinant, non sunt temere suscipiendi, nisi eorum vita

*fuert subtiliter inquisita, & juxta normam regularem debent in suo habitu per triennium probari, & tunc monachicum habitum, Deo auctore, suscipere. Qui si ita sint prolati atque suscepti, & pro anima sua pœnitentiam de perpetratis culpis agere student, pro eorum vita & lucro celesti non est eorum conversio rennenda. Qua de re etiam serenissimus & Christianissimus Imperator, mihi credite, omni modo placatur, & libenter eorum conversionem suscipit, quos in rationibus publicis implicatos non esse cognoscit.*

Impulerunt me causæ numero tres, ut excellentes duas Gregorii epistolas referrem.

Prima est, ut qui ad minuendam regiam in Matrimonium potestatem vtuntur auctoritate Gregorii, tum demum intelligant, quomodo Imperatorum leges sanctissimus Pontifex observet ac veneretur.

Secunda, Imperator legem rulerat, quæ duabus partibus constabat: priori sanxit, ut quisquis publicis administrationibus fuerit occupatus, ei ad Ecclesiasticum officium venire non liceat. Id laudavit Gregorius: tantum abest, ut graviter reprehenderit; attamen lex illa magis, ut ita dicam, Ecclesiastica & spiritualis est, & ad supernaturalem finem propius accedit, quam lex illa, qua Theodosius senior consobrinarum Matrimonium, tanquam sororum prohibuit. Posteriori quoque sanxit, ut ei, qui publicis administrationibus implicatus esset, in monasterio converti non liceat. Et quamvis lex ista Gregorio visa sit injusta, & omnipotenti Deo injuriosa; hanc ramen per Macedoniæ & Siciliæ Episcopos publicari curavit, ut Imperatori morem gereret: tantum quoque abest, ut eam rejiceret & abrogaret, etiam si lex ista magis Ecclesiastica & spiritualis sit, & ad supernaturalem finem propius accedat, quam consanguinitatis impedimentum, quod Theodosius Magnus constituit. At certum est, legem *Celebrandis*, quam Basilius Pontius & alii a Gregotio rejectam esse temere volunt, nec injustam, nec Christo injuriosam esse. Nam lex illa cujusque tandem illa sit, antiquum celebrandi consobrinos inter & consobrinas conjugii jus, quod ab Apostolicis temporibus vsque ad Theodosium viguerat, asseruit, & abrogata Theodosii lege restituit.

Tertia, Gregorius tam suis viro tanto dignis admonitionibus, quam medici, quo Mauricius utebatur, studio & opera perfecit, vt Imperator legem, seu posteriorem legis partem nonnihil temperaret. Temperavit, vt Gregorius in altera epistola quam retulimus, testatur. Lex, seu posterior legis pars prius edita sic se habet: *Ei qui militie seu publicis aaministrationibus implicatur, in monasterio converti non liceat. Lex posteras edita & temperata est ejusmodi: Qui seculi actibus implicati sunt, si monasterium petunt, nullo modo suscipiendi sunt, nisi prius rationibus publicis absoluti fuerint. Si qui vero ex militaribus numeris in monasteriis converti festinant, non sunt temere suscipiendi, nisi eorum vita fuerit subtiliter inquisita, & juxta normam regularem debent in suo habitu per triennium probari, & tunc monachicum habitum, Deo auctore, suscipere.* Sic temperata lex Gregorio placuit, & suam ab Imperatore vim obtinuit. Quantum vero Pontifex reverentiz & auctoritatis politicis legibus, vel mandatis Principum detulerit, suis in epistolis identidem docet.

I. In libri I. epistola XVI. ad Severum Aquileiensem Episcopum: *Pro qua re imminente labore presentium juxta Christianissimi & serenissimi rerum Domini jussionem ad beati Petri Apostoli limina cum tuis sequacibus venire te volumus, vt auctore Deo aggregata Synodo, de ea, que inter vos vertitur dubietate, quod justum fuerit, judicetur.* Gregorius vt Episcopum ad reddendam fidei suæ rationem compellat, Imperatoris mandato indigere se non obscure significat.

II. In libri II. Indict. XI. epistola VII. ad Natalem Episcopum Salonitanum: *Executionem vero antefati negotii Antonino Subdiacono nostro ex nostra preceptione mandavimus, quatenus & ejus instantia, & que sunt legibus canonibusque placita decernantur.* Legibus quidem quas sæculi Principes tulerunt; canonibus vero, quas condidit sacerdotalis ordinis confessus.

III. In libri V. epistola I. ad Marinianum Ravennatem Episcopum: *Illa, que in damnum dari vel fieri per testamentum sine decrevis Ecclesia, nullam prohibente nempe lege, obtineat firmitatem.* De civili lege Gregorium loqui manifestum est.

IV. In libri VI. epistola XX. ad Fortunatum Episcopum: *Et quia Decreta legalia desponsatam, si converti volueris, (in monasterio) nullo omnino censuerunt damno mulctari, fraternitas tua una cum Antehemio Subdiacono veritatem diligenti curiositate studeat perscrutari.* Gregorius, non quid opus factum sit ex juris Pontificii regulis; sed quid faciendum sit ex præscripto juris civilis, exponit.

V. In epistola XXXV. ad Bonum Messanensem Episcopum: *Et sacrorum canonum & legalia statuta permittunt ministeria Ecclesia pro captivorum redemptione esse vendenda. Per legalia statuta leges intelligit, quæ ad captivorum redemptionem pertinent.* Respicit ad librum I. Justinianæi codicis, ubi lex ista legitur num. XXI. *Sancimus nemini licere sacratissima atque arcana vasa, vel vestes ceteraque donata, quæ ad divinam religionem necessaria sunt, vel ad venditionem, vel hypothecam, vel pignus trahere.* Et paullo post: *Si necessitas fueris in redemptione captivorum, tunc & venditionem præfatarum rerum divinarum & hypothecam & pignorationes fieri concedimus, &c.*

VI. In libri VII. Indiæ. II. epistola VII. ad Januarium Caralitanum Episcopum: *Alia igitur omnia quæ ex testamento prænominata Sirica detinentur: quippe quod nullum esse legali sanctione permittitur: necesse est, ut juri Monasterii fraternitatis vestre sollicitudine sacerdotali per omnia studio reparentur, quia imperiali constitutione aperte sancitum est, ut ea quæ contra leges sunt, non solum inutilia, sed etiam pro infectis habenda sint.*

VII. In libri & Indiæ. ejusdem epistola XIV. ad Deme-  
trianum & Valerianum Firmanos Clericos: *Et sacrorum canonum statuta & legalis permittit auctoritas, licite res Ecclesiasticas in redemptione captivorum impendi.*

VIII. In ejusdem & libri & Indiæ. epistola LXVII. ad Januarium Caralitanum Episcopum: *Et quidquid in eis fuerit fraudis inventum, cum pœna legibus statuta reddere compellantur.*

IX. In libri V. III. epistola VI. ad Sabinum Subdiaconum: *Sacrilegium & contra leges est, si quis quod venerabilibus locis relinquitur, prava voluntatis studiis, suis tentaverit compendiis retinere.*

142 REGIA IN MATRIMONIUM POTESTAS.

x. In ejusdem libri epistola xxiv. ad Fortunatum Neapolitanum Episcopum: *Eis est liberum, in quolibet loco voluerint, causa sue negotium contra eos legaliter propositum terminare. Legaliter, id est, per leges.*

x i. In libri x i. epistola l v i. continetur capitulare seu collectio multarum legum imperialium, quibus Clericorum immunitas sancitur. Collectionem hanc dedit Joanni defensori, cum in Hispaniam proficisceretur.

x ii. In libri x ii. epistola i i i. ad Bonifacium Diaconum: *Seruantiam nostram (de jurisdictione Corcyritanæ Ecclesiæ) nulli dare prævidimus, ne contra iussionem clementissimi Domini Imperatoris, vel, quod absit, in despectum ipsius aliquid facere videamur.* Et paullo post: *Qua in re omnino danda opera est, ut si fieri potest, etiam iussionem suam ipse (Imperator) tribuat, in qua, quæ a nobis definita sunt, servare præcipiat. Nam hoc facto omnis de cetero subreptionis locus obstruitur.*

De pluribus hæc pauca, quibus aperte constant duo. Unum est, Gregorium civiles leges quascunque, & Imperatorum mandata vehementer observasse. Alterum, eundem Pontificem in recipienda lege celebrandis, nusquam cunctatum esse, ut cunctatus videretur, nisi ea lege, quæ per illam revocatur, Romana occupata fuisset Ecclesia. Quidquid id est utrobique, non de Sacerdotum canonibus, sed de Imperatorum legibus agitur.

Superest ut ad legis, quam Theodosius senior de non jungendis Matrimonio consobrinis tulerat, & ad rerum quas Gregorius ad Felicem Messanæ Episcopum scribit, intelligentiam pleniorē notetur, hanc legem a decessoribus Gregorii per annos plus minus ducentos ita diligenter observatam esse, ut decessores illam fixisse credere videatur. Sic enim dicit: *Nam si ea destruerem, quæ antecessores nostri statuerunt, non constructor, sed everfor esse iuste comprobaver, testante Veritatis voce, quæ ait: Omne regnum in seipsum divisum non stabit; & omnis scientia & lex adversus se divisa, destruetur. Ideoque necesse est, ut omnes concorditer statuta sanctorum Patrum nostrorum teneamus; nihil videlicet per contentionem agentes, sed ad omne studium bonæ voluntatis, unanimes divinis & Aposto-*

REGIA IN MATRIMONIUM POTESTAS. 143  
*licis constitutionibus, auxiliante Domino, pareamus. Hinc acci-*  
*dit, vt cum de concessio Anglorum genti legis contrariæ vsu*  
*loquitur, tanta cum religione & modestia loquatur.*

---

## CAPUT VIII.

*Quædam a Bellarmino in hac questione paulo involutius  
edita retractantur.*

**H**OC loco operæpretium erit examinare, quæ de regio  
in sanciendo legibus, quæ Matrimonium dirimant,  
iure Bellarminus edidit. Is ergo lib. 1. de Matrimonio cap.  
xxxii. controversiam instituit, cuius summa est: *Causæ*  
*matrimoniales ad Ecclesiæ iudicium pertinere; atque vt viam*  
*expeditiorem suis assertionibus sternet, a matrimonialium*  
*causarum divisione orditur, quæ sic se habet: Catholici dis-*  
*tinguunt de causis matrimonialibus. Quædam enim sunt omnino*  
*politica, vt de dotibus, de successione, de hereditatibus, &c.*  
*Quædam sunt omnino spirituales, vt de partibus Sacramenti, de*  
*benedictione sacerdotali, &c. Quædam sunt partim politica par-*  
*tim spirituales, vt de gradibus cognationis, de divitiis, de im-*  
*pedimentis: quatenus enim contractus Matrimonii naturalis est,*  
*materia est politica; quatenus idem contractus est fundamentum*  
*Sacramenti, & res conscientia, spiritualis est.* Inprimis excedit  
Bellarminus, cum quæ sua divisio est, eam Catholicis tri-  
buat: vix enim apud antiquiores Bellarmino Theologos re-  
perias, immo cur reperiretur, nihil, opinor, fuit. Ex Tri-  
dentino Concilio Bellarminus cepit huius divisionis argu-  
mentum, vbi de matrimonialibus causis editus est canon,  
revera indefinitus, & ab aliis quibusdam non probe acceptus,  
vt art. 11. cap. 111. multipliciter ostensum est: tum divisio  
hæc legitima non est. Matrimoniales siquidem causæ tertii  
generis nonnisi ex accidenti spirituales sunt, puta quæ ad  
impedimenta humano iure sancita pertinent, cum hæc ali-  
quando non fuerint, & fuerit Matrimonium verum ac inte-

grum, & in ratione politici contractus, & in ratione Sacramenti. Deinde causæ primi generis non minus spirituales sunt ac sacramentales, quam causæ tertii generis, cum Matrimonio, inditumque Matrimonio Sacramentum sequantur, illæ vero quæ ad impedimenta pertinent, antecedant.

Hac autem supposita matrimonialium causarum divisione, quæ a divisionis bonæ legibus deficit, sic auctor concludit: *Causas primi generis non negamus ad politicum Magistratum pertinere.* Hic a Principibus referendæ sunt Bellarmino gratiæ, quod istud propter suam bonitatem minime neget: nam si negaret, continuo (cur negaret?) rationes optimas suppeditaret. Hinc labori suo pepercit; inde curandis Regum seu Magistratuum politicorum opportunitatibus indulgendum censuit.

*Causas secundi generis nemo negare potest ad solam Ecclesiam pertinere.* Dicendum fuisset rectius, ad solum Sacerdotium, quam ad solam Ecclesiam, ut Sacerdotium a Regno seu Magistratibus contradistingueretur. Nam Ecclesia Christianos & Catholicos Principes & Magistratus publicos in sua definitione continet, siue communem ab initio religionis veræ apud Patres, Synodos, Romanos Pontifices, & illustriores Theologos definitionem, quæ est *fideliū seu Catholicorū congregatio*; siue privatam Bellarmini definitionem, quæ est *cætus hominum ejusdem Christianæ fidei professione, & eorundem Sacramentorum communionē colligatam sub regimine legitimorum Pastorum, & præcipue unius Christi in terris vicarii Romani Pontificis*, consideres.

*Causas tertii generis nos dicimus ad politicum Magistratum pertinere posse, sed cum subordinatione ad Ecclesiasticum; simpliciter autem ad Principem Ecclesiasticum pertinere.* Bellarminus hic contra suam divisionem in tertio causarum genere concludit. Causæ enim tertii generis cum sint partim politicæ, partim spirituales, partim ad politicum Magistratum, partim ad Ecclesiasticum pertinent. Qui sic agit, non sincere, sed fraudulenter agit, pace viri tanti dixerim.

Deinde causas primi generis hoc solum vult differre a causis tertii generis, quod illæ ad politicum Magistratum simpliciter



citer pertineant; hæc pertinere possint, sed cum subordinatione ad Ecclesiasticum. Sed assertio ista nulla est, cum & propter peccata, quæ in dijudicandis causis primi generis admitti possunt, & propter vltimi finis subordinationem, causæ primi generis, non minus quam tertii, cum tali subordinatione pertineant ad sacerdotalem Magistratum. Propositio hæc vniversim sumpta ambiguo sensu laborat.

Quod si per hanc subordinationem Bellarminus intelligat factam ab Ecclesia concessionem, repugnabit Petrus Sotus, qui vere assertimateque dicit, *civiles leges in causis matrimonialibus, & potissimum in impedimentis, ex pietate certe & voluntate Principum cessasse Ecclesia, ut jam nullum censetur Matrimonium illegitimum, quod Ecclesia tale non iudicat.* Repugnabit Catharinus, qui pronuntiat intrepide, *Principes posse circa Matrimonium tanquam circa suam & non alienam materiam suis legibus providere. quidquid non est contra legem Dei & legem naturæ.* Hi Theologi duo Tridentinæ Synodo interfuerunt, Bellarminus non interfuit. Repugnabit Okamus, qui proficetur, *ad Imperatorem quantum ad illa, de quibus sacra litera non loquuntur, causam matrimonialem pertinere.* Repugnabunt quotquot Theologi dixere, vel Gregorium I. vel Alexandrum II. vel Innocentium III. vel Honorium III. sæcularibus Principibus jus statuendorum Matrimonii impedimentorum ademisse: quandiu enim in eorum sententia non fuit ademptum, tandiu ad illos simpliciter pertinuit.

Enimvero qua ratione Bellarminus causas primi generis ad politicum Magistratum simpliciter pertinere probat, eadem & nos probamus, causas tertii generis ad eundem simpliciter pertinere: *Quia, inquit, quotidie intra Ecclesiam Catholicam coram iudice seculari cause illæ aguntur.* quia etiam, inquit, causas istas olim quotidie coram iudice sæculari agebantur. Testantur hoc leges Matrimonii omnes ab Imperatoribus conditæ; testantur iudicia a sæcularibus Magistratibus exercita, quoad Romanæ leges viguerunt; testantur codices Theodosii & Justiniani; testatur Cassiodori formulæ, quibus vsi sunt Reges, cum de prohibitis consobrinorum gradibus & impedimentis dispensarunt. Ceterum in verbo, Ec-

*clesia Catholica*, Bellarminus ludit; mox verbum illud pro solo Sacerdotio, vt ostendimus, accepit, nunc pro fidelium seu Catholicorum cœtu, cum ait: *Quotidie intra Ecclesiam Catholicam coram iudice saculari cause illæ aguntur*. Hic tractandi modus captione non vacat, sed ab ea cavendum est.

*Excutitur tertia Bellarmini divisio.*

Bellarminus tertiam assertionem in duas partes distribuig hoc modo: *Nos dicimus ad politicum Magistratum pertinere posse causas tertii generis, sed cum subordinatione ad Ecclesiasticum; simpliciter autem ad Principem Ecclesiasticum pertinere.*

Assertionis primam partem non probavit, quæ tamen probari debere ob sui gravitatem videbatur. Periti siquidem & cordati Theologi est, nihil sine vera probatione affirmare. Timuit forte, vti pat erat, ne primæ partis argumenta Principibus nimium faverent, aut secundam partem destruerent. Nam in me recipio, Bellarminum secundam partem iis funditus everfurum esse rationum momentis, quibus ad plenum & perfectum prima pars assereretur. Quæ enim in Bellarmini propositione apparet divisio, vera non est divisio, cum in opposita membra non sit; & sic prima pars vete astrui non potest, quin secunda destruat. Divisio igitur hæc aliud nihil est quam misera quædam captio, nec satis ingeniosa cavillatio.

Secundam partem his rationibus confirmat, quarum prima est ex canone xii. sess. xxi v. Trid. Concilii: *Si quis dixerit causas matrimoniales ad iudices Ecclesiasticos non spectare, anathema sit*. At cum hoc canone non magis altera pars assertionis, quam prima probetur, Bellarminus videat, quid definite probetur. Non repeto hic quid ad hunc canonem diximus art. ii. cap. iii. Quod hac in propositione Bellarminus peccavit, illi condonandum est. Nam si legisset canonem Africanum hunc: *Placuit vt secundum Evangelicam & Apostolicam disciplinam, neque dimissus ab uxore, neque dimissus a marito alteri coniungatur; sed ita maneat, aut sibi met reconcilietur. Quod si contempserint, ad pœnitentiam redigantur in qua causa*

*legem imperialem petendam promulgari.* Propositionem correxisset suam, & sic adornasset: Si Princeps secularis potest iudicibus Africanis Episcopis de Matrimonio jam contracto non dissolvendo legem ferre simpliciter, multo magis poterit de contrahendo Matrimonio legem simpliciter & sine subordinatione vlla ad Magistratum Ecclesiasticum ferre, nisi forsan vt Antistitum id postulantium votis obsecundet.

Altera ratio sic se habet: *Matrimonium est Ecclesie Sacramentum: ergo causa matrimonialis tertii generis ad iudices Ecclesiasticos spectat.* Respondemus, Theologos, quorum testimonia art. I. cap. I. II. III. IV. V. VI. VII. & art. II. cap. II. recensentur, hanc consecutionem negare, illudque argumentum a Dominico Soto *cavillum* appellari: de iure autem Principum cavillari mihi non videtur equum. Deinde ex illo antecedente non minus recte concluderetur: ergo causa matrimonialis primi generis ad Ecclesiasticos iudices spectat, cum sic a non distributo ad distributum concluderetur, quemadmodum in argumento Bellarmini concluditur. Ubique fallacia. Hic theologicam rationem nullam reperio, quæ vt materiæ gravitas postulat, Scriptura & derivata ab initio traditione Ecclesiæ depromatur: vitiosam argumentationem reperio, & nihil præterea.

Tertia ratio hæc est: *Apud Christianos non separatur contractus legitimus Matrimonii a Sacramento Matrimonii, cum omnis contractus legitimus Matrimonii hoc ipso sit Sacramentum Matrimonii: ergo iudicare, an contractus aliquis Matrimonii sit legitimus, est iudicare, an ille contractus sit Sacramentum.* Sed de Sacramentis iudicare ad Ecclesiam spectat: igitur & de tali contractu iudicare ad Ecclesiam spectat. Respondemus inprimis hanc rationationem pseudographi syllogismi vitio laborare. Et enim in antecedente, quod dubium est inter Theologos, pro comperto supponitur, contractum scilicet Matrimonii inter Christianos non separari a Sacramento Matrimonii. At separari affirmant illi omnes, qui non contrahentes, sed Presbyterum faciunt Sacramenti Matrimonii ministrum. At qui nam sunt, inquires, viri? nec in parvo numero & pretio, Guilhelmus Parisiensis tractatu de Sacramentis cap. IX. de Sacra-

mento Matrimonii, Judocus Clichtoveus sermone didactico de Sacramento Matrimonii, Joannes Gropperus cum Patribus Concilii provincialis Colonienſis, in Institutione Chriſtiana, Synodus Cameracenſis ann. MDLXVII. Laurentius Petrus in epitome Sacramentorum de Matrimonio. Sed toti in hoc ac multi, Canus lib. VIII. de locis cap. v. ubi aſſerit, *opinionem contrariam eſſe falſam & commentitiam, quamque juniores Theologi conſinxere, ut civilem hunc humanumque contractum Chriſti & Eccleſiæ Sacramentum eſſe tuerentur.* Edmundus Augerus lib. II. de Sacramento Matrimonii cap. I. I. & III. idque probat ex Tridentino Concilio Joannes Benedictus lib. IV. Summæ cap. v. per Avenionenſes Theologos approbatæ, Guillelmus Eſtius in IV. diſt. XXVI. §. X. Franciſcus Silvius in tertiam partem, qui hanc opinionem veriore judicat, Joannes Scribonius in Theſemia diſp. IX. de Matrimonio quaſt. v. Bellarminum ita redarguens: *Sed pace tanti viri dixerim, hanc, quam tuerur, non eſſe communem opinionem, ſed potius opinionem Cani eſſe communem.*

Præterea hoc ipſum affirmant, qui cum a contrahentibus abeſt neceſſaria conſciendi Sacramenti intentio, valere quidem Matrimonium dicunt *in ratione contractus*, non autem *in ratione Sacramenti*. Ad horum opinionem, uti probabiliorem, & Rebello judice in I. tom. de obligat. juſtitæ part. II. lib. II. quaſt. v. concl. v. communiorem, accedit Baſilius Pontius lib. I. de Matrimonio cap. IX. quod cum ita ſit, iniquo certe animo ferimus, Bellarminum hujus theologicæ diſceptationis hiftoriam ignoraffe, cum diſſimulaſſe dicere non aude-rem: ſed ignorantia vel diſſimulario veritati nocere non debet.

Quod autem ad conſequens attinet, illud collapſo antecedente, ut concidat, neceſſarium eſt. Verum quia pleraque cum ad Sacerdotium, tum ad Regnum ſpectantia involvat, in eo paulo diutius hærendum eſt, ut iis, quæ involuta ſunt, explicatis, appareat, quæ ſint Sacerdotii; quæ vero ſint Regni. Ergo involutum conſequens: quia duplex eſt, explicemus. Unum eſt ejuſmodi: *Ergo judicare, an aliquis contractus Matrimonii ſit legitimus, eſt judicare, an ille contractus*

*fit Sacramentum.* Hic Bellarminus ex duobus diversis ac distinctis propositionem vnam facit. Aliud enim est judicare, an aliquis contractus Matrimonii sit legitimus; aliud, an aliquis contractus jam legitime factus sit Sacramentum, aut potius Sacramenti materia: sicut aliud judicare, an aliquis liquor sit aqua naturalis; aliud, an liquor, qui aqua naturalis judicatur, sit a Christo ad Sacramenti dignitatem evectus. Porro autem quod in Matrimonio posterius est, Sacramenti nempe dignitas, & quæ ad eam attinent, quia ad Ecclesiasticos iudices spectant, prius ad eosdem spectare concludit Bellarminus. Quia in re plerique alii falluntur aut fallunt, quasi vero ejusmodi fallacis accidentis Ecclesia Christi indigeret. Nam judicare, an Matrimonii contractus sit legitimus, cum judicare sit, illi convenire, vel non convenire hanc legitimi Matrimonii definitionem, *quod legali institutione, vel moribus provincie contrahitur*; istud iudicii genus ad politicum Magistratum spectat, quemadmodum *ex scriptis legibus*, ut ait Imperator, *oritur, ut alii sint filii naturales, alii legitimi: sic ex iis legibus ortum est, ut alius esset legitimus Matrimonii contractus, alius illegitimus.* Et vero quamvis ad Ecclesiam, qua Clericorum societas est, judicare spectet, an aqua naturalis sit Sacramenti Baptismi materia: tamen ad eam judicare non spectat, utrum hic liquor, de quo an sit aqua, dubitaretur, aqua naturalis esset, necne. Ad physicorum tunc, non ad Sacerdotum iudicium dubitatio illa remitteretur.

Alterum consequens istud est: *De Sacramentis judicare ad Ecclesiam spectat; igitur & de tali contractu judicare ad Ecclesiam spectat.* Dicere noluit, (quod tamen dicere debuit) ad Ecclesiam, quam ipse definivit: quia definita ab illo Ecclesia secularis Magistratus Christianos includit; sic a non distributo ad distributum optime concluditur. Rem explicemus. In rebus ad hanc Matrimonii questionem spectantibus duplex integrum ac perfectum iudicium invenitur; civile vnum, alterum Ecclesiasticum. Quod ut intelligatur, sciendum est, ad perfectum iudicium requiri duo, & satis esse, discutiendi facultatem, & iudicandi potestatem, significandique subditis

judicatum. Ad sæculares autem & politicos Magistratus spectat judicium matrimonialis contractus; num scilicet iusti Principum legibus, quas de contrahendo sanxerunt, consentiat, vel repugnet: si consentiat, validum contractum; si repugnet, invalidum pronuntient. Sic consequenter & de rebus aliis, quæ Matrimonium in ratione verè, validique contractus supponunt, quæque contractum veluti naturales proprietates sequuntur.

Ad Ecclesiasticos vero judices pertinet Matrimonium, quæ Sacramentum est: quippe judicare debent, an inter infideles æque ac Christianos Matrimonium sit Sacramentum; an producat gratiam; quo in statu conjuges esse debeant, ut congruentem huic Sacramento gratiam consequantur; utrum idem sit a Christo institutus Sacramenti minister; qui contractus civilis, necne; utrum contractus civilis legitime factus sit effectus ad Sacramentum novæ legis; & ceteræ ejusmodi egregiæ cum primis & Ecclesiasticis hominibus dignæ quæstiones & judicia, quæ a sæcularibus Magistratibus attentari nefas esset.

Ceterum duo hæc judiciorum genera, quorum civile necessario antecedit Ecclesiasticum, ab Hincmaro & Episcopis Galliæ graphice depinguntur in causa non dissimili, hoc est, in negotio divortii HLotarii & Tezbergæ Reginæ. Audiamus, si placet, Hincmarum in opusculi, quod ea de re composuit, interrog. V. *Femina quædam non ignobilis genere, nomine Norshildis, de cuiusdam inhonestis inter se & virum suum vocabulo Agembertum ad Imperatorem publice proclamavit: quam Imperator ad Synodum destinavit, ut inde episcopalis auctoritas quid agendum esset, decerneret. Sed Episcoporum generalitas ad laicorum & conjugatorum eum remisit judicium, ut ipsi inter illam & suum conjugem judicarent, qui de talibus negotiis erant cogniti, & legibus sæculi sufficientissime præditi, eorumque legalibus judiciis, eadem femina se subiceret, & quod de quæstione sua decrervissent, sine repetitione teneret. Si vero crimen aliquod esset, inde penitentia modum post illorum judicium ab episcopali auctoritate deposceret, secundum quod sacri canones præfixerunt, ei imponere non negarent: nobilibus autem laicis sacerdotalis discretio placuit, quia*

*de suis conjugibus eis non tollebatur iudicium, nec a sacerdotali ordine inferebatur legibus civilibus prejudicium, & legem proclamationi femine protulerunt, ac legali iudicio questioni terminum contulerunt.* O illustrissimum exemplum, quo Galliarum Antistites, & quæ sua sunt, & quæ aliena, declarant. Non exag-gero, sola lectione opus est.

Si Bellarminus veterem istam Gallicanorum Antistitum disciplinam vidisset, sine dubio placita sua variasset aliter ac distinxisset. Sed miror cur ea non viderit, quæ gesta sunt in Tridentina Synodo, cum de clandestinis Matrimoniiis rescindendis ageretur: nam si vidisset, multa dixit, quæ non dixisset. Hæc ergo gesta sunt, cum variæ ibi a variis Doctoribus quærentur rationes, quibus haud mutata Sacramenti natura, clandestinum Matrimonium posse irritum fieri declararetur. Ecce Camillus Campegius Dominicanus eam invenit & proposuit, quæ pluribus arrisit, non mutari videlicet Sacramentum, etiam si quis efficiat, ut quod Sacramenti materia est, desinat materia Sacramenti esse. Qui autem civilem Matrimonii contractum sustulerit, personas ad contrahendum reddens inhabiles, continuo effecturum dixit, ut Matrimonii contractus non possit amplius Sacramenti superesse materiæ. Non secus ac si quis efficeret, ut qui liquor vera est aqua, aqua esse desinat, non mutaturum esse dixit Sacramenti Baptismi materiam, sed effecturum duntaxat, ut quæ nunc aqua ad Baptismi sufficit, ad eundem postea non sufficiat. Camillo Campegio, cui difficultates omnes facile solventi applaudebatur a quamplurimis, Antonius Solisius reclamavit, non quod, inquit, Campegii vera non esset speculatio, sed quod eam ad institutum applicari non conveniret, quia ejusmodi contractus sic irritos & nullos facere ad sæculares Magistratus pertineret. Quare, inquit, cavendum erat diligentissime, ne dum Ecclesiæ (dicere voluit Sacerdotio) clandestina Matrimonia rescindendi facultatem vellent concedere, eam sæculari potestati permetterent & assererent. Hæc in Tridentini Concilii Historia Paulus Servita, cui Sforza Pallavicinus non contradixit; & quia non contradixit, Servitam vera narrasse credendum est. Sed quid secu-



tum est postea inventus a Campegio rescindendi clandestini Matrimonii modus Tridentinis Patribus omnino placuit, insuperhabitis quæ Solisus contra Campegianæ speculationis usum disseruerat. Tridentini Patres, cum, ut apparet, voluerunt frequentibus clandestini conjugii malis absolute & simpliciter occurrere, Sacerdotii dignitati perspicere se satis crediderunt, si intermedio jure Principum occurrerent, ut res ipsa occurrerunt. Intelligebant sinceri & egregie cordati homines Sacerdotium non esse gratia sui, sed salutis fidelium, cui a Sacerdotibus non habito ad ullam sui propriam opportunitatem respectu providendum est. Quo fit, ut Tridentini Patres, cum non alius efficacior rescindendi clandestini conjugii modus inveniri potuit, eum qui a Campegio inventus & propositus fuit, amplexi sint, etiam si matrimonialis contractus rescissionem sæculi Magistratibus subjeceret. Noverant Principes & sæculares Magistratus computari inter partes nobiliores Ecclesiæ, quæ in fidelium seu Catholicorum coetu verissime consistit. In isto coetu frater a fratre adjuvatur, quæ Ecclesia corpus vnum est, in quo multa sunt membra, quæ eundem actum non habent, & membrum vnum facit, quod alterum non facit, id facere nihilominus corpus & dicitur & intelligitur. Ad hæc omnia, si Bellarminus attendisset, minus sinceram disputandi, & tam varie distinguendi rationem prætermisisset, & magis æquabilem inter Regnum & Sacerdotiumtributionem servasset.

Quarta ratio, sic se habet: *Etiam si Matrimonium Sacramentum non esset, tamen quia res est conscientia ex legibus divinis pendens, ad pastores quæmarum sine dubio perlineret: quemmodum quæstiones de cambiis, de censibus, aliisque contractibus, in quibus interdum absconduntur usure, ab Ecclesia judicantur: ergo (sic enim concludendum est) causæ matrimoniales tertii generis ad iudices Ecclesiasticos pertinent.* Respondemus hoc argumentum a jure poli ad jus fori migrare, quod fallaciæ genus viro tam sincero indignum est. Quamobrem licet Sacerdotes seu pastores animarum judicent de peccatis, quæ in his omnibus contractibus committuntur; illorum tamen non est, cambiorum, censuum, & aliorum contractuum leges instituire,



tuere, nec de illorum contractuum natura cognoscere. An autem sic ratiocinentur Episcopi apud Hincmarum, Bellarminus videat, qui & insuper matrimoniales causas primi generis ad politicum Magistratum simpliciter pertinere asserit, quamvis iis perinde ac in connubiis & censibus fraudes & peccata latere possint. Hic auctor, ubi cum dialecticorum legibus non pugnat, secum pugnat. Sic egregium est spectaculum, in quo Andabatarum certamen repræsentat.

Quinta ex praxi totius Ecclesiæ petitur: *Inprimis Christus causam de divortio, & repudio non remisit ad politicum Magistratum, sed ipsi iudicavit Matth. v. & XIX. Deinde Apostolus I. Corinthiolum VII. causam conjugii inter fidelem & infidelem similiter cognovit, neque ad Magistratum eam rejecit.* Respondemus primo, illa quæ Christus fecit, & Paulus docuit, ad praxim totius Ecclesiæ referenda non esse, uti constat, sed quæ Antistites in causa Hlotarii & Terbergæ fecerunt. Deinde respondemus, quod si quis serio expendat, exemplum Christi, & factum Pauli, nihil cum matrimonialibus causis tertii generis commune habere comperiet: Tum respondemus, deductam ex facto Christi & Pauli exemplo consecutionem nulla vnquam Ecclesiæ traditione confirmatum iri.

Sed subiungit Bellarminus: *Plena sunt Concilia & Pontificum rescripta legibus & sententiis in causas Matrimonii, siquidem ex epistolis decretalibus cognoscitur potest; semper in Ecclesia hæc fuit consuetudo, ut de ejusmodi non Reges, sed Pontifices consulerebuntur.* Respondemus hoc argumento non alium quam Bellarminum offendi, cum plena sint Pontificum rescripta legibus & sententiis in matrimoniales causas, quæ ab eo primi generis dicuntur, quales sunt de dotibus, de successionibus, de hereditatibus, de donationibus inter virum & uxorem, & aliis. Atqui de his causis differens Bellarminus, sic concludit: *Causas matrimoniales primi generis non negamus ad politicum Magistratum simpliciter pertinere.* Quoniam igitur pacto expositum a Bellarmino discrimen inter causas matrimoniales primi & secundi generis, ut vocat, reperiemus in praxi, cum Ecclesiasticos Magistratus de utrisque iudicasse videamus?

Ex Bellarmini profecto & sequacium assertionibus sic ali-

quis apud se ratiocinari potest: Video ex vna parte plena esse Pontificum responsa legibus & sententiis in causas Matrimonii, quæ a Bellarmino & aliis quibusdam primi generis vocantur. Ex altera repetio Bellarminum eundem & alios asserere, quod hæc causæ primi generis ad politicum Magistratum simpliciter pertineant, & quod eadem potestas ad duo diversa tribunalia æque immediate & proprie spectare non possit, lib. 1. de Matrim. cap. XXI. Inde colligo Pontifices de matrimonialibus causis primi generis iudicasse, vel per liberam partium subjectionem ac compromissum, vel per tacitam Principum cessionem, vel demum per usurpatam in eas causas jurisdictionem. Ceterum hæc collectio cum plane consentanea sit, qui ex præxi concludam causas matrimoniales tertii generis aliter pertinere ad Pontifices?

Sic vero Bellarminus instat: *Cur non potius ad homines doctos, quam apud Pontifices ista causa referebantur, si consultoris sapientia, non iudicis auctoritas in sacerdotibus queratur.* At huic interrogatipni non minus est Bellarmino, quam nobis necessarie respondendum, Matrimoniales enim causæ, quæ ab illo primi generis appellantur, ad Pontifices aliquando relate sunt; ad quos tamen pertinere simpliciter non posse asserit, cum eadem res ad duo diversa tribunalia æque immediate spectare nequeat. Oculos Bellarminus, si lubet, flectat in titulum de donationibus inter virum & uxorem in appendice Concilii Lateranensis tertii cap. VII. vbi Pontifex de successionibus, de natalium restitutione, deque aliis id genus infinitis decernit. Quæ dabitur huic interrogatipni responsio, eadem & suis auctoribus reddetur: si tamen ego primus respondere cogerer, non responderem quidem; sed ut Pontifices responderent, non invitus efficerem. Expendamus igitur, an in Pontificum scriptis consultoris sapientia, vel iudicis auctoritas queratur. Atque eam ob rem consulamus in appendice Lateranensis Concilii lemma de sponsalibus, de Matrimonio contrahendo & contracto, cap. I. *Consultationi tuæ respondemus, &c. cap. II. Super hoc utique consultationi tuæ taliter respondemus, &c. cap. VIII. Licet præter solitum & amplius solito multis simus & variis negotiis præpediti, ita quod non*

*fit nobis facile aliquorum consultationibus respondere. Et paullo post: Consulisti nos, &c. Super hoc inquisitioni tue taliter respondemus, &c. cap. IX. Super hoc utique duximus respondendum; cap. X. Ita nos consulisti, taliter respondemus, cap. XIV. Quia nos consulisti, fraternitati tue respondemus, cap. XV. Ad nostras aures perlatum est. Infra: Super quo prudentia tua respondemus; cap. XVI. Tua sollicitudini duximus respondendum, cap. XVII. Super eo nos consuluit dilectio tua. Infra: Sollicitudini tue taliter respondemus, cap. XXI. Super eo vero, quod de illo nobis significasti, qui cum procreare vellet filios, uxori sua nunquam carnis debitum reddidit, vel reddere potuit: inquisitioni tue taliter respondemus, quod diversa sunt inde Decreta, diversa sententia; sed consuetudo est Romana Ecclesia in similibus taliter tenere, quod si non potest eam sicut uxorem habere, ipsam habeat sicut sororem, cap. XXXI. Unde quia diversi diversa sentiunt, quid agendum sit in hoc casu, meis quaris literis edoceri. Hæc Bellarminus suis expendat momentis. Dicit verò nunc quis, ex his responsionibus omnino liquere, qua ratione plerumque ad Pontifices-ium sit, & utrum consultationibus istis respondentes, consultorum, vel iudicum personam sustinuerint. Sed cum alia loquendi formula vñ sint, aperti nobis quid sentiendum. Optime sane. Id esse tibi respondeo sentiendum, quod sentiendum Bellarminus responderet, si quæreres ex eo, cur in causis plane civilibus ita loquatur Pontifex in appendice Lateranensis ejusdem Concilii cap. VII. Mandamus, quatenus cognita veritate Matrimonium inter Guillelmum & matrem puellæ celebratum precipias inviolabiliter observari, & earundem proles denunties esse legitimas. Et post alia: Filii autem, quos ab ipsa suscepit, si eam tolerante Ecclesia duxit in uxorem, a successione non possunt paternæ & maternæ hereditatis prohiberi. Hic Bellarminus consideret, quid respondeat quærenti, num Pontifex consultoris, vel iudicis personam sustineat. Si personam consultoris Pontificem sustinere respondet, idipsum est, quod in argumento negat, & quod hoc tamen loco ex principiis suis respondere debet, cum de matrimonialibus causis primi generis respondeat Papa: has autem causas ad civilem Magistratum simpliciter pertinere Bellarminus asserit. Si vero personam iudicis*

sustinere Pontificem respondet, contra se respondet, cum in matrimonialibus causis primi generis, quæ ex se non sunt fori Ecclesiastici, iudicet Pontifex.

Rursus dicit quis: Nolo rectum amplius ea de re certare, sed doce me, cur hæ causæ ad Pontifices potius, quam ad doctos homines delatæ fuerint. Vellem tibi utique ex Bellarmini sententia respondere, qui hac interrogatione sua & tua modo constringitur. Sed illius responsionem prætolatus, dico primum, tuam & Bellarmini interrogationem id supponere, quod in Pontificibus vitio & crimine vix vacaret; eos nimirum haud esse viros doctos & eruditione præstantes, cum inter homines doctos & Pontifices distinguas, inter quos distinguendum non esse jubet sanctus Paulus, jubent sacri canones. Quod cum novisset apprime Gregorius XIII. *literarum studia nunquam intermittebat, etsi gravibus curis distentus, illaque non semel ex ejus ore audita sententia est; nullum magis decere, plura scire quam Romanum Pontificem, ut scribit Dominicus Tempesta Romanus in ejus vita.* Deinde dico, non improbabilius dici posse, id eam ob causam factum, quod facilius detur assensus iis, qui summam cum pari doctrina potestatem tenent. Adde quod summo Pontifici fere semper adhererent peritissimi quique Doctores, quorum opera & studio in suis responsionibus & Synodis utebantur.

Hæc habui, quæ de Bellarmini propositionibus differerem, qui licet jus ferendarum legum Matrimonia dirimentium Principibus concedat, & ab aliis concedi non plane dissimulet, indigere tamen mihi visus est hac discussione, qua, quid, quid de regia in Matrimonium potestate hæcenus disputavimus, magis ac magis confirmaretur.



## CAPUT IX.

*Recentiores quidam Theologi novam, inquit, architecturæ opinionem, ut destruant assertum ab alijs jus Principum, hoc ipsum jus præter mentem in Principibus confirmant.*

**R**ECENTIORES intelligo Theologos, qui ætate nostra scripserunt, Basilium Pontium in libro *de Matrimonio* cap. 11. Gasparum Hurtadum in *disputatione de Matrimonio*, difficultate 1. Antoninum Dianam in parte *Resolutionum* Moralium tractatu de Immunitate Ecclesiastica, resolutione XVI. Sed cum Hurtadus & Diana Pontii rationes describant, confutato Pontio, Hurtadus & Diana confutati censentur.

Hi autem Theologi numero tres, quicquid est juris Principum in Matrimonium funditus evertere cogitarunt. Quod ut perficiant, sibi sumunt contra ceteros Theologos Christum, ubi Matrimonium ad Sacramenti dignitatem exivit, jus omne in Matrimonium Principibus ademisse. Neque hoc fere aliter stabiliunt quam vicioso disputandi modo, qui in manifesta principii petitione consistit.

Sed referenda sunt Pontii verba, quæ sic se habent loco jam citato. *Dico 1. Nequaquam potest Princeps secularis fidelis legem aliquam statuere ad substantiam Matrimonii directe vel indirecte pertinentem, quæ vim habeat, nisi ab Ecclesia tacite vel expresse probetur, ex defectu potestatis: sentiunt nobiscum non pauci ex Theologis.* id est, plures Theologi cum auctore isto sentiunt. Sed plures Theologos nec laudat, nec laudare potest, & sic non paucis Theologis imponit, ne sibi soli sapere videatur.

Cum hic auctor dicit, *nisi ab Ecclesia tacite vel expresse probetur, ex defectu potestatis*, respectum habet ad id, quod initio capitis notaverat, nullas civilium Magistratum leges circa con-

*tractum Matrimonii validas esse, nisi probentur ab Ecclesia. Constat ex cap. Cum secundum Apostolum de secundis nuptiis, ubi ea lex Caesarum, quæ infamiam irrogat viduis nubentibus intra annum luctus, abrogatur. In iis, inquit, saculares leges non dedignantur Ecclesiasticas imitari. Pontius ex hoc cap. non colligeret, quod colligere se dicit, si primum legem Caesarum, deinde, si legem, quam vocat Ecclesiasticam, perlegisset & intellexisset, quod ut clarius appareat.*

Nunc referenda est lex Caesarum, quæ sic se habet in libro vi. codicis Justinianxi titulo i. x. de secundis nuptiis. *Gratianus, Valentinianus, & Theodosius Eutropio Prefecto Prætorio: Si qua ex feminis perduto marito intra anni spatium, alteri festinaveris nubere, (parum enim tempus post decem menses servandum adjicimus, tametsi idipsum exiguum putamus) probro sit inusta notis, honestioris nobilisque personæ decore & jure privetur; atque omnia, quæ de prioris mariti bonis vel jure sponsalium, vel judicio defuncti conjugis consecuta fuerat, amittat. Datum i. v. Calend. Junii Constantinopoli, Eucharzio & Siagrio Coss. Anno scilicet Christi cccclxxxii. quo tempore Damasus Romanam administrabat Ecclesiam, & Constantinopoli celebrabatur œcumenica Synodus secunda. Sed tunc nec Synodus quæ legem vidit, nec Damasus qui legem videre potuit, eam gravate tulit, nec in ea quidquam Scripturæ & traditioni Ecclesiasticæ adversum deprehendit. Id genus silentii haud iniquam esse legem demonstrat. Id relati in capite xi. Romanæ Pontifices, Celestinus I. Leo I. Hilarus, Felix III. Gregorius I. Leo II. Gregorius VII. & Paschalis II. vehementer admodum confirmant.*

Relata trium Imperatorum lege, referendum est caput *Cum secundum Apostolum*, quod in libri xv. Decretalium titulo xxi. de secundis nuptiis est ejusmodi: *Cum secundum Apostolum mulier mortuo viro suo ab ejus sit lege soluta, & nubendi cui vult tantum in Domino liberam habeat facultatem, non debet legalis infamie sustinere jacturam, quæ licet post viri obitum intra tempus luctus (scilicet vnius anni spatium) nubat, concessa sibi ab Apostolo viatur potestate, cum in his præsertim saculares leges non dedignentur sacros canones imitari. Alexander III. qui ad*

ann. MCLX. Romanus creatus est Pontifex, Innocentio III. prævit in appendice ad Lateranense Concilium, part. IX. cap. 11. *Super illa questione, qua questum est, an scilicet mulier possit sine infamia nubere inter tempus secundum leges definitum; sollicitudini tue respondemus, quod cum Apostolus dicat: Mulier viro suo mortuo soluta est a lege viri sui, in Domino nabit qui voluerit; per licentiam ejus & auctoritatem infamie aboletur.*

Et primum quidem auctor tribuit Ecclesiæ, quod Innocentio III. tribuendum est: itaque Ecclesiam cum Romano Pontifice confundit, quod erroris genus est minime ferendum.

Deinde cum sibi sumit nullas civilium Magistratuum leges circa Matrimonii contractum validas esse, nisi probentur ab Ecclesia, id est, a Romano Pontifice, continuo debet sibi sumere Gratiani, Valentiniani & Theodosii legem de secundis nuptiis valuisse nusquam, quia ab Ecclesia, id est, a Romanis Pontificibus, in sensu auctoris nunquam probata est ab anno CCLXXXI. usque ad annum MCXCII. quo Innocentius federe coepit.

Tum Alexander III. & Innocentius III. ad mentem auctoris non respondissent: nam si respondissent, dixissent utique Imperatorum legem non valere, quia probata non fuerat ab Ecclesia, quam ille Romanum Pontificem appellat.

Quarto, quod secundarum nuptiarum tempus non definierat Apostolus, Imperatores definierunt lege sua, cui nullus per annos plus minus septingentos contradixerat: hanc observationem tunc non fuisse, quis exemplo notabili confirmaret?

Quinto, post observationem Imperatoris legis adeo longam super eadem moveretur questio, & consuluntur identidem Pontifices duo, qui ex beati Pauli auctoritate non respondendum mulierem viro suo mortuo posse nubere cui voluerit in Domino, & liberatum iri ab infamia, quam lex Imperatorum viduæ non expleto luctus tempore nubenti inusserat. Hocne significat, nullas civilium Magistratuum leges circa Matrimonii contractum validas esse, nisi probentur ab Ecclesia, Romano nimirum Pontifice?

Sexto, quidquid hac in re dici posset verisimilius, additio-



III. ad librum VII. Capitularium videtur proponere, cum in num. IX. dicitur: *Lex Imperatorum non est supra legem Dei, sed subius.* Sic lex Imperatorum de secundis nuptiis non est supra legem, seu potius consilium beati Pauli. Sed inde sequitur Principes non posse vllam circa Matrimonii contrahum ferre legem, quæ absolute valeat, vel nullas civilium Magistratuum leges circa Matrimonii contractum validas esse, nisi probentur ab Ecclesia, quam Pontius pro Romæ Pontifice assumit?

Septimo, cum Innocentius III. dicit, quod *seculares leges non dedignantur sacros canones imitari*, satis innuit leges illas ex se vim obligandi habere, nisi Pontius velis sacros canones vim obligandi non habere, aut alio sacrorum canonum imitationem spectare.

Octavo, si pontificæ responsionis verba cohibeantur intra illius limites, vt sane cohiberi debent, non indurata & vaga sit responsio, non erit facile ostendere quinam sint illi sacri canones, quos lex Imperatorum Gratiani, Valentiniani & Theodosii subsequi & imitari potuit, cum antiquum Christi CCCLXXI. nullos Ecclesia de secundis nuptiis canones ediderit, quos imitari lex Imp. non dedignaretur.

Nono, Alexander & Innocentius respondent viduis, quæ fortasse per vnus anni spatium continere se non poterant, & hi tunc ad vitandum incontinentiæ peccatum responsum illis tale dederunt, quod alias non dedissent.

Decimo, crederem ego Innocentium beati Pauli verba pro sacris canonibus accepisse, cum dixit, quod *seculares leges*, de quibus erat quaestio, *non dedignantur sacros canones imitari.* Et sane ad Pauli verba Gratianus, Valentinianus & Theodosius in condendis de ritu secundarum nuptiarum legibus respectum aliquem habuerunt. Conjectura hæc displicebit mihi, cum alia dabitur melior, quæ Pontificem rectiora & saniora docentem ostendet. Quidquid id est, Pontius in citando capite *Cum secundum Apostolum*, oleum & operam perdidit, & hallucinatione sua de jure Principum male meritus est.

Pergit paulo post Pontius. *Morveor ea tantum consideratione, quia Matrimonium, quamvis ex se contractus quidam sit sub-*  
jectus



*solus etiam Principi seculari: assamen per Christi intentionem elevatum est ad rationem Sacramenti, itaque res sacra est: ergo non subditur ex eotempore potestati Principis secularis etiam fidelis. Hoc argumenti genere probaret, putealem & fluvialem aquam, ex quo tempore aqua per Christi institutionem elevata est ad rationem Sacramenti, non subdi amplius potestati Principis secularis, etiam fidelis, quo nihil est absurdus.*

*Pergit: Quod enim materia hujus Sacramenti contractus sit, non satis est, ut possit Princeps secularis leges condere, cum ex qua ea materia per Christum sacra facta est, jam extra ejus jurisdictionem & potestatem sit. & hæc est manifesta petitio principii.*

Hac in quaestione Pontius nec verum Theologum, nec verum juris canonici professorem agit. Non agit verum Theologum, quia quod sibi sumit lemma, (videlicet Christum per Sacramentum Matrimonii, Matrimonium ipsum extra Principum secularium jurisdictionem & potestatem collocasse) duobus veræ Theologiæ principiiis, Scripturæ auctoritate, & Catholicæ Ecclesiæ traditione derivata ab initio non probat. Non agit verum juris canonici professorem, quia suum illud lemma sacris canonibus & Decretis Sedis Apostolicæ ex iisdem canonibus promulgatis non confirmat. Hoc autem notasse, Pontium & illius sectatores, Hurtadum & Dianam confutasse est.

*Pergit continuo Pontius: Sicut licet homo ante ordinationem sit materia subiecta jurisdictioni seculari, & similiter bona alia & prædia: assamen post ordinationem, vel postquam donatione sacra, vel Ecclesiastica sacra sunt, extrahuntur a dominio secularis Principis, & nullam neque in personas, neque in bona jurisdictionem habet. Hoc simpliciter enuntiat, nec ut Theologus, nec ut juris canonici professor villo modo confirmat. Deinde homo postquam ordinatus est Presbyter, remanet Principi suo subiectus, ut antea, tam quoad personam, quam quoad bona, nisi Princeps illum ab omni jurisdictione sua (si tamen id possit facere) immunem reddiderit. Dico, si tamen id possit facere: nam licet possit non judicare actu de subditis suis, tamen facere non potest, ut quandiu remanebit Princeps ac dominus, de iis judicare non possit. Patet potest quidem de-*

linquentes liberos non corrigere; sed non potest iure, quod ex se habet eos corrigendi, sese abdicare.

Deinde Pontius cum in libro vi. de Matrimonii impedimenti scribebat, non recordabatur eorum, quæ in libro vii. cap. xvi. ita scripserat: *Matrimonium non exigitur exprimi sine mul consensum; neque qua Sacramentum est, neque qua contractus est. Non quia Sacramentum, tam quia si illud non exigitur ut contractus, ut statim ostendam; neque ut Sacramentum exigitur; nam ad conferendam gratiam elevatus est a Christo contractus Matrimonii sua dispositioni relictus, & non immutatus, &c.* Quid est Matrimonii contractus suæ dispositioni relictus, nisi causa Matrimonii contractum disponentibus relictus? At disponentes illæ causæ sunt Principes, & leges ab iis de conjugii instituta. Addit, contractus Matrimonii non immutatur: quo loquendi genere significat Christum, ubi Matrimonium ad Sacramenti dignitatem evexit, in eo nihil quicquam mutasse. Quæ omnia cum iis quæ hoc in loco dicit Pontius, vehementer pugnant.

Tum non recordabatur eorum, quæ in libro v. cap. i. v. sic scripserat: *Quamvis autem id certum sit inter Doctores Catholicos pro omni Sacramento, etiam Matrimonii; (Ecclesiam nihil posse immutare de materia & forma Sacramentorum) addendum tamen est, Matrimonii institutionem sic in universum a Christo factam esse, ut legitimus contractus Matrimonii deinceps sacer esset signum videlicet & causa gratiæ, nulla quidem mutatione facta in materia Matrimonii, quatenus contractus est; sed ita ut maneret in genere contractus & vilis; & tamen eodem modo permanenti Sacramenti ratio adderetur. Quare Christus nullam specialem materiam & formam & ministrum præscripsit; sed eandem materiam & formam & ministrum Matrimonii esse voluit in genere Sacramenti, atque erant in genere contractus. Et post pauca: Verum quia Matrimonium quatenus civilis quidam contractus, est suapte natura subditus imperio Principis, sicut alii contractus, ut vel ex parte firme, vel ex parte materiæ ab eis variari posset: ideo hac ratione ex parte materiæ & formæ irritari potest Matrimonium, aliquid materiæ mutando, vel aliquid formæ addendo. Hac ratione materiæ, quæ sunt corpora contrahentium, ut dixi supra lib. i. multis de*

*causis impediti possunt, quominus sint materia apta & habilis, & re ipsa jure humano in multis casibus ita factum est. Et quia in his casibus jure humano est irritus contractus Matrimonii, consequenter effectum est, ut non sit Sacramentum. Sublato enim priori, tollitur posterius ab ipso dependens: jam enim eo jure non manet verus contractus, & mutata fuit materia Matrimonii, ut contractus est, quia persona quae alias jure naturali apta & habilis erant ad Matrimonium verum & firmum contrahendum, reddita sunt inhabiles. Quae omnia convenire non possunt cum iis, quae hoc in loco scripsit, ut meditati & inter sese conferenti facile constabit. Itaque cum Pontius in libri .x. capite .xvi. & in libri .v. capite .v. de Matrimonio scribit, de rebus Matrimonii loquitur, ut loquuntur Theologi omnes, qui docent Christum per institutionem Sacramenti hujus non spoliasse Principes eo jure, quo ante illam institutionem in Matrimonium potiebantur. Cum vero in libri .vi. de impedimentis Matrimonii scribit, loquitur aliter, cum docet Christum per institutionem Sacramenti hujus spoliasse Principes eo jure, quod ante in Matrimonium habebant: atque ita pugnantia loquitur, in vitium hominis inconsequenter differens incurrit, & scriptis suis auctoritatem omnem destrahit. Quod solet iis contingere, quos aliis contradicendi libido & stultitia partium in transversum agunt, & de recta tractandi methodo deturbant.*

*Præterea comparatum a simili argumentum manifestam principii petitionem involvit, & pro vero assumit, quod probandum est. Nam id a pluribus Theologis ut falsum rejicitur, nimirum Clericorum immunitatem & quoad personas & quoad bona jure divino sancitam esse. Tum concessa illius probabilitate melioris notæ Theologi disparilem assignant rationem Sacramenti Matrimonii, & aliarum rerum sacrarum, quæ cum per sese etiam sacræ sint, & pro materiali, ut aiunt, supponunt aliquid ab humana auctoritate dependens: atque eam ob causam ex natura sua, adeoque divino & humano jure censentur a civili potestate exemptæ. Sed Matrimonium aliter se habet: per institutionem enim Christi Matrimonium, in quantum civilis contractus Sacramento sub-*

stratus, a politica jurisdictione non eximitur, atque hoc sufficit ad rejiciendam comparationem, quæ tem factam minime probat, sed tantum declarat, aut faciendam ex certa quadam decentia rei ad similitudinem adhibitæ proponit. Hæc autem responsio non tam Theologorum nostri partis est, quam ipsius Pontii, qui secum ipse non semper habitat. Nam in libri 1. de Matrimonio capite, v 11. tradit quæ sequuntur: *Tertio colligitur, hanc eandem esse materiam & formam Matrimonii, quatenus est Sacramentum. Christus enim, in nullo penitus immutavit naturam contractus: sed illam sub Principum dispositione relinquens id quod fuerat legitimus contractus Matrimonii, elevarit ut esset Sacramentum, & conferret gratiam.* Et post alia: *Ultimo colligitur, quia contractus Matrimonii alias & ex natura sua civilis fuit a Christo Domino elevatus ad rationem Sacramenti, licet ex natura sua secularium Principum potestati subiectus esset, ut circa instabilitates contrahentium eodem modo possent, disponere ac in aliis contractibus: ideo jam solius Ecclesiæ potestati credimus reservatum.* Collectiones hæc dux id omne confirmant, quod confirmandum ante suscepimus, Deinde per verba hæc: *Ideo merito jam solius Ecclesiæ potestati credimus reservatum; Pontius seipsum destruit. Nam si connubialis contractus dispositioni solius Ecclesiæ jam reservatus sit, fuit aliquando tempus, quo solius Ecclesiæ, id est, sacerdotalis ordinis dispositioni contractum illum reservatum non fuisse dicendum est. At si fuit tempus quo contractus illius dispositio sacerdotali ordini reservata non fuit, dispositionem illam Christus seculari potestati non ademit per institutionem Sacramenti, quod nihilominus in libri VI. capite 11. dixit, & contra se luculenter dixit: Interim moneo fieri non posse, ut tempus illud certo assignetur, ut ex superiori capite colligi potest, quod enim factum non est ea ratione qua fieri debuit, qui fieret, ut factum certo assignaretur? Et certe non memini legere me Theologum, qui minus quam iste consequenter loqueretur, & questionem aliquam tractaret.*

Pergit Pontius: *Præterea si Matrimonium etiam post Christi institutionem, quia contractus est, subiectus esset Principum secularium dispositioni, nequaquam invitis Principibus fidelibus posset*

*Ecclesia ab illis auferre eam potestatem leges condendi, & sibi reservare! Quid enim jure id possit? sicut neque hominem subditum saculari Principi posset Pontifex eximere a jurisdictione illius, neque interdicare etiam, ne circa contractus alios leges statueret. Egregiam porro rationem, sed quæ sponte sua dissilit! Quasi vero gravis & miserabilis casus immineret Ecclesiæ, ut loquitur, si quæ propria est Principum potestas, hanc Ecclesia non posset Principibus auferre? Quasi vero ut vitetur incommodum quod fingitur, gratis & sine ratione Theologica dicendum esset; Matrimonii contractum statim atque ei accessit Sacramenti dignitas, jurisdictioni secularium Principum non subesse! Quidquid fingitur incommodum, quod nova inter Theologos assertio probetur, per id Christiana religio Principibus laicis odiosa redditur, quippe quæ illos re ad hominum societatem optime regendam, & ad conservandam inter subditos pacem necessaria privet. Sed, Deus immortalis! ab hoc sensu quam aliena est Ecclesia, in qua decantatur, *Christum non eripere mortalia, qui regna dat caelestia!* Porro autem Pontius hoc argumenti genere oppugnat illos Theologos, qui Ecclesiam posse Principibus jus condendi leges Matrimonium dirimentes auferre, aut sibi reservare docent, postquam docuerunt Sacramenti rationem non ob stare, quominus Matrimonii contractus Principum jurisdictioni subiectum ut ante remaneat.*

Pergit Pontius: *Quare nisi ea potestate abuterentur Principes, & aliquid statuerent, quod spirituale Sacramenti Matrimonii rationem lederet, non possint à Pontifice pro indirecta potestate, quam habet in temporalia, coerceri.* Quid inde, quaeso, calamitatis in Ecclesiam Dei invaderetur? Deinde propter potestatis abusum potestas non semper tollitur, sed corrigitur, & ad suos fines revocatur. Tum indirecta illa potestas quam Romano Pontifici tribuit, probari non potest quomodo probanda est: Scripturis videlicet, *Pasce oves, Tu es Petrus, Quodcumque ligaveris*, quæ juxta unanimem consensum Patrum intelligantur, ut in Tridentini Concilii sess. IV. & in formula professionis fidei præscribitur. At veterum Patrum nullus est, tantum abest ut omnes aut magna pars illorum,

Scripturas illas de iudicte, ut sibi sumit Pontius, in temporalia potestate Romani Pontificis intellexerit, v. oul 2711 207

Pontio adiungendus est Franciscus Silvius Duacensis Theologus, qui suos in Summam beati Thomæ commentarios anno MDCXLV. typis mandati curavit. Hic auctor dum quaerit, qui possint impedimenta Matrimonii constituere, id in responsione per varias conclusiones recurrentibus in sese dictis materiam involvit. Verba sunt: *respondeo, quod si res secundum se suamque naturam precise consideretur, omnes illi possunt constituere impedimenta Matrimonii, siue solum impedientia, siue etiam dirimentia, qui absolutam habent potestatem ferendi leges, cuiusmodi sunt Reges & Principes absoluti, & republice libere, quia constitutio impedimentorum est lex, quædam prescribens modum & conditionem secundum quam contractus matrimonialis fit incundus. Sed quoniam Matrimonium præter hoc quod sit contractus, est etiam verum legis novæ sacramentum, aliquos conclusionibus potest responsio explicari.* capit. vlli de matrimonio

In primis conclusionibus veri & absoluti Principes, qui Christiana religione imbuti non sunt, impedimenta Matrimonium dirimentia suis subditis, etiam Christianis, possunt constituere, sed in conclusione quarta Christiani Reges non possunt. Reges, inquit, *Christiani non possunt fidelibus suis subditis ullam impedimentum Matrimonii constituere, idque vel quia licet eam facultatem habeant iure potestatis regalis, Ecclesia ipsos ab ejus usu impedit illam sibi reservando, vel quia secularis potestas vera non habet ejusmodi potestatem, neque potest ullam legem statuere ad substantiam Matrimonii Christianorum directe vel indirecte pertinentem, qua robur habeat, nisi ab Ecclesia sacite vel expresse probetur.* Bimembris est conclusio. Pro priori membro laudat Caput *Tuum de ordine cognitionis*, Caput *de Francia*, & Caput *Euphemium*: quæ tria dispersa & dissipata sunt supra in articuli 11. capite 111. Pro posteriori rationes Pontii adhibet, quas ante discussimus, & ut invalidas elidimus.

In priori membro, quominus Principes iure potestatis suæ impedimenta Matrimonium dirimentia fidelibus subditis constituent, Sacramenti dignitas non impedit: in posteriori membro prorsus impedit. Quæ & qualis disputandi metho-

dus: In priori membro ætates sunt duæ, quarum una Principes jure suo utentes summa cum libertate vidit, altera non vidit. Nimirum Ecclesia juri illius usum cohibuit, & sibi soli reservavit, etiam si Principes apud auctorem hunc immutandæ potestatis suæ causam nullam dederint. Quæ & qualis in Ecclesia æquitas & justitia: non multum certe ab illa dissentiens, quæ Principes Christiani sacerdotalis potestatis usum cohiberent, & cum sibi soli reservarent. In posteriori membro Christiani Principes nec habent, nec habuerunt unquam jus ferendi leges, quibus Matrimonia subditorum ad commune reipublicæ bonum dirigerent, & ea vllis de causis dirimerent: & si quando ferrent, leges ejusmodi carerent robore, nisi tacite vel expresse probarentur ab Ecclesia; tametsi jus ferendum legum illarum Principibus proprium foret, nec ad supernaturalem ordinem pertineret, ut Silvius in Responsione sua probavit. Quod & quale disputandi genus, non dissentiens ab illo utique: quo quis in se reciperet, sacerdotalis ordinis consensum non posse vllum de rebus sacris, & ad supernaturalem finem spectantibus canonem condere qui robur habeat, nisi tacite vel expresse probetur a Principibus. Et quantvis nomen *Ecclesia* significatus plures importet; Silvius tamen ad eos non attendit: ratus, opinor, se non ita scripsisse quæ scripsit, si attendisset, ut videre est in articuli xi. capite xi.

Reliquum est modo, ut ex principiis doctrinæ hujus mirificæ sincera fiat ad Regem ethnicum, qui Christianæ religioni nomen dare vellet, admonitio. Sic ergo breviter fiet, si Principi competenti dicatur: Scire debes, Princeps optime, te crastina die postquam baptismum susceperis, & Christum servatorem tuum ac nostrum indueris, sine culpa vlla tua amissurum certam quandam potestatem, quæ ad continendos in officio populos, & ad conservandam regni tui pacem ac tranquillitatem tibi hætenus necessaria fuit. Hæc autem potestas, quæ politicæ administrationis pars est maxima, in ferendis circa subditorum tuorum Matrimonia legibus consistit, dum alii ad illa contrahenda habiles, alii inhabiles, prout communi bono expedit, redduntur. Hæc admonitio ad



confutationem doctrinæ recentium Theologorum, ut cumulus accedit. Et sane dubito, an Pontius, Hurtadus, Diana & Silvius satis attenderint, quo doctrinæ suæ novitas pertineat: cum eo sit periculosior, quo sub specie sacerdotalis auctoritatis & amplitudinis incautos decipere poterit; sed cautos & prudentes non decipiet, cum probe scierint doctrinæ novitatem a Patribus nunquam vocatam esse Catholicam, sed non raro hæreticam vocatam esse.

## CAPUT X.

*Recentioris cujusdam Jurisconsulti de causis matrimonialibus tractatus plures excernuntur, & illorum vitia demonstrantur.*

**H**ENRICVS Canisius, quem juris utriusque professorem Ingolstadiensis habuit Academia, tractatus plures edidit de causis matrimonialibus, & in iis jus omne circa nubiales leges Principibus abjudicare conatur. Conatui jam occurrimus, cum in articuli hujus 11. capite 111. quæsitam ex Tridentino canone: *Si quis dixerit matrimoniales causas non spectare ad iudices Ecclesiasticos, anathema sit*; objectionem diluimus, & canonis sententiam ex Theologorum sententia, & traditione Ecclesiæ apertam in lucem emisimus. Nam si quid profert solidi Canisius, huic canoni totum inniti videtur. Sed ut quæ ibi disseruimus magis ac magis confirmantur, adnoto nonnulla e Canisii tractatibus loca, in quibus nunc principium petit, nunc falsis momentis utitur, nunc alia in disputando vitia committit.

1. In pagina 11. Ingolstadiensis editionis anni MDCC scribit: *tibi de jure Matrimonii contrahendi vel dissolvendi agitur, nullus, opinor, interpretum est, qui questionem hanc ad tribunal sæculare referendam existimet, ut vel hinc discamus non immerito eos anathemate perstringi a Concilio Tridentino, qui asserunt causas matrimoniales non spectare ad iudices Ecclesiasticos.* Nempe



pe perstringuntur anathemate, qui matrimoniales de dotibus, de successione, de donationibus inter virum & uxorem causas ad seculares tribunał referunt. Qui sic disputat, secum habitare dicendus non est. Matrimoniales causę, quę ad Matrimonium, quatenus Sacramentum est, ad Ecclesiasticos iudices referendę sunt, vt illę quę ad idem Matrimonium, quatenus civilis contractus est, ad seculares iudices referendę sunt. Sicut causę quę de pane, quatenus panis est, mouerentur, ad seculares iudices referri debent, & causę quę de eodem pane, quatenus Eucharistici Sacramenti materia est, ad Ecclesiasticos iudices referri debent.

II. In pagina v. dicit: Catholica Ecclesia perpetuo Matrimonium pro Sacramento habuit, sicut ex sanctis Patribus præter alia sacra scripserunt loca & variorum locutiones probant illustrissimus Cardinalis Bellarminus, & clarissimus Theologus Gregorius de Valentia, ad quos lectorem breuitatis causa remissimus. A conjunctis ad diuisa philosophatur; & quia Matrimonium, quatenus Sacramentum Sacrosanctum est, iuris, contendit idem Matrimonium, quatenus civilis contractus est Sacramento substratus, sacerdotalis quoque iuris esse, perinde ac si sic philosopharetur: Eucharisticus panis Sacramentum est: igitur illius cognitio ad Sacerdotes pertinet; & quia sic pertinet, ad eosdem pertinere quoque debet panis, quatenus panis est, cognitio. Sed vt quam sincero sit animo Canisus appareat, videndum est quid Bellarminus & Valentia de Principum in Matrimonii contractus iure sentiunt. Ille cap. xxxii. de Matrimonio: Causa, inquit, matrimoniales tertii generis (de impedimentis) nos dicimus ad politicum Magistratum pertinere posse, sed cum subordinatione ad Ecclesiasticum. Hic veto in quæstione v. de impedimentis, Matrimonii puncto 1. Non solum Ecclesiastica auctoritas, sed etiam politica, seu civilis possit Matrimonio impedimenta apponere, quatenus est contractus quidam ordinatus ad bonum etiam commune reipublicę civilis.

III. In pagina vi. dicit, Theodosium cum collegis Imperatoribus, & Iustinianum de Matrimonio leges condidisse contra præscriptum sacrum canonum; & hoc meta est impostura. Neque enim adferri potest lex vlla de Matrimonio, quam Theodo-

fius contra præscriptum sacrorum canonum ediderit. Cum Imperator ille consobrinarum tanquam fororum Matrimonia prohibuit, quinam, quæso, sunt sacri canones, qui ante vetuerant, ne consobrinarum Matrimonium iniretur?

I V. In pagina V I I. dicit: *Fatemur quidem, Matrimonium non minus esse juris gentium, quod ab omnibus gentibus receptum sit? at juris civilis negamus inter Christianos, qui Catholica Ecclesia legibus vivunt. Quod enim quidam legislatores politici apud Christianos tentaverint certam formam Matrimonio præscribere, sine jura fecerunt, falcem in messem alienam mittendo.* Cur ergo qui sacerdotale tunc administrarunt officium, usurpationem tantam passi sunt? Hoc in loco, ut & alibi passim, petit principium, sibi sumens Matrimonium civilem contractum non esse amplius, ex quo illi Sacramenti ratio succerevit. Canisius profecto ad instituendam de Matrimonio tractationem illotis & pedibus & manibus venit. Theologorum, qui de Matrimonio scripserunt, commentarios nullos perlegit, aut temere contempsit.

V. In pagina V I I I. *Quod Judæi Romanis moribus, non Judæis Matrimonia inire jubeantur, nihil officit cause nostræ: si quidem extra Ecclesiam sunt Judæi, ac proinde eorum Matrimonia non Sacramentum, sed contractus civilis est. Unde recte Princeps secularis legem in contrahendo Matrimonio illis præscribere potest, non obstantē lege Mosaica, quæ per mentem Christi abolita est.* Sic Sacramenti dignitas, quæ civili contractui posterior est, civilis contractus naturam funditus evertit, & facit ut contra philosophicum axioma prius a posteriori pendeat. Sed hoc auctore quid fiet, cum in sequenti capite patebit Matrimonium tam in veteri quam in novo Testamento Sacramenti nomine donatum fuisse: & eam ob causam secularis Princeps leges in contrahendo Matrimonio, ut Judæis, ita & Christianis præscribere potuit. Hoc autem ita posito, concidit quidquid Canisius contra jura Principum in suos jecit commentarios.

VI. In pagina X I. & X I I. dicit: *Quis enim credat nonnulla, quæ Justinianus sanxit circa Matrimonium juri divino & sacris canonibus adversa, Episcoporum consensu promulgata, probata & firmata*

fuisse? qui repudium inter conjuges non modo toleravit & permisit tanquam minus malum; sed & certas causas constituit, ob quas repudium alter alteri conjugum mittere posset, missaque repudio Matrimonium vere dissolvi credidit: ut si maritus contra Imperium consilium captaverit, vel captantibus aliis Imperatori non prodiderit; si uxoris vita insidiatus fuerit, vel etiam castitati, alteri videlicet eam adulterandam tradendo; si de adulterio inscripserit uxorem, sed probatione defecerit; si cum alia muliere domi vel foris rem habuerit, & monitus non desluerit. Ex his enim causis mulieri a marito divertere licebat ex lege Justiniani. Idem jus erat marito in uxorem suam, si ipsa vel adultera esset, vel confecta eorum, qui contra Imperium aliquid moliebantur, & marito non indidisset, vel vite mariti insidias struxisset, vel invito marito convivio insinuisset, siue foris pernoctasset, aut ludis circensibus siue theatralibus interfuisset. Et licet ante Justinianum plures hujusmodi causae repudiis induxerint Theodosius & Valentinianus Imperatores, nemo tamen non videt, quin he omnes cum lege Evangelica pugnent. Ut ergo rem paucis absolvam, fateor me non invitam ire in illorum sententiam qui dicunt, Justinianum in legibus Ecclesiasticis condendis nimium fuisse, & terminos jurisdictionis suae excessisse, dum tulis hujusmodi leges. Et primum quidem quod auctor iste credi nolit, credere omnino poterit, qui nec dissentientes Justiniani legibus Episcopos, & praesertim Romanum, reperiet, nec eos pro lege Evangelica opponentes se tanquam murum abencum tunc inveniet. Hic ad hominem disputamus: quinetiam Pontifices Justinianum multis laudibus affecerunt.

Deinde quid auctor dicet de Gregorio I. qui quae sequuntur Bonifacio Moguntinensi Episcopo respondit? *Quod proposuisti, quod si mulier infirmitate correpta non valuerit debitum viro reddere, quid ejus faciat jugalis? Bonum esset si sic permaneret, ut absinentia vacaret. Sed quia hoc magnorum est, ille qui se non poterit continere, nabit magis; non tamen subsidii opem subtrahas ab illa, cui infirmitas praeedit, & non culpa detestabilis excludit. Qua ratione Gregorii responsum istud cum Evangelica lege conciliaturus est Canisius, eadem & Justiniani leges cum lege Evangelica, ni fallor, conciliare poterit.*

## 172 REGIA IN MATRIMONIUM POTESTAS.

Tum vnum ex iis capitibus quæ auctor in Justiniano coarctavit, in Pœnitentiale Romanum illud quod Antonius Augustinus edidit, sic transivit: *Contigit tibi ut vxor tua, te conficio & hortante, cum alio viro, illa autem nolente, adulterium perpetraret; si fecisti, quadraginta dies in pane & aqua pœniteas, & septem annos, vnum ex his in pane & aqua, & nunquam sis sine pœnitentia. Si autem vxor tua hoc probare potuerit, quod tua culpa & tuo iussu, se rennente & luctante, adulterata sit; si se continere non potest, iudicium cui voluerit tantum in Domino: tu autem sine vxoria spe in perpetuum maneat. Illa si consentiens fuerat, eadem jejunes, quæ tibi propôita sunt, & sine spe conjugii maneat.* Qua vero ratione Pœnitentiale Romanum hac in re cum Evangelica lege conciliaturus est Canisius, eadem & alias Justiniani leges cum Evangelica lege conciliare poterit.

Hinc qui dicunt, Justinianum jurisdictionis suæ terminos excessisse, non fuerunt Justiniano æquales, vel ætate suppartes, sed qui longo post illum tempore vixerunt. Verum ita sit, in indicatis legibus Imperatorem jurisdictionis suæ terminos excessisse: quid inde? Imperatorem fortasse certas quasdam de Matrimonio leges quæ non pugnabunt cum Evangelio, ferre non posse. Quæ consecutio? Hadrianus VI. in commonitorio, quod Francisco Cheregato eunti in Germaniam dedit, scribere non veretur: *Scimus aliquot jam annis in hac sancta Sede multa abominanda fuisse, excessus in mandatis, abusus in spiritualibus, & omnia denum in peruersum mutata.* Quis inde conficiet, Romanos Pontifices ea præstare non posse, quæ abominanda non sunt; mandata dare non posse, in quibus excessus nullus fiat; spiritualia tractare non posse, quæ omni abusu careant, & eadem exequi non posse, in quibus ordo & modus fervetur. Hic Canisio aqua hærebit.

Denique ratio quæ probat, Theodosium & Justinianum in condendis circa Matrimonium jam contractum jurisdictionis suæ terminos excessisse, non probat, eosdem Imperatores in condendis circa Matrimonium contrahendum legibus jurisdictionis suæ fines transfussisse. In conditis circa Matrimonium jam contractum legibus cum lege Evangelica pugnari potest, in condendis circa Matrimonium contrahendum legibus cum

lege Evangelica pugnari raro potest. Exemplum sit in consanguinitatis impedimentum, quod Theodosius lege lata posuit. Imperatores de sua in Matrimonium hoc vel illo modo contrahendum potestate secuti eam ad contractum Matrimonium hoc vel illo modo dissolvendum produxerunt; libenter, & hoc libentius, quod ab Episcopis, & a Conciliis minime coartguerentur. Huc omnino spectant, quæ in articuli 1. cap. x1. Celestinus I. Leo I. Hilarus; Felix III. Gregorius I. Leo II. Gregorius V. II. & Paschalis II. de pertinaci in rebus huiusmodi silentio pronuntiarunt. Hic Canisius adversa venatur Delia: inde regalis confirmatur potestas, vnde eam infirmari voluit. Consilium malum semper fuit consultori pessimum.

¶ II. In pagina xv. cum sæculi Principes de matrimonialibus causis iudicasse objicitur, respondet id probare tantum, *quid Principes fecerint de facto, non quid de jure. At in ea questione versamur, quid de jure possint Principes.* Sed auctor istud nec probat, nec probare potest, nisi manifesta petitione principii, quæ vitiosa prorsus est disputandi ratio. Id autem de jure possunt Principes, quod illis laudati in articuli 1. cap. 1. II. III. IV. V. VI. VII. VIII. IX. & in articuli II. capite 11. Theologi vindicarunt. Quæ ad Matrimonii impedimenta & contractum pertinent, naturalis ex se sunt ordinis, & eam ob causam materia civilium legum, quas tulerunt olim, hodieque Principes ferre possunt.

VIII. In pagina xvii. dicit: *Quod vero Ecclesia nonnullas Principum leges sive constitutiones in causis Matrimoniorum retineat, velut in cognatione legali, id non auctoritate Principum fit, sed ex benignitate & approbatione Ecclesie, cum videat eas a Christianis moribus non abhorre.* Perpetua est principii petitio, & ludus præterea in nomine Ecclesie, quod significatus complures habet. Ecclesia, qua Clericorum cœtus est, Principum constitutiones in causis Matrimoniorum retinet, vt in causis venditionis & emptionis retinet, non dando vim illis constitutionibus, sed iis utendo, cum vti necesse est ad finem imponendum causis, quæ de Matrimoniis occurrunt, vt vidimus in articuli 1. capite x11. & in articuli II. capite VII. Auct

nescit auctor quid arguatur, aut sibi sumit, Ecclesiam, quæ Clericorum cætus est, directam in temporalia potestatem habere. Quod si sibi sumat, falsum sibi sumit. Id tamen significat, cum ait, legalem cognationem, quæ impedimentum est dirimens, non ex Principum auctoritate, sed ex benignitate & approbatione Ecclesiæ dirimentis Matrimonium impedimenti vim habere. Sed istud nec probat, nec probare potest, etiamsi politico statui injuriosa videatur & sit assertio. Quid enim magis ad civilem statum pertinet, quam impedimentum legalis cognationis, quæ ab ipsis Principum legibus sortitur nomen, & legalis appellatur? Id tamen non obstat quominus hic auctor scribat legalis cognationis impedimentum suam non a regno, sed a Sacerdotio vim repetere. Confidentiore in scribendo & audacior in videri neminem.

IX. In pagina xix. dicit: *Principes de connubiali contractu tulerunt olim leges, quid tum? sed jure eos tulisse demonstrandum est.* Demonstrant Theologi in articuli i. capite i. & sequentibus, & in articuli ii. capite i. laudati, & iis demonstrant rationibus quas debuit Canisius diluere, sed non diluit, & nihilominus audet scribere, *demonstrandum est.* Quæ dissimulatio? quæ confidentia?

X. In pagina eadem dicit: *Antiquissimi Pontifices usque ad illos, qui tempore Caroli Magni Gothorum & Longobardorum Ecclesiam administrarunt, responderunt de causis matrimonialibus ut iudices, & Decreta ediderunt, ut legistatores.* Ad illos igitur potius ascendendum est hanc curam pertinere, quam ad Principes politicos. Antecedens probatur ex divo Paulo i. Corinth. vii. & ex canone Apostolorum quinto supra a me citato, ex canone De propinquis, can. Quo propria xxv. q. i. ex can. Consanguineos xxv. q. vi. qui omnes sunt Fabiani S. Pontificis in re matrimoniali, ex canone Presbyter dist. xxviii. ex canone De his xxxi. q. i. qui sunt Concilii Neocæsariensis; ex canone Aliter xxx. q. v. qui canon est Evagrii Pape: quæ benevolus lector inveniet fuisse apud Gratianum. Canisius matrimoniales causas omnes hinc confundit, inde nullum veri ac falsi discrimen gerit, ut nisi cuncta, certe aliquid ad propositum dixisse videatur. Expendamus singula.

Et primo quidem, ad matrimoniales causas, de quibus agitur, quid beati Pauli epistolæ prioris ad Corinthios caput VII. attinet? De quibus autem scripsisti mihi: Bonum est homini mulierem non tangere, propter fornicationem autem unusquisque suam uxorem habeat, & cetera, quæ nec ad Matrimonii contractum, nec ad leges, quibus Matrimonii contractum dirigitur, referri possunt. Hoc exponere, Canisium nescite quid scribat, ostendisse est.

Deinde idem dicendum est de Apostolorum canone V. qui sic se habet: *Reliqua poma omnia ad domum primitiæ Episcopo & Presbyteris dirigantur, nec offerantur in altari. Certum est autem, quod Episcopi & Presbyteri dividant & Diaconi & reliqui Clerici.* An major dati posset *vinculus* & Citate forsan voluit canonem VI. qui est ejusmodi: *Episcopus aut Presbyter uxorem propriam nequaquam sub obtentu religionis abiciat; si vero rejecerit, excommunicetur; sed etsi perseveraverit, deiciatur.* Sicce hoc canone tanguntur vel matrimoniales contractus, vel impedimenta, quibus illi dirimantur? Canisius similis est illi Atheniensi viro credenti suas esse naves illas omnes quæ ad Piræum appellebant.

Tum laudatur canon *De propinquis*: *De propinquis qui ad affinitatem per virum & uxorem veniunt, defuncta uxore vel viro, in quinta generatione conjunguntur in quarta, si inventi fuerint, non separentur; in tertia vero propinquitate non licet uxorem alterius recipere post obitum ejus: equaliter vir conjungatur in Matrimonio cum quæ sibi consanguinea, & uxoris suæ consanguineis post mortem suæ uxoris.* Gratianus verba hæc vel Fabiano subjecit, vel ab eo, qui subjecerit, accepit, cum in nulla trium epistolarum, quæ huic Pontifici suppositæ sunt, repetiantur. sic & de ceteris quæ Fabiano attribuit. Potro autem nosse debuerat ea quæ ad consanguinitatis gradus pertinent longe posteriora esse Theodosio seniore, qui primus legem de consobrinis non jungendis Matrimonio tulit, Fabianus anno CCLII. vitam deposuit, & Theodosius cœpit anno CCCLXXIX. Imperii habenas tenere.

Hinc laudantur canones duo Neocæsariensis Concilii, qui



lic se habent: *Presbyter. si uxorem acceperit, ab ordine deponatur; si vero fornicatus fuerit, aut adulterium perpetraverit, amplius pellicari potest, & ad penitentiam redigi.*

*De his qui in plurimas nuptias inciderunt, & tempus quidem prefixum manifestum, sed consolatio eorum & fides tempus abbreviat.*

In canone *Presbyter* contractum a *Presbytero* conjugium non rescinditur, quia *Presbyterium* nondum erat impedimentum, quo *Presbyter* ad contrahendum *Matrimonium* inhabilis redditur; ac inhabilitas hujusmodi ex objecto, sine & circumstantiis juri Principum deputatur. Sic *Neocaesariensis Synodus* *Presbyteri* *Matrimonium* minime rescindit, sed *Presbyterum* ab ordine suo removendum esse censet. Quo pacto *Synodus* causae *Canisii* nocet, si quod capiendum est, caperet.

Canon *De his* ad rem minime spectat, cum ibi de latis ad incundum conjugium legibus, aut de impedimentis non agatur. Agitur de observanda conversatione eorum, qui plures subinde nuptias inierunt.

Postremo laudatur canon *Evaristi*, & ita se habet: *Aliter non sit conjugium, nisi ab his, qui super ipsam feminam dominationem videntur habere, & a quibus custoditur; uxor petatur, & a parentibus aut propinquiorebus sponsetur, legibus doceatur, & suo tempore sacerdotaliter, ut mos est, cum precibus & oblationibus a sacerdote benedicatur, & a paranympis, ut consuetudo docet, custodita & confociata, a proximis tempore congruo petita legibus doceatur, & solenniter accipiantur, & biduo vel triduo orationibus vacent, & castitatem custodiant.* Hæc desumpta sunt ex *Evaristi* epistola prima, quæ omnino subditiua est. Impostoris ignorantiam prodit consularis nota hæc: *Data ix. Calend. Aprilis, Valente & Vetere viris clariss. Coss.* Nam in *Evaristi* Pontificatu toto nusquam comparent *Valens* & *Vetus* Consules; reperitur quidem *Vetus*, sed *Æliano* junctus. In *Ecclesiasticis* annalibus *Clementis* annum sextum consignant *Valens* & antistitus *Vetus* Consules, quos impostor ad *Evaristi* annum VII. devocavit.

Deinde *Gratianus* detraxit membrum vnum, quod fraudem



dem omnium oculis subjecit; restituendum est ita: *Similiter custoditum & traditum habemus, ut uxor legitime jungatur. Ali- ter enim legitimum, ut a Patribus acceperimus, & a sanctis Aposto- lis eorumque successoribus traditum invenimus, non sit conjugium, & cetera, ut supra.* Siccine locutum credemus Evaristum, qui anno Christi cxx. excessit? Quinam sunt illi Patres, quinam Apostoli, quinam Apostolorum successores id tradi- derunt? Et sane non miror, Joannem Contium in cap. *Ali- ter* notasse Evaristi decreta sibi videri supposititia. Sed mi- nor, cur Canisius non observaverit, Evaristum in epistola sua, quid ex præscripto juris civilis, non quid ex juris Pontificii re- gulis factum vel faciendum sit, exponere: quo nihil est præju- diciis Cæsarii magis contrarium. Hic auctor arma contra se subministrat.

Præterea non satis accurate loquitur, cum Decreta Ponti- ficum canones appellat, non appellaturus, si legisset Photiani Nomocanonis caput iv. *Quod non ab uno Episcopo, sed a com- muni Episcoporum cætu canones promulgentur. Basilii canon xli. VII. circa finem, & Gregorii Nyssæ vi. circa medium.* Id Fa- cundus Hermianensis Episcopus confirmat in libri xli. pro- defensione trium capitulorum capite xli. *Canones, inquit, constituere, non nisi multis & in unum congregatis primi ordinis Sacerdotibus, non licet.* Hæc ille, qui medius inter Basilium & Photium vixit.

xli. In pagina xxli. & xxliii. *Quod autem sanctus Au- gustinus citat & probat legem quandam Antonini Imperatoris, qua vetat, ne maritus adulter adulteræ uxorem accuset, vel, ut ambo damnentur, si ambos pariter impudicos consiliatus ipse convixerit, id non indicio est, Episcopos Imperatori consiliarios aut assessores esse; sed recte Episcopos hujusmodi leges comprobare.* Nec enim inviti fatemur posse Principem secularem in re spirituali & Ecclesiastica ad coercendum ejus abusum, & retinendam civilem disciplinam, juxta dispositionem canonum, pœnam adficere. Nunc inspicien- dum est paullo diligentius, num Ecclesiæ magister Imperatorem Antoninum usurpatæ in Matrimonium jurisdictionis accuset, & omnem ei circa Matrimonium, quia Sacramen- tum est, quia res sacra est, potestatem abjudicet. Beati Augu-

fini adscribo verba e libri 11. de adulterinis conjugii capite VII. *Sed cum hac eis dicimus, non solum nihil volunt detrabere se veritati, sed irascuntur insuper veritati, & loquuntur atque respondent: Sed nos viri sumus. An vero sexus nostri dignitas hanc sustinebit injuriam, ut cum aliis feminis præter uxores nostras si quid admittimus, in luendis penis mulieribus comparemur? Quasi non propterea magis debeant illicitas concupiscentias viriliter frenare, quia viri sunt: quasi non propterea magis debeant mulieribus suis ad virtutis hujus exemplum se præbere, quia viri sunt: quasi non propterea minus debeant a libidine superari, quia viri sunt: quasi non propterea minus debeant lascivienti carni servare, quia viri sunt? & tamen indignantur, si audiant adulteros viros pendere similes adulteris feminis pœnas, cum tanto gravius eos puniri oportuerit, quanto magis ad eos pertinet virtute vincere, & exemplo regere feminas. Christianis equidem loquor, qui fideliter audiunt, caput mulieris vir, ubi se agnoscunt duces, illas autem comites esse debere: & ideo cavendum est viro illac ire vivendo, qui timet ne uxor sequatur imitando. Sed isti quibus displicet, ut inter virum & uxorem par pudicitie forma servetur, & potius eligunt, maximeque in hac causa, mundi legibus subditi esse quam Christi, quoniam jura forensia, non eisdem quibus feminas pudicitia nexibus viros videntur obstringere. Legant quid Imperator Antoninus, non vsique Christianus, de hac re constituerit, ubi maritus uxorem de adulterii crimine accusare non sinitur, cui moribus suis non præbuit castitatis exemplum, ita ut ambo damnentur, si ambos pariter impudicos confictus conviceris. nam supradicti Imperatoris verba sunt, qua apud Gregorianum leguntur: Sane, inquit, mea litera nulla parte causæ præjudicabit. Neque enim, si penes te culpa fuit, ut Matrimonium solveretur, & secundum legem Iuliam Eupasia uxor tua nuberet, propter hoc rescriptum meum adulterii damnata eris, nisi constet esse commissum. Habebunt autem ante oculos hoc inquirere, an cum tu pudice vivere, illi quoque bonos mores colendi auctor fuisti: periniquum enim mihi videtur esse, ut pudicitiam vir ab uxore exigat, quam ipse non exhibet. Qua res potest & virum damnare, non ob compensationem mutui criminis rem inter utramque componere, vel causam facti tollere, si hac observanda sunt propter decus terrena*

*civitatibus, quanto castiores quarit celestis patria & societas angelorum? Hic beatus Augustinus non tergiversatur, ut etiam tergiversati vellet Canisius. Imperatoris quamlibet ethnici legem non repudiat, sed honorifice laudat, & ad regendos Christianorum motes assumit. Quod si verum est in iis, quæ Matrimonii contractum sequuntur, multo verius erit in iis, quæ & antecedunt eundem Matrimonii contractum, quales sunt leges, quæ Matrimonium vel dirimunt, vel quæ etiam Matrimonium in ratione civilis contractus, constabunt.*

*xi. In pagina LXIV. Potestas Imperatorum ethnicorum ideo extendebat se etiam ad Matrimonium ethnicorum, quod apud eos Matrimonium non nisi contractus quidam civilis esset, non aliter quam exemptio, venditio, &c. At apud Christianos Matrimonium Sacramentum est ex institutione Christi; unde ad aliud tribunal recte translatum est: quo quidem ipso imminuta non nihil remansit. potestas successorum respectu antecessorum; siquidem hi habuerunt aliquid juris in contractum Matrimonii, in quem posterioribus propter Sacramentum nihil relictum est. Hoc gratis enunciatur, & sine ratione, quæ ex duobus veræ Theologiæ principiis, Scripturarum auctoritate, & Catholicæ Ecclesiæ traditione, vel saltem ex duobus sacerdotalis juris principiis, sacris nimirum canonibus, & Sedis Apostolicæ decretis ex iisdem canonibus promulgatis comparanda esset. Canisius de neutro cogitat, ratus, opinor, suam sibi ad præsidium assertionis auctoritatem sufficere. Sed quidquid tam confidenter sibi sumit, ab omnibus dissipatum est Theologis, quorum sententias & sententiarum rationes in articuli 1. capite 1. & insequentibus, & in articuli 11. capite 11. protulimus.*

*xii. In eadem pagina: Duas potestates complectitur fides seu religio Christiana; alteram politicam, alteram Ecclesiasticam: illa rebus profanis & civilibus, hæc sacris & spiritualibus præest. Cum ergo ea res, quæ antea profana erat, ex Christi instituto relata est in classem spiritualium, necesse est, deciderit aliquid potestati politice, & ad angustiores terminos, quam antea, redacta sit: & eatenus potestas imminuta aliquo modo censetur, dum Matrimonii dispositio & iudicium illi subtrahitur, & Ecclesiastico Magistratui applicatur. Recte quidem dicit politicam potestatem rebus*

profanis & civilibus præesse. At Matrimonium priusquam intelligatur Sacramentum, debet existere vt civilis contractus: non potest autem vt civilis contractus existere, nisi conuenienter latis de contrahendo Matrimonio legibus fiat. quo in eventu Matrimonium, qua civilis contractus est, totum Principum auctoritati subijcitur, nec contractus civilis naturam mutat accedens Sacramenti ratio. Recte quoque dicit Ecclesiasticam seu sacerdotalem potestatem rebus sacris & spiritualibus præesse; sic præest Matrimonio qua Sacramentum est, & controversiis omnibus, quæ ex Sacramento tali progerminant. Judicat de partibus Sacramenti, materia & forma; judicat de dispositionibus, quæ ad Sacramentum digne suscipiendum requiruntur; judicat num Matrimonium, vt in nova, sic & antiqua lege Sacramentum habitum fuerit. In summa, vt politica potestas de Matrimonii contractu, & de iis quæ Matrimonii contractum civilem antecedunt, comitantur per se & subsequuntur. Judicat: sic & sacerdotalis potestas de Matrimonio, quatenus Sacramentum est, & de rebus, quæ ad Sacramentum tale spectant, judicat.

Quidquid vero subjungit Canisius, antiquitati ignotum est vniuersæ. Tractator Ecclesiæ nullus est, qui per annos a Christo plusquam mille similia iis quæ heic ille dicit, in se receperit: & sic qua facilitate asseruntur, eadem & negantur.

XIV. In pagina LXIV. & LXV. *Falsum est vel Philippum, vel Constantinum plenum jus imperii retinuisse, hoc est, omnem illam potestatem sibi vendicasse, quam exercuerunt ethnici Imperatores. Extant quidem de Matrimonio dua constitutiones Philippi sub tit. Cod. de interdicto Matrimonio; sed quas ipse tulit, cum nondum Christianus esset, vel ad rogationem ethnicorum, de quorum Matrimonio agebatur: argumento est, quod is imperaverit tempore Fabiani Pontificis, cujus Decreta de Matrimonio extant apud Gratianum, quæ utique non tulisset Fabianus vir sanctus, si jus condendi leges matrimoniales pertinere ad Imperatorem existimasset. Quod falsum esse dicit auctor, falsum esse desinit, cum idonea non suppetit probatio, quam nec obijciunt, nec possunt obijcere supposititia Fabiani Papæ Decreta.*

Hæc si extent apud Gratianum, satis esse putat ille, ut pro veris ducantur.

xv. In pagina Lxxvii. *Potest summus Pontifex inconsulto Magistratu politico ordinare aliqua circa Matrimonium præter illa, quæ jus nature aut Christus tradidit, quia illi in beato Petro dictum est: Quodcumque solveris super terram. At Benedictus quidam Papa in appendice Lateranensis Concilii III. titulo de sponsalibus cap. xxviii. Canisio sic contradicit: Cur prohibeam, inquit, quod prohibitum nunquam sacra Scriptura declaravit; sed neque mundana leges connumeratis personis, quibus inter se nuptias contrahere non licet, de hujusmodi aliquid dicunt negotio?* Hæc laudantur in articuli 1. capite xiii. Deinde cum Scripturæ verba transfert ad ferendas leges de contractu Matrimonii obsequium tacitus detrahet Tridentinæ Synodo, quæ contra similes Scripturæ interpretes sic decernit in sess. lv. *Præterea ad coercenda petulantia ingenia decernit, ut nemo sua prudentia innixus in rebus fidei & morum ad adificationem doctrinæ Christianæ pertinentium sacram Scripturam ad suos sensus contorquens contra eum sensum, quem tenuit & tenet sancta mater Ecclesia, cujus est judicare de vero sensu & interpretatione Scripturarum sanctarum, aut etiam contra unanimem consensum Patrum ipsam Scripturam sacram interpretari audeat, etiamsi hujusmodi interpretationes nullo unquam tempore in lucem edenda forent. Qui contravenerint, per ordinarios declarentur, & pœnis a jure statutis puniantur.* Profecto censendus est auctor suum ad sensum contorquere Scripturæ verba, quæ nullus unquam sanctorum Patrum de ferendis a Romano Pontifice circa Matrimonii contractum legibus intellexit. Auctoris crimen ex eo augetur, quod sessionis illius Decretum in formulam professionis fidei transierit. *Item sacram Scripturam juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, admissio, nec iam unquam, nisi juxta unanimem consensum Patrum, accipiam & interpretabor.* Hunc articulum professionis fidei Canisius neglexit.

Tum demum Sophisticem exercet, dum vsus illis Scripturæ verbis fallaciam accidentis committit, a non distributo

scilicet ad distributum concludens: quo fallaciae genere nec Romanus Pontifex, nec vniversus ordo Sacerdotum indiget, vel indigebit vnquam; & qui indigere pugnaret, de Romano Pontifice, & de vniverso ordine Sacerdotum tam male mereretur, quam qui maxime. Id autem vitii genus, vt vitetur, servanda est regula Tridentini Concilii.

XVI. In pagina LXXVII. & LXXVIII. viam aperit funditus evertendi quidquid in opere suo toto scripsit, respondens argumento sequenti: *Principes possunt ferre leges de bonis moribus & virtutibus, item de vitiis & peccatis oppositis: ergo etiam de Matrimonio. Probatur consequentia. Quia virtutes & peccata virtutibus opposita, sunt res spirituales, imo magis videntur spirituales, quam alia nonnulla, quarum notionem Ecclesiastici sibi vindicant: ergo quod Matrimonium spirituale sit, non obstabit quominus secularis Princeps de eo possit cognoscere. Respondetur: Matrimonium, vt Sacramentum, est res spiritualis, quia gratiam confert, ad id a Christo institutum, quamvis & significet spirituales illam conjunctionem Christi cum Ecclesia, juxta illud divi Pauli: Sacramentum hoc magnum est: ego autem dico in Christo & in Ecclesia; virutes vero & vitia res natura sua spirituales sunt, & eatenus considerantur a politico Magistratu, quatenus principaliter conservant vel destruunt bonum civile, cuius ille administer est: non vero vt sunt res quatenus promouent vel impediunt aeternam beatitudinem. Sic dicimus de Matrimonio. Nam illud eatenus consideratur a politico Magistratu, quatenus principaliter conservat bonum civile, si rite contrahatur; vel destruit bonum civile, si non rite contrahatur. Civilis autem boni administrum esse politicum Magistratum quis ignorat? Sed Matrimonium non consideratur a politico Magistratu, quatenus Sacramentum est, & quatenus promouet aeternam beatitudinem, si dum celebratur contra leges non peccetur; vel quatenus impedit aeternam beatitudinem, si dum celebratur contra leges, peccetur. Cum autem Canisius subiungit: *At gratia illa, qua Matrimonio inest, cum supernaturalis sit, merito efficit, vt Matrimonii dispositio & controversiae ad Ecclesiam (id est, Sacerdotum) iudicium spectent.* Ad solitum se recipit perfunctum, quod in manifesta principii petitione consistit. Pra-*

tetea ignoranter contendit, vt prius a posteriori pendeat; nempe vt Matrimonii, quod est civilis contractus, dispositio pendeat a gratia, quæ a Matrimonio, quatenus Sacramentum est, proficiscitur.

Hæc habui, quæ ad Hentici Canisii de causis matrimonialibus commentarios disserterem, etiamsi tam multa disserere necessarium non esset. Nam quidquid habet solidi vel expressi, (si quid tamen habeat) extat apud Pontium, Hurta- dum, Dianam & Silvium, quorum scripta superiori capite excussimus & confutavimus. Verum quia plerique juris antecessores parum sunt æqui hac in materia, manus cum Canisio conferere volui, ne quis illorum de me quæretetur. Libenter tamen dicam quod sentio, quæstionem hanc, cum de jure agitur, ad Theologos multo magis quam ad Jurisconsultos pertinere.

## CAPUT XI.

*Retractantur dicta quorundam auctorum, qui veteris legis Matrimonio Sacramenti nomen ac dignitatem abjudicant.*

CAVSÆ sunt omnino mihi tres, cur id aggrediar, quod capitis titulus importat. Primum, vt rei hujus sua qualifcunque ea sit, ex traditione Patrum constet veritas. Deinde, vt errasse se agnoscant, qui docent Principes potuisse ante novam legem impedimenta Matrimonium dirimentia constituere; non potuisse vero ex quo lex nova a Christo instituta est, & Matrimonium cœpit Ecclesiæ Sacramentis adnumerari. Denique, vt lectores moneam me supra quibusdam in locis disputasse ad hominem, dum nonnullos auctores ex suis principiis redargui, & eum illis ponere volui, quod volebant; nempe Matrimonium jamjam primum in nova lege Sacramenti nomen & dignitatem habuisse. Sic cum aliis pugnans, mecum ipse pugnare non videbor.



Hic necesse non est repetere illorum auctorum verba, quæ cum in aliis, tum præsertim in tribus proximis capitibus legi facile possunt. Sed nunc expedienda est traditio Patrum, qui veteris legis Matrimonium Sacramenti nomine dignantur.

Tertullianus traditionis initium dabit in libri de anima, capite XI. *Nam esse Adam statim prophetavit magnum illud Sacramentum in Christum & Ecclesiam: Hoc nunc os ex ossibus meis, & caro ex carne mea; propter hoc relinquet homo patrem & matrem, & adglutinetur se uxori suæ, & erunt duo in carnem unam.*

Deinde in ejusdem libri capite XXI. *Si quia prophetavit (Adam) magnum illud Sacramentum in Christum & Ecclesiam: Hoc os ex ossibus meis, & caro ex carne mea, propter hoc relinquet homo patrem & matrem, & adglutinetur se uxori suæ, & erunt duo in carnem unam.*

Tum in libri V. contra Marcionem capite XVI. *Habet similitudo cum veritate honoris consortium. Laborabo ego nunc eundem Deum probare masculi & Christi, mulieris & Ecclesie, carnis & spiritus; ipso Apostolo sententiam Creatoris adhibente, immo & dissidente: Propter hoc relinquet homo patrem & matrem, & erunt duo in carnem unam. Sacramentum hoc magnum est. Sufficit inter ista, si Creatoris magna sunt apud Apostolum Sacramenta; minima apud hæreticos. Sed ego autem dico, inquit, in Christum & Ecclesiam. Habet interpretationem, non separationem Sacramenti. Ostendit figuram Sacramenti ab eo præministratam, cujus erat utique Sacramentum.*

Denique in libri de exhortatione castitatis capite V. *Denique, Erunt duo, inquit, in carne una; non tres, neque quatuor: alioquin jam non una caro, nec duo in unam carnem. Tunc erunt, si conjunctio & concretio in unitatem semel fiat; si vero rursus aut sapius, jam una esse desit, & erunt non duo in unam carnem, sed una plane costa in plures. At quam Apostolus in Ecclesiam & Christum interpretatur: Erunt duo in unam carnem; secundum spirituales nuptias Ecclesie & Christi. Unus enim Christus, & una ejus Ecclesia: agnoscere debemus duplicatam & exaggeratam esse nobis unius Matrimonii legem tam secundum generis fundamentum, quam secundum Christi Sacramentum. De uno Matrimonio*



*trimonio censetur utrobique, & carnaliter in Adam, & spiritaliter in Christo. Tertullianus aperte frequenter & perseveranter veteris legis Matrimonium Sacramentum appellat, & cur appellet, exponit.*

Beatus Hieronymus in caput v. epistolæ ad Ephesios: *Sacramentum hoc magnum in presenti loco ponitur, id est, propter hoc relinquet homo patrem suum & matrem suam, & adhaerebit uxori suæ, & erant duo in carne una. Primus enim homo, & primus vates Adam, hic de Christo & de Ecclesia prophetavit, quod reliqueris Dominus noster atque Salvator patrem suum Deum, & matrem suam caelestem, & veneris ad terras propter suum corpus Ecclesiæ, & de suo eam latere fabricatus sit, & propter illam Verbum caro factum sit. Et quia non omnia æqualia Sacramenta sunt, sed est aliud Sacramentum majus, & aliud minus; propterea nunc dicit: Sacramentum hoc magnum est. De veteris Testamenti Matrimonio loquitur, quod Sacramentum nominat.*

Sanctus Augustinus in libri de bono conjugali capite xiii. *Illis vero temporibus cum ad hoc prophetis Sacramentis saturis nostra mysterium velabatur, etiam qui ante nuptias tales erant, officio propagandi nuptias copulabant, non victi libidine, sed ducti pietate.*

Deinde in ejusdem libri capite xviii. *Ergo sicut Sacramentum pluralium nuptiarum illius temporis significavit futuram multitudinem Deo subiectam in terrenis omnibus gentibus; sic Sacramentum nuptiarum singularum nostri temporis significat unitatem omnium nostrum subiectam Deo futuram in una caelesti civitate. Hæc autem comparatio Sacramenti nomen & honorem ita defigit in veteris Testamenti Matrimonio, ut inde refigi non possit.*

Deinde in ejusdem libri capite xxiv. *Bonum igitur nuptiarum per omnes gentes atque omnes homines in causa generandi est, & in fide castitatis: quod autem ad populum Dei pertinet, etiam in sanctitate Sacramenti, per quam nefas est etiam repudio discedentem alteri nubere, dum vir ejus vivis, nec saltem ipsa causa pariendi.*

Tum in libri ix. de Genesi ad litteram capite vii. *Neque*

enim quia incontinentia malum est, ideo connubium; vel quo incontinentes copulantur, non est bonum: imo vero non propter illud malum, culpabile est hoc bonum: sed propter hoc bonum, veniale est illud malum: quoniam id quod bonum habent nuptia, & quod bona sint nuptia, peccatum esse nunquam potest. Hoc autem tripartitum est, fides, proles, Sacramentum. In fide attenditur, ne præter vinculum conjugale cum altero vel altera concumbatur. In prole, ut amanter suscipiatur, benigne nutriatur, & religiose educetur. In Sacramento autem, ut conjugium non separetur, & dimissus aut dimissa, nec causa prolis, alteri jungatur. Tria hæc in omni Matrimonio sive antiquæ, sive novæ legis recipiuntur.

Leo I. in epistola xcii. ad Rusticum Narbonensem Episcopum, capite i v. *Non omni mulier jancta viro uxor est viri, quia nec omnis filius heres est patris.* Nuptiarum autem fœdera inter ingenuos sunt legitima & inter aequales, multo prius hoc ipsum Domino constituyente, quam initium Romani juris existeret. Itaque aliud est uxor, aliud concubina: sicut aliud ancilla, aliud libera. Propter quod etiam Apostolus ad manifestandam harum personarum discretionem testimonium ponit ex Genesi, ubi dicitur Abrahæ: *Ejice ancillam & filium ejus.* Non enim heres erit filius ancille cum filio libere, tunc cum societas nuptiarum ita ab initio constituta sit, ut præter sexuum conjunctionem haberet in se Christi & Ecclesiæ Sacramentum: dubium non est eam mulierem non pertinere ad Matrimonium, in qua non docetur nuptiale fuisse mysterium. Quod Matrimonium ab initio Sacramentum fuit, id perinde tradit Pontifex, quasi nulla tunc temporis inter Ecclesiasticos tractatores foret dubitatio.

Hinemarus Remensis Episcopus Leonem sequitur, dum in opusculo de divortio Lotharii & Tetbergæ Leonis testimonium in epistola ad Rusticum Narbonensem Episcopum describit, & describendo ac probando suum facit: *Quia vero,* inquit, *secundas nuptias non damnamus, immo recipimus, aliud genus conjugii, & Apostolo docente suscipimus, & sancto Leone Papa in Decretis ad Rusticum Narbonensem Episcopum, qualiter iniri debeant monstrante cognoscimus.* Ait enim capite xvi. *Non omnis, inquit, mulier viro juncta, uxor est viri, quia nec*

omnis filius heres est patris: nuptiarum autem sœdera inter ingenuos sunt legitima, & inter aequales, multo prius hoc ipsum Domino constituyente, quam initium Romani juris existeret. Itaque aliud est uxor, aliud concubina: sicut aliud est ancilla, aliud libera. Propter quod etiam Apostolus ad manifestandam haram personarum discretionem testimonium ponit ex Genesi, ubi dicitur Abrahæ: Ejice ancillam & filium ejus. Non enim heres erit filius ancillæ cum filio meo Isaac. Unde cum societas nuptiarum ita ab initio constituta sit, ut præter sexuum conjunctionem haberet in se Christi & Ecclesia Sacramentum: dubium non est eam mulierem non pertinere ad Matrimonium, in qua docetur nuptiale non fuisse mysterium.

Magister sententiarum in libri iv. dist. xxvi. Cum alia, inquit, Sacramenta post peccatum & propter peccatum exordium sumpserint, Matrimonii Sacramentum etiam ante peccatum legitur institutum a Domino, non tamen ad remedium, sed ad officium. Refert enim Scriptura, Genes. in Adam misso sapore, atque una de costis ejus sumpta, & exinde muliere formata viram in spiritu intelligentem; ad quem usum mulier facta esset, post easdem prophetice dixisse: Hoc nunc os ex ossibus meis, & caro de carne mea; propter hoc relinquet homo patrem & matrem, & adhaerebit uxori suæ, & erunt duo in carne una. Et quibusdam interpositis: Cum ergo conjugium Sacramentum sit, & sacrum signum est & sacra rei, scilicet conjunctionis Christi & Ecclesia, sicut ait Apostolus. Scriptum est, inquit: Relinquet homo patrem & matrem, & adhaerebit uxori suæ, & erunt duo in carne una. Sacramentum hoc magnum est: ego autem dico in Christo & in Ecclesia.

Hugo Rotomagensis Episcopus in libri iii. contra hæreticos sui temporis capite iv. Est etiam in conjugio Sacramentum, si singulare manserit, quod est unum. Sacramentum hoc, dicit Apostolus, quia magnum est in Christo & in Ecclesia unitate singulari atque perpetua. Conjugium namque Christi & Ecclesia unum & singulare caput quidem ex tempore, sed permanet in æternitate. Ab exordio rerum, ab origine temporum formata legitur mulier de viri costa. Et post pauca: Data est in paradiso lex ista conjugii, quod extra paradysum etiam post peccatum rata permansit. Et post alia: Lex ista conjugii tam justa & tam sancta est,

*ut etiam ipse mundi conditor, ipse humani generis redemptor, cum caro fieret, non ex virgine simplici, sed ex sponsa concipi & nasci voluerit. Hæc lumine suo splendescunt.*

Alanus insignis Theologus in libro i. contra Waldenses: Sacramentum conjugii in paradiso institutum est a Deo, quando formavit mulierem de costa viri, instituens unam esse unius. tunc ipse ait: Crescite & multiplicamini. Ad Sacramentum conjugii etiam commendandum Christus voluit de conjugata nasci, & ad idem commendandum interfuit nuptiis. Et paullo post: In hoc maxime apparet misericordia Dei effectus, quod Sacramento conjugii iusti Deo ad hoc, ut qui continentis esse non poterant, a peccato continentia excusarentur.

Innocentius III. in libri xi. epistola cccxix. ubi de divortio inter Mariam Aragoniæ Reginam, & Petrum Aragoniæ Regem: Licet igitur inter alios mundi Principes prædictum Regem, sicut opera ipsa declarant, amplectamur specialis dilectionis affectu, & ad personam ipsius honorem & commodum aspiremus: ubi tamen ad iudicii pervenitur examen, in quo nec respicere pauperem, nec potentis vultum honorare permittitur, nullam ei vel aliis gratiam facere possumus aut debemus, maxime ubi agitur de Matrimonii Sacramento, quod ante peccatum in paradiso a Domino institutum, præter propagationis humani generis fructum, illud ineffabile Sacramentum, conjunctionis Christi videlicet ad sanctam Ecclesiam, Dei ad fidelem animam, & ipsius Verbi ad humanam naturam noscitur figurare, Apostolo testante, qui de bono Matrimonii agens, inquit: Ego autem dico magnum in Christo & Ecclesia Sacramentum.

Deinde in lib. i v. Decretalium tit. xix. de divortii cap. viii. Tiberiadensi Episcopo: Gaudemus in Domino. & infra: Utrum pagani uxores accipientes in secundo vel tertio vel ultiori gradu sibi conjunctas, sic conjuncti debeant propter conversionem suam in simul remanere, vel ab invicem separari, edoceri per Sedem Apostolicam postulasti. Super quo taliter respondemus, quod cum Sacramentum conjugii apud fideles & infideles existat, quemadmodum ostendit Apostolus: Si quis frater infidelem habet uxorem, &c. Innocentius aperte & perseveranter asserit Matrimonii Sacramentum non solum in paradiso institutum esse a

REGIA IN MATRIMONIUM POTESTAS. 189  
Deo, sed etiam inter fideles atque infideles existere, idque  
Apostoli testimonio confirmat.

Honorius III. in compilatione v. Decretalium tit. xx. de  
transactionibus cap. i. ad Joannem sanctæ Praxedis Presbyter-  
um Card. & Sedis Apostolicæ Legatum: *Utpote conjugii Sa-  
cramentum, quod cum non solum apud Latinos & Græcos, sed  
etiam apud fideles & infideles existat, circa illud a severitate ca-  
nonica recedere non licebit.*

Lucius III. quem potuerunt Innocentius III. & Hono-  
rius III. videre, in cap. *Ad abolendam. de hæreticis*, decernit,  
non licere de Sacramentis aliter sentire vel docere, quam  
quod Romana sentit & docet Ecclesia. Quo fit, ut quæ Pon-  
tifices hi duo de Matrimonii Sacramento docent & sentiunt,  
Romanæ non immerito tribui potest Ecclesiæ. Adscribo verba  
Lucii: *Universos qui de Matrimonio vel reliquis Ecclesiasticis Sa-  
cramentis aliter docere aut sentire non metuant, quam sacrosancta  
Romana Ecclesia prædicat & observat, eos vinculo perpetui anathe-  
matis innodamus.*

Sanctus Bonaventura Innocentii & Honorii Pontificum  
doctrinam amplectitur in parte vi. Breviloquii, cap. xiiii.  
*De Sacramento Matrimonii hoc in summa tenendum est, quod Ma-  
trimonium est legitima conjunctio maris & femine individuum  
visa consuetudinem retinens. Hac autem conjunctio non solum  
fuit post peccatum, verum & ante peccatum; sed prius fuit consti-  
tutum Sacramentum conjugii in officium, nunc autem non solum  
in officium, verumetiam in remedium contra libidinis mortuum:  
prius significat conjunctionem Dei & Ecclesiæ, nunc autem præter  
hac significat conjunctionem Christi & Ecclesiæ, & duarum natu-  
rarum in unitate personæ.*

Richardus de Media-Villa in quartum dist. xxvi. art. iv.  
quæst. ii. Respondeo quod Sacramentum aliquod potest dici novæ  
legis dupliciter. Uno modo, quia primo in nova lege institutum  
fuit, sicut baptismus; & sic Matrimonium non est Sacramentum  
novæ legis: fuit enim institutum ante novam legem. Alio modo,  
quia quamvis fuerit institutum ante novam legem, tunc non ha-  
bens vim conferendi gratiam, in nova lege non est evacuatum,  
sed confirmatum & factum gratiæ causativum; & sic Sacramentum  
est novæ legis.

Aa ij

Petrus de Palude in quartum dist. xxvi. quæst. iv. *Iurista & Magister sententiarum qui dicunt, quod in Matrimonio non confertur gratia, dicunt tamen quod est Sacramentum, & sacratissima rei signum; imo quod excedat alia in ratione signi.*

Eugenius IV. in decreto unionis Armenorum: *Septimum Sacramentum est Matrimonium, quod est signum conjunctionis Christi & Ecclesie, secundum Apostolum.*

Joannes Ragusius ex Ordine Prædicatorum Theologus, in oratione quam de communione sub utraque specie habuit in Basiliensi Concilio. *Quamvis, inquit, Deus in lege nature, quando hoc Matrimonii Sacramentum instituebatur, statuisse, quod unus viri tantummodo esset una uxor, & e converso, prout patet Genesis 11. quando Spiritus sanctus dixit per Adam: Relinquet homo patrem suum & matrem suam, & adhaerebit uxori suae; sequitur: Et erunt duo in carne una. Nihilominus hæc lex mutata fuit in sanctis Patriarchis, ut patet in Lameth, qui primus duas simul uxores habuit: in Abraham similiter & Jacob: in aliis etiam sub lege constitutis, in quibus lex vetus uxorum pluralitatem videtur approbasse. Sed adveniente lege nova, in qua perfectio Evangelica exprimitur, mutata est lex nuptiarum atque Matrimonii, & reducta ad priorem institutionem & honestiorem, ut unus viro, & e converso tantummodo conjungantur in figura Christi & Ecclesie unica sponsæ, de quo Matrimonio ait Apostolus ad Ephesios 4. Sacramentum hoc (Matrimonii) magnum est, dico in Christo & in Ecclesia.*

Felix Hemmerlinus Thuricensis Cantor, & in Decretis Doctor Bononiensis, in tractatu de Matrimonio, quem anno MCCCLVI. edidit. Hoc, inquit, Matrimonii Sacramentum multis est figuris divinis & humanis tam multipliciter glorificatum, ut videatur in gloriosissima virgine Maria cum Ioseph suo curatore, & Elizabeth cum Zacharia, & pluribus sanctis hominibus, & cum timore Domini contractum & solemnizatum.

Atrebatensis Diocesana Synodus, quæ anno MCCCCXC. habita est. Matrimonii, inquit, vinculum ab ipso Ecclesie & verum omnium conditore ipsum in paradiso & statu innocentie instituyente, unionem & indissolubilitatem accepit; & idcirco palam & publice celebretur, ne contractum vinculum inficiari valeat aut negari.

## REGIA IN MATRIMONIUM POTESTAS. 191

Parisiensis Synodus, quæ ad annum MDXV. habita est, de Sacramento Matrimonii: *Antequam peccatum esset, fuit institutum, & causa multiplicanda proli ad evitandum fornicationem, quam noluit propter Matrimonium huiusmodi reputari inter primos; sed tantum honorari voluit Dominus; quod in conjugio nasci voluit, & in Cana Galilea interesse, & magno miraculo decorari, & aquam in vinum converti. Quapropter juxta scripta sancta dicimus hominem relinquere patrem & matrem, & adherere uxori suæ; & e converso cum duo sint in carne una. Item cum conveniat rationi ad Ecclesiam accedere, suæque illis recipere Sacramenta, Matrimonium Sacramentum sacre rei signum, conjunctionis scilicet Christi & Ecclesie, & divinitatis & humanitatis designans perpetuam caritatem, prohibemus, &c.*

Henricus VIII. Angliæ Rex, seu Joannes Roffensis Episcopus sub illius nomine, in assertione septem Sacramentorum, de Sacramento Matrimonii: *Matrimonium Sacramentum omnium primum inter primos homines celebratum, primo Christi miraculo coonestatum, quod propter Sacramenti nomen ipsum tam diu, tam religiose cultum est. Lutherus nunc demum negat esse Sacramentum ullum. Ex paullo post: Matrimonium, inquit Lutherus, erat apud antiquos Patres, erat apud gentiles, & tamen apud neutros Matrimonium erat Sacramentum; cum tamen apud utrosque Matrimonium fuerit, æque verum atque apud nos de Patribus, qui sub lege erant & ante legem. Non accedo Luthero, imo plane censeo Matrimonium fuisse illis Sacramentum, sicut fuit & Circumcisio. De Gentibus alia questio est, &c.*

Senonensis Synodus, quæ anno MDXXIV. celebrata est, de Matrimonio: *Cum Matrimonium ab ipso Ecclesiæ capite rerum omnium conditore ipsum in paradiso & in statu innocentie instituente, unionem & indissolubilitatem acceperit, sique magnum & honorabile Sacramentum; omnibus Matrimonium contrahere volentibus præcipimus, ut ad illius solemnisationem cum magno honore & reverentia jejuni accedant & confessi.*

Carnotensis Synodus, quæ anno MDXXVI. celebrata est, de Matrimonio: *Sacramento Matrimonii ab ipso Deo in signum unionis divine natura & humana in persona sui Filii, conjunctionisque ipsius Christi & Ecclesiæ, ab initio mundi instituti,*



*reverentia & honestas maxima certe debetur.*

Colonienſe Concilium I. quod anno MDXXXVI. celebratum eſt, in part. VII. can. XL. *Dum Matrimonio jungunt Parochi virum & mulierem, docebunt, Matrimonium inſtitutum eſſe a Deo, confirmatum per Chriſtum, ut Genef. 11. & Matthæi XIX. legimus. Quod Sacramentum ſi quis, ſicut decet, acceperit accedente ſacerdotali precatone, confert donum ſpiritus, quo vir diligat uxorem amore caſto, ſicut Chriſtus dilexit Eccleſiam; mulier viciffim propter Chriſtum amet revereturque virum ſuum uti dominum.*

Lemovicenſis Synodus, quæ anno MDLVII. habita eſt, de Sacramentis: *Matrimonium primo inſtitutum eſt ab initio in paradifo, Genefis 1. & 11. & Matthæi XIX.*

Manuale Cameracenſis Eccleſiæ quod anno MDLXII. editum eſt, de Sacramento Matrimonii: *Matrimonium a Deo ab initio cum adhuc primi noſtri parentes in ſtatu eſſent innocentia, inſtitutum. Deinde poſt diluvium iterum ab eo confirmatum, & a Chriſto in novo Teſtamento approbatum, tria nobis repræſentat excellentiſſima myſteria.*

Aurelianenſis Synodus, quæ anno MDLXXXVII. habita eſt, de Sacramento Matrimonii: *Cum rerum opifex omnium Deus optimus maximus, hominem ex luto ſinxiffet, adjuviorum ſibi ſimile (id eſt) uxorem ex ejus latere formatam dedit, ſicque Matrimonium condidit & inſtituit, ut hoc medio genus humanum, alioquin ad interitum tendens, repararetur ac propagaretur in dies, & hilarem ſimul vitam ducerent, tanto amoris nexu conſtituti, alter ab altero extractus, duo erunt in carne una: quod Spiritus Dei cognoscens primus omnium ille parens, Hoc nunc os, inquit, ex offibus meis, & caro ex carne mea; propterea relinquet patrem & matrem, & adheret uxori ſua. Ideo ante legem hoc Sacramentum a Deo inſtitutum, in lege Moſaica confirmatum, & in lege Evangelica predicatum fuiſſe teſtatur.*

Alfonſus a Caſtro Theologus in paucis nominatiſſimus, libro XI. adverſus hæteſes, verbo nuptiæ: *Falſum eſt Matrimonium ſanctorum Patriarcharum non eſſe noſtro judicio Sacramentum. Omnes enim Theologi Catholici concordī ſententia docent Matrimonium illorum ſanctorum viro- rum, qui in lege nature aut Moſi vixerunt, fuiſſe verum Sacramentum: quia cum illi Deo revelante habuerunt fidem Chriſti incarnandi, Matrimonium illorum fuit Sa-*

*cramentum*



*sacramentum conjunctionis, qua Christus & Ecclesia tanquam cum sponsa sua jungendus erat; sicut Matrimonium quod nunc cum fide incarnati Verbi Christi contrahitur, Sacramentum est illius conjunctionis, qua Christus jam conjunctus est cum Ecclesia.*

Bellarminus in libri de Matrimonio capite v. *Non desunt, inquit, Catholici qui admittant Matrimonium non esse Sacramentum proprium novæ legis, sed fuisse in lege veteri, etiam apud Iudeos, & a Christo non tam institutum, quam confirmatum. Ita enim docet Alfonso a Castro lib. xi. contra hæreses, verbo nuptiarum, hæresi 111. Petrus a Soto lect. 11. de Matrimonio, & alii quidam, quorum rationes sunt precipue tres. Prima, quia Apostolus ad Ephes. de conjugio Adam & Evæ dicit: Sacramentum hoc magnum est, &c. Secunda, quia Genes. 1. Deus benedixit conjugio Adami & Evæ: ex quo videtur gratiam signo adjunxisse. Tertia, quia Leo epist. xcii. ad Rusticum dicit nuptias ab initio sic institutas, ut haberent in se Christi & Ecclesiæ Sacramentum. Sed postquam Bellarminus testimonium historicæ veritati dedit, continuo subnectit, non videri sibi quod ista sententia defendere tuto possit, propter Florentinum Concilium, quod Matrimonium Sacramentis novæ legis connumerat, & propter Tridentinam Synodum, quæ & idem facit: quasi vero Bellarminus qui Tridentinæ non interfuit Synodo, Synodi mentem melius cognoverit, quam Alfonso Synodo æqualis, & Sotus, qui ei magna cum eruditionis fama interfuit. Ad Florentinum Concilium quod attinet, Bellarminus in duobus peccat; & primum quidem, quod Florentinum Concilium dicendum non fuit, sed Eugenius IV. in decreto pro unionem Armenorum. Finis erat Concilium, ubi decretum editum est. Deinde Matrimonium potuit esse utriusque legis Sacramentum, licet in nova lege perfectius quam in veteri: quod neque Eugenius, neque Tridentini Patres negarunt unquam. Porro autem Bellarminus non videtur satis versatum fuisse in traditione, quæ Sacramenti Matrimonii doctrinam complectitur.*

Narbonensia Concilia duo. Unum habitum anno MDLI. alterum anno MDCI. x. idem tradunt. Prius sic loquitur in can.

194 REGIA IN MATRIMONIUM POTESTAS.

1. De Sacramento Matrimonii: Cum Matrimonium magnum sit in Christo Iesu & Ecclesia Sacramentum, in cuius & institutionis illius maximum dedecus, permulta quotidie divortia fiant, quod generale Concilium non observetur.

Posterius vero sic: Matrimonium a Deo institutum unionem Christi & Ecclesie perfecte significans; unde magnum Sacramentum est appellatum, licet puritatem denotet.

Sacerdotale Venetenſis Ecclesie, quod anno MDLV. editum est. Matrimonium, ait, est Sacramentum Ecclesie. Et paullo post: Institutum autem fuit in paradiso Matrimonium ante peccatum propter susceptionem prolis.

Reginaldus Polus Cardinalis in oratione de reformatione Angliæ: Septimum est Sacramentum Matrimonii, quod est signum conjunctionis Christi & Ecclesie, secundum Apostolum dicentem: Sacramentum hoc magnum est; ego autem dico in Christo & in Ecclesia.

Huc spectant rituales multarum Ecclesiarum libri, in quibus Missa de sponsalitiis seu nuptiis habetur. Præfatio verba hæc: Deus, qui tam excellenti mysterio conjugalem copulam consecrasti, ut Christi & Ecclesie Sacramentum præsignares in sœdere nuptiarum; continet, quæ non minus ad vetus quam ad novum Testamentum pertinent.

De pluribus paucos notabo.

Ritualem librum Lugdunensis Ecclesie, qui anno MDXLII. & MDLXX. editus est. Præterea in eo qui editus est anno MDXLII. tractatus secundus est, ubi de Sacramento Matrimonii sic traditur: Matrimonium institutum fuit in paradiso terre: stri ante peccatum.

Ritualem librum Rotomagensis Ecclesie, qui editus est anno MDXLIV.

Ritualem librum Turonensis Ecclesie, qui editus est anno MDLXX.

Ritualem librum Senonensis Ecclesie, qui editus est anno MDLV.

Ritualem librum Viennensis Ecclesie, qui editus est anno MD. & MDLXXVII.

Ritualem librum Parisiensis Ecclesie, qui editus est anno

## REGIA IN MATRIMONIUM POTESTAS. 195

MDIV. MDXLI. MDLXXXI. & MDCI.

Ritualem librum Remensis Ecclesiæ, qui ad vsum provincie editus est anno MDLXXXV.

Ritualem librum Bituricensis Ecclesiæ, qui editus est anno MDLXIX. & MDLXXXVIII.

Ritualem librum Tolosanensis Ecclesiæ, qui editus est anno MDXXXVIII. & MDLIII.

Ritualem librum Aquensis Ecclesiæ, qui editus est anno MDLXXVII.

Ritualem librum Urgellitanæ Ecclesiæ, qui anno MDXLVIII. editus est.

Missale Romanum, quod anno MDL. editum est, relata verba semel atque iterum repræsentat. Semel in oratione, quæ post introitum dicitur. Iterum in præfatione Missæ de nuptiis.

Hæc habui, quæ adversus nonnullos auctores, & cum primis Pontium, Hurradum, Dianam, Silvium & Canisium referrem. Igitur perspicue constat illos non satis eruditos in traditione Ecclesiæ, & cum primis Romanæ, cum veteris Testamenti Matrimonio Sacramenti nomen & dignitatem abjudicaverint: deinde cum ante legem Evangelicam in Principibus statuendorum impedimentorum Matrimonia dirimentium jus agnoverint; post illam legem non agnoverint, sed imperite & otiose, ut vidimus.

## CAPUT XII.

*Nonnullorum auctorum a Principum partibus stantium certa quadam minus considerate dicta retractantur.*

**I**N articuli I. capite I. & sequentibus laudantur nonnulli auctores, qui postquam jus Principum in ferendis legibus Matrimonium dirimentibus confirmatur, hoc progressu temporis amisisse Principes, scribere sunt ausi: & hæc

Bb 5

sunt scripta, quæ nunc retractanda suscipio, ut jus Principum liberum nec imminutum appareat. In retractatu sequar ordinem, quo auctores locis jam citatis in medium eduntur.

1. In articuli 1. capite 1. Andreas Duvallius dicit, *Principes ex se certa quædam impedimenta statuere posse, si non esset illis ab Ecclesia prohibitum: cum enim ex se potestatem habeant in contractum civilem, consequenter in eum, quatenus est Sacramentum, habere possunt.* Et primo quidem querendum est quid Ecclesiæ nomine vult intelligere: nam si intelligit Ecclesiam, quæ ab eo in secundam tractatu de fide art. 1. definita est, prohibitio ab Ecclesia facta non quadrabit; sic igitur definita est. *Generaliter, inquit, & latissime definitur societas creatura rationalis supernaturali cognitioni Deo adharens, ejusque vero cultu inter se communicans.* Et paullo post: *Pressior & angustior Ecclesiæ definitio Ecclesiæ hæc est: Societas fidelium in vero Dei cultu inter se communicantium.* quæ definitio deprompta est ex Lateranensi Concilio. Estne Ecclesiæ hæc, quæ ne Principes impedimenta Matrimonium dirimentia constituant, prohibuerit? Minime vero, quia sic definita Ecclesiæ comprehendit Christianos Principes, quos ne talia impedimenta constituerent, prohibuisse sibimetipsis quis crederet? quis probaret? Deinde si divinemus, quia certe divinandum est, per Ecclesiam a Duvallio intelligi sacerdotalis ordinis confessum seu Romanum Pontificem, nihil consequetur Duvallius, quia minime designat tempus, quo facta fuerit prohibitio. Nam *instar religionis est*, ut ait Tertullianus; *fidem de temporibus asserere.* Fortasse id ab aliis dictum reperit, nec in dicti veritatem inquisivit altius. Negligentia hæc in materia tam gravi culpanda est maxime, nec aliunde juri Principum nocere debet: quinetiam exceptio illa quæ non probatur, nec probari potest, jus Principum confirmat.

11. In ejusdem articuli capite 111. Nicolaus Baionensis dicit: *Ecclesiæ Christianis Principibus hanc potestatem circa Matrimonium fidelium eripuit occasione Sacramenti.* Hic præter ea, quæ de nomine Ecclesiæ disseruimus contra Duvallium, nihil

contra Baionensem differendum superest, nisi quod vtatur verbo *eripuit*, quod ignominiosum aliquid importat; quasi vero Sacerdotium debeat & iure possit regno eripere, quid Regni proprium est. Deinde res esset exempli pessimi, cum eripere est *vi tollere & auferre*, vt Pomponius Jurisconsultus interpretatur.

Tum eripiendi causa ex Sacramenti occasione reperitur: quod est summe absurdum & minime tolerabile. Quasi vero Sacramenti dignitas, quæ ab initio adversari Principum auctoritati credita non est, ævi progressionem adversari credita fuerit, eoque res devenerit, vt Principes suo in Matrimonio iure privati debuerint, etiamsi eo abusi non fuerint. Qua in re nescit auctor quis & qualis sit vsus indirectæ potestatis, quam Papæ vel Concilio generali in Regum temporalia attribuit. Nam apud eos qui indirectam potestatem illam recenti memoria finxerunt, indirectæ potestatis vsus nullus est, nisi cum Principes potestate sua sunt enormiter abusi, nec suppliciter rogati corrigi nolunt. At quis Princeps potestate sua in ferendis legibus Matrimonium dirimentibus perperam vsus est, & deinceps monitus emendari noluerit? Cum hic de indirecta potestate loquor, ad hominem disputo. Potestas hæc nullo Scripturæ stabilitur loco, qui juxta vnanimem consensum Patrum intelligatur, sicubi intelligendus esset, vt Tridentinæ Synodi sessioni I V. & professioni fidei mos geratur.

¶ II. In ejusdem articuli capite I V. num. VI. Guillelmus Mercerus ab Atho dicit: *Princeps fidelis non potest impedimenta constituere circa Matrimonia suorum subditorum fidelium, eo quod potestas Ecclesiastica causas fidelium matrimoniales sua cognitioni reservavit.* Et primum quidem Mercerus sibi canit, dum scribit potestatem Ecclesiasticam, id est, eos qui sacerdotale administrant officium, Matrimonia fidelium potius quam infidelium cognitioni suæ reservasse. Id comparatione inter matrimoniales fidelium & infidelium causas facta apud antiquos reperiet nusquam. Deinde cum matrimoniales causæ sint varix & diversi generis, dicendum fuit, quod Mercerus non dixit, vel omnes, vel e numero omnium certas quasdam suæ

cognitioni reservasse. Tum ubi facta est illa reservatio, docendum fuit, vtrum Principes, quorum intererat maxime, vocati sint, necne. Nam si vocati non fuerint, stare non potest reservatio. sic enim Sacerdotium, quod Regni proprium est, sibi reservare possit. Hoc autem de Sacerdotio quis sine Sacerdotii dedecore suspicaretur?

IV. In ejusdem articuli capite V. num. II. Guillelmus Estius dicit: *Possent Principes fideles impedimenta Matrimonium dirimentia statuerere, quatenus ab Ecclesia permitterentur.* Si Estius eam intelligit Ecclesiam quam in annotationibus ad caput XVIIII. Matthæi definit *societatem eorum, qui per rectam fidem & Sacramenta sibi mutuo coherant;* non est, cur Principes timeant. Cum enim illi sint pars illius societatis non minima, potestatem statuendorum impedimentorum Matrimonia dirimentium sibi non denegabunt; & si cum aliis de societate illa disceptandum sit, serio disceptabunt. Deinde, si per Ecclesiam aliud quid intelligat, pugnabit secum, & ambiguo sensu locutum se necessario fatebitur: quod a docto & illustri Theologo, qualis fuit Estius, abhorret. Tum neque in antiquis canonibus, neque in vniuersalium Conciliorum actis legitur necesse esse, vt dum Christiani Principes impedimenta Matrimonium dirimentia ferunt, sacerdotalem consensum requirant & obtineant. Postremo absurdum est, vt eum quis jure suo utitur, alterius permissione indigeat. Quemadmodum vt Sacerdotium judicet, an Matrimonium in veteri lege Sacramentum fuerit, necne; Regni permissione non eget: quia materies tota ex se Sacerdotii judicio subiacet; sic & Regnum vt judicet, an contractus Matrimonii sit legitimus, necne, vtrum consanguinitatis fieri possit impedimentum dirimens, necne; Sacerdotii permissione non eget: quia materies tota ex se Principibus subiecta est. Dicam brevius: Permissio hæc gratis & inutiliter fingetur semper, quia certum tempus nusquam assignabitur, quo jamjam primum requirenda fuit. Eamne requisivit magnus ille Theodosius, cum nuptias consobrinarum tanquam sororum vetuit?

V. In ejusdem articuli capite V. num. IV. Eligius Bassæus dicit: *Princeps secularis ex genere & natura sua potestatis posses*

*impedimenta dirimentia fidelibus sibi subditis ex iusta causa suis legibus indicare, nisi summus Pontifex hanc sibi potestatem reservasset. Istud nisi, & quæ sequuntur, exigunt tria, quæ addenda necessario fuere, & quæ non adduntur. Appellandus fuit de nomine Romanus ille Pontifex, qui convenientem ex genere & natura sua Principi sæculari potestatem sibi reservavit, id est, qui jus alienum usurpavit. Individuum vagum ponitur, cum certum ac determinatum poni non potuit. Vitiosa hæc est tractandi methodus, quam Christianæ religionis & Theologiæ professor omni studio vitare debet. Assignanda fuit causa, eaque iustissima, cur Pontifex Principes omnes, quotquot sunt in orbe Christiano, jure suo spoliaverit: notandus fuit annus & dies, quo eventus tam admirabilis acciderit. Ceterum ut constet quanta cum injustitia Romanus Pontifex potestatem illam seu jus alienum sibi reservaverit, subjungit continuo: *Quia juxta divum Thomam in 1 v. dist. xxiv. art. 1. ad 1 v. Matrimonium in quantum contractus civilis est in officium communitalis institutus, subjacet legis civilis ordinationi; & tamen hoc ipsum est, quod iudice Basilio summus Pontifex sibi reservavit.* Sic auctor de Romano Pontifice tam male meretur quam qui pessime; hunc publici latrocinii reum facit, quia qui alienum aufert, eo aufert consilio, ut id, nisi deprehensus fuerit, sibi reservet.*

vi. In ejusdem articuli capite vi. Dominicus Sotus dicit: *Fideles Principes nostri, ut sequenti distinctione dicemus, possunt hujusmodi leges (quæ Matrimonium dirimunt) ferre, nisi ab Ecclesia cohibeantur.* Et primo quidem verba hæc, *nisi ab Ecclesia cohibeantur*, præteritum tempus non appellant, sed præsens aut futurum. Eapropter cum Dominicus annis illis, quibus Tridenti habitum est Concilium, decurrentibus, in quartum librum sententiarum commentarios ediderit, persuasus erat, Ecclesiam qua de loquitur, Principes a ferendis legibus Matrimonium dirimentibus nondum cohibuisse. Persuaderi sine difficultate vlla potuit, quia nusquam in sacris canonibus vel in actis vniuersalium Conciliorum talis appareret cohibitio. Hæc autem sic apparere deberet, si per Ecclesiam sacerdotalis ordinis consensus intelligatur. Nam si intel-

ligeretur Ecclesia, vt a sancto Thoma, cuius auctor discipulus erat, definirur, & sedente Concilio Tridentino definiebatur, aliter philosophandum esset. Nam in *fidelium congregatione*, quæ vera est Ecclesiæ definitio, Christiani Principes continerur. Hi enim, vt par est credere, in potestate ad bonum publicum ræ necessaria conservanda sibi non deessent, siqui alii ex illa congregatione potestatem illam usurpare tentassent. Ad hominem disputamus: nam inter Regnum & Sacerdotium talem aliquando excitarum iri controversiam minime censemus. Deinde auctor oblitus est causam adferre, cur Principes a ferendis legibus, quæ Matrimonium dirimunt, cohiberentur vel ad tempus, vel in perpetuum. Causa adferri nulla potest, præter abusum maxime enormem, qui ab omnibus Christianis Principibus simul & semel committi nequit.

VII. In ejusdem articuli capite VI. num. V. Petrus Ledesma dicit: *Quamvis potestas constituendi impedimenta etiam dirimentia convenias etiam potestati civili, iuste tamen illam usurpavis potestas Ecclesiastica.* Hic non repetam, quæ loco mox citato ad Ledesmæ testimonium animadvertet necessaria veluti de causa occupavi. Grammatici & literati docent adverbium verbo adjacere in bono sensu; sed hic adverbium verbo adjacet in malo & perverso sensu. Quid sibi vult iuste quod alienum est tollere & auferre, nisi iuste furari? Verba sunt, quæ mutuo inter se dimicant, & quod volunt austruere, destruunt. Sed mirificus est Ledesma, cum usurpationis iustæ causam transfert in Sacramenti dignitatem, quæ Matrimonii contractui accedit. Quasi vero quod ex se sanctum est & honorabile, imminuendæ Principum potestatis occasionem præbuerit, sine vlla illorum culpa, quæ notetur? aut designari possit tempus, quo contigerit talis & tanta usurpatio? in eo tamen cardo rei versatur.

VIII. In ejusdem articuli capite VI. num. X. Ludovicus Gaspenfis dicit: *Principes Christiani possunt etiam respectu Matrimonii, quod est Sacramentum, impedimenta Matrimonii dirimentia statuere, scilicet attento jure & potestate suæ dominationis regalis, nisi Ecclesia iustas ob causas sibi reservasset munus & potestatem statuendi ea impedimenta, eoque modo restrinxisset potestatem,*



*testatem, quam de se alioquin habent Principes Christiani.* 1. Sermo totus hic ita comparatus est, ut non solum oppido quam ridiculus appareat, sed etiam funditus destruat quod vult astruere. Sermonem exponere, ut exposuimus, confutasse est, 11. Ponit, sed non probat, quod certo probandum fuit, causas fuisse iustas, cur *Ecclesia sibi reservaverit statuendi impedimenta Matrimonium dirimentia munus & potestatem, quam alioquin habent Christiani Principes.* 111. Si per Ecclesiam fidelium seu Catholicorum cœtus intelligitur, id non fecit Ecclesia, ut jam ostendimus non semel. Si per Ecclesiam sacerdotialis ordinis confessus intelligitur, id non fecit Ecclesia, quod a sacerdotalis ordinis confesso factum minime reperitur, etiamsi quanta possit diligentia, quærat. Si per Ecclesiam Romanus Pontifex intelligitur, id non fecit, quod a Romano Pontifice factum nusquam invenitur. Nominandus esset Pontifex, qui facinus tam grande attentasset: non nominatur nec nominari potest. IV. Hic auctor Ecclesiæ quoquo modo acceptæ imponit, & immortalem inter Regnum & Sacerdotium, sciens, sed minime prudens, ferit discordiam, quod majoris abollæ erimen est.

IX. In ejusdem articuli capite VII. num. 111. Chrysostomus Javellus dicit: *Populus Christianus in primitiva Ecclesia unanimi consensu voluit hanc statuendi impedimenta (Matrimonium dirimentia) potestatem esse in majoribus & Prælati Ecclesiæ.* Quod spectat ad originem jurisdictionis civilis, quæ hæc statuuntur impedimenta, Javellus cum iis convenit, qui de origine jurisdictionis hujus scripserunt. Quod vero pertinet ad potestatis hujus translationem in majores & Prælatos Ecclesiæ factam ab initio, Javellus fallitur: quippe res est, quam nec probat, nec probare potest. Deceptus est a supposititiis quibusdam apud Gratianum decretis, quæ supra discussimus & displosimus. Decretorum istiusmodi suppositionem confirmabimus in articuli sequentis capite 1.

X. In ejusdem articuli capite VII. num. x. Martinus Bonacina dicit: *Principes saculares habent potestatem supra contractus, & possunt præscribere formam, qua celebrandi sint: verumtamen illam potestatem illis ablatam esse ab Ecclesia in cap. Eccle-*

*sia sanctæ Maria novæ.* Fieri vix potest, ut a quoquam scriptore erraretur gravius, quam hic a Bonacina erratur. Quod ne videatur incredibile, refero Caput *Ecclesiæ sanctæ Mariæ novæ*: est autem ejusmodi in libro 1. Decretalium, art. 11. de constitutionibus cap. x. Nos attendentes, quod laicis etiam religiosi super Ecclesiis & personis Ecclesiasticis nulla sit attributa facultas, quos obsequendi manet necessitas, non auctoritas imperandi: a quibus si quid motu proprio statutum fuerit, quod Ecclesiarum etiam respiciat commodum & favorem, nullius firmitatis existit, nisi ab Ecclesia fuerit approbatum. Unde statutum Basilii de non alienandis prædiis rusticis, vel urbanis ministeriis, & ornamentis Ecclesiarum, illa reprobaturum fuit potissima ratione, quod auctoritate non fuit Romani Pontificis roboratum. Quod a Senatore factum fuerat in præjudicium monasterii, non conventi, nec confessi vel convicti in irritum revocantes, easdem possessiones restituendas sibi sententialiter definimus.

1. Bonacina tribuit Ecclesiæ quod ei tribuendum non est, nisi Romanus Pontifex Innocentius III. dicatur Ecclesiæ; quæ illius ævo definiebatur, fidelium seu Catholicorum cætus. Id autem quam absurdum foret, nemo est qui non facile perspiciat.

II. Hoc in capite sermo nullus instituitur vel de Matrimonii contractu, vel de potestate quam in eum Principes habere Bonacina scribit; & tamen si credatur auctori huic, potestas illa ab Ecclesia Principibus ablata est. Quæ & qualis hallucinatio!

III. Bonacina cum per laicos religiosos sæculares Principes, quos obsequendi manet necessitas, non auctoritas imperandi; intelligit, ab antiquarum rerum cognitione mirum quantum aberrat. Calchedonenſis Concilii actionem duodecimam non legerat, in qua sic habetur: *Gloriosissimi iudices* (quos Imperator ad Concilium miserat) *dixerunt: Quoniam vobis sæpe interloquentibus & poscentibus proferri sententiam de Episcopatu sanctæ Ecclesiæ in Epheso constituta, perfectæ responsio ab omnibus non est data, venerabile & immaculatum Evangelium in medio proferatur. Et allato sanctissimo Evangelio in medio, gloriosissimi iudices dixerunt: Similem petitionem sanctæ Synodo rursus offeri-*

mus, propofitis ſanctis Evangeliiis, adhortantes vos, neque duorum quemquam ledere, ſi forte quiſquam eorum dignus eſt, ut in memorata ſanctiſſima Eccleſia Episcopatum debeat obtinere, ſive ſi uterque indignus eſt, declarare. Unde ſecundum Deum, & ſecundum quod dignum eſt atque decens atque uile ſanctæ Eccleſiæ, qua juſta ſunt decernite. Anatolius reverendiſſimus Episcopuſ Conſtantinopolitanuſ dixit, & cetera. Paſchaſinuſ reverendiſſimus Episcopuſ obtinens locum Sedis Apoſtolice antiquioris Romæ dixit, &c.

Relatis aliorum Episcoporum ſententiis ſubneſcitur: Glo-rioſiſſimi iudiceſ dixerunt: Placet ſancto Concilio interlocutio Dei amantiſſimi Archiepiscopii Anatolii, & reverendiſſimi Episcopii Paſchaſini obtinentiſ locum Romana Apoſtolice Sedis; quiſ declaratum eſt amboſ quidem eſſe removendos, tanquam præter regulas factos; alterum vero ordinari debere: prædictos autem habere Episcopii dignitatem, & a ſanctiſſima Ephesine Eccleſia nutriendos. Sancta Synodus exclamavit: Hæc pia interlocutio, hæc ſecundum regulas eſt.

Non legerat Synodi VI. actionem VIII. in qua Imperatori Conſtantino ſic acclamatur: Sancta Synodus Conſtantino magno Imperatori multos annos, conſervatori orthodoxæ fidei multos annos, paſifico Imperatori multos annos, novo magno Conſtantino Imperatori multos annos, novo Theodoſio Imperatori multos annos, novo Imperatori Marciano multos annos, novo Iuſtiniano Imperatori multos annos. Nos famuli Imperatoriſ, Agathon ortho-  
doxo Pape Romano multos annos, &c.

Non legerat ſiſdem Synodi actionem XVII. ubi poſtquam Conſtantinuſ Imperator ita ſubſcripſit: Conſtantinuſ in Chriſto Rex & Imperator Romanorum legimus & conſenſimus. Illi acclamatur hoc pacto: Multos annos Imperatori. Integritatem duarum naturarum Chriſti Dei noſtri tu declaravi, luminarium pacis, Domine, conſerva. Marciano novo Conſtantino æterna memoria, novo Iuſtiniano Conſtantino æterna memoria. Omnes hæ-  
reticos tu effugaſti, deſectorem hæreticorum, Domine, conſerva; vita tua orthodoxorum vita eſt, celeſtiſ Rex terreſtrum conſerva; per te univerſaliſ Eccleſia pacificata eſt. Approbavit hæc omnia ſucceſſor Agathonis Leo II. qui Synodum Græce ſcriptam

204 REGIA IN MATRIMONIUM POTESTAS.

Latinitate donavit. Hic Pontifex, quia Siculus erat, linguam Græcam optime callebat.

Non legerat ejusdem Synodi actionem VIII. IX. X. & XI. ubi habetur: *Piissimus Imperator Constantinus & sancta Synodus dixerunt.*

Non legerat actionem XII. ubi quoque absente Constantino habetur: *Gloriosissimi judices & sancta Synodus dixerunt.*

Non legerat secundam Gregorii II. ad Leonem Isaurum epistolam, in qua sic loquitur: *Scriptisti, Imperator: sum & Sacerdos. Enimvero qui ante te fuerunt Imperatores, hoc opere ac sermone demonstraverunt, qui curam gesserunt Ecclesiarum una cum Pontificibus, & cupiditate zeloque incensi, rectaque fidei veritatem pervestigantes, Constantinus magnus, Theodosius magnus, Valentinianus magnus, & Constantinus Justiniani pater, qui sexta Synodo interfuit: Imperatores isti religiose imperarunt, & cum Pontificibus uno consilio ac sententia Synodos congregantes, atque veritatem dogmatum requirentes, sanctas Ecclesias constituerunt & ornarunt. Hi sunt Sacerdotes & Imperatores, qui id opere demonstrarunt.*

Non legerat Francofordienſis Synodi canones, in quibus sic habetur. In can. IV. *Statuit piissimus noster, consentiente sancta Synodo, ut nullus homo, sive Ecclesiasticus, sive laicus sit, unquam carius vendat annonam, &c.* In can. VI. *Statutum est a domino Rege & sancta Synodo, ut Episcopi justitias faciant in suis parochiis.* In can. VII. *Definitum est a Domino Rege & sancta Synodo, ut Episcopus non migret de civitate in civitatem, sed curam habeat Ecclesie sue.* In can. IX. *Definitum est ab eodem Domino nostro Rege sive a sancta Synodo, ut Petrus Episcopus contestans coram Deo & angelis ejus juraret, &c.* In can. X. *Definitum quoque a Domino Rege & sancta Synodo esse dignoscitur, ut Gerbodus, qui se Episcopum esse probat, &c.*

Non legerat octavæ Synodi actionem VIII. in qua sanctissimi Vicarii senioris Romæ dixerunt: *Deus conservet Christum amantissimum Imperatorem per multos annos, qui gubernat Ecclesiam ejus.*

Non legerat proœmii Florentinæ Synodi de purgatorio antiquæ editionis, in quo aiebat Pontifex: *Ubi ego sum tam Im-*

peratore & Patriarcha, ibi est universa Christianorum Synodus, præsertim cum adsunt Patriarcha omnes & Cardinales nostri.

Hæc autem si legisset omnia, de Principibus Christianis paulo honorificentius verba fecisset, nec eos instar laicorum etiam religiosorum habuisset; & sane mirum est virum in Italia tam celebrem tanta laborare ignorantia, quanta laborare debuit, ut laicorum religiosorum nomine Imperatores & Reges intellexerit, quibus postea jus ferendarum legum Matrimonii dirimentium per Caput *Ecclesia sancta Maria nova* aufertur.

IV. Quomodo quæ mox retulimus legisset, qui Caput *Ecclesia sancta Maria nova* minime legit? nam si legisset, & Latine intellexisset, ibi nec de Principibus, nec de Matrimonii contractu, nec de Principum in Matrimonii contractum potestate agi sine difficultate vlla deprehendisset. Bonacina gratias agat Thomæ Sanches, quo præunte ad casum ita horribilem & miserum deductus est. Ceterum hoc Caput *Ecclesia sancta Maria nova* integrum retuli, quia Bonacina eo duntaxat utitur, ut probet, sæcularibus Principibus potestatem sancienti impedimenta Matrimonium dirimentia ablatam esse ab Ecclesia in Caput *Ecclesia sancta Maria nova*.

XI. In ejusdem articuli capite VII. num. XI. Vincentius Caididus dicit: *Principes seculares fidelium possunt seclusa prohibitione Ecclesie constituere impedimenta Matrimonii*. Hoc facile dicitur, sed difficile explicatur: tantum abest, ut Theologicis rationibus probetur. Theologicis dico, quæ scilicet ex Scripturæ auctoritate & Catholicæ Ecclesiæ traditione comparentur. Non prohibebit Ecclesia, quæ in fidelium collectione consistit: quia Principes, qui ad eam fidelium collectionem pertinent, sibi non prohibebunt, quod ab Ecclesia prohibendum esse statuitur. Non prohibebit Ecclesia, quæ in sacerdotalis ordinis confessu versaretur: quia sacerdotalis ordinis confessus jus non habet prohibere, quominus Principes jure suo quod ab auctore ponitur, utantur. Admonere quidem potest Principes ne jure suo in perniciem boni communis abutantur; sed prohibere non potest ne jure suo pro

bono communi utantur. Nam potestas eorum, qui sacerdotale administrant officium, illis data est in ædificationem, non in destructionem. Non prohiberet Romanus Pontifex, qui si dici posset, Ecclesia diceretur. Jus prohibendi quærendum esset vel ex verbis, *Tu es Petrus*; vel ex verbis, *Pasce oves meas*; vel ex verbis, *Quodcumque ligaveris & solveris*. At nunquam quæretur & invenietur ab iis, qui Tridentinæ fidei professionem emittunt. Unus hic est articulus: *Item sacram Scripturam juxta eum sensum quem tenet & tenuit sancta mater Ecclesia, cujus est judicare de vero sensu & interpretatione sacrarum Scripturarum, admitto, nec eam unquam, nisi juxta unanimum consensum Patrum, accipiam & interpretabor.*

XII. In ejusdem articuli capite VIII. num. II. Joannes Azor dicit: *Possit Princeps justis de causis legem condere, qua Matrimonium hoc vel illo modo contractum rescinderetur, nisi Ecclesia prohiberet.* Non dicit, ut quidam alii dixerunt, nisi ab Ecclesia prohibitum esset, vel Ecclesia prohibuisset, sed, *nisi Ecclesia prohiberet.* Hic auctor aliis doctior ea in parte noverrat, id quo de agitur nondum prohibuisse Ecclesiam, quia nullum Ecclesiæ vel representantis Ecclesiam Concilii decretum legerat, in quo clara & perspicua extaret prohibitio. Verumtamen sibi sumit id ab Ecclesia prohiberi posse, & cum id sibi sumit, perinde est ac si sibi sumeret ab Ecclesia prohiberi posse, ne Princeps legem conderet, qua venditionis vel emptionis contractum hoc vel illo factum rescinderet. Et sane, nisi putet Azorius Ecclesiam totius orbis Christiani dominam esse, dicendi quod dixit rationem nullam habet, alioquin inconsequenter admodum dissereret: si autem putat Ecclesiam totius orbis Christiani dominio potiri, enotmiter fallitur. Porro autem cum dixit, *nisi Ecclesia prohiberet*, rei tantæ adjungenda erat probatio, quæ non adjungitur, nec, ut oportet, ex Scriptura & traditione adjungi potest.

XIII. In ejusdem articuli capite VII. num. VI. Hentius Henriquez dicit: *Impedimenta irritantia possit Princeps secularis addere Matrimonio, nisi Ecclesia inter Christianos eam facultatem suo judicio reservasset.* Henriquez ponit factum, quod est falsò falsius. Nam neque universalis Ecclesia per orbem dispersa,

neque vniversale Concilium illam repræsentans Ecclesiam, vnquam coaluit; in quo quod ponit ab Ecclesia factum, id factum vilo modo legatur; & ita luculenter imponit Ecclesiæ, & continuo in pœnas aduersus impostores istiusmodi latus incurrit. Nonne notari debuit & locus & tempus in quo talis acciderit reservatio? Nonne exponi debuit causa, cur Christiani Principes jure suo spoliati sint ab Ecclesia? Sufficitne allegasse facinus tam grande, quod nec publicis instrumentis, nec idoneis testibus confirmetur?

XIV. In ejusdem articuli capite VIII. num. VIII Thomas Sanchez dicit: *Absque dubio potest Princeps secularis ex genere & natura suæ potestatis Matrimonii impedimenta dirimentia fidelibus sibi subditis inducere, nisi summus Pontifex hanc potestatem sibi reservasset.* Perinde est ac si diceret: Potest Princeps secularis ex genere & natura suæ potestatis contractum venditionis & emptionis impedimenta dirimentia subditis suis inducere, nisi summus Pontifex hanc sibi potestatem reservasset. Et si quis responderet, venditionis & emptionis contractus Sacramenta non esse; Matrimonium vero Sacramentum esse; eum ita respondisse pœnireretur, dum legeret auctorem responsioni huic sic occurrisse loco citato: *Nec obstat Principis secularis potestati Matrimonium esse Sacramentum, quia ejus materia est contractus civilis; qua ratione perinde potest illud ex justa causa irritare, ac si Sacramentum non esset.* Labyrinthus hic est, ex quo Sanchez nemo educer vnquam, nisi quis præ se ferat, Christianos Principes in ferendis circa Matrimonii, venditionis & emptionis contractus legibus Romani Pontificis vicarios esse: quo in casu labyrintho exibat, secus non exibat, exire tamen aliter posset, si quis Pontifex Romanus Principes Christianos ex orbe toto vocatos & præsentés paternâ benignitate sic affarus esset: Bene veneritis, carissimi filii. Multi sunt anni, quod potestate ferendarum circa matrimoniales contractus legum laudabiliter, vt decebat, fruimini. Non possum non satis laudare obsequium vestrum; sed haud morabor vos diutius. Jam tempus est, vt vacetis otio, & ab illo labore desistatis: ego considerata re & motu proprio statui, de potestate illa mihi deinceps ac-



commodare, & vos onere tanto levare. Christiani Principes audito sermone tam blando consenserunt, gratias egerunt, & accepta benedictione & indulgentiis, reversi sunt unusquisque in regionem suam. Actum die N. mense & anno N.

xv. In eodem articulo & capite num. x. Luilius Turrianus dicit: *Principes seculares jam nihil possunt circa hæc (impedimenta Matrimonia dirimentia) disponere, quia Pontifex sibi hanc materiam reservavit.* Cum dicit, jam nihil possunt, significat fuisse tempus quo possent, sed in medium edenda fuit ratio, cur Pontifex hanc sibi materiam reservavit. Qui enim assereret Pontificem sibi materiam illam reservasse sine ratione optima, Pontificem injuria non mediocri afficeret. Vix enim fingi potest, quanta & quam firma & constans debet esse ratio, quæ Romanum Pontificem ad potestatem illam conservando communi bono reipublicæ tam necessariam sibi reservandam impulerit, & Christianorum Principum nationem totam jure suo privaverit in perpetuum. Audax facinus, in quo fontes & infantes æqualiter puniuntur.

xvi. In eodem articulo & capite num. xiii. Adamus Tannerus dicit: *Potissent etiam Principes seculares ex genere & natura suæ potestatis Matrimonii impedimenta qualibet etiam dirimentia constituere pro suis subditis, nisi Pontifex hanc sibi potestatem reservasset.* Thomæ Sanchis verba sunt ipsamer, quæ transcripsit, & sua faciendo metetur in eas conjici angustias & fauces, in quas Sanches conjectus est, & vnde neuter eripietur unquam.

xvii. In eodem art. & cap. num. xvi. Joannes Præpositus dicit: *Nisi Ecclesia impedimenta Matrimonium dirimentia constituendi potestatem ad se revocasset, Principes seculares ea possent constituere.* Tannerus facinoris tanti auctorem facit Pontificem, Præpositus Ecclesiam: Cui credemus? neutri, quia neuter id quod sibi sumit probare potest, assignato tempore quo id acciderit. Quæstio facti est, & in facto consistit: qui dicit id factum esse quod non factum, egregie mentitur.

Deinde qua facilitate Præpositus asserit Ecclesiam, id est, Sacerdotium ad se regis potestatis effectum revocasse, eadem assereret quis Regnum Pontificiæ potestatis effectum ad  
se



se revocasse. Et sane, ut nemo Christianus patienter audiret, Regnum quod Sacerdotii est, ad se revocare: ita nemo quoque Christianus patienter audiret, Sacerdotium quod Regni est, ad se revocare.

XVIII. In eodem art. & cap. num. XXI. Franciscus Amicus dicit, laudatis quibusdam Theologis: *Qui omnes conveniunt, Principes seculares, quantum est ex vi potestatis quam vi muneris sui a Populo communicatam habent, posse impedimenta Matrimonium dirimentia suis subditis statuere: de facto tamen usum hujus potestatis sibi soli Pontificem reservasse. Excipe Petrum Solum.*

Et primo quidem Petrus Sotus excipiendus non est solus. Nam & plures alii excipiendi sunt, & cum primis ii omnes, quorum testimonia retulimus in articuli II. capite II. & sic Amicus in facti questione mirum quantum aberravit.

Deinde dicere non sufficit, potestatis hujus usum sibi soli reservasse Pontificem, nisi quis ille fuerit Pontifex, designetur. Hæc enim indefinita disputandi methodus fraude non caret.

Tum causæ profect nihil, cur Pontifex sua non contentus potestate, alienæ potestatis, quæ non qualiscunque est, sed regia, usum in se transtulerit. At nemo prudens & attentus est, qui non videat in re tanti pondetis, aliquid causæ proferendum fuisse.

Quarto Amicus notare debuit, num Christiani Principes univærsi Romam tunc vocati fuerint, cum Pontifex potestatis illotum usum sibi soli reservavit. Nam si vocati non fuerint, nec consenserint, iniqua profus esset illa reservatio.

Præterea nescire me fateor utrum Amicus posset reservationem hujusmodi a latrocinio defendere.

Quinto si vocati fuerint & consenserint, pro se fortassis potuerunt consentire, sed pro successoribus consentire non potuerunt, scilicet potestas illa ad conservandum bonum commune, & retinendam inter subditos pacem & tranquillitatem penitus necessaria est.

Sexto, si impedimenta Matrimonium dirimentia constituendi jus quod Christiani Principes habent, sibi reservavit

Pontifex, per potestatem directam vel indirectam sibi reservavit. Non per directam, quia nullam habet in Principum temporalia, ut Bellatminus in libri v. de Rom. Pont. capite 11. 111. IV. & v. demonstrat. Non per potestatem indirectam, quia, ut mox dicebat Pontius, *nisi potestate sua abuterentur Principes, & aliquid statuerent, quod spiritualem Sacramenti Matrimonii rationem laderet, non possent a Pontifice pro indirecta potestate, quam habet in temporalia, coerceri*. Hinc efficitur, ut ab Amico designandi necessario forent Principes, qui potestate sua fuissent abusi, & statuissent aliquid, quo spiritualis Sacramenti Matrimonii ratio & dignitas laderetur. At non est facile designare Principes, qui ita se gesserint, ut a Pontifice pro indirecta potestate illa coerceri metuerint.

Septimo, quia fieri vix potest, ut Christiani Principes universi simul & semel abutantur potestate sua, & statuunt aliquid, quo spiritualis Sacramenti Matrimonii ratio lædatur; nihilominus tamen contigisset, ut fontes & infontes pari poena castigati fuissent, scilicet amissione usus potestatis, quo leges Matrimonium dirimentes constituerent: quod est non solum dictu, sed etiam cogitatu horribile. Amicus paullo post tempus indicat, quo Pontifex regis in Matrimonium potestatis usum sibi soli reservavit. *Quod autem, inquit, talis potestas de facto sit in Principibus secularibus ab Ecclesia impedita, ne valide possit exire in actum, constat ex multis canonibus, can. Multorum xxxv. quest. v. & cap. De consanguinitate & affinitate sui, & cap. Accedentes de excess. Prælatorum. Demum ex Tridentino sess. xxiv. can. ultimo, ubi definit causas matrimoniales spectare ad iudices Ecclesiasticos*. Impedita hic ab Ecclesia potestatis Regum epochas numero quatuor assignat: unam sub Alexandro II. alteram sub Alexandro III. tertiam sub Innocentio III. quartam sub Tridentino Concilio. At in epochis quatuor, ne fideles quidem vel infideles nominantur Principes: tantum abest ut ibi agatur de impediendo illorum jure, quo possint impedimenta Matrimonium dirimentia constituere.

In can. seu potius cap. *Multorum*, privati cujusdam hominis, qui Guillelmus de Monstrolio vocatur, res agitur. Vo-

lebat propriam vxotem dimittere consanguinitatis prætextu, & aliam ducere. Id cum rescit Alexander II. Guillelmo rescribit, ne id faciat, vsque dum collecta ex Episcopis Synodus causam istam examinasset.

In Cap. *De consanguinitate*, Alexander III. Cassinensi Abbati rescribit, vt diligenter inquireret in Matrimonium, cui obiciebatur impedimentum consanguinitatis. Agiturne ibi de tollenda Principibus potestate, qua leges Matrimonium dirimentes ferre possunt?

In Cap. *Accedentes de excess. Prælatorum*, Innocentius III. multorum Antistitum querelis, quas illi de certis quibusdam Abbatibus instituerunt, respondet. Abbates in officio continet, & vetat ne de causis matrimonialibus judicent, reservato Episcopis illarum iudicio. Agebatur de tali iudicio, quod Episcopi ad leges Principum non raro instituerent: non de auferenda Principibus potestate, qua illi Matrimonia subditorum ad bonum commune reipublicæ dirigebant.

In canone demum Tridentini Concilii mota nulla est de jure Principum quæstio. Id & Concilii acta, & historici duo, Frater Paulus & Sforza Pallavicinus, confirmant: igitur frustra torquetur ad minuendam Principum in Matrimonii contractum potestatem. Si Principes jure suo tantum fuissent abusi, quantum auctor iste otio abutitur & literis, ei non repugnarem. Ceterum, quæ Amicus laudat capita & canones, pertractata sunt latius in art. II. capite III. & IV.

Reliquum est modo, vt id quod sentio, ingenue fatear, nonnullos e Schola Theologos, quorum certa quædam minus considerate dicta recensui & expendi, ad ineptissimas quasque complexiones deduxi, idque cum ex aliis, tum ex eo quoque, quod ista disputandi ratio ad inveniendam & asserendam veritatem plurimum conducit: voluissim quidem aliter tractare, sed non potui. Agebatur Regum & Principum causa, quæ ab illis supra quam dici possit, negligenter curata est. Nescio an plebeiorum hominum res curata esset negligentius. Hi postquam regiam in Matrimonium potestatem candide agnoverunt, & eam vbi politico Magistratui summe necessariam variis asseuerunt modis, continuo gratis

## 212 REGIA IN MATRIMONIUM POTESTAS.

& sine ratione pronuntiant, Romanum Pontificem potestatem illam ademisse Regibus, & sibi soli reservasse. Quis cum hæc perspicit, sibi temperare posset?

Nunc meridiana luce clarius, quidquid de jure Principum in sciendis impedimentis, quæ Matrimonium dirimant, disputatum est, in hoc posse mitti compendium. Si Reges & Principes jus illud habuerunt ab initio Christianæ religionis, nec eo spoliati sunt, etiamnum habent: habuisse ab initio consentiunt Theologi, quos magno in numero per varias classes & gentes distribuimus. Qui scribunt Romanum Pontificem jus illud regium seu civile sibi soli reservasse, eos in quaestione facti pariter errasse vidimus. Ad paucos & novos Theologos & Jurisconsultos, qui Reges & Principes jure ferendarum legum quæ Matrimonia dirimunt, caruisse ab initio statuunt, quod pertinet, *ἐπεμαρτυρεῖ* illos accusavimus, & in probatione omnino defecisse ostendimus. His autem ita constitutis, regia in Matrimonium potestas in perfectiorem adhuc libertatem asseritur & vindicatur.

## CAPUT XIII.

*Explicatur modus, quo impedimenta Matrimonii dirimant Matrimonium, ut regia in Matrimonium potestas magis eluceat, & prorsus constabiliatur.*

**O**BSERVATVM est in articuli i. capite xv. quantus fuerit apud Tridentinos Patres disquisitionis labor in quaerenda & assetenda ratione, qua perciperetur, impedimenta Matrimonii dirimere Matrimonium ipsum posse. Hæc autem inventa & asserta ratio, cum repetatur ex civili prudentia, Principum regula, arque ex rebus ordinis mere naturalis, impedimenta Matrimonii, & Matrimonium ipsum Principibus omnino subicit. Operæpretium est retexere, quæ hoc in argumenti genere laudati supra quidam Theologi scripserunt.

1. Sanctus Thomas in IV. dist. xxxiv. quæst. 1. art. 1. ad IV. *Dicendum quod persona illegitima ad Matrimonium contrahendum dicuntur, ex eo quod sint contra legem, qua Matrimonium constituitur. Matrimonium autem in quantum est in officium nature, statuitur jure nature; in quantum est in officium communitatis, statuitur jure civili. Et paullo post: Ideo ex qualibet dictarum legum natura & humana potest persona effici ad Matrimonium illegitima, id est, inhabilis. Hæc ut intelligantur, lectione sola opus est.*

Petrus de Palude in IV. dist. xxxvii. quæst. 1. art. iii. conclus. iii. *Ecclesia potest facere personas inhabiles ad contrahendum Matrimonium carnale, sicut & spiritale; & si non ratione sui, tamen ratione fundamenti: quia pactio & conventio, in qua fundatur Matrimonium, subest ordinationi Principum & Prelatorum. Cum sic loquitur de Ecclesia, a parte, nimirum a Principibus, totum intelligit, nimirum Ecclesiam, quæ cum sit fidelium congregatio, Christianos Principes comprehendit. Hæc autem ut ita dicantur & intelligantur, ipsa verborum series exigit, nisi quis velit Paludanum in ea esse sententia, ut putet Ecclesiam Christiani orbis dominio potiri: quo in casu synecdoche locum nullum haberet. Sed a Paludano absit tam stulta opinio.*

Joannes Capreolus in IV. dist. xxvi. *Persona illegitime ad Matrimonium contrahendum dicuntur, ex eo quod sint contra legem qua Matrimonium constituitur. At Matrimonium civili legi constituitur.*

Guillelmus Votillonius in IV. dist. xxvii. art. 1. *In legitimitate Matrimonii diversas provincias in suis abundare sensibus, quia in diversis provinciis diversæ sunt leges politice vel consuetudines.*

Eligius Bassus in Floribus Theologiæ Moralis, Matrim. vii. num. 1. *Dupliciter potest Ecclesia contractus irritare. Primo mediate reddendo personas inhabiles ad contrahendum Matrimonium. Secundo immediate irritando contractum Matrimonii: quæ ratione potest etiam irritare Matrimonium infidelium, modo illa irritet, non tanquam Princeps Ecclesiasticus, quia non habet potestatem supra infideles, sed tanquam Princeps secularis erga sub-*

*ditos.* Secundus modus rescindendi Matrimonium, nec intelligi, nec explicari potest, nisi reducat ad primum. Si Matrimonium juxta leges contractum est, qua via per se & immediate rescinderetur, nisi Matrimonio legitime contracto vis aperta inferatur? Si Matrimonium contra leges contractum est, rescissioni notè exponitur: quia Matrimonium haud legitime contractum ex se nullum est, & ita se haber ac si contractum non esset. Supet est primus, isque vnicus, rescindendi contractum Matrimonii modus, quo scilicet personæ ad contrahendum Matrimonium redduntur inhabiles; & nescio an dati possit aliquid ex objecto, sine & circumstantiis civilibus.

Ceterum demus, illum secundum rescindendi Matrimonii modum intelligi commodè, & vere a primo distingui: hic æque ac primus, quia naturalis est ordinis, & vniuersis contractibus conuenit, Principum ordinationi subiacebit. Agitur de re; cui politicæ administrationis moles rota incumbit; scilicet per Matrimonium propagatur natura hominum, & retinetur optimo in statu communitas. At hæ sunt duæ Matrimonii partes præcipuæ, in quibus nihil per se ac proxime ad supernaturalem finem tendit. Quidquid id est, in ordine mere naturali ac politico conquiescit. Quare Bassæus per Ecclesiam a parte solum debet intelligere, vt mox diximus. Quod si per Ecclesiam sacerdotalis ordinis confessum intelligat, in se debet recipere Ecclesiam hanc totius orbis Christiani supremam in temporalibus dominam esse: quod absurdum & ridiculum esset.

Josephus Angles in Floribus quæstione de impedimentis Matrimonii art. 111. *Potestas civilis potest aliquos inhabilitare, quominus contrahant; & de facto si contrahatur, Matrimonium erit nullum.* Interpretatione opus non est, perspicue loquitur. Sed quod majus est, per auctorem loquicentenda est Complutensis Academia, quæ librum illum approbando suum fecit.

Alexander Pefantius in Additionibus ad sanctum Thomam: *Propter bonum commune expedit, vt Princeps reddat quasdam personas inhabiles Matrimonio.* Hæc Romæ docuit, & sine difficultate vlla docuit; nec aliud docere potuit, nisi Regni & Sacerdotii officia, quæ Christus distinxit, permisceret.

Martinus Bonacina in quæst. III. de impedimentis Matrimonii puncto I. *Advertendum est Ecclesiam posse dupliciter contractus irritare. Primo mediate reddendo personas inhabiles ad contrahendum Matrimonium. Secundo immediate irritando contractum Matrimonii.* Hic auctor, quia Italus erat, Ecclesiæ nomine Romanam intelligere potuit: quo in casu Romana Ecclesia id præstare jure suo poterit, quod ab Ecclesia præstari posse contendit. Causam adfert Innocentius III. tit. *Qui sint legitimi filii* Cap. *Per venerabilem.* Id autem in patrimonio beati Petri libere potest Apostolica Sedes efficere, in quo & summi Pontificis auctoritatem exerces, & summi Principis exequitur potestatem. Sic Romana Ecclesia vel Sedes Apostolica personas ad contrahendum Matrimonium reddit inhabiles, in quantum summi Principis potestatem exequitur. Si nomine Ecclesiæ univversam intelligit Ecclesiam, quæ definitur cœtus fidelium, reddendi personas ad contrahendum Matrimonium inhabiles munus singulis Ecclesiæ partibus non conveniet, sed tantum Principibus, qui supremam in temporalibus jurisdictionem exercent. Si Ecclesiæ nomine eos intelligit, qui sacerdotale administrant officium, his id tribuit, quod Principibus ex genere & natura suæ potestatis tribuendum erat: atque hoc injustitia non vacaret.

Thomas Sanchez lib. VIII. de Matrimonio disp. III. *Nec obstat Principis secularis potestati Matrimonium esse Sacramentum, quia ejus materia est contractus civilis. Qua ratione perinde potest illud ex justa causa irritare, ac si Sacramentum non esset, reddendo personas inhabiles ad contrahendum, & sic illegitimum & invalidum contractum redderet.* Hæc explicatione non egent, quia perspicua sunt, & jus Principum omni ex parte constabunt.

Ægidius Coninck disp. XX. de impedimento Matrimonii dub. I. conclus. I. *Sicut igitur supradicti (supremi Principes) ex justa causa possunt aliquos, verbi gratia prodigos & pupillos, reddere inhabiles ad alios contractus; ita etiam ad hunc, quia eadem plane est ratio. Nec refert quod Matrimonium sit Sacramentum, quia ideo non desinit esse vere contractus civilis, & hac ratione subditus potestati politica. Quare etsi potestas politica directe nihil*

*possit statuere circa Sacramenta: potest tamen indirecte impediendo valorem contractus, quem Matrimonium essentialiter involvit. Hic Theologus nihil relinquit quod ad firmamentum juris Principum in matrimoniales contractus adjici queat. Jus autem istud eminet in reddendis lege lara personis ad contrahendum Matrimonium inhabilibus.*

Vincentius Filliucius in secunda parte tractationis de Sacramento Matrimonii cap. 1. *Nonobstat autem quod Matrimonium sit Sacramentum, quia materia, ut diximus, est contractus civilis, eaque ratione potest (Princeps fidelis) illud irritum reddere, ac si Sacramentum non esset. Eandem sententiam reciprocatur, atque ita jus Principum exponit & confirmat.*

Stephanus Baunius in Theologia morali tract. xxi. de Matrimonio quaestione v. *Potest Princeps aut quilibet alius potestatem habens ferendi leges, statuere, ut Matrimonium quatenus est contractus, certo modo aut cum certis circumstantiis incatur, quæ si omittantur, ratum non sit. In Magistratu politico auctoritatem tantam esse est necesse, ut cum res temporaque reipublice exigunt, contractus, qui in ejus perniciem vergunt, modificare, irritare ac determinare valeat: ergo cum Matrimonium sit contractus civilis, more aliorum contractuum legibus certis ab eo & Principibus, quorum in terris fiet, restringi poterit. Quæ omnia eo spectant, ut politici Magistratus & Principes, cum id expedire videbitur, personas subditorum reddant ad contrahendum Matrimonium inhabiles; & si deinceps Matrimonium contrahatur, illud nullum & invalidum denuntient.*

Ex his autem omnibus, quæ cum auctoribus suis disseruimus, colliguntur res quatuor. Primum, quod facere personas ad contrahendum Matrimonium inhabiles, politicum quid est, & ordinis mere naturalis, & eam causam ad supremos Principes duntaxat attinere. Deinde, quod hæc loquendi formula suppeditat argumentum efficax, quo regia seu civilis in Matrimonium potestas certo dignoscatur, & separetur a spirituali, quæ ex se suisque principis similem loquendi formulam usurpare non potest. Tum quod qui non sunt sæculi Principes, & hæc vel pari formula loquendi utuntur, non suo, sed Principum jure utuntur. Denique quod impe-



impedimentum dirimens quodeunque hoc loquendi genere, indiget vt idonea reddatur ratio, cur consanguinitas, verbi gratia ordo sacer, votum Matrimonium subsequens dirimat Matrimonium. Qui Presbyterium assumit, aut votum emittit, ex se non potest seipsum reddere inhabilem ad contrahendum Matrimonium, quod & ad officium naturæ & ad officium communitatis institutum est. Id genus potestatis ad communitatem & societatem civilem pertinet, vel ad eum qui communitati & civili societati præsidet. Communitas autem & civilis societas, aut illius Præses censetur sciens & prudens permittere, vt subditi quidam fiant in Ecclesiis, putà Diaconi & Presbyteri: quidam alii vota emittant in monasteriis, & reddantur ad Matrimonia & civilia munera inhabiles. Nam qui partes & membra sunt communitatis, non possunt sine illius aut Præsidis consensu abalienare a se communitatis officia, inter quæ primas tenet Matrimonium. Sed de his adhuc postea.

~~~~~

### ARTICULUS III.

*In quo dirimentes Matrimonium leges precipuas jam tum primum ab Imperatoribus aut Principibus institutas esse demonstratur.*

QUi ferendarum legum Matrimonia dirimentium potestatem a Gregorio I. Triburiensi Concilio, Alexandro II. Alexandro III. Innocentio III. vel Honorio III. Principibus ablatam esse tradunt; necessaria consecutione docere debent, præcipua impedimenta hujusmodi jamjam primum ab Imperatoribus, non a Pontificibus aut Conciliis instituta esse, cum illa ante Gregorii I. tempus instituta reperiantur. Gregorium autem Triburiense Concilium, Alexandrum II. Alexandrum III. Innocentium & Honorium III. non fecisse quod illi fecisse volunt, articulo superiori demonstratum est. Nunc igitur primam præcipuorum impedimentorum Ma-

Ee

218 REGIA IN MATRIMONIUM POTESTAS:  
trimonia dirimentium institutionem, quoad liquerit, persequamur.

---

## CAPUT I.

### *Consanguinitatis impedimentum.*

**I**NTER omnia impedimenta Matrimonii, quæ humano jure sancita sunt, primum occurrit consanguinitas, de qua quid ab Imperatore Theodosio seniore constitutum sit, memorix prodiderunt Sextus Aurelius Victor, Ambrosius & Augustinus. Primus in epitome hist. sub finem: *Violentiam scilicet & cupiditatem triumphandi usque eo detestatus est, ut bella non moverit, sed invenerit, prohibuerisque lege ministeria lasciva psaltriasque comessionibus adhiberi, tantum pudori tribuens & continentia, ut consobrinarum nuptias vetuerit tanquam sororum.*

Secundus in epistola XLVIII. ad Paternum: *Hic est tertius gradus, qui etiam civili jure a consortio conjugii exceptus videtur. Et post alia: Si divina te pratererint, salt. m Imperatorum precepta, a quibus amplissimum accepisti honorem, haud quam te praterire debuerunt. Nam Theodosius Imperator etiam fratres patruelos & consobrinos vetuit inter se conjugii convenire nomine, & severissimam pœnam statuit, si quis temerare ausus esset fratrum pia pignora; & tamen illi invicem sibi aequales sunt: tantummodo quia propinquitatis necessitudine & fraterna societatis ligantur vinculo, pietati eos voluit debere quod nati sunt.*

Tertius in lib. xv. de Civit. Dei cap. xvi. *Expertus autem sumus in connubiis consobrinarum etiam nostris temporibus propter gradum propinquitatis fraterno gradui proximum, quam raro per mores fiebat, quod fieri per leges licebat, quia id nec divina prohibuit, & nondum prohibuerat lex humana: verumtamen factum etiam licitum propter vicinitatem horrebatur illiciti, & quod fiebat cum consobrina, pene cum sorore fieri videbatur: quia & ipsi inter se propter tam propinquam consanguinitatem fratres vocantur,*

*Et pene germani sunt. Et post pauca: Verumtamen quis dubitet honestius hoc tempore etiam consobrinatum prohibita esse conjugia, nec solum secundum ea qua disputavimus propter multiplicandas affinitates, ne habeat duas necessitudines una persona, cum due possint eas habere, & numerus propinquitatis augeri; sed etiam quia nescio quomodo inest humana verecundia quiddam naturale atque laudabile, et cui debet causa propinquitatis verecundum honorem, ab ea contineat, quamvis generatricem, tamen libidinem, de qua erubescere videmus etiam ipsam pudicitiam conjugalem.*

Hæc autem cum ita sint, sequitur primo ante Theodosium consobrinatum nuptias licuisse: quia, ut ait Augustinus, id nec divina prohibuit, & nondum prohibuerat lex humana, id est, Imperatoris; deinde subditicia esse illa decreta omnia, quæ in hanc tem a Gratiano quibusdam Pontificibus, Evaristo, Callisto I. & Fabiano affinguntur: & hæc meridiana luce clarius est suppositionis decretorum istorum confirmatio. Quo autem in pretio haberemus id, quod de consanguineorum conjunctionibus Evaristo, Callisto I. tribuitur, non obscure significavimus in art. 1. cap. XII. & in art. 11. cap. x. ubi manus cum Canisio conseruimus. Non legerat, opinor, Ambrosium & Augustinum Canisius: hic non vituperasset, quod illi prædicant: non dixisset, Imperatorem falcem in messiem alienam misisse, quod Patres sanctissimi non dicunt, nec dici posse significant.

Sed placet hic referre V. Cl. Jacobi Sirmondi de hac lege iudicium, quod initium est libelli, cui titulus est, *Questio triplex. Consobrinarum nuptias primus omnium, ut Aulus Victor tradit, pudoris & continentie amans, Princeps vetus Theodosius. Lex qua vetuit, non extat; sed patris legem secuti Arcadius & Honorius proximo post ejus mortem anno inter incestas & prohibitas nuptias consobrinarum conjugia retulerunt lege III. codicis Theodosiani de incestis nuptiis. & mortuo Arcadio, idem Honorius cum Theodosio fratris filio nuptias ex rescripto peti vetans, consobrinarum Matrimonia excepit, in quibus juxta patris legem Principis rescriptum expetere liceret, lege unica, Cod. eodem, si nuptia ex rescripto petantur. Denique perseverasse deinceps annos amplius centum, & viguisse legem Theodosii, fidem facit formula,*

qua consobrina legitima fiebat vxor, apud Cassiodorum Senatorem lib. VII. cap. XLVI. ex qua liquet, reservatum etiam tum Principi fuisse hoc beneficium, nec legitimas inter consobrinos habitas esse nuptias, nisi Principis auctoritate firmarentur.

Theodosiani codicis leges illæ duæ, quas Sirmondus laudat, hæc sunt. Una in libri III. tit. XII. de incestis nuptiis: Imperatores Arcadius & Honorius Augusti Eutychiano P. P. manente circa eos sententia posthac, qui consobrina sua, vel sororis aut fratris filia vxorisve, postremo cujus vetitum damnatumque conjugium est, sese nuptiis funestariis: designato quidem legis supplicio, hoc est, ignium & proscriptionis careat; proprias etiam, quandiu vixerit, teneat facultates. Sed neque vxorem, neque filios ex ea editos habere credatur, ut nihil prorsus predictis, ne per interpositam personam vel donet superstes, vel mortuus derelinquat. Dos si qua forte sollemniter aut data aut dicta, aut promissa fuerit, juxta jus antiquum fisci nostri commodis cedat: testamento suo extraneis nihil derelinquat, siue testato, siue intestato legibus ei & jure succedat. Qui si forte ex justo & legitimo Matrimonio editi fuerint, hoc est, de descendantibus, filius, filia, nepos, neptis, pronepos, proneptis; de ascendentibus, pater, mater, avus, avia; de latere, frater, soror, patruus, amita: testandi sane ita demum habeat facultatem, ut his tantum personis pro juris ac legum quod voluerit, arbitrio relinquat, quas succedere imperialis præcepti tenorem mandavimus; ita tamen ut hereditate diem functi penitus arceatur. Si quis ex his, quos memoravimus, in contrahendis incestis nuptiis participatum atque consilium inuisse monstrabitur, successuro in locum illius, qui post eum gradum proximum invenitur: id sane quod de viris cavimus, etiam de feminis, quæ predictorum se consortio commaculaverint, custodiatur: memoratis vero personis non extantibus fisco locus pateat. Ad cujus legis nexum & conditionem pertinere jubemus. Si qui forte jamdudum ante promulgationem hujusce legis illicitis memoratarum nuptiarum sceleribus commaculati, quoquo modo latere potuerunt. Dat. V. Id. Decemb. Constantinop. Arcadio IV. & Honorio III. AA. Conf. hoc est, anno Christi CCCXCVI.

Altera est in ejusdem libri tit. X. Si nuptiæ ex rescripto petantur: Imperatores Honorius & Theodosius AA. Theod. P. P.

*Quidam vetusti juris ordine pratermissio, obreptione precum nuptias, quas se intelligunt non mereri, de nobis aestimant postulandas, se habere puella consensum fingentes: quapropter sponsaliorum genus presentis legis definitione prohibemus. Si quis igitur contra hanc definitionem nuptias precum subreptione meruerit, amissionem bonorum & penam deportationis subiturum se esse non ambigat & amisso jure Matrimonii, quod prohibita usurpatione meruerit, filios se jure hac ratione susceptos non habiturum, nec unquam postulatam indulgentiam adnotationisve Principis indulto efficacem se venia effectum meruisse: exceptis his, qui consobrinorum, hoc est, quarti gradus conjunctione, lex triumphalis memoria patris nostri exemplo indulgentium supplicare non vetavit: exceptisque his qui parentum sponsione de nuptiis filiarum impleri desiderant vel sponsalia, hoc est, arrarum data nomine reddi sibi praeceto legum cum quadrupli poena deponunt. Nos enim peti de nobis nuptias supplicatione prohibemus, quas deceat de voluntate parentum, vel de ipsis adultis puellis aut mulieribus impetrari. Nam si negato conjugio, quod fuerat ante promissum, lis aliqua legum praeceto nascatur, de jure nos consuli non vetamus. Dat. Cal. Febr. Ravenna DD. NN. Honorio VIII. & Theodosio III. AA. Conf. hoc est, anno Christi ccccix.*

In viraque lege confirmatur Theodosii Magni lex, qua primus vetuit, ne consobrinæ & consobrini Matrimonio jungerentur.

An autem Arcadius & Honorius Theodosii legem resciderint, & lege *Celebrandis* consobrinorum Matrimonia permiserint, aut non permiserint; sed an eorum lex depravata fuerit ab editoribus codicis, vel an Justinianus in institutionibus, paragrapho *Duorum autem fratrum*, eadem consobrinorum Matrimonia permiserit, vel non permiserit, sed hic paragraphus corruptus fuerit: quaestio est, quæ nuper commissos tenuit duos celeberrimos viros, Sirmondum & Gothofredum; sed hujus quaestionis decisio nostrum vix attinet institutum. Utrum enim asseretur tanquam verum, in eo civilis super impedimenta Matrimonii potestas elucescet: quoniam quidquid factum est tunc circa consobrinorum nuptias, Imperatorum auctoritate factum est. Si enim post Theodo-

tium seniore[m] consobrinorum nuptiæ licuerint, Arcadii, Honorii & Justiniani auctoritate licuerunt; si vero non licuerint, Theodosii & horum Imperatorum auctoritate non licuerunt.

Et quamvis decisio hæc nostrum ad institutum nihil aut parum attingat; de re ipsa tamen dicam obiter quod sentio. Lex *Celebrandis*, qualis extat in libro v. codicis Justinianæi, art. iv. de nuptiis, Arcadio & Honorio subiecta mihi videtur. Sic autem illa se habet: *Celebrandis inter consobrilinos Matrimonii licentia legis hujus salubritate indulta est, ut revocata pristini juris auctoritate, restitutiisque calumniarum fimentis, Matrimonium inter consobrilinos habeatur legitimum, siue ex duobus fratribus, siue ex duabus sororibus, siue ex fratre & sorore nati, & ex Matrimonio editi legitimi, & suis patribus successores habeantur.* Datum Stilicone II. & Anthemio Consf. qui anno Christi ccccv. respondent.

i. In Arcadii & Honorii legibus *Manente*, & *Si nuptia*, certa sunt veritatis indicia, quæ legi *Celebrandi* omnino desunt. In illis duabus legibus dies, mensis & vrbs adscribuntur. In lege *Manente* sic: Dat. V. Id. Decembris Constantinop. In lege *Si nuptia* sic: Dat. Calend. Febr. Raven. At in lege *Celebrandi* nec dies, nec mensis, nec vrbs adscribuntur.

ii. Affectatio est in legis anno ccccv. in quo Arcadius & Honorius Consules non erant. Imperatorum Arcadii & Honorii auctoritatem majorem conciliasset legi *Celebrandi*, si eam illi tulissent: quis dubitat?

iii. Si Arcadius & Honorius legem patris revocassent, suam quoque, qua lex patris confirmatur, revocassent. At quis prudens & attentus crederet, Arcadium & Honorium utramque revocasse legem, nulla utriusque legis mentione facta?

iv. Si anno Christi ccccv. Arcadius & Honorius per legem *Celebrandi* voluissent suam & patris revocare legem: quid prodest lex *Si nuptia* lata anno ccccix. quæ a lege *Celebrandi* discordat, & cum lege *Manente* concordat?

v. Si Arcadius & Honorius patris & suam legem revocassent anno ccccv. sanctus Augustinus nunquam scripsisset

# REGIA IN MATRIMONIUM POTESTAS. 223

anno ccccx. vel. ccccxi. quæ in libri xv. de Civitate Dei cap. xvi. scripsit in hunc modum: *Experti autem sumus in concubiis consobrinarum etiam nostris temporibus propter gradum propinquitatis fraterno gradui proximum, quam raro per mores fiebat, quod fieri per leges licebat: quia id nec divina prohibuit, & nondum prohibuerat lex humana.* Scripsissetne hæc, inquam, post legem *Celebrandis*, qua revocatur prisca juris auctoritas, & consobrinorum & consobrinarum Matrimonia permittuntur? Cur Augustinum legis læ revocatio minus quam lex lata fugisset?

v i. Nulli sunt auctores Arcadio & Honorio æquales, qui lege *Celebrandis* testimonium ullum tribuant: hæc lex pertinaci omnium obruitur silentio.

v ii. Lex ista nondum subjecta erat Arcadio & Honorio, cum sæculo plus minus vno post Imperatores illos Cassiodorus varias conscripsit formulas, & eam maxime, qua disponentibus Regibus consobrina legitima fiebat vxor. Quid, quæso, necesse erat dare veniam ineundi inter consobrinos Matrimonii, si quæ lex Matrimonium vetabat hujusmodi, ab Imperatoribus abrogata fuerat? Hanc autem formulam sic tradit Cassiodorus lib. vii. variarum cap. xlii. *Institutio divinarum legum humano juri ministrat exordium, quando in illis capitibus legitur præceptum, quæ duobus tabulis probantur adscripta. Sacer enim Moyses divina institutione formatus, Israelitico populo inter alia definivit, ut concubitus suos a vicinitate sanguinis abstinerent, ne & se in proximitatem redeundo polluerent, & dilationem providam in genus extraneum non haberent. Hoc prudentes viri sequentes, exemplum, longius pudicam observantiam posteris transmisserunt, reservantes Principi tantum beneficium consobrinis nuptiali copulatione jungendis: intelligentes rarius posse presumi, quod a Principe jussu postulari. Admiramur inventum, & temperiem rerum stupenda consideratione laudamus, hoc ad Principum fuisse remissum judicium, ut qui populorum mores regebat, ipse & moderata concupiscentiæ frena laxaret. Et ideo supplicationum tuarum tenore permoti, si tibi illa tandem consobrini sanguinis vicinitate conjungitur, nec alio gradu proximior approbaris, Matrimonio tuo decernimus esse sociandam, nulli nul-*



*Imque vobis exinde iubemus fieri questionem, quando & leges nostra permitti voluntate consentiunt, & vota vestra presentis beneficio auctoritatis firmaverunt. Erunt vobis itaque Deo favente posteri heredes solenniter, castum Matrimonium, gloriosa permixtio, quando quidquid a nobis fieri precipitur, necesse est, ut non culpis, sed laudibus applicetur. De hac formula sic loquitur V. Cl. Jacobus Sirmondus in notis ad epistolam xxiv. libri v. Ennodii Ticinensis Episcopi: Imperatores Christiani etiam consobrinas jungi vetuerunt, ut Theodosius. Quare sine Principis venia duci non licebat. quod declarat Cassiodori formula, qua consobrina legitima fiat uxor.*

Quo autem fœtæ tempore edita est formula hæc, servandam esse omnino in danda alii nuptiarum generi venia severitatem præcepit Imperator Zeno lege, quæ in Justinianæi cod. libro v. tit. v. l. i. Si nuptia exrescriptio petantur, ita refertur: Nefandissimum scelus fratris sororisve nuptiarum, quod sacratissimis constitutionibus sub gravissima pena interminatione damnatum est, iterato presentis divina sanctionis tenore, modis omnibus prohibemus: precandi quoque in posterum super tali conjugio (imo potius contagio) cunctis licentiam denegamus, ut unusquisque cognoscat impetrationem quoque rei, cujus denegata est petitio, nec si per subreptionem post hanc diem obtinueris, sibimet profuturam.

Ceterum ad relatas supra leges accedit lex Anastasii Imperatoris, quæ in lib. v. Justinianæi cod. tit. v. de incestis & inutilibus nuptiis, ultima habetur: Ab incestis nuptiis universi, qui nostro reguntur imperio, noverint temperandum. Nam rescripta quoque omnia, vel pragmaticas formas, aut constitutiones impias, quæ quibusdam personis tyrannidis tempore permiserunt, scelesto contubernio Matrimonii nomen imponere, ut fratris filiam vel sororis, vel eam quæ cum fratre quondam nuptiali jure habitaverat, uxorem legitimam turpissimo consortio liceret amplecti, aut ut alia huiusmodi committerentur, viribus carere decernimus, ne dissimulatione culpabili nefanda licentia corroboretur.

Agatensis, Epaunensis, Aurelianensis III. Turonensis II. & Matisconensis II. Gallicanæ Synodi quinque ad harum legum normam canones quosdam suos exegerunt. Prima; quæ



quæ habita est anno DVI. canonem hunc LXI. *De incestis conjunctionibus nihil prorsus venia reservamus, nisi cum adulterium separatione sanaverint. Incestos vero nullo conjugii nomine deputandos, quos etiam designare funestum est, hos censemus esse. Si quis relictam fratris, quæ pene prius soror existerat, carnali conjunctione polluerit; si quis frater germanam uxoris acceperit; si quis novercam duxerit; si quis consobrina sua se sociaverit; si quis relictæ vel filia avunculi miscetur, aut patris filie, vel privigna sue; aut qui ex propria consanguinitate aliquam, aut quam consanguineum habuit, concubitu polluerit, aut duxerit uxorem. Quos omnes & olim, atque sub hac constitutione incestos esse non dubitamus, & inter catechumenos usque ad legitimam satisfactionem manere & orare precipimus. Quod ita præsentis tempore prohibemus, ut ea quæ sunt hætenus instituta, non dissolvamus. Sane quibus conjunctio illicita interdicitur, habebunt incundi melioris connubii libertatem. Synodus Principum constitutiones describit, & iis adjicit, quæ quo servantur diligentius, necessaria esse judicat.*

Alteræ anno DXVII. habita canonem hunc XXII. *Relicta Presbyteri sive Diaconi, si cuicunque renupsærit, eandem ab Ecclesia pellatur, donec a conjunctione illicita separetur; marito quoque ejus simili usque ad correctionem severitate plectendo. Sic & relictæ & relictæ maritus nonnisi pœna spirituali plectuntur.*

Tertiæ habita anno DXXXVIII. canonem hunc X. *De incestis conjunctionibus, ita quæ sunt statuta servantur, . . . ut contracta hucusque hujusmodi Matrimonia non solvantur; sed in futurum quod de incestis conjunctionibus in anterioribus canonibus interdictum est, observetur; id est, ne quis sub conjugii nomine sociare presumat relictam patris, filiam uxoris, relictam fratris, sororem uxoris consobrinam, relictam avunculi vel patrui. Quod si qui in hoc incesti adulterio potius quam conjugio fuerint sociati, quandiu se non separaverint, a communione Ecclesiastica repellantur. Sic Principum leges Ecclesiasticæ communionis privatione communiendas esse censet.*

Deinde canonem hunc XIII. *Christianis quoque omnibus interdiciamus, ne Iudeorum conjugiiis miscantur.*

Quarta anno DLXVII. celebrata canonem hunc XXI. *Item ait sacra sententia legum, quæ in hac explanatione omni homini tam docto quam indocto aperta est, ut quisquis aut sororis aut fratris filiam, aut certe gradu consobrinam, aut fratris uxorem sceleratis sibi nuptiis junxerit, huic pena subjaceat, ut de tali consorcio separetur, & reliqua. Item alia: Quacunque mulier sororis suæ maritum post mortem illius acceperit, vel si quis ex viro, mortua uxore, sororem ejus aliis nuptiis sibi conjunxerit, noverit tali consorcio esse notabilem. Describit sacram legum sententiam.*

Quinta anno DLXXXV. habita canonem hunc XVIII. vbi Theodosianam legem sic exequitur: *Incestam copulationem, in qua nec conjuges, nec nuptias recte appellari leges sanxerunt, Catholica omnis detestatur atque abominatur Ecclesia, & gravioribus penis eos afficere promittit, qui natiuitatis suæ gradus libidinoso ardore contemnentes, in merda, quod nefas est, sua, ut sues terribili, convolvuntur. In cod. Theodosiani libro III. tit. XII. de incestis nuptiis.*

Ceterum quando temporis progressu hic serius, alibi citius conjugalæ copulæ prohibitio vsque ad septimum gradum admissa est, non abnuerunt Principes, immo suis sæpe edictis firmarunt. At cum non potuit amplius servari propter publicam utilitatem & pacem, quæ variis in tam multiplici vetito gradu contractis nuptiis turbabatur, Concilium Lateranense quartum impedimenta consanguinitatis ad quartum gradum revocavit, cui rei Christiani Principes facilem assensum dederunt; in ea nimirum materia, quæ civilis juris metas non excedit. Quibus enim probantibus sanctissimis Ecclesiæ Patribus, Ambrosio & Augustino, consobrinorum gradus vindicatur, posteriores gradus iisdem non possunt ex se non vindicari.



## CAPUT II.

*Impedimentum disparis cultus.*

**D**ISPARIS cultus impedimentum longe antiquius est, quam Bellatminus lib. 1. de Matrimonio cap. xxiii. tradidit, ubi docet nulla vniuersali lege irritum esse Matrimonium, quod cum infidelibus a Christianis contrahitur, sed tantum vniuersali consuetudine, quæ quingentis circiter abhinc annis vim & auctoritatem legis obtinet. Sed modo cuius sit antiquitatis, videamus.

In lib. iiii. codicis Theodosiani tit. xiv. *de nuptiis gentilium*, lege 1. *Impp. Valentinianus & Valens AA. ad Theod. Magistrum Equitum*. Nulli provincialium cuiuscunque ordinis aut loci fuerit, cum barbara sit uxore conjugium, nec ulli gentilium provincialis femina copuletur, nisi quæ inter provinciales atque gentiles affinitates ex huiusmodi nuptiis extiterunt: quod in iis suspectum vel noxium desegitur, capitaliter expiatur. *Dat. v. Calend. Iunii, Valentiniano & Valente AA. Conf.* id est, anno Christi ccclxv.

Deinde lib. ix. tit. iv. leg. v. *Imperatores Valentinianus, Theodosius & Arcadius AA. Cynegio P. P.* legem tulerunt, qua ne Judæus cum Christiana, vel Christianus cum Judæa Matrimonium ineat, vetatur: *Ne quis Christianam mulierem in Matrimonium Iudæus accipiat, neque Iudææ Christianus conjugium sortiatur. Nam si quis aliquid huiusmodi adniserit, adulterii vicem commissi huius crimen obtinebit, libertate in accusandum publicis quoque vocibus relaxata.* *Dat. prid. Id. Mart. Theofil. Theod. xii. & Cynegio Consulibus*, id est, anno Christi ccclxxviii. Impedimentum dirimens est, ubi qui violat illud, ut adulter punitur.

His autem Imperatoribus adiungitur Constantinus Magnus legem ferens, qua Christianorum Matrimonium cum quibusdam populis infidelibus prohibuit. Illam repetimus ex Constantini

PorphYROGENNETI libro, quem de administrando Imperio scripsit ad Romanum Porphyrogennetum filium: *Si unquam gens quæpiam ex infidelibus & inhonoratis Borealibus affinitatem contrahere cum Romano Imperatore voluerit, vel filiam ejus sponsam accipere, vel suam illi elocare, vel Imperatoris, aut ejus filii uxorem capere, hujusmodi te verbis indecoram hanc petitionem propulsare oportet, etiamsi de hac re interdictum, constitutionemque metuendam, immutabilemque a magno & sancto Constantino scriptam esse in sacra mensa Christianorum Ecclesia sancta Sophia, ne unquam Imperator Romanus affinitatem contrahat cum gente, qua peregrinis, & a Romano statu diversis moribus utatur, maxime qua sit fidei alterius, & baptizata non sit, exceptis duntaxat Francis. Hos enim solos excepit magnus ille vir sanctus Constantinus, cum quod ex illis partibus ipse oriundus, tum quod propinquitas isti genti, & commercia magna essent cum Romanis. Quapropter etiam cum his solis valere contractus matrimoniales permisit, propter partium illarum gentiumque splendorem ac nobilitatem, quam jam annotavi; cum autem quocunque populo omnino prohibuit. Quod vero si quis facere ausus fuerit, tanquam patriarum constitutionum imperialiumque legum transgressor, & inter Christianos, censeretur indignus, diris deoveatur. Hæc ille de Constantino Magno, quæ, quia nec in illius vita, nec in codice reperiuntur, vide, an rejeceris, & soli Constantino Porphyrogenneto, vel alicui alii, qui in sacra mensa Christianorum Ecclesie sanctæ Sophiæ descripserit, tribueris. Ut sit, hæc constitutio suam non poterit non habere a Porphyrogenneto auctoritatem.*

Bellarminus cum videret antiquos canones, nonnisi spirituali pœna animadvertere in eos, qui cum Judæis vel infidelibus Matrimonia contraherent, disparis cultus impedimentum dirimens ad consuetudinem reduxit, quæ quingentis abhinc annis vim dirimentis impedimenti sortita est. Sed ut sit hoc verum, illa tamen consuetudo sine Principum sæcularium assensu inducta non est. Id enim Matrimonii genus non minus quam quodlibet aliud ad publicam Imperii pacem & tranquillitatem refertur.

## CAPUT III.

*Impedimentum affinitatis.*

**A**FFINITAS cum duplex sit: vna quæ ex conjugali nexu, altera, quæ ex fornicario trahit originem; duplici quoque lege in impedimentum dirimens instituta est. Ad primam affinitatem quod attinet, de ea sic codex Theodosianus lib. III. tit. XII. *Imperatores Constantinus & Constans Augusti, & Iulianus Cæsar, ad Volusianum Vicarium vrbis. Et si licitum veteres crediderunt, nuptiis fratris solutis ducere fratris uxorem, licitum etiam post mortem mulieris aut divortium contrahere cum ejusdem sorore conjugium; abstineant hujusmodi nuptiis universi, nec æstiment posse legitimos liberos ex hoc consorcio procreari. Nam spurios esse convenit qui nascentur. Dat. prid. Calend. Mai. Romæ, Arbitione & Lolliano Consulibus, id est anno Christi CCCLV.*

Deinde in eodem lib. leg. III. *Imperatores Honorius & Theodosius Augusti Aureliano P. P. Tanquam incestum commiserit, habeatur, qui post prioris conjugis amissionem, sororem ejus in Matrimonium proprium crediderit sociandam: pari ac simili ratione etiam, si qua post interitum mariti in germani ejus nuptias crediderit aspirandum, illo sine dubio incestuuro, quod ex hoc contubernio nec filii legitimi habebuntur, nec in sacris patris erunt, nec paternam ut sui suscipient hereditatem. Dat. XVII. Calend. Jan. Constantino X. & Theod. VI. Augustis Consulibus, id est anno Christi CCCCXV.* Ex his duabus legibus primam qui legit, primos auctores fuisse hujus impedimenti dirimentis Imperatores facile judicabit.

Tum in lib. V. cod. Justinianæ leg. XIX. *Nemini liceat contrahere Matrimonium cum filia, neptæ vel proneptæ: itaque cum matre, avia vel proavia, & ex latere amita, ac matertera, sorore, sororis filia, & ex ea neptæ; præterea fratris tui filia, & ex ea neptæ: itemque ex affinibus privigna, noverca, nuru, socru, ceteris-*  
Ff ij

que quæ jure antiquo prohibentur, a quibus cunctos volumus se abstinere. Et quamvis singula legis puncta non pertineant ad affinitatem, malui tamen legem integram quam dimidiam afferre: quæ enim abundant, non nocent.

Denique in lib. v. codicis Justiniani tit. v. leg. v. *Fratris uxorem ducendi, vel duabus sororibus conjungendi*, penitus licentiam summovemus, nec dissoluto quocunque modo conjugio. Deinde leg. viii. *Licet quidam Ægyptiorum idcirco mortuorum fratrum sibi conjuges Matrimonio copulaverint, quod post illorum mortem mansisse virgines dicebantur, arbitrati scilicet quod certis legum conditionibus placuit, cum corpore non convenerint, nuptias non videri re esse contractas, & hujusmodi connubia tunc temporis celebrata firmata sunt: tamen presenti lege sancimus, si quæ hujusmodi nuptie contractæ fuerint, eas earumque contractores, & ex his progenitos antiquarum legum tenori subjacere, nec ad exemplum Ægyptiorum, de quibus supra dictum est, eas videri fuisse firmas, vel esse firmandas.* Sed videamus modo, an Nicolaus Papa decessoribus suis, vel Principibus hoc impedimentum affinitatis acceptum referat cap. xxxix. responsionis ad consulta Bulgarorum: *De consanguinitate generationum exquiris, ut quibus utique feminis jungi debeatis, liquide cognoscatis. Verum quod leges hinc sanciunt jam meminimus, & denno memorare summatim operæpretium ducimus. Aiunt enim, ergo non omnes nobis uxores ducere licet. Nam quarundam nuptiis abstinere debemus. Inter eas enim personas, quæ parentum liberorumve locum inter se obtinent, nuptia contrahi non possunt, veluti inter patrem & filiam, vel avum & nepotem, matrem & filium, aviam & nepotem, & usque ad infinitum. Inter eas quoque personas, quæ ex transverso gradu cognationis junguntur, est quædam similis observatio, sed non tanta. Expende nunc, quæso, cur qui Papa solet majorum Decreta præ legibus Imperatorum citare, tria illa, quæ apud Gratianum, Hygino vnum, alterum Fabiano, tertium Julio tribuuntur, non citet, sed potius Imperatorum leges, quibus apud Bulgaros neophytorum Matrimonia instituuntur: intelligebat quippe vir prudens Nicolaus in negotiis, quæ politicam rationem omnino attinent, ea potissimum adducenda esse, quæ certissimam in auctoritatem*

REGIA IN MATRIMONIUM POTESTAS. 231  
admittuntur. Porro tria illa Decreta, quorum meminimus,  
subdititia esse cum ex aliis constat, tum ex lege, quam pri-  
mo proposuimus.

Alterum vero genus affinitatis sic perstringitur lib. v. co-  
dicis Justiniani tit. i v. leg. i v. *Liberi concubinas parentum suo-  
rum uxores ducere non possunt, quia minus religiosam & proba-  
bilem rem facere videntur: qui si contra hoc fecerint, crimen stupri  
committunt.* Hactenus de impedimento utriusque affinitatis.

---

#### CAPUT IV.

##### *Impedimentum cognationis legalis.*

QUÆ ferme rationum momenta ad consanguinitatis, ea-  
dem & ad cognationis legalis statuendum impedimen-  
tum excitantur. Hoc probamus partim ex Digestorum lib.  
xxxviii. tit. xvi. vbi sic habetur: *Non solum autem natu-  
rales filii, verumetiam adoptivi quoque iura consanguinitatis ha-  
bebunt cum iis, qui sunt in familia, vel in utero, vel post mor-  
tem patris nati.* Partim ex Instit. lib. i. tit. xi. *In plurimis cau-  
sis assimilatur is, qui adoptatus vel adrogatus est ei, qui ex le-  
gitimo Matrimonio natus est.* Quo fit, vt Digestorum lib.  
xxiii. tit. ii. de ritu nuptiarum, proponatur istud impedi-  
mentum: *Adoptivus filius, si emancipetur, eam, quæ patris  
adoptivi uxor fuit, ducere non potest, quia noverca locum habet.*  
*Item si quis filium adoptaverit, uxorem ejusdem, qua nurus loco  
est, nequidem post emancipationem filii ducere poterit, quoniam  
aliquando ei nurus fuit.* Hæc de cognationis legalis impedi-  
mento, quod ex jure civili profectum est, neque vllus, opi-  
nor, est qui merito negare possit.



## CAPUT V.

*Impedimentum spiritualis cognationis.*

**S**PIRITUALIS cognatio in impedimentum dirimens instituta æmulatur cognationis legalis rationem, quæ & in ipsa lege Imperatoris exprimitur lib. v. cod. Justiniani tit. IV. cap. xxvi. *Ea persona omnino ad nuptias venit prohibenda, quam aliquis sive alumna sit, sive a sacrosancto suscepit baptismo, cum nihil aliud sic inducere possit paternam affectionem, & justam nuptiarum prohibitionem, quam hujusmodi nexus, per quem, Deo mediante, animæ eorum copulata sunt.* Sed de utraque cognatione legali & spiritali differrentem Nicolaum I. audire juvat; sed continuo notandum est, utrum a majoribus suis, vel a Principibus hæc impedimenta Matrimonii repetat ad consulta Bulgarorum respondens cap. 11. *Unde inter eos (compadres) non arbitramur esse quodlibet posse conjugale connubium, quandoquidem nec inter eos, qui natura, & eos, qui adoptione filii sunt, veneranda Romana leges Matrimonium contrahi permittunt. Siquidem primus institutionum liber cum de nuptiis loqueretur inter cetera: Inter eas, inquit, personas, quæ parentum liberarumve locum, inter se obtinent, nuptiæ contrahi non possunt, veluti inter patrem & filiam, vel avum & nepotem, vel matrem & filium, vel aviam & nepotem, & usque ad infinitum; & sitales personæ inter se coierint, nefarias atque incestus nuptias contraxisse dicantur; & hæc adeo sunt, ut quamvis per adoptionem parentum liberorumve loco sibi esse cæperint, non possint inter se Matrimonio jungi: itaque eam, quæ mihi per adoptionem filia, aut neptis esse cæperit, non potero uxorem ducere. [Et infra: Si quis per adoptionem soror esse cæperit, quandiu quidem constat adoptio, sane inter me & eam nuptiæ consistere non possunt.] Si ergo inter eos non contrahitur Matrimonium, quos adoptio jungit: quanto potius a carnali oportet inter se contubernio cessare, quos per celeste sacramentum regeneratio sancti Spiritus vincit?* Sic ergo Nicolaus ad Bulgarorum consulta respondet, ut Principum leges tanquam matrimo-



REGIA IN MATRIMONIUM POTESTAS. 133  
rimonialis inter Christianos contractus regulas sequatur, &  
Bulgaris sequendas proponat. Hic non moror aliquot cano-  
nes Arabicos, quorum editionem neque Nicolaus Papa no-  
vit, neque ætas Justiniani vidit, neque certa ratio hæcenus  
probavit. Canones igitur Ecclesiasticos hæc cognitionis  
utriusque impedimenta antecesserunt.

---

## CAPUT VI.

### *Impedimentum publicæ honestatis.*

**D**E impedimento publicæ honestatis, quæ oritur ex  
sponsalibus de futuro, vel ex Matrimonio rato non-  
dum consummato, lex extat in digestorum lib. xxiiii. de  
ritu nuptiarum: *Inter me & sponsam patris mei nuptiæ contrahi  
non possunt, quanquam nurverca mea non proprie dicatur; sed &  
per contrarium sponsa mea patri meo nubere non poteris, quanvis  
nurus non proprie dicatur.* Sed lubet expendere, quæ Alexan-  
der III. retulit in appendice Lateranensis Concilii ex quo-  
dam Pontifice Benedicto, qui Gradenſi Patriarchæ referipſit  
in hæc verba, huic consultationi respondens: *Utrum soror il-  
lius, quæ Ioanni desponsata ante peractas nuptias obiit, illi eidem  
Ioanni nubere possit? Censura Apostolica mandamus, hoc absque  
criminis vitio posse. Nam cur prohibeam, quod prohibitum nun-  
quam sacra Scriptura declaravit; sed neque mundana leges con-  
numeratæ personis, quibus inter se nuptias contrahere non licet, de  
huiusmodi aliquid dicunt negotio.* Hæc si vera sunt, primum  
spuria esse oportet, aut saltem extra vsum Romanæ Ecclesiæ  
decreta illa, quæ Gratianus in hanc rem Julio I. & Gregorio  
I. tribuit causa xxvii. Deinde Benedictum ignorasse, quid  
mundanæ leges super hac quæstione edicerent, cum quæ ex  
legibus modo relata sunt, hunc Benedictum antecesserint:  
Tum in impedimentis dirimentibus mundanas leges ante-  
vertere canones, cum, ut ait Catharinus, *in materia propria  
versentur. Cur, inquit iste Benedictus, prohibeam, quod pro-*

*hibitum nunquam sacra Scriptura declaravit; sed neque mundanæ leges connumeratis personis, quibus inter se nuptias contrahere non licet, de hujusmodi aliquid dicunt negotio?*

## CAPUT VII.

*Impedimentum erroris.*

**E**RROR sive personæ, sive servilis conditionis, Matrimonium cum impediat & dirimat jure naturæ, id primum a politicis Magistratibus declaratum fuisse docent antiquæ Imperatorum leges, quæ Ecclesiasticos canones præcesserunt. Quinetiam hac in re nobis conveniunt recentiores Theologi, Silvester, Viguerius, Sanchez, & alii, qui, ut probent conjugium, in quo error personæ intervenit, nullum esse, non canones, sed has leges adducunt ex codice Justiniano, lib. 1. tit. xviii. vbi leg. viii. & leg. ix. errantis nullam esse voluntatem, nullum errantis esse consensum decernitur. Tum ex Digestorum lib. 11. tit. 1. vbi Jurisconsultus dicit: *Non consentiunt qui errant. quid enim tam contrarium consensui est, quam error, qui imperitiam detegit?*

Quod autem spectat ad servilem conditionem, præsto est novella xxii. de nuptiis cap. x. in Authent. collat. iv. tit. 1. Si vero ab initio putaveris aliquem liberæ jungi personæ, illa vero famula postea declaretur existens; non dicimus solvi Matrimonium; sed ab ipso initio neque Matrimonium fieri secundum prius a nobis dictam causam propter inæqualitatem fortunæ. Unde neque lucrum ex Matrimonio contemplandum esse, neque aliud tale, sed puram rerum competentium per congruas actiones redditionem. Hæc autem decernimus, & tale non esse dicimus Matrimonium, si causam animus incertus disponat solum, neque consensu domini, neque malignitate ejus aliqua, neque negligentia convicta.

Porro Matrimonium servi sine consensu domini contractum non valuisse quondam tradit Petrus Ledesma his verbis: *Advertendum est, inquit, quod talia Matrimonia irrita erant per jus*

*civile.* Quod autem variis in variis temporibus hujus impedimenti fuerit usus & varie temperatus, ad nostrum nihil refert institutum, in quo primas impedimentorum dirimentium origines disquirimus. Deinde varie temperari non potuit dissentientibus iis, qui spectata potestatis suæ natura & fine, hæc impedimenta primum instituerunt, & soli potuerunt instituere.

## CAPUT VIII.

*Impedimentum raptus.*

**I**MPEDIMENTUM raptus seu vis illud est, quod obstat legitimo consensui, qui ad Matrimonium requiritur. De hoc impedimento insignem tulit legem Justinianus lib. ix. cod. tit. xlii. *Raptores, inquit, virginum honestarum vel ingenuarum, sive jam desponsatae fuerint, siue non, vel quarumlibet viduarum feminarum, licet libertinae vel servae alienae sint, pessima criminum peccantes capitis supplicio plectendos decernimus, & maxime si Deo fuerint virgines vel viduae dedicate.* Et post alia: *Nec sit facultas rapta virgini vel viduae vel cui-libet mulieri sibi maritum exposcere; sed cui parentes voluerint (excepto raptores) eam legitimo copulent Matrimonio, quoniam nullo modo nulloque tempore dotur a nostra serenitate licentia eis consentire, qui hostili more in nostra republica student Matrimonia sibi conjungere. Oportet enim, ut quicumque uxorem ducere voluerit siue ingenuam, siue libertinam, secundum nostras leges & antiquam consuetudinem parentes vel alios, quos decet, petat, ut cum eorum voluntate fiat legitimum conjugium.* Et post alia: *Omnibus leges talia capitulis, quæ de raptu virginum siue viduarum siue sanctimonialium, siue in antiquis legum libris, siue in sacris constitutionibus posita sunt, de cetero abolitis, ut hæc lex in hoc capite pro omnibus sufficiat, quam de sanctimonialibus etiam virginibus & viduis locum habere sancimus.* Hac autem lege impedimentum dirimens statui quis neget?

At enim dices Justiniano prævisse Calchedonense Concilium, quod sic de puellatum raptoribus decernit can. xvii.

## 236 REGIA IN MATRIMONIUM POTESTAS.

*Eos qui rapiunt mulieres sub nomine simul habitandi cooperantes, aut conviventes raptoribus, decrevit sancta Synodus, ut siquidem Clerici sunt, decedant gradu proprio; sive vero laici, anathematizentur. At inprimis negamus in statuenda lege Matrimonium dirimente ob causam raptus Justiniano Calchedonenſe præviſſe Concilium, cum in hoc canone non ſanciatur impedimentum dirimens, ſed ſpiritualis tantum pœna, quæ Clericos & laicos a raptu virginum deterreat. Quod ita intellexit Carolus Magnus lib. vi. Capitularium num. xcvi. Si quis, ait, alterius ſponſam, virginem & viduam, necdum deſponſatam rapuerit vel furatus fuerit: placuit ut ſive eam poſtea ſponſaverit, ſive dotaverit, ſeu non, ſive cum parentum ejus voluntate quocunque commento ipſam accipere vel tenere potuerit, nunquam illam uxorem habeat, ſed raptori aut furi auferatur, & proximis ſuis alii viro tempore congruo, ſi ipſa hoc malum conſenſerit, nuptura, legibusque acceptura reddatur. Raptor vero ſive fur, omneſque eiſ conſentientes publica pœnitentia juxta canonicam auctoritatem mulſtetur, & proximi illius, quidquid injuſte in tam nefando ſcelere egerunt, in triplo component, & unamquamque rem ſemotim legibus in triplo reſtituant. Ipſa namque qua rapitur, ſi aut primo, aut poſtmodum tam nefario ſceleri libens conſenſerit, nunquam poſtea nubat, ſed publica pœnitentia mulſtetur, & ſub tali cuſtodia ponatur, ut ei nullatenus luxuriari cum quoquam liceat. Taliter enim memorata ſlagitia puniantur, ut omnes cognoſcant, quoniam nec ſæculi leges tam nefandis conjunctionibus conſentiant, nec ſacri canonis conſilium ullum præbeant. Sed tales ſæculi leges cooperatoresque eorum capite feriri præcipiunt, & ſacri canonis ſpiritu Dei conditi, non ſolum raptores, ſed etiam omnes eorum cooperatores, eiſque conſentientes, anathemate feriunt: ſicut in Calchedonenſi Concilio, in quo dcxxx. Patres adſuerunt, capitulo xxvii. cunctis legentibus patet. Quinctiam ante hoc Concilium fuerunt Principes, atque inprimis Jovianus, qui nuptias virginum Deo dicatarum prohibuit, & earum raptores capitali pœna percuffit. Quare Concilia & Patres id fecerunt, quod faciendum eſſe longo poſt tempore cenſuit Petrus Sotus, qui ex parte Pontificis Tridentino Concilio interfuit. Nec debent, inquit, Prælati Eccleſiæ gravate ſuſcipere,*

*si quid temporali paci viderint necessarium, sæculares Principes statuunt. Nec est cur illis se opponant; sed permittant potius Matrimonium legibus humanis ordinandum, cum officium humanum sit, & addant postea ipsi, si videbitur, quod ad bonum religionis pertinet. Sic post civiles leges, quæ jungendi Matrimonii causa raptum prohibuerunt, raptores ejusmodi anathemate feriendos esse judicarunt.*

---

## CAPUT IX.

*Impedimentum criminis.*

**C**RIMINIS impedimentum, cum ex homicidio & adulterio generatim oriatur, non potest non subiacere Principum legibus, quæ reos afficiunt infamia vel supplicio extremo. At cum sæculares Principes pro sua clementia, vel pro aliqua politica ratione mortis pœnam in aliud levioris supplicii genus mutare possunt, cur non possent homicidii aut adulterii fontes spoliare libertate contrahendi cum hac aut illa muliere Matrimonii, quod hinc publicæ pacis ac tranquillitatis fundamentum est, inde ut naturæ & societatis officium legibus sæcularium Principum subjicitur? Enimvero ex hoc crimine, quod machinatio in mortem proprii vel alieni conjugis, & adulterium illi machinationi seu spei futuri conjugii conjunctum definiti solet, non ante impedimentum dirimens statui potest, (nisi in nullum rei vsum statuatur) quam Principis reo vitam liberaliter concedentis gratia intelligatur. Neque enim pro hominibus morte multatis decernitur impedimentum dirimens.

Non ignoro quidem sanctum Thomam quodlibeto v. art. xv. asserere solum summum Pontificem statuere posse, ne uxoricidæ Matrimonium valide contrahant. Sed illud ætenuit ea præventus opinione, quæ sacerdotalem ordinem sibi reservasse jus statuendorum impedimentorum ait, quamquam istud nec probare possit, & aliud supra docuerit.

Quod autem istud impedimenti genus Principum edictis sublit, Nicolaus I. significat epistola XLVII. Illud, inquit, quod *Waldrade* perhibet testimonium, dicens eam fuisse legitimam uxorem *Lotharii*, frustra conaris astruere, quandoquidem tuo nullo prorsus hinc testimonio quis indigeat, cum magis nos ita sentiamus quod iustum est, & ita intelligamus quod æquum existit, ut te etiam reprobata, etiam mortua, *Lotharius* nullis legibus, nullis sine sui discrimine regulis *Waldradam* mæcham in uxorem unquam permetteretur assumere. Cum ergo Nicolaus dicat, nullis legibus permitti *Lotario*, ut & repudiata, immo & mortua *Theutperga*, quam prius legitime duxisset, *Waldradam* retineret, quam postea legitime superduxerat uxori, non obscure docet, id ex iustis Principum legibus pendere. Quorsum enim legitima uxore repudiata seu mortua, mæchæ contra leges (non ait contra canones) copularetur *Lotarius*: aut, ut ident *Papa* loquitur epistola LII. hanc causam legaliter agere non posset, nisi iustæ nuptiæ ad civilium legum pertinerent institutionem?

Triburiensis Concilii Patres non prius de hoc criminis impedimento, & de aliis capitibus ad Ecclesiæ disciplinam spectantibus quidquam statuerunt, quam Regem *Arnulphum* sic in præfatione alloquerentur. *Inter alia namque, quibus divina & humana tractaturi erant, (Sacerdotes) communi voto & pari consensu de collegio sanctorum Sacerdotum gnaros & idoneos direxerunt mediatores ad præfatam piam Regem, inquirentes, quo studio & quali benignitate secundum sapientiam & possibilitatem ab ipso Deo sibi datam Ecclesiam Christi, illi per regalem potestatem, ipsis per sacerdotalem eminentiam commissam defendere, ministerium illorum amplificare & sublimare dignaretur. Secundum ista canonem ediderunt LI: qui sic se habet: Illud vero communi Decreto secundum canonum instituta definimus, ut si quis cum uxore alterius, vivente eo, fornicatus fuerit, moriente marito synodali iudicio aditus ei claudatur illivitus, ne ulterius ei conjungatur Matrimonio, quam prius polluit adulterio. Notamus enim nec Christiana religioni convenit, ut ullus ducat in conjugium quam prius polluit per adulterium.* Triburiense Concilium cum hujus impedimenti materiam civilem esse agnosceret, iustam

REGIA IN MATRIMONIUM POTESTAS. 239  
habuit causam, cur Regem Arnulphum memorata præfatione alloqueretur; & huic ac paribus canonibus regalem accommodari potestatem concupisceret.

---

## CAPUT X.

### *Impedimentum ligaminis.*

**L**IGAMINIS impedimentum est prioris sive consummati, sive rati tantum conjugii vinculum, quo sequens Matrimonium etiam consummatum dirimitur. Hoc impedimentum non ad Principes spectat, sed ad Deum ipsum, a quo in Scriptura sancitum est: Principes tamen illud suis edictis declararunt, & populis servandum denuntiarunt. Hoc inprimis præstitit Justinianus lib. v. cod. sui tit. xv. cap. 11. *Neminem, qui sub ditione sit Romani nominis, binas uxores habere posse vulgo patet, cum etiam in editto Prætoris hujusmodi viri infamia notati sint, quam rem competens judex inultam esse non patietur.* Hoc autem impedimentum, quod divino & humano jure Matrimonium irritum efficit, solo humano seu civili efficeret, quamvis illa lex ab ethnicis Imperatoribus, Diocletiano & Maximiano, statuatur. Unde post alios plures Theologos recte docet Becanus, *Christianos habitantes sub potestate Principum infidelium teneri servare legem irritantem Matrimonia, modo non sit injusta.* Nicolaus I. longo post civiles leges tempore jus divinum declaravit, respondens ad consulta Bulgarorum cap. v. *Duas tempore vno habere uxores, nec ipsa origo humane conditionis admittit, nec lex Christianorum vlla permittit. Nam Deus qui fecit hominem ab initio, masculum unum fecit, & unam feminam tantum, cui potuit utique, si vellet, duas uxores tribuere; sed noluit. Scriptum quippe est: Propter hoc relinquet homo patrem & matrem, & adhærebit uxori suæ; non dixit uxores. Et iterum: Erunt duo in carne una; masculus scilicet & femina in carne una, & non tres aut plures. Quibus verbis non novam fert legem, sed divinam declarat. Cete-*

240 REGIA IN MATRIMONIUM POTESTAS.  
rum impedimenti, quod naturali divinoque jure statuitur,  
declarationem, primum ad sæculares, tum ad Ecclesiasticos  
Magistratus retulit post Tridentinum Concilium Clemens  
Cardinalis Monilianus in compendio Theologicarum Insti-  
tutionum cap. LXIII. *Cum abrogata sit lex Moysi de gradibus  
consanguinitatis & affinitatis in xviii. Levitici posita, cum noster  
esset pedagogus in Christo, necessarium fuit constitui tam politicos  
quam Ecclesiasticos Magistratus: similiter & leges & canones, quibus  
explicarentur generalia divini & naturalis juris præcepta de supra-  
dictorum contractuum gradibus, & Matrimonii impedimentis, ac  
quibusunque aliis, quæ in præfatis rebus politicis pro illarum  
communi utilitate expedire videbuntur. Unde ex eo ordine, quo  
leges præcedunt canones, Nomocanon a Græcis dictus est.*

---

## CAPUT XI.

### *Impedimentum impotentiae.*

**I**MPEDIMENTVM hoc, quod Matrimonium censetur di-  
rimere, natura præter ipsius naturæ ordinem statuit; ve-  
rum quia non omnes sciunt illud per ætates varias varie tem-  
peratum esse, quidquid id est, non erit inutile unicuique  
sigillatim attribuere. Tum observationes in rei gestæ narra-  
tionem nonnullas subiciam.

Ordior ab Justiniano, qui Imperii habenas ab anno DCCXVII.  
vsque ad annum DLXV. tenuit. Sic autem impotentiam, qua  
de agimus, temperandam esse duxit in novella xxii. *de nu-  
ptiis* cap. vi. *Per occasionem quoque necessariam & non irratio-  
nabilem distrahitur Matrimonium, quando aliquis impotens fueris  
coire mulieri, & agere quæ a natura virus data sunt: si biennium  
quidem secundum de hoc a nobis pridem scriptam legem, transcur-  
rat ex nuptiarum tempore; ille vero quia pro veritate est vir, non  
ostendat. Licebit enim mulieri, aut ejus patribus disjungere Ma-  
trimonium & mittere repudium, vel si noluerit hoc maritus, &  
hic quidem dos (si quæ omnino data sit) sequetur mulierem, &  
reddet*



reddet hanc vir, si contigit eam accipi: propter nuptias autem seu ante nuptias donatio manet ad virum nihil de suo damnisficandum. Hanc itaque legem corrigimus, brevi quidem adiectione. Non enim biennium numerari solum ex ipso tempore copulationis, sed tricennium volumus; edocti namque sumus ex iis, quae ante hac provenerunt, quosdam amplius quam biennium tempus non valentes, postea potentes ostensos ministrare filiorum procreationi.

Tunc Antistes primi vel secundi ordinis nullus fuit, qui Imperatorem redarguerit, conquestus illum tulisse legem, quam spectato jure suo ferre non potuerit. Quid ita? Creditum est in Ecclesia Dei Justinianum suo & non alieno jure usum fuisse. Id omnium contumaci silentio confirmatur.

11. Justinianum Gregorius sequitur, si scripsit quod cum scripssisse Ivo Carnotensis in part. VIII. cap. CLXXXII. & Gratianus cap. Requisisti XXXIII. quæst. X. referunt. De his requisitis qui ob causam frigida natura se dicunt non posse invicem operam carnis dantes commisceri: iste vero si non potest ea uti pro uxore, habeas quasi sororem: quod si retinaculum jugale volunt rescindere, manebunt utrique innupti. Nam si huic non potuit naturaliter concordare, quomodo alteri conveniet: igitur si vir aliam vult accipere uxorem, manifesta ratio patet, quia succedente diabolo odii fomitem, exosam eam habuit; & idcirco illam dimittere mendacis falsitate molitur. Quod si mulier causatur & dicit: Volo mater esse & filios procreare; uterque eorum septima manu propinquorum sacris sacrosanctis reliquiis jurejurando dicat, ut nunquam per commixtionem carnis conjuncti, una caro effecti fuissent. Tunc videtur mulierem secundam posse contrahere nuptias: humanum dico propter infirmitatem carnis eorum; vir autem qui frigida natura est, maneat sine conjuge. Quod si & ille aliam copulam acceperit, tunc qui juraverint, perjurii crimine rei teneantur, & poenitentia peccata priora cogantur recipere connubia. Apud Ivonem titulus capituli est, Ex epistola Gregorii; apud Gratianum vero titulus est, Ex epistola Gregorii ad Joannem Ravennatem Episcopum.

Initio dixi: Justinianum Gregorius sequitur, si scripsit quod

## 242 REGIA IN MATRIMONIUM POTESTAS.

eum scripſiſſe Ivo & Gratianus referunt. Nam rationes ſunt multæ, quibus caput totum iſtud Gregorio ſubjectum eſſe comprobatur.

I. Gregorius in libri I. epiſtola xxxv. in libri II. epiſtola xxii. xxxii. & LIV. & in libri IV. epiſtola xv. ſcribit ad Joannem Ravennatem Epiſcopum, & in epiſtolis illis quinque nihil ſimile compareret.

II. Joannes Ravennas Epiſcopus in libri II. Indiſt. x. ſcribit epiſtolam LV. ad Gregorium, & eum de Matrimonio non conſulit, ſed de uſu pallii & mappulis, & de diverſis ornatibus cum eo tractat.

III. Gregorius in libri IV. epiſtola LIV. & in libri V. epiſtola I. ſcribit ad Martinianum Ravennatem Epiſcopum & Joannis ſucceſſorem, & in duabus illis epiſtolis de Matrimonio vel de hominibus frigida naturæ ne verbum quidem vllum habet.

IV. In ceteris aliis epiſtolis, quas continent libri duodecim, par eſt ſilentium.

V. Capitis hujus contextus a Gregorii Papæ ſtilo mirum quantum abhorret, & hoc ad probandam rei falſitatem ſufficeret.

VI. Doctrina capitis hujus diſſentit a Romanæ Eccleſiæ doctrina, quam tradit Gregorius II. ſeu junior, cum ad varias Bonifacii Moguntini Præſulis interrogationes reſpondet anno DCCXXVI. id eſt, anno poſt Gregorii I. exceſſum centeſimo viceſimo ſecundo. Reſponſionibus ſuis ita præfatur: *In iſdem literis quædam ſubnexuiſti capitula ſciſcitando qualiter ſentat vel doceat hæc Apoſtolica Romana Eccleſia. Bene ſaiu, quia beatus Petrus Apoſtolus & Apoſtolatus & Epiſcopatus principium extitit, & conſulenti tibi de ſtatu Eccleſiæ, non ex nobis, quaſi ex nobis, ſed ejus gratia, qui aperit os mutorum, & linguas infantium facit diſertas, qualiter teneas Apoſtolici vigoris doctrinam dicimus.* Et poſt alia cap. II. *Nam quod propoſuiſti, quod ſi mulier infirmitate correpta non valuerit debitum viro reddere, quid ejus faciat jugalis? Bonum eſſet, ſi ſic permaneret, ut abſtinentiæ vacaret. Sed quia hoc magnorum eſt, ille qui ſe non poterit continere, nubat magis, non tamen ſubſidii opem ſubtrahat ab illa, cui*

*infirmitas preedit, & non desestabilis culpa excludit.* In tom. I. Conciliorum Gallix. Hoc Ivo vidit & retulit part. VIII. decreti sui cap. LXXVIII.

Animadvertenda hic occurrunt duo. Primum, quod credibile non est, Romanam Ecclesiam sub duobus illis Pontificibus tam diversa in tam brevi temporis inreceptedine de Matrimonio sensisse & docuisse. Quare cum responsa Bonifacio data idoneis rationibus abjudicari Gregorio juniore non possint, relatum ab Ivone & Gratiano caput abjudicari Gregorio seniori debet.

Deinde, quod apud Romanam Ecclesiam, cum succedens Matrimonio impotentia Matrimonium dirimat, dubium nullum est, quin antecedens Matrimonium impotentia dirimere Matrimonium ipsum possit.

III. Stephanus II. anno DCCLIV. venit in Galliam, & cum esset in villa Carisiaco, inter alia ad plures quaestiones responsa, hoc vnum dedit cap. II. *Si quis se in conjugio copulaverit, & uni eorum contigerit, ut debitum reddere non possit, non liceat eos separare, nec pro alia infirmitate, excepto si demonii infirmitas, aut leprae macula superveniret. Ceterum si ab his quibus infirmitatibus liberi fuerint invicem conjuncti, unus alteri servitium exhibeat.*

Hic incertum vnum est, certum alterum: incertum quidem, num Stephanus II. probe tenuerit, quid Gregorio II. Pontifice Romana hac de re docebat Ecclesia; certum vero, Stephanum II. ininterrogantibus Gallix Episcopis respondisse aliter quam Gregorius II. sciscitanti Bonifacio Moguntix Episcopo responderat. In responso Stephani non quaecunque infirmitas impediens ne vir & vxor mutuum sibi debitum reddant, ut separentur, sufficit; sed requiritur ut infirmitati τὸ ἐνερπηκόν, seu demonum vexatio, vel leprae macula superveniat.

IV. Carolus Magnus in libri VI. Capitularium num. LV. de hoc impedimento sic decernit: *Si vir & mulier conjunxerint se in Matrimonium, & postea dixerit mulier de viro, non posse nubere cum eo: si poteris probare, quod verum sit, accipiat alium, eo quod juxta Apostolum non potuit illi reddere suum de-*

*bitum.* Imperator decretum suum auctoritate beati Pauli confirmat, & Gregorio II. consentit; sed Stephani II. responso derogat nonnihil, ut Stephanus II. Gregorii II. responso derogaverat.

v. Leo & Constantinus Justinianum sequuti sunt, & illius constitutionem constitutione nova confirmarunt: *Uxor a marito propter has causas, si maritus a tempore matrimonialis contractus cum uxore sua triennio coire nequiverit, &c.* Hæc inter causas, quæ Matrimonium dissolvunt, in delectu compendiariorum legum tomo II. juris Græco-Romani tit. XIII.

v1. Excerptum ex epistola Gregorii ad Joannem Ravennatem Episcopum, quod Gregorio subiectum fuisse ostendimus, ad mediam inter Gregorium II. & Alexandrum III. ætatem pertinet. An suppositor propius Gregorio quam Alexandro, vel contra accesserit, vix sciri potest. Quidquid id est, in Romana Ecclesia, cum eam regendum suscepit Alexander III. invaluerat consuetudo non dissolvendi propter impotentiam Matrimonii; sed in dissolvendi propter impotentiam Matrimonii consuetudine Gallicana perseverabat Ecclesia. Alexander utrumque docet in epistola ad Ambianensem Episcopum, quæ in parte ultima appendicis ad Lateranense Concilium refertur. Res ibi sic se habet: *Quod Sedem Apostolicam consulis super his, quæ dubia tibi existunt, gratum gerimus & acceptum, & tua exinde fraternitas non parum commendanda omnibus videtur. Ex tua siquidem parte nobis est intimatum, quod quædam mulier tui Episcopatus cuidam viro nupsit, ignorans, quod propter utriusque inguinis rupturam genitalia ejus essent abscissa, nec ab eo cognita fuisset. Qui utique modo factus est profus, se pariter & sua domui dedit infirmorum: mulier vero ad domum paternam reversa, sicut juvenis, alii viro desiderat nubere, & conjugali fœdere conjungi. Verum licet Romana Ecclesia non consueverit propter naturalem frigiditatem, aut propter alia maleficia legitime conjunctos dividere: si tamen consuetudo Gallicanæ Ecclesiæ habet, ut ejusmodi Matrimonia dissolvantur, nos patienter tolerabimus, si secundum illam consuetudinem eidem mulieri, cui voluerit, in Domino concesseris nubendi facultatem. Sicut enim puer qui non potest reddere debitum, non est aptus conju-*

*gio: sic quoque qui impotentes sunt, minime apti ad contrahenda Matrimonia reputantur.*

VII. Lucius III. Alexandri III. successor proximus convenienter Romanæ consuetudini, quam Alexander laudat, consultationi cuidam respondet tit. *de frigidis & maleficiatis* cap. IV. Consultationi tuæ, qua nos consulisti, verum f. *mina clausa impotentes commisceri maribus, Matrimonium possint contrahere, & si contraxerint, an debeat rescindi: taliter respondemus, quod licet incredibile videatur, quod aliquis cum talibus contrahat Matrimonium; Romana tamen Ecclesia consuevit in consimilibus judicare, ut quas tanquam uxores habere non possunt, habeant ut uxores.*

VIII. Celestinus III. Lucii successor aliter respondit ibidem cap. V. *Laudabilem.* Et infra: *Requisisti quantum temporis indulgendum sit naturaliter frigidis ad experientiam copule nuptialis. & infra. Nos vero in presenti consultatione sentimus, ut a tempore celebrati conjugii, si frigiditas prius probari non possit, cohabitent per triennium: quo elapso, si nec tunc cohabitare voluerint, & juxta Decretam Gregorii mulier per justum judicium de viro probare poterit, quod cum ea coire non possit, accipiat alium; si autem ille accipiat aliam, separentur: quod si ambo consentiant simul esse, vir eam, & si non ut uxorem, saltem ut sororalem habeat. Quis autem Lucium III. quis Celestinum III. consuluerit, nescitur, nec sciri potest ex Lucii & Celestini epistolis, quæ cum in Bullario, tum in tomis Conciliorum editæ sunt: nulla enim ibi extat, in qua de hoc impedimenti genere tractetur. Deinde Lucius III. & Celestinus III. in suis scriptis pugnant inter sese in iis, quæ ad Romanæ Ecclesiæ disciplinam attinent. Hinc efficitur, ut quæ in titulo *de frigidis & maleficiatis* tribuantur Lucio III. & Celestino III. in suspensionem falsi non possent non venire.*

Nunc restat ut ad ea, quæ juxta doctrinam temporum finire retulimus, nonnulla observemus.

1. Imperatores primi omnium de coeundi impotentia, quæ Matrimonium dirimit vel potest dirimere, leges ediderunt, nec iis Pontifices ulli præverunt.

II. Pontifices Justiniano, Carolo Magno, Leoni & Con-

*Hb ij*

stantino Imp. æquales de iis conquesti sunt nunquam, quod potestatem sacerdotali juri convenientem vsurpaverint.

III. Sæculares illi Principes sibi consentiunt in suis constitutionibus, nec alius alii repugnat, quod, ut apparet, de Romana Ecclesia vere affirmateque dici non potest. Loquor hic ad sensum eorum, qui quæ de Gregorio I. de Alexandro III. de Lucio III. & Celestino III. commemoravimus, in dubium minime revocant, sed omnia ut vera recipiunt.

IV. Ut omittam decretum, quod Gregorio Papæ subiectum esse probavi, religio mihi est Lucio & Celestino attribute quæ mox retuli, & primo quidem propter certa veritatis indicia, quæ in illorum decretis seu responsis desiderantur: deinde propter res sacerdotali ordini indecoras, quæ in iis continentur. Hæc laicis & medicorum scholis relinquenda sunt, & a Sacerdotum labiis, oculis & auribus procul abscedant.

V. Celestinus III. quæ de triennali cohabitatione statuit, ex Imperatorum legibus promulgat, qua ratione rem ad Imperatorum auctoritatem pertinere significat. Et recte: nam quidquid illud est, intra naturalis finis & civilis prudentiæ limites continetur, & ibi supernaturali fini locus per se nullus est.

Ceterum Romana Ecclesia consuetudinem, cujus Alexander III. meminit, jamdudum deseruit, & Gallicanæ Ecclesiæ consuetudinem, cujus idem Pontifex meminit, approbando suam fecit. Sed id institutum nostrum nihil attinet.

## C A P U T X I I.

### *Impedimentum voti.*

Q UO præsertim tempore Monachorum & Monacharum votum impedimentum dirimens esse cœperit, non parva est inter Doctores contentio, quæ necdum finem accepit. Sed ut nostrum persequamur institutum, in quo jura Princi-

pum disquirimus, sciendum est inprimis Turonensem Synodum alteram, quæ habita est anno DLXVII. latis ab Imperatoribus contra virginum connubia leges executam esse can. XXI. *Nos ergo hoc sequentes, quod vel Apostolus Paulus, vel Papa Innocentius statuit, in canonibus nostris inserentes statuimus observandum, ut nullus sacratam Deo virginem, quæ in honorem Christi vestem mutavit, aut rapere, aut competere, aut sibi conjugem sociare presumat: quia etiam lex Romana constituit, ut qui-  
cunque sacratam Deo virginem vel viduam fortasse rapuerit, si postea eis de conjunctione convenerit, capitis sententia feriantur. Item si quis, non dicam rapere, sed attricare Matrimonii jungendi causa sacrum virginem ausus fuerit, capitis sententia feriantur.* Ecce tibi plusquam, ut ita loquar, dirimens impedimentum, quod ab Imperatore sancitum est. Neque dubitandum est quin qui capitali supplicio puniuntur ob attentatum ejusmodi Matrimonium, a legislatore potuerint mitius haberi, hoc est, contracti Matrimonii rescissione tantum puniri, quod accideret, cum qui votum castitatis emisit, redditus esset ad contrahendum Matrimonium inhabilis. Porro Synodus Imperatorias leges quoad ejus fieri licet, exequitur. Sic loquor, quia leges sunt duæ, quibus supplicium ultimum iis qui contravererint, decernitur. A Synodo haud decerneretur: Episcoporum Synodi neminem morti addicunt.

Deinde sciendum est votorum esse genera duo: alterum, quod cum civilis communis muneribus cohæret; alterum, quod non cohæret. Ficta non est distinctio, sed vera & necessaria. Nam votum quod simplex dicitur, impedit quidem ne contrahatur Matrimonium, sed non dirimit contractum; votum vero quod non simplex tantum dicitur, Matrimonium impedit contrahendum, & dirimit contractum. Beatus Augustinus prius illud eleganter & subtiliter explicat in libri de bono viduitatis capite I. X. & X. *Sed quoniam, sicut ait Dominus, non omnes capiunt verbum hoc: Quæ (femina) potest ergo capere, capiat, & quæ se non continet, nubat; quæ non capit, delibet; quæ aggressa est, perseveret; nulla adversario detur occasio, nulla Christo subtrahatur oblatio. In conjugali quippe vinculo, si pudicitia conservetur, damnatio non timetur; sed in viduali &*



*virginali continentia excellentia muneris amplioris expetitur, qua expetita & electa & voti debito oblata, jam non solum non capessere nuptias, sed etiamsi non nubatur, nubere velle damnabile est. Nam ut hoc demonstraret Apostolus, non ait: Cum in deliciis egerint, in Christo nubunt, sed nubere volunt, habentes, inquit, damnationem, quoniam primam fidem irritam fecerunt, etsi non nubendo, sed tamen volendo, non quia ipse nuptia vel talium damnande judicantur, sed damnatur propositi frans, damnatur fracta voti fides, damnatur non susceptio a bono inferiore, sed ruina ex bono superiore. Postremo damnantur tales, non quia conjugalem fidem posterius iniiciunt, sed quia continentia primam fidem irritam fecerunt. Quod ut breviter insinaret Apostolus, noluit eas dicere habere damnationem, quia post amplioris sanctitatis propositum nubunt, non quia non damnantur, sed ne in eis ipsa nuptia damnari putarentur. Sed cum dixisset, nubere volunt, continuo addidit, habentes damnationem, & dixit quare: quoniam primam fidem irritam fecerunt, ut voluntatem qua a proposito cecidit, appareat esse damnatam, siue subsequantur nuptia, siue desint. Proinde qui dicunt talium nuptias non esse nuptias, sed potius adulteria, non mihi videntur acute ac diligenter considerare quid dicant. Fallit eos quippe similitudo veritatis. Quia enim conjugium Christi dicuntur eligere, quae Christiana sanctitate non nubunt; hinc argumentantur quidam dicentes: Si viro suo viro, quae alteri nubit, adultera est, sicut ipse Dominus in Evangelio definit: Vivo ergo Christo, cui mors ultra non dominatur, quae conjugium ejus elegerat, si homini nubit, adultera est. Qui hoc dicunt, acute quidem morantur, sed parum attendunt, hanc argumentationem quanta rerum sequatur absurditas. Cum enim laudabiliter etiam vivente viro ex ejus consensu continentiam femina Christo viveat, jam secundum istorum rationem nulla hoc facere debet, ne ipsum Christum, quod sentire nefas est, adulterum faciat, cui vivente viro nubit. Deinde cum prima nuptia melioris sint meriti quam secunda, absit, ut sanctarum viduarum iste sit sensus, ut Christus eis videatur quasi secundus maritus: ipsum eum habebant ut antea, quando viris suis fideliter serviebant, subdita non carnaliter, sed spiritualiter, virum cui ipsa Ecclesia, cujus membra sunt, conjuncta est, quae fidei, spei, caritatis integritate,*



rate, non in solis virginibus sanctis, sed etiam in viduis & conjugatis fidelibus tota virgo est. Universa quippò Ecclesia, cujus illa membra sunt, Apostolus dicit: Aptavi vos uni viro virginem castam exhibere Christo. Novit autem ille conjugem virginem sine corruptione facere, quem in ipsa etiam carne potuit mater sine corruptione procreare. Fit autem per hanc minus consideratam opinionem, qua putant lapsarum a sancto proposito seminarum, si nupserint, non esse conjugia, non parvum malum, ut a maritis separantur uxores, quasi adultera sint non uxores; & cum volunt eas separatas reddere continentia, faciunt maritos earum adulteros viros, cum suis uxoribus viris alteras duxerint. Quapropter non possum quidem dicere a proposito meliore lapsas, si nupserint, feminas, adulteria esse, non conjugia: sed plane non dubitaverim dicere, lapsus & ruinas a castitate sanctiore, que vocetur Deo, adulteriis peiores esse.

Sic beati Augustini tempore fuerunt, qui nuptias virginum quæ Deo castitatem voverunt, non conjugia, sed adulteria esse dicerent, fuerunt qui negarent. Augustinus ab istorum stat partibus, & eas tuctur egregie. Nuptias nempe virginum, quæ Deo castitatem voverant, non licere quidem propter rationes quas exponit, sed valere propter rationes, quibus suam confirmat sententiam: atque ita votum quo sese virgines obstrinxerant, cum officio naturæ & politicæ communitatis adhuc coherere.

Hæc autem sententia, si non ubique, saltem in Gallia diu multumque duravit. Id colligimus ex epistola, quam beatus Bernardus ad Artaldum Pultericiensem Abbatem scribit: hoc modo: Unde placuit tua dignationi fratrem hunc nostrum parvitatem consulere, sic nos quod nobis visum fuit, moveris consilium dedisse, ut saniori non prejudicaverimus. Ne ergo verum quas scis, superflua narratione te gravemus, hæc est summa consilii. Periculosum quidem est, & fortassis illicitum, hominem post diutinam in domo & habitu religionis conversationem ad seculum redisse, qui que prius, & adhuc priore uxore vivente ac consentiente, fortissime ac diutissime continentiam tenuit, secundis rursus amplexibus se ineptissime atque inhonestissime implicuisse. Quia tamen publice ac solemniter juxta morem cæcerorum heminum & sine querela vel calumnia ipsum qua-

*leumque conjugium celebratum fuit, non nobis videtur tutum, illum illam non consentientem dimittere, nisi prius episcopalis auctoritatis vel Concilio fretum vel imperio, aut certe Ecclesiastico canonicoque iudicio. Quoniam vero hoc tam grande hominis periculum ad te nimirum non minima ex parte respicere credimus, (ex eo quod volentem suum confirmare propositum nimis suscipere distulisti, occasione sumpta diabolus in hac cum mala praecepit) omnino ex caritate consulimus, ut quacunque ex industria potes, omnino satagas liberare, conveniendo scilicet aut mulierem, ut illum sponte dimittat, & continentiam promittat; aut Episcopum, ut ambos vocari jubeas, & quod recto posse fieri credimus iudicio, separet. Basilii Pontius hac epistola in libri v. i. de impedimentis Matrimonii capite xvii. utitur, ut probet votum beati Bernardi tempore impedimentum dirimens nondum fuisse. Verba sunt Pontii: Denique adhuc temporibus Bernardi, qui obiit anno ML. (dicere voluit MCLIII.) eandem extitisse liem, pluresque sensisse etiam post vota valere huiusmodi connubium. Probo ex epistola LXXVI. Bernardus enim ab Abbate Pultariensi hac super re consultur. Quidam Monachus jam professus institutum, deseruerat, nupserat. Quaritur a divo Bernardo quid faciendum? Ille autem, quamvis illicitam fateatur habitus dimissionem, Matrimonii copulam, inquit, tamen non nobis videtur tutum etiam illum illam non consentientem dimittere, nisi prius Episcopalis auctoritatis accesserit vel Concilium, vel imperium. Addit tamen in fine epistola, posse Episcopum recte judicare, ut separentur. Constat ergo tempore Bernardi adhuc sub dubio esse, an valeret huiusmodi conjugia; & Bernardum tutius existimasse, ne proprio consensu separarentur post semel initum Matrimonium. Sensit ergo valere: alias si adulterium aut fornicatio esset, non expectaret Bernardus iudicium Ecclesiasticum. Nec dici potest illum, de quo erat sermo, non fuisse religiosum votis astrictum. Si enim votis solutus esset, quae posset suboriri dubitatio de veritate Matrimonii? Nec vero dici potest teneri illum voto castitatis, extra religionem tamen emissio: tum quia planum est sermonem esse de Monacho, tum nequaquam diceret Bernardus; recte fieri posset ut separaretur vinculum, cum votum continentiae extra religionem emissum non dirimat Matrimonium ex antiqua certaue sententia, quam non est*

verisimile ignorasse Bernardum. Hæc ille, & sane parenthesis hæc Bernardi, ex eo quod volentem suum confirmare propositum suscipere nimis distulisti, sufficere non potest, ut dicatur, Monachum non emisisse votum, quia verba quæ sequuntur, impediunt, ne illud vere dicatur: Quia tamen publice ac solenniter juxta morem ceterorum hominum & sine calumnia ipsum qualecunque conjugium celebratum fuit, non nobis videtur tutum, illum illam non consentientem dimittere. Quorsum hæc scriberet, nisi Monachus votum emisisset.

Porro autem, ut libere dicam quod sentio, difficile prorsus est Pontii sententiam monumentis, quæ beati Bernardi temporis antecedunt, refellere. Id confirmo ex Tridentina Synodo, quæ de clandestinis Matrimoniis in sess. XXIv. capite 1. de reformatione sic statuit: *Iure damnandi sunt illi, ut eos sancta Synodus anathemate damnat, qui ea (clandestina Matrimonia) vera ac rata esse negant, quique falso affirmant Matrimonia a filiis familias sine consensu parentum contracta irrita esse; nihilominus sancta Ecclesia ex justissimis causis illa semper detestata est, atque prohibuit.* Quamvis igitur sancta Ecclesia semper detestata sit atque prohibuerit clandestina Matrimonia, non tamen sequitur hæc vera ac rata non fuisse: sic quamvis olim sancta Ecclesia Monachorum nuptias semper detestata sit atque prohibuerit, non tamen sequitur has veras ac ratas non fuisse. Illicitæ fuerunt, invalidæ non fuerunt, ut ex relatis beati Augustini verbis colligitur.

Sunt ergo, ut præmisimus, votorum genera duo: alterum non impediens, quominus initum post illud Matrimonium ratum sit ac verum; alterum impediens, quominus initum post illud Matrimonium ratum sit ac verum: quærenda nunc est ratio, cur certum quoddam votum impediat, quominus votum subsequens Matrimonium valeat.

Et primum quidem idonea ratio quæri non potest ex voto secundum se sumpto. Id eleganter persequitur Pontius in libri VII. de impedimentis Matrimonii capite XVII. extremo. *Superest, inquit, ut ostendamus ratione, voto castitatis in religione emissio ex natura sua non reddi voventem inhabilem ad Matrimonium. Quia traditio quæ fit per Matrimonium conjugii*

## 252 REGIA IN MATRIMONIUM POTESTAS.

*Et per votum religioni, sunt diversa rationis, atque adeo se mutuo non impediunt. Sicut cum quis jure servitutis uni traditur, alteri vero in Matrimonio; Et ista duo vincula non pugnare inter se potest ostendi a posteriori, quia si quis post consummatum Matrimonium ad religionem transit, manet vinculum Matrimonii cum religionis vinculo, nec unum altero enervatur atque dissolvitur: ergo neque votum castitatis in religione emissum impedit ex sui natura vinculum conjugii. Quam etiam rationem reddiderunt Gabriel Vasquez disp. CLXV. cap. VII. Ferdinandus Rebellus lib. III. quæst. IV. sect. III. Azor tom. I. lib. XII. cap. VI. quæst. III. Et alii.*

Deinde idonea ratio quæri non potest ex voluntate voventis, quasi ipse possit se per seipsum ad Matrimonium inhabilem reddere. Non potest, sui non est juris: quicumque enim vovet, membrum est communitatis, a qua sicut pars a roto depender necessario. Quæ persona ad faciendos quoscunque contractus redditur inhabilis, non ab alio quam ab eo, qui superior est, redditur, aut reddi potest inhabilis: at nemo seipso vel superior vel inferior est.

Tum idonea ratio quæri non potest ab iis, qui sacerdotale munus administrant, & qui Ecclesia minus proprie vocantur, nisi rotum pro parte capiatur. Sacerdotalis ordo, quatenus talis, nec civilis communitas est, nec civili communitati præsidet in iis, quæ per se cum ad officium naturæ, tum ad officium communitatis pertinent; & sic jus non habet reddendi personas inhabiles ad utrumque officium, quod ordinis mere naturalis est, nec de seipso ad supernaturalem finem tendit.

Denique idonea eaque sola ratio quæri potest ex civili communitate, vel ex eo qui communitati huic præsidet. Civilis ergo communitas, vel communiratis præses potest certa quædam membra sua, id est, personas castitatem voventes ad Matrimonium inhabiles reddere, ita ut Matrimonium quod post tale votum contrahitur, cassum atque irritum sit. Quidquid id est, duabus quæ sequuntur rationum momentis, confirmatur. Prima hæc est, ex disciplina quæ in monasteriis observatur: Si quis ibi profitetur, & tota vel major communis pars, aut qui ei præest, professionem rejicit; is non cen-

setur vovisse, aut legitimam professionem emisisse. Quo ita constituto, philosophari quis ita potest, ut v. g. Petrus cœnobiticæ communitalis membrum esse incipiat, necesse prorsus est, ut vel tota communitas, vel illius pars major, vel certe præsens consentiat: sic ut Petrus civilis communitalis membrum esse desinat, necesse quoque est, ut vel tota communitas, vel illius pars major, vel certe præsens consentiat. Splendore suo lucet vis consequentia, quæ in iustissima comparatione versatur. Deinde singulari personæ civilis communitalis a nativitate sua cum ad speciei, tum ad communitalis conservationem destinata sunt. Nam Matrimonium per quod lucis usura fruuntur, institutum est in officium naturæ & in officium communitalis.

Altera inter Petrum, qui cœnobiticæ communitalis membrum esse cupit, & cœnobiticam communitatem, est certa quædam species contractus, sine quo Petrus cœnobiticæ communitalis membrum esse nunquam esse poterit: sic inter Paulum, qui civilis communitalis membrum non vult esse amplius, & civilem communitatem, intervenire debet certa quædam species contractus, sine quo membrum illius nunquam esse desinet. Disparilis ratio nusquam dabitur.

Ex his autem quæ hætenus disseruimus, apparet, conjunctam voto ad contrahendum Matrimonium inhabilitatem, a civili communitate, vel ab eo qui civili communitati præsidet, necessario pendere; deinde eam esse ordinis pure naturalis ex objecto, sine & circumstantiis, nec de se ad supernaturalem finem spectare. Qui hæc non capit, Philosophiæ elementis imbutus non est, & nescit unde res unaquæque naturam ac speciem suam ac distinctionem repetat.

Non igitur gratis & sine ratione ab initio posuimus votorum genera esse duo. Alterum, quod cum civilis communitalis seu reipublicæ muneribus coheret; alterum quod non coheret, sed habet adjunctam ad illa munera, & præsertim ad Matrimonium, inhabilitatem. Votorum prioris generis cognitio ad sacerdotalis ordinis iudices spectat, qui voti huiusmodi violatoribus pœnitentiam imponent, quando & quomodo expedire iudicaverint. Votorum vero posterioris ge-

neris cognitio, ad civiles Magistratus. Nam ex voto dirimi non potest Matrimonium sine consensu & auctoritate illius, cujus est videre ne quid detrimenti respublica capiat: ac caperet sine dubio, si omnes promiscue voverent, & unusquisque ex voto per se inhabilis ad Matrimonium, id est, ad officium naturæ & officium communitatis, duplicem naturalis & publici muneris functionem, redderetur. Hæc autem inhabilitas voventem & votum potestati Principum ita subjicit, ut qui post votum contrahit Matrimonium, id Matrimonii genus cassum atque irritum, & liberi ex eo nati spurii & non legitimi denunciari merito possint: sic tam Ecclesiastici quam sæculares, si suis contenti essent finibus, utrique haberent, quo suam quique concorditer exercerent potestatem.

---

### CAPUT XIII.

#### *Impedimentum ordinis.*

**Q**UOD de impedimento voti differuimus & asseruimus, id de impedimento ordinis differendum plane & asserendum est. Neque enim ordo ex se, aut ex voto continentis, quod ordini annexum est, Matrimonium ditimit; sed ex eo, quod qui suscipit ordinem, inhabilis ad contrahendum Matrimonium efficitur. Personas autem politicæ communitatis ad contrahendum inhabiles reddere nemo potest, nisi communitas ipsa, vel qui curam habet communitatis. Hoc autem validissime confirmatur ex iis, quæ in Tridentino Concilio de clandestinis Matrimoniis disputata sunt, ut in art. 1. capite xv. retulimus & vidimus, personam ad contrahendum inhabilem reddere, politici juris esse, aut certe sine consensu civilis Magistratus personam ad contrahendum inhabilem reddi non posse. Sed quod de vno efficiendæ inhabilitatis genere dicitur, de alio dici posse æqualibus rationum momentis persuaderetur. Ad politici enim status munia quempiam ineptum tradere spectat ad eum qui politicum

Principatum tenet, nec id absque illius tacito vel expresso consensu attentari potest. Quod optime pervidit Basilius Pontius lib. VI. de Matrimonio cap. II. ubi novam sententiam asserere conatur: *Si Matrimonium etiam post Christi institutionem, quia contractus est, subjectus esset Principum secularium dispositioni, nequaquam inuitis Principibus fidelibus posset Ecclesia ab illis auferre eam potestatem leges condendi, & sibi reservare. Quo etiam jure id posset: sicut neque subditum hominem seculari Principi posset Pontifex eximere a jurisdictione illius.* Hæc autem omnia neque Reges, neque Præsides Ecclesiæ videntur ignorasse.

Concilium Aurelianense primum de ordinationibus observandum esse decernit can. IV. *Ut nullus secularium ad Clericatus officium presumatur, nisi aut Regis jussione, aut judicis auctoritate.* Sic & ipsi Episcopi non crediderunt, quemquam a seculari statu ad Clerum transire posse sine Regis jussione, vel judicis auctoritate. Hoc ipsum Clodoveus Rex Concilio præscripserat, ut ex his synodicæ epistolæ ad Clodoveum verbis constat: *Quia tanta ad religionis Catholica cultum gloriose fidei cura vos excitat, ut sacerdotalis mentis affectu Sacerdotes de rebus necessariis tractaturos in unum colligi jusseritis, secundum voluntatis vestra consultationem & titulos quos dedistis, ea qua nobis visum est, respondimus: ita ut & qua nos statuimus, etiam vestro recta esse judicio comprobantur, tanti consensus Regis ac Domini majori auctoritate servandum firmet sententia Sacerdotum.* Sic edendorum canonum, & illius cum primis quem laudavimus, argumenta Rex dederat.

Justinianus dum Clericis nuptias prohibet, cum Matrimonio retinendi Sacerdotii licentiam aufert, novella XXI. cap. XLII. collat. IV. tit. I. *Si quis inter reverendissimos constitutus Clericos (vltro Cantorem & Lectorem dicimus) omnino contraxerit nuptias, hunc ex nostra constitutione cadere Sacerdotio constituimus atque volumus.*

Carolus Magnus id confirmat lib. I. Capitul. num. CXX. *De liberis, inquit, hominibus, qui ad servitium Dei se tradere volunt, ut prius hoc non faciant, quam a nobis licentiam postulent. Hoc ideo quia audivimus aliquos ex illis non tam causa devotionis hoc fecisse, quam pro exercitu seu alia functione regali.*



fugienda; quosdam vero cupiditatis causa ab his, qui res illorum concupiscunt, circumventos audivimus, & hoc ideo fieri prohibemus. Quibus verbis Carolus sua constitutione instaurare videtur, quod ab Aurelianensi Concilio sancitum fuerat: & suæ constitutionis eam reddit rationem, quæ ad gerendæ reipublicæ momenta pertinet.

Ceterum regis concessionis formulam exhibet Marculfus lib. 1. cap. XIX. *Si eis, qui se ad onus Clericatus transferre deliberant, licentiam non negamus, retributorem Dominum exinde habere confidimus, quia scriptum est: Noli prohibere benefacere ei, qui potest; si vales, & ipse benefac.* Ille ad nostram veniens presentiam, petiit serenitati nostræ, ut ei licentiam tribuere deberemus, qualiter comam capitis sui ad onus Clericatus deponere deberet, & ad basilicam illam aut monasterium deservire deberet, quod nos propter nomen Domini, hoc eidem gratante animo præsstitisse cognoscite: precipientes ergo jubemus, ut si memoratus ille de capite suo bene ingenuus videtur esse, & in puleitico publico censitus non est, licentiam habeat comam capitis sui consurare, & ad superscriptam basilicam vel monasterium deservire, vel pro nobis Domini misericordiam attentius exorare. Ex eo autem Clericos ordinandi more, qui ex canone IV. Aurelianensis Concilii primi, ex Caroli Magni constitutione, & ex formula Marculfi colligitur, perspicue constar, ad communitatis officium, quale est Matrimonium, vel ad alia ejusdem communitatis munia, neminem reddi posse inhabilem sine Principum consensu atque auctoritate: quinetiam ipsi sunt Principes, qui jure suo Clericos ad contrahendum Matrimonium inhabiles efficiunt. Nam, ut dictum est sæpius, ad publicam naturalis muneris functionem personas reddere inhabiles, solius est civilis potestatis, quia ex genere & natura sua talis est & naturalis ordinis: in quocunque tandem potestas illa resideat, hoc observo propter Romanum Pontificem, qui in patrimonio beati Petri auctoritatem summi Principis exercet, ut loquitur Innocentius III. & hac ratione personas ditionis suæ ad contrahendum Matrimonium reddit inhabiles, prout retinendæ inter subditos paci expedire censuerit: Hoc ipsum facere posset sacerdotalis ordo universus, si summa rerum per orbem Christianum potiretur.



REGIA IN MATRIMONIUM POTESTAS. 257  
tiretur. Quo autem tempore inhabilitas ad contrahendum Matrimonium ordini accesserit, vix statui potest, & quominus certo statuatur, impedit id quod Tridentina Synodus de clandestinis Matrimoniis decrevit, ut superiori capite vidimus atque exposuimus. Pro causa Principum sufficit, ut cum primum inhabilitas ad contrahendum Matrimonium accessit ordini, illorum voluntate certa accesserit. Ex qua re Matrimonium civilium Magistratuum cognitioni subjacet: habilitas aut non habilitas personarum ad contrahendum Matrimonium, res est in qua, tanquam in materia propria, tota civilium Magistratuum conquietur jurisdictio. Id vidit Tridentina Synodus, & facto suo comprobavit.

---

#### CAPUT XIV.

*Galeata pramunitio, quæ & catholica, communis universim antecedentibus ad Principum leges & quosdam canones animadversionibus.*

SUNT Theologi, sunt Jurisconsulti, sunt & quidam alii, qui simul atque Conciliorum canones & decreta Pontificum de re quapiam edita reperiunt, non altius inquisita re statim colligunt, canonum & decretorum materiam ad sacerdotalem ordinem primo & per se pertinere, eamque a civili Magistratu abalienandam prorsus esse. Id autem hominum genus falli atque errare demonstrandum est: demonstro breviter. Quin manumissiones juris sint Principum, nemo sane dubitare potest. Constantinus tamen manumittendi potestatem Episcopis concessit, ut in libri 1. Justiniani cod. tit. XIII. traditur: *De his qui in Ecclesiis manumittuntur. Imp. Constantinus A. ad Protogenem Episcopum.*

*Itamdudum placuit, ut in Ecclesia Catholica libertatem domini suis famulis prestare possint, si sub aspectu plebis, adfissentibus Christianorum Antistitibus, id faciant, ut propter facti memoriam vice actorum interponatur qualiscunque scriptura, in qua ipsi vice testium signent, unde a vobis quoque ipsis non immerito danda*

## 258 REGIA IN MATRIMONIUM POTESTAS.

*Et relinquenda sunt libertates, quo quisque vestrum pacto voluerit, dummodo vestra voluntatis evidens appareat testimonium. Datum VI. Idus Iunias, Sabino & Rufino Consf.*

*Idem A. Ofio. Qui religiosa mente in Ecclesia gremio servis suis meritam concesserint libertatem, eandem eodem jure donasse videantur, quo civitas Romana solennitatibus decursis dari consuevit; sed hoc duntaxat his qui sub aspectu Antisistum dederint, placuit relaxari. Clericis autem amplius concedimus, ut cum suis famulis tribuant libertatem, non solum in conspectu Ecclesia ac religiosi populi plenum fructum libertatis concessisse dicantur; verumetiam cum postremo judicio dederint libertates, seu quibuslibet verbis dari praeceperint, ita ut ex diu publicata voluntatis sine aliquo juris teste vel interprete competat directa libertas. Datum Calend. Maii, Crispo II. & Constantino II. Consf.*

Sozomenus testimonium præbet his legibus in libri I. historiarum cap. IX. *Constantinus tres leges tulit, quibus decrevit ut omnes, qui in Ecclesiis essent testimonio Sacerdotum libertate donati, in rempublicam Romanam adscriberentur. Justinianus unam ex illis tribus legibus prætermisit. At Episcopi post jus manumittendi ab Imperatore sibi concessum, de manumissionibus perinde sanxerunt canones, ac si manumittendi potestas sibi jure proprio quæsitæ, vel divinitus data esset. Id testantur Synodi, quarum canones sequuntur.*

*Arausicanæ Synodus I. in can. VII. In Ecclesia manumissos, vel per testamentum Ecclesia commendatos, si quis in servitutem vel obsequium, vel ad colonariam conditionem imprimere tentaverit, animadversione Ecclesiastica coerceatur.*

*Arelatenfis Synodus II. in can. XXXIII. Si quis per testamentum manumissum in servitute vel obsequio, vel in colonaria conditione imprimere tentaverit, animadversione Ecclesiastica coerceatur. Deinde in can. XXXIV. Si quis in Ecclesia manumissum crediderit ingrati titulo revocandum, non aliter liceat, nisi cum gestis apud acta municipum rem esse ante probaverit.*

*Aurelianensis Synodus V. in can. VII. Et quia plurimorum suggestionem comperimus, eos qui in Ecclesiis juxta patrioticam consuetudinem a servitio fuerint absoluti, pro libito quorumcunque iterum ad servitium revocari, impium esse tractavimus, ut*

quod in Ecclesia, Dei consideratione, a vinculo servitutis absolvi-  
tur, irritum habeatur. Ideo pietatis causa communi consilio pla-  
cuit observandum, ut quacunq; mancipia ab ingenuis dominis  
servitute laxantur, in ea libertate mancant, quam tunc a do-  
minis perceperunt: hujusmodi quoque libertas si a quocunque  
pulsata fuerit, cum justitia ab Ecclesiis defendatur, præter eas cul-  
pas, pro quibus leges collatas servis revocare jusserunt libertates.

Matifconensis Synodus II. in can. VII. *Qua* dum postea  
universa cæui secundum consuetudinem recitata innotescerent,  
Præxiatius & Pappulus viri beatissimi dixerunt: Decernat itaque  
& de miseris liberis vestra auctoritatis vigor insignis, qui ideo  
plus a judicibus affliguntur, quia sacris sunt commendati Ecclesiis:  
ut si quas quispiam dixerit contra eos actiones habere, non audeat  
eos Magistratui contradere; sed in Episcopi tantum judicio, in cu-  
jus præsentia litem contestans, quæ sunt justitia ac veritatis au-  
dias. Indignum enim est, ut hi qui in sacrosancta Ecclesia jure  
noscentur legitimo manumissi, aut per epistolam, aut per testamen-  
tum, aut per longinquitatem temporis libertatis jure fruuntur, a  
quolibet injustissime inquietentur. Universa sacerdotalis congregatio  
dixit: Iustum est ut contra calumniatorum omnium versutias de-  
fendantur, qui patrocinium immortalis Ecclesia concupiscunt; &  
quicunque a nobis de liberis latum decretum superbiæ ausu præ-  
varicare tentaverit, irreparabili damnationis suæ sententia feri-  
atur. Sed si placuerit Episcopo ordinarium judicem, aut quemlibet  
aliud secularem in audientiam eorum accersiri, cum liberis fiat,  
& nullus alius audeat causas pertractare libertorum, nisi Episco-  
pus, cujus interest, aut is cui idem audiendum tradideris. Et  
Conciliorum plurimum canones, quorum materia in jure civili  
plane consistit: inædificantur legibus, quas Constantinus Im-  
perator tulit. Quid enim magis ad jus illud pertinet, quam  
vindictio in libertatem, & causæ quæ ex ea nascuntur? Quid  
minus, quam assertio hæc & manumissio, supernaturalem ad  
finem de seipso refertur? & tamen quidquid id est totum sacris  
Conciliorum canonibus communitur. Hæc autem cum ita  
sint, viri sapientis est prius expendere, quæ in materia san-  
citi sint canones, quam iis uti continuo ad comprobandum  
quidlibet seorsum a legibus, quas sæculi Principes tulerunt.

Faciendus est canonum delectus ex objecto & fine, quem illi spectant; hinc oportet perspicere, num sanciti sint in materia spirituali vel civili canones, num vere Ecclesiastici sint ex seipsis, aut habito solum respectu ad eos, qui canones condiderunt, vel ad civiles Magistratus, qui condendorum canonum materiam sacerdotali ordini subministrarunt.

Atenim ut vere affirmateque dici nequit, relatos de manumissione Arausici, Arelatensis, Aurelianensis & Matisconensis Concilii canones ex seipsis spirituales esse, vel ab Imperatorum legibus non pendere: sic & vere affirmateque dici nequit, relatos supra Agathensis, Epauensis & Aurelianensis Concilii canones de matrimonialibus impedimentis ex seipsis spirituales esse, vel ab Imperatorum legibus non pendere. Nimirum horum perinde atque illorum materia ex genere & natura sua civilis est, & in civilis negotii fundo consistit, quicumque tandem canones decernat; & huc sine dubio spectat veteris istius monetæ spectator oculatissimus Sirmondus, cum in notis ad Ennodii epistolam ait: *Qui de ea re (incestis nuptiis) canones erant, intra vetitos sacris literis & Principum legibus gradus fere consistebant.* Neque enim Agathensis, Epauensis & Aurelianensis Concilii canones de connubialibus impedimentis expressius loquuntur ac disertius, quam Arausici, Arelatensis, Aurelianensis & Matisconensis Concilii canones de servorum manumissionibus loquantur. Hanc comparisonem premimus & urgemus, in hac habitamus & quiescimus. Igitur abscedant procul, qui certa quædam rerum discrimina contemnunt, vel qui constitutas a Philosophis internoscedarum actionum quarumcumque regulas dissimulant, ut Regni & Sacerdotii jura permisceant, ut quod Regni est Regno abjudicent, & quod Sacerdotii non est Sacerdotio adjudicent: nisi fortassis qua ratione jus manumittendi servos, ita & jus certis de causis impediendi & rescindendi Matrimonia adjudicare volunt, ut tandem, velint nolint, Regnum & Sacerdotium inter se committant.

Hæc est galeata præmunio, qua quicquid hoc in articulo 111. hinc inde ad Principum leges & certos quosdam canones observatur, circumdandum esse duximus.

## ARTICULUS IV.

*Non expedit Sacerdotio ut Regnum jure feredarum legum Matrimonia dirimentium spoli-  
liet: imo fieri non potest, ut ullus civilis seu  
regius Principatus hoc jure spoliatur in per-  
petuum.*

**I**N articulis jam tribus confecimus tria. In primo regiam seu civilem in sanciendo impedimentis Matrimonium dirimentibus potestatem ostendimus; & ea profecto ratione ostendimus, ut quæ principia doctrinæ veræ tradi solent, in argumento hujus articuli facile dignoscantur, vniversitas & consensio. Vniversitas quidem, cum de hoc Principum jure quid diversi in diversis Academiis Magistri ac Doctores senserint, proposuimus. Consensio vero, cum in Magistrorum sententiis, quas sincere retulimus, diversum nihil sit, sed in idem omnes illorum definitiones conspirent. In secundo, retractata facti quæstione vidimus, Theologos complures nonnihil esse passos humani, cum a sacerdotali ordine jus sanciendo dirimentes Matrimonium leges Principibus ademptum esse scripserunt. Hæc autem discussio tantum abest ut incommodet Principum juri, ut illud magis ac magis confirmet. In tertio planum fecimus, præcipua impedimenta Matrimonium dirimentia jam tum primum instituta fuisse a Principibus, eaque lubenter amplexos esse eos, qui sacerdotale officium ubique administrarunt, adeo non repugnarunt. Tunc seculares Principes & Ecclesiæ Præpositi præstabant id, quod ab iisdem modo præstari vult Petrus Sotus: *Nec debent Prelati Ecclesiæ gravate suscipere, si quid temporali paci viderint necessarium, seculares Principes statuant: nec est cur illis se opponant, sed permittant potius Matrimonium legibus humanis ordinandum, cum officium humanum sit, & addant postea ipsi, si videbitur,*

*quod ad bonum religionis pertinet.* Ex iis veto, quæ hoc articulo disputavimus, factum est, ut vniuersitati & consensio*n*i accesserit in eadem doctrina & usu doctrinæ antiquitas. Ceterum hi tres articuli sunt illius, quem meditamur, quarti velut præludium, ni melius dicam, decretoria ratio.

---

## CAPUT I.

*Non expedit Sacerdotio, ut Regnum jure statuendi impedimenta Matrimonium dirimentia spoliet.*

**S**APIENTER quidem omnia beatus gentium Apostolus Paulus, sed illud, cum in primis asseruit, multa sæpenumero licere, quæ non expediunt. Quod Apostolicum effatum ne de proposito themate dictum quis abs te putet, aliquot proponam rationes, quibus suaderi cordato viro poterit, sacerdotali ordini, quem appellant Ecclesiam, non expedire, ut Christianos Principes jure statuendi leges, quæ Matrimonium dirimant, priuet, quantumvis id licere probaretur.

## RATIO PRIMA.

Christianos Principes jure ferendi leges Matrimonium dirimentes hætenus non spoliavit sacerdotalis ordo, licet vix vlla spoliandi hodie contingeret causa, quæ per annos mille sexcentos & amplius non contigerit. Igitur non expedit sacerdotali ordini, ut Christianos Principes eo quo de agimus jure spoliet: immo sacerdotalis ordo semper iudicasse visus est id non expedire, cum omni retro ætate & qualibet oblata occasione facinus ejusmodi aggressus non sit. Enimvero si quo tempore omnes causæ matrimoniales deferrebantur ad Ecclesiasticos judices, & ab iis de dotibus, de successionibus, de hereditatibus & de donationibus inter virum & uxorem exercebantur judicia, de spoliandis jure suo Principibus nullum sacerdotalis ordo decretum edidit, ut alio

REGIA IN MATRIMONIUM POTESTAS. 263  
tempore ederetur, bono sacerdotalis ordinis quis expedire  
censeret?

RATIO SECUNDA.

Non expediret, ut quo jure per sacerdotale privilegium accepto randiu usi fuissent Principes, eosdem privaret sacerdotalis ordo. Igitur multo minus privandi sunt eo jure, quod illis naturali divinaque concessione datur.

RATIO TERTIA.

Si quod est Principum, sacerdotalis ordo Principibus auferret, periculum esset, ne quod est sacerdotalis ordinis, Principes lege rationis usurparent; & sic moto Regnum inter & Sacerdotium bello, plura perderet sacerdotalis ordo, quam lucraretur. At illud prudentiæ, qua Ecclesiam regi vult Deus, adversatur, ac proinde non expedit.

RATIO QUARTA.

Cum adverterent Principes se proprio jure spoliari a sacerdotali ordine, cui tot privilegia & immunitates liberaliter concesserunt; inde revocandi non injustam, ut sibi videretur, causam arriperent: quis ergo non videt e re non esse sacerdotalis ordinis, ut Principes jure suo priventur?

RATIO QUINTA.

Sacerdotalis ordo adversus hæreticos & Christianæ pacis turbatores Principum secularium opem quotidie implorat, & consequitur: ergo non expedit, ut quorum tantis in rebus auxilium quaerit & obtinet, eorum jura tam insigniter imminuat.

RATIO SEXTA.

Non expedit jus illud a suis legitimis possessoribus remo-

# 264 REGIA IN MATRIMONIUM POTESTAS.

vere, quod publicæ regnorum ac provinciarum tranquillitati plurimum inservit, quia ubi publica pax turbatur, tunc nullum boni ac veri discrimen geritur, orthodoxa fides pluribus in locis perit, aut certe magnum in periculum adducitur, probati mores, sine quibus parum prodest fides, corrumpuntur, & omnis tandem Ecclesiasticæ disciplinæ nervus dissolvitur.

## RATIO SEPTIMA.

Christiani Principes observationi legum, quæ cum propter morum honestatem, tum propter asserendam inter cives pacem, ad certa quædam vetanda conjugia ferantur, invigilabunt diligentius; si rum demum cognoscant sese jure suo illas rulisse leges, quam si ab aliis latas tantum arbitrentur. Hoc cum ira sit, sacerdotali ordini injuriam facit is, qui jus Principum auferendi cogitationem Pontificibus suggerit.

## RATIO OCTAVA.

Sacerdotalis ordo semper, adhortatus est Principes ad ea statuenda, quæ ad servandam morum honestatem, augendam hominum in Deum caritatem, statuendam proximi pacem, atque ad amplificandam fidelium utilitatem conducunt: quare idem sacerdotalis ordo vetaret, ne Principes impedimenta Matrimonii statuerent, quibus illa omnia bona procurantur?

## RATIO NONA.

Hæc ratio petitur ex his Petri a Soto verbis: *Juriste non advertunt, nihil per jus Principum derogari auctoritati Ecclesiasticæ, sed potius conducere Ecclesiæ paci. Si cum jus divinum ipsum permittit prohiberi ab Ecclesiæ, quod ipsum non prohibet, quare non permittet seculari potestati prohibere circa Matrimonium, quod ipsa non prohibet? Nec est cur Principibus se opponant, sed permittant potius Matrimonium legibus humanis ordinandum, cum offi-*  
cium



*cium humanum sit; & addant postea ipsi, si videbitur, quod ad bonum religionis pertinet: non est legi vel consuetudini anservendum, ut illegitimos aliquos, si velint, reddere possint; sed potius, si opus foret, confirmandum est ab Ecclesia. Quare in hujus rationis auxilium dicimus, imitandam esse prudentiam Papæ, quisquis ille fuerit, qui Longobardorum Regem pia quondam admonitione cohortatus est, ut quam legem pro interdicendis quibusdam conjugiiis noverat esse proficuum, Rex suis ipse subditis imponeret.*

## RATIO DECIMA.

Quamvis subdubitaretur, an Christiani Principes ex officio possent impedimenta Matrimonium dirimentia statuere, & illud tamen ex sententia plurimorum Theologorum sibi vendicarent; non expediret adhuc, ut sacerdotalis ordo habito apud multos probabili jure eisdem Principes spoliaret: quippe potior est pacis & dilectionis inter Regnum & Sacerdotium concordia, quam legum aliquarum Matrimonium dirimentium institutio, cum hac facilius quam illa Christiana religio careret.

## RATIO UNDECIMA ET ULTIMA.

Talis potestatis abrogatione nihil esse potest Christianæ religioni odiosius, nihil ab Ecclesiastici regiminis moderatione alienius, nihil ethnicos Principes ab amplexanda Christi fide magis deterrens, quam si judicaretur expedire, ut Christiani Principes jure sancienti impedimenta Matrimonium dirimentia, id est, jure conservandæ inter subditos pacis nudarentur. Etenim finge tibi, sic ethnicum Regem ab aliquo Theologo de Christi religione, deque Ecclesiæ disciplina doceri. Complures Theologiæ & juris Pontificii Doctores graviter asserunt, quod pro bono pacis, pro publicæ tranquillitatis securitate, pro Regni salute ex jure divino potuisti, olim hodieque potes impedire tuis legibus, ne hi aut illi subditi tui, etiam Christiani, cum his aut illis mulieribus vere

copulentur. Sed quando cras baptismum susceperis, & Christum Dominum indueris, sine vlla tua culpa hujus auctoritatis jacturam certissimam facies, aut certe facere poteris, sive quia causam natalium Reginx Cypri Honorius III. *ad summum revocavit examen*: sive quia Innocentius III. ad Abbatem sancti Silvestri de Urbe scribens asseruit, *laicis religiosis super Ecclesiis & personis Ecclesiasticis nullam esse attributam facultatem*: sive quia Pontifex alius vetuit, *ne Abbates sine speciali concessione, aliave legitima de causa matrimoniales causas judicarent*: sive quia Pontifices & Ecclesiastici judices ad auferendam Regum potestatem, ea impulsu sunt ratione, qua neque Christus, neque Apostoli, neque Apostolici viri, neque successores optimi quique impulsu sunt, *decentia scilicet Sacramenti ac dignitate*, ad quam inter Christianos sublatum est Matrimonium.

Qui tandem sic ageret cum infideli Principe, quemadmodum ex quorundam Theologorum principiis reipsa agendum esset, nonne de Christi religione, de veterum Pontificum prudentia, de Sacramenti Matrimonii veritate ac præstantia, de Christianorum Principum moribus pessime omnino mereretur? De Christi quidem religione, quæ neminem jure suo privat, aut certe, si privat, non sine admissio grandi piaculo privat. De veterum Pontificum prudentia, cum ii Ecclesiasticorum Sacramentorum præstantiam ex divina Apostolicaque traditione edocti civilem potestatem reliquerint intactam, nec id suum fecerint, quod quandiu foret alienum, Sacramenti Matrimonii reverentiam & honorem laderet. De Sacramentorum veritate, cum occasionem novatoribus tribuant suspicandi, ea omnia, quæ de Sacramento Matrimonii prædicamus, antiquæ Ecclesiæ incognita fuisse. De Christianorum Principum ac civilium Magistratuum moribus, cum illos id sceleris in Deum & Ecclesiam admisisse dicendum sit, cujus gratia tanto tamque necessario jure privari meruerint ipsi; & quotquot futuri sunt illorum imposterum successores.

Ceterum hoc caput quod rationibus vndecim absolvitur, non inscripsissem, ut inscripsi: immo penitus omisissem, nisi me vel invitum coegissent nonnulli e Schola Theologi,

quorum certa quædam placita in articuli II. capite XII. retractavi, & retractatu procul abjeci, ac ludibrio virorum prudentium exposui. Sed cum omnia omnibus in locis non discutiantur ad plenum & perfectum, tunc missum feci, vtrum expediret id fieri, quod Doctores illi factum esse & falso & fallaciter tradiderant. Expectabam tempus aliud, quo res ad ordinis &, vt ira dicam, decentiæ statum revocata ponderaretur magis magisque, & iura Principum salva & ab omni derrimento incolumia remanerent. Attamen satis prospiciebam animo capiris titulum id importare, quod sponte sua dissilit, quod Reges, quibus nihil est in sæculo excelsius, vniuersos potest offendere, quod eorum qui sacerdotale administrant officium, moribus non convenit, quod omnium animis atque auribus absonum videtur, quod hominibus non Christiana modo religione, sed etiam gentili superstitione imbutis horrorem incutit. Nam tangitur principium illud cuiuslibet a natura insitum: *Alieri ne feceris, quod tibi fieri non vis.* Quo & spectant plures Romani Pontifices Gregorius I. Gregorius VII. Innocentius II. & Innocentius III. *Qui & quales viri?*

Gregorius I. in libri II. Indict. XI. epistola XXI. ad Presbyteros & Diaconos Mediolanensis Ecclesiæ: *Sicut ab aliis nostra exigimus, ita singulis sua iura seruamus.*

Gregorius VII. in libri I. epistola XXIV. ad Brunonem Veronensem Episcopum: *Sicut Romana Ecclesia debitum honorem impendi a ceteris Ecclesiis, ita unicuique Ecclesia proprium ius seruare desideramus.* Deinde in ejusdem libri epistola LXX. ad Geusam Ungarorum Ducem: *Si officii nostri est omnibus sua iura defendere, ac inter eos componere pacem, & stabilire concordiam: multo magis ratio exigit, & usus utilitatis exposcit, vt seminemus caritatem inter majores, quorum pax aut odium redundat in plurimos.*

Innocentius II. in epistola VII. ad Radulfum Patriarcham Antiochenum: *Sanctorum canonum institutionibus continetur, vt unusquisque suis terminis contentus existat, nec in iura aliena irreat. Ea enim quæ nobis fieri nolumus, tam diuinis quam humanis legibus proximis nostris facere prohibemur.*

Innocentius III. in libri 1. epistola ad rectores Thusciz: *Sicut jura nostra nobis volumus servari, sic aliorum jura volumus illibata servare.*

Hæc autem cum ita sint, excusarem me, si gratis & sine ratione differuissem, quæ hoc in capite differui; sed excusatos esse Doctores illos cupio, qui me ad differendum & scribendum impulerunt.

## CAPUT II.

*An & qua ratione Principibus abrogari possit jus statuendi impedimenta Matrimonium dirimentia.*

**H**ANC quæstionem, quæ male affectis in mutuam Regni & Sacerdotii concordiam hominibus invidiæ plena videretur & periculi, ea Christiana moderatione & simplicitate tractabimus, ut præcipuam disputandi legem sumpturi simus, cum a nonnullis, qui nullum unquam in Christianis Principibus hæc impedimenta sancienti jus admiserunt: tum ex omnibus, qui admiserunt quidem, sed ab ordine sacerdotali deinceps ademptum tradiderunt: tum etiam maxime ex Bellarmino, qua parte indirectam in temporalia Principum dominia potestatem tutatus est, licet eam cum quibusdam aliis, si rejiceremus, nostra quæstio longe facilius absolveretur. Illam ergo aggredimur, sed plenam variis assertionibus, quæ rem totam explicabunt.

Assertio prima. Civilis Principatus secundum se consideratus jure disponendi politicum Matrimonii contractum, qui ut materia Sacramenti, Sacramentum ipsum antecedit, & sancienti quædam impedimenta dirimentia, privari nunquam potest. Probatur. Suprema potestas civilis per se spectata destrui non potest ab ordine sacerdotali: quippe quæ hominibus in perfectam societatem congregatis a Deo concessa sit. Igitur nec asserto jure privari, quod uti potissima maximeque necessaria pars supremam potestatem civilem componit.

Quod autem potissima maximeque necessaria pars sit supremæ potestatis civilis, & naturali lumine constat, & momentis confirmatur omnibus, quæ art. I. cap. I. II. III. IV. V. VI. VII. VIII. IX. & XII. art. II. cap. II. retulimus.

Assertio secunda, quæ quibusdam aliis præsupponitur. Duobus præsertim modis Principes Sacramenti Matrimonii spiritalem rationem possunt lædere. Uno, si vel statuerent, opus non esse, ut Sacramentum Matrimonii contrahentes sint in statu gratiæ, vel de Matrimonio, qua Sacramentum est, forma vel ministro nonnihil decernerent, contra quam a Christo institutum, & ab universalibus Conciliis definitum sit. Altero, si vel Matrimonium ipsum, quod Sacramenti fundamentum est, destruerent, vel aliquid adversus naturalem divinamque legem, qua instituitur, definitent; & licet horum utrumque disputandi causa supponatur, neutrum tamen a Christianis Principibus timendum est: non primum quidem, tum quia qui suos fines vix servant in hoc negotio, cur alienos invaderent? tum quia facinus istud non in Catholicos, sed in hæreticos quadraret. Non vero secundum, cum Principes civilis Matrimonii contractus exitium moliri non possint, quin simul de politicorum statuum vastitate cogitent: nempe pereunte Matrimonio, pereunt cives: at pereuntibus civibus, quomodo Principes ipsi vel politici status perseverarent? Quis, quæso, ne conficeretur Sacramentum Eucharistiæ, crederet, vel vnum Principem imperaturum aliquando, ut omne Regni sui triticum ac vinum in mare projiceretur?

Ceterum hæc a nobis ex sensu pietatis in Christianos Principes dicuntur, nec quod, ut in Pontificibus, sic & in iis Principibus errante clave contingeret, defendimus.

Assertio tertia. Usus supremæ potestatis civilis in disponendis Matrimoniis, & sanciendo legibus Matrimonium dirimentibus, spectata natura rei, jure posset a sacerdotali ordine in omnibus Principibus simul sumptis coerceri. Probatur, quia nihil vetat absolute, & ut loquuntur, metaphysice, quominus Principes simul convenirent omnes, ut sua potestate in Matrimonium, & qua est officium naturæ & societatis civilis,

& qua est Sacramentum, graviter abuterentur.

Assertio quarta. Usus supremæ potestatis civilis in disponendis Matrimonis, & sancendis legibus Matrimonium dirimentibus, nunquam jure poterit, spectatis hominum moribus, a sacerdotali ordine in omnibus Christianis Principibus simul sumptis coerceri vel interdici. Probatur, quia cum Sacerdoti potestas data sit in ædificationem, non in destructionem, usum illum supremæ potestatis civilis impedire merito nequit, sine gravissima in Matrimonium offensione ac culpa. Sed prout hominum mores ferunt, in Matrimonii perneciam Christiani Principes nunquam vna conspiraturi sunt universi. Deinde usum hunc interdici non posse sine culpa, docet ipse interdiciendi modus: vel enim sacerdotalis ordo Principibus hoc usu interdiceret per potestatem spiritalem, vel per directam in temporalia potestatem, vel per indirectam: non per spiritalem, quæ per se non spectat interdictum rei temporalis ac civilis, cujusmodi est usus politicæ potestatis in sancendis legibus Matrimonium dirimentibus: non per directam, quam Bellarminus, Suares & alii verissimis rationibus abjudicant Sacerdotio; non denique per indirectam, cui nullus est locus, ubi nulla culpa. Siquidem indirecta potestas assertoribus suis, Bellarmino, Francisco Suari, & aliis, cum salutis animarum & boni cujusdam spiritualis obstaculum removeat interjectum, quod removeatur, obstaculum necessario supponit. Id speciatim confirmatur ex Basilio Pontio Legionensi, qui lib. v. de Matrimonio cap. 11. sic disputat adversus receptam Theologorum, quos articulo 1. laudavimus, opinionem. *Si Matrimonium, inquit, etiam post Christi institutionem, quia contractus est, subiectum esset Principum secularium dispositioni, nequaquam in visis Principibus fidelibus posset Ecclesia ab illis auferre eam potestatem leges condendi & sibi reservare: quo enim jure id posset? Sicut neque hominem subditum seculari Principi posset Pontifex eximere a jurisdictione illius, neque interdiceret etiam, ne circa alios contractus leges statueret. Quare nisi ea potestate abuterentur Principes, & aliquid statuerent, quod spiritua-lem Sacramenti Matrimonii rationem lederet, non possent a Pontifice pro indirecta potestate, quam habet in temporalia, coerceri.*

Quibus verbis explicat, quæ sit natura potestatis indirectæ, quis finis, situm demum admitteretur.

Assertio quinta. Si quis Christianus Princeps spiritalem Sacramenti Matrimonii rationem læderet eo quo dictum est modo in assertione II. nec ille sæpius a sacerdotali ordine monitus, cum debita reverentia & honore suas leges emendare vellet: non repugnarem, quin usus potestatis civilis in eo super Matrimonium cohiberi tunc posset. Probatur primo ex auctoritate Ambrosii Catharini in quaestione de clandestinis Matrimoniis. *Oportet, inquit, canones civilem aliquam legem irritantes ab aliqua solida ratione proficisci; nulla vero potest esse alia ratio, nisi quia forte viderint, quod a lege civili constitutum erat, vel contra jus divinum esse, vel contra jus naturale.* Probatur secundo ex præsupposita veritate indirectæ potestatis, ut videant adversarii, si qui sint, me nullam asserendæ veritatis viam aspernari.

An autem de facto Princeps ille cohibendus esset, vel, ut ut ferendus, Sacerdotii est, non meum judicare. Mihi tamen in tam abominatissima necessitate consulendus videretur Ambrosius epistola LVIII. de criminoso Magistratu scribens: *Majores, inquit, maluerunt indulgentiores esse circa judices, ut dum gladius eorum timeretur & reprimeretur, scelerum furor non incitaretur.* In eam quoque rem consulendus videretur beatus Gregorius Papa, cujus in quadam Imperatoris corrigenda lege exemplum omnino dignum est, quod hic recensatur. Mauritius hanc legem tulerat, ne cui in publicis administrationibus implicato ad Ecclesiasticum officium venire liceret, & ne milites in monasterio susciperentur, eamque postea ad Gregorium misit, ut promulgaret. Gregorius acceptam legem, tametsi quoad alteram partem iniqua videretur; in emendatam tamen promulgavit: narranti Pontifici fidem habeamus. *Ego quidem, inquit lib. II. epist. LXII. jussioni subiectus eandem legem per diversas terrarum partes transmitti feci; & quia lex omnipotenti Deo minime concordat, ecce per suggestionis mee paginam serenissimis Dominis nuntiavi: utrobique ergo, quod debui, exolveri, ut qui Imperatori obedientiam præbui, & pro Deo, quod sensi, minime taci.* Quid vero deinde factum?

## 272 REGIA IN MATRIMONIUM POTESTAS.

vnus præterit annus, quo Imperator suam non temperaverat legem, vti Gregorius epist. LXV. ejusdem lib. conquiritur apud Imperatoris medicum, huncque, vt moneat Dominum, precatur, ac post explicatam legis injustitiam subdit: *Hæc quia mihi valde dolent, eidem Domino suggessi; sed vestra gloria opportuno tempore secreta suggestionem meam ei offerat. Nolo enim a responsali meo publice dari, quia vos, qui ei familiaris servitis, loqui ei liberius & apertius potestis, quæ pro ejus sunt anima, quoniam in multis est occupatus, & vix animus ejus invenitur a curis majoribus vacuus. Tu quidem, gloriose fili, pro Christo loquere; si auditus fueris, lucrum operatus es anima prædicti Domini tui & tuæ; si vero auditus non fueris, lucrum solummodo tuæ fecisti.*

Assertio sexta. In vno Principe, qui peccasset id genus peccati quod indicavimus, vsus potestatis civilis etsi coerceretur, in ceteris tamen qui non peccassent, non coerceretur. Probatur, quia talis vsus non coerceretur, nisi per indirectam potestatem, quæ culpam supponit: quod lumine naturæ notum videtur esse.

Assertio septima. Interdictum vsus potestatis civilis in vno Principe non transiret in ejus successorem. Probatur, quia tale interdictum gravissima foret pœna; sed pœna non alterius quam rei & fontis est, cujusmodi non esset successor, qui potestate sibi a Deo concessa legitime vteretur. Deinde vsus potestatis, qua sanciuntur impedimenta dirimentia Matrimonium, ad reipublicæ salutem & tranquillitatem necessarius est, ac proinde in successore libet esse debet atque expeditus. Porro autem potestatis hujus necessitatem att. 1. toto & 11. demonstravimus.





## CAPUT III.

*Potestas in Matrimonium secularis & spiritualis, suis utraque descripta finibus explicatur.*

QUOMODO secularis & spiritualis in Matrimonium potestas a se invicem pendeant, quæ sint utriusque jura, qui fines, proximis assertionibus exponemus, eandem amplexi præmunitionem, quæ initio superioris capituli facta est. Hoc enim amuletum omnem, opinor, criminandi causam repellet.

Assertio prima. Spiritualis potestas ab seculari pendet quoad naturam civilis contractus Matrimonii, cui jam legitime facto divinitus accedit Sacramenti ratio. Probatur imprimis ex beato Thoma lib. IV. contra gentes cap. LXXVIII. *Matrimonium in quantum ordinatur ad bonum politicum, subiacet ordinationi civilis legis; in quantum ordinatur ad bonum Ecclesie, oportet quod subiaceat regimini Ecclesiastico.* Hæc autem secunda Matrimonii consideratio pendet a prima, ut constat. Deinde probatur ex recensitorum art. I. & II. Theologorum consensu, qui docent Matrimonium per Sacramentum ab seculari jurisdictione non eximi, vel Principem posse Matrimonium perinde cassum reddere, ac si non esset Sacramentum. Igitur si Sacramentum ab seculari jurisdictione Matrimonii contractum non eximat, vel si Princeps possit Matrimonium perinde cassum reddere, ac si Sacramentum non esset, Matrimonii contractus talis sine dubio remanet accedente Sacramento, qualis ante accessum illius erat: ac proinde si antequam Sacramentum accederet Matrimonio, nullus Matrimonio uti poterat, nisi a civili penderet potestate, quæ Matrimonii contractum disponderet; sic & postquam Sacramentum accessit Matrimonio, nullus Matrimonio uti poterit, nisi a civili quoque pendeat potestate, quæ Matrimonii contractum disponat. Confirmatur. Si emptio vel venditio Sacra-

mentum esset, cum a civili potestate non eximeretur, quatenus est contractus quidam, spiritualis potestas a politicis emptionis vel venditionis legibus non minus penderet, quam modo pendet; sic & de Matrimonii contractu ratiocinandum docet illorum Theologorum hypothesis, quam de emptione vel venditione instituendam esse duxerunt.

Affertio secunda. Sæcularis potestas a spirituali pendet quoad ministerium Sacramenti Matrimonii, qua Sacramentum est. Probatur ex beato Thoma loco citato. *Matrimonium*, inquit, *in quantum ordinatur ad bonum Ecclesiæ, oportet quod subiaceat regimini Ecclesiastico: ea autem, quæ populo per ministros Ecclesiæ dispensantur, Sacramenta dicuntur. Matrimonium igitur secundum quod consistit in conjunctione maris & femina intendentium prolem ad cultum Dei generare & educare, est Ecclesiæ Sacramentum; unde & quedam benedictio nubentibus per ministros Ecclesiæ adhibetur, & sicut in aliis Sacramentis, per ea, quæ exterius aguntur, spirituale aliquid figuratur.* In his ergo quæ ad Sacramenti rationem pertinent, & sequuntur in Matrimonio, sæcularis seu civilis potestas a spirituali pendet. Deinde probatur ex praxi Ecclesiæ, in qua Sacramentum Matrimonii, sicut & alia Sacramenta, celebratur, sive alias contrahentes sint ministri Sacramenti Matrimonii, sive Sacerdotes. Hujus enim quæstionis decisio ad institutum nostrum nihil spectat, quamvis ea opinio, qua contrahentes dicuntur Matrimonii ministri, quoad contractum quidem, beato Thomæ & multis aliis Theologis, necnon Tridentino Concilio conformior, & solidioribus niti rationibus videatur.

Affertio tertia. Hæc mutua civilis & spiritualis potestatis subordinatio nemini displicere debet. Probatur hoc ex sanctissimis juxta & doctissimis hominibus, qui parem subordinationem docuerunt. Et primum quidem ex Gelasio Papa in epistola VII. ad Anastasium Imperatorem: *Duo sunt, quibus principaliter mundus hic regitur; auctoritas sacra Pontificum, & regalis potestas.* Et post alia: *Si enim, quantum ad ordinem pertinet publicæ disciplinæ, cognoscens imperium tibi superna dispositione collatum, legibus tuis ipsi quoque parent religionis Antistites, ne vel in rebus mundanis exclusæ videantur obviare sen-*

*sentia: Quo, rogo, te decet affectu eis obedire, qui prærogandis venerabilibus attributi sunt mysteriis.*

Deinde ex Nicolao Papa in epistola VIII. ad Michaellem Imperatorem: *Sed cum ad verum ventum est, eundem Regem atque Pontificem, ultra sibi nec Imperator jura Pontificatus arripuit, nec Pontifex nomen Imperatorum usurpavit, quoniam idem mediator Dei & hominum homo Christus JESVS sic actibus propriis & dignitatibus distinctis officia utriusque potestatis discrevit. . . . ut & Christiani Imperatores pro æterna vita Pontificibus indigerent, & Pontifices pro cursu temporalium tantummodo rerum imperialibus legibus uterentur.*

Tertio ex Concilio Trosleiano, & altero apud sanctam Ma-  
cram, ubi Gallicanæ Ecclesiæ Antistites ex Gelasii dictis ita con-  
cludunt: *Ergo quia & Rex pro æterna vita indiget Pontificibus, & Pontifices pro temporalium rerum cursu regali indigenti dispositione; a Rege obediendum est Pontificibus recta, sancta & iusta suadentibus; & vicissim a Pontificibus obediendum est Regi, pietati, cultui religio-  
ne, jure & solatio servienti.* Sic igitur in Sacramento Matrimonii, quia Christus officia utriusque, civilis scilicet contractus Matrimonii, & ei superadditi Sacramenti, actibus propriis discre-  
vit, & Pontifices indigent Regibus, qui certas leges contractui Matrimonii, qua contractus est, præscribant, & Reges indi-  
gent Pontificibus, per quos idem Matrimonii contractus, qua sublati in Sacramentum dispensetur, & quidam, ut ait bea-  
tus Thomas, *benedictio nubentibus concedatur.*

Affertio quarta. Impedimentum Matrimonia dirimens ex se suoque genere civile est, non spirituale. Assertionis prior pars probatur ex iis omnibus rationibus, quas art. I. c. VIII. & IX. deduximus, & maxime ex VI. & VI. c. VIII.

Deinde probatur, quia cum impedimenta Matrimonii sint certæ quædam necessario servandæ ad contractum Matrimo-  
nii prius incundum, quam Sacramentum ei superveniens in-  
telligatur, dispositiones ad civilem, quem habet ipse con-  
tractus Matrimonii, ordinem spectant. *Permittant, inquit So-  
tus, Prælati Ecclesiæ Matrimonium legibus humanis ordinandum, cum officium humanum sit; & addant postea ipsi, si videbitur, quod ad bonum religionis pertinet.*

Tum probatur. Contractus Matrimonii cum ad civile reipublicæ bonum ordinetur, necesse est, ut impedimenta, quæ pro decore & honestate ejusdem contractus sanciantur, eundem cum contractu ipso civilem ordinem habeant.

Quarto probatur. Cum Christus Matrimonii contractum sine ulla sui mutatione Sacramentum fecerit, ut plures Theologi docent, impedimenta Matrimonium dirimentia ejusmodi remanent post institutionem Christi, cujusmodi fuerunt vel potuerunt esse ante institutionem Christi; sed nemo negare potest, quin ante Christi institutionem impedimenta Matrimonium dirimentia ad civilem & politicum ordinem pertinerent.

Quinto probatur. Si venditio vel emptio Sacramentum esset, in civili adhuc ordine remanerent conditiones venditionis vel emptionis, quatenus sunt contractus quidam ad hominum societatem ordinati: ergo & leges contrahendi Matrimonii post inditam Matrimonio Sacramenti dignitatem intra civilis ordinis limites perseverabunt, cum non minus contractus Matrimonii quam reliqui omnes ad hominum societatem & commodum referatur, & sæculari jurisdictioni submitatur, uti communis Theologorum Schola tradit art. 1. per varia capita.

Sexto probatur ex auctoritate Ambrosii Catharini, qui Concilio Tridentino interfuit, & cujus opusculum de clandestinis conjugii editum est Romæ anno MDLII. cum privilegio Julii III. *Quidquid non est*, inquit, *contra legem Dei ac legem nature, credo Principes posse circa Matrimonium tanquam circa suam, & non alienam materiam suis legibus providere, & ita latam ab eis legem valuisse puto, qua irritabantur Matrimonia non consultis parentibus contracta.* Debit itaque vir doctissimus credere impedimentorum dirimentium institutionem ex se suæque natura inter Christianos civilis ordinis esse, nec insuper repugnant, qui opusculum Catharini Romæ probarunt, & Pontificis privilegio munierunt.

Septimo probatur ex sententia illorum Theologorum, qui docent Principes spectata naturâ rei posse legem condere, quæ Matrimonium ditimat; sed Pontifices sibi reservasse hanc

potestatem: hæc ergo potestas, quam Principibus ablatam sibi reservarunt Pontifices, vel est sacerdotalis & spiritalis, vel secularis & temporalis. Primum dici nequit, cum quæ potestas spectata natura rei Principibus convenit, eam sacerdotalem esse ac spiritualem repugnet: ergo secundum dicatur necesse est, cum quæ potestas spectata natura rei Principibus convenit, eam non potest non esse secularis & temporalis: itaque potestas ferendi legem, quæ Matrimonium dirimat, ex natura sua civilis est. Neque vero si hæc potestas sacerdotali ordini vel Pontificibus reservata poneretur, in sacerdotalem & spiritualem evaderet, quia inprimis jurisdictio sacerdotalis, & secularis manens secularis in eandem personam concurrere possunt, quemadmodum utramque Romanus Pontifex habet sæculis abhinc pluribus in beati Petri patrimonio. Deinde potestas illa vel sacerdotalis aut spiritalis fieret ratione causæ ex qua derivatur, vel ratione subjecti recipientis: non primum, quia derivatur a seculari Principe, vt supponunt, qui docent eam Principibus ablatam sibi reseruisse Pontifices; non secundum, quia, vt diximus modo, potestas secularis cum spiritali in eadem persona recte conjungitur.

Assertionis pars altera probatur primo ex iis omnibus, quæ in prima parte assertionis exposuimus, cum, vt ait Bellarminus lib. 1. de Matrimonio cap. XXI. *eadem potestas ad duo diversa tribunalia æque immediate & proprie pertinere non possit.* Cum igitur ex priori assertionis parte impedimentum dirimens sit ex natura sua lex civilis, lex spiritalis ex se esse non potest.

Secundo probatur. Si impedimentum dirimens ex se suæque natura sacerdotalis seu spiritalis lex esset, illud vel ex subjecto suo, vel ex principio, vel objecto, quæ rebus speciem tribuunt, haberet. Non ex subjecto, cum impedimenti dirimentis subjectum sit persona contrahens, vel contractus ipse; sed siue sit persona contrahens, quæ reddatur inhabilis, siue contractus, utrumque ad politicum statum & ordinem spectat: deinde subjectum accidenti, a quo afficitur, nec ordinem, nec speciem ex se tribuit. Non ex principio, cum principium a quo esse potest impedimentum dirimens,

secularis Princeps esse possit, ut communis docet Theologorum sententia. Non ex objecto, cum impedimenti diti-  
mentis objectum nec lumen naturæ, nec politicam regno-  
rum prudentiam excedat, ut vidimus art. 1. cap. 1. 11. 111.  
1V. V. VI. VII. VIII. & IX. art. 11. cap. 11. Instat omnium  
esse potest Franciscus de Victoria relectione VII. de Matrim.  
argumento 11. *Omnes, inquit, rationes, quæ a Doctoribus ponuntur,  
ut Ecclesia (sacerdotalis ordo, dixisset rectius) aliquis gradus con-  
sanguinitatis arceat a Matrimonio, procedunt in lumine naturali,  
& intra prudentiam politicam: ergo cum prudentia politica sit regula  
Principum & gubernatorum rerum publicarum, ut Aristoteles ponit in  
Ethicis, sequitur, quod hoc spectat ad humanam & civilem potestatem.*

Deinde qui dicunt, Ecclesiam vel Pontificem statuere  
posse impedimenta dirimentia, id ex naturali, non ex su-  
pernaturali objecto repetunt. Sic Franciscus de Victoria lo-  
co citato: *Papa non habet potestatem super Matrimonium,  
nisi solum in quantum est contractus quidam: ergo per hoc quod  
est Sacramentum, non excluditur a potestate seculari, sicut si  
emptio esset Sacramentum.* Ægidius Conink disp. xxx. de im-  
pedimentis Matrim. dubio 1. *Immo, inquit, nec potestas Eccle-  
siastica potest alia ratione irritare hoc Sacramentum, quam irritan-  
do indirecte contractum.* Petrus Cornejo tom. 11. in 111. part.  
tract. 11. disp. VII. dub. 111. *Ad secundum fundamentum re-  
spondeo, Matrimonium in quantum Sacramentum non cadere dire-  
cte sub potestate seculari & civili, sicut neque sub Ecclesiastica Pon-  
tificis; cadere tamen sub utraque, ut contractus humanus.* Guil-  
lelmus Mercerus in 111. part. quæst. L. *Ecclesia non potest ejus-  
modi impedimenta statuere, nisi quatenus Matrimonium est con-  
tractus civilis.*

Tum qui dicunt, impedimentum dirimens ideo Matrimo-  
nium solvere, quia per illud impedimentum conjuges ad  
contrahendum inhabiles redduntur; Matrimonii solutionem  
in aliquid pure naturale ac politicum transferunt. Sanctus  
Thomas quæst. LIII. art. 1. ad 11. *Præceptum, inquit, prohi-  
bens Matrimonium inter consanguineos non habet, in quantum est  
præceptum Dei vel Ecclesia, quod dirimat; sed in quantum facit,  
quod consanguinea corpus non possit transire in potestatem consan-*

guinei. Idem art. 11. in corpore: *Votum solenne non propter statusum Ecclesie dirimit Matrimonium contractum; sed in quantum per ipsum homo sui corporis amittit potestatem, Deo illud ad perpetuam continentiam tradens.* Sancto Thomæ in eandem rem adiungimus Scotum & hujus acutissimos sectatores, qui omnes cum idem doceant iisdem fere verbis, referemus tantum id quod Petrus Tarraretus Paris. Theologus, ait: *Dico igitur, quod nec propter votum continentie proprie dictum annexum ordini sacro, nec annexum ex præcepto Ecclesie præcipientis tali non contrahere; sed ex hoc, quod Ecclesie facit talem personam simpliciter illegitimam.* Michael de Palatio in 1v. sent. dist. xxxviii. *Solennitas voti castitatis solum est inhabilitas ad ducendam uxorem. Hac autem inhabilitas non contingit ex voti natura, quia votum simplex non facit inhabilem ad Matrimonium: igitur est ex constitutione Ecclesie inhabilitantis Monachos & ordinatos ex sacris ad celebranda Matrimonia.* Petrus de Palude in 1v. dist. xxxvii. quæst. 1. art. 111. concl. 111. *Ecclesia potest facere personas inhabiles ad contrahendum Matrimonium carnale, sicut & spiritale; & si non ratione sui, tamen ratione fundamenti, quia pæctio & conventio, in qua fundatur Matrimonium, subest ordinationi Principum & Prelatorum.* Matthæus Galenus catechesi cccx. *Huc adde sanctissimos quasque Theologos non arbitrari tantum penes Ecclesiam jus esse personas ineptas (ad conjugium) discernendi, verumetiam Regibus, &c.* Eligius Bassæus in Floribus Theologiæ Moralibus: *Dupliciter potest Ecclesia contractus irritare. Primo mediate, reddendo personas inhabiles ad contrahendum Matrimonium; secundo immediate, irritando contractum Matrimonii.* Ex horum ergo Doctorum opinione quis non videt impedimenti dirimenti objectum in aliquid naturale ac politicum resolvi, hoc est, in contractum, vel in personas contrahentes, quibus ad incundum conjugium habilitas aufertur? Porro ut auctores isti consequenter disputent, debent sibi sumere sacerdotalem ordinem, ut personas ad contrahendum Matrimonium reddat inhabiles, de consensu Principum, quorum est personas ad contrahendum Matrimonium inhabiles reddere, securum esse, vel totius orbis Christiani dominio potiri, & hac sola ratione personas ad contrahendum Matrimonium

inhabiles reddere. Hoc autem rotum plane confirmatur ex iis, quæ in articuli 11. capite x111. & in articuli 111. capite x11. & x111. docuimus.

Tertio probatur. Si impedimentum Matrimonia dirimens aliquid esset ex se, suæque natura sacerdotale seu spirituale, ad politicum Magistratum pertinere non posset, etiam cum subordinatione ad sacerdotalem seu spirituales: atqui ex Bellarmino lib. 1. de Matrimonio cap. xxx11. *Causæ matrimoniales tertii generis* (de impedimentis, &c.) *ad politicum Magistratum pertinere possunt; sed cum subordinatione ad Ecclesiasticum.* Dixisset rectius sacerdotalem seu spirituales ordinem. Igitur impedimentum Matrimonia dirimens non est aliquid ex se suæque natura sacerdotale seu spirituale. Quod enim ex genere & natura sua tale esset, ad politicum tribunal spectare non posset, etiam cum subordinatione ad sacerdotale. Quis enim sanus assereret, iudicium de partibus Sacramenti Matrimonii, quæ Sacramentum est, aut de sacerdotali benedictione, quæ nubentibus datur, aut de illius efficacia, aut de gratia, quæ in hoc Sacramento confertur, ad politicum Magistratum pertinere posse, etiam cum subordinatione ad sacerdotalem? Ceterum, ut hanc quæstionem Bellarminus convolvat, gratis & sine ratione fingit matrimoniales causas de impedimentis mixti esse fori, cum non ex se, sed omnino ex accidenti conjunguntur rei spirituali, quemadmodum probavimus art. 1. per plura capita, & art. 11. cap. viii. ubi quædam Bellarmini dicta retractamus.

Asseritio quinta. Sæculares Principes impedimenta Matrimonium dirimentia statuere possunt, secluso sacerdotalis ordinis consensu, qui sæcularium Principum legibus obediendi necessitatem addat, quasi leges illæ ex se non idoneam, sed tantum imperfectam obligandi vim haberent. His suppositis, probatur assertio ex testimonio Jacobi Hennequini Parisiensis Theologi & Professoris, qui art. 1. cap. 1. jam citato hac de re ita disserit: *Propter omnimodam humanam superioritatis, jurisdictionis, inferioritatis, subjectionis, Ecclesiastica, spiritualis & secularis corporalis diversitatem ac distinctionem, Matth. xx11. vers. xx1. Rom. x111. vers. 1. ad viii. 1. Petri vers. x111.*

ad



ad XVI II. & alibi sæpius in Scripturis inculcatam, possunt Principes laici independentèr. ab auctoritate & approbatione Principum Ecclesiasticorum pro varietate locorum, temporum, personarum in suo seu reipublice secularis regimine saculari connaturaliter & relative ad suum finem & scopum proprium ac distinctum, videlicet sacularem ferre leges civiles, id est, ad pacem & tranquillitatem ac bonum reipublice pertinentes, quibus ut alios contractus civiles, ita & Matrimonium contractum civilem (cum utrinque sit par ratio, & utrinque communis utilitas secularis postulare queat) suorum subditorum imbaptizatorum & baptizatorum, quatenus totius corporis & status civilis membrorum, partium, civium prohibeant & dirimant: alioquin carerent potestate sufficiente, qua bono sue reipublice civilis & suorum subditorum communi & consentaneo prospicerent & consulerent. Quibus verbis pro assertionem nostram nihil potest esse clarius. Huc spectat Stephanus Baunius e Societate JESU Theologus, cum in articuli I. capite VII. ait: In Magistratu politico auctoritatem tantam necesse est esse, ut cum res temporaque reipublica exigunt, contractus qui in ejus perniciem vergunt, modificare, irritare ac determinare valeat: ergo cum Matrimonium sit contractus Matrimonii ac civilis, more aliorum contractuum legibus certis ab eo & Principibus, quorum in terris fiet, restringi poterit.

Deinde probatur ex Ambrosio Catharino in opere, quod jam laudavimus: Reperiuntur autem qui dicant, civiles leges non esse sequendas, cum eis canones adversentur: quo in loco videndum est, qua ratione confecti sunt isti canones ad statuendum contra jus civile. Oportet enim canones civilem aliquam legem irritantes ab aliqua solida ratione proficisci. Nulla vero potest esse alia ratio, nisi quia forte viderint, quod a lege civili constitutum erat, vel contra jus divinum esse, vel contra jus naturale. Et post alia: Non est autem dubium quin saculares Principes ea possint circa Matrimonia providere ac statuere, per quæ prohi & civiles mores ad illum finem custodiantur atque servantur, ad quem ipse respublica constituuntur. Itaque quidquid non est contra legem Dei ac legem naturæ, credo Principes posse circa Matrimonium, tanquam circa suam & non alienam materiam suis legibus providere. Ut autem secularis Princeps circa suam materiam leges statuatur,

alterius potestatis consensum expectare necesse non est: alioquin ille Princeps sibi non sufficeret.

Tum probatur ex Petro Soto, qui ex parte Romani Pontificis Tridentino Concilio interfuit. *Nec advertunt* (Juristæ) *nihil per hoc* (institutionem impedimentorum dirimentium) *derogari auctoritati Ecclesiastica, sed potius conducere Ecclesie paci.* Et post alia: *Non est vel legi vel consuetudini reipublice auferendum, ut illegitimos aliquos reddere, si velint, possint; sed potius, si opus foret, confirmandum esset ab Ecclesia.* Et post alia: *Non est cur hac auctoritas auferatur a Principibus secularibus, qui de Matrimonio quidem, ut officium est reipublice necessarium, statuunt, quod tamen Sacramentum prerequisite.* Perfectam in Principibus ferendæ legis Matrimonium dirimentis potestatem agnoscit.

Quarto probatur ex communi consensu Theologorum, qui sæculares Principes posse ex se atque ex natura civilis potestatis impedimenta Matrimonium dirimentia statuere docent art. 1. de quibus sic sentit Basilii Pontius Legionensis in persona Petri a Soto. *Quare recte* (inquit ille lib. vi. de Matrim. cap. 1.) *& consequenter Petrus Soto lectione iv. de Matrim. in fine, cum falso existimaret eam potestatem habere Principes sæculares, docuit leges civiles ex pietate quadam cessisse in hac parte legibus pontificiis, atque adeo hodie, etiamsi velient, posse statuere leges irritantes contractum Matrimonii; & merito quidem falso illo principio admissio docuit non esse penes Pontificem potestatem prohibendi sæcularibus Principibus, ne leges ferant irritantes, quæ Matrimonium irritent, & nullum omnino reddant.* Hæc ille de nostris hominibus secundum assertionem nostram; sed principium quo nititur, & a communi Theologorum Schola, & a Christiana veritate abhorre, alibi docuimus.

Quinto probatur. Lex Matrimonium dirimens ex se suæque natura civilis est, non sacerdotalis seu spiritualis. Igitur illam sæcularis Princeps ferre potest, secluso sacerdotalis ordinis consensu, cum, ut docet Suares lib. 111. defensionis fidei contra Regem Angliæ cap. v. *Reges Christiani habent potestatem in suo ordine supremam, nullumque alium recognoscunt directe*

*superiorem intra eundem temporalem seu civilem ordinem, a quo in actibus suae potestatis pendeant. Quod autem spectat ad antecedens, illud superiori assertioni probatum est.*

Sexto probatur. Supposita philosophandi ratione, qua docetur a Theologis, Christum Sacramentorum institutione non mutasse naturam Matrimonii; sed ei tantum Sacramenti dignitatem addidisse, proindeque Matrimonium juxta illos Principibus æque subiectum esse, ac si Sacramentum non esset. Sic igitur disputo. Si Matrimonium Sacramentum non esset, Principes possent, secluso sacerdotalis ordinis consensu, dirimentes Matrimonium leges condere; ergo etiamsi Matrimonium Sacramentum sit, dirimentes Matrimonium leges condere poterit, secluso sacerdotalis ordinis consensu: quandoquidem accedente Matrimonio Sacramenti ratione, Matrimonium Principibus æque subiectum remansit, ac si Matrimonio nulla accessisset Sacramenti ratio. Confirmatur. Mutata esset Matrimonii ratio, si accedente Matrimonio Sacramenti ratione, Princeps non posset amplius impedimenta dirimentia statuere, quin sacerdotalis ordo consentiat: quod plane absurdum videretur.

Assertio sexta. Sacerdotalis ordo, seu sacra Pontificum auctoritas, non potest sine consensu Principum impedimenta dirimentia statuere. Hic in memoriam revocandum est, quod initio capitis præmonui, me, ut meum in agendo candorem & sincerum erga sacerdotalem ordinem, seu sacram Pontificum auctoritatem affectum omnes agnoscant, certam quondam disputandi causa supponere Bellarmini, Suares & aliorum quorundam de indirecta in Reges potestate sententiam, de qua quid reipsa sentiendum sit, non semel docuimus.

Inprimis probatur ex assertioni quarta & quinta; vnde necessario sequitur. Nam si impedimentum dirimens ex se suæque natura lex civilis sit, non sacerdotalis seu spiritualis; Sacerdotalis ordo, seu sacra Pontificum auctoritas, non poterit illud sine consensu Principum instituere, quia, ut ait Bellarminus lib. v. de Pontifice cap. vi. *Non potest Papa, ut Papa, ordinare condere legem civilem, vel confirmare aut infirmare leges Principum, quia non est ipse Princeps Ecclesie politicus;*

*tamen potest illa omnia facere, si aliqua lex civilis sit necessaria ad salutem animarum, & tamen Reges non velint eam condere; aut si alia sit noxia animarum saluti, & tamen non velint eam abrogare.* Ex his autem Bellarmini verbis colliguntur tria. Unum, civilem legem a Papa ordinario jure ferri non posse. Itaque cum impedimentum dirimens ex se suaeque natura sit lex civilis, non poterit a Papa ordinario jute statui; unde si ab eo statuatur, sine consensu Principum statui non potest, cum Principum sit ordinario jute civilem legem statuere.

Alterum, civilem legem animarum saluti necessariam a Papa ferri posse, si ab Ecclesia rogati Principes Christiani illam ferre nollent. Sed quia nullus Christianus Princeps rogatus a sacerdotali ordine, ut ejusmodi dirimens impedimentum statuatur, statuere nunquam recusabit. Bellarmini placitum nulli Christiano Principi, opinor, incommodabit.

Tertium, contrariam animarum saluti legem a Papa tolli posse, quam Christianus Princeps tollere recusaret. Sed cum nullus, ni fallor, Christianus Princeps a sacerdotali ordine monitus, perniciosi dirimentis impedimenti abrogationem detrectabit, quod eventurum extraordinarie fingitur, eveniet nunquam. Hic metaphysicus casus timendus non est, quia malum non est, quod non nocet.

Deinde si Principes saeculares impedimentum dirimens, secluso Praelatorum Ecclesiae consensu statuere possint, Ecclesiae Praelati sine Principum consensu impedimentum dirimens statuere non poterunt, cum, ut ait Bellarminus lib. 1. de Matrimonio cap. XXI. *eadem potestas ad duo diversa tribus nalia aequae immediate & proprie pertinere non possit.* At pertineret, si ut impedimentum dirimens statuerent Principes: necessarius foret Praelatorum Ecclesiae consensus, qui impedimento dirimenti vim obligandi tribueret.

Tertio probatur ex auctoritate Chrysostomi Javelli & Petri a Soto: *Populus Christianus*, inquit Javellus v. part. Phil. tract. VIII. cap. V. *in primitiva Ecclesia unanimi consensu voluit hanc potestatem (sancienti impedimenta dirimentia) esse in majoribus & Praelatis Ecclesiae. Leges civiles*, inquit

Sotus, ex pietate certe & voluntate Principum facile cessavit Ecclesie, ut jam nullum censatur illegitimum Matrimonium, quod Ecclesia tale non iudicat. Hæc si vera sunt, sine primigenio Principum consensu impedimentum dirimens a sacra Pontificum auctoritate non potest institui.

Quarto probatur ex rebus in Concilio Tridentino gestis, dum quaestio de clandestinis Matrimoniis agitaretur. Ibi ab Antonio Solisio Matrimonii contractus nullos facere, ad civiles Magistratus attinere dictum est, nec a Tridentino Concilio reclamatum. His autem positis, omnino sequitur impedimentum dirimens a sacerdotali ordine sine consensu Principum statui non posse; nempe contractus Matrimonii, cum civilis sit, nemo eum reddere invalidum potest sine consensu Principis, qui summa rerum civilium potitur; at sacerdotalis ordo minime potitur.

Quinto probatur ex iis auctoribus, qui matrimoniales causas trifariam dividunt, Bellatmino, Baio, Suare, Becano. Bellarminus enim lib. 1. de Matrim. cap. xxxii. matrimoniales causas ita dividit. *Quaedam, inquit, sunt omnino politicae, ut de dotibus, de successione, de hereditatibus, &c. quaedam sunt omnino spirituales, ut de partibus Sacramenti, de benedictione sacerdotali, &c. Quaedam sunt partim politica, partim spirituales, ut de gradibus cognationis, de divortiiis, de impedimentis: quatenus enim contractus Matrimonii naturalis est, materia est politica; quatenus idem contractus est fundamentum Sacramenti & res conscientiae, spiritualis est.*

Jacobus Baius lib. 11. Institutionum Christianae religionis cap. cXLV. *Causa matrimoniales mere politicae, quales sunt de dotibus, de successione, de hereditatibus, Magistratus politico subsunt; mixtae vero eidem subsunt, cum subordinatione tamen ad Ecclesiasticum iudicem.*

Franciscus Suarez lib. 111. defensionis fidei adversus Regem Angliae cap. xvi. num. xi. *Est autem, inquit, advertendum, materiam proximam legis civilis interdum esse per se ac directe omnino distinctam a canonica, ut quando est pure temporalis, & nullo modo sacra, nec ad finem spirituales de se ordinata, ut est, verbi gratia, definire pretium mercium, ordinem iudiciorum civilium.*

*disponere, & cetera: aliquando vero communicare aliquo modo cum materia legis canonice ratione rei substrata utrique legi, ut leges circa Matrimonia, circa funera, circa legata pia, & similes. Et post alia, materiam harum legum vocat mixti fori.*

Martinus Becanus cap. I. de Matrimonio dub. I. num. II. *Causa matrimoniales sunt triplices. Primo, quedam sunt omnino politice, ut de dotibus, successionibus, hereditatibus. Secundo, quedam sunt omnino spirituales, ut de materia, forma & ministro Sacramenti, de benedictione sacerdotali. Tertio, quedam sunt partim politica, partim spirituales, ut de gradibus consanguinitatis, de divortijs, de repudio, de impedimentis, & de alijs ad contractum Matrimonij pertinentibus. Nam hic contractus partim spectatur ut civilis, partim ut in eo fundatur ratio Sacramenti: priori modo est materia politica; posteriori, spiritualis seu Ecclesiastica. In hac autem sententia matrimoniales causæ de impedimentis cum mixti sint fori, impedimentum dirimens a sacerdotali ordine statui non potest sine consensu Principum. Huc accedit, quod impedimentum dirimens afficiat Matrimonium, non qua Sacramentum est, sed qua contractus civilis, quem subesse Principum legibus concedunt. At manifestum est, nihil quod sit alicujus momenti circa materiam politicam effici posse, quin Principes consentiant. Porro hæc ad hominem dicta sint, ut Dialectici loqui consueverunt. Illam Bellarmini divisionem art. II. cap. VII. displosimus, ostendimusque impedimentum dirimens non esse, nisi per accidens, materiam pontificiam seu spiritualem; sed nunc quibus possumus modis, veritatem ab adversariis extundimus.*

Sexto probatur ex auctoritate Guillelmi Okami in tractatu de potestate Imperatoris in causis matrimonialibus: *Absque dubitationis scrupulo ad Imperatorem, qui tam fidelibus quam infidelibus Romanis Angustis in pleno jure Imperii Romani succedit, videtur causa matrimonialis, maxime quantum ad illa, de quibus sacra litera non loquuntur, pertinere. Unde & de Matrimonio & de contingentibus ipsum, antequam leges Ecclesiasticæ aliquæ apparerent, tam fideles quam infideles leges ediderunt non paucas. Sed impedimentum dirimens cum ejusmodi causa matrimonialis sit, de qua loquitur auctor noster, a Pontificibus de-*

cerni non potest sine consensu Principum, ad quos causa illa matrimonialis pertinet.

Atenim dicit quis, nonnullos ex illis Theologis, quorum alibi recensita sunt testimonia, sic argumentari. Sæculares Principes statuere possunt impedimenta Matrimonium dirimentia: ergo & Ecclesia. Et primum quidem respondeo, consecutionem huiusmodi jam semel atque iterum examinatam esse: semel in articuli 1. capite 11. iterum in ejusdem articuli capite x. Deinde respondeo eos, si nomine Ecclesiæ sacerdotalem dumtaxat ordinem intelligunt, vt debent intelligere, ex certo & vero principio, vt sibi sumunt, vitiose concludere, quemadmodum si quis ita philosopharetur: Sæculares Principes statuere possunt impedimenta contractus venditionis & emprionis dirimentia: ergo & Ecclesia: Sacerdotes possunt hæreticos Ecclesiastica communione privare: ergo & civili, quia Ecclesiastica communio civili longe est præstantior: item Sacerdotes possunt hæreticos vita spiritali privare: igitur & corporali, quia spiritalis vita corporali potior est ac nobilior; vitiose concluderet, quia sic ab vno ordine ad alium ordinem, ab vno genere ad aliud genus transitur, Mutatur terminorum suppositio: quod mutationis genus argumentationem vitiosam efficit. Sunt artis verba illa, quæ qui nescit, falli potest: qui dissimulat, vult fallere: vtrumque re ipsa veritati nocet, sed conditione dispari. Ex eo autem quod regia potestas civilem legem possit statuere, non sequitur sacram Pontificum auctoritatem eandem posse similem legem statuere: impedimentum autem Matrimonium dirimens in istorum Theologorum sententia, vt apparet, civilis lex est, & ea civilis ratione qua civilis foret, etiamsi Matrimonio Sacramenti dignitas haud inesset, id supra demonstratum est. Quod si nomine Ecclesiæ, Ecclesiam prout est fidelium seu Catholicorum congregatio intelligunt, viriosius adhuc concluderent, qua parte Christiani Reges & Principes ad fidelium seu Catholicorum congregationem pertinerent, & sic idem per idem, saltem ex parte probaretur. At sacerdotalis ordo seu sacra Pontificum auctoritas, his fraudibus & offuciis non eget. De sacra Pontificum auctoritate, pessime quis mereretur, si pro-



per illius amplitudinem, violandas esse Dialecticæ & sensus communis regulas existimaret?

Septimo probatur ratione. Si sacerdotalis ordo sine consensu Principum dirimens impedimentum statuere posset, vel illud statueret per directam potestatem, vel per indirectam. Non per directam, quia & ex rei veritate, & ex assertoribus potestatis indirectæ Bellarmino, Suare & aliis, sacerdotalis ordo nullam habet. Non per indirectam, quia hæc potestas non legis institutionem, sed abrogationem respicit; aut si respiciat, non ultra quam ex accidenti respicit, hoc est, in abominatissimæ necessitatis casu, quo, ut Bellarminus docet, Christiani Principes aliquam civilem legem ferre nollent, quæ animarum salutis necessaria foret. An autem tale impedimentum dirimens, quod Christianus Princeps instituere recusaret, quis invenire possit, nunc non quæro.

Ceterum, si quando sacerdotalis ordo impedimentum dirimens statueret, non nisi per potestatem indirectam statueret, ut tradunt Theologi, qui hanc rem curiosius indagarunt: atque inprimis Nicolaus Baionensis in Decalogum cap. 1 x. sect. 1 x. de Matrimonio. *Papa, inquit, vel Concilium generale, dum statuit impedimenta, viitur potestate indirecta, quam habet circa res temporales in ordine ad bonum spirituale fidelium.* Indirectæ autem potestatis usus ex natura sua non est ordinarius, sed tantum extraordinarius: cum scilicet Principes nollent eam ferre legem, qua spirituale quoddam fidelium bonum procuraretur, aut eam abrogare legem, quæ fidelium salutis noceret. Sed si casus iste metaphysicus circumscribatur, sacerdotalis ordo sine consensu Principum impedimentum dirimens statuere non poterit, cum impedimenti dirimentis materia legis civilis materia sit.

Quæcunque autem hætenus probavimus, hæc confirmantur ex Concilio Milevitano, quod canonem de re ad Matrimonium spectante sine consensu Principum sancendum sibi non esse credidit: *Placuit, ut secundum Evangelicam & Apostolicam disciplinam neque dimissus ab uxore, neque dimissus a marito, alteri conjungatur, sed ita moneant, aut sibi met reconcilientur. Quod si contempserint, ad penitentiam redigantur: in qua causa legem impe-*



*imperialem petendam promulgari.* In negotio autem, quod Evangelicam & Apostolicam disciplinam attinet, si petendam ab Imperatore legem existimarunt Milevitani Concilii Patres, in impedimentis dirimentibus, quæ nec Evangelicam nec Apostolicam disciplinam attinent, ab Imperatore quid non petissent? Quidquid id est, latius persequimur in articuli 1. capite XIV.

Africanis Patribus adjungimus Gallicanos, qui in causa celebris cujusdam divortii ita se gesserunt apud Hincmarum, qui in opusculo de divortio Lotharii & Tetbergæ ea de re sic scripsit: *Et quoniam scriptum est: Ne transgrediaris terminos, quos posuerunt patres tui, quorum imitanda exempla nobis sunt vera doctrina; ad memoriam revocare necessarium duximus: quoniam quidam nostrum tempore sanctæ memoriæ Ludovici Pii Augusti in Attinisco palatio tunc fuerunt, quando in universali Synodo totius Imperii, etiam cum Sedis Romanæ legatis, & in generali placito, femina, inquit, quædam non ignobilis genere, nomine Northildis, de quibusdā inhonestis inter se & virum suum, vocabulo Agembertum, ad Imperatorem publice proclamavit, quam Imperator ad Synodum destinavit; ut inde episcopalis auctoritas quid agendum esset, decerneret. Sed Episcoporum generalitas ad laicorum & conjugatorum eam remisit judicium, ut ipsi inter illam & suum conjugem judicarent, qui de talibus negotiis erant cogniti, & legibus sæculi sufficientissime pradii, eorumque legalibus judiciis eadem femina se subiceret, & quod de questione sua decrevisset, sine repetitione teneret; si vero crimen aliquod esset, unde pœnitentiæ modum post illorum judicium ab episcopali auctoritate nosceret, secundum quod sacri canones præfixerunt, eam imponere non negarent. Nobilibus autem laicis sacerdotalis discretio placuit, quia de suis conjugibus eis non tollebatur judicium, nec a sacerdotali ordine inferbatur legibus civilibus præjudicium, & legem proclamationi femina protulerunt, & legali judicio questionis terminum contulerunt. Hoc negotium in quo de divortio vel alia simili causa agebatur, ad sæculares Magistratus remiserunt, cum ex aliis, tum ex hoc quoque, quod nullum civilibus legibus præjudicium inferre nollent. Unde sequitur illud negotium ab Episcopis tractari non potuisse, quin sæcu-*

lates Magistratus consentirent.

Assertio septima. Principes plus habent potestatis in Matrimonium, quia contractus civilis est, quam sacra Pontificum auctoritas; sed sacra Pontificum auctoritas plus habet potestatis in Matrimonium, quia Sacramentum est, quam Principes. Ex dictis pars utraque assertionis probatur. Prior quidem, quia Principes directam in personas contrahentes, & in civilem Matrimonii contractum potestatem habent, & circa hoc utrumque tanquam circa suam & non alienam materiam versantur. Sacra Pontificum auctoritas ad summum non habet nisi indirectam potestatem, si quam habet, & si recte explicetur secundum principia eorum, qui hanc in Pontifice vel in sacerdotali ordine potestatem admittunt.

Deinde Principes impedimenta dirimentia statuere possunt citra sacerdotalis ordinis consensum; sacerdotalis ordo non potest citra Principum consensum: atqui, ut vidimus, impedimenta dirimentia directe cadunt in personas contrahentes, vel in ipsum Matrimonii contractum, quæ duo ad civilis juris administrationem pertinent.

Tum si quam sacerdotalis ordo potestatem habet, eo habet modo, quem superiori assertione Javellus & Petrus Sotus significant. Hujus assertionis pars utraque difficultate caret.

Posterior assertionis pars probatur, quia sacerdotalis ordo ex principiis, quibus constituitur, solus potest & Matrimonii Sacramentum administrare, & de rebus, quæ Matrimonium, quia Sacramentum est, attinent & consequuntur, nullo requisito Principum consensu judicare: at Principes non nisi indirecte & consequenter in Matrimonium, quia Sacramentum, potestatem sortiuntur. Quod laudatus art. 1. cap. 1. Andreas Duvallius sic exponit: *Respondeo Principes ex se certa quedam impedimenta statuere posse, si non esset illis ab Ecclesia prohibitum. Cum enim ex se potestatem habeant in contractum civilem, consequenter potestatem in eum quatenus est Sacramentum, habere poterunt.* Quæ ratiocinatio verissima est.

Assertio octava. Nullum est de facto impedimentum dirimens a Principibus institutum, quod sacerdotalis ordo in eam quam habet, auctoritatem non receperit. Probatur, quia nullum assi-

gnari potest impedimentum ab antiquis Principibus institutum, quod ii, qui sacerdotale administrant officium, respuerint: & hoc est argumentum non usurpatæ ab illis hac in re auctoritatis certissimum. Intelligebant profecto id quod est semper repetendum, infigendum & inculcandum, leges quæ Matrimonium dirimunt, ex genere & natura sua civiles esse & ordinis mere naturalis. Intelligebant deinde modum, quo leges illæ Matrimonium dirimunt, rescissionem Matrimonii Principibus subicere; nimirum redditione personarum ad contrahenda Matrimonia inhabilium.

## CAPUT IV.

*Nunc Tridentinæ Synodi canones referendi sunt duo, & cum assertione v. 1. præcedentis capitis conciliandi.*

**T**RIDENTINÆ Synodi canones sunt duo, qui a nonnullis Theologis Patrum sensum haud percipientibus, & impedimentorum Matrimonia dirimentium historiam ignorantibus possent objici; sed quam inutiliter videndum est. Canones autem hi sunt ex sess. xxiv.

*Si quis dixerit, eos tantum consanguinitatis seu affinitatis gradus, qui Levitico exprimuntur, posse impedire Matrimonium contrahendum, & dirimere contractum, nec posse Ecclesiam in nonnullis illorum dispensare aut constituere, ut plures impediant & dirimant; anathema sit.*

*Si quis dixerit non potuisse Ecclesiam constituere impedimenta Matrimonium dirimentia, vel in iis constituendis errare; anathema sit. At cur sanciti fuerint canones isti duo, in causa fuit Lutherus, qui quæ sequuntur in libro de captivitate Babylonica scribit: Conjunctio viri & mulieris tenet, quocunque modo contra leges hominum contigerit: debent Sacerdotes ea omnia Matrimonia confirmare, quæ contra Ecclesiasticæ vel Pontificiæ leges fuerunt contracta, in quibus Papa dispensat, & quæ non sunt in sâ Scriptura expressa. Has propositiones duas cum pluri-*

bus aliis Facultas nostra Theologiæ Parisiensis olim damnavit. Sed ex illis relatos canones cognoscendi sumenda est ratio. Lutherus impedimenta dirimentia, & cum primis consanguinitatis & affinitatis, quæ olim sæcularium Principum auctoritate laudabiliter, ut vidimus, instituta, Ecclesiasticis postea constitutionibus inserta & variis modis confirmata fuerant, cum reprehendat, vel ex hoc unico capite manifestum est, quid definierit Synodus, & quam ad interpretationis lineam exponendi sint illius canones. Quæ igitur impedimenta Matrimonia dirimentia novator ille rejicienda esse censuit, hæc Concilium retinuit, & retenta duplici anathemate communit. Sic Tridentini Præsules & illorum Theologi, qui repetitam ab initio impedimentorum Matrimonia dirimentium historiam probe noverant, Theodosii Magni, & aliorum Principum leges a nobis supra descriptas adversus Lutherum vindicarunt.

Hinc efficitur, ut Ecclesiæ nomen, quod utrique canonis inferunt, secundum naturam actus & communem loquendi usum hac in materia Synodus prudenter accipiat, ut omnis Luthero tergiversandi tollatur occasio. Ecclesia vero a Romanis Pontificibus, a Conciliis, a Patribus & a Theologis, quo tempore Tridentina fiebat Synodus, definitur *fidelium seu Catholicorum congregatio*.

Præterea definitio hæc locum habet, maxime cum agitur de Matrimonio, ut Synodus ipsa fidem facit certissimam in cap. i. de reformatione Matrimonii. *Factis*, inquit, *denuntiationibus, si nullum legitimum opponatur impedimentum, ad celebrationem Matrimonii in facie Ecclesiæ procedatur. Quid est autem in facie Ecclesiæ, nisi coram fidelibus, sive laici sint, sive Clerici. Id quoque testantur novæ Tridentini Concilii declarationes, quæ ex Cardinalis Bellarmini Bibliotheca Lugduni prodierunt anno MDCXXXIV. in cap. i. de reformatione Matrimonii: In facie Ecclesiæ, Ecclesiæ nomen sumi pro collectione fidelium.* Bellarminus istud confirmat amplius in libro v. de Rom. Pont. cap. vii. ubi sic disputat: *Reges & Pontifices, Clerici & laici non faciunt duas respublicas, sed unam, id est, unam Ecclesiam: sumus enim omnes unum cor-*

*pim, Rom. XII. & I. Corinth. XII.*

Huc etiam referri possunt Gelasi I. & Nicolai I. & duorum Galliarum Conciliorum, vnius apud Trosleium, alterius apud sanctam Macram habitorem testimonia, quæ mox cap. III. assert. III. retulimus. Addenda sunt, quæ Carolus Magnus & Lupus Ferrariensis Abbas in eundem sensum tradunt. Ille in libro v. Capitularium num. CLXVII. *Principaliter itaque totius sanctæ Dei Ecclesiæ corpus in duas eximias personas, in sacerdotalem videlicet & regalem, sicut a sanctis Patribus traditum accepimus, divisum esse novimus.* Hic in epistola LXXXI. ad Amulum Episcopum. *Idem, inquit, Rex & Sacerdos Sacerdotum, qui solus potuit Ecclesiam regere, quam redemit, postquam humanitatem suam in celum exexit, semper cum suis futurus divinitate potestatem suam ad eandem gubernandam Ecclesiam in Sacerdotes divisit & Reges.*

His autem ita constitutis, non minus facile quam recte intelligitur, quo modo Ecclesia potuerit impedimenta Matrimonii dirimentia constituere, & reipsa constituerit; nempe per Reges alteram Ecclesiæ personam illa potuit constituere & constituit, ut in art. III. abunde ostensum est. Sic igitur ad personam regalem, flexo Ecclesiæ nomine, Tridentinis canonibus sua constat veritas, & contra imperitum novatorem impedimentorum Matrimonii disciplina retinetur & asseritur. Exemplum sit in consanguinitatis impedimento, quod novator ille vexandum præ ceteris suscepit. Theodosius Magnus impedimentum istud lege lata constituit. Hanc legem præstantissimi Ecclesiarum Magistri duo, Ambrosius & Augustinus, laudarunt, Antistitem nemo reprehendit, approbarunt omnes. Gregorius junior legem illam anathemate circumdedit in Rom. Concilio, quod anno DCCXXI. habitum est: *Si quis consobrinam suam duxerit in conjugio, anathema sit.* Gregorius ut Theodosii legem de non coniungendis Matrimonio consobrinis, sic & Justiniani legem de non ducenda in uxorem comatrem, anathematis poena corroborandam esse censuit. Jam semel atque iterum Theodosii lex citata est. Justiniani vero lex ita se habet lib. v. Cod. tit. i v. de nuptiis leg. XXVI. *Ea videlicet persona omnimodo ad nuptias venire prohibenda,*

quam aliquis siue alium sit, siue non, a sacrosancto suscepit baptismate, cum nihil aliud sic inducere potest paternam affectionem, & iustam nuptiarum prohibitionem, quam huiusmodi nexus, per quem Deo mediante anima eorum copulata sunt. Lateranense Concilium primum rem absoluit, dicens in can. *V. Coniunctiones consanguineorum fieri prohibemus, quoniam eas divina & seculi prohibent leges.* Sacerdotalis persona consanguineorum Matrimonia prohibet, quia regalis persona iam prohibuerat. Unde Gelasius I. ad Anastasium Imperatorem scite scribit: *Duo sunt, quibus principaliter mundus hic regitur, auctoritas sacra Pontificum, & regia potestas.* Et quibusdam interpositis: *Si enim quantum ad ordinem pertinent publice disciplina cognoscentes imperium tibi superna dispositione collatum, legibus ipsi quoque parent religionis Antistites, ne vel in rebus mundanis exclusa videantur obviare sententiae.* At res illae mundanae sunt leges, quas saeculi Principes tulerunt.

Nunc plana sunt omnia & integra, cum Tridentinum Concilium Ecclesiae tribuit, quod ad alteram Ecclesiae partem attinet. Caietanus id in alia materia exponit, cum in Apologia sua de comparata auctoritate Papae & Concilii scribit cap. *V. Sciendum igitur est, quod dupliciter potest intelligi Ecclesia ad literam, cui peccatum fratris peccantis dicendum mandat Dominus habere potestatem iurisdictionis in foro exteriori, de quo est sermo iuxta duos modos, quibus de Ecclesia, quae quoddam totum significat, aliquid verificatur. Primo ratione partis; secundo ratione ipsius totalitatis, seu totius; sicut de homine, qui etiam quoddam totum est, & dicimus quod vidit, quod audis, &c. Et verificatur ratione partis, quia vidis per oculum; audis per aurem, &c. Et rursus dicimus de eodem: Quod perfectissimum est animalium, quod est animal politicum & huiusmodi, & verificatur ratione ipsius totius, ut patet. Sic quod de Ecclesia dicitur in relatis Tridentini Concilii canonibus, id non ratione totius, sed ratione partis comprobatur, seu, ut Caietanus barbare & opice statuit, verificatur.*

Reliqua praefermitto impedimenta, quorum originem ex legibus Principum ante repetivimus.

Porro non ante tollam manum de tabula, quam observa-

verim eos falli graviter, qui propter dictum anathema, Tridentinos canones non ad disciplinam tantum, sed etiam ad fidem pertinere docent: quasi vero canon in disciplinæ causa editus anathemate muniti non possit. Nescierunt Gregorium juniorem cum quâdam circa Matrimonium leges negligi perspiceret, ut illa diligentius custodirentur quam antea, in Romano Concilio decteta hæc condidisse: *Si quis commatrem spirituales duxerit in conjugio, anathema sit; si quis consubrinam suam duxerit in conjugio, anathema sit.* Quis autem propter denuntiaturum anathema duplex, dogma fidei duplex a Gregorio constitutum assereret? Spectandum est inprimis, utrum canonis materia fidei dogma ferat: non enim potest quidlibet in dogma Catholicum evadere. Utinam legissent Vincentium Lirinensem, & ab eo didicissent quid ad Catholicum fidei dogma constituendum requiratur. Hoc vir ille doctus in commonitorii 1. capite 111. sic tradit: *In ipsa item Catholica Ecclesia magnopere curandum est, ut id teneamus, quod ubique, quod semper, quod ab omnibus creditum est: hoc est etenim vere propriæque Catholicum, quod ipsa vis nominis ratioque declarat, quæ omnia vere universaliter comprehendit; sed hoc ita demum sit, si sequamur universitatem, antiquitatem, consensionem.* Utinam legissent Irenæum, Tertullianum & Hilarium, & cum ab iis didicissent qua ratione constituatur hæresis, didicissent continuo qua ratione constituatur dogma fidei.

Irenæus in libri 1. contra hæreses præfatione scribit de hæreticis: *Interpretores mali eorum, quæ bene dicta sunt, effecti.* Sic fons & origo hærescos est interpretatio mala Scripturarum, quæ bene dictæ sunt.

Tertullianus in libri de præscriptione hæreticorum capite xxxix. *Nec periclitor dicere, ipsas quoque Scripturas sic esse ex Dei voluntate dispositas, ut hæreticis materiam subministrarent, cum legam: Oportet hæreses esse, quæ sine Scripturis esse non possunt. Sequetur a quo intellectus interpretetur eorum quæ ad hæreses faciant; a diabolo scilicet, cujus partes sunt intervertendi veritatem.* Sic hæresis est, dum Scripturæ bonæ non bene intelliguntur.

Hilarius in libro 11. de Trinitate: *De intelligentia hæresis,*

*non de Scriptura est; & sensus, non sermo, sit crimen.* Hilarius eo spectat, quo Irenæus & Tertullianus spectant, ut hæresis, vel hæreseos origo sit, cum Scripturæ bonæ non bene, sed perperam explicantur. Didicissent igitur qua ratione dogma fidei constituitur, si novissent, quod Dialectici non ignorant, contrariorum contrariam esse consequentiam: quæ tandem Scriptura de humanis legibus Matrimonium dirimentibus non bene intelligitur, aut contra vnanimem consensum Patrum exponitur?

Præterea derogandum fuisset veteri & perpetuo Romanæ Ecclesiæ instituto, cui summus Sacerdos testimonium præber amplissimum, Nicolaus I. in epistola v. ad Michaellem Imperatorem. *Romana, inquit, Ecclesia semper sanctorum Patrum sincerissimas auctoritates in omnibus suis actibus sequitur.* Hoc probe noverant Cardinales Sedis Apostolicæ legati, qui Tridentino Concilio non interfuerunt solum, verumetiam magna cum eruditionis fama præfuerunt. Derogandum, inquam, veteri & perpetuo instituto huic fuisset, cum sanctorum Patrum nullus sciendo dogmati præsto esse potuisset. Nam si promississent vadimonium, deseruissent utique inter Latinos Tertullianus, Cyprianus, Opratus, Pacianus, Ambrosius, Hieronymus, Augustinus, Leo I. Gennadius, Chrysologus, Fulgentius, Gregorius Papa primus. Inter Græcos Justinus, Irenæus, Origenes, Clemens Alexandrinus, Eusebius Cæsariensis, Athanasius, Basilus, Gregorius Nyssenus, Gregorius Nazianzenus, Chrysostomus, Cyrillus, Theodoretus: ceteri cum inter Latinos, tum inter Græcos Ecclesiastici tractatores. At quis tam sanctæ Romanæ Ecclesiæ consuetudini derogandum esse vel expresse vel tacite reciperet? Expresse dico vel tacite, cum *par sit virtus taciti & expressi.* L. *Cum quid si cert. per.*

Ceterum ex iis quæ in articuli III. capite XIV. de manu-missione differuimus, formari potest similis Tridentino canonici canon hic: *Si quis dixerit Ecclesiam non potuisse servos manumittere, vel in iis manumittendis errare, anathema sit; & sic formatus canon homines loquaciter litigiosos comprimet, & in officio disputationis iustæ continebit.*



## CAPUT V.

*Tridentina Synodi de reformatione capita duo referuntur, & in sensum commodum nec superioribus assertionibus repugnantem explicantur.*

**E** Tridentina Synodo supersunt capita duo, quæ nonnulli quidam cum Theologi, tum Jurisperiti aliter intelligunt, quam & natura rei quæ tractatur, & sacra Pontificum auctoritas intelligi postulant.

Primum est in sessionis XXIV. capite xi de reformatione: *Tametsi dubitandum non est, clandestina Matrimonia, libero contrahentium consensu facta, rata & vera esse Matrimonia, quandiu Ecclesia ea irrita non fecit; & proinde jure damnandi sint illi, ut eos sancta Synodus anathemate damnat, qui ea vera ac rata esse negant, quique falso affirmant, Matrimonia a filiis-familias sine consensu parentum contracta irrita esse, & parentes ea rata vel irrita facere posse; nihilominus sancta Ecclesia ex justissimis causis illa semper desolata est atque prohibuit: verum cum sancta Synodus animadvertas, prohibitiones illas propter hominum inobedientiam jam non prodesse, & gravia peccata perpendas, qua ex eisdem clandestinis conjugiiis ortum habent; præsertim vero eorum, qui in statu damnationis permanent, dum priore uxore, cum qua clam contraxerant, relicta, cum alia palam contrahunt, & cum ea in perpetuo adulterio vivunt. Cui malo cum ab Ecclesia, quæ de occultis non judicat, succurri non possit, nisi efficacius aliquod remedium adhibeatur: idcirco sacri Lateranensis Concilii sub Innocentio III. celebrati vestigiis inhaerendo præcipit, ut impostum, antequam Matrimonium contrahatur, ter a proprio contrahentium Parocho tribus continuis diebus festivis in Ecclesia inter Missarum solennia publice denuntietur, inter quos Matrimonium sit contrahendum: quibus denuntiationibus factis, si nullum legitimum opponatur impedimentum, ad celebrationem Matrimonii in facie Ecclesie procedatur, ubi Parochus viro & muliere interrogatis, &*

*eorum mutuo consensu intellecto, vel dicat: Ego vos in Matrimonium conjungo in nomine Patris & Filii & Spiritus sancti; vel aliis utatur verbis juxta receptum uniuscujusque provincie ritum. Quod si aliquando probabilis fuerit suspicio, Matrimonium malitiose impediri posse, si tot praecefferint denuntiationes, tunc vel una tantum denuntiatio fiat, vel saltem Parocho, & duobus vel tribus testibus praesentibus Matrimonium celebretur. Deinde ante illius consummationem denuntiationes in Ecclesia fiant, ut si aliqua subsint impedimenta, facilius detegantur, nisi Ordinarius ipse expedire judicaverit, ut praedicta denuntiationes remittantur: quod illius prudentia & judicio sancta Synodus relinquit. Qui aliter quam praesente Parocho, vel alio Sacerdote de ipsius Parochi seu Ordinarii licentia, & duobus vel tribus testibus, Matrimonium contrahere attentabunt, eos sancta Synodus ad sic contrahendum omnes inhabiles reddit; & hujusmodi contractus irritos & nullos esse decernit, prout eos praesenti decreto irritos facit & annullat. Insuper Parochum, vel alium Sacerdotem, qui cum minore testium numero, & testes qui sine Parocho vel Sacerdote hujusmodi contractui interfuerint, necnon ipsos contrahentes graviter arbitrio Ordinarii puniri precipit.*

Nunc operæpretium esse duxi subjungere quæ Sforza Cardinalis Pallavicinus in libri xxii. de Tridentini Concilii historia capite 1. in hanc rem tradit num. xvi. & xvii. *Inter articulos, inquit, de duobus magis ardue disputatum est. Alter fuit de irritis declarandis Matrimoniis clandestinis. agnoscebantur immensa detrimenta, quæ inde nascebantur. Quibus expositis sic pergit: Idcirco oratores Galli, quorum regna fortassis hoc incommodum frequentius nocentiusque patiebantur, vicesimo quarto Julii a Concilio Regis nomine solenniter petierunt, ut hujusmodi Matrimonia impoſerum irrita decernerentur, renovatis antiquis nuptiarum ritibus: quod si gravi de causa interdum aliter fieri opportunum censeretur, saltem Matrimonia pro non legitimis haberentur, quoties non adesset Sacerdos cum tribus aut pluribus testibus; simul etiam redderentur irrita Matrimonia contracta a filiis absque parentum consensu: quippe plerumque noxia ac familiis indecora, & odiorum potius quam amoris fomes inter conjuges. Verum quo simul remedium adhiberetur parentum socordia in filiorum statu curando,*

*certum annorum numerus præscriberetur: quo absoluto, si nondum filius a parentibus in Matrimonio fuisset collocatus, fas illi esset per seipsum uxorem ducere.*

*Hoc postulatum Gallorum, quorum certe solenne fuit & in acta relatum, omnino mutilatur a Suavi, dum silentio præteritis, eos petiisse ut irrita declararentur conjugia clandestina: narrat eosdem quæsisse, ut esset liberum parentibus irrita aut non irrita reddere filiorum Matrimonia, & omittit limitationem temporis ab illis ap-positum: hac in re non modica efferbuit disputatio tum de Ecclesiæ potestate, tum de opportunitate illius legis.*

*Deinde in libri ejusdem capite 1 v. num. 1. Plurimum supra reliqua disputatum & concertatum est, irrita necne declaranda essent Matrimonia clandestina: & quamquam Suavis aliter recensescit numerum sententiarum innixus literis Vice-Comitis ad Borremum, tamen legati scripserunt, centum supra quadraginta quatuor voluisse, ut ea irrita redderentur, aut aliquid consimile, cujusmodi fuisset, ad hac ratione contrahendum, reliquos antiqua consuetudini inhæsisse. Et paullo post: Verum nec patribus novam legem promouentibus satisfecerat exemplum canonis a selectis ejus formatoribus confectum: quare injunctum illis fuit, ut illud mutarent, ac postea publica trutina rursus expositum.*

*Tum num. 11. Etenim sicut alibi animadvertimus, consuetum non erat, ut in Synodo ullum dogma statueretur, ubi complures dissentirent: at vero ad reparationem morum sanciendam nonnisi plura suffragia quærebantur. Quapropter legati jam usque a suffragatione primo habita, quasi per presagium, nuntiaverunt Romæ, si decretum per modum novæ legis proponeretur, bene progressurum; si per modum dogmatis, in óbices incursum: atque hinc postea effectum, ut in conventu nova controversia coorta fueris de ipsius controversiæ statu, an ejusmodi decretum complecteretur dogma, necne. De quo diutius disputatum est.*

*Decretum superius ad limam revocatum, ac initio erat ejusmodi: ut tres testes fide dignos præsentare postulares absque Sacerdotis præsentis necessitate: quod postmodum, antequam finis inveniretur dis-  
cendis sententiis, Galli flagitarint. Decretum quod primo selecti patres formarunt, sic habebat: Sacrosancta Dei Ecclesia Spiritu sancto afflata, animadvertens magna incommoda & gravia peccata*

quæ ex clandestinis conjugis ortum habent : præsertim vero eorum qui in statu damnationis permanerent, dum sæpe priori uxore, cum qua clam contraxerant, relicta, cum alia palam contrahunt, & cum ea in perpetuo adulterio vivunt, alias gravissimis pænis ea prohibuit, eademque tamen irrita non fecit; sed hæc sacrosancta Synodus cum animadvertat, remedium illud propter hominum inobedientiam hucusque parum profuisse, decernit, ut impostetum Matrimonia illa, quæ clam contrahuntur absque tribus testibus, irrita sint, quemadmodum præsentis decreto irrita facit. Præterea eadem Synodus irrita facit ea Matrimonia, quæ contrahuntur a filiis-familias ante annum decimum octavum completum, & a filiabus ante decimum-seximum completum, absque genitorum consensu, remanentibus tamen in suo robore aliis legibus circa Matrimonia clandestina promulgatis.

Postea die septima Augusti idem decretum aliam in formam ita redactum conventui propositum est. Præcepit sancta Synodus, ut cuncta persona, quæ impostetum audent contrahere Matrimonium aut sponsalia absque præsentia saltem trium testium, sint inhabiles ad ejusmodi Matrimonia aut sponsalia contrahenda, adeoque cuncta ab ipsis gesta ad Matrimonium aut sponsalia contrahenda, irrita sint, sicut præsentis decreto irrita redduntur.

De filiis-familias ita variatum est, ut marium conjugium absque consensu parentum esset irritum ante annum vigesimum; feminatum vero ante decimum-octavum completum, nisi ubi parentes rogati consensum ad nuptias honeste expetitas filiis iniquo iudicio dissentirent: filii vero obtenta a Præsule facultate Matrimonium contraherent.

Sequuntur apud Pallavicinum plures redactæ in compendium orationes Episcoporum quæ in hoc vno satis concordant, quod ex clandestinis Matrimoniis permulta & mala & incommoda nascentur; in ceteris vero discordant. Alii dubitant de potestate Ecclesiæ in statuenda lege, qua clandestina Matrimonia irrita reddantur: alii non dubitant de potestate Ecclesiæ, ii forsitan qui philosophabantur quomodo nonnullos Theologos in articulo 1. capite x. philosophari vidimus; nempe Ecclesiam, ut loquuntur, posse impedimenta Matrimonium dirimentia constituere, quia summi Principes id

facere possunt; vel qui putabant sacerdotalem ordinem jus constituendi impedimenta Matrimonium dirimentia Principibus ademisse & sibi reservasse; vel qui neutrum factum esse probe noverant; vel qui credebant Romanum Pontificem totius orbis Christiani dominum esse: alii tum demum volebant antiquæ circa clandestina Matrimonia consuetudini adhærere: interim tamen corrigenda esse quoad fieri poterat, mala quæ ex illis Matrimoniis proficiscebantur. Huc spectant compendiosæ Antistitum orationes, quas Pallavicinus describit.

Adjungo quæ Petrus Justinianus & Alfonso Salmeron in hanc rem scribunt: ille in libro xv. Historiæ Venetorum: *Declaratum in sancta æcumenica Synodo decretumque, quod clandestina Matrimonia & fraude contracta sine legitimo parentum ac propinquorum consensu pro nullis haberentur.* Hic in tomo xiv. operum disp. xiv. *Cum in Tridentino Concilio ageretur de clandestinis conjugiiis, & nonnulli instanter postularent, ut Matrimonium quodcumque celebratum sine consensu parentum irritum esset & nullum, non sunt ausi Patres quidquam de ea re statuere, non ignorantes quanta libertate & potestate filii ipsi fungantur, & quanta janua tyrannidis aperiretur parentibus in filios, aut custodibus, ut cum servis suis aut consanguineis aut amicis nubere: quod esset summe absurdum & minime tolerabile. Satisque fuit sancta Synodo definire, ne quod conjugium validam haberetur & firmum, cui Parochus Sacerdos simul cum tribus testibus non adfuisset.* Hæc ille qui Synodo interfuit, & in disputationibus vltro citroque habitis multum enituit.

Ad Justinianum quod attinet, is ex monumentis ad se Tridento missis Venetias Historiam conscripsit, nec ab his Petrus Suavis omnino dissentit in Historia Tridentini Concilii. Nam in libro vii. ait, *visum esse Concilio, ut Matrimonia sine consensu parentum contracta nulla forent, sed Concilium suam hanc sententiam postea mutasse.*

Hæc autem cum ita se habeant, nemini mirum videri debet, illud decretum, quod est in Tridentino Concilio, & decreta duo quæ extant in Pallavicini Historia, non tam perfecte, ut apparet, convenire inter sese, & mutationes admittere, non admissura sine dubio, si de re idem vniuersis Patribus visum est.

Utinam tunc illis in mentem venissent Milevitani Concilii Patres, & horum consilio atque conditione Princeps Augustinus, qui ab Imperatore contra divortium legem petierunt. Nam si Tridentini Patres petiissent a summis Principibus legem, qua clandestina Matrimonia redderentur cassa & irrita, occurrissent facile malis, quæ Matrimonia huiusmodi pariunt, & se a tanta sententiarum varietate, in qua versabantur, liberassent. Quæ de re jam egimus in articuli I. capite XIV. & XV.

Porro autem qui ex hoc capite probare nituntur, sacerdotalem ordinem, quem vocant Ecclesiam, posse statuere impedimenta Matrimonium dirimentia, nihil efficient, nisi prius tam varias, & minus inter se coherentes vnus & ejusdem decreti editiones concoquant aut devorent. Dissimulabunt, ni fallor, hæc omnia, & spe atque animo vincendi incubabunt insistentque Tridentino vni decreto quod retulimus. Homines id genus quod sibi fingunt maxime volunt, & adjuncta quæ inveniendæ & asserendæ veritati serviunt, aversis in sinistram palmas abominantur. Sed quia veritatis indagationem refugiunt, eos tota errare via facile patimur.

Interim revocandum in memoriam est id, quod, vt cardinem rei sæpe inculcandum esse duxi, impedimenta omnia quæ Matrimonium dirimunt, ex se suoque genere & natura civiles leges esse, & sacerdotalem ordinem, qua sacerdotalis ordo est, ferendarum legum civilium potestate omnino carere: deinde impedimenta Matrimonium dirimentia tunc id efficere censeri, cum per illa personæ viri & mulieris ad contrahendum inhabiles redduntur: tum personas ad contrahendum inhabiles reddi, aliquid esse maxime politicum & mere naturalis ordinis, quod ad supernaturalem finem per se & proxime non tendit. His autem ita positis, vt ex rei veritate poni debent, certum est clandestinum Matrimonium non posse ab ordine sacerdotali, qua sacerdotalis ordo est, quem nominant Ecclesiam, cassum atque irritum reddi sine consensu Principum, qui sacerdotalis ordinis decretum in auctoritatem admittant, eique vim legis tribuant. Qui secus Concilii verba acceperit, se & Concilium ad defendendum ejusdem Concilii factum rationibus exuer, Novatoribus calumniandi ansam dabit, & ex-

citanda Regnum inter & Sacerdorum discordiæ viam sternit.

Henricus III. Galliarum Rex maluit in Blesensibus Conciliis legem statuere, quæ clandestina Matrimonia declararentur irrita, quam Tridentino decreto vim legis tribuere. Tunc temporis cum per vniuersum regnum clandestina Matrimonia cœperunt dirimi, querelæ iustæ nullus fuit locus: siquidem id mali genus, de quo conqueritur Synodus, sublatum est, & id boni genus, quod Synodus procurare voluit, commoda ratione procuratur.

Ceterum cum Synodus anathema decernit in eos qui penes parentes esse, vt filiorum Matrimonia sine illorum consensu facta rara vel irrita facere, asserabant, rectissime decernit: atque illud ipsum oratores Galli petierunt. Cujus rei ratio est evidens. Parentes condere non possunt legem, quæ filiorum Matrimonia sine suo consensu facta solvantur, cum legis condendæ potestate careant. Sed condendæ legis materiam, paternum obsequium & reverentiam suppeditant Principibus, qui legem ea de re ferre sine dubio possunt. Princeps ipse, non qua parer, sed qua Princeps est, fert legem, quæ contracta a filiis suis sine suo consensu Matrimonia rescindantur. Quid ita? Princeps vt parer privatam gerit personam; Princeps, vt Princeps est, publicam. At ferre legem personæ est publicæ, non privæ; alioquin quot in regno privari essent homines, tot essent legumlatores. Quo nihil est insulsius.

Alterum Tridentini Concilii caput est in eadem sessione nonum, & sic se habet: *Ita plerumque temporalium dominorum ac Magistratum mentis oculos terreni affectus atque cupiditates excitant, vt viros & mulieres sub eorum jurisdictione degentes, maxime divites, vel spem magnæ hereditatis habentes, minis & pœnis adigant, cum iis Matrimonium invito contrahere, quos ipsi domini vel Magistratus illis præscripserunt: quare cum maxime nefarium sit, Matrimonii libertatem violare, & ab eis injurias nasci, a quibus jura expectantur, præcipit sancta Synodus omnibus cujuscunque gradus, dignitatis & conditionis existant, sub anathematis pœna, quam ipso facto incurrant, ne quovis modo directe vel indirecte subditos suos, vel quoscunque alios cogant,*



### 304 REGIA IN MATRIMONIUM POTESTAS:

*quominus libere Matrimonia contrahant.* In hujus capituli materia peccari potest & contra naturalem legem, & contra Tridentinam, quæ hic speciatim sancitur. Nec de naturali lege, nec de iis qui hanc violarent; sed de Tridentina & de iis, qui in eam impingerent, hic agitur. Nunc dicimus adversus Tridentinam legem non peccari iis in locis, ubi lex ista in disciplinam & auctoritatem admissa non est. Sic de illius obligatione indigenæ Doctores sentiunt.

Henricus Henriquez in libri XI. Theologiæ Moralis cap. VI. num. VIII. *Potest Rex subditos cogere ad Matrimonium cum tali femina contrahendum pro communi pace regni, cum Princeps sit custos boni communis, & executor præceptorum, quæ non tam singulis, quam communitati imponuntur.* Hic auctor non modo excepit Reges ab obligatione Tridentini decreti, sed docet eos insuper posse id facere, quod isto prohiberi decreto videtur.

Thomas Sanches in libri IV. de Matrimonio disputatione XXII. num. IX. *utrum parentes injuste impediētes Matrimonium filiorum incurrant eam excommunicationem, (de qua fit mentio in hoc capite) non constat inter Doctores. Quidam dicunt incurrere, quia Tridentinum eodem cap. IX. generaliter de omnibus personis loquitur. Ibi præcipit sancta Synodus, &c. Sed dicendum est non incurrere, quia decretum illud loquitur de dominis temporalibus, & aliis jurisdictionem in foro externo habentibus. Et paullo post: Est communis sententia. Et post alia: Nec Regem, nec Imperatorem, (incurrere excommunicationem) quia oporteret exprimi, ut expressit idem Tridentinum sess. XXII. cap. XI. de reformatione. & exprimit Bulla.*

Basiliius Pontius in libri IV. de Matrimonio capite XIX. *Licet Principi suorum subditorum Matrimonia impedire, vel eos etiam ad Matrimonium cogere: quando namque iusta causa adest, recte possunt Principes subditum aliquem ad Matrimonium cogere: neque id pugnat cum Tridentino decreto sess. XXII. de reformatione, cap. IX. Id enim probant superiora omnia, & Tridentinum intelligendum esse de vi injusta, est communis sensus: alias nunquam posset quis iuste adigi ad Matrimonium, quod absurdum est: atque de vi injusta sermonem esse tantum indicans illa verba decreti:*

*Cum*



*Cum maxime nefarium sit ab iis injuriam nasci, a quibus jura expectantur. Adde Tridentini decreto ab excommunicatione illi lata, non ligari Reges & Imperatores, sed tantum temporales quosdam dominos, & publicam forensam jurisdictionem habentes, ut judices & Episcopos.*

Augustinus Barbosa in declarationibus Tridentini Concilii, capite ix. de reformatione Matrimonii asserit: *Hoc decreto non comprehendi Regem, Reginam, Imperatorem, parentem, nec illum, qui a Matrimonio hoc aut illo retrahit.*

Deinde in collectaneis Doctorum super caput ix. sess. xxiv. num. v. *Neque Regem, Reginam, Imperatorem, Imperatricem hoc decreto comprehendi, quia iste persone videntur speciali nota dignæ, tum quia Papa dum intendit has ligare, solet eas exprimere.*

Hæc ad decretum illud; etiamsi nihil aut parum ad institutum nostrum conducatur, intactum tamen relinquendum non fuit, ne videremur difficultates subterfugisse. Præterea unicuique satisfaciendum est ne spetui se putet.

## CAPUT VI.

*Cur disciplina civilium legum circa Matrimonia post annum Christi millesimum paulatim in desuetudinem abiit, causa cum rebus aliis, tum maxime decreto Gratiani & decretalium libris quinque transscribitur.*

**H**ACTENUS de civilium legum disciplina, quæ a primis Ecclesiæ sæculis in decisione causarum matrimonialium vixit, & quæ nec ab univetsalibus Conciliis, nec a Romanis, Alexandrinis & Antiochenis, Constantinopolitanis, Hierosolymitanis, & aliis illustrioribus Episcopis coarctata fuit unquam. Et si quis diceret, quod sine gravi sacerdotalis ordinis totius injuria dici non potest, Concilia & Pontifices illos omnes dissimulasse hanc per tot annos civilium legum disciplinam, non animadverteret se sacerdotalem or-

dinem vniversum ludibrio & contemptui exponere, a quo is nunquam liberaretur. Tum iure merito responderetur, quod disciplina illa Conciliorum & Pontificum dissimulatione culpabili invaluisset & irroborasset, etiamsi daretur, connubiales leges, de quibus agitur, in materia Principibus non plane obnoxia latas fuisse. Id vero dandum non esse, nisi disputandi gratia, innúmerabiles Magistri in articulo 1. & 11. demonstrant.

Verumenimvero vt nihil est in rebus humanis firmum ac stabile, civilium circa Matrimonia legum disciplina post annum Christi millesimum paulatim in desuetudinem abiit, & alia ei successit prognata partim ex adulterinis veterum Romanorum Pontificum epistolis, partim ex certis quibusdam decretis Pontificibus aliis subiectis, partim ex nonnullis Conciliorum canonibus perpetam intellectis, partim ex variis recentium Pontificum ad varias consultationes responsionibus, quas & quidam Theologi & Juris Antecessores sacrorum canonum instar habuerunt. Rem apertius ostendo & latius.

Prima, vt ita dicam, mali labes est Isidorus Mercator in collectione epistolarum, quas nescio quis fabulator Romanis antiquis subiecit Pontificibus, dum Carolus Magnus regnabat. Conati sunt ab initio viri graves & docti has epistolas vt prioribus sæculis inauditas & minime convenientes ac proinde supposititias rejicere: sed conatus inanis fuit, nam ævi progressionem ab incautis & credulis hominibus in auctoritatem admixtae sunt, etiamsi auctoritatis nihil mererentur, quia, vt ait Facundus, *Ecclesia non est indiga falsitatis*. Interea dum hæc aguntur post annum Christi millesimum, Burchardus, Ivo, Gratianus, suo quisque tempore, Conciliorum canones & Pontificum decreta corpus in vnum compingunt. Primus ad annum MXX. in Germania; secundus ad annum MCX. in Gallia; tertius ad annum MCL. in Italia. Uniuscujusque opus de collectoris sui nomine sortitum est nomen, & Burchardi, Ivonis & Gratiani decretum appellatum, hodieque appellatur. Non me latet fuisse tempus, quo Burchardi opus vocabatur magnum volumen canonum, Ivonis, Panormia; & Gra-


REGIA IN MATRIMONIUM POTESTAS. 307  
 riani, discordantium canonum concordantia. Sed illud præ-  
 teritum est. Igitur quibus in locis apud Burchardum, Ivonem  
 & Gratianum sermo est de Matrimonio, & de rebus ad Ma-  
 trimonium spectantibus, referuntur quidem civiles aliquot  
 leges; sed principatum tenent subdititia Evaristi, Callisti,  
 Fabiani, & quorundam aliorum Pontificum decreta, quæ par-  
 tim ex Isidori Mercatoris collectione, partim ex aliis fonti-  
 bus impuris derivantur. Sic quæ relatis ante Principum le-  
 gibus debebatur fides, hanc decretis istiusmodi dederunt.  
 Exinde quia Gratiani decretum refertius erat quam Burchar-  
 di & Ivonis decreta, commendationem ac celebritatem iis in  
 urbibus, ubi florebant literarum studia, maiorem obtinuit,  
 & continuo vsuvenit ut Gratiani decretum causis matrimo-  
 nialibus dijudicandis sufficere creditum sit pene ab omnibus.  
 Hæ sunt vices rerum, fata & infortunia. Ad præposterum & te-  
 nebricosum temporis istius decursum habuit respectum celebris  
 Historicus Hispaniæ, cum in libri XI. Historiæ capite VII. r.  
 ita scribit: *Alfonsus Urracam uxorem a patre tertio propinquitatis  
 gradu attingebat. Nondum moribus receptum erat, ut Pontificum  
 Romanorum venia lege cognationis soluta conjugia inter cognatos  
 coirent: itaque passim consideramus per hæc tempora, connubia  
 Principum dirempta esse cognatione inter conjuges illegitima in-  
 justaque. Hanc unam arbitror esse causam cur Alfonsus hic in nullo  
 Castelle Regum numero ponatur apud veteres scriptores. Tum in  
 libri XI. capite XI. Urraca ipsa, quod cognatione devincta esset a  
 viro repudiata; hac venia dissolvendis conjugii inventa non erat,  
 offensione inter conjuges nata. Nondum enim interpretando sibi  
 quisque leges de Matrimonio aptas faciebat: neque enim venia  
 Pontificum solvebatur. Profecto difficile prorsus esset osten-  
 dere Joannem Matianam errare in notanda epocha, quam  
 hic veniæ Romanorum Pontificum desiguit. Unde si retroactis  
 sæculis consobrinæ jungendæ essent nuptiis, beneficio Prin-  
 cipum jungebantur. Id quoque antiquitatis Ecclesiasticæ pe-  
 ritissimus Jacobus Sirmondus in suis ad Ennodii epistolas no-  
 tis sic observat: Imperatores Christiani etiam consobrinæ jungi  
 vetuerunt, ut Theodosius, tantum, ut Sexti Victoris verbis utar,  
 pudori tribuens & continentie, ut consobrinarum nuptiis vetuerit.*

*tanquam sororum. Quare sine Principis venia duci non licebat. quod declarat Cassiodori formula, qua consobrina legitima fiat uxor. Sirmondus veterem in danda infringendæ legis venia disciplinam, quæ Principum erat; Mariana, quæ Pontificum est, ostendit.*

Joannes Saresberienſis, Carnutum Episcopus, Grariani æqualis & superſtes, ad Alexandrum III. ſcribit epiſtolam, in qua certam quandam Matrimonii cauſam recitat, ubi potior decretorum, quæ adulterina, quam legum civilium quæ genuinæ ſunt, habetur ratio. Adſcribo verba ex epiſtola LXXXIX. ad illum Pontificem: *Sponſam non eſſe conjugem tam leges Principum, quam decreta Pontificum oſtendunt, cum deſponſata puella poſſit monaſterium præſeligere, viro diſſentiente: ſicut Euſebius auctor eſt, & leges, teſte Gregorio, nullam inſigunt pœnam ſponſæ, ſi ad collegiam evolaverit puellare. Præterea conjugium non eſſe perfectum, quod non confirmat & perficit commixtio corporalis, licet a prima deſponſationis fide initium ſortiat. Si ergo initiatis perfectæ præjudicant, omnino iniquum eſt, ut ſponſalitiſſimum pactio vero dicatur præjudicaſſe conjugio. Nam & Variſtus Papa cum formam Matrimonii contrahendi & ſacrum ritum, qui in Eccleſia eſt, permiſiſſis nuptiarum, ita ſubjiciens: Ita peracta legitima ſcitote eſſe connubia; aliter vero præſumpta non conjugia, ſed adulteria & ſupra & contubernia, aut fornicationes potius quam legitima conjugia eſſe non dubitatur, niſi voluntas propria ſuffragata fueris. Et paullo poſt: Replicabat & multa de privilegio perſonarum, & ignorantia juris, cum parentibus aut propter militiæ cingulum, aut ſexus infirmitatem liceret ignorare, illud habere vim conjugii, quod conjugii præcedit initium; quod ex auctoritate legum & canonum non ad nexum Matrimonii convaluit, quod priſca conſuetudo apud nos hæcenus in conſummatione Matrimonii non agnovit. Et paullo poſt: Sed in eos rigor legum & canonum exciretur, qui inceſtuoſe aut illicite coeunt, ſcienter, jure divino & humano pariter prohibente. Saresberienſis canones vocat ſubdititia Evaristi, Calliſti & Fabiani decreta, quæ libro ſuo intulit Gratianus, qui nondum obtinuerat, ut Imperatoriæ leges in cauſis matrimonialibus omitterentur: ſed deinceps obtinuit, idque confirmant decretalium libri quinque, in quibus Imperatorum*

leges non comparent amplius, nisi fortassis vt Evaristi, Callisti & Fabiani decretis, & aliis huiusmodi cedant, tamen non deberent cedere, quia, vt ait Tertullianus, *veritati nemo præscribere potest, non spatium temporum, non patrocinia personarum, non privilegium regionum, & cursus temporis non mutat substantiam veritatis. l. Sicut falsi. c. ad Cornel. de fal.* Audio qui dicat ex veteri proverbio, *Malum bene conditum ne moveris:* movere non intendo, (est qui moveat quemadmodum moveri potest vtiliter) sed historicum in modum narrare dumtaxat, quæ ab anno Christi millesimo de initio & progressu receptæ in causis matrimonialibus disciplinæ Ecclesiasticæ & sæculare forum occupavit, & postea sæculare forum occupare desiit; sed annis abhinc centum plus minus nostra Gallia antiquam civilium legum disciplinam pedetentim resumpsit, atque ita vt plerisque in locis, & maxime Lutetiæ Matrimonium nullum tum demum censeatur illegitimum, id est, contra leges initum, quod regia potestas vel regiæ potestatis administri tale non iudicent. Præterea quo jure olim Principes supremi erga subditos omnes suos utebantur, eodem & nunc Rex erga eos vitur, qui in regno suo seorsum a Catholicis per religionem sentiunt. Hos enim vbi necesse est, cognationis legibus solvit, permittitque vt iustæ consobrinos inter & consobrinas nuptiæ contrahantur.






## SECUNDA PARS TRACTATUS,

S E U

Uſus regiæ in Matrimonium poteſtatis apud  
Gallos.

**H**ANC ſecundam vel tertiam quæ ſequetur, tractatus  
partem non ante legas, quaſo, quam primam legeris,  
aut ſi legere placet, in rebus, quæ ſubobſcuræ vel paullo du-  
riores occurrerent, iudicium ne feras: ſecus, mallem ego  
quidquid in his duabus partibus tractaverim, relinqueres in-  
compertum. Hujus autem rei certa eſt ratio, quod ſecunda  
& tertia tractatus pars a prima ſic pendeat, ut eorum fere  
omnium, quæ adferuntur in utraque, juſtiſſimam expeditiſ-  
ſimamque cauſam contineat, & nonnulla, quæ neutram in  
partem, civilem vel Eccleſiaſticam, moveri forte viderentur,  
in civilem nullo negotio ſpectat.



#####

## ARTICULUS I.

*Impedimenta & matrimoniales ejusdem generis  
causæ, quæ ad primam Regum stirpem per-  
tinent, attinguntur.*

## CAPUT I.

*Jus regum in constituendis impedimentis Matrimonium di-  
rimentibus proponitur, consuetudine & scriptis le-  
gibus inducitur.*

QUOD auctor supremæ potestatis civilis Deus matrimo-  
niales contractus disponendi jus ad optimum finem  
Principibus concessit, imminutumque reipsa Principes reti-  
nuerunt hætenus, duplici via, consuetudine & scriptis le-  
gibus Galliæ regnum sensim occupavit. Consuetudine pri-  
mum, quæ ad Principes regnique proceres maxime spectat;  
legibus deinde, quæ ad omnes omnino cives & subditos sese  
extendunt. Quanquam hoc non ita necessarium fuit, cum  
natum ex distractione imperii Romani regnum Romanas  
leges ad se accerferet. Illa vero consuetudo non tam consue-  
tudo est, quam jus regum factis & exemplis declaratum:  
quare cum in proprio fundo versetur, libera est omnibus  
difficultatum nodis, quibus quæ in alieno jus præscribit, ex-  
ponitur. Longe igitur alia est hujus, alia aliarum consuetu-  
dinum ratio. Etenim ut ea consuetudo, qua de agimus, vim  
legis habeat, vnum aut alterum exemplum, quo voluntas  
Regis idonee declararetur, posset sufficere, quod multoties  
repetitum in aliis consuetudinibus desideratur, quibus vel  
abrogatur consuetudo contraria, vel jus contra proprium do-  
minum præscribi consuevit.

Ceterum hanc nostram consuetudinem in priscorum monumentis disquiremus, & exempla singula, quæ occurrunt in tribus Regum Galliarum stirpibus, expendemus. Verum hic tantum exequemur, quæ ad primam spectant: atque inprimis exempla duo; vnum sanctæ Godebertæ virginis, alterius sanctæ Salabergæ.

Ex vita sanctæ Godebertæ. Porro a parentibus accurate educata, cum ad nobiles pervenisset annos, permulti nobiles eam ex nobilibus nobiliter natam sibi sponsam expetebant: parentes autem ejus cum essent Regis beneficiarii, non audebant inconsulto Rege cuiquam eam in Matrimonium collocare. Cum autem hac res apud Regem Clotarium ageretur, omnesque ad Regis voluntatem animis intenderent, in medium illorum non sine cultu Dei beatus Eligius se ingressus, & virginem illam aureo suo annulo tanquam arrhabone Christo sponsam coram Rege & parentibus ejus fidentissime despondit. Hæc narratio plane consentit cum veteri manuscripto Noviomensis Ecclesiæ codice, quem Laurentius Marginius non ita pridem vernacula lingua donavit.

Nostram ergo consuetudinem in his verbis deprehendimus: *Parentes Godebertæ cum essent Regis beneficiarii, non audebant inconsulto Rege cuiquam eam in Matrimonium collocare. Quæ verba receptum jam usum significant.* Deinde quanti res esset ponderis, ostendunt quæ sequuntur: *Apud Regem Clotarium hæc res acta est, omnesque ad Regis voluntatem animis intenderunt.* Tunc sane Rex non potuit suam in subditorum connubia potestatem explicare apertius, quam futurum Godebertæ conjugium ad suum judicium revocare. Cum ergo parentes filiam nuptui dare non auderent, inconsulto Rege, quod Regis essent beneficiarii, inducta ob rationem beneficiatorum consuetudine impeditos fuisse dicimus. Cujusmodi autem impedimentum foret, cum ex ipsa consuetudine, quæ jam tunc vim habuit legis, tum ex rei gravitate, tum etiam ex regni commodis metiendum est. De rebus autem, non de verborum apicibus disputo, dum maxime veterum revolvuntur monumenta, in quibus recentioris Scholæ verba, verborumque distinctiones plerumque desiderantur.

Alterum exemplum præbet vita sanctæ Salabergæ tom. II  
Hist.



Hist. Francorum: *Metuens Conduinus, ne ob filiam (Salabergam) iram Regis (Dagoberti) scititiamque incurreret, eam a calle, quo ire sponte decreverat, pedetentim retraxit. Iam ejus opinio ad aures regias pervenerat. Morabatur denique iisdem temporibus in aula prædicti Principis vir quidam strenuus, consiliiis Regis gratus, inter suos fama celebris, nomine Blandinus, qui cognomen Baso acceperat, qui uxore & ipse ex Sicambrorum prosapia spectabili ortus est. Mox prædictam Salabergam non ejus sponte, quia jamdudum divinis se præceptis implicare voverat, licet in-ritis parentibus, regio tamen jussu ob liberorum procu-andorum causam, prædictus vir ad suum adscrivit conjugium. Eadem est Matrimonia impediendi, quæ ad ea cogendi ratio, cum id expedire reipublicæ judicatur. Tunc actionem involuntariam non efficit justus timor, neque natura, neque jus vllum positivum iis reclamant conjugiiis, quæ ex metu juste incusso fiant. Ex tali enim metu non dicitur agere, qui illum a se depellere, si vult, potest.*

Quid autem Rex possit in suis subditis ad Matrimonium: cogendis prima parte tract. art. 1. cap. 1. sub finem, & art. 14. cap. 14. Doctores definiunt.

## CAPUT II.

*Reges Matrimonia dissolvunt. Regiarum in causis matrimonialibus constitutionum specimina.*

EXEMPLA nunc referimus duo, quibus quanta fuerit Regum Gallie in dissolvendis subditorum conjugiiis auctoritas, constabit. Unum suggerit Gregorius Turonensis lib. v. hist. cap. 11. *Meroveus, inquit, simulans ad matrem suam ire velle, Rotomagum petiit, & ibi Brunchildi Regina conjungitur. Eam quoque sibi in Matrimonio sociavit. Hæc audiens Chilpericus (pater Merovei) quod scilicet contra fas legemque canonicam uxorem patris (Sigeberti) accepisset, valde amarus dicto citius ad supra memoratum oppidum dirigit. At illi cum hæc cognovisset*

## 314 REGIA IN MATRIMONIUM POTESTAS.

*sens, quod eosdem separare decerneret, ad basilicam sancti Martini, quæ super muros civitatis lignis tabulis fabricata est, confugiunt. Rex vero adveniens cum in multis ingeniis eos exinde auferre niteretur, & illi dolose eum putantes facere non crederet, juravit eis dicens: Si, inquit, Dei voluntas fuerit, ipse vos separare non conarer, vel, ut habet alia editio, ipse vos separare non conaretur. Deinde cap. III. Quæ postquam acta sunt, Rex propter conjugationem Brunehildis suspectum habere cepit Meroveum filium suum, dicens, hoc prælum ejus nequitia surrexisse, spoliatumque armis, datis custodibus, libere custodiri præcepit, tractans quid de eo posterum ordinaret. Tum cap. XIV. Post hæc Meroveus cum in custodia a patre retineretur, tonsoratus est, mutataque veste, quæ Clericis uti mos est, Presbyter ordinatur, & ad monasterium Cenomanicum, quod vocatur Aninsula, dirigitur, ut ibi sacerdotali erudiretur regula. Incestas nuptias, quibus sese Meroveus fuñestaverat, Chilpericus Rex Merovei pater dissolvit, eique Sacerdotium impingi voluit.*

Alterum exemplum suppeditat vita sancti Wlmari apud Mosandrum. Sanctus Wlmarus tempore juventutis suæ conjugem duxit, nomine Historalde, quæ prius erat desponsata alteri viro, nomine Wlmaro, ac propterea apud Francorum Regem (Clotarium) graviter Dei famulus accusabatur, cujus imperio & jussu priori sponso Historalda reddita est. Sanctus vero Wlmarus postquam reliquit conjugium, petiit monasterium, quod in pago Hannoniensi ad Sambram fluvium situm est, diciturque Altimontis. Sic male contractum ab Wlmaro conjugium Clotarius dissolvit. In neutro casu usurpatam ab Regibus auctoritatem queruntur Gallicani Præfules, qui cum omni tempore, tum vel isto potissimum vindicandæ Sacramentorum disciplinæ invigilarent.

Quod autem ad regias de Matrimoniis constitutiones spectat, Clotarius in generali constitutione hanc legem tulit: Nullus per auctoritatem nostram Matrimonium viduæ vel puellæ sine ipsarum voluntate presumat expetere, neque per suggestiones subreptitias rapiantur injuste. Item Sanctimoniales nullus sibi in conjugium audeat sociare. Inde lex ortum habuit, unde cœptum est a quibusdam legitima potestate seu facultate abuti:

quod pro reipublicæ commodis aliquando ficti viderant, ad Matrimonium nempe nonnullos compelli, istud in privata studia & commoda derivaverant. Hinc factum, ut tribus ante annis Parisiense Concilium hominem, qui Regis auctoritate sic abusus fuerat, anathemate perculerit. Ita & Reges & Sacerdotes communi quidem consilio, sed non una eademque inter se ratione publicæ utilitati providerant: Reges nunc sola prohibitione, nunc temporali pœna; Sacerdotes vero Ecclesiasticæ anathemate. *Et quia*, inquit Concilium Parisiense, *utilitum rerum capit causa tractari, hoc universitas praeavere quoque debet, tam Sacerdotes quam Principes, omnisque populus, ut nullus res alienas competere a Regi audeat potestate. Nullus viduam, neque filiam alterius extra voluntatem parentum, aut recipere præsumat, aut Regi beneficio astimet postulandum: quod si fecerit, ab Ecclesiæ communione semotus anathematis damnatione plebatur.* Hic omnino faciunt Præsules, quod suo tempore faciendum consulit Petrus Sotus, qui pro Pontifice Tridentino Concilio interfuit. *Nec debent*, inquit, *Praelati Ecclesiæ gravate suscipere, si quid temporali paci viderint necessarium sacculares Principes statuunt: nec est cur illis se opponant; sed permittant potius Matrimonium legibus humanis ordinandum, cum officium humanam sit; & addant postea ipsi, si videbitur, quod ad bonum religionis pertinet.* Legibus ergo sæculi, quibus Matrimonium viduæ vel filiæ extra voluntatem parentum vetatur, anathematis vinculum addunt, quo ab illis violandis potentius quilibet arceatur.

Post Clotarii constitutionem quid alii Reges in eandem rem egerint, testatur Concilium Turonense II. can. XX. *Non solum domini gloriosa memoria Childebertus & Clotarius Reges constitutionem de hac re custodierint & servaverint, quam Childebertus Rex successor eorum præcepto suo roboravit, ut nullus unquam puellam absque parentum voluntate rapere aut accipere præsumat. Quæcumque ergo timet violentiam, & non vult habere mansum, refugiat ad Ecclesiam, donec propinqui possint eam Principis imperio aut Sacerdotis vel Ecclesiæ beneficio liberare & defendere, ac condigno sociare marito.* Sic conditas ab Romanis Imperatoribus de celebrandis Matrimoniis leges Childeber-

tus, Clotarius & Charibertus suas faciunt, & suis in auctoritatem præceptis admittunt; ac deinde ut servantur Episcopi, diligenter incumbunt.

Hoc loco prætermittendum non est singulare exemplum, quo consanguinitatis impedimentum a Concilio Lugdunensi primo vindicatur. Sic ergo loquuntur Patres Concilii sub Sigismundo Rege celebrati contra quendam Stephanum, qui cognatæ suæ ausu temerario sese sociaverat. *Domini gloriosissimi Regis sententiam secuti, id temperamenti præstitimus, ut Stephano prædicto vel Palladia usque ad orationem plebis, quæ post Evangelia legeretur, orandi in locis sanctis spatium præstaremus, par videbatur, ut qui in leges Principum peccaverat, de sententia Principum puniretur, aut ei indulgentia concederetur.* Tria hic colligere est. Unum, impedimenta consanguinitatis Principum leges appellari ab Episcopis, quemadmodum reipsa debent appellari. Alterum, ab Stephano contra leges Principum peccatum esse: contra leges autem, quæ non obligant, haud peccatur. Tertium, de Principis sententia Concilium Stephano poenitentiam indixisse. An autem jura Principum in sciendis impedimentis Matrimonium dirimentibus Episcopi potuerint vindicare & asserere validius, nescio.



## ARTICULUS II.

*Impedimenta & causæ ejusdem generis matrimo-  
niales, quæ ad secundam Regum Galliæ stir-  
pem pertinent, attinguntur.*

## С А Р У Т I.

*Sub Pipino Rege promulgata quædam in Conciliis Episcoporum circa Matrimonium leges.*

**A**GENTE Pipino Rege celebrata sunt Concilia duo in Gallia, Vermeriense vnum anno DCCLII. Compendiense alterum anno DCCLVII. In vtroque multi sunt canones, qui promulgantur ex legibus. Prætermitto eos, in quibus Theodosii lex de non jungendis Matrimonio consobrinis, explicatur; hoc est omnibus notum ac perspicuum. Canones duos attingo, in quibus id peragitur. Justinianus in novellæ CXVII. capite VIII. *de iustis divortiorum causis marito permissis*, statuit: *Si quolibet modo mulier viro sui fueris infidiata, aut hoc facientibus consentiens viro non indicaverit. In Vermeriensi Concilio sic habetur can. v. Si qua mulier mortem viri sui cum aliis hominibus consiliaverit, & ipse vir ipsius hominem se defendendo occiderit, & hoc probare potest; ille vir potest uxorem suam dimittere, & si voluerit, aliam accipere.*

Deinde in Digestorum libro xxii. tit. ii. de divortii & repudiis leg. i. Dirimitur Matrimonium divortio, morte, captivitate, vel alia contingente servitute virius eorum. In Vermeriensis Concilio sic decernitur can. xi. Si quis necessitate inevitabili cogente in alium ducatum seu provinciam fugerit, aut seniores suum, cui fidem mentiri non poterat, secutus fuerit, & uxor ejus cum valet & potest, amore parentium, aut rerum suarum cum siqui noluerit, ipsa omni tempore, quandiu vir ejus quem secuta non fuit, vivit, semper innupta permaneat. Nam ille vir ejus, qui ne-

R r i y

*cessitate cogente in alium locum fugit, si se abstinere non potest, aliam uxorem cum pœnitentia potest accipere.*

*In Compendiensi sic decernitur can. viii. Si quis homo habet mulierem legitimam, & frater ejus adulteravit cum ea; ille frater, vel illa femina, qui adulterium perpetraverunt, interim quo vivunt, nunquam habeant conjugium. Ille cujus uxor fuit, si vult, potestatem habeat accipere aliam.*

## CAPUT II.

*Ex recepto repudii libello sub Carolo Magno regia in Matrimonium potestas asseritur.*

**R**EGNANTE Carolo Magno viguisse inter Christianos morem, quo libellus repudii daretur, illius dandi formula docet apud Marculfum in libro formularum secundo cap. xxx. Est autem hujusmodi: *Dum & inter illum, & conjugem suam illam non caritas secundum Deum, sed discordia regnat, & ob hoc pariter conversare minime possunt: placuit utriusque voluntate, ut se a consortio separare deberent. quod ita & fecerunt. Propterea has epistolas inter se uno tenore conscriptas fieri & adfirmare decreverunt, ut unusquisque ex ipsis, siue ad servitium Dei in monasterio, aut copula Matrimonii sociare se voluerit, licentiam habeat, & nullam requisitionem ex hoc de parte proximi sui habere non debeat. Si quis vero aut aliqua pars ex ipsis hoc emutare, aut contra parem suum repetere voluerit, inferat paci suo auri libram 1. & ut decreverunt, a proprio consortio sequestrati, in ea quam elegerint, parte permaneant.*

Adjunctæ sunt formularum Marculfi libris duobus formulæ veteres, quæ secundum legem Romanam dicuntur. In iis est decima nona, quæ libellum repudii sic definit cap. xix. *Certū rebus & probatus causis inter maritum & uxorem repudiandi locus parer. Idcirco quia inter illum & conjugem suam illam non caritas secundum Deum, sed discordia regnat, & illorum nulla est voluntas pariter conversandi: placuit utriusque voluntatibus, ut se a consortio conjugalī separare deberent. quod ita & fecerunt. Propterea has epistolas uno tenore conscriptas inter se fieri & ad-*

*firmare decreverunt, ut quidquid unusquisque ex ipsis de semetipso facere voluerit, absque repetitione socii sui liberam habeat potestatem, & nullam requisitionem, neque ipsius in caput, neque ulla quolibet persona, exinde habere pertimescat. Quod qui contra parem suum, vel contra alium quemcumque hominem ullam repetitionem exinde facere conaverit, partibus illius contra cui licentiam intulerit, sol. tantos componat, & sua repetitio nullum obtineat effectum; sed unus quis ex ipsis per hunc libellum repudii eorum manibus roboratum, omnique tempore quieti valeant residere.*

Hic autem mos quo regnante Carolo Magno dabatur inter Christianos libellus repudii, ortum habet ex Constantini Magni lege, quæ ita se habet in libro 111. cod. Theod. tit. XVI. de repudiis.

1. Imperator Constantinus A. ad Ablavium P. P. Placet mulieri non licere propter suas pravas cupiditates marito repudium mittere exquisita causa, velut ebrioso, aut aleatori, aut mulierculario; nec vero maritis per quascunque occasiones uxores suas dimittere; sed in repudio mittendo a femina, hæc sola crimina inquire, si homicidam vel medicamentarium, vel sepulcrorum dissolutorem maritum suum esse probaverit, ut ita demum laudata omnem suam dotem recipiat. Nam si præter hæc tria crimina repudium marito miseris, oportet eam usque ad aciculam capitis in domo mariti deponere, & pro tam magna sui confidentia in insulam deportari. In masculis etiam si repudium mittant, hæc tria crimina inquire conveniet; si mæcham vel medicamentariam, vel conciliatricem repudiare voluerit. Nam si ab his criminibus liberam ejecerit, omnem dotem restituere debet, & aliam non ducere: quod si fecerit, priori conjugii facultas dabitur domum ejus invadere, & omnem dotem posterioris uxoris ad semetipsam transferre pro injuria sibi illata. Dat. 111. Non. Maii (alias 111. Cal. Julii) Basso & Ablavio Conf. id est, anno Christi CCCXXI. imperii anno XXVI.

Justinianus qui anno post Constantini mortem ducentesimo circiter decimo ad Romanum accessit Imperium, causarum repudii numerum auxit novella CXVII. De justis divortiorum causis marito permissis cap. VII. Quia vero plurimas in veteribus & nostris legibus invenimus causas, ex quibus facile nuptiarum solutiones fiunt, ea causa prosequimur ex his abscindere ali-

## §10 REGIA IN MATRIMONIUM POTESTAS.

quas, qua nobis indigna ad solvendas nuptias visa sunt, & eas solvendo nominatim presentis inferere legi, pro quibus rationabiliter potest sive vir sive mulier repudium mittere. Nunc autem causas ex quibus maritus repudium mittere sine periculo potest, & dotem uxoris lucrari, servato in ea dominio ex eodem Matrimonio filiis aut filiabus, quibus non extantibus, frui etiam proprietate, has esse decernimus; si contra Imperium cogitantibus aliquibus conscia est mulier, aut etiam viro suo non indicet: si autem vir hoc a muliere denuntiatum tacuerit, liceat mulieri per quamcumque personam hoc declarare Imperio, ut vir nullam ex hac causa repudii inveniat occasionem. Si de adulterio maritus putaverit posse suam uxorem convinci, oportet prius virum inscribere mulierem, aut etiam adulterum; & si huiusmodi accusatio verax esse ostenditur, tunc repudio misso habere virum super ante nuptias donationem, etiam dotem, & ad hoc, si filios non habet, tantum accipere ex alia uxoris substantia, quantum dotis tertia pars esse cognoscitur, ut ejus proprietati & dos, & a nobis definita pena applicetur. Si enim filios habuerit ex eodem Matrimonio, jubemus etiam dotem (secundum quod de hoc censent leges) aliamque mulieris substantiam filiis conservari; & ista adulterum legitime convictum una cum uxore puniri: & siquidem habeat uxorem adulter, accipere eam & dotem propriam, & propter nuptias donationem; & si filios habeat, solo usu mulier fruatur, donationis proprietate secundum leges filiis servanda: aliam vero mariti substantiam ejus filiis ex nostra largitate donamus. Filiis autem non existentibus, antenuptialis quidem donationis proprietatem mulieri competere sancimus; aliam vero mariti substantiam omnem fisco secundum antiquas applicamus leges. Si quolibet modo mulier viro fuerit insidiata, aut aliis hoc facientibus consentiens viro non indicaverit.

Si cum viris extraneis nolente viro convivatur, aut cum eis lavatur, si nolente viro foris domum manserit, nisi forsan apud proprios parentes. Si circensibus aut theatris, aut amphitheatris interfuerit ad spectandum ignorante aut prohibente viro: si vero contigerit aliquam circa unam pradiectarum causarum uxorem suam a domo propria expellere, & illa non habens parentes, apud quos possit manere, ex necessitate foris habitet nocte. Jubemus nullam esse



*esse marito licentiam propter causam hanc repudium mittere uxori, eo quod ipse hujus rei auctor existat.*

Deinde de iustis divortii causis mulieri premissis cap. 1 x. Causas autem pro quibus rationabiliter potest viro a muliere mitti repudium, ex quibus potest & dotem recipere, & propter nuptias donationem exigere, similiter filiis servanda donationis proprietate, aut filiis non extantibus, habere etiam hujusmodi dominium, has esse solas disponimus; si contra Imperium aut ipse cogitaverit aliquid, aut cogitantibus conscius non indicaverit Imperio, aut per se, aut per quamcunque personam; si quolibet modo vir insidiatus fuerit viro mulieris, aut aliis hoc volentibus sciens non manifestaverit uxori, & studuerit secundum leges ulsisci; si maritus uxoris castitati insidiatus, aliis etiam eam adulterandam tentaverit tradere; si vir de adulterio inscripserit uxorem, & adulterium non probaverit, licere mulieri volenti etiam pro hac causa repudium destinare viro, & recipere quidem propriam dotem: lucrari autem & antenuptialem donationem & pro hujusmodi calumnia; si filios non habuerit ex eodem Matrimonio, tantum secundum proprietatem accipere mulierem ex alia viri substantia, quantum antenuptialis donationis tertia pars esse cognoscitur. Si autem filios habuerit, jubemus omnem viri substantiam filiis conservari, firmis manentibus, qua de antenuptiali donatione aliis legibus continentur: ita tamen ut etiam propter illatam adulterii accusationem & non probatam, illis quoque maritus subdatur supplicii, qua esse passura mulier, si hujusmodi fuisset accusatio comprobata.

Si quis in sua domo, in qua cum sua conjuge commanet, contemnens eam, cum aliis inveniat in ea domo manens, aut in eadem civitate degens, in alia domo cum alia muliere frequenter manere convincitur, & semel & secundo culpatus, aut per suos parentes, aut per mulierem, aut per alias aliquas fide dignas personas hujusmodi luxuria non abstinuerit, licere mulieri pro hac causa solvere Matrimonium, & recipere datam dotem & antenuptialem donationem, & pro tali injuria tertiam partem aestimationis, quam antenuptialis facit donatio, ex ejus substantia percipere: ita tamen, ut si filios habuerit, usu solo mulier potiatur rerum, quas ex antenuptiali donatione, & pœna tertia portionis mariti substantia accepit, dominio communitus filiis conservando.

### 322 REGIA IN MATRIMONIUM POTESTAS.

*Si autem filios non habuerit ex eodem Matrimonio, habere eam talium rerum etiam proprietatem precipimus. Infra: Datum xv. Calend. Jan. Dom. Iustin. August. anno xv. Basilio v. cl. Conf. id est, anno Christi DCLI.*

Nunc Constantini Magni lege & Justiniani novella relatis, observo quæ sequuntur. Et primum quidem illustrium & de religione vera bene meritotum Principum editâ continere originem & progressum repudii, quod multas ob causas fiebat olim, & usum inter Christianos Occidentis & Orientis obtinuerat: Occidentis quidem, ut Marculfi & aliarum veteres formulæ restantur; Orientis vero, quia Justiniani novella Græce & Latine in lucem prodiiit.

Deinde argumenta esse plura quæ impediunt, ne Constantini & Justiniani leges tam facile damnentur, ut a nonnullis seu Jurisconsultis, seu Theologis damnantur.

Unum est, quod œcumenica Synodus nulla apud Orientem vel Occidentem habita constitutiones illas revocavit ad examen, & ne servarentur, vetuit.

Alterum, quod Antistes nullus, Romanus, Alexandrinus, Antiochenus, Constantinopolitanus, Hierosolymitanus, Constantino & Justiniano æqualis, vel tempore proximus, de illis constitutionibus quætelam instituit, ac si Evangelio manifeste repugnarent.

Tertium, quod Antistites illi omnes, & alii quotquot in orbe Christiano fuerint, videntur constitutiones suo silentio comprobasse, aut violati reos esse Evangelii, si Celestinus I. in epistolæ ad Galliarum Episcopos capite 1. Leo I. in epistolæ xciii. ad Turribium Astuticensem Episcopum capite xv. Hilatus in Romana Synodo cui præfuit, Felix III. in epistola ad Acacium Constantinopolitanum Episcopum, Gregorius I. in libri vii. Indict. II. epistola vi. ad Eusebium Thessalonicensem Episcopum, & in libri ix. epistola lxiv. ad Brunichildam Reginam, Leo II. in epistola ad Episcopos Hispaniæ, Gregorius VII. in libri ii. epistola v. ad plures Archiepiscopos & Episcopos, & in libri iii. epistola i. ad Episcopos, Abbates & Duces Romani Imperii, Paschalis II. in epistola, quæ est lxxiv. inter epistolas libri ii. episto-

Iarum sancti Anselmi, audiantur. Non refero rot Pontificum verba, quæ in articuli 1. capite x. legi & ponderati possunt. Huç perrinent juris civilis axiomata: *Paria sunt facere vel facienti consentire. L. Utrum, & L. sequent. ad legem Pomp. de parricid. Paria sunt delinquere vel delinquenti non resistere. L. 111. §. Tantumdem. de administ. tutor.*

Quattum, quod Romanum Pœnitentiale ab Antonio Augustino editum ad Justiniani novellam accessit, cum ita statuit: *Contigit tibi ut vxor tua te conscio & hortante cum alio viro, illa autem nolente, adulterium perpetraret: si fecisti, quadraginta dies in pace & aqua pœniteas, & septem annos, unum ex his in pane & aqua, & nunquam sis sine pœnitentia. Si autem vxor tua hoc probare potuerit, quod tua culpa & tuo iussu, se renuente & luẽtante, adulterata sit; si se continere non potest, nubat cui voluerit, tantum in Domino: tu autem sine vxoria spe in perpetuo maneas. Illa, si consentiens fueris, eadem jejunei quæ tibi propõsita sunt, & sine spe conjugii maneat.*

Quintum, quod Constantinus & Justinianus in generalibus Conciliis vt Christianæ fidei conservatores acclamantur. In Synodi VI. actione VIII. *Sancta Synodus Constantino Magno Imperatori multos annos, conservatori orthodoxæ fidei multos annos, pacifico Imperatori multos annos, novo magno Constantino Imperatori multos annos, novo Theodosio Imperatori multos annos, novo Imperatori Marciano multos annos, novo Iustiniano Imperatori multos annos. Et in actione XVIII. Novo Iustiniano Constantino æterna memoria.*

Sextum, quod Gregorius Magnus pia memorie Justinianum appellat in libri 11. Indict. II. epistola x. ad Savinum Subdiaconum, & in libri x. epistola LVI. conficitur Capitulare legum Imperialium pro immunitate Clericorum, vbi Justinianus Augustus familiam ducit.

Tum in libri 1. x. epistola LX. ad Adilbertum Regem Anglorum, Imperatorem Constantinum mirifice prædicat: *Constantinus quondam piissimus Imperator Romanam rempublicam a perversis idolorum cultibus revocans, omnipotenti Domino Deo nostro IESV CHRISTO secum subdidit, seque cum subiectis populis tota ad Deum mente convertit; unde factum est, vt antiquorum*

*nomen Principum suis ille vir laudibus vinceret, & tanto in opatione praedecessores suos, quanto & in bono opere superares.*

Septimum, quod Ecclesia Catholica non solum non potest incidere in haesim, verumetiam nec potest errare siue per ignorantiam, siue quocunque alio modo in aliquo dogmate, in quo tanquam in veritate a Deo revelata & ab omnibus fidelibus credenda vniuersa Ecclesia conspirat, docet & proponit. Id Franciscus Suarez sibi sumit & probat in libro 1. defensionis fidei Catholicae, cap. 1v. Et sane negari jure merito non potest, quin lex Constantini & novella Justiniani, & veteres de libello repudii formulae, diu multumque per Occidentem & Orientem invaluerint & irroboraerint, & regiam in Matrimonium potestatem ostenderint, haud dissentientibus per sacros canones Concilii vniuersalibus, nec repugnantibus Romanis per decreta Sedis Apostolicae ex iisdem canonibus promulgata Pontificibus.

Res tamen tanti est, vt circa haec omnia cohibeam assensum, & alius me doctioris iudicium expectem.

Interim Origenem propono melioris aetatis scriptorem, qui ad conciliandas Constantini & Justiniani leges cum Evangelio, & ad liberandum a culpa Sacerdotum quotquot in orbe fuerunt silentium, receptissimum consensus indicium, posset inservire. Haec autem celebris Doctor ille scribit tractatu v 11. in Matthaeum: *Post hoc autem Dominus non permittit propter aliam aliquam culpam uxorem dimittere, nisi propter solam causam fornicationis, dicens: Quicumque dimiserit uxorem, excepta causa fornicationis, facit eam moechari. Quarendum autem est, si propter solam causam fornicationis dimittere jubet uxorem: quod si mulier non fuerit fornicata, sed aliud quid gravius fecerit, ut puta venefica inveniatur, aut interfeltrix communis infantis nati, aut in quocunque homicidio, aut exportans domum, & male dispergens substantiam viri, aut furta viro faciens: si mulier huiusmodi dimittatur, cum Dominus, excepta causa fornicationis, dimittere vetet? Ex utraque enim parte aliquid inhonestum videtur: nescio autem si vere inhonestum. Talia enim mulieris sustinere peccata, quae peiora sunt adulteriis & fornicationibus, irrationabile esse videbitur. Item facere contra volun-*

tatem doctrina Salvatoris, omnis confitebitur impium esse. Disputo ergo, quia non praeceptive mandavit, ut nemo dimittat uxorem, excepta causa fornicationis; sed quasi exponens rem dixit: Qui dimiserit uxorem; excepta causa fornicationis, facit eam mæchari; & vere quidem quantum ad se facit illam mæchari, dimittens eam non mæchantem: si enim illa vivente viro adultera vocatur, si facta fuerit alteri viro, sine dubio qui dimittis, das ei occasionem secundarum nuptiarum, & propter hoc facis eam mæchari. Sed vir, qui quantum ad se uxorem dimittens fecit mæchari, ut puta veneficam vel homicidam, aut aliquid aliud constitutam, si justam excusationem habes apud Deum, tractabis. Potest autem & citra dimissionem propter alias causas facere vir, ut uxor ejus mæchetur, ut puta, qui supra mensuram permittis uxorem suam agere quod vult, & in amicitiam descendere virorum, quorum vult: frequenter enim ex simplicitate virorum hujusmodi vitia nutriuntur in mulieribus. Sed si est excusationis locus viris talibus in hujusmodi casibus, diligenter requirens pronuntia. Item & qui abstinet se a muliere sua, frequenter facit eam mæchari, non adimplens aviditatem ipsius, forsitan spe irrationabili sanctitatis & castitatis ductus: & forsitan iste amplius reprehensionis dignus quem ille, qui quantum ad se facit eam mæchari, dimittens non quidem fornicantem, in veneficio autem, vel in homicidio, vel in quibuscunque aliis gravioribus peccatis inventam. Qua enim ratione adultera est mulier, quamvis legitime nubere videatur viro vivente: eadem ratione & vir, quamvis legitime accipere videatur dimissam ab aliquo viro, non accipit legitime secundum sententiam Christi; sed magis mæchatur quasi alienam accipiens. Post hæc intelligentes Apostoli quanti sint casus inter conjuges, quos debet vir sustinere, & propterea tenere quidem interitum esse: dimittere autem peccatum esse in Domino: responderunt ei quasi ad rem facilem refugientes ad castitatem & magis utilem, & dixerunt: Ergo non oportet nubere, si isa est causa viri cum muliere. Ad hæc autem Christus respondit dicens, gratiam esse donatam a Deo continentibus se omnino. Hæc ille qui annis quinquaginta duobus antequam Constantinus Romanum capesseret Imperium, e vivis excessit.

Et primum quidem Origenes in disputatione sua ponit,

sf iij

quod necessario ponendum est, Christum Dominum nihil aut dixisse, aut fecisse, quod recte rationi non conveniat. Deinde sibi sumit, marito licere uxorem dimittere, ut propter adulterium, sic & propter veneficium & homicidium: veneficium quod marito ab uxore pararetur, homicidium quo communis marito & uxori filius perimeretur. Quid ita? Veneficium & homicidium ejusmodi, nisi pejora sunt adulterio crimina, ei certe cœquantur. Tum recte rationi haud putat auctor congruere, si marito liceat uxorem propter adulterium dimittere, non liceat propter veneficium & homicidium.

Denique ut vitetur iniqua juris dispositio, proponit Christum Phariseis subdole & per insidias interrogantibus rem exponendo, non præcipiendo respondisse, atque ex tribus illis, vel aliis gravioribus vel æque gravibus flagitiis nominasse adulterium, quippe quod contra finem Matrimonii directe pugnet. Atqui hæc sunt quæ sibi vult Origenes. Viderint alii; nam quæ tam illustri Doctor disputans desiderandæ conciliationi posuit, prodesse sine dubio possunt, obesse non possunt. Omittere nequeo, recentiores esse scriptores duos, qui ad illustrandam & reddendam plausibiliorem Origenis sententiam, plurimum conducunt, Desiderium Erasmus, & Hugonem Grotium. Illum in annotationibus super prioris ad Corinthios epistolæ caput v. 13. Hunc in annotationibus super caput v. Matthæi. Ad Erasmus quod attinet, sciendum est Antonium Possevinum in apparatu sacro indicare quæ in illius annotationibus corrigenda sunt, nec ea quæ ad Origenis sententiam pertinent, attingere. Grotius in caput v. Matthæi multus est; sed quæ sequuntur, scopum maxime feriunt. *Notat Origenes verba hæc (excepta causa fornicationis) poni magis enuntiando quam jubendo. Neque rarum est ut in tali sermone, id quod ex occasione dicitur, exempli magis quam astringendi vim habet: non enim in humanis tantum, sed & in Dei legibus solitum est sæpe facti aliquam speciem frequentiore exprimi, ex qua deinde cetera colligi debeant, ut Exod. XXI. v. xviii. xix. xx. xxvi. Dent. xix. v. v. Et paulo post: Similes locutiones speciem facti declarant magis quam strictam exceptio-*

REGIA IN MATRIMONIUM POTESTAS. 327

*nem; sed etsi ponamus esse exceptionem, potest eadem manere sententia. In omnibus enim legibus, etiam maxime odiosis, quales sunt, quæ penam irrogant, receptum est, ut ubi eadem est ratio, jus idem valeat: in benignioribus autem legibus, etiam a paribus ad paria procedis interpretatio. Hæc autem omnia disputationem Origenis adjuvant, quæ si admittantur, locus erit conciliandi tria, quæ in initio concilianda proposui; si rejiciantur, nullus apparet locus conciliandi tria illa, quæ in initio concilianda proposui: interim inter hæc tria, ut jam præmonui.*

Ceterum de bona gratia nonnihil dicendum est, hæc differt a libello repudii: nam bona gratia divortii causas habet nullas, habet libellus repudii: bonæ gratiæ historia duobus constat, lege qua primum stabilitur, & lege qua deinde tollitur. Prius est hujusmodi in digestorum libro xxiv. leg. xii. Hermogenianus libro ix. juris epitomatum; & ideo bona gratia Matrimonium dissolvitur.

Deinde in digestorum libro xxiv. tit. ii. de divortiiis & repudiis L. vi. an dirimatur Matrimonium captivitate: Tunc si quinquennium a tempore captivitatis excesserit, licentiam habeat mulier ad alias migrare nuptias: ita tamen ut bona gratia dissolutum videatur pristinum Matrimonium. Posterius in laudata Justiniani novella cxvii. ubi non liceat consensu Matrimonium dissolvere, nisi ex causa probabili, cap. x.

Quia vero ex consensu aliqui usque ad præsens alterna Matrimonia solvebant, hoc de cetero fieri nullo sinimus modo, nisi forte quidam castitatis concupiscentia hoc fecerint: si autem hujusmodi personæ filios habuerint, tam dotem quam antenuptialem donationem eorum filiis conservari disponimus. Si quis autem horum aut maritus forsitan, aut uxor, postquam propter castitatem ex consensu solverit Matrimonium, inveniatur alias contrahens nuptias aut luxuriose vivens: jubemus, si quidem (sicut dictum est) filii fuerint ex memorato conjugio, super dotem & propter nuptias donationem eis tradi, & proprietatem penè substantiæ illius, quæ convincitur deliquisse, personæ: si vero filii minoris sint ætatis, gubernari eos & pasci ab illo parente precipimus, qui nihil præsentis legi contrarium egerit. Si autem ambo parentes in hujusmodi vitium inciderint,



*sunt utriusque parentis substantiam filii applicari. Dispensatorem autem iis, qui in minori sint etate constituti, ordinari providentia competentis iudicii, & aliorum, quibus hac ex nostris legibus sunt commissi: si autem filii non sint, utriusque persona substantiam fisci rationibus applicari, & eos qui talia deliquerunt, legitimis sibi suppliciis. Aliter enim separationem Matrimoniorum fieri ex consensu nulla ratione permittimus.*

Ex hac autem lege colliguntur tria. Unum est, fuisse nonnullos, qui Matrimonium bona gratia, nimirum ex mutuo consensu, dissolverent. Christianine fuerint, an ethnici, vel utrique, Justinianus haud significat. Ac proinde ea super re difficile prorsus est certum aliquid pronuntiare. Quidquid id est, non memini legere me verum extitisse Concilium, ullumve Pontificem, qui ante Justiniani tempus solutum bona gratia Matrimonium canone vel decreto confixerit. Alterum, Justinianum primum omnium, quod sciam, lege lata vetuisse, ne deinceps bona gratia, seu consensu mutuo solveretur. Tertium, regiam in Matrimonium potestatem tunc eminuisse semper, nec usurpatæ in sacram Antistitem auctoritatem jurisdictionis accusatum esse Justinianum, quod legem illam tulerit. Porro aurem cur hic de bona gratia tractaverim, non effecit Carolus Magnus, quia bona gratia ad eum non proprie pertinet, sed aliqua doctrinæ consanguinitas, quæ inter bonam gratiam & libellum repudii intercedit.

## CAPUT III.

*Carolus idem Magnus multa in libro v. Capitularium circa Matrimonium edixit.*

**A**D institutum nostrum pertinet ea referro, quæ Rex & Imperator circa Matrimonium decrevit in libro v. Capitularium.

Num v. *Si quis filiastrum aut filiastram suam ante Episcopum*  
ad



ad confirmationem tenuerit, separetur ab uxore sua, & alter non accipiat; similiter & mulier alterum non accipiat. Gregorius sensit, Romanæ, ni fallor, provincie Episcopus.

Num. v. i. Qui propter fœdā (inimicitiam, apertam similitatem) fugiunt in alias patrias, & admittunt uxores suas, nec ille vir, nec illa femina accipiat alterum conjugium. Gregorius sensit.

Num. v. ii. Si homo incestum commiserit cum Deo sacra, aut matre sua, aut cum matrīna sua de fonte aut confirmatione, aut cum matre & filia, aut cum duabus sororibus, aut cum matris filia, aut cum sororis filia, aut cum nepte, aut cum consobrīna, aut cum amita vel matertera, aut cum his quibus canones prohibent copulare: de istis criminibus pecuniam suam perdat, si habuerit; & si hæc emendare noluerit, nullus cum recipiat, nec cibum donet; & si fecerit, lxx. solidos componat Domino Regi usque dum ipse homo se correxerit; & si pecuniam non habuerit, si liber est, mittatur in carcerem usque ad satisfactionem: si autem servus & libertus est, vapuletur plagis multis; & si dominus suus eum permiserit amplius in talem lapsum cadere, ipse lxx. solidos Domino Regi componat. De reliquis vero propinquis juxta constituta sanctorum Patrum & juxta decreta canonum judicetur.

In hoc capite alia sunt quæ divinis, alia quæ humanis legibus prohibentur, & in eos qui leges illas violant, pœnæ decernuntur. Humanæ leges hic nominatæ partim ex Theodosiani cod. lib. iiii. tit. iiii. de incestis nuptiis, l. Manente; partim ex Justiniani cod. libro v. tit. v. de incestis nuptiis, l. vi. Si quis, reperuntur, & supra in articulo iiii. Partis I. describuntur. Canones, quorum mentio fit, leges illas subsequuntur, non antecedunt: spirituales pœnas continent, quibus in legum violatores animadvertitur. Hæc notanda sunt, ne quis seipsum in transversum agat.

Num. xvi. Mulier si sine comiato (licentia) viri sui velum in caput suum miserit, si viro suo placet, recipiat eam iterum in conjugium.

Num. xvii. Si quis homo filias suam contra voluntatem ipsius & maris & parentum dederit viro ingenuo aut Ecclesiastico vel servo, & illa noluerit habere ipsum, & reliquerit eum: potestatem habeant parentes illius dare illi alium maritum; & si

*jam maritum habes, non separetur.*

Num. xviii. *Si ingenua femina accipit servum, sciens quod servus esset, habeat eum: una enim lex erit & viro & feminae. Imperator hic explicat, quæ in articuli lxx. capite lxx. ex digestis, ex Justiniano cod. atque ex novella xxi. accessimus.*

Num. xix. *Si quis homo habens mulierem legitimam, si frater ejus adulteraverit cum ea, ille frater vel illa femina, qui adulterium perpetraverunt, interim quod vivunt, nunquam habeant amplius conjugium: ille vero, cujus uxor fuit, si vult, potestatem habet uxorem accipere aliam.*

Num. c. *Nullus igitur proprium filium vel filiam de fonte baptismatis suscipiat, nec filiulam, nec commatrem ducat uxorem, nec illam, cujus filium vel filiam ad confirmationem tenuerit: ubi autem factum fuerit, separentur. Ex Justiniani novella cxvii. cap. xi.*

Num. ci. *Si quis viduam uxorem duxerit, & postea cum filiastra sua fornicatus fuerit, seu duabus sororibus nupserit, seu cum patre & filio tales copulationes anathematizari, nec unquam amplius conjugio sub magna districtione copulavi.*

Num. cxix. *Contradicimus quoque ut in quarta vel quinta generatione nullus amplius conjugio copuletur: ubi prius interdictum factum inventum fuerit, separetur. In digestorum libro xxi. tit. ii. de ritu nuptiarum lxx. Nuptiæ consistere non possunt inter eas personas, quæ in numero parentum liberorumve sunt, sive proximi, sive ulterioris gradus, sive usque ad infinitum.*

Num. cxlix. *Quicumque propria uxore derelicta, vel sine culpa interfecta, aliam duxerit, armis depositis publicam habeat pœnitentiam; & si contumax fuerit, comprehendatur a comite, & ferro vinciatur, & in custodiam mittatur, donec res ad nostram notitiam deducatur.*

Num. clviii. *Nuptias prohibemus incestus, id est, usque ad finitatis lineam, vel quandiu inter se hereditare potuerint, non conjungantur, quia hæc potius incestiva, quam conjugia sunt iudicanda. In digestorum libro & lege mox laudatis.*

Ex libro vi. num. cxxiii. *Christiani ex propinquitate sui*

*sanguinis usque ad septimum gradum connubia non ducant, neque sine benedictione Sacerdotis, qui ante innupti erant, nubere audeant. Theodosii legem amplificat ex digestorum libro & lege mox citatis.*

Num. CCVI. *In quarta propinquitate carnis, quinta sextaque, non licet nubere, sicut scriptum est: Omnis homo ad propinquum sanguinis sui non accedat, ut revelet turpitudinem ejus, id est, usque ad septimum gradum. Legitimum conjugium non licet separari sine consensu amborum: ita tamen ut ambo serviant innupti; potest autem alter alteri licentiam dare, accedere ad servitutem Dei, si ipse tamen innuptus vel innupta permanserit.*

Num. CCCVII. ex libro Theodosii III. cap. XI. de incestis: *Quod incesti non sint legitimi heredes, sed infamia sint notata utraque persone.*

Num. CCCVIII. *Ut deinceps, sicut canones Ecclesiastici prohibent, nullus Deo devotam virginem, nullus sub religionis habitu consistentem, sive viduitatis continentiam professam, vel sui proximi generis, aut etiam de cujus ammissione incestiva notam possit subire infamiae, illicito connubio aut vi, aut consensu accipiat conjugem: quia nec verum poterit esse conjugium, quod a majori proposito deducatur ad deterius, & sub falsi nominis copula, incestiva pollutione & fornicationis immunditia perpetratur: hoc vero nefas, si agere amodo cujuslibet gentis homines sexus utriusque tentaverint. Ecclesiastici canones excipiunt Imperatorum leges quæ connubia hujusmodi prohibuerunt. Deinde illi canones convenientibus Sacerdotum ordini pœnis castigant eos, qui memoratum hic flagitium perpetrant: sed non reddunt personas ad contrahendum inhabiles, quia id pœnæ genus Imperatorum est, non Pontificum, ut multoties vidimus.*

Num. CCCXIV. *Præcipimus ut juxta decreta canonum adulteria & incesta Matrimonia, quæ non sunt legitima, prohibeantur, & Episcoporum judicio emendentur. Imperator qui ex vi & natura potestatis suæ judex est Matrimoniorum quæ sunt illegitima, id est, contra leges inita, horum iudices constituit Episcopos, ut juxta decreta canonum prohibeantur & emendentur.*

Num. CCCXVI. Sciendum est omnibus, quod conjunctio spiritalis commatris maximum peccatum sit, & divorzio separandum, atque capitali sententia multandum, vel peregrinatione perpetua delendum. Justinianæ legi pœnam addit mortis vel exilii.

Ex libro VII. num. CLXXXV. *Ut incestum nullum sibi unquam societ conjugium: quod si contigerit, ab Episcopo loci illius separantur, & publicam septem annorum juxta canonicos gradus agant pœnitentiam.*

Ex eodem libro num. CCCXI. Placuit ut hi qui rapiunt feminas vel furantur aut seducunt, ut eas nullatenus habeant uxores, quamvis eis postmodum conveniat, aut eas dotaverint, vel nuptialiter cum consensu parentum suorum acceperint. Si quis autem uxorem habere voluerit, canonicè & legaliter eam accipiat & non rapiat: qui vero eam rapuerit vel furatus fuerit aut seduxerit, nunquam eam uxorem habeat, sed propinquis suis eam legibus reddat, & in triplo plenum banum dominicum componat, & insuper canonicam pœnitentiam gerat.

Ex eodem libro num. CCCXXXV. Nullus fidelium usque affinitatis lineam, id est, usque in septimam progeniem consanguineam suam ducat uxorem, vel eam quoque modo incesti macula polluat. Si quis vero hoc scienter temerare præsumpserit, si liber est, banum nostrum, id est, LX. solidos, fisco nostro persolvat, & insuper canonicè ut incestus luat, ac publice juxta canonicos gradus pœniteat: si autem servus vel Ecclesiasticus fuerit, publice flagellatur ac decalvetur, & juxta proprii Episcopi jussionem pœnitentiam publice & canonicè gerat. Quod si aliquis, tam liber quam servus aut Ecclesiasticus, vel fiscalium proprio Episcopo, vel suo Sacerdoti aut Archidiacono inobediens vel contumax, sive de hoc, sive de alio quolibet scelere extiterit: omnes res ejus a comite & a missis Episcopi ei contendantur, usque dum Episcopo suo obediat, aut canonicè pœniteat. Quod si nec se ita correxerit, & ad Episcopum & canonicam pœnitentiam venire distulerit, a comite comprehendatur, & in carcerem sub magna ærumna reclusus teneatur, nec rerum suarum potestatem habeat, quousque Episcopus jusserit. Quod si comes vel ejus ministri hac adimplere distulerint, canonicè ab Episcopo vel a suo ministro excommunicetur, & usque dum hæc pleniter adimpleat, semper communionem Catholicorum ca-

reat, usque dum ipsi Episcopo humanius erga eum aliquid agere placuerit. Si vero, quod non optamus, ipse comes, aut de predictis causis, aut de ipsa excommunicatione inobediens aut negligens apparuerit, honore comitatus pariter & communionem careat, usque dum ambo in nostram presentiam veniant, ut nos illum Episcopali auctoritate Imperiali metu ita corrigamus, ut ceteri timorem habeant, ne deinceps talia committere ullatenus audeant. Hic in eos qui Matrimonium in vetitis affinitatis gradibus Imperator quantum sibi sumit potestatis, sive in iis quæ ad suam, sive in iis quæ ad Episcopalem auctoritatem pertinent edicti huius lectio delectat.

Nunc si quis ut eleuet auctoritatem rerum, quas a Catolo Magno decretas obijcimus, Imperatorem hunc in nonnullis modum excessisse dicat: illi non ego, sed Gallicanæ Synodi quatuor respondebunt, Arelatensis, Moguntiacæ, Turonensis & Cabilonensis, quæ omnes anno DCCCXIII. celebratæ sunt.

Arelatensis ad calcem canone xxvi. Hæc igitur, inquit, sub brevitate, quæ emendatione digna perspeximus, quam brevissime adnotavimus, & Domino Imperatori presentanda decrevimus, poscentes ejus clementiam, ut si quid hic minus est, ejus prudentia suppleatur; si quid secus quam se ratio habet, ejus judicio emendetur; si quid rationabiliter taxatum est, ejus adjutorio divina opitulante clementia perficiatur.

Inter canones undecimus est ejusmodi: De incestis conjunctionibus, sicut a sanctis Patribus institutum est, nihil prorsus veniæ reservamus, nisi cum adulterium separatione sanaverint: incestos vero nullo conjugii nomine deputandos, quos etiam designare funestum est, hos esse censuimus. Si quis relictam fratris, quæ pene ejus soror existerat, carnali conjunctione violaverit; si quis fratris germanam uxorem acceperit; si quis novercam duxerit; si quis consobrina suæ se societ; si quis relicta, vel filia avunculi miscetur, aut patris filia, vel privigna suæ concubitu polluat, vel si quid est hujusmodi, quod & hic adnotare longum est, & in exitu barathrum negligentem quemlibet immergit. Hæc ex memoratis supra Imperatorum legibus deprompta sunt.

Moguntiacæ in præfatione ad Carolum Imperatorem: De-

*his omnibus valde indigemus vestro adjutorio atque sana doctrina, qua & nos jugiter admoneat, atque clementer erudiat, quatenus ea, quæ paucis subter perstrinximus capitulis, a vestra auctoritate firmentur. Si tamen vestra pietas ita dignum esse judicaverit, & quidquid in eis emendatione dignum reperitur, vestra magnifica & imperialis dignitas jubeat emendare, ut ita emendata nobis omnibus & cuncta Christiana plebi ac posteris nostris proficiant ad vitam, salutem, & ad gloriam sempiternam, vobisque inde merces, honor & laus & benedictio ac beatitudo permaneat in omnes æternitates sæculi.*

Turonensis in præfatione : Diffinitum itaque de locis & tempore, quando & ubi condunari fuerit opus, & quod a tanto Principe nobis injunctum est, ad statuta loca convenimus : siquidem in urbe Turonis congregati Episcopi, Abbates & venerabilis Clerus pro parvitate nostra, quæ ad tantum opus pertinent, animadvertimus, & quæ secundum canonicam regulam emendatione indigent, districte per capitula adnotamus serenissimo Imperatori nostro ostendenda. Deinde post canonem l. i. subjicit : *Hæc nos in conventu nostro ita ventilavimus : sed quomodo deinceps piissimo Principi nostro de his agendum placebit, nos fideles ejus famuli libenti animo ad nutum & voluntatem ejus parati sumus.*

Cabilonenfis in præfatione ad eundem Imperatorem : *Quædam capitula, quæ subter inserta sunt, eidem Domino Imperatori presentanda, & ad ejus sacratissimum judicium referenda adnotavimus, quatenus ejus prudenti examine ea quæ rationabiliter decreverimus, confirmantur : sic ubi minus aliquid egimus, illius sapientia suppleatur. Deinde post lxxvi. canonem subnectit. Hæc itaque pauca de pluribus, quæ necessaria perpeximus cum magna brevitate, Domini Imperatoris prudenti judicio presentanda adnotavimus.*

Hæc autem quæ ex Gallicanis Synodis quatuor retulimus, non modicam habent levationem ægritudinum, quas difficiles quidam ac morosi homines possent ex Caroli Capitulis accipere ; & sane non auro contra charum emerim insperatum, nec opinatum id genus levationis, quod ab hominibus minime suspectis offertur, ab omnibus nempe Conciliorum Arelatensis, Moguntiaci, Turonensis & Cabilonenfis Anti-

REGIA IN MATRIMONIUM POTESTAS. 335  
stitibus : id quoque ab iis liberalitate summa, æquitate pari,  
& constantia non minore oblatum exhibuimus.

---

#### CAPUT IV.

*Contracti inter Balduinum Comitem & Judith viduam  
Caroli Calvi filiam Matrimonii historia refertur, &  
inde regia in Matrimonium potestas asseritur.*

**H**IC facienda nobis incumbunt duo. Unum contracti  
inter Balduinum & Judith conjugii historiam ex suis  
auctoribus referre. Alterum ex hac historia regiam in Matrimo-  
nium potestatem declarare. Conjugii historiam dabunt  
Carolus Calvus, Flodoardus, Nicolaus Papa & Hinemarus.  
Carolus quidem in Capitulis Capitul. xxx. cap. v. Flodoar-  
dus lib. 111. hist. Remensis cap. x11. Nicolaus in tribus epi-  
stolis, quarum vna ad Synodi Silvanectensis Episcopos, duæ  
aliæ ad Carolum mittuntur. Hinemarus in epistola ad Ni-  
colaum loco apud Flodoardum citato. Carolum igitur &  
Flodoardum audiamus; deinde tres Nicolai epistolas, tum  
Hinemari epistolam expendemus, ex quibus omnibus illius  
conjugii historia constabit.

*Filiam nostram, inquit Carolus, Judith viduam secundum le-  
ges divinas & mundanas sub tuitione Ecclesiastica, & regio mun-  
deburdo constitutam, Balduinus sibi furatus est in uxorem, quem  
post legale judicium Episcopi regni nostri excommunicaverunt, se-  
cundum sacros canones & definitionem sancti Gregorii Papa, qui  
dicit: Si quis viduam furatus fuerit in uxorem, & consentientes  
ei, anathema sit. Qua verbis & literis nos & Episcopi regni nostri  
nepoti nostro Lotario innotuimus. Nos etiam, sicut scitis, consilio  
& consensu fidelium nostrorum communiter confirmavimus, ut ne-  
mo nostrum hujusmodi hominem in regno suo recipiat, neque im-  
morari permittat; sed ad rectam rationem reddendam, & ad pæ-  
nitentiam agendam, sicut statutum est, illum redire cogat. Hæc  
Carolus.*

*De conjunctione*, inquit Flodoardus, *Balduini Comitis & Judith indebita, quæ scilicet Judith Caroli Regis filia Edinulpho Regi Anglorum, qui & Edeboldus, dudum fuerat in Matrimonium copulata, & Regine decore ac benedictione insignita, post eius obitum venditis, quas in Anglorum obtinuerat regno, possessionibus, ad patrem revertitur quæ sub regali tutela decernitur; sed illa Balduinum Comitem, ipso lenocinante, & fratre suo Ludovico consentiente, secuta est. Unde Rex Carolus Episcopos ac ceteros regni Primates consulens post mundana legis iudicium canonicam in jam dictum Balduinum & Judith secundum edicta beati Gregorii depromi sententiam facit. Apud Carolum & Flodoardum duobus Balduini contra duo genera legum peccatis, dux quoque iudicium sententiæ respondent. Balduinus imprimis peccaverat adversus leges civiles, quibus, ne vidua rapiatur, aut citra parentum voluntatem nubat, interdicatur. Deinde peccaverat contra sacros canones, quibus civiles leges anathemate communiuntur, ut interim omittamus regiam & Ecclesiasticam tuitionem, cui vidux peculiariter conceduntur: quod utrumque Balduini scelus graviter auxerat. Quia vero civiles illæ leges sacros anteverterant canones, prima sententia lata est ab sæculi iudicibus, eaque Ecclesiasticam antecessit. Balduinum, inquit Carolus, post legale iudicium Episcopi regni nostri excommunicaverunt. Legale seu civile iudicium Matrimonii contractum & impedimentum dirimens respicit; Ecclesiasticum vero canonum violationem vlciscitur, quibus, ne sæculi leges infringentur, cautum erat sub anathematis pœna.*

Quorsum vero Galliarum Præsules propter Sacramenti rationem, iudicium de civili Matrimonii contractu non revocarunt ad se? Quorsum Ecclesiasticæ libertatis assertores usurpatam a laicis hominibus jurisdictionem non conquesti sunt? Intelligebant sane viri prudentes, & nobis sacrorum rituum multo peritiores, Sacramenti rationem, quæ civili Matrimonii contractui succrevit, ad illum contractum seu constituendum, seu rescindendum nihil quidquam conducere, sed ad utrumque civiles leges satis esse. Quod Gregorius I I. cum videret, viduarum raptores, id est, qui civilibus hac in parte legibus



legibus vim intulerant, fidelium cœtu & communione summovendos decrevit. Tunc Magistratus civilis & Ecclesiasticus suos quisque agnovit potestatis fines, agnitosque retulit ad publicam regni salutem.

Sed reliquam ex Nicolao Papa persequamur historiam. Sic igitur ille scribit in epistola IX. ad Carolum Calvum: *Idcirco ad beatissima sanctorum Apostolorum Principum confugere limina, nostrumque pontificium Balduinus vassallus vester ardenti animo accedere studuit, qui vestram se habere indignationem, eo quod Judith filiam vestram illum præ ceteris diligentem sine vestra voluntatis consensu in conjugium elegerit, eamque volentem acceperit, ore proprio retulit.* Deinde in epistola XXI. ad Synodi Silvanectensis Episcopos: *Ceterum de quo jam tam multa scripsistis, sciat beatitudo vestra, non nos regulas & sancta decreta velle corrumpere. Sed quia ad limina Apostolorum veniens a nobis se petiit adjuvari, quanquam nossimus, quod filius noster Carolus gloriosus Rex legaliter posset ei, si vellet, & filiam suam in uxorem dimittere, & misericordia sua gratiam impetrari: tamen non iussa misimus, sed preces obtulimus.* Tum in epistola XXIII. ad Carolum: *Interea noverit dilectio vestra, Balduinum, unde nobis intimastis, qui natam vestram sibi furto contra fas sociavit, quem ideo venerandi Prasules Ecclesiam in regno vestro gubernantes vinculis anathematis obligarunt, ad limina Apostolorum accessisse, ut a vinculis solveretur, atque per nos gratiam inveniret, Sedem adiisse Apostolicam. Nos autem non solum eum a vinculis minime absolvimus, aut in communione nostra recepimus: sed potius tam presumptuosam temeritatem detestati sumus. Verum quoniam ad divina se præsidia contulit, amatorumque Petri & Pauli Apostolorum Principum sibi expetiis affore subsidia, non potuimus omittere, quominus vestram gratiam perciperet apud piam excellentiam vestram interveniremus. Verum vestram in omnibus præ oculis habentes dilectionem, quamquam sciamus, & filiam vestram, si libet, posse vos ei legaliter in uxorem dimittere, & pietatis vestre gratiam impetrari: tamen non iussa misimus, sed preces obtulimus.*

Quinque observatu digna Nicolaus suggerit in epistolis. Unum, quod Balduinus sine Caroli Regis consensu Judith

in conjugium elegerit, eamque sibi furto contra fas sociaverit. Alterum, quod Balduinus Judith volentem in vxorem acceperit. Tertium, quod legaliter possit Rex Balduino Judith in vxorem dimittere, eique misericordix sux gratiam impertiri. Quartum, quod excommunicatum ab Episcopis Gallix Balduinum in suam admittere noluerit communionem. Quintum, quod Nicolaus Carolo non iussa, sed preces obtulerit pro Balduino.

Ex prima observatione constat, Balduinum in leges civiles, quæ raptum prohibent, peccasse: idem enim est hoc loco Judith Regis filiam sine consensu Regis elegisse in conjugium, ac eandem sibi furto contra fas junxisse. At sibi contra fas & furto junxisse feminam, quid aliud est, quam raptus civilium legum repagulis vxorem duxisse?

Ex secunda manifestum est, nomen & crimen raptus non in eo tantum quod aliqua mulier nolens rapiatur & invita, sed & in defectu consensus eorum, quorum interest ex jure, consistere. Cur enim alias Balduinus, qui Judith volentem in vxorem acceperat, raptus & furti accusaretur? Quo fit, ut Judith raptus in defectu regii consensus omnino fundetur.

Ex tertia supponi a Pontifice liquet, ex voluntate Regis pendere, ut Balduinus Judith retineret in vxorem, vel non retineret. Rex enim si possit Judith Balduino in vxorem dimittere, eique hanc impertiri gratiam, poterit etiam non dimittere, eique hanc gratiam denegare. quo in casu non esset amplius Matrimonium, sed duorum male sociatorum contubernium. Recte veto Pontifex dicit, Carolum posse legaliter Balduino Judith in vxorem dimittere, cum possit legum auctoritatem remittere, & quæ defuit, celebrandi Matrimonii licentiam indulgere.

Ex quarta colligitur laudabile Pontificis in tetinenda Ecclesix disciplina studium. Siquidem Balduinum, quem juste abstentum noverat, in suam communionem recipere noluit. Sed cur Balduinus ab Episcopis Gallix excommunicatus fuit, nisi quod civiles leges Gregorii II. anathemate communitas violaverat?

Ex quinta inferitur, Carolum iustissima de causa infernum fuisse Balduino, quod pro eo Nicolaus Papa non iussa, sed preces tantum Regi obtulerit.

Verum hæc ferme omnia, quæ ex epistolis Nicolai Papæ observavimus, confirmat Hincmarus in epistola ad Nicolaum, loco apud Flodoardum citato: *Ad cuius instar Apostolorum Vicarius, ad quorum limina confugerunt, & Catholica atque Apostolica Ecclesia summus Pontifex, quod in hominem Regem, & in leges sæculi peccatum est, perdonari petiisti, ut quod in Regem calicis & terre, & in leges caelestis regni offensum erat, haberent inducias per penitentiam abolendi.* Peccavit ergo Balduinus & in Regem & in sæculi leges, quibus prohibetur raptus. Peccavit quoque in canones, quibus qui contra civiles leges faciunt, Ecclesiastica communione privantur. Sed Hincmarus speciatim dicit a Balduino peccatum esse in hominem Regem: quoniam multo gravior est offensæ in hominem, quam Rex, quam qua pater est; quippe major est Regis in subditos, quam patris in filios potestas. Filii paterno jure liberari possunt aliquando; subditi regio nunquam possunt, si subditi remaneant: homo, qua pater, nullam legem Matrimonium dirimentem statuere potest; homo, qua Rex, legem Matrimonium dirimentem statuere potest.

Verumenimvero Rex postea Nicolai precibus victus, ut Judith nuberet Balduino, concessit, quemadmodum testatur in eadem epist. Hincmarus: *Balduinus & Judith juralegem secularium, quæ elegerunt, exequi studuerunt. Dominus enim noster Rex filius vester huic desponsationi & conjunctioni interesse non voluit; sed missis publicæ rei ministris, sicut promisit, secundum leges eos uxoria conjunctione ad invicem copulari permisit, & honores Balduino pro vestra solammodo petitione donavit.* Ecce tandem instauratum denuo conjugium juxta leges sæculi, & receptam de obtinendo eorum, quorum interest, assensu consuetudinem. Quorsum vero his in omnibus Pontifex aut Episcopi non sibi vindicant de valore contractus Matrimonii judicium? Quorsum id legibus sæculi, & earum assertoribus permittit? Noverat sine dubio Pontifex, noverant Episcopi Galliarum, Christum Principibus reliquisse auctoritatem ordinandi Ma-

trimonium, quod cum legitimum, hoc est, ad optimum legum amissum foret, tum demum ad Sacramenti conditionem evheretur.

Hæc de Balduini & Judith conjugii historia, quam neque ex Halliano, neque ex Gillio, neque ex Belleforesto, vel aliis recentioribus historicis, sed ex quatuor hominibus oculatis testibus confecimus.

## CAPUT V.

*Alia exempla pro regio in Matrimonium jure ex Nicolai Papæ epistolis eruuntur.*

**D**E epistolis Nicolai Papæ, quas superiori capite laudavimus, alia duo conjugiorum id genus exempla deduximus. Et primum quidem ex epistola ad Carolum nona: *Sanctorum, inquit, Apostolorum Petri & Pauli auxilium ipse Balduinus magis, quam Regum fide quæsit, nostræque dilectione, quam vos luculenter habere agnoscimus, jam dicto Balduino, quia & tale jam olim aliis evenisse Regibus scitur, indulgentiam pariter & plenariam gratiam largiamini, ut vestre amplitudinis benignitate fretus consistat, maneatque inter ceteros vobis fideles securus.* A Rege Nicolaus postulat, ut quam aliis in pari causa superiores Reges impertierant, eam ipse Balduino gratiam impertiret: vno verbo, ut sicut alii Reges in civilibus legibus, quæ de Matrimonio latæ sunt, dispensaverant, seu potius veniam fecerant, sic & ipse Carolus cum Balduino sese gereret. Qui ergo infractæ legis veniam concedit, aut legis auctor est, vel auctori legis in pleno parve jure succedit.

Alterum exemplum idem Nicolaus suppeditat in epistola **xxiii.** ad Carolum: *Non plane immemor, inquit, quod ante aliquot annos quidam, qui in hujusmodi noxam incurrerat, memoriam & sedem adiisset celestis clavigeri, ejusque Vicarii interventu apud pie memorie Imperatorem non perditâ conjuge plenissimam indulgentiam simul & gratiam percepisset.* Quibus sup-

ponit Pontifex, hominem illum, de quo sumit exemplum, perditurum esse conjugem, nisi solutis legum vinculis indulgentiam apud Imperatorem nactus esset. Quod ergo conjugem non amiserit, qui poterat amittere, ex beneficio Principis, non ex iustitia processit.

Deinde cum Pontificem aptissima suum ad negotium exempla producere credendum sit: inde sequitur, illum optime novisse regiam in Matrimonium potestatem, & dudum legitime receptam de obtinendo Regis consensu in contrahendis procerum conjugii consuetudinem. Alioquin is non fuit Nicolaus, qui in vindicandis Ecclesiæ Sacramentis & causis solas preces adhiberet. Testatur hoc in Gallia Rothadi Episcopi suam in sedem restitutio; testantur minaces ad Carolum nostrum ea de re literæ; testatur attentatum a Lothario divortium. Constantissimum ergo debuit esse Caroli Regis jus in subditorum Matrimonium, in quo tam studiose tractando Pontifex solas preces adhibuit. Verum quid in Matrimonium possint Principes, Nicolaus ipse docet prima parte tractatus nostri art. 1. cap. XII.

## CAPUT VI.

*Caroli Calvi pro regio in Matrimonium jure edictum refertur.*

EST inter capitula Caroli Calvi capitulum xxx. quod inscribitur, *Quando H Lotarius ad osculum receptus est.* In eo varia tractantur negotia, quæ ad publicam regni administrationem pertinent: pertinere vero Matrimonium nemo dubitat, de quo sic statuitur num. xxxi. *Si autem de istis partibus (Galliæ) in illis partibus (Nortmannorum) femina maritum, aut maritus feminam accepit, illud conjugium, quia non est legale neque legitimum, sicut Leo in suis decretis, & sanctus Gregorius in suis epistolis monstrant, dissolvatur; & cujus fuerit vir vel femina, mancipium suum quaque potestas recipiat, & sue po-*

### 342 REGIA IN MATRIMONIUM POTESTAS.

*testatis homini conjungere faciat; & si infantes inde nati sunt, secundum legem & antiquam consuetudinem nostram infantes matrem sequuntur. In illis autem regionibus, quæ legem Romanam sequuntur, secundum eandem legem fieri exinde decrevimus. Ut conjugium dicitur legale ac legitimum, quod secundum leges a Principibus latas contrahitur; sic & conjugium dicitur non legale nec legitimum, quod adversus easdem leges contrahitur, & hoc ipsum est quod Carolus Calvus in se recipit: Ludovicus Balbus obiit, duos filios relinquens, id est, Ludovicum & Carlomanum ex puella nomine Aufgard, interdicta a Carolo patre suo, quia sine consilio suo uxoravit eam; pater sibi uxorem Adelbeis conjunxit, quæ post mortem viri genuit filium, avi nomine, id est, Carolum. Sic Reges violatas de non contrahendo, insciis parentibus, Matrimonio civiles leges perpetuofunt viti, & contracta liberorum Matrimonia dissolverunt. Et quamvis tunc Matrimonium non minus quam hodie Sacramentum esset: id tamen non movit sacerdotalem ordinem, ut de usurpata a Principibus jurisdictione conquereretur.*

Porro civiles illæ leges, quarum violationem viciſcebantur nostri Principes, novæ non erant, sed antiquæ, & antiqua traditione confirmatæ.

In Digestorum libro XXI. tit. II. de ritu nuptiarum, L. X. *Si ita pater absit ut ignoretur ubi sit, & an sit, quid faciendum est, merito dubitatur; & si triennium effluxerit postquam apertissime fuerit pater ignotus, ubi degit, & an superstes sit, non prohibentur liberi ejus utriusque sexus Matrimonium vel nuptias legitimas contrahere.*

Iterum L. XI. *Si filius ejus, quæ apud hostes est, vel absit, ante triennium captivitatis vel absentie patris uxorem duxerit, vel si filia nupserit, puto recte Matrimonium vel nuptias contrahi, dummodo eam filius ducat uxorem, vel filia tali nubat, cujus conditionem certum sit patrem non repudiatum. Utraque lege quam necessarius sit ad liberorum Matrimonium consensus parentum luculenter apparet. Ubi sunt exceptiones, ibi regulæ firman-  
tur in contrarium.*

Iterum in Justiniani cod. libro V. tit. IV. de nuptiis, L. XXI. *Nec filium quidem familias invitum ad uxorem ducendam*

*cogi, legum disciplina permittit: igitur, sicut desideras, observatis juris preceptis, sociare conjugio tuo quam volueris, non impedieris: ita tamen, ut contrahendis nuptiis patris tui consensus accedat.*

Postremo in Institutionum libri i. tit. x. de nuptiis: *Iustas autem nuptias inter se cives Romani contrahunt, qui secundum precepta legum coeunt: masculi quidem puberes; femina vero viripotentes, siue patresfamilias sint, siue filiofamilias: dum tamen, si filiofamilias sint, consensum habeant parentum, quorum in potestate sunt. Nam hoc fieri debere, & civilis & naturalis ratio suadet: in tantum ut iussum parentis precedere debeat.* His autem legibus quatuor filiofamilias redduntur ad contrahendum Matrimonium usque inhabiles, dum parentum consensus accedat, nisi quibus in eventis ponuntur exceptiones.

Tertullianus ad vetustiores leges respectum habet duobus in locis. Unus est in libri ad uxorem secundi capite i x. *Unde sufficiam ad enuntiandam felicitatem ejus Matrimonii, quod Ecclesia conciliat, & confirmat oblatio, & obsecat benedictio, renuntians angeli, pater ratum habet. Nam nec in terris filii sine consensu patrum rite & jure nubunt. Iure quidem ait, quia id civiles leges statuunt.* Alter est in libri de velandis virginibus capite xi. *De ceteris vero, id est, quae desponsatae non sunt, viderit parentum procrastinatio ex angustiis & scrupulositate descendens.*

Basilii Magni Tertullianum sequitur in can. xlii. *Quae sine his, qui potestatem habent, sunt Matrimonia, sunt fornicationes: neque ergo vivente patre nec domino ii qui conveniunt, sunt ab accusatione liberi, donec conjugio domini annuerint; tunc enim accipit firmitatem conjugium.*

Ambrosius Basilium sequitur in epistola lxxii. ad Cynegium: *Quam ingenuo te commendasti pudore, quia de eo consuleres, quod non probares; sed morem gereres parenti, ut pietatem non laderes, securus quod non aliud a me posset referri, nisi quod sanctas deceret necessitudines. Ego vero libenter tua in me onera suscepi, & avo neptem, ut opinor, refudi, quam nescio plane qua opinione nuntum sibi fieri desiderabat, ut avum socero mutaret. Plura non opus est, ne hoc quoque accedat ad verecundiam.*

Carthaginense Concilium IV. in can. xlii. *Sponsus &*

*sponsa cum benedicendi sunt, a parentibus suis vel paranympis offerantur.*

Aurelianense Concilium IV. antiquas leges illas sic exequitur in can. xxi. & severitate excommunicationis corroborat: *Ut nullus per imperium potestatis filiam competere audeat alienam, ne conjugium, quod contra parentum voluntatem impie copulatur, velut captivitas judicetur; sed, sicut est prohibitum, non admittatur: si qui perpetraverint, excommunicationis severitas pro modo piaculi imponatur.*

Parisiense Concilium III. can. vi. *Et quia utilium rerum capitis causa tractari, hoc universitas praeavere quoque debet, tam Sacerdotes quam Principes, omnisque populus, ut nullus res alienas competere a Regis audeat potestate. Nullus viduam, neque filiam alterius extra voluntatem parentum aut rapere presumat, aut Regis beneficio asstinet postulandam. Quod si fecerit, similiter ab Ecclesia communione semotus, anathematis damnatione plectatur.*

Toletanum Concilium III. can. x. *Pro consultu castitatis, quod maxime hortamento Concilii proficere debet, annuente domino nostro gloriosissimo Recardo Rege, hoc sanctum affirmas Concilium, ut vidua, quibus placuerit tenere castitatem, nulla vi ad nuptias iterandas venire cogantur: quod si priusquam prostentur continentiam, nubere elegerint, illis nubant, quos propria voluntate elegerint habere maritos. Similis conditio & de virginibus habeatur, ne citra voluntatem parentum, vel suam cogantur maritos accipere. Si quis vero propositum castitatis vidua vel virginis impedierit, a sancta communione, & a liminibus Ecclesia habeatur extraneus.*





## CAPUT VII.

*Exemplum pro regio in Matrimonium jure ex Ludovico Balbo quasitum refertur.*

**Q**UOD exemplum ex Ludovico Balbo quasitum referimus, traditur a Reginone lib. 11. Chronici ann. DCCCLXXXVIII. ubi rem propriis vsurpata oculis describit. *Habuit autem Ludovicus Balbus, (Caroli Calvi filius) cum adhuc juvenilis atatis flore polleret, quandam puellam nobilem, nomine Ansgard, sibi conjugii fœdere copulatam, ex qua duos suscepit filios elegantioris forma ac ingentis animi virtute præstantes; horum unus Ludovicus, alter Carolomannus vocabatur. Sed quia hanc sine genitoris conscientia & voluntatis consensu suis amplexibus sociaverat, ab ipso patre ei postmodum interdicta, & interposito jurisjurandi sacramento ab ejus consortio in perpetuum separata: tradita est autem ei ab eodem patre Adelheidis in Matrimonium, quam gravidam ex se reliquit. Idem propemodum refert Marianus Scorus lib. 111. Chronici anno DCCC-LXXXVIII.*

Cur autem a quibusdam historicis Sigeberto & aliis Ansgarde concubina, Adelheidis vxor vocetur, alia ratio nulla est, nisi quod Matrimonium Ludovici cum Ansgarde de facto, non de jure contractum esset. Quo fit etiam, vt quia Ansgarde apparebat legitima, nonnunquam vxor appellata fuerit, vt auctor est Hincmarus in edito apud Flodoardum de duabus Ludovici filii Caroli vxoribus opusculo.

Ceterum Adelheidis exiit puerum, cui nomen avi imposuit, eumque Carolum vocitari fecit, vt scribit Regino ad eundem annum. Hic autem Carolus Simplex postea dictus, solus legitimus fuit: Ludovicus vero & Carolomannus spurii, cum initum Ludovici Balbi cum Ansgarde connubium nullum fuisset. Quod & ipse Ludovicus Balbus agnovit, vbi relicta Ansgarde, Adelheidem in vxorem accepit. Quocirca æquales

historici, prætermisſis Ludovico & Carolomanno, Carolum  
 Simplicem faciunt vnicum Ludovici Balbi heredem. Ado  
 Viennensis, *Ludovicus quoque filius*, inquit, *Caroli, Carolum,*  
*qui dictus est Simplex, heredem regni puerum dimiſit.* Ademarus,  
*Defuncto*, inquit, *Rege Ludovico, regnavit pro eo filius ejus, Ca-*  
*rolus cognomento Inſipiens vel minor.* Fragmentum Hiſtoriz  
 Francicæ apud Petrum Pithæum: *Ludovicus poſt adminiſtra-*  
*tum biennio regnum anno ab incarnatione Domini DCC-*  
*LXXVIII. diem obiit ultimum, relinquens filium in cunis no-*  
*mine Carolum, qui poſtea Simplex cognominatus eſt.* Hinc Lu-  
 dovicus & Carolomannus cum hereditario jure regnare ſe  
 non poſſe cernerent, ad regnandum eligi ſe curarunt. Qua  
 de re ſic apud Flodoardum lib. III. hiſt. Remenſis cap. XIX.  
*Hincmarus ad filios quoque ipſius defuncti Regiſ (Ludovici Bal-*  
*bi) Ludovicum & Carlomannum pro electione canonica Torna-*  
*cenſis & Noviomenſis obtinenda poſt obitum Ragenelmi Epilcopi.*  
*Item pro electione jam facta, quam indigne tulerant ab ipſo Ar-*  
*chiepiſcopo fuiſſe diſpoſitam. Item pro eadem re, oſtendens qualiter*  
*in electione ipſorum conſenſerit, quando electi ſunt ad regni prin-*  
*cipatum, & qua ab eis pro hac electione mandata perceperit.* Huic  
 electioni fidem quoque facit manuſcriptum ſancti Dionyſii  
 chronicum apud Belleforeſtum, ubi memoriæ proditur, Lu-  
 dovicum & Carolomannum fratris ſui Caroli deſenſionem  
 ac tutelam ſuſcepſiſſe, ut obſiſterent Boſoni, qui eoſdem Lu-  
 dovicum & Carolomannum aſſerens eſſe ſpurios, conabatur  
 regnum invadere, atque ut ſatiſfacerent Galliz optimatibus,  
 qui inter hujus temporis turbas cœperant oculos in verum  
 regni heredem conjicere, quem nolebant hereditate fraudare.  
 Quare Ludovicus & Carolomannus non tam Reges quam  
 Regentes, ut loquuntur, ſeu Caroli tutores fuere. Et licet  
 vincti fuerint, nihil omnino prodeſt, cum & Odo vinctus fue-  
 rit, qui ejuſdem Caroli tutor fuit. Utrumque teſtatur Ai-  
 moini continuator. *Carolus qui Simplex poſtea dictus eſt, in cu-*  
*nis avum agens, patre orbatus remanſit, cujus ætatem Francie*  
*primores incongruam, ut erat, exercende dominationi arbitrari,*  
*maxime cum jam recidiſſi Norimannorum nuntiarentur motus,*  
*& Hugone Abbate jam defuncto non eſſet qui eorum furori obſi-*

steret, consilium de summis ineunt rebus. Supererant duo filii, Roberti Andegavensis Comitis. (qui fuit Saxonici generis vir) Senior ex his Odo dicebatur. Robertus alter patrem nomine referens; sed ex his majorem natu Odonem Franci, Burgundiones, Aquitanensesque proceres congregati in unum, licet reluctanter, tutorem Caroli pueri regnique, elegere gubernatorem, quem vixit Gaucherius Episcopus Senonum, qui mente benignus, & reipublice hostes arcendo strenue præsuit, parvulum fovit, etque semper exitis fidelis: quo obeunte recepit regnum Carolus puer, qui vocabatur Simplex, filius Ludovici. Francos etiam Carolo Crasso regni tuitionem commisisse, minorenni adhuc Carolo Simplice, testatur Flodoardus lib. i v. hist. cap. v. Totius itaque regni curam agens idem Dominus Archiepiscopus Fulco literas dirigit Carolo Regis Ludovici Transihenensis filio pro tutela & defensione Francorum regni, quod in his partibus a Normannis multipliciter opprimebatur.

Quin autem mortuo Ludovico Balbo, magna in Galliis acciderit rerum perturbatio, negari non potest. Id enim Sigebertus in chronico testatur; sed negari quoque non potest; quin contractum a Ludovico Balbo cum Ansgarde Matrimonium Franci judicant ut invalidum, prognatosque ex eo Ludovicum & Carolomannum tanquam spurios habuerint, sive cum eis tuitionem regni commiserunt, sive cum eos ad regnandum elegerunt, non vera & legitima successione, sed electione sola regnare posse arbitrati, quod genus electionis locum habere pridem desuit.

## CAPUT VIII.

*Quædam in causis impedimentisque Matrimonii constitutionum Caroli Calvi Capitula recensentur.*

CAROLVM Magnum excipit Carolus Calvus in capitulis, & primum quidem in edicto Pistensi num. xxxi. si de istis partibus in illis partibus femina maritum, aut maritus fe-

## 348 REGIA IN MATRIMONIUM POTESTAS.

*minam accepit, illud conjugium, quia non est legale, neque legitimum, sicut Leo in suis decretis, & sanctus Gregorius in suis epistolis monstrant, dissolvatur, & cujus fuerit vir vel femina, maritimum suum quoque potestas recipiat, & sua potestatis homini conjugere faciat; & si infantes inde nati sunt, secundum legem & antiquam consuetudinem nostram infantes matrem sequantur: in illis autem regionibus qua legem Romanam sequuntur, secundum eandem legem fieri exinde decrevimus. Hic Carolus lata lege sub poena rescissionis præcipit, ne Franci cum Nortmannis conjugio jungerentur. Quod impedimenti dirimentis genus ad cultus disparitatem referri potest, cum tunc temporis Nortmanni Christianam nondum suscepissent fidem.*

*Idem Carolus in capitulo apud Carisiacum anno DCCC. LXXVII. cap. VI. edixit: Ne si ipse moreretur, filia inconsulta matre nuberet de filiabus nostris, cum quo honore secundum Dei voluntatem, & quali salvamento aut adjutorio consistere debeant. Quod etiam parvule nostræ filie datum habemus, aut deinceps dederimus, cum quali securitate tenere possit. Et si Deuseam ad perfectam aetatem pervenire donaveris, in matris suæ sit potestate, & a nullo contra ipsius voluntatem, vel marito tribuatur, vel sacrum ei velamen imponatur. Capitulum istud Carolus Calvus edidit, non qua pater, sed qua Rex, vel Imperator, ne quis nobiscum tricaret. Sola enim patris potestas, ut in reliquis hominibus, sic in Rege ferendis legibus par esse non potest, quamvis debita parentibus reverentia & debitus honos idoneum sit sancienda legis argumentum. Sed legistatorem opus est, cuiusmodi non est homo, qua parens, sed qua Princeps. Qui perspectos patriæ potestatis fines non haberet, istud ab Innocentio III. doceretur in cap. Per venerabilem. Insuper cum Rex superiorem in temporalibus minime recognoscat, sine juris alterius læsione in eo se jurisdictioni nostræ subicere potuit, in quo videretur aliquibus, quod per seipsum non tanquam pater cum filiis, sed tanquam Princeps cum subditis potuit dispensare. Quemadmodum ergo Rex, ut patet illegitimos filios non potest natalibus restituere, sed ut Princeps; sic & filia, ne sub poena dirimendi Matrimonii contrahat inconsulta matre, non tanquam pater, sed tanquam Princeps, Carolus interdixit.*

## CAPUT IX.

*ius regum in impedimentis Matrimonium dirimentibus  
& divortii, a Concilio Episcoporum Gallia  
agnoscitur.*

**H**OC capite nobis efficiendum est, ut quam Reges in Matrimonia potestatem exercuerint, hanc eandem Gallicani Præfules in suis Synodis agnoscant.


In Concilio Moguntiaco quod anno DCCCLIII. habitum est, can. LVII. Si quis viduam uxorem duxerit, & postea cum filiastra suo fornicatus fuerit, seu duabus sororibus nupsert, aut si quoad unum fratribus nupsert, seu cum patre & filio, tales copulationes anathematizari, nec unquam amplius conjugio sub magna distictione copulari. Hæc ex capitulatibus, quæ suis canonibus Concilium inserit, sed hæc quæ reipsa sunt juris civilis, & id genus alia effecerunt, ut Concilium Imperatorem sic alloqueretur in præfatione: De his tamen omnibus valde indigemus vestro adjutorio atque sana doctrina, quæ & nos jugiter admoneat atque clementer erudiat, quatenus ea, quæ paucis subter perstrinximus capitulis, a vestra auctoritate firmentur: si tamen vestra pietas ita dignum esse judicaverit, & quidquid in eâ emendatione dignum reperitur, vestra magnifica Imperialis dignitas jubeat emendare, ut ita emendata nobis omnibus & cunctæ Christiane plebi ac posteris nostris proficiant ad vitam & salutem. Ingenua Præfulum confessio in iis, quæ ad Imperatoriam dignitatem spectare crediderunt.

In Concilio Arelatensi VI. can. XI. De incestis conjunctionibus, sicut a sanctis Patribus institutum est, nihil prorsus venia reservamus, nisi cum adulterium separatione separaverint; incestos vero nullo conjugii nomine deputandos, quos etiam designare funestum est, hos esse censemus: si quis relictam fratris, quæ potius soror prius extiterat, carnali conjunctione violaverit: si quis fratris germanam uxorem acceperit: si quis novercam duxerit: si quis

*consobrina sua se societ; si quis relicta, vel filia avunculi misceatur, aut patris filia, aut privigna sua concubitu polluat. Arelatenses Pates canonis Summam ex lib. VII. Capitul. num. CCCXXXVII. deprompserunt, & diversis incestuum conjunctionum generibus amplificaverunt. Quare lex ista ex civili jure deprompta, canonibus Arelatensibus inserta est; & quamvis lex ab Imperatore vim non habuisset antea, ut haberet ab eodem necesse esse consentiunt, sic ad Imperatorem scribentes capite ultimo: Hæc igitur sub brevitate, qua emendatione digna perpeximus, quam brevissime adnotavimus, & Domino Imperatori presentanda decrevimus, poscentes ejus clementiam, ut si quid hic minus est, ejus prudentia suppleatur; si quid scius, quam se ratio habet, ejus judicio emendetur; si quid rationabiliter taxatum est, ejus adjutorio divina opitulante gratia perficiatur. Arelatensis Concilii Pates non ita ad Imperatorem, opinor, scriberent, nisi suis canonibus inesse nonnulla, quæ ad politicam rationem pertinerent, aliis verbis meram suorum canonum executionem postularent. Ad politicam autem rationem quid hic pertineret magis, quam institutio legum, quæ contractum cum tali vel tali persona Matrimonium dirimant? Nunc vero insignem Episcoporum de regio in divortia, vel in affine divortii negotium jure contestationem exhibeamus. Illam offert Hincmarus in opusculo, quod de Lotarii & Tetbergæ Reginæ divortio composuit. Femina quædam, inquit, non ignobilis genere, nomine Northildis, de quibusdam inhonestis inter se & virum suum vocabulo Agembertum ad Imperatorem publice proclamavit, quam Imperator ad Synodum destinavit, ut inde episcopalis auctoritas quid agendum esset, decerneret. Sed Episcoporum generalitas ad laicorum ac conjugatorum eam remisit judicium, ut ipsi inter illam & suam conjugem judicarent, qui de talibus negotiis erant cogniti; & legibus sæculi sufficientissime præditi, eorumque in legalibus judiciis eadem femina se subiceret, & quod de questione sua decrevisset, sine repetitione teneret. Si vero crimen aliquod esset, unde pœnitentia modum post illorum judicium ab episcopali auctoritate deposceret, secundum quod sacri canones prefixerunt, & imponere non negarent: nobilibus antea laicis sacerdotalis discretio placuit, quia de suis con-*

*jugibus eis non tollebatur judicium, nec a sacerdotali ordine inferebatur legibus civilibus præjudicium, & legem proclamationi femina protulerunt, ac legali judicio terminum contulerunt. Causæ istius ordo notetur, & qui civilium atque Ecclesiasticorum judiciorum fines demonstrantur, diligentius observetur. Femina virum suum in judicium coram Imperatore vocat, Imperator feminam ad Synodum Episcoporum mittit, Synodus ad sæculares judices feminam remittit, tum ut laici de suis conjugibus judicent, tum ut laicis de usurpata ab Antistitibus jurisdictione conquerendi tolleretur occasio. Deinde si post laicorum sententiam dignum pœnitentia crimen occurreret, tam femina quam vir ad Episcopos redeant, a quibus tum demum pœnitentiæ modus indicatur. Post tantos finium regundorum arbitros, qui Theologi sæcularium Principum jura nunc imminuunt, nobiscum dicant, placere requiri terminos, quos Hincmarus cum aliis Episcopis pegerit, iisque parete. Ceterum quæ hic scribit Hincmarus, pluries repeto, digna scilicet quæ centies repetantur.*





## ARTICULUS .III.

*Impedimenta & cause ejusdem generis matrimoniales qua ad tertiam Regem Gallia stirpem pertinent, attinguntur.*

## CAPUT I.

*Robertus Rex Gallia contra Theodosii legem ducens uxorem in causa fuit, cur Romanum Concilium regiam in Matrimonium potestatem confirmavit.*

**I**NSCRIPTIO capitis hujus paradoxum quid importat; sed paradoxum illud esse definet, cum res sincere ex duobus Romani Concilii, quod anno DCCCCXCVIII. habitum est, canonibus proponetur: sic igitur se habent canones illi duo: nempe primus.

*Ut Rex Robertus consanguineam suam Bertam, quam contra leges in uxorem duxerat, derelinquat, & septem annorum penitentiam agat, ut secundum præfixos Ecclesiasticos gradus judicatum est: quod si non fecerit, anathema sit. idemque de eadem Berta fieri præceptum est.*

*Secundus. Erchambaldum Turonensem Archiepiscopum talis conjugii consecratorem cum omnibus Episcopis, qui consentientes interfuerunt his incestis nuptiis Regis & Bertha consanguineæ suæ, a sacrosancta communione suspendimus, donec ad hanc Sedem Apostolicam veniant satisfacturi.*

1. In canone primo Robertus Bertam Odonis Comitissæ filiam consanguineam suam ducit in uxorem contra Theodosii legem, qua ne quis tale Matrimonium contrahat, prohibetur. Romanum Concilium, cui Gregorius V. præfuit, decernit,



cernit, ut Rex Bertam dimittat, & ei, sicut & Bertæ, propter admissum crimen annorum septem pœnitentiam imponit, quo pacto Concilium Theodosii legem in tantum exequitur, in quantum exequi potuit: atque ita Robertum & Bertam tractando regiam in Matrimonium potestatem confirmat; & id sane dubitationem nullam habet.

II. In canone I. ut omnis tollatur tergiversandi occasio, Robertus, contra leges, non contra canones in uxorem duxisse Bertam dicitur. Concilii Patres id omne quod in articulo III. capite I. de consanguinitatis impedimento tradimus, pro eruditione sua noverant. Quare mirum non est, si proquitate sua secundum Theodosii legem judicaverunt.

III. Robertus Concilio paruit, & parendo quantum apud Sedem Apostolicam latæ ab Imperatoribus de Matrimonio leges valerent, luculenter ostendit, & privato obsequio suo, quod semper prædicandum est, & nusquam silendum, obsequendi legibus ejusmodi exemplum præbet amplissimum, & æternam illis auctoritatem conciliat. In summa Rex & Sedes Apostolica in eo conveniunt, ut impedimenta Matrimonii dirimentia quæ statuerunt Principes, diligenter observentur.

IV. In canone I. consideranda sunt duo, Matrimonii dissolutio, & annorum septem pœnitentiæ impositio: prius, quia sæculi leges respicit, regis potestati asseritur; posterius, quia peccati vindictam attinet, sacræ Pontificum auctoritati vindicatur: sic utrique foro, quod suum est, Romana Synodus cum attribuat, quis deinceps utriusque fori jura veller confundere ac permiscere?

V. In utroque canone Berta Roberti non commater, sed consanguinea tantum appellatur. Hinc erret necesse est Helgaudus Floriacensis Monachus, cum in vita Roberti Regis ait: *Commaterem & sibi propinquitatis vinculo nexam duxit uxorem, reprehensus ab Abbate Floriacensem a Deo prælecto Abbate, quam sibi male copulaverat, dereliquit. Berta illi nomen fuit. Hic error confirmatur a Leone IX. cum in epistola ad Henricum Regem apud Ivonem in decreti patte I. X. de incestu copulatione cap. VII. ait: Pater tuus Robertus laude & consultu Episcopo-*

*rum regni sui Bertam matrem Odonis Comitis sibi duxit uxorem, ob quam rem quoniam sibi erat carnis affinitate conjuncta, ab antecessore nostro cum Episcopis, qui placito interfuerunt, reprehensi sunt: postea ad Sedem Apostolicam venientes cum satisfactione, sumpta penitentia, redierunt ad propria. Pontifex Bertam non Roberti commatrem, sed carnis duntaxat affinitate confunctam fuisse tradit. Robertus autem illa dimissa duxit Constantiam Willelmi Comitis Arelatensis filiam, ex Blanca sorore Fulconis Comitis Andegavorum.*

*v i. Ex secundo canone manifeste quoque apparet, quanta fuerit Romæ in conservanda Imperatoriarum legum, quæ ad reipublicæ bonum referuntur, auctoritate firmitas & constantia. Turonensis Archiepiscopus incesti Matrimonii consecrator, & consentientes alii Episcopi a communione suspenduntur Ecclesiastica, donec ad Sedem Apostolicam proficiantur, satisfacturi & rationem facti sui reddituri. Cum vero profecti sunt, quam satisfactionem & rationem reddiderint, memoriz, quod sciam, traditum non est: hoc ignorare totum cogimur.*

*v i i. Ex utroque canone manifeste apparet Aquitanicæ historiæ auctorem nescisse quid scriberet, cum hac de re ita scripsit: Idem vero Rex (Robertus) in uxorem sibi assumpsit matrem Odonis Comitis, Bertam nomine, qui eodem tempore puerulus erat. Illa autem commater ejusdem fuerat Regis, idemque Rex filium ipsius de sacro susceperat lavacro: quod agnoscens Papa Gregorius totam Franciam anathemate percussit. Iterum alio in loco, quem Baronius ad annum D C C C C X C V I I I. refert. Dum enim de eodem Rege eadem mulier concepisset, credens se parituram filium, peperit monstrum. quæ res Regem perterrita, & libellum repudii eidem mulieri dare compulsa. quo facto absolvi cum toto suo meruit regno. Quæ de tota Francia anathemate percussa, & de totius regni absolutione dicit, non modo falsa sunt, sed & Gregorio Papæ V. injuriosissima: quasi vero id genus pænæ mereretur Rex Gallia, si cum sua commatre duxisset Matrimonium, id est, Justiniani legem sprevisset? Hoc exponere, & fabulam & injuriam confutare est.*

*Ceterum Bertam non commatrem Roberti, sed consan-*

guineam duntaxat fuisse, Romanum Concilium in utroque canone, & Leo IX. in epistola ad Henticum Regem, nos docent.

VIII. Quæ Petrus Damianus hac de re in epistola ad Delfiderium Cassinensem Abbarem scribit apud Baronium, expenduntur. Verba sunt: *Sape Deus omnipotens terribile exhibet, etiam in hac vita, iudicium, nec tamen miseri homines desinunt iterare peccandum. Nam Robertus Gallorum Rex avus istius Philippi, qui in paterni juris sceptris successit, propinquam sibi copulavit uxorem, ex qua suscepit filium, anserinum per omnia collum & caput habentem: quos etiam virum & uxorem omnes fere Galliarum Episcopi communi simul excommunicaverunt sententia. Cujus sacerdotalis edicti tantus omnem ubique populum terror invasit, ut ab ejus societate universi recederent, nec præter duos servulos ad necessariis victus obsequium illi remanerent: qui tamen & ipsi vasa omnia, in quibus Rex edebat & bibeat, percepto cibo, abominabilia judicantes, pabula ignis exhibebant. His autem Rex coarctatus angustiis ad sanum consilium rediens, divortium fecit, iniitque legale connubium. Hunc textum duas in partes divido. Posterior est quæ sic incipit, quos etiam virum & uxorem, & cetera usque ad finem. Narratione ista nihil est fabulosius, si spectes latam ab universis Galliarum Antistitibus excommunicationem, si spectes quæ excommunicationem hujusmodi consequuntur; nihil ab auctorum æqualium vel supparium testimonio magis vacuum; nihil indignius, quod a sapiente viro literis prodatur. Secundus canon ad fabulam latæ ab universis Galliarum Episcopis excommunicationis configendam sufficeret. Concilium statuit, ut nisi & Bertram dimitteret, & indictam poenitentiam ageret, anathemate percuteretur: non est anathemate percussus, quia Bertram dimisit, & poenitentiam egit, vel de ea modo tunc visitato composuit; quæ vero his non concordant, pura pura sunt cerebriolorum hominum figmenta. Prior pars mirabilem, ut putat auctor, eventum continet. At si verum est quod ibi narratur, Bertram peperisse filium anserinum per omnia collum & caput habentem, illud necesse est alterutro e duobus modis contigisse, deficientis a lege & dispositione sua naturæ errore, vel spe-*

ciali Dei scelerum ultoris voluntate: si posteriori contigit, profecto id habent Imperatores Theodosius & alii, quo de consanguinitatis impedimento Matrimonium dirimente sibi summe gratulentur, Deo edicta sua miraculis comprobante. Si prius contigit, id quoque habent Damianus, & ex eo sapiens Baronius, quo meditata in eventum mirabilem sua recoquant, & monitum priori modo contigisse pugnaciter contendant.

Et sane quo argumenti genere Cardinales duo cupide vtuntur, vt Romani Pontificis supra Reges & regna potestatem assectant, eodem & illam penitus labefactate se viri prudentes non intelligunt. Nam si Romanus Pontifex violationem legis vnus, qua ne quis commattem ducat in uxorem, Iustinianus primum vetuit, & quam sacerdotalis ordo in vsum admisit, vlciscatur, non modo Regem communione privat Ecclesiastica, sed regnum etiam vniuersum interdicto subicit. Quo, quæso, pœnæ genere animadvertisset Regem, si Rex diuina mandata petfregisset omnia, si certo quodam insigni facinote totum corrupisset decalogum? Qui sic agit Pontifex, nonne cum Stoicis & Joviniano putat peccata omnia esse paria, cum omnia pari pœna puniat, vel peccantem aduersus humanas leges hominem perinde castiget, ac si contra diuinas peccatet? Cardinalis Damianus hoc loco id reuocet in memoriam, quod in epistola xii. scribit Alexandro I I. *Præterea duo quædam apud Apostolicam Sedem frequens vsus obtinuit, quæ si prudentia vestra iudicas, vt nobis videtur, omnino digna sunt corrigi. Vnum, quia cunctis fere decretalibus paginis anathema subjungitur: alterum, quia cuiuslibet Ecclesiæ filius, siue clericus sit, siue laicus, exponere proprii excessus Antistitis prohibetur. Quorum primum quam sit salutis immane periculum, & infinite patens vorago labentium, ac perniciës animarum, clementiæ vestre pietas non ignorat. Dicitur enim quisquis hæc vel illa non fecerit, siue certe quisquis hoc quod superius statutum est, irritum duxerit, vel in aliquo violauerit, anathema sit, vbi notandum, quam lubrica, quam præceps subito ruendi illic procuretur occasio, vt ante quis in æternæ mortis barathrum corruat, quam se vel leuiter impegisse recognoscat, & substrata quodammodo tendi-*

cula jam pes ejus innectitur, dum se liberis adhuc incedere gressibus arbitrat. Delinquit itaque quisquis ille est in illud Apostolicę constitutionis edictum, & aliquando levi quadam ac perexigua offensione transgreditur, & continuo velut hereticus & tanquam cunctis criminibus teneatur obnoxius, anathematis sententia condemnatur, & cum distantē iustitia, alia sit ultione plectendus, qui plus delinquit; alia, qui minus excedit: sic graviter leviterque peccantibus, æqua cunctis & indifferens pœna, solius scilicet anathematis, irrogatur. Non tribunalium more, vel forensis examinis, aut libertas ceditur, aut possessio confiscatur, nec pecuniaria multa reus addicitur, sed Deo potius omnium scilicet bonorum auctore privatur. Hanc itaque homo de homine pœnam sumit, quam de sui transgressionē mandati ipse quoque Deus omnipotens non præsūmit. Qui amat, inquit, aut patrem aut matrem plusquam me, non continuo addidit, sit anathematizatus, vel maledictus; sed tantum ait, non est me dignus. Et in lege oculus pro oculo, dens pro dente, percussura pro percussura, adustio pro adustione duntaxat exigitur, nec continuo qui reus est, de synagoga projicitur, vel maledictione damnatur. Non enim secundum Stoicos omnia peccata sunt paria, atque idcirco indifferenti sunt ultione plectenda. sed juxta modum culpę temperanda semper est mensura vindictę. Porro nec beatus Papa Gregorius, vel ceteri Patres, qui diversis temporibus in Apostolicę Sedis regimine floruerunt, hunc morem in suis reperiantur observasse decretis; & vix eorum aliquando statutis anathema subnectitur, nisi cum Catholicę fidei clausula terminatur. Quamobrem si sanctę prudentiæ vestra placet, hunc morem de cetero a decretalibus paginis amoveri precipiat, & vel damni pecunia, vel alterius cujuslibet ultionis calculum in earum transgressionē præfigat, ne quod aliis est ad tuitionis munimenta provisum, aliis ad perniciem perveniat animarum.



## CAPUT II.

*Ufus civilium legum in dirimendis Matrimoniis proponitur,  
ex quo regia in Matrimonium potestas eluces.*

**U**T vero civilium legum usus in dirimendis Matrimoniis proponatur, vnus Ivo Carnotensis sufficiet, qui cum suo tempore communis Ecclesiarum Galliz Magister fuerit, ceterorum testimonia supplebit.

Hæc igitur habet, & primum quidem in decreti parte ix. *Inter quas personas incesta copulatio, inter quas legitima nuptia fiant. Liber 1. Institutionum titulo x.*

Cap. 1. *Inter eas personas, quæ parentum liberorumve locum obtinent, inter se nuptia contrahi non possunt, veluti inter patrem & filiam, vel avum & nepotem, vel matrem & filiam, vel aviam & nepotem, & usque ad infinitum: & si tales persone inter se coierint, nefarias atque incestas nuptias contraxisse dicuntur. Et hæc adco vera sunt, ut quamvis per adoptionem parentum liberorumve loco sibi esse ceperunt, non possint inter se Matrimonio jungi, in tantum, ut etiam dissoluta adoptione idem jus maneat: itaque eam, quæ per adoptionem filia aut neptis esse ceperis, non poteris uxorem ducere, quamvis eam emancipaveris.*

*Inter eas quoque personas quæ ex transverso gradu cognationis junguntur, est quædam similis observatio, sed non tanta. Sane enim inter fratrem sororemque nuptiæ prohibite sunt, siue ab eodem patre eademque matre nati fuerint, siue ex alterutro eorundem. Et si quæ per adoptionem soror tibi esse ceperis, quando in quidem constat adoptio; sanc inter te & eam nuptiæ consistere non possunt, filiam uxorem ducere non licet; sed nec neptem fratris vel sororis ducere quæ potest, quamvis quarto gradu sit. Cujus enim filiam uxorem ducere non licet, ejus neque neptem permittitur; ejus vero mulieris, quam pater tuus adoptavit, filiam, non videris impediri uxorem ducere, quia neque naturali, neque civili lege tibi conjungitur. Duorum autem fratrum sororumve liberi, vel*

fratris & sororis, jungi non possunt.

Item. Amitam, licet adoptivam, uxorem ducere non licet. Item nec materteram, quia parentum loco habentur. Qua ratione verum est, magnam quoque amitam & materteram magnam prohiberi uxorem ducere. Affinitatis quoque veneratione a quarundam nuptiis abstinere necesse est, ut ecce privignam aut nurum uxorem ducere non licet, quia utraque filia loco sunt.

Item. Mariti autem filius ex alia uxore, & uxoris filia ex alio marito, vel contra, Matrimonium recte contrahunt, licet habeant fratrem vel sororem ex Matrimonio postea contracto natos, si uxor sua post divortium ex alio filiam procreaverit: hac quidem privigna non est tua.

Item. Si adversus ea qua diximus, aliqui coierint, nec vir, nec uxor, nec Matrimonium intelligitur, nec dos. Itaque qui ex eo coitu nascuntur, in potestate patris non sunt, sed tales sunt, quantum ad paternam potestatem pertinet, quales sunt hi, quos mater vulgo concepit. Nam nec si patrem habere intelliguntur, cum his etiam incertius est coitus; unde solent spurii appellari, vel a Græca voce ἀπογεννην concepti, quasi sine patre filii. Sequitur ergo, ut & dissoluto tali coitu dotis exactioni locus sit.

Est notabilis sit, qui cum his nuptias constituerit, cum quibus fieri non possunt, Pandectarum lib. III. tit. II.

Cap. II. Si cum ea quis nuptias vel sponsalia constituerit, quam uxorem ducere non potest, vel fas non est, erit notatus. De pena ejus, qui incestum contraxerit, novellarum constitutionum XXXII. cap. I.

Cap. III. Si quis nefarium & incestum atque damnandum Matrimonium contraxit, liberos autem ex priore legitimo Matrimonio non habuerit, statim suis facultatibus careat, dos qua ei data est, fisci juribus vindicetur: post publicationem autem, & cinguli patiaturs amissionem, & exilio puniatur. Quod si vilior sit, corporali questionibus subsistat, & uxor ejus contra leges easdem nupta, penas patiaturs sæculi, si nulla iusta excusetur ignorantia.

Est liberi ex alia conjuge nati bona incestuosi patris accipiant.

Cap. IV. Si autem liberi sint, & incestas nuptias contraxerint, illi sive liberi legitimi, (quod forte ex alio Matrimonio procreati sint) in penam patris, sui juris fiant, & paternas accipiant fa-

*cultates: sic tamen ut patri suo alimonias praebeant, & quae necessaria sunt, administrant.*

Deinde in variis epistolis, in epistola CXXIX. ad Gaufridum Vindocinensem Comitem, qui in uxorem ducere volebat Vicecomitissam Blesensem, cujus ille consanguineus erat. *Tibi mando, inquit, & per legem Christianam interdicto ferales incestus nuptias, quas nec lege poteris defendere, nec legitimos de his heredes suscipere. Quid est nuptias lege defendere, nisi easdem esse civilium legum institutioni consentaneas probare? Matrimonium quippe legitimum illud est, quod legali institutione vel provinciae moribus contrahitur.*

In epistola CLXXIV. ad Danubertum Senonensem Archiepiscopum, de alio casu Ivo sic decernit: *Quidquid pater nascente virgine juraverit, cum ad annos ratiocinales perducta est, nisi ipsa virgo consentiat, etiam vivente patre secundum leges irritum erit. Unde in legibus Romanis Iustiniani Imperatoris ita habetur: Sponsalia sicut nuptiae consensu sunt contrahentium, & ideo sicut in nuptiis, ita & in sponsalibus filiusfamilias consentire oportet. Ubi Matrimonium, quo de loquitur, secundum leges irritum esse scribit, civiles, non Ecclesiasticas intelligit, ut locus epistolae fidem facit amplissimam.*

In epistola CLXXVII. ad Hildebertum Cenomanensem Episcopum, de homine qui aliam duxerat uxorem contra conjugale pactum, quod cum alia muliere contraxerat prius: *Cum praeterita aetate Signinus Apostolica Sedis legatus apud nos esset, & similis causa ad nostras aures delata esset, prolati legibus iustum esse judicamus & legitimum. De legibus civilibus ex more loquitur, non de Ecclesiasticis seu canonibus: quod ergo Matrimonii contractus iustus sit ac legitimus, ex legibus Ivo pendere credidit.*

In epistola CCXXI. ad Joannem Aurelianensem Episcopum, de libero viro, qui nesciens ancillam duxerat uxorem, sed postea cognita veritate illam dimiserat: *Si decreta Patrum & leges saeculi super hoc consulere volumus, reperiemus quia inter ingenuos & aequales tantum legitima constat esse conjugia; & ubi aliter per ignorantiam evenerit, licita fore divortia. Ex decretis Patrum cognoscimus iustas esse leges,*  
quae



quæ ejusmodi Matrimonia prohibent.

In epistola CCXII. ad Audoenum Ebroicensem Episcopum, in eam rem ipsam, quæ cuidam negotium facesserat, hanc laudat novellam Justiniani: *Si quis per errorem ancillam mulierem duxerit uxorem, liberam esse eam putans; vel e contrario, si libera mulier servo per errorem juncta sit, posteaquam veritas reperta fuerit, dicendum est omnino nuptias non constituisse. Inter liberam enim & ancillam, servam & liberam mulierem nuptia contrahi non possunt. In tali ergo contractu quod lex damnat, non homo, sed justitia separat, quia quod contra leges præsumitur, per leges dissolvi meretur.* De legibus, ut apparet, non de canonibus verba facit.

Ex hoc autem proposito in dirimendis Matrimoniis civilium legum usu colliguntur duo. Unum Gallicanos Præsules legitimam in sæcularibus Principibus ferendi leges, quæ Matrimonium dirimant, potestatem agnovisse, nec agnoscere verius potuisse, quam eas leges in dirimendis Matrimoniis adhibere. Alterum, quod adhibeant, regio seu civili in Matrimonium juri nihil obesse, quia cum civiles leges in iudicandis Matrimoniis adhibent, non sua, sed Principum auctoritate Matrimonia dissolvere se profitentur. Quare Principes soli, ut sint civilium legum auctores, non sunt tamen earundem soli vindices. Hoc ipsum testantur Reges, & inprimis Lotarius in rescripto, quod inter Longobardorum leges lib. XI. tit. LVII. refertur. *Volumus, inquit, ut cunctus populus Romanus interrogetur, qua lege vult vivere, & tali lege, quali vivere professi sunt, vivant: illique denuntietur, ut hoc unusquisque tam iudices quam Duces, vel reliquus populus sciat, quod si offensionem contra eandem legem fecerint, eidem legi, qua profitentur vivere, per dispensationem Pontificis & nostram subiacent.* Ceterum ex hoc Lotarii rescripto cum multa fiunt a Pontificibus circa impedimenta Matrimonium dirimentia, qua ratione fiant, apparet, & validissime ex iis confirmantur, quæ art. 11. cap. VI. de dispensationibus dicuntur.



## CAPUT III.

*Regia in Matrimonia procerum potestas ex beato Bernardo deducitur.*

**R**EGIAM in Matrimonia procerum potestatem deducimus ex epistola CCXXII. Bernardi, in qua vir sanctus Gallix Regem & Comitem Theobaldum inter se conciliare conatur. Sancti Bernardi verba sunt hæc: *Sed Rex aliud addit adhuc, quod Matrimonium sibi moliatur conjungere contra ejus fidelitatem, Comitem Flandrensem & Sueffionensem, & de fidelitate quidem suspicio est, non certitudo. Porro inanes suspensiones certis passionibus præjudicare, quale sit, vos videritis: quanquam id omnino credendum non fuerit de tali viro. Nunquid enim hostes sunt Regi, quibus alligatur Comes, & non magis ejus, & ejus amici? Nonne consanguineus Regis, & sicut fatetur, baculus regni Comes Flandrensis est? quid ergo contra Regis fidelitatem facit ejus homo & fidelis ipseus, si aliis ejus amicis suorum Matrimoniis copulatur?* Summa totius loci est, Bernardum in impediendis procerum regni conjugii jus regium agnoscere, dum impediendi legitima causa subsistit. Hæc est regni consuetudo, quam semper in usu fuisse diximus.

Ceterum huc spectat, quod a Belleforesto commemoratur in vita Philippi Pulcri, nempe se in veteri manuscripto legisse, antiquam esse in Gallia legem, qua cautum erat, ne quis quantacunque auctoritate polleret, sine consensu Regis extra regni fines Matrimonium iniret. Hac lege seu consuetudine, quæ vim legis habet, ubique coercentur regni proceres, cum ubique locorum retento hereditario vel in regnum, vel in amplissimas regni possessiones jure Matrimonium contrahant.

Dicet vero quis nullam esse apud beatum Bernardum vel Belleforestum de rescissione Matrimonii mentionem, sed de exilio vel exheredatione, qua qui sine consensu Regis contrahunt, puniuntur. Sed hæc objectio, quæ ad Belleforestum

REGIA IN MATRIMONIUM POTESTAS. 363  
magis quam ad beatum Bernardum spectat, facile diluitur.  
Exilium quippe vel exheredatio pœna illius est, qui contra  
legem vel consuetudinem Matrimonia dirimentem contra-  
here ausus est: vel e duabus pœnis non negata vna, quæ gra-  
vior hominum sensu percipitur, hanc alteram Belleforestus  
ad maiorem metum expressit.

---

#### CAPUT IV.

*Sub Ludovico Crasso regia in Matrimonium potestas  
retenta.*

QUÆ pro retinenda regia in Matrimonium potestate  
Ludovicus Crassus gessit, Joannes Tilius hæc dicenda  
suggerit in collectorio Regum & rerum Francicarum his ver-  
bis: *Alter filius Theobaldi magni Blesensium & Campanorum  
Comes extitit, Henricus cognomento Largus, Campania Briaque  
Comes, cui Iolandis soror Balduini Comitis Flandriæ & Hanno-  
niæ desponsata fuit: sed hujus, sicut & unius e filiabus magni  
illius Theobaldi Comitis, cum Sueffionensium Comite sponsalia rescin-  
dit. Postea Henricus Largus filiam Ludovici junioris uxorem ac-  
cepit. At cur id fecit Rex, quia sine suo consensu contraxe-  
rant? quo jure sponsaliorum fœdera dissolvit? Regio sanc-  
Sed quem ob finem? publicum, & publicæ salutis quietem.  
A quo Pontifice reprehensus est Rex? a nullo: quippe non-  
dum erant, qui Regibus auctoritatem in causas & impedi-  
menta Matrimonii abrogarent. Cur beati Bernardi consiliis  
hac in parte Ludovicus non cessit, quia regno expedire Rex  
ipse iudex peridoneus non censuit. Jurane sacerdotalis ordinis  
sic læsit? minime vero: quis enim crederet Regi a beato Ber-  
nardo indultum fuisse, a quo Herodes alter appellatus est in  
iis literis, quas ad Honorium II. pro Henrico Senonensi &  
ceteris provinciæ Episcopis misit.*

## CAPUT V.

*Sub Philippo Augusto regia in Matrimonium potestas retenta.*

QUÆ pro tetinenda regia in Matrimonium potestate Philippus Augustus gessit, ex vatiis monumentis repetimus. Et primo quidem ex actis Autisiodorensium Pontificum in vita Hugonis de Noetiis Episcopi, vbi Philippus consentit in Matrimonium Hetvei Nivernensium Comitis, cui Matildis Petri Cortinæ Autisiodorensis Comitis filia nupsit. *Giumum*, inquit acta, *castrum nobilissimum Hervæi de Donziaco Comitis Nivernensis in proprietatem regiam devenis juxta pactorum formam, quoniam Dominus Rex Philippus consenserat & fecerat, ut ipse (Hetveus) filiam Comitis Autisiodorensis, cui filia competebat jure hereditario Comitatus, haberet uxorem. Et post alia: Quam (Matildem) favore regio favente duxerat in uxorem. Quid juris, quidve esset consuetudinis Regum Galliarum in Matrimonia procerum, hæc acta testantur.*

Deinde ex archivis regiis in arca Tornodorensium & Autisiodorensium, vbi Petri Cortinæ pactum asseritur: *Ego Petrus Comes Tornodorensis & Autisiodorensis notum facio omnibus, ad quos literas præsentēs pervenerint, quod ego habeo in conventionē, carissimo Domino meo Philippo illustri Francorum Regi, quod ipsum bona fide juro toto posse meo quandiu vixero contra omnes homines, qui possunt vivere & mori; & quod ei non deficiam, quandiu rectum mihi voluerit facere in curia sua, & quoquo modo accideret, quod Hervæus Comes Nivernensis Matildem filiam meam non haberet in nulla arte, in nullo ingenio, & nullo modo sufferrem, nec essem in auxilium & consilium, quod Comes Namurci Philippus, nec alius eam haberet in uxorem, nisi esset per consensum & voluntatem, & per os Domini mei Regis Philippi, sed super hoc omni posse meo essem in nocumentum & disturbance. Hæc autem faciam jurari Domino Regi ab omnibus illis mi-*

# REGIA IN MATRIMONIUM POTESTAS. 365

litibus & hominibus Comitatum Altisfodori & Tornodori, qui hec nondum juraverunt, quos in manu mea teneo. Ita quod si exirem de aliqua istarum conventionum, ad Dominum Regem irent cum omnibus feodis suis absque fide mentiri. Castrum etiam Cortenai cum omnibus pertinentiis ejus Domino Regi & heredibus ejus misso in deperditum, si has conventiones ei non tenerim & facerem jurari ab omnibus militibus & hominibus Cortenai & Castellanie, qui nondum juraverunt. Ita quod si hoc non tenerim, milites & homines irent ad Dominum Regem, in dominium ejus & heredum ejus in perpetuum. Quod ut firmum sit & stabile, presentem paginam sigilli mei munimine fieri roborari. Actum apud Monsfemargum anno ab Incarnatione Domini MCXCIX. mense Decembri.

Idem Philippus a Matilde Nivernensium Comitissa parisi conventionis accepit literas, quæ sic se habent: Ego Matildis Nivernensis Comitissa notum facio universis presentes literas inspecturis. Quod ego juravi super sacrosancta, &c. Carissimo Domino meo Philippo Dei gratia illustri Francorum Regi: quod ego faciam eidem bonum & fidele servitium contra omnes homines & feminas, qui possunt vivere & mori, & quod me non maritabo nisi per gratiam & voluntatem ipsius. De his autem conventionibus firmiter tenendis dedi plegios eidem Domino Regi meos homines, quos mecum habebam per sacramentum eorum tali modo, quod si ego, quod absit, deficerem de dictis conventionibus tenendis Domino Regi, ipsi tenerentur venire ad Dominum Regem cum omnibus terris & feodis suis, quæ de me tenent, & ipsum contra me juvarent, donec esset ei emendatum ad gratum suum, & quotiescunque Dominus Rex me requisierit, ego faciam ei habere talia sacramenta hominum meorum, qui non fuerunt mecum coram Domino Rege de omnibus illis; sed quos habere potero bona fide, & sine malo ingenio, & similiter fidelitates villarum mearum. Quod ut firmum ac stabile perseveres, presentes literas scribi feci, & sigilli mei appositione muniri. Actum Meleduni anno Domini MCCXXI. mense Februario.

Alia charta iisdem in archivis extat, data anno Domini MCC. mense Maio, & sic se habet: In nomine Patris, &c. Philippus Dei gratia, &c. notum, &c. quod de feodo illo integre,

quod carissimus nepos & fidelis noster T. quondam Comes Trecentis, de nobis tenebat B. uxorem ejus Comitem Trecentensem in feminam Ligiam, recepimus, sicut de Bail, & de dotalitio, suo ad vitam suam salvis conventionibus, quæ in charta data Senonis ejusdem Comitissa continetur, quam super juravimus. Siquidem quod conventiones illas, quæ scriptæ sunt in charta ista ei bona fide tenebimus & servabimus, sicut femina nostra Ligia videlicet, quod filiam suam quam nobis tradidit, custodiemus & nutriemus bona fide & sine malo ingenio, nec eam poterimus maritare, donec ad ætatem duodecim annorum perveneris; elapsis vero duodecim annis prædicta filia marisabitur consilio & assensu & voluntate nostra & carissimæ matris nostræ & matris suæ & Baronum, quorum nomina scripta sunt in hac charta, vel illorum, qui terras eorundem tenebunt, si ipsi decesserint. Hi sunt Barones Willelmus Remensis Archiepiscopus, Odo Dux Burgundia, Comes Lugd. Guido de Dampetra, Gaucher de Castell. Gaufrid. de Iovisvill. Gaufrid. de Montemirabil. Gaufridus Marefchalis Campanie, Clarembaldus de Capis, Willelmus Comes Iovigni. Et si prædicti Barones nequiverint concordare de illa maritanda, ubi major pars prædictorum concordabit, marisabitur. Ita tamen, quod prædicti Barones securos nos faciant, quod nullum damnum sive nocumentum de maritagio illo nobis vel regno Francia poterit evenire; immo servitium nostrum habebimus, sicut de aliis feodis nostris habere debemus, has conventiones prosequemur & tenebimus de alio infante, quem dicta Comitissa nobis tradet, si de marito suo gravida fueris, si infans filia fueris; si vero filius, cum ad ætatem tenendi terram perveneris, reddemus ei vel justo heredi castella, quæ pro istis conventionibus tenemus, & conventiones nobis propter hoc factas quittabimus, salvo rachato nostro, &c. Actum Senonis ann. MCCII.

Alia charta, quæ apud Curiam Rationalium Paris. habetur in libro Principum, & sic loquitur: Philippus Dei gratia Francorum Rex, omnibus Ballivis, Præpositis, & serviensibus Comitissæ Campanie, ad quos litera præsentis pervenerint, salutem. Et post alia: Ad hæc nullo modo volumus, quod Erardus de Rameruco filiam Comitissæ Henrici habeat in uxorem; sed id fieri modis omnibus prohibemus, quia si fieret, contra nos fieret. Et præterea

*dictum est nobis, quod in eo gradu consanguinitatis sese attingunt quod non possunt, nec debent legitime copulari. Actum apud Compendium anno Domini MCCXIV. mense Martio.*

Porro autem cum ingenuum sit profiteri per quos profecimus, has & similes chartas identidem communicarunt mecum viri duo clarissimi & de literis bene meriti Petrus Puteanus, & Antonius Vionius Hetouvallius, qui Regum commentarios, monumenta rerum inter procures gestarum, & Gallicæ vetustatis exempla investigarunt & perscrutati sunt. Puteanum quoad vixit, parentis instar habui & veneratus sum; Vionium ut hominem literatorum omnium opportunitatibus & studiis cupidissime inservientem colui hodieque viventem colo.

Idem Philippus a Matilde Flandriæ Comitissâ Philippi Alsatiæ Comitis vidua publicæ securitatis literas accepit, quibus ea ferebatur conditio, ut si quando ab Odone III. Burgundiæ Duce separaretur, nusquam citra Regis ipsius voluntatem nuberet: hanc anno MCXCV. factam esse conventionem Tilius in collectorio testatur.

Idem Philippus ab Anna Burgundiæ Ducissâ pactum accepit, quo se nulli nupturam esse sine illius consensu promisit, & plurimorum optimatum nomina syngraphasque in securitatem dedit ad annum MCCXVIII. ut habetur in Archivis regis, in arca Burgundiæ. Hæc pauca de multis, quibus sibi regni tranquillitati consulit Philippus. Ut non una est, sed multiplex procurandæ publicæ salutis via; ita non una est, sed multiplex ordinandi inter optimates conjugii ratio.

Dicet vero quis, si in consuetudine regni positum erat, institutoque majotum, ut procures sine Regum assensu non contraherent Matrimonium, tot pactis & conventionibus quid opus erat? ad majorem scilicet regni securitatem vinculum vinculo superponendum fuit. Quotidie sacramentum fidelitatis exigitur a civibus aliquo magistratu vel præfectura donatis, qui alias Regibus naturali jute obstringuntur.



## CAPUT VI.

*Ludovicus VII. legem de consobrinis Matrimonio non jungendis ab Imperatoribus latam, & ab ordine sacerdotali confirmatam agnoscens, divortium cum uxore fecit.*

**A**NONYMVS monasterii sancti Dionysii Monachus, quomodo id gestum fuerit, narrat in Ludovici VII. Historia capite XXIX. Interea aliqui venerunt ad Regem de cognatione sua progeniti, qui ortum & derivationem parentela suae norerant, & dixerunt ei: Sicut verum erat, quod inter se & Alienordem uxorem suam erat consanguinitatis affinitas talis, quod inter eos, quibus de jure lex matrimonialis non poterat convenire, & inde per juramentum probationem legitimam offerebant. Quibus Rex sic respondit, quod contra Deum & contra legem Ecclesiae eam volebat habere, volens per omnia statuta Ecclesiae & legem Matrimonii inviolabiliter observare: & ut istius veritas posset veracius indagari, die Martis ante festum Paschatis floridi in castro Baugenciaci, Hugonem Archiepiscopum Rotomagensen, & Lanfredum Burdigalensem cum pluribus suis Coepiscopis & Baronibus Franciae, fecit solenniter convenire. Ante quorum praesentiam steterunt illi, qui genus inter Regem & Reginam se probaturos obtulerant, qui etiam ejusdem generis erant parentes & cognati: & per juramentum suum dixerunt, quod Rex & Regina sese cognatione contingebant, & quod secundum Deum & legem conjugalem debebat inter eos divortium celebrari. Quo sufficienter probato, in praesentia Praetorum fuit inter eos per consensum partium Matrimonium dissolutum. Deinde sic accidit, quod Alienordis Regina cum rediret ad terram propriam post discessum a regno Franciae, a Duce Normanniae Henrico, qui postea fuit Rex Angliae, fuit solenniter desponsata. Et Rex Ludovicus duas filias, quas sibi Alienordis Regina pepererat, duobus viris illustribus Matrimonio copulavit: majorem natu, Mariam nomine Henrico Comiti Campaniae, & minorem fratri suo Theobaldo Comiti Blesensi, quae Alaidis



*vocabatur. Rex qui secundum legis preceptum volebat vivere, precipiens ut homo secundum legem Ecclesiæ feminam sibi conjungeret, & essent duo in carne una, de consilio Prælatorum & Principum in spe heredem legitimum procreandi, qui post decessum suum nobile regnum Franciæ gubernaret, in quamdam puellam nobilissimam, Constantiam nomine, filiam Regis Hispaniæ, animum convertit.*

Matthæus Parisiensis in Historia Regum Angliæ observat divortium hoc anno MCL. contigisse, & gradum consanguinitatis fuisse quartum, qui Ludovicum inter & Alienordem intercederet. Hoc impedimenti genus, quod a Theodosio Imperatore ortum habet, si Rex perspectum habuisset atque animadversum, cum Alienorde nunquam contraxisset Matrimonium, ut ex historica narratione satis superque liquet. Cum enim antiqua lege consobrinorum nuptias vetante, seipsum ad eas celebrandas inhabilem fuisse redditum agnovit, confestim de faciendò cogitavit divortio, etiamsi jam duas ex Alienorde filias suscepisset. Id in aliud, quam in religionem, qua ducebatur, transferri merito nequit. Quod autem Imperatoriam seu civilem legem historicus appellat legem vel statutum Ecclesiæ, sic appellare potuit, sive quia Ecclesiæ, quæ est fidelium aut Catholicorum congregatio, legem vel statutum per Imperatores tulerat, sive quia illam sacerdotalis ordo, cui forte nomen Ecclesiæ tribuit, in usum admisit, & Gregorius II. anathemate olim asseruit.

Ceterum quæ vis impedimento Matrimonii per ignorantiam illata fuerat certa quadam juris via, quæ potestatem non excedebat regiam, ut retineretur Matrimonium, auferri vel temperari potuit. Rex optimus auferri vel temperari noluit; nempe ut quod prius irritum fuerat, ratum deinceps haberetur. Offerebat se illa in integrum restitutio, hanc recusavit, ut antiquæ legi suum constaret robur, sua constaret auctoritas.

## CAPUT VII.

*Sub Ludovico VIII. regia in Matrimonium potestas retenta.*

**L**UDOVICVS VIII. etsi triennio tantum regnavit, suam tamen in Matrimonia subditorum auctoritatem exercuit apud Tilium. Ille siquidem plenissime vetuit, ne Erardus de Brena & Regis Cypriorum filia simul Matrimonium inirent, quod illud regno perniciosum foret. Res sic se habet in epistola, quam Ludovicus VIII. nondum Rex ad Joannem Regem Ierosolymitanum scripsit: *Excellentissimo & carissimo consanguineo suo Ioanni Dei gratia illustri Regi Ierusalem, Ludovicus Domini Regis Francie primogenitus, salutem & sinceri amoris constantiam, Scire vos volumus, quod consuetudo antiqua & per jus approbata talis est in regno Francia, quod nullus ante unum & viginti annos potest vel debet trahi in causam de re, quam pater ejus teneret sine placito, cum decessit. Hujus ratione consuetudinis carissimus Dominus & genitor noster & nos statuimus & concessimus carissime amice nostra Trecensi Comitissa & Theobaldo presentibus & audientibus nobis ipsis, quod si filia Comitis Henrici, vel aliqui pro ipsis, vellent predictum Theobaldum vel matrem ejus trahere in causam de terra, quam pater ejus tenuit, nos non audiremus inde verbum, donec idem Theobaldus haberet viginti & unum annos, nec ipsum, nec matrem ejus antea in causam trahi permitteremus; precipue cum de testimonio multorum nobilium virorum, quibus fidem bene adhibere debemus, bene constet, quod carissimus quondam consanguineus noster Comes Henricus, cum vellet Hierosolymam proficisci, totam terram suam dimisit, & dedit fratri suo Theobaldo quondam Comiti Trecensi, si ipsum Comitem Henricum de transmarinis partibus contingeret non redire. Ad hac nullo modo volumus, quod Herardus de Rameruco filiam Comitis Henrici habeat in uxorem; sed id fieri modis omnibus prohibemus, quia si fieret, contra nos fieret. Et praterea dictum*

REGIA IN MATRIMONIUM POTESTAS. 371  
*est nobis, quod in eo gradu consanguinitatis sese attingunt, quod non possunt nec debent copulari. Actum apud Compendium anno Domini MCCXIV. mense Mario. Hæc ex Chartulario Campaniæ, quod in Bibliotheca Thuana asservatur. Ludovicus subditos, ut optimus patens filios, officii sui monet, ne locus vindictæ detur. Porro autem quod modis omnibus prohibetur, etiam sub pœna nullitatis prohibetur: nullitas enim seu contracti Matrimonii dirempcio modus est certissimus, quo Matrimonium a Principibus prohiberi posse demonstratum est.*

---

## CAPUT VIII.

*Sub sancto Ludovico regia in Matrimonium potestas  
retenta.*

**L**UDOVICVS IX. qui in propagandis Ecclesiæ finibus sanctissime obiit, quanta foret cum in disponendis, tum etiam in prohibendis conjugii auctoritate, factis & legibus commonstravit.

In primis anno MCCXXVII. ab utriusque ordinis Armoricæ proceribus accepit literas, quibus pollicentur se Iolandem Petri Maucleri Ducis Armoricæ filiam, Joanni Regis Galliarum fratri, cui jam desponsata fuerat, custodituros, donec Joannes ille annum ætatis XIV. attigisset, aut saltem Dux Petrus Iolandem Anglorum, vel alicui alii Francorum hosti non elocaret. Belleforestus hoc tradit in annalibus, & Tilius in collectorio Regum & rerum Francicarum.

Deinde a Joanna Flandriæ Hannoniæque Comitissa certum accepit diploma, quo illa promisit se nunquam daturam Simon Montfortio fidem conjugii, & quantumvis daret, eam tamen non servaturam. Ita Tilius in collectorio.

Tum anno MCCXXXIII. sic cum eodem Rege paciscitur:  
*Ego A. Ducissa Burgundia notum facio universis presentes literas inspecturis, me supra sacrosancta jurasse carissimo Domino meo Lu-*

Ludovico Dei gratia Regi Francia illustri, quod non maritabo me, neque maritum accipiam, nisi de voluntate & licentia ipsius Domini Regis. Dominus autem Rex mihi benigne concessit, quod nullam vim mihi faciet de me maritanda, neque per preces importunas, neque alio modo. In cuius rei memoriam presentes literas sigillo nostro feci sigillari. Actum Remis, anno Domini MCCXXXIII. mense Augusto. Hæc ex archivis regis in arca Burgundia.

Deinde ad annum MCCXXXIV. idem Dux Armorica Petrus eidem sancto Ludovico promisit se suam filiam non traditurum hostibus regni Gallia in uxorem. Ex archivis regis in arca Armorica.

Postremo Matildis Bononia Comitissa eodem anno eidem Regi promisit se sine consensu illius, & Reginae matris non contracturam Matrimonium. Ex iisdem archivis in arca Bononia. Sic ad antiquam regni consuetudinem, quæ Matrimonia procerum sine Regis consensu celebrata dirimebat, varia accedunt pacta & pignora, quibus tranquillitati publicæ consulitur.

Quas autem de Matrimonio leges edidit, eas nobis Guillelmus Nangiacus præbet in gestis hujus sanctissimi Regis. Ex debito, inquit Rex, regia potestatis pacem & quietem subditorum, in quorum quiete quiescimus, præcordialiter affectantes, & adversus injuriosos & improbos, qui tranquillitati eorum invident & quieti, zelum habentes indignationis ad hujusmodi propulsandas injurias, & statum regni reformandum in melius, hac qua continentur inferius, duximus ordinanda. Inter alia prohibentes insuper Ballivis nostris, ne quandiu Ballivi fuerint, sibi vel suis liberis, fratribus vel sororibus, nepotibus vel consanguineis, vel unicuique de familia sua Matrimonia copulent cum personis sua Ballivia sine nostro speciali consensu. Et post alia: Prohibitionem istam, quam facimus de Matrimoniis non copulandis, non extendimus ad majores & alios officiales minores, qui Majoras & Preposituras & alia officia tenebant in locis mansionum suarum, dum tamen hæc faciant sine nostra vel alterius læsione. Nemo dubitare jure potest quin hujus prohibitionis ea sit materia, quæ legem Matrimonia dirimentem ferat. Unde hujus prohibi-

REGIA IN MATRIMONIUM POTESTAS. 373  
tionis causas ad regie potestatis officium spectare affirmat  
Ludovicus. Nova non est beati Regis sanctio. Repetitur ex  
digestorum libro xxiv. l. xxxviii. *Si quis officium in ali-*  
*qua provincia administrat, inde oriundam vel ibi domicilium ha-*  
*bentem uxorem ducere non potest.*

---

## CAPUT IX.

*Sub sancto Ludovico Clemens IV. regiam in Matrimo-*  
*nium potestatem agnoscit.*

**Q**UID Rex Gallie juris habeat in Matrimonia proce-  
rum, colligitur ex quadam Clementis IV. epistola,  
quam ad Henricum Regis Navarre germanum scripsit anno  
Pontificatus primo. Illa autem sic se habet: *Dilecto filio nobili*  
*viro Henrico carissimo in Christo filii nostri illustris Regis Na-*  
*varra germano. Etsi conjunctio copula conjugalitatis in quarto consan-*  
*guinitatis & affinitatis gradu sacris sit interdicta canonibus,*  
*Apostolica tamen Sedis providentia, rigorem consuetudine tempe-*  
*rans super his dispensat interdum, & quod negat juris severitas,*  
*de gratia benignitatis indulget, præsertim cum necessitas exigat,*  
*& causa rationabilis id exposcit. Nos igitur attendentes, quia*  
*carissimus in Christo filius noster illustris Rex Navarre tuus frater*  
*diu sine liberis fuit, & te ac ipsum duntaxat superstites habeat*  
*tanta domus, quam siquidem numerosa prolis accessu cuperemus*  
*ex omni latere stabiliri, tuis supplicationibus inclinati, ut liberius*  
*& honestius ad majorem tui splendorem generis tibi valeas conjun-*  
*gem sociare, ut\* cum qualibet muliere nobilis viri Simonis Comitis*  
*Leicestrie, & omnium adherentium ei duntaxat exceptis, etiamsi*  
*quarto consanguinitatis vel affinitatis gradu conjuncta fueris, &*  
*aliud canonicum non obsistat hac vice impedimentum Matrimonii*  
*contrahendi, dum tamen de carissimi in Christo filii illustris Regis*  
*Francie ac præfati Regis Navarre fratris consilio & assensu id fa-*  
*cias, liberam tibi auctoritate præsentium concedimus facultatem.*  
*Nulli ergo, &c. Datum Perusii octavo Calendas Maii anno primo.*

Aaa ij

## 374 REGIA IN MATRIMONIUM POTESTAS.

Hic Pontifex ea tantum lege dispensat, vt Henrici Matrimonio consentiant & Rex Galliarum & Rex Navarrae. Quod autem Rex Navarrae consensum vti necessarium praeberet, obscura ratio non est: Henrici frater erat. Regis vero Galliarum consensus aequè necessarius fuit, tum quia Simon Comes Leicestriae subdebatur Regi, Gallus quippe origine, & Comitibus Montfortii germanus; tum quia Rex Navarrae Henrici frater propter Comitatum Campaniae Regis erat vestigialis, & ab supremo illius dominio pendeat.

Ceterum cur Pontifex in dispensatione conditionem de obtinendo consensu Regum Galliarum & Navarrae adhibuit, nisi quod nosset Matrimonium ejusmodi fore irritum, si repugnarent, aut pro more non consentirent.

His accedit charta quaedam, quae apud Curiam Rationalium Parisi, extat in libro Principum: haec autem sic se habet. *Gie Iehans Sires de Ioinville Seneschans de Champagne seiz assavoir à tous cels qui ces lettres verront, que je jure mon tres-chier Signor Th. par la grace de Dieu Rois de Navarre, Conte Palatins & de Brie, comme à mon Signor lige sur la foi que je li doi, que ne m'allieray au Conte de Bar, ne par mariage, ne par autre chose, ne à lui, ne à autrui encontre lui, & nommément je ne prendrai à femme la fille le Conte de Bar, se par l'otroi Monsignor devant dict, &c. L'an de Nostre Seigneur JESVS CHRIST MCCXXXIX. le 1. jour de Mai. Quod Latine dicitur: Ego Ioannes Ioinville Dominus notum facio omnibus, has praesentes literas inspecturum, quod juratus polliceor carissimo Domino meo Theobaldo Dei gratia Regi Navarrae, Comiti Palatino Campaniae & Brie, tanquam Domino meo ligio in fidem, quam illi debeo, me neque matrimonio, neque alia re vlla cum Barrensi Comite initurum amicitiam: maxime vero me filiam Barrensis Comitibus non ducturum in uxorem, nisi memoratus Dominus meus concedat, &c. Actum anno Domini nostri JESV CHRISTI MCCXXXIX. prima die mensis Maii.*



## CAPUT X.

*Sub Philippo Pulcro regia in Matrimonium potestas re-  
tenta & vindicata.*

**Q**UONIAM vero non minus in confirmandis quam in permittendis procerum regni conjugiiis regia potestas elucet, commemorabimus quædam procerum conjugia, quæ Philippus IV. cognomento Pulcher confirmavit.

Anno igitur MCCXCVIII. confirmavit Matrimonium illud, quod Margareta Valesia fratris sui Caroli, Valesiorum Comitis filia cum Guidone Castillonæo Blesensium Comite contraxit.

Anno MCCCVIII. confirmavit Matrimonium illud, quod Joannes II. Drocentium Comes cum Peronella Sallienfi Gaufridi Lusignani vidua contraxit.

Anno MCCCXI. ratum habuit Matrimonium illud, quod Robertus Boloniensis Comitis filius cum Catharina Joannis Viennensis Delphini filia contraxit.

Anno MCCCXII. ratum habuit Matrimonium illud, quod Philippus Tarentinus Princeps cum Catharina Valesia Constantinopolis Imperatrice contraxit.

Anno eodem confirmavit Matrimonium illud, quod Carolus Valesius, Alenconiorum Comes, filius alter Caroli fratris sui, cum Joanna filia Jovignienfis Comitis contraxit.

Hæc de procerum Matrimoniis, quæ Philippus IV. confirmavit: nunc referendum est Matrimonium, quod filia Guidonis Flandriæ Comitis cum Eduardo Anglorum Rege contraxit. In eo quanta Rex auctoritate valuit, non obscure demonstravit. Ex optimis auctoribus historia conjugii istius repetenda est. De illo inprimis sic scribit Wandeburchius in vita Guidonis: *Gallum Regem, quod inter alia dominationis arcana unitas innumitaque Anglorum atque Flandrorum inter se vires potentiamque vehementer extimesceret, graviter hujus contra-*

*ctus matrimonialis offendit nuntius. Rex Guidonem Comitem, ubi Lutetia Parisiorum ille venit, comprehendi atque in custodiam abduci jubet, tanquam lese majestatis reum, quod cum Eduardo Anglia Rege Franci nominis hoste capitali affinitate contraxisset: animo tamen haud deslitutus firmatoque vultu adversus metum, nihil se cur tam indignis haberetur modis, criminisque cujus accusaretur, reus esset, commississe affirmabat: praesertim quando odii, quod inter Gallum Anglumque subortum erat Reges, ne minimus quidem rumor ad eum fuisset perlatus, nec verisimile esset, si vel minimi sibi delicti conscius fuisset, in Galliam, nisi fide accepta, vim abstutam, venturum fuisse in judicium. Itaque cum ex parium Francia consilio admissus fuisset, ita factum excusavit, impositumque crimen diluit, ut ne suspicionem quidem ullam delicti in judicium animis relinqueret. Omnium itaque sententiis tanquam innocens absolutus in Flandriam cum comitatu suo omni rediit, sola filia Philippa relicta, quae impedienda affinitati illi apud Reginam specie honoris manere coacta fuit; sed haud multo post nimio animi mœnore, quod cui a patre pacta fuisset, nubere non posset, decessit. In hac narratione notamus duo. Unum, Guidonem perduellionis reum fuisse habitum: at quam ob causam, nisi quia legi vel consuetudini regni contraivisset, aut saltem contraivisse judicatus fuisset? Qua de re sic alter auctor æqualis Joannes Victorinus in Memoriali historiarum ad annum MCCXCIV. Comes Flandria cum filia sua per Regem Francia descentus est, quoniam volebat eam sine Philippi Regis assensu filio Regis Anglia primogenito desponsare.*

Alterum, Guidonem a Parium Franciæ Senatu ideo fuisse absolutum, quod de subito Gallum inter & Anglum odio nihil penitus inaudiverat. De hoc tamen Parium Senatufque judicio ab auctoribus synchronis, qui tunc manebant Parisiis, nihil traditur; vnde illud a Wandeburchio imminuendi criminis causa dictum crediderim. Rem vero ita præter Joannem Victorinum refert Nangiacus in chronico nondum edito ad annum MCCXCIV. Guido Comes Flandriæ occulte Regi Angliæ contra Dominum suum Regem Franciæ confederatus, veniens cum quadam filia sua Parisius, quam volebat in Angliam Regi Angliæ desponsandam mittere; jussu Regis Franciæ cum illa  
in



*in custodiam detinetur; sed ipsa postmodum remanente cum pueris regalibus educanda, Comes satis cito postea liberatur. Recentiores quidam Historici scribunt, Bonifacium VIII. sub pœna diri fulminis præcepisse Regi, ut Guidonis filiam restitueret; sed id falso scribunt, & quod ex incerto rumore a Jacobo Meiro, auctore non synchrono, proditum est, id illis tanquam ratum fixumque tradere placuit. Immo vero Joannes Victorinus rei gestæ testis ocularus ad annum MCCXCVII. memorat Guidonem propter suam in Philippum IV. rebellionem, a Bonifacio piorum cœtu submotum fuisse. Rex, inquit, Philippus non valens per se vel per alium prædicti Guidonis Flandrensis Comitis pertinaciam flectere, ut ei, sicut consueverat & debebat, obediret, & a rebellionem cessaret, hoc Papa per nuntios & literas intimavit, qui cum Romæ excommunicavit, nisi resipisceret, vel abstineret, vel desisteret ab incæptis. Et post alia: Guido Comes Flandriæ contumax, inobediens & rebellis erga dominum suum Regem Francorum repertus, immo & ipsius Papa indignationem incurrit.*

Deinde anno MCCXCIX. Guido Comes Flandriæ iterum excommunicatus est a Papa solenniter minante, quod condemnaretur, nisi erga Regem Franciæ quodcumque prius commisserat, emendaret. Hæc autem cum ita gesta fuisse credendum sit, nulla veritate nititur, quod a recentioribus quibusdam, & cum primis a Meiro scriptum significavimus. Deinde cur jus Regis in vasallum impedire voluisset Bonifacius, qui jus idem in Philippum Regem usurpare tentavit? Novis scriptoribus quidvis scribendi causam præbuerunt gravissima odia, quæ aliquot post annos inter Philippum & Bonifacium exarserunt: sicque perturbato rerum & temporum ordine posteriores Historici, quod non fecit Pontifex, ei tribuerunt, cum esse rati Bonifacium, cui ceteroqui pessima quæque tribui possent.

Ex his autem, quæ sive ex Lamberto Wandeburchio, Victorino & Nangiaco, sive ex thesauro chartarum Regis jam rerulimus, apparet verum illud esse, quod Belleforestus in vita Philippi Pulcri memoriæ prodidit, se nimirum e veteri manuscripto didicisse, antiquam esse in Gallia legem, qua cantum erat, ne quis quantacunque valeret auctoritate, sine consensu Regis

*extra fines regni Matrimonium iniret. Hic non moror eos, qui hæc omnia vt eludant, tricantur super potestate ferendarum legum, quæ Matrimonia dirimant, cum his & aliis id genus effugiis & vanis distinctionibus satisfactum sit prima parte tractatus.*

Ad sancitas de Matrimonio constitutiones quod attinet, Philippus & ejus filii solenne de non contrahendo sine consensu Regis Matrimonio sacramentum ediderunt, quod a publicis regni ministris voluerunt præstari. Illud extat in diplomate Ludovici Francorum & Navarra Regis super pluribus editis pro reformatione regni ad annum MCCCII. Parisiis die Lunæ post mediam Quadragesimam, ad annum MCCCXV. quo iterum probata ac confirmata fuerunt Parisiis mense Novembri.

*Sequitur forma juramenti, per quam debent jurare Seneschalli, Ballivi, Iudices, Vicarii, Vicecomites, Præpositi, & alii Officiales nostri jurisdictionem habentes. Item jurabunt, quod durante administratione sua non contrahent, nec in personis suis, quantum in eis erit, permittent filiis aut filiabus suis, fratribus, sororibus, nepotibus, aut neptibus, aut consanguineis Matrimonium cum aliquo vel aliqua sub administratione sua, predicta administratione sua durante, nec ponent in monasteriis religiosarum vel religionum aliquas de predictis personis, nec acquirent eis beneficia Ecclesiastica seu possessiones, nisi de nostra processerit gratia & licentia speciali, personis duntaxat exceptis, quæ habent officia seu administrationes in locis, unde traxerunt originem, vel in quibus mansionem habent, seu larem fovent, quibus liceat Matrimonium contrahere, parentes seu amicos in religionem ponere, & possessiones emere, dum tamen id sine fraude & cupiditate qualibet faciant, jure regio in omnibus & per omnia observato & penitus illeso. Hæc de Officiariorum sacramento, qui tunc temporis præcipuæ regni totius partes censebantur, vt tradit Antonius Fontanon lib. II. tom. II. Edictorum & Constitutionum Regum Galliarum.*

Porro autem quadam factum est cautela, si verbis Ivonis vti liceat, vt procerum & officiariorum ordines quanto firmitus in conspectu Dei & hominum ligarentur & solennius,

tanto robustius & devotius ab ipsis obedientia Regibus exhiberetur, & ut si qui vellent imposterum ab hoc proposito recedere, testimoniis pluribus convincerentur. Unde hæc sacramenta & alia id genus pactiorum genera nihil sunt aliud præter quædam religionis & fidelitatis vincula, quibus humanæ levitati providetur, & illius casibus occurritur. Ac proinde regium in contrahendo consensum exquirendi obligationem cum ex consuetudine vel lege regni, tum ex fidelitate & ipsa naturali subjectione quæsitam, pactis & solennibus sacramentis firmate & augere honestum est, & pro instabilitate personarum vinculum vinculo superponete quam optimum.

## CAPUT XI.

*Sub Philippo Pulcro Bonifacius VIII. regiam in Matrimonium potestatem agnoscit.*

**B**ONIFACIUS VIII. insigni facinore testatus est supremam Regum ac Principum in impedimenta Matrimonii procerum auctoritatem. Etenim cum sibi Reges omnes in temporalibus subesse crederet, tanquam totius orbis domino, flagitavit primum a Philippo Pulcro, ut filias non cuiquam nuptum daret, quam admoneretur ipse, & communicaretur secum: sed non multo post suspicatus, se nihil consecuturum ab Rege, precibus adjunxit interdictum, quo vetuit, ne sine sua speciali permissione Sancium I V. Castellæ Regem, vel hujus filios conjugali liberorum, fratrum & sororum affinitate sibi devinceret. Sed neglecto Bonifacii interdicto, Margareta primogenita Philippi filia nupsit Ferdinando I V. Castellæ Regis Sancii filio. Hæc Tilius in collectorio. Sic igitur Bonifacius præter suam opinionem jus regium in impediendis procerum regni Matrimoniis confirmavit. Quod autem Philippum Galliæ Regem in temporalibus subesse sibi cederet Bonifacius, erravit: quod errore hoc

supposito, Philippum non potuisse filias cuiquam elocare crederet, quin assentiretur, non erravit; cum qui supremo alicui domino in temporalibus subest, sine illius assensu connubia celebrare nulla possit.

Ceterum, quod Bonifacius crederet, Regem Galliarum & alios sibi subestis in temporalibus, erravisse docuit postea Clemens V. qui cap. *Meruit. de privilegiis*. Bonifacii correxerat errorem. Docuerunt & alii Pontifices, qui libros Alexandri Carretii hac de re contra Bellarminum editos non ita pridem damnarunt. Accessi & ego pluribus ad amicos epistolis in parte septima Epistolarum nostrarum.

## CAPUT XII.

*Sub Philippo Longo cum Regente, tum Rege, regia in Matrimonium potestas retenta.*

**P**HILIPPVS V. qui & Longus dictus est, regii in Matrimonia procerum juris egregium se præstitit defensor. Etenim post obitum Ludovici Hutini, cum Regentis provinciam sustineret, ad annum MCCCXVI. XVII. Julii cum Odone Burgundiæ Duce icit fœdus, quo convenit inter se, Joannam Hutini ex priori vxore filiam non iri elocatum, nisi de consensu illius, qui regnum Franciæ regeret. Fœderis hæc est summa ex Gallico Latine versa: *Item volumus, & voluminus, consensimusque, Ioannam Ducis Burgundiæ neptem cum omnibus terris eidem Duci propter educationem tradi: sed optima securitate data, quod non elocabitur, nisi de consensu nostro, vel illius, qui in Gallia Regentis munere fungeretur, patris nostri Valentii, aut nostri carissimi consobrini Philippi filii ejus, si dictus noster pater Valensius deficeret; nostri carissimi patris Ludovici Eburonicum Comitum, aut illius filii natu majoris, si dictus noster pater Ebroicensis Comes deficeret; nostri carissimi fratris a Marchia, aut illius filii natu majoris, si dictus noster carissimus frater a Marchia deficeret; & si deficerent omnes, aliorum totidem qui*

## REGIA IN MATRIMONIUM POTESTAS. 381

*ad Francicum genus propius attinerent. Hæc ex thesauro char-  
tarum Regis, arca Burgundiæ, quæ pro regio in Matrimo-  
nia procerum jure gessit, procuratione regni Franciæ Navar-  
ræque suscepta, donec vxor Hutini Clementia pareret. Sed  
postquam mortuo, qui ex ea natus est, Joanne, Philippus re-  
gium nomén sumpsit, hæc alia pro eodem jure præstitit: ad  
annum quippe MCCCXX. & MCCCXXI. duabus diversis li-  
teris consensit in Matrimonium, quod Margareta Claro-  
montensis cum Joanne Henrici domini de Sulleyo filio con-  
traxit.*

## CAPUT XIII.

*Sub Carolo Pulcro regia in Matrimonium potestas  
retenta.*

**C**AROLVS Pulcher duo præbet exempla, quibus regiam  
in Matrimonia procerum auctoritatem exercuit. Siqui-  
dem anno MCCCXXII. confirmavit Matrimonium, quod  
Petrus I. Borbonii Dux cum Isabella Valesia Caroli Comitis  
Valesii filia inivit.

Deinde anno MCCCXXV. ratum habuit conjugium, quo  
Alisia Arturi I. Armoricæ Ducis filia nupsit Buchardo Vin-  
docinensi Comiti. Designatum jam, ab anno MCCCXX. con-  
jugium absolvi nec debuit, nec potuit, donec ab Rege con-  
firmaretur. O felicem ætatem, in qua Reges nulla procerum  
vel optimatum diremetunt Matrimonia, quia nulla sine Re-  
gum consensu celebrata traduntur! Confirmantis ex jure Ma-  
trimonia procerum regni eadem est, quæ dirimentis seu im-  
pedientis potestas. In confirmandis procerum, quam in diri-  
mendis Matrimoniis gloriosius elucet regia potestas. In vno  
procerum obsequium laudandum est; in altero, rebellio casti-  
ganda.

†††

## CAPUT XIV.

*Sub Philippo Valesio regia in Matrimonium potestas retenta.*

**P**HILIPPVS Valesius Joanni primogenito filio copiam fecit, vt Mariam filiam suam primogenitam nuptum Petro Alfonsi XI. Regis Castellæ primogenito daret. Hæc Tilius in collectorio Regum & rerum Francicarum. Qui vero Reges cum filiis vel regni pœcetibus de celebrando Matrimonio dispensant, vetandi ne celebretur, jus proprium vel aliunde quæsitum habent. Sed quo jure, proprione, an alieno, prima tractatus parte demonstratum est. Quoniam vero non semper occurrunt Matrimonia, quæ permittantur, vel quæ impediuntur, hoc caput vnico dispensationis exemplo absolvetur. Deinde non omnia referre possum, nec constitui.

Excerptum ex publicis supremi Patissiorum Senatus tabulis, quæ sic inscribuntur: *Status, concordia, articuli, petitiones, protestationes, & continuationes annorum CCCXXVIII. XXI. XXX. XXXI. XXXII. & XXXIII. II. vol. année mil CCCXXIX.*

*Philippe par la grace de Dieu Roys de France. A nos amés & feaux l'Evesque de Beauvès, l'escu d'Avanches, Pierre de Cui-gneres Chevalier, & Pierre de Villebreme, salut & dilection. Comme nostre amée & feal la Dame de Estrepigny nous ait fait humblement supplier & requerre, qu'il nous pleüst à li faire delivrer & bailler la garde de Marie sa fille, comme elle soit & doit estre plus curieuse & diligent de la bien garder & nourrir que nul autre, & plus li soit honeste chose d'estre avec li, que avec un estrange: Nous anclinans à sa supplication, voulons & vous mandons, que prise & receüe de ladite Dame bonne seurété & caution, jusques à la somme de trente mil livres parisis, que elle ne fera ou soufferra alieuer par non de mariage sadite fille, avecques*

quelque personne que ce soit, sans nostre gré & assentement especial, vous li baillez de par nous en garde le corps de ladite Marie sa fille, sauve en ce & en autres choses pour raison d'icelle garde nostre droit. Et parmi ladite caution dites de bouche, ou mandés de par nous à nostre amé & feal Mahi de Trie Marechal de France, par devers lequel ladite Marie est orendroit de nostre volenté & commandement, qui la meste & delivre tantost par devers ladite Dame de Estrepigny sa mere, pour la garder de par nous, & nourrir en la maniere que dessus est dit. Donné à Arcies le XXIV. jour de Ienuier.

Laquelle Dame presente en nostre Court le xv. jour de Fevrier ensuiuant, en baillant caution pour ravoir sa fille, si comme il est contenu en nostredit mandement, obligea tous ses biens, meubles & non meubles, & avec ce ou cas la où ladite caution ne souffiroit, elle bailla en plege le Chancelier, le Seigneur de Partenay, Robert de Preaus, Raoul de Chauvigny, & Regnaud de sainte More, & les pronist à garder de tous dommages, se aucuns en auoient pour reson de ce par sa defaute.

Quod Latine dicitur: Philippus Dei gratia Rex Francia, dilectis & fidelibus nostris Episcopo Bellovacensi, Electo Abrincensi, Petro de Cugneriis Equite, & Petro Villebremensi, salutem & dilectionem. Dilecta & fidelis nostra domina de Estrepignyo cum a nobis suppliciter petit, ut ei daremus Mariæ filia sua custodiam, & aliunde credibile est filiam a matre diligentius, quam ab alio quoquam custoditum ac nutritum iri, & eadem filia honestius cum matre quam cum externa muliere manere: matris petitioni annuentes, volumus & vobis precipimus, ut accepta prius ab eadem domina ad summam usque mille & triginta libellarum Parisiensium sponse idonea, qua filiam nulli unquam sine speciali Regis assensu nupturam esse pollicebitur, eidem domine Mariam filiam ejus in fidem & tutelam conferatis, salvo cum in hac, tum aliis in rebus propter eam tutelam jure nostro. Præterea Matthæo de Tria Francia Marechallo, a quo prædicta Maria, quid nobis placuit, resciet, coram dicite vel nomine nostro scribite, ut eam matri suæ domine de Estrepignyo in manus tradat, & ut mater filiam auctoritate nostra teneatur, & modo prædicto nutriet. Datum Arcis XXIIV. die Ianuarii.

*Predicta domina in nostris Curia se sistens xv. Februarii die insequenti, satisfaciendo, ut filia ad eum modum reciperet, quo in nostris continetur mandat, mobilia & immobilia bona omnia oppigneravit; & si casus inciderit, in quo satisfactio non sufficeret, pro ea Cancellarius, Dominus de Partenaio, Robertus de Pratellis, Radulfus de Chauvigny, & Reginaldus de sancta Maura sponderrunt, quos ab omni detrimento, si quod propter hoc culpa sua contingeret, liberaturam se esse promissit.*

Hæc autem sunt instabilitatis humanæ vincula, quibus optimates utriusque sexus redduntur inhabiles ad contrahendum sine Regis assensu Matrimonium, ne contracta sine assensu tali Matrimonia tranquillitatem ac pacem publicam regni conturbent.

## CAPUT XV.

*Sub Joanne Rege regia in Matrimonium potestatis retenta.*

**I**NDUBITATUM fuisse usum regii in Matrimonia procerum juris, quod persequimur, constat ex iis, quæ sub Joanne I. Galliarum Rege acta sunt. Oratores enim Joannis Regis confecto ad annum MCCCIII. VI. Januarii die, publico instrumento Petri Castellæ Regis oratoribus promiserunt, eum eidem Petro literas ab Rege Joanne daturum, quibus ejusdem Castellæ Regis Matrimonium cum Blancha-Borbonia initum confirmaret: quippe quod initum anno superiori Matrimonium Regis caruerat assensu.

Joanna Philippi Burgundiæ Ducis filia cum Joanni Regi reddita esset, federe inter eundem Regem & Comitem Sabaudiarum isto convenit, ut cuicumque placeret Regi nuberet, excepto Delphino primogenito illius. Ex thesauro chartarum Regis. In conjugio, quod inter Margaretam Ludovici Malleani Flandriæ Comitis filiam, & Edmundum Ednardi Anglorum Regis filium contractum est, jus regium eminere sic



fic observamus ex Jacobo Meyro, qui hujus historiam lib. XIII. annalium ad annum MCCCXLV. pertexit. *Ludovicus*, inquit, *Princeps in Angliam ad Eduardum Regem traiecit: indictus conventus est ad Duberim portum, ubi filiam suam petentibus Flandriæ civitatibus, Edmundo Eduardi Regis filio despondit: quæ tamen desponsatio, quod facta esset invita pene omni dignitate Gallica, non servata est. Fingebatur enim quoddam obstaculum cognationis, quod solvere nollet Urbanus V. ne nihil haberet excusationis pacti rescissio. Duo narrat Historicus conjugii obstacula. Unum, quod desponsatio repugnantibus Gallis facta sit, unde non servatam fuisse desponsationem ait. Alterum, fictum cognationis impedimentum, quod tollere Pontifex noluerit, ne, inquit auctor, nihil haberet excusationis pacti rescissio. Non quod prius impedimentum non sufficeret, uti constat, sed ut factum vinculum vero vinculo inditum omnem tergiversandi auferret occasionem. Quod autem Rex Galliarum Pontificem, ut dispensationem cognationis denegaret, non rogavit, sicut ante annos aliquot Emmanuel Suierus asseruit, docet conscripta ab auctore synchroono Urbani V. vita. Per id tempus Philippus junior inter filios præfati Ioannis Francorum Regis, Margaretam filiam Ludovici Comitis Flandriæ, relictam Philippi Ducis Burgundiæ, duxit in uxorem. Et post alia: In istorum autem matrimoniali copulatione necessaria fuit Apostolica dispensatio propter consanguinitatem, qua satis de proximo jungebantur, quam memoratus Urbanus Papa gratiose concessit, licet eam per prius Regi Angliæ in persona unius ex filiis suis denegasset, in quo nullam sibi fecit injuriam, cum hoc non a justitia, sed a sui maxima gratia dependeres: & sibi licuit prout sibi placuit, alteri concedere, & sibi denegare. & quod sic factum fuerit, a Deo creditur ordinatum. At probe hic Suierus Galliarum Regem fecisse id quod narrat, tamen si fieri potuerit sine ulla Gallici iuris imminutione. Quis enim nescit Regem potuisse suum in dirimendo hoc conjugio jus aliunde tueri, quod apertio Marte vix fortassis conservasset: sive quod Flandriæ Comes solus, sive quod Anglis junctus, Regi Galliarum par esset resistendo?*

Excerptum ex vno e commentariis Curie Rationalium Pa-

rificens. inscripto : *Registrum donorum per Regem Ioannem factorum a X. die Novembris anni MCCCXIII. usque ad V. diem Martii an. MCCCLIV. folio. LXIV. v.*

*Ioannes Dei gratia Francorum Rex, universis presentes litteras inspecturis, salutem. Exposuit nobis Colardus de Salcibus, Baillivus noster Viriaci, quod cum ipse Matrimonium contrahi procuraverit de Colardo filio suo cum filia Radulphi de Dargiers militis, in sua Ballivia commorantis, timeatque ne eidem imputari posset in futurum, quod hoc juxta ordinem facere non potest, absque emenda erga nos incurrenda: notum facimus, quod attentis gratis servitiis per eum nobis factis, eidem omnem emendam quam propter premissa incurrere potuit, remittimus & donamus, nonobst. &c. Datum Parisius die XV. Junii anno MCCCLIV. per Regem ad relationem consilii, in quo vos & Dominus Cathal. eratis. POTIN.*

Ex hoc quidem instrumento apparet, eos qui contracturi erant Matrimonium, subiacere multæ, quam subiissent, si clam Rege contraxissent Matrimonium: concludi tamen non potest, Regem jure reddendi subditos ad contrahendum Matrimonium inhabiles carere. Jus est, quo Reges uti possunt, quomodo & quo tempore expedire judicant: id in prima parte tractatus affluenter comprobarum est. Hoc igitur in loco pœna illius, qui non servasset quod servandum erat, non consistit in dissolutione Matrimonii, sed in multâ quæ indicta erat. Huc spectant ea quæ dicuntur jura meræ facultatis.

## CAPUT XVI.

*Sub Carolo V. regia in Matrimonium potestas retenta.*

**B**ITVRIGVM Dux cum vellet Mariam filiam Bernardo Armeniaci Comiti collocare in Matrimonium, amplissimamque ex hereditatibus dotem conficere, id agendi potestatem accepit a Carolo V. Galliarum Rege, ut scribit Tilius in collectorio.

In publico instrumento, quod Carolus anno MCCCCLXXIV. die v. Octobris super educatione primogeniti filii sui confecit, Principum atque optimatum regni sacramentum extat, quo obstringunt sese nullum cum hostibus Gallici nominis Matrimonium celebraturos. Illud autem sic se habet Latine versum: Ego talis, &c. super sancta Dei Evangelia juro, & corporis mei fide polliceor, me quoad vivam, fidelem fore & vere obsequentem meo metuendissimo & supremo Domino Domino Carolo Regi Franciæ, personam illius, honorem, statum, dominium, ditiones & alia jura regni pro virili servaturum & defensurum, atque ad servandum defendendumque adjuturum contra omnem hominem, qui vivere & mori potest, bonum & fidele consilium ei daturum, si quando petere a me dignetur, communicata mihi arcana regni custoditurum, utilitatem procuraturum, incommoda propulsaturum, & si propulsare non possim, ei denuntiaturum, super illius morte, captivitate, detrimento, sive in corpore, sive in bonis non consensurum, nullum fœdus sive Matrimonio, sive quavis alia ratione cum illius hostibus rebellibus & contumacibus percussurum, nulli serviturum, opem vel consilium latrum contra ipsum vel ipsum regnum. Ita me Deus adjuvet, & hæc sancta Dei Evangelia, & presentes Sanctorum reliquie. Hæc in thesauro chartarum Regis, in arca procurationum regni, & Regum natu minorum. Qui ut jura Regum in Matrimonii contractus immi- nuant, in sola ejusmodi sacramenta potestatem impediendi Matrimonia procerum transferunt. Hoc inprimis sacramentum expendant, in quo quæ proceres servaturos se solenni juramento protestantur, eos aliis ad ea servanda nominibus obstringi comperient. Infans profecto sit, qui negaret, ante præstitum hoc sacramentum ad procurandam Regis regnique salutem Principes atque optimates obligari.

Sed diluenda nunc est objectio, quæ ex Lucemburgicæ domus historia duci posset. Valeranus Comes sancti Pauli, cum esset in Anglia captivus, sine consensu Caroli V. uxorem ex matre sororem Regis Angliæ duxit, ut refertur in ea historia, quam Nicolaus Vignerius vernacule conscripsit. At Valeranium Carolus non rescissione Matrimonii, sed alia multavit pœna: nempe quas habuit in regno possessiones occupavit. Verum

388 REGIA IN MATRIMONIUM POTESTAS.  
 respondemus primo concludi quidem inde Matrimonium illud a Carolo non fuisse rescissum; sed quod non potuerit jure rescindi, non concludi. Respondemus secundo, quoad vixit & restitit Carolus, id est, aliquot mensium spatio, nullum reipsa fuisse Matrimonium, quod non alio modo quam sola ditionum Comitum occupatione testari voluit, cum nec tempus, nec politica ratio quidquam aliud suaderent. Nuptiæ contractæ fuerant anno MCCCCLXXIX. & Carolus obiit XVI. Calendas Octobris ann. MCCCCLXXX. quo duorum Ducum opera, Andegavensis & Brabantini, rediit Comes in Galliam, & in gratiam alterius Regis, qui quod patri justam ob causam Matrimonium displicuit, ob similem causam probavit, immo & occupata ab eo dominia reddidit. At pater improbando Matrimonium, & filius probando, vnum utrique statuerunt: in hac scilicet consiliorum varietate & temporum diversitate, fixam in tuenda Galliarum pace concordiaque perseverantiam.

---

## CAPUT XVII.

*Sub Carolo VI. regia in Matrimonium potestas retenta.*

CAROLVS VI. veniam dedit Joanni I. hujus nominis Duci Borbonii, ut cum Maria Bituricensis Ducis filia Matrimonium contraheret, ut scribit Tilius in collectorio.

Ad annum MCCCCL. Archambaldus Graillius Faxensis Comes, & Benarni Vicecomes, cum se vasallum Regis agnosceret, eidem Regi promisit, se sine illius consensu filios suos Matrimoniis non illigaturum. Ejusmodi autem est sacramentum: *Præterea promittimus & juramus prout supra, quod aliquos liberorum nostrorum nullatenus maritabimus, nec patiemur aut procurabimus Matrimonio copulari, nisi cum subditis & benevolis dicti superioris Domini nostri Regis: volumusque & precipimus, quibus supra nominibus, omnibus liberis nostris predictis,*

quod similiter promittant & jurent. Et jam dicti Ioannes & Gasto filii nostri de mandato & auctoritate nostris iuraverunt, nullatenus contrarium se facturos: & alios liberos nostros predictos ad huiusmodi iuramentum prestandum auctorissimus ad plenum. Hæc ex thesauro chartarum Regis in arca Fuxensi. Qui antiqua regni consuetudine & lege jam erant ad contrahendum Matrimonium inhabiles, hoc iterum sacramento inhabiles redduntur.

## CAPUT XVIII.

*Sub Carolo VII. regia in Matrimonium potestas retenta.*

**I**NTER Carolum VII. & Joannem Armoricæ Ducem convenit, ejusdem Ducis filium non contracturum Matrimonium cum Ludovici Ambosii filia, quin Rex Carolus assentiretur. Quod uterque Dux, pater & illius filius, scripto confirmavit anno MCCCCXXXI. ex thesauro chartarum Regis in arca Armoricæ.

Regia in Matrimonium procerum auctoritas plurimum elucet in eo conjugio, quod Carolus Carolesii Comes, & postea Burgundiæ Dux, contraxit cum Isabella Caroli I. Borbonii filia. Sed hoc conjugium ita celebratum est: Anno MCCCCLIII. mensē Martio Philippus Bonus Burgundiæ Dux, de celebrandis filii Caroli Carolesii Comitis cum Isabella Caroli Ducis Borbonii filia nuptiis egit. Sed antequam ultra progrediretur, nosse voluit, utrum Borbonii Dux & Ducissæ parentes gratum id haberent. Qui gratum id habere se responderunt, modo Carolo VII. Regi placeret; sed brevi ea super re voluntatem Regis exquirere. Philippus quippe non solum erat Princeps ortus ex prosapia regia, sed & Dux Brabantie, & Comes Hanovia & Hollandie: qua ratione tanquam extraneus Princeps haberi poterat. Anno vero MCCCCLIV. idem Philippus Dux cum hoc perfici Matrimonium optaret, & Isabella parentes ad illud perficiendum invitasset, con-

*venit inter eos, ut Rex Carolus adiretur, illius consensum obtinendi causa. Tunc ad Regem missa est Claromontensis Comitissa, Caroli VII. filia & uxor Claromontensis Comitis, qua rem ita prudenter gessit cum Rege, ut illius consensum obtinuerit: atque sic brevi Philippus nuptias celebrari curavit. Unde observandum est, non ante celebrasse illas nuptias, quam unum annum cum dimidio Regis consensum expectasset. Hæc Matthæus Descouchy in manuscripta Caroli VII. Historia, quæ ab anno MCCCXLIV. ducit initium, & definit ad annum MCCCCLXI. sed quæ Gallice dicit, Latine vertimus, & velut in compendium misimus. Illustre porro exemplum est, quo regia in optimatum conjugia potestas declaratur, & validissime confirmatur.*

Non potuerunt in Gallia pro gravi crimine haberi tractatæ a Principibus inscio Rege nuptiæ, nisi viguerit lex aut recepta consuetudo, qua ne quis id moliri auderet, caveretur. Duo proponam exempla, quibus cum ex admissio crimine, tum ex illius vindicta jus Regis in Matrimonia Principum constabit. Unum est Joannis IV. Armeniaci Comitis, qui clam Rege nostro Carolo de celebrandis inter filiam suam & Regem Angliæ nuptiis egit. Hoc & aliis criminibus commotus Rex Comitem & universa illius bona capi decreto suo iussit. Affines & amici Comitis cum insontem eum esse crederent, audiri se super negotio Comitis a Rege postularent: quod concessit; sed id coram Consilio suo fieri voluit. Quæ Comes & illius majores pro Regibus & regno strenue gesserant, in medium adducunt, Comitemque inique habitum conqueruntur. Tunc regius in causis criminum Patronus Joannes Barbinus, qui aderat, respondere jubetur. Trium vero dierum inducias petiit, & consecutus est. His diebus elapsis Patronus pro Rege dixit in Consilio, adversariorum orationi respondit, & quæ accusatus Comes contra Regem & subditos admiserat, speciarim redarguit. Præcipuum crimen in eo erat, quod, ut ait Matthæus Descouchy, *fædus inierat cum Henrico Angliæ Rege, eique in uxorem tradiderat filiam suam, ac multa Regi regnoque perniciosissima promiserat. Sed illud Matrimonium inscio Rege nec debuit, nec potuit tractare secundum edita regia, quæ dudum in Gallia viguerant. Immo*

*eandem esse aliorum Principum rationem* historicus noster adjungit. Patronus Regis conclusit, quidquid adversus Armeniacum Comitem actum fuerat, jure actum fuisse; hac in causa Regi ab vniuersis ejus popularibus opem esse ferendam; immo Regem ipsum ad vindicandum id facinoris genus teneri; bona omnia Comitris regali fisco addicenda esse, atque in ipsum Comitem supplicio corporis animadvertendum. Qui negotium Comitris tractabant, mutato consilio veniam precantur. Hujus obrinendæ causa, Comitris amici pedibus Regis sese advolvunt: tunc humili dejectione Rex motus capta bona ea condicione restitui juber, vt Comes servandæ, quæ super agitata per Advocatum regium quæstione fieret, conventionis pignora præberet; & tandem post magnam & celebrem Principum regiæ profapix, Consiliariorum magni Consilii, & multorum Curix Parlamenti Senatorum deliberationem, Rex Armeniaco Comiti & illius filio abolitionem facti decrevit.

Observandum vero est, in literis abolitionis hæc concepris verbis exprimi: *Tribus abhinc annis tres Anglos, qui adversariorum nostrorum partes sequuntur, ad dictum nostrum consobrinum Comitem Armeniacum seorsim venisse, quos sine venia nostra ac permissu recepit, & cum quibus de celebrandis cujusdam filia sue cum nostro nepote, & adversario Angliæ Rege, nuptiis tractavis, quod facere non debuit. Hæc porro literæ abolitionis in supremo Tolosæ Senatu admixtæ sunt, die XIV. Maii ann. MCCCCXLVI.*

Alterum exemplum est Alenconii Ducis, quem concessa vitæ vsura carcer habuit vsque ad obitum Caroli VII. quod præter Regis conscientiam de Matrimonio filii cum filia Ducis Eboracensis egisset. Hanc rem accurate describit Monstreletus volum. III. in Carolo VII. Anno MCCCCLVI. *Lucretia Parisiorum jussu Regis captus Dux Alenconius a Comite Dunensi Melodunum ad Regem ductus & convictus, cum Anglis infcio Rege egisse, vt filia Ducis Eboracensis filio suo nuptum daretur, indeque ipsi in Normanniam ingressum præberet: quod crimen ipse ultro confessus est, atque ob id in ergastulum conjectus vsque ad mortem Regis. Legat nunc qui voluerit, & relegat Alenconii*

Ducis historiam, semper inveniet, attentatas ab eo nuptias primam mali labem extirpsse, & ceterorum originem criminum, quæ furtivis nuptiis vti fundamento deinceps inædificata sunt.

Ex iis autem, quæ pro retinenda regia in Matrimonium procerum auctoritate Carolus strenue fecit, facile diluitur oblectio, quæ ita comparari posset. Ludovicus Delphinus, qui postea Rex fuit hujus nominis vndecimus, vivente Carolo VII. Carlottam Sabaudi filiam accepit uxorem, non requisito Regis assensu: & ramen Matrimonium valuit. Respondemus primo, ut hujus facti veritas expendatur, sciendum esse, quod Delphinus geminam a Rege secessionem fecerit: vnam anno MCCCCXL. quæ exiguum ad tempus; alteram anno MCCCCLVI. quæ ad obitum vsque Regis duravit. At Delphino nupsit Carlotta anno MCCCCLII. juxta Monstreletum, vel anno MCCCCLIII. juxta Belleforestum: quibus annis summa Regis patris cum Delphino filio viguit concordia. Præsumpto igitur Regis assensu nuptiæ celebrari potuerunt. Neque vero Alanus Quadrigarius, Monstreletus, Comminius, Guaguinus, Æmilius, Tilius, Hallianus dissentientem Carolum meminerunt. Res erat cum primis memoratu dignissima. Verum ut cum prius Delphini Matrimonium non dissentiente Rege factum referunt, illum consentientem credimus: sic & in posteriori non abfuisse idoneum Regis consensum autumamus. Respondemus secundo Si quis expressum Regis consensum desiderat, replicatis Burgundiarum annalibus inveniet, Delphinum in vrbe, cui nomen Forum-Segusianorum, inita Regem inter & Sabaudiarum Ducem pace Matrimonium cum Carlotta contraxisse. Hæc apud Petrum Matthæum lib. I. vitæ Ludovici XI. Huc quoque spectat, quod Paradisus lib. III. chronici Sabaudiarum eap. XLIV. commemorat. *Historia*, inquit, *non consentiant: vnus quidem memoratur, conciliatam ipsa Delphini conjugio pacem; alteris vero promissam Delphino Carlottam eidem tunc fuisse concessam.* Inde apparet, falsum esse, quod nonnulli dicunt, causam, cur in odium Regis venerat Sabaudus, ex eo ortam esse, quod sine illius assensu Delphino nupsisset Carlotta.

Odium



Odium illud aliam habuit originem, sed non omnibus animadversam. Quare Guaguinus illius ferme temporis scriptor proficitur, se admissi in Regem criminis modum scribere non posse, quem a maioribus non acceperat. Respondemus tertio, in omnibus pacis conditionibus, quas Burgundus per Croium Carolo pro reditu Delphini proposuit, illam de peractis inficio Rege nuptiis locum haud vltimum tenuisse, cum maxime vno post alteram secessionem anno Carlotta, cum qua prae juvenili ætate, vt quidam volunt, Matrimonium nondum consummaverat, Namurcum ad Ludovicum accessit: sed nulla penitus inter pacis conditiones ejus rei incidit mentio.

## CAPUT XIX.

*Sub Ludovico XI. regia in Matrimonium potestas retenta.*

QUI quod Delphinus Caroli VII. filius cum Carlotta Sabaudi filia contraxit Matrimonium, nobis objiciunt: si vere objicerent, aliam tunc fuisse Ludovici Delphini, aliam nunc esse Ludovici Regis conditionem agnoscerent. Quæ enim Ludovicus vt Delphinus gessisset male, vt Rex emendando confirmaret, ratumque haberet. Nempe regia in Matrimonia procerum auctoritatis vindicem se præbuit juxta ac majores. Sed id videndum est. Carolo VII. Rege Joannes II. Alenconii Comes e regio genere conjectus fuerat in carcerem, quod filiam primogenito Eboracensis Ducis filio tradere in uxorem voluisset: propter hoc crimen Vindocini anno MCCCCLVIII. die x. Octobris in Comitem supplicium mortis decernitur. Sed suspensio decreto in carcere captivus detinetur ad obitum vsque Caroli VII. Ludovicus Caroli filius, vbi patri successit, Comitem Alenconii carcere liberat, rescissoque mortis decreto veniam concedit, Ludovico ab eodem Comite datis anno MCCCCLXI. die xii. Octobris litetis,

*Ddd*

quibus inter cetera continetur, Ludovicum Regem Renati & Catharinæ filiorum Comitis custodiam sibi reservasse, & de illorum Matrimonii disponendi potestatem, ut cui mulieri placeret Regi, Renatus conjungeretur, & cui viro Catharina nuberet. Præterea si quid quod in damnum Regis posset cedere, moliretur, seu conjugali liberorum fœdere, seu alia quavis ratione clam Rege, & sine expresso illius jussu, cassam esse & irritam, quam acceperat gratiam, consensit.

Ludovicus XI. anno MCCCCXLV. ratum habuit Matrimonium, quod Petrus II. Borbonii Dux cum Maria Aurelianensi filia Caroli Aurelianensis Ducis ab anno MCCCCXII. contraxerat, mense Septembri.

Renatus Alenconii Dux & Perticensium Comes in potestatem Ludovici XI. Regis cum venit, inter alia pactorum genera istud primum fuit, ut non ante uxorem duceret, quam Matrimonio Rex assentiretur. Immo hac ipsa conventionem universos Alenconiensis Ducatus & Perticensis Comitatus vasallos teneri voluit Renatus. Quod si secus attentaretur omnibus coactionibus & pœnis, quibus Rex voluerit, subicerentur & Dux & populares Ducis. Hoc refert Ægidius Bry Parisiensis Causidicus in historia Comitum Alenconii & Perticæ lib. v. cap. x.

Ceterum ex hac & similibus conventionum generibus observandum est, & quod Reges summam in Matrimonia procerum & vasallorum auctoritatem habere se crediderint, & quod licet in novis ad regnum accessionibus principatuum jus nullum in Matrimonia Principum acquirant, quod cum ex supremo dominio, tum ex subditorum conditione non debeatur, hoc ipsum tamen consueverunt in suis pactis stipulari, ut Principes & regni optimates ad servandam pacem, & retinendum bonum publicum multis nexibus obstringantur. Hoc a nobis monendum fuit sæpius, ne ex eo quod ex benignitate Regum proficiscitur, Regum ipsorum auctoritatem elevandi quis ansam arripiat.

Nunc diluenda est objectio, quæ ex conjugio Maritæ heredis Burgundiæ cum Maximiliano sic duci posset. Ludovicus

XI. omnes adhibuit machinas, ut Maria non nuberet Maximiliano, sed frustra; nec ramen conjugium illud dictum est unquam a Ludovico nullum. Respondemus primo, quam questionem arduum vi & conferra manu dirimere non poterat, verbis dirimere non curavisse, eum præsertim causæ nihil ac juri suo profuisset. Supremo Domino ad retinendam juris rationem nonnisi bellum superest. Ad quem, quæso, pro vindicanda confugisset injuria, vel coram quo iudice disceptasset Rex, qui nullum in temporalibus superiorem præter Deum agnoscit? quemadmodum de Rege Galliarum testatur Innocentius III. Respondemus secundo, vno post contractum Matrimonium circiter anno Ludovicum Regem illud tacito consensu ratum habuisse, cum Sixti IV. Pontificis hortatu Ludovicus & Maximilianus daris ad annum indicis reconciliari sunt; & post annos quatuor Margareta Maximiliani filia in Galliam adducta est spe conjugii cum Delphino incundi. Respondemus tertio, non videri exemplum esse omnino consentaneum, tum quia Maximilianus neutrumque Ludovico subdebatur, tum quia Maria Regi ex omni parte vestigialis non erat. Plures enim ac potiores ditiones habebat dominio Regis solutas, quam ab eo Rege pendentes. Quod cum ira sit, non immerito dubitaretur, num ut pro pendentibus a Rege ditionibus fisco, sic legi seu consuetudini Matrimonium dirimenri Maria subiceretur. Quare non miror, quod Rex prudens & simulationis peritus ejusmodi Matrimonium irritum non declaravit. Verum quia de hoc capere nihil ab aliis conclusum vidi, meum interim suspendo iudicium de illa questione, quæ sic proponeretur: Utrum initum in pari profus casu Matrimonium contra Regem Galliarum, Hispaniarum, vel aliarum gentium voluntatem valeret, necne. Respondemus quarto, licet daretur legem vel consuetudinem regni nonnihil passam esse detrimenti, eum Ludovicus, ne Maria Maximiliano nuberet, vetuit, totum istud a Carolo filio Rege in integrum restitutum esse.

\*\*\*

## CAPUT XX.

*Sub Carolo VIII. regia in Matrimonium potestas  
retenta.*

**A**D annum MCCCCLXXXVIII. Franciscus Armoricae Dux sancto fœdere quod apud Jalignum extat, se sine Regis assensu filias suas non elocaturum promissit Carolo VIII. Fœdus illud & constituta decem mille nummorum aureorum multa, & præcipuarum Ducatus urbium oppugnatione communitum est, quo regia in Matrimonia procerum auctoritas securius retineretur.

In historia conjugii, quod Anna Britanniae filia cum Maximiliano contraxit, jus regium eminere demonstrandum est; sed rem altius repetimus, ut quorundam tergiversationibus occurratur. Dux sunt igitur de hoc conjugio narrationes historicorum oppositæ: una eorum, qui conjugium vere quoad potuit in speciem, initum per procuratores fuisse affirmant; altera eorum, qui negare videntur. Qui affirmant, sunt Linturius in appendice ad Fasciculum temporum anno MCCCCXC. Wimphelingius ibidem, Polydorus lib. 11. Historiæ Anglorum, Scellius apud Jovium Pontanum lib. 11. de fortitudine, Comminius lib. 1. de bello Neapolitano, Mutius lib. xxix. Germanic. chronic. ann. MCCCCXC. Tritemius in chronic. Sponheimensi ann. MCCCCXC. Jovius lib. 1. Hist. Tilius in chronic. ann. MCCCCXC. Sleidanus in descriptione Galliarum, Argentreus lib. xii. Hist. Britann. cap. LVI. Gordonus in chronologia ann. MCCCCLXXXIX, Spondanus in auctario ann. MCCCCLXXXIX. Petavius in Rationario temporum, & alii. Qui vero negare videntur, sunt Guaguinus in epistola ad Wimphelingium, Nauclerus generat. l. ann. MCCCCXC. Belleforestus in Carolo VIII. ann. MCCCCXC. & quidam alii. Horum autem vera si non sit, sed aliorum narratio, Matrimonium, quod Maximilia-

nus inuit cum Anna Armorica herede, solo regii consensu defectu nullum fuit, eamque Carolus VIII. Maximiliano creptam legitime duxit in uxorem.

Ex Ducum vero Armoricae archivis, quæ Argentreus ipse revolvit, deceptos fuisse Guaguinum, Naucleum, Belleforestum & alios, probatu non est difficile. Quo enim pacto revinceretur Argentreus, cum & se datum quatuor procuratoribus ad contrahendum diploma vidisse, & Matrimonium per eos tunc solenni ritu factum fuisse, atque insuper mandata Maximiliani & Annæ deinceps his verbis concepra repetiri testentur: *Maximilianus & Anna Rex & Regina Romanorum, Dux & Ducissa Britannia. Quis nunc crederet, Guaguinum, Naucleum & alios ejusdem opinionis historicos abrogare velle fidem Argentreo, qui hæc monimenta omni exceptione majora vidit? Non enim Guaguinus & Naucleus ii sunt, qui sibi hoc sumant, ut falli non potuerint. Plus vni certe oculato testi, modo corruptæ fidei non probetur,tribuendum est, quam centum aliis, qui testantur id quod non viderunt, aut quinetiam testantur id non esse gestum, quod ipsa gestum est. Neque vero vnus contractum a Maximiliano per procuratores Matrimonium testatur Argentreus; sed omnes illi, quos retulimus, & imprimis Linturius, qui Regem Romanorum per Legatos de presenti contraxisse cum Ducissa Britannia dicit, & plures versus, contumeliosasque in Carolum epistolas ac declamationes cupidissime refert.*

Verum a Polydoro rationem, cur Annam a Maximiliano dissociaverit Carolus; & a Sefellio, cur Annam suam fecerit uxorem, ediscamus. Primum a primo scriptore sic accipio. *Franci, inquit, Annæ auribus instillabant, facta cum Maximiliano sponsilia nullius esse momenti, quod injussu Caroli Regis, ad quem dominii Britanniae proprietas pertineret, facta forent.* Alterum ab altero sic audio. *Carolus, inquit, Annam Maximiliano desponsatam sibi junxit, non regia libidine, aut superbia inductus, sed impulsus temporum ac bellorum necessitate, ut provincia illa tantæ opportunitatis ad arcendas Anglorum classes, redemptis eo conjugia provincialium animis, pristina quieti redderetur. Quinam autem Franci fuerint, a quibus illa potissimum*

acceperat Polydorus, traditur a Bacono fuisse Franciscum Luxemburgicum, Catolum Marignianum, & Robertum Guaguinum, tres ad Regem Angliæ missos a Carolo oratores, quorum ultimus in ea, quam coram Anglo habuit, oratione significavit, *neminem esse, qui ignoret, Regem Gallie supremum esse Britannici Ducatus dominum, atque idcirco ad eum solum de Matrimonio Anna heredis disponendi potestatem attinere: uno verbo, jus privati domini, non vero quoddam status negotium esse.* Ceteri scriptores quamvis eandem cum Polydoro solvendi conjugii causam non meminerint, non tamen negarunt; sed ea, quæ & communis & communi Francorum sermone ferebatur, omissa, privatas alias, magisque pro tempore politicas commemorarunt. Curiosi si velint, legant Historiam Caroli a Jalignio scriptam, & inter capita fœderis, quod inter Regem & Britanniae Ducem apud Andegavos initum est, reperient, Ducem illum filias elocare sine Regis consensu non posse. Hoc quidem in fœdete nullum jus novum Regi quæsitum; sed vetus, a quo forsan Dux tentabat deficere, novis pactionibus assertum. Quam ob causam post obitum Ducis renovatum est in Armorica bellum. *In Britones, ait Guaguinus, Francisco Duce defuncto, arma a Carolo sumpta sunt: superstites erant Francisco filiae duæ, quibus una appellatione Anna nomen erat. In has donec fidei jura secundum fundi leges persolvissent, neve inconsulto Rege nubere, bellum indicitur.*

Agnoscit ergo Guaguinus cum in habita coram Angliæ Rege oratione, tum in hoc loco jura Regum Galliae in filiarum Ducis Britanniae Matrimonia, quæ in seio Rege Carolo fieri non debere, aut posse manifeste concludit. Cur vero contractum & ratum habitum a Maximiliano per procuratores cum Anna Matrimonium nescierit, aut dissimulaverit in sua ad Wimpelingium epistola, disquirere non mihi operæpretium videtur. Si enim nesciit, cur illius ignorantia rei gestæ veritati noceret, si forte dissimulavit causam cur id fecerit, ignoramus. Utut sit, Guaguinum Wimpelingius graviter redarguit in secunda epistola, cui non respondit. *Dicis, inquit ille, de Matrimonio Maximiliani ni-*

hil cuiquam Britonum constare, & tamen procuratorium ipsum vehementer impugnas: videor mihi, ni fallor, quandam in verbis tuis controversiam videre. Dicis Regem nostrum non habuisse ratum conjugium per procuratores instum; quam verum id sit, audiat Rex tuus, non Regem nostrum, sed universos Principes, qui superioribus diebus de hoc conjugio ceterisque rebus tractaturi Nuremberga convenerunt, & cetera.

Porro vero ab illis, qui jura Regum & Imperatorum formalibus metiuntur argutiis, libenter contaremur, an Romanus Pontifex, qui hæc vidit & tacuit, Matrimonium ignoraverit esse Sacramentum: cur Regem violatæ religionis non accersit: cur secundis nuptiis Carolo & Maximiliano non interdixit, donec de primis judicaret: cur Maximilianus, qui a Germanis quibusdam & Italis duplici affectus injuria dicebatur, ad Pontificem receptum non habuit. Sed occurrit non magnæ fidei recentior historicus, qui Carolum a Pontifice dispensationem petiisse referat. At ex incerto rumore, aut ex falsa animi apprehensione loquitur, neque ex veteribus vllum dispensationis testem appellat. In conjugio, quod irritum est & nullum, dispensatio, qua illud solveretur, ridicula foret. Nullos sane tunc alios Carolus consuluit præter suos Theologos, eosque Parisienses, qui cum novissent Matrimonium Annæ cum Maximiliano initum, regii consensus defectu non valere, domino suo licere, si vellet, cum Anna celebrare nuptias affirmarunt.

Reliquum est modo, ut Francisci Salerni Siculi notas in hanc historiam dispungamus. *Excitatis*, inquit, *inter Carolum & Maximilianum propter Annæ conjugium bellis commotum Alexandrum VI. nuncios ad eos Reges destinasse: inter pacis fœdera illud inprimis fuisse, ut Carolus Annam sibi in uxorem retineret: Carolum ad Alexandrum misisse oratores, qui transactorum confirmationem postularent. Ita post Arnoldum Ferronum lib. 1. Beuf. lib. 1v. & v. Polyd. Virgilius lib. xxvi. Naclerus generat. l. Sabellius Ennead. x. lib. viii. Bzovius tom. xviii. ann. mccccxiii.* In hac objectione repetiuntur omnino tria, quæ dispungenda sunt. Unum, Alexandrum Pontificem nun-

cios ad conciliandos Reges destinasse. Alterum, inter pacis fœdera illud inprimis fuisse, vt Carolus Annam in vxorem retineret. Tertium, Carolum ad Alexandrum misisse oratores, qui transactorum confirmationem postularent.

Franciscus Salernus Ferrono & Nauclero imponit, cum de tribus objectionis capitibus ne vnum quidem verbum habeant. Sabellicus nec de secundo, nec de tertio quidquam tradit. Ipsum audiamus lib. v l i i. Ennead. x. *Exarsit diuersa parte hostile odium inter Maximilianum Regem & Carolum V I I I. qui in Galliis late per id tempus regnabat. Erat Maximiliani filia Carolo desponsa: duxit tamen is in vxorem Caroli Ducis Burgundie filiam, quo Matrimonio erat puella orta. Hanc Gallas ex improviso repudiat, iunxitque sibi ex citeriore Britannia novam conjugem Annam Francisci illius terre Ducis filiam, que a patre heres relicta dotale secum trahebat omne Britannicum nomen; & quod multo atrocius visum est, erat hæc Maximiliani conjux promissa, aut certe facta spes erat connubii. Prior conjux Carolo Burgundie Duce genita fato decesserat. Traxisset duplex contumelia utramque gentem in fœdum certamen, nisi cum aliarum gentium, tum Venetorum Legati & Leonellus Concordiensis Antistes a Pontifice ad id in Galliam missus, intervenissent, qui Regum animos lenire adorti precibus hortatuque, agre tenuerunt, vt armis abstineretur. Sicule tuam fidem. Qui Pontifex & Veneti miserunt Legatos, qui futurum inter duos Reges bellum extinguerent: colligis id egisse Pontificem, vt Carolus Annam in vxorem retineret.*

Polydorus de tribus capitibus nihil aut parum habet: ipsum quoque audiamus post recensitam Galli cum Anglo contentionem. *Inier hæc Alexander V I. Romanorum Pontifex, qui Innocentio paulo ante mortuo successerat, ad Carolum legat Leonellum Episcopum Concordiensem, virum summa iustitia operaque probata, cui inter cetera mandata dederat negotium reconciliande concordie inter Reges. Is in Galliam profectus, postquam mandata Pontificis exposuerat, ac eam fere rem, quam postulasset, a Rege facile impetrarat: aliam deinde rem, que in motu erat, aggressurus, Carolum Principesque Francos est multis verbis hortatus ad pacem inter se & Henricum reconciliandam: a qua ubi sensit Francorum animos non*  
abhor-



abhorrere, idem apud Anglum officium facturus, in Angliam quamprimum proficiscitur, cui venienti oratores Anglici cum Francis ad Caletum obviam fuere. Ibi de communi negotio, ubi postquam inter se aliqua commodum contulerunt, ille in Angliam, isti ad Carolum sunt profecti. Henricus accepit Leonellum venientem, audivisque benigne se luculenta oratione ad conservandam retinendamque amicitiam Francorum hortantem, eique suum desiderium plenum fecit, quod erat, ut jam in honesto otio per istas exitiosas inimicitias acquiescere sibi liceret. Leonellus cognita Regis sententia, quasi de pace nihil actum esset, quod amplius dubitaret, prope in Gallias revertitur, cupidus, ut Concordiensem decebat Episcopum, ab omnibus superioris temporis injuriis funditus evulsis, reducenda confirmandaque concordia. Tum ubi dixit, nullam Carolum inter & Henricum firmam initi potuisse concordiam, subjungit: Dum hac in Anglia gerebant, Maximilianus domabat Flandros, a quibus per tumultum captus atque in custodiam traditus est, & statim atque liberatus est, de vindicando se contra Gallum cogitat, quod repudiaret filiam suam, & ut suspicabatur, Annam praeripere volebat, eamque sibi copulare. Interea Carolus Annam Britannorum Principem in fidem recepit, in Matrimoniumque duxit. Hoc ubi Maximilianus rescivit, nimia ira percitus, quod Francus non satiatus injuria repudiate filia, etiam Annam sibi pactam eripuisset, Deum tantorum facinorum ultorem devocare, ac omnia in Carolum maledicta conferre, eidem jamjam sexcentas mortes intentare. Sed post paulum ut se collegit, suum decus armis ulciscendi existimans, continuo oratores ad Henricum misit cum mandatis, ad quem & literas dedit, quibus commonefaciebat Regem, ut quamprimum exercitum pararet, ut Franco bellum inferret. Cedit promissis Maximiliani Henricus V I I: Et post alia: Verum Maximiliano non animus ulciscendi, sed facultas belli gerendi defecit, qui & pecunia & milite in terra Flandrica parum omnino amica carebat. Sicule tuam rursus fidem: Ubinam apparet apud Polydorum Romani Pontificis ad Carolum & Maximilianum legatio? Ubinam præcipuum inter pacis fœdera caput, quo Carolus Annam retineret in uxorem? Ubinam Carolus ad Alexandrum V I. misit oratores, qui transactorum confirmationem postularent? Tam igitur

Polydorus de tribus objectionis tuæ capitibus hic egit, quam de tribus capellis.

De Beuterio iudicium ferre non possum, nec tu forsitan ferre potuisti, cum nondum, ut opinor, publici juris sit. Tamen non dicet quis temere eum, qui editis auctoribus affingit non sua, ineditis longe facilius affingere.

Unus superest Bzovius scriptor recentissimus, qui tria illa objectionis capita refert. Sed cum ex Ferrono, Nauclero, Sabellico & Polydoro referat, is perinde ac Franciscus Salernus Siculus falsum omnino refert. Deinde ut figmentis suis tempus aptaret Bzovius, anno MCCCCXCIII. scribit, sub initium mensis Januarii ann. MCCCCXCII. Maximilianum cum Anna Matrimonium contraxisse. *Maximilianus*, inquit, *hoc tempore celebs initio mensis Januarii preteriti anni duxerat uxorem Annam Francisci Britannorum Ducis filiam, ut per illius conjugium principatu potiretur.* Huic vni falsitati reliquæ superstruuntur, quod sic ostenditur: Argentreus indigena scriptor in Historia Britannica refert lib. XIII. cap. LVI. Maximilianum per suos procuratores cum Anna celebrasse nuptias anno MCCCCXC. XI. Novembris: a quo tempore ad annum usque MCCCCXCI. publica diplomata fuerunt sub hoc titulo expedita; *Maximilianus & Anna Rex & Regina Romanorum, Dux & Ducissa Britannia.* Deinde narrat Anglorum Regem anno MCCCCXCI. XIX. Octobris ad Annam Romanorum Reginam dedisse literas, quas eodem lib. sed cap. LVIII. describit. Hæc de Matrimonio Maximiliani. De Matrimonio vero Caroli memorat, eodem cap. per nobiles feminas coeptum illud fuisse a die XIX. Octobris ann. MCCCCXCI. fœdus cum Carolo faciendum Annæ persuaderi. Tum XIX. Novembris ann. MCCCCXCI. imperasse Carolum, ut milites sui Britannia finibus excederent. Deinde XVI. Decembris ejusdem anni MCCCCXCI. Carolum cum Anna Matrimonio junctum fuisse.

Quæro nunc a Bzovio, quonam pacto potuit Alexander, qui creatus est Pontifex anno MCCCCXCII. III. Idus Augusti, Leonellum Concordiensem Episcopum ad illos Reges ablegare, qui efficeret, ut Carolus Annam in uxorem retine-

ret? Secundus propemodum annus erat a contracto Caroli cum Anna Matrimonio, cum juxta Bzovii chronologiam Alexander miserat Legatum, qui de conciliandis inter se Regibus, & de gemina Matrimoniorum diremptione tractaret. Hoc enim cum Bzovio suo machinetur Siculus noster, patrio more gerras agit. Alexander vero miserat Legatum, qui effecet randem, ut Carolus Annam in uxorem retineret. Quid inde juris ad Alexandrum potius quam ad Venetos pacis per suum quoque Legatum auctores, ac fœderis arbitros pertineret? Nam effectum a Pontifice, ut Carolus Annam in uxorem retineret, cum aliud sit nihil, nisi ut quam legitime sibi copulaverat uxorem, retineret: id negotii genus ab aliis Principibus æque atque ab Alexandro tractari potuit.

Verum adhuc Siculus noster objicit: *Argentreus cap. LVIII. recenset Sedem Apostolicam ob pacis bonum, aliaque pacis commoda Matrimonia dissolvissè, ac reipsa hoc in conjugio, de quo loquimur, sanctam Sedem executam asseverat.* Hanc Historiam ita versat ille, quasi vellet perpetuo mentiri. Hæc autem tradit Argentreus in Latinum fideliter versa: *Persuadebatur Ducissæ, quæ suum esse legitimum conjugium (cum Maximiliano) credebat, quoties optime boni publici contigerant occasiones, sanctam Sedem ultro dispensasse in primo etiam gradu consanguinitatis.* Hæc duntaxat Argentreus, quæ non tam illius sunt quam nobilium feminarum, quæ quibusvis idoneis rationibus seu veræ, seu fictæ forent, tentabant eo Annam adducere, ut repudiato Maximiliano, quicum non potuerat Matrimonium injussu Regis vere contrahere, Carolum adamaret, & in maritum acciperet. Mulieres mulieris religionem religione solvebant, non Alexander, qui nondum erat Pontifex, ut jam probavimus. Neque vero Bzovius pontificiæ dispensationis meminit, aut Argentreus, qui satis testatur alias, nullam Pontificis intervenisse dispensationem. *Mulierum, inquit, & aliorum (nempe Theologorum) persuasionibus victa manus dedidit, sædusque conjugii iustum fuit.*

Una restabat difficultas expedienda, ut Regis Matrimonium perficeretur. Hoc in negotio plures dispensationes ha-

bere oportuisset. Alteram pro Anna Britanniae herede, alteram pro filia Maximiliani; sed neutra, ni fallor, habita est, cum ut narrat Polydorus, & repudiationi filiae, & praesumpto Annae conjugis raptui vehementer repugnarent Maximilianus & Reges alii: qua Ferdinandus, qui Maximiliani consanguineus erat: qua Henricus VII. Angliae Rex, qui propter sua commoda Maximiliano favebat. Non capit hoc loco Siculus noster, diversa esse ista duo: oportet habere dispensationem, si tamen oportet, & reipsa dispensationem habere; sicut oportet Argentreum legere, vel fideli interprete uti, ut intelligeret, & aliud Argentreum reipsa legisse, & legendo intellexisse.

Ceterum non assequor, quid sibi velit Siculus noster, asserens cum Bzovio teste suo, propter Matrimonium illud fuisse punitum Carolum, quod videlicet proles ante eum defuncta sit. Cur autem punitus fuisset a Deo, si ut volunt, accedente Maximiliani consensu, facta pace, rescisso per Pontificem Annae conjugio priori, Carolus solura per eundem Pontificem lege consanguinitatis, Annam sibi legitime coniunxit? Cur, inquam, punitus fuisset, si non peccavit? Si quid enim hac in re peccatum sit, a dante legis immunitatem Pontifice, peccatum est. Unde autem Siculus noster suspicatur, Regem propter peccata Pontificis punitum fuisse? Congruentius suspicaretur Alexandrum illaudabili morte perisse, vel quia non potuit Maximiliani conjugium solvere, & Carolo indulgere, ut alterius uxorem duceret, vel si potuit, iustam, cur id omne praestiterit, causam non habuisse. Nos vero quia scimus judicia Dei capi non posse, nec ejus vias indagari, abstrusa divinae providentiae consilia non scrutamur curiosius, sed admiramur omnino, & unicum hoc profite-mur: apud Deum quippe injustam non esse causam, cur filius Caroli ante patrem interierit, & cur Alexander Hispanus genere, cum alios tollere veneno cogitaret, eodem seipsum sustulerit. Quis vero & quantus fuerit Carolus, qui scire volet, legat Simonetam Cornu Abbatem, qui epistola prima Caroli dotes ac virtutes dignis praconiis attollit.

His adjungimus excerptum ex recensione, seu, ut vulgo

REGIA IN MATRIMONIUM POTESTAS. 405  
dicitur, inventario antiqui domini Navarræ exemplum, quo  
constat hunc Regem domino Alibreto permisisse, vt filiam  
suam Carolo Croio nuptui daret. Sic autem eo loci scriptum  
habetur: *Litera, quibus apparet, quomodo Carolus V III. dat li-*  
*centiam domino d' Albret tractandi de Matrimonio Lodoica d' Al-*  
*bret illius filia, cum Carolo Croio Principe de Chymay, licet foret*  
*alienigena, & a partibus Regis Romanorum staret. xv. Aprilis*  
*anno MCCCCXCVI. Hæc ex Gallico ad verbum Latine red-*  
*didimus.*

---

## C A P U T X X I.

*Sub Ludovico XII. regia in Matrimonium potestas  
retenta.*

**S**U**H** hoc Rege præsto sunt exempla seu monumenta duo;  
quibus regia in Matrimonium procerum auctoritas mi-  
rifice commendatur. Unum est percussum inter Ludovicum  
XII. & Ferdinandum Regem Hispaniæ fœdus, quo neptem  
suam Germanam Fuxensem Ferdinando in vxorem traditu-  
rum se promisit, quod & præstitit. Porro fœdus illud Blesis  
percussum est anno MDV.

Alterum est ejusmodi: Ludovicus XII. cum anno MDVI.  
filiam suam Claudiam Francisco I. elocavit, Principum regis  
sobolis & optimatum regni consensum habere scripto prius  
voluit. Legi seu consuetudini regni subijci non dedigna-  
tur, quo regii in Matrimonia procerum consensus necessita-  
tem sic ostendat.



## CAPUT XXII.

*Sub Francisco I. regia in Matrimonium potestas  
retenta.*

**O**BLATA occasione regiam in Matrimonia procerum & aliorum potestatem non potuit non retinere Franciscus I. qui rara temporum felicitate sensit ipse id esse ab optimo Rege præstitum, quod a proceribus regni præstandum esse omnis retro ætas docuit. In Historia Fuxensi, quam Petrus Olhagaraius ante annos aliquot edidit, narratur conjugium, quod Joanna Albretana jussu Regis Francisci I. cum Guillelmo Clivensium Duce contraxit.

Verum diluenda nunc est objectio, quæ ex hoc Matrimonio sic duci posset. Post obitum Francisci I. agente Henrico II. hoc conjugium nullum fuisse a Romano Pontifice declaratum est, quod quidquid Joanna fecerat, invita fecerat. Hæc objectio non nobis, sed adversariis potius incommodat, quod Rex a nullo reprehensus, parentibus invitis, Joannam non ita perfecte consentientem Clivensium Duci despondit, ut potentissimum Principem ætiori nexu sibi devinceret, & regni salutis ac securitati adversus imminentem Cæsarem provideret. Hoc autem recte fieri potuisse, Theologorum testimoniis & firmissimis rationibus probatum est in prima parte tractatus.

Deinde quod hanc affinitatem ut prohiberet Cæsar, magnis copiis in Menapios descendit, & tota fere provincia in suam potestatem redacta eo adducit Clivensem, ut supplex a se tanquam supremo domino veniam peteret, & Gueldria Xuphaniensisque Comitatibus acquisitis pro summo beneficio duceret, in antiquum patrimonium & dignitatem renuntiata Gallo affinitate restitui. Consentiens huic rei Clivensis Mariam Ferdinandi Cæsarei fratris filiam in vxorem accepit, atque ita novo necessitudinis nodo Cæsari obstructus, a Gallo

deficiens contra eundem arma sumpsit. Verum qui, quæso, postulante Henrico II. Matrimonium Joannæ cum Clivenfi judicatum fuisset irritum, si plures annos ante susceptum ab Henrico II. regnum Gallorum affinitati renuntiaverat Clivenfium Dux?

Tum quod Rex, ubi vidit Clivensem ab affinitate sua jamdudum abductum, Joannam Antonio Borbonio Vindocinensi nuptum collocavit. Cum enim prior sponsus discessit a patris, ducta Ferdinandi filia, liberum Joannæ fuit alii nubere.

Præterea nullus historicorum, qui has omnes nuptias scribendo artigerint, interventus pontificii meminerunt, cum meminisse potuerint & debuerint. At illi profecto bene multi sunt. Ferronus, Paradinus, Belcarius, Cormerius, Belleforestus, Thuanus, Chappusius, Gotdonus, Favinus, Spondanus, Dupplex satis curiose prosecutus ea omnia, quæ Pontifices in quavis occasione & arduis in rebus egerunt, & in quibus pontificia elucet auctoritas. Olhagaraius vero vnus recentissimus scriptor, quod factum fuisse divinavit, suis ipse monumentis commendari voluit: ac proinde causæ nihil est, cur illi sine recte loquenti credamus.

Denique etiamsi quod memoriæ prodidit Olhagaraius; verum esset; nihil inde tamen adversus regiam auctoritatem colligeretur, cum vtrumque agentibus Regibus absolutum fuisse narret. Si Matrimonium illud nullum fuit, quia cum Clivenfium Dux foret Imperatoris cliens, non poterat illud, renuente Imperatore, contrahere, causam iurar Principum, non adversariorum. Si vero nullum, quia cum Joanna vndecim tantum annorum esset, idonee consentire vix potuit, nemini nocet aut prodest.

Dicet vero quis, hinc sequi Matrimonia Principum auctoritate, sed inconsulto Pontifice permixta, cum graves in se difficultates pati, tum plurium scandalorum fontem esse posse. Atenim hæc mala præter rectam Principum voluntatem eveniunt. Quinetiam ex Lucio Matinzo Siculo constar, non meliora fuisse aliquando Matrimonia, quæ Pontificum nutui permixta sunt. Hunc, si placet, videamus auctorem lib. x.

Hist. Hispaniæ. Tiresia post hæc a Rege, ut nuptiæ & Matrimonium sollemniter celebrarentur, efflagitante de Regis ipsius Matrimonio cum Leonora Alfonsi Castellæ Regis filia, Legatis ultro citroque missis agi captum est, & a multis Rex Iacobus persuasus, ut Alfonsi Castellæ Regis filiam potius habere vellet uxorem, quam Tiresiam Ioannis Bidaura, Legatos ad Castellam misit ad Matrimonium conficiendum. Quod cum intellexisset Tiresia, statim procuratores in Castellam misit, qui die, quo sponsalia fierent, Matrimonium quod Rex Iacobus Tiresia fide, jurejurando, testibusque confirmaverat, publice denuntiarent. Et paullo post: Tiresia sibi periculum metuens a Rege, parvo suorum consanguineorum comitatu clam fugiens, Romam se contulit. Hinc Regi literas citatorias misit, quibus eum provocabat ad causam pacti Matrimonii coram summo Pontifice disputandam. Pontifex autem partibus auditis, cum Tiresia sine testibus Matrimonium sola probare non potuisset, Iacobo Regi (Aragonum) permisit, ut cum Leonora Castellæ Regis filia Matrimonium contrahere posset, quam Rex auctoritate pontificia uxorem duxit, ex qua filium progeniit Alfonsum. Ceterum Rex Iacobus & ejus uxor Leonora post confectas nuptias, & Alfonso filio jam adulto apud Pontificem Roma, nec opinantes delati fuere, propterea quod consanguinitatis gradu conjunctissimi Matrimonium contrahere sine consensu summi Pontificis non poterant. Quamobrem Legatos Rex ad Pontificem misit oratum, ut consummatum jam connubium confirmaret. Gregorius autem summus Pontifex, quoniam Rex Iacobus & Tiresiam primam conjugem deceperat, & Leonoram sibi cognatione valde proximam dolis subreptitiis uxorem duxerat, illorum Matrimonium non solum confirmare noluit, sed etiam dissolvit, & in perpetuum divortium nuntiavit. Verumenimvero factò divortio cum Leonora conjuge jussu Pontificis Alfonso ejus filius, matris injuriam & separationem moleste ferens, Iacobo patri, qui eam sibi consanguinitate conjunctam uxorem duxerat, bellum intulit, totamque fatigavit Hispaniam, donec res inter patrem & filium, quæstioque mirabilis arbitrio regni commisisset, prudenterque discussa finem bellis imposuit. Ecce tibi Matrimonium vnius Pontificis auctoritate contractum, & direptum alterius jussu, quamvis ex eo adulti jam filii procreati fuissent. Unde postea armatus est in patrem



REGIA IN MATRIMONIUM POTESTAS. 409  
trem filius, & regnum Hispaniæ gravissimis bellis emotum.  
Quæ cum ita sese habeant, non magis in Reges mala, quæ  
ex Matrimonio, cujus meminit Olhagaraius, quam in Pon-  
tificis damna, quæ ex conjugio, cujus meminit Marinæus,  
transferenda nobis videntur.

---

### CAPUT XXIII.

*Sub Henrico II. regia in Matrimonium potestas  
retenta.*

**H**ENRICVS II. legem tulit, qua parentibus copiam  
facit exheredandi filios, qui adversus illorum consen-  
sum vxores ducerent. Quod Regem primum ad hoc impulit,  
notum est ex Thoma Cormerio, qui vitam Henrici II. La-  
tine scripsit. Cujus, inquit, scribende legis Mommorantium Ma-  
gistrum Equitum Henrico Regi fuisse auctorem ferunt, cum misso  
Romam filio Francisco, ut initam de nuptiis cum Pienna pacionem  
Pontifex rescinderet, is prolatando, & quasi ambigui juris rem  
ad consilium identidem revocando, se Mommorantii postulatis du-  
riorem præbere videretur. Qua vero ratione potuerit ad Ro-  
manum Pontificem adire Henricum, qui nullum in tempo-  
ralibus superiorem agnoscebat, ut Innocentius III. de Rege  
Galliæ fatetur in cap. *Per venerabilem*. id observandum est  
necessario, ne quis inde potestatis regis & civilis jura in-  
minuendi animum arripiat.

Ceterum ubi lata est lex, censuerunt Doctores alii per  
eam Matrimonia quæ contra voluntatem Regum facta fue-  
rant, irrita esse, quod Henricus nulla ratione deroget anti-  
quis Principum edictis, quibus ejusmodi conjugium rescin-  
ditur, quin potius novam & graviolem pœnam adjiciat, cum  
liberi nec generali Matrimonii rescissione, nec levioribus  
pœnis avocarentur. Alii vero docuerunt Regem intacta Ma-  
trimonii firmitate refractariis liberis solam exheredationis  
pœnam inflixisse, non quod Rex legem Matrimonium diti-

mentem statuere non potuerit, sed quod certis de causis non luerit. Discimus istud ex Antonio Contio, qui legem Henrici II. tunc commentariis illustravit, ubi docet Principum leges pro triplici perfectione triplicem vim fortiri. *Lex, inquit, perfectissima reipsa id quod factum est, rescindit; lex perfecta non rescindit, nisi politicorum Magistratum ministerio. Lex minus perfecta infligit tantum penas, sed non solvit id quod factum est.* Porro siue hanc, siue illam opinionem sequaris, id habebis semper, quo regia in Matrimonium & impedimenta Matrimonii potestas agnoscatur. Sed ad rem quod attinet, certum est primo Henricum potuisse legem condere, quæ Matrimonia dirimeret, quemadmodum prima parte tractatus art. 1. & art. 11. demonstratum est. Etenim qui expeditam ferendæ ejusmodi legis potestatem habet, ejusmodi ferre legem cur non posset? Certum est deinde Henrici Regis auctoritatem, cum circa filiorum, qui reuocantibus parentibus Matrimonium contrahunt, hereditatem sine dubio versatur, circa ipsum quoque Matrimonii contractum versari posse. Jus enim ad hereditatem parentum ex Matrimonio, tanquam rivus a fonte, & tanquam proprietas a suo subiecto manat. Ut autem ejusdem est scientiæ subiectum & proprietas; ita & ejusdem est fori jus ad hereditatem parentum, & Matrimonium: qui hoc ignorat, omnis expertus sit Philosophiæ necesse est. Itaque cum Rex circa exheredationem tanquam circa propriam materiam versatur, circa ipsum quoque Matrimonii contractum tanquam circa propriam materiam occupatur. Quemadmodum autem Rex liberos qui Matrimonium contrahunt sine consensu parentum, inhabiles ad paternam hereditatem efficit; ita & ad Matrimonium contrahendum inhabiles efficere potest, dum reipublicæ expedire judicat.



## CAPUT XXIV.

*Sub Henrico III. regia in Matrimonium potestas  
retenta.*

**H**ENRICVS III. in generalibus regni Comitibus, quæ anno MDLXXVI. Blesis habita sunt, hanc dirimentem clandestina Matrimonia legem tulit. Hæc quia Gallice lata est & pluries edita, eam Latine versam tantum sic describo. *Ad occurrendum abusibus & damnis, quæ ex Matrimonio clandestinis oriuntur, decrevimus & decernimus, quod subditi nostri cujuscunque status, qualitatis & conditionis existant, contrahere valide non poterunt sine publicis bannorum proclamationibus cum competenti temporis intervallo, quorum non poterit obtineri dispensatio, nisi post primam proclamationem factam, idque solum propter aliquam urgentem & legitimam causam, & ad requisitionem præcipuorum & propinquiorum parentum a partibus contrahentibus commissorum, post quæ banna publice contrahent. Atque ut ritus, seu forma, quæ in dictis Matrimoniis observata fuerit, testimonium dari possit, iis intererunt saltem quatuor persone fidei digna, quarum nomina in commentarios referentur sub penis per Concilia latis. Injungimus Curatis, Vicariis & aliis, ut de eorum, qui Matrimonium contrahere volent, conditione diligenter inquireant: & si sint filiis familias, aut sub alterius potestate constituti, strictissime vetamus, ne ad dictorum Matrimoniorum celebrationem ulterius procedant, nisi ipsis de consensu patrum, matrum, tutorum, aut curatorum constet: alias tanquam fautores criminis raptus punientur.* Hæc est lex a Rege & generalibus totius regni Comitibus condita, ex qua quid Reges in Matrimonium possint, non obscure significatur. Parum dissimilem legem tulerat Tridentinum Concilium; sed illam Galliarum Reges in auctoritatem noluerunt admittere, quod ejusmodi legis constitutionem ad se pertinere dicerent. Cum enim lex, quæ Matrimonium dirimit, ex natura sua civilis sit, ut antea demonstravimus, ci-

vilem auctoritatem respicit, a qua feratur, sed qua ratione ab Ecclesia, quatenus Clericorum cœtus ferri possit, antea quoque ostendimus. Sed ut sit, pari reipsa lege, licet non eadem prorsus ratione, & Christianæ reipublicæ salutis, & Matrimoniorum honestati consultum est. Quare *per hoc*, inquit Sotus, *nihil derogatur auctoritati Ecclesiasticæ, sed potius conducitur Ecclesiæ paci. Nec debent Prælati gravate suscipere, si quid temporali paci viderint necessarium seculares Principes statuunt. Nec est cur illis se opponant, sed permittant potius Matrimonium legibus humanis ordinandum, cum officium humanum sit; & addant postea ipsi, si videbitur, quod ad bonum religionis pertinet.* Et vero licet edictum Blesense nunc quoad singula capita non servetur, id consentientibus Regibus cum fiat, ex eo nihil vel edicto, vel auctoritati, qua sancitum est, derogatur. Sed cur non servetur integrum, causam, quæ idonea ratione comprobetur, nullam video: capita in quibus non servatur, æque ac alia, in quibus servatur, ad publicam spectant utilitatem. Cum varias in partes commutationem hanc agitati, illius se mihi, velim nolim, obijciunt argumenta duo. Primum, quod in rebus humanis nihil est firmum & stabile. Deinde quod ad privatum sæpe trahuntur commodum, quæ ad bonum sunt commune præfixa: sic accidit, cum hujus vel illius hominis Matrimonium diminuta lege ratum declaratur, quod integra & plena lege irritum declararetur.

Porro autem cum tunc ageretur de tollendis e regno multis & gravibus malis, quæ illi clandestina importabant Matrimonia, & præsentissimum quæteretur remedium, quod deesse videbatur, inventum est in lege, quæ per saturam prudentissime constituta est. Hæc nempe comprehendit capita numero quatuor, solennem futuri Matrimonii denunciacionem, quæ recepto dudum apud Gallos loquendi more banorum proclamatio dicitur; parochialem Presbyterum; fidele testium præsentium quatuor chirographum; expeditum & constantem parentum, aut si parentes desint, tutorum seu curatorum consensum. Et quamvis lex capita hæc quatuor continere videatur æqualiter; nihilominus tamen solennis futuri Matrimonii denunciatio principatum tenet. Id ex ver-

bis liquido patet: *Ad occurrendum abusibus & damnis, quæ ex clandestinis Matrimoniis oriuntur, decrevimus & decernimus, quod subditi nostri cujuscunque status, qualitatæ & conditionis existant, contrahere valide non poterunt sine publicis hannonum proclamationibus, cum competenti temporis intervallo, quorum non poterit obtineri dispensatio, nisi post primam proclamationem factam, idque solum propter aliquam urgentem & legitimam causam, & ad requisitionem præcipuorum & propinquiorum parentum a partibus contrahentibus commissorum.* Profecto vix aliud statui potuit, quod clandestino contrahendi Matrimonii consilio magis opponeretur, & damnis, quæ ex occultis & furtivis oriuntur nuptiis, validius occurreret. Quo enim magis publice fit aliquid, eo magis ei quod fit clanculum, obsistit. Exinde solvendæ quidem legis venia permittitur: sed iis certe conditionibus, quæ nisi serventur, periculum est omnino, ne quia tunc clandestinum, vanum atque irritum sit Matrimonium, quod contrahitur: viderint ii, qui veniam illam postulant, & qui postulantiis concedunt. At vero legem solvere, cum ex illius præscripto solvenda est, ad illius conditorem pertinet, nimirum ad Henricum, vel ad eum, qui Henrico III. in regni gubernatione successit: & si quis alius definitam in lege veniam concedit, expressa vel tacita Regis auctoritate concedit; alioqui concessa venia nihil plane valetet. Id enim, nisi me mea fallit opinio, exigit necessaria rerum consequentia. Non ibunt inficias, qui noverint, legem clandestinum Matrimonium dirimentem, ex se suæque naturæ civilem, non spirituales esse, naturali, non supernaturali ordine contineri, ut ea demonstrant omnia, ex quibus lex ista speciem suam reperit, & a spirituali & supernaturali seceratur.

Deinde Regis subditos ad contrahendum Matrimonium inhabiles reddere, ad primam attrinet & præcipuam regni functionem, liberorum videlicet procreationem & communitatis conservationem: quæ duo civilia sunt, & ordinis mere naturalis, aut certe alia nulla, quæ sint, ut ita dicam, magis civilia & naturalioris ordinis, assignabuntur unquam. Hoc sæpius inculcandum est, quia pauci rem ex suis momentis ex-

## 414 REGIA IN MATRIMONIUM POTESTAS.

pendunt; sed ex vanis quibusdam præjudiciis, quæ per conjugialis marerix ignorantiam sumuntur. Hæc autem ex auctorum suorum manibus effluunt & dispereunt, simul ac tanguntur.

His autem ex causis facile intelligitur, quid sibi velint illi Tridentinæ Synodi Theologi, cum apud Cardinalem Pallavicinum in suis de hac materia concertationibus dixerunt tum demum, Ecclesiam personas posse ad contrahendum Matrimonium inhabiles reddere. Noverant viri & Schola Philosophorum politæ, in proprietate sermonis enunciari, Ecclesiam, quæ fidelium est seu Catholicorum congregatio, personas posse ad contrahendum Matrimonium inhabiles efficere, cum hoc ipsum per aliquam sui partem, nimirum supremos Principes, efficit. Noverant ex Philosophia justam esse enunciationem hanc, homo intelligit, homo videt, homo audit, homo ambulat, etiamsi per vnam tantum sui partem intelligat, videat, audiat, ambulet. Hoc qui negaret, theatris omnibus explodendus judicaretur. Noverant deinde viri in Scriptura & Catholicæ Ecclesiæ traditione exercitissimi, nullum esse Scripturæ locum; non illum, *Pasce oves meas*; non illum, *Qui vos audit, me audit*; non illum, *Si Ecclesiam non audieris*; non illum, *Quodcunque ligaveris*; non alium, quo juxta vnanimem consensum Patrum accepto probetur, Ecclesiam, qua Clericorum cœtus est tantum, posse legem clandestinum Matrimonium dirimentem constituere. Hunc autem probandi modum haud rejicerent illi Theologi, cum recte tenerent quid in sessione IV. circa Scripturæ intelligentiam præscriptum fuerit. Unde profectus est hic articulus professionis fidei. *Item sacram Scripturam juxta eum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, admitto, nec eam unquam nisi juxta vnanimem consensum Patrum accipiam & interpretabor.* Qui contra de intelligentia Scripturæ sentiret, cum schismaticorum numerum sine dubio auget, & se Theologica professione indignum ostenderet.

Nunc demonstrandum est, Blesensæ edictum seu legem comprehendere capita illa quatuor, quæ sursum versus retro-

que in Conciliis, seu particularibus, seu generalibus de Matrimonio recte ineundo proposita & decreta reperiuntur.

Atrebatensis Synodus, quam Franciscus Richardorus Episcopus ad annum MDLXVII. habuit, in titulo de Matrimonio: *Clandestina vero Matrimonia appellamus, quæ per verba de presenti sine proclamatione bannorum contrahuntur, & sine solennitate Ecclesiæ, vel quæ per verba de futuro per carnalem copulam ante lapsum tempus proclamationis bannorum & benedictionem subsequuta, presumptione juris & de jure contracta consummantur.* Sic clandestinum scelus in defectu proclamationis bannorum consistit.

Cameracensis Synodus, quam Maximilianus a Bergis Archiepiscopus ad annum MDLXVII. habuit de Matrimonio cap. III. *Insuper ut ab ipsis sponsalibus ad Matrimonii celebrationem certus quidam ac debitus ordo servetur, decretis Concilii Tridentini inherendo precipimus, ut antequam Matrimonium contrahatur, ter a proprio utriusque contrahentium Parocho tribus continuis diebus dominicis aut festivis a se distantibus (generali & antiquo Ecclesiæ more) in Ecclesiâ inter Missarum solennia publice denunciatur, inter quas Matrimonium sit contrahendum.* Sic generalis & antiquus mos est Ecclesiæ, ut clandestini Matrimonii vitandi causa, solennis futuri Matrimonii denunciatio fiat, uti facienda hac in Synodo præscribitur.

Suessionensis Synodus, quam Carolus Rucyensis Episcopus ad annum MDLXI. habuit: *Præcipimus Sacerdotibus, ut proclamationes bannorum per tres dies dominicales vel dies festos a se tribus diebus distantes, palam & publice in pronis Ecclesiis, quarum Parochiani sunt, proponant & proclamant, præcaventes ne eos ad solennisationem admittant, nisi prius proclamationis bannis.* Synodus majorum vestigia insistit, dum ita bannorum proclamationem fieri præcipit.

Parisiensis Synodus, quam Eustachius Bellayus Episcopus ad annum MDLVII. habuit, cap. XXXII. *Clandestina Matrimonia dicuntur, quæ nec palam nec publice, neque cum tanta quantâ debent in facie Ecclesiæ fieri solennitate, neque sine proprio Parocho, & cum iustis sunt testibus.* Matrimonia non sunt palam & publice, neque cum tanta quantâ debent solennitate fieri,

cum Matrimonii contrahendi denunciatio non fit, quomodo facienJam esse mox vidimus.

Senonensis Synodus, quam Ludovicus Borbonius Archiepiscopus Cardinalis ad annum MDLIV. habuit: *Matrimonia dicuntur esse & sunt clandestina, quando contrahuntur non in facie Ecclesie, non solenniter, non palam & publice, non coram parochiali Presbytero, & presentibus testibus, bannis tamen non proclamatis, vel etiam proclamatis bannis, si hujusmodi Matrimonia propter probabilem causam fuerint ab Ecclesiastico iudice prohibita, ac quando alio quovismodo clam & occulte inita sunt, nullis presentibus, per quos probari possint fuisse contracta.* Hac in constitutione capita illa quatuor, quæ lex Blesensis habet, comprehenduntur.

Parisiensis Synodus, quam Stephanus Poncherius Episcopus ad annum MDXV. habuit, de Sacramento Matrimonii: *Nos sub gravissimis pœnis prohibemus, neminem clandestine contrahere, id est, sine tribus bannis in die festi aut in vigilia, in prono Vesperarum, aut Missæ festi, in Ecclesia cum solennitate assueta prius proclamatis, die media inter quamlibet & Ecclesiæ solennisationem & ultimum bannum.* Et paullo post: *Item nullus admittat ad benedictionem nuptialem de extranea diœcesi existentes, nisi tribus bannis prius proclamatis, & debita certificatione Curati suæ diœcesis, aut aliarum personarum fidei dignarum, partes illas contrahentes ab earum juventute cognoscensium.* Infra: *Item cum clandestina conjugia sacræ prohibeant sanctiones, & a prædecessoribus nostris fuerint hujusmodi conjugia in eorum sacris Synodis, repetitis vicibus, generaliter interdicta: nos sanctionum ipsarum, dictorumque prædecessorum nostrorum vestigiis inhaerentes, &c.* Sic ab antiqua Ecclesiæ traditione venit, ut solennis futuri Matrimonii denunciatio ter fiat, quia furtivis nuptiis nihil magis opponitur.

Tolosana Synodus, quam Ludovicus Aurelianensis Archiepiscopus ad idem tempus habuit, de Matrimonio: *Dolentes referimus usque adhuc toleratam pessimam illam consuetudinem, imo potius corruptelam, a jure reprobam, quæ contra omnem sanctissimam juris sanctionem, & totius Ecclesiæ Gallicanæ approbatam consuetudinem in nostra Tolosana diœcesi inolevit: utpote quod*  
*Matrimo-*



REGIA IN MATRIMONIUM POTESTAS. 417

*Matrimonium contrahentes in loco privato, clandestine per laicos Sacerdotibus sacramentorum ministris ejectis: verius iam grave facinus fugientibus, non editis bannis. . . ausu temerario contrahere presumunt. Ad Gallicanæ Ecclesiæ consuetudinem pertinet, ut fiat bannorum proclamatio, sine qua Matrimonia clandestine contrahuntur.*

Lingonenſis Synodus, quæ ann. MCCCCIV. celebrata est. *Matrimonium, inquit, dicitur clandestinum multis modis. Primo, cum non habentur testes, seu exhibentur, qui sint parentes, cum sit Matrimonium. Secundo, cum sit Matrimonium per verba de presenti, non cum solennitate debita, ut cum non datur honor & benedictio in facie Ecclesiæ. Tertio, cum sit Matrimonium per verba de presenti, bannis non premissis, seu denunciatione bannorum non facta. Quarto, cum contraxit, bannis etiam proclamatis, sine licentia Episcopi, qui semel & antea erat ligatus cum alia per verba de futuro vel presenti. Quinto, cum quis obtinet remissionem bannorum, & postmodum reperitur impedimentum canonicum. Sexto, cum quis de licentia Episcopi vel alterius contrahit in alio loco, quam in sua parochia, & postmodum reperitur impedimentum canonicum. Clam enim dicitur quid fieri quod celatur, & si contrariam timuit, aut timere debuit. Hic inter omnes clandestini conjugii modos eminet proclamationis bannorum omisso.*

Synodales constitutiones Sanctonensis diocesis, quæ ad annum MCCCX. editæ sunt, de clandestinis Matrimoniis ita decernunt: *Clandestinum Matrimonium dicitur tribus modis; scilicet cum non habentur testes, ut extra de clandestina desponsatione. C. Quod nobis. Item cum non sit cum solennitate, ut xxx. quæst. v. Aliter. Item quando sit non premissa denunciatione, ut extra de clandestina desponsatione. C. Cum inhib. Hæc tria in edicto Blesensi reperiuntur.*

Innocentius III. in lib. IV. decret. tit. I. de sponsal. cap. XXVII. ad Bellovacensem Episcopum: *Cum in tua diocesi. . . sane quia contingit interdum, quod aliquibus volentibus Matrimonium contrahere, bannis, ut tuis verbis utamur, in Ecclesiis editis, ac nullo contradicte publice comparente, licet fama privatum impedimentum deferat parentela, cum ex parte contrahentium iuramenta majorum de sua propinquitate, ut suspicionis tollatur ma-*

## 418 REGIA IN MATRIMONIUM POTESTAS.

teria, offeruntur, quid tibi sit faciendum in casibus hujusmodi quesivisti. Hic occurrunt maxime duo quæ notentur. Et primum quidem, quod ante Pontificis hujus ætatem apud Gallos erat in more positum institutoque majorum, ut solennis futuri Matrimonii denunciatio fieret in Ecclesiis, ne Matrimonium clam & non publice contractum diceretur, & ut alias impedimenta, si qua forent, apertam in lucem proderentur. Deinde, quod Gallicanæ Ecclesiæ consuetudo tam æqua & honesta visa est Innocentio, ut eam canoni 11. Lateranensis Concilii paullo post habiti inferendam, & reliquis communicandam Ecclesiis censuerit. Hic autem canon est ejusmodi.

*Cum inhibitio copula conjugalis sit in tribus ultimis gradibus revocata, eam in aliis volumus districte observari. Unde prædecessorum nostrorum inhaerendo vestigiis, clandestina conjugia penitus inhibemus, prohibentes etiam ne quis Sacerdos talibus interesse præsumat. Quare specialem quorundam locorum consuetudinem ad alia generaliter prorogando statuimus, ut cum Matrimonia fuerint contrahenda, in Ecclesiis per Presbyteros publice proponantur, competentis termino præfinito, ut infra illum, qui voluerit & valuerit, legitimum impedimentum opponat: & ipsi Presbyteri nihilominus investigent, utrum aliquod impedimentum obsistat: cum autem probabilis apparuerit conjectura contra copulam contrahendam, contractus interdicatur expresse, donec quid fieri debeat super eo, manifestis constiterit documentis.*

Hæc sufficiunt, ut manifestis constet indiciis, Henricum III. & celebrata Blesis regni comitia nihil prætermisisse, quod ad legem contra clandestinum Matrimonium constituendam merito requireretur. Et cum ex pluribus Conciliis, & antiqua Gallicanæ Ecclesiæ consuetudine, quam Innocentius III. vindicavit in Lateranensi Concilio, assumpserunt baronum proclamationem, parochialis Presbyteri præsentiam, testes quatuor & parentum consensum: ea procul dubio assumpserunt, quæ politici status & naturalis ordinis limitibus continentur. Nempe recta tendunt ad rite celebrandum Matrimonii contractum, a quo speciem repetunt, & distinguuntur. Neque enim ex personis assumentium illa ca-

REGIA IN MATRIMONIUM POTESTAS. 419  
pita quatuor ad dirigendum suum in finem Matrimonium; sed  
ex natura rerum assumptarum æstimanda sunt quæ assumun-  
tur. Manuissio sive fiat ab Episcopis, sive fiat a Principibus,  
eiusdem semper est naturæ & ordinis, ut antea vidimus.

---

## CAPUT XXV.

*Articulus Henrici III. Regis, & procerum responsio in  
Comitiis Sangermanensibus adducitur, & in bonum  
sensum explicatur.*

QUI nodum in scirpo quærent, ut regni legem ac con-  
suetudinem eludant, mirum in modum jactant proposi-  
tum anno MDLXXXII. in Sangermanensibus Comitiis a Re-  
ge articulum XXI. & ad eum factam a proceribus responsio-  
nem. Sed placet hic verumque Latinitate donatum referre,  
quo facilius, quid sibi voluerint Rex & proceres, appareat.

### ARTICVLVS REGIS.

*Nullus Princeps, aut Corona Officiarius, Dux, Marchio, Comes,  
aut provincia Prorex potest de Matrimonio cum feminis alienige-  
nis tractare sine expresso Regis consensu, idque scripto, sub pena  
privationis statuum, titulorum, suarum dignitatum & dominio-  
rum, ac præcipuam illorum jurisdictionem ad regiam loco vicini-  
rem reducendi.*

### PROCERVM RESPONSIO.

*Contrahere Matrimonium apud exterarum nationes sine regia ma-  
jestatis consensu antea non est habitum pro crimine, immo indiffe-  
reuter & absque distinctione permixtum. Hoc crimen fuit a nobis  
talibus naturæ judicatum, ut licentia & tolerantia videantur dedisse  
aliquam iustitiæ legem, & legitimam excusationem; unde fit, ut  
omnes unanimi consensu censuerimus sufficere edita super hac re*

Ggg ij

*condendo apponere vestram velle majestatem, ut pœna prohibiti-  
nesque sint duntaxat pro futuro, existimantes hanc appositam clau-  
sulam idem esse ac generalem abolitionem. Qui vt a proceribus  
contracta cum alienigenis feminis Matrimonia tueantur, &  
se ab Regis assensu quem necessarium esse contendimus, ex-  
imant, hoc adferunt responsum, vix diceres, quam male  
de Sangermanensium Comitiorum optimatibus mereantur.  
Etenim aperte produnt, quod in illorum optimatum gra-  
tiam occultari debuit, responsum in cæca Gallix nocte  
editum, confusum omnino ac secum pugnans: quæ tria  
& responso & respondentibus omnem abrogant auctori-  
tatem. Verum illa tria de hoc responso sigillatim demon-  
stremus.*

Ad primum autem quod attinet, quis nescit, quo tempore  
hæc qualiacunque habita fuerint Comitia, & gravissimis tu-  
multibus & bellorum civilium discordiis, sic vniverſa fuisse  
perturbata, vt in tanta rerum caligine, & præcipitantia ipsa,  
pondereque cadentis veluti regni locus deliberationi veræ  
nullus daretur? Nam si vel vnicum temporis momentum ad  
replicandos majorum libros adhibuissent illi proceres, statim  
occurrisset sumptum de contractis filix Guidonis Flandrici  
cum Eduardo Anglorum Rege nuptiis supplicium: occurris-  
set Joannes IV. Armeniaci Comes, qui a Carolo VII. ju-  
dicatus est reus, quod clam illo de celebrandis inter filiam  
suam & Regem Angliæ nuptiis egisset: occurrisset carcer in  
quem conjectus est Dux Alenconius, quod præter ejusdem  
Regis conscientiam de Matrimonio filii cum filia Ducis Ebo-  
racensis tractasset: occurrisset Anna Armoricæ heres, cujus  
cum Maximiliano Matrimonium, quod incio Carolo VIII.  
Rege contractum erat, rescissum fuit, eaque tunc hoc con-  
jugio libera Carolo Regi VIII. nupsit: occurrisset denique  
ex altera Regum stirpe Carolus Calvus, qui condita lege  
Francorum cum Nortmannis, id est, cum alienigenis, Ma-  
trimonium sub pœna rescissionis prohibuit. *Si quis*, inquit,  
*de istis partibus in illis partibus femina maritum, aut maritus*  
*feminam accipit, illud conjugium, quia non est legale, neque le-*  
*gitimum, dissolvatur.* At hæc & similia, rena prout par erat

expendentibus cum occurrissent, optimates in regnum bene affectos sic respondisse quis crederet?

Quod autem confusum omnino sit responsum, sola lectio declarat; atque ut cetera prætermittam, quæstiones duas, unam de auctoritate contracti inscio Rege Matrimonii, alteram de pœna contrahentium, sic involvit, ut cui, sive huic, sive illi, sive utrique volueris accommodari responsum, accommodabitur. Cur vero de quæstione prima responderi non debuit, dici fortean non improbabiler possit, tum quia magnatum nullus, opinor, dubitabat, quin eorum conjugia, de quibus in articulo fit mentio, si Regis consensu carent, omni jure ac robore careant: tum quia vix ignorassent filii, quod eorum parentes ante annos nonaginta tres noverant, posterorumque memoriæ tradiderant, contractum a Maximiliano cum Anna Britanniae herede Matrimonium ex solo Regis dissensu cassum atque irritum fuisse. At relicta quæstione prima, cur de altera responderint proceres, inde ortum est, quod nullum aliud certa fixaque lege definitum supplicii genus, sed vagum tantum fuerit, ac veluti arbitrarium, quo qui cum alienigenis mulieribus clam Rege Matrimonium contraherent, plecterentur, aut si quod definitum olim fuerit, & temporum lapsu, & criminis infrequentia jam obsolevisset. Quod si hanc interpretationem procerum responsionis obscuritas pateretur, nihil esset, cur contra regiam in Matrimonia Principum potestatem opponeretur.

Denique quod secum pugnet procerum responsio, nemo est, qui non videat, si Matrimonium contrahere cum alienigenis mulieribus ad illud usque tempus non fuerat crimen, sed indifferenter & absque distinctione permissum: quare fuit judicatum a proceribus crimen, idque talis conditionis, ut licentia & tolerantia visæ sint aliquam justitiæ dedisse legem & legitimam excusationem? Secundo, quare cum licentia & tolerantia respiciunt præteritum tempus, eodem tempore fuit id Matrimonii genus, crimen indifferenter & absque distinctione permissum? Nonne licentia & tolerantia, quæ in criminibus dant aliquam justitiæ legem, contrarium aliquando in rebus non permissis usum arguunt? Tertio, a

quo sumitur legitima excusatio, nisi ab ejus rei observatione, quæ antea certa lege vel consuetudine, quæ vim legis obtinebat, cavebatur? Quarto, si Matrimonium contrahere cum alienigenis erat indifferenter & absque distinctione permis- sum: quare dominus Alibretus diplomate licentiam a Ca- rolo VIII. quaesivit tractandi de Matrimonio filix cum Ca- rolo Croio Principe de Chymay, qui erat alienigena? Quin- to, quid sibi vult istud, in statuendis pœnis clausulam pro fu- turo addere, idem erit atque generalis abolitio, nisi antea fuerint leges, & iterata legum prævaricatio? Horum igitur omnium quæ cum primis responsi verbis consonantia, con- trahere Matrimonium apud exterarum nationes non est habi- tum pro crimine, immo indifferenter, & absque distinctione permissum?

Hactenus de illa procerum responsione, quæ si nobis non pro- fit, obesse profecto non poterit. Articulus vero Regis, cum præter generalem Matrimonii rescissionem, quam tacite involvit, antiquas pœnas revocet, vel novas statuatur, quæ sit regia in Matrimonium optimatum potestas, ostendit. Cui- que in sua causa credendum est, dum juxta legem naturalem loquitur. Regem autem dum edicit, Principes vel optimates regni sui non posse sine suo consensu Matrimonium con- trahere, legi naturali convenienter loqui pars tractatus pri- ma cumulatissime demonstrat.

## CAPUT XXV.I.

*Sub Henrico IV. regia in Matrimonium potestas  
retenta.*

UT ostendamus sub hoc Rege regiam in Matrimonium procerum auctoritatem retentam esse ac vindicatam, unicum sufficit exemplum, quod memorix prodidit Carolus Bretus ex generali Regis Advocato factus utriusque Consi- storii Consiliarius, in libri de supremo Regis dominio capite

## REGIA IN MATRIMONIUM POTESTAS. 423

VIII. *Inter præcipua capita, inquit, quibus damnatus est ad mortem Carolus Constaldus Mareſchalus Bironius, hoc recenſetur unum maximum, quod nuptias vnins e Ducu Sabaudie filiabus occulte ambiverat, cui jam a duobus annis Henricus IV. bellum indixerat, ut Saluſſie principatum ab eo per civiles Gallie motus occupatum armis reciperet. Ex hoc autem ſupplicii genere, quo & quali Matrimonii impedimento nonnunquam coerceantur optimates regni, qui non aſſequatur facile, nemo eſt, niſi prius regie ſeu civilis in Matrimonium poteſtatis voluerit obliuiſci.*

---

## CAPUT XXVII.

*Sub Ludovico XIII. regia in Matrimonium poteſtas retenta.*

**S**UPEREST Bleſenſis ediſti de clandestinis Matrimoniis Renovatio ſeu inſtauratio, quam a Rege & regie dignitatis adminiſtris humanarum rerum inconſtantia ſemel atque iterum extorſit. Semel anno MDCXXIX. *Statutum, inquit Rex, Bleſenſe de Matrimoniis clandestinis ad amuſſim ſervabitur, & illi (ſcilicet verbis non vſui) addendo volumus omnia Matrimonia contradiſti ſtatuti tenorem contracta declarari inva- lide contracta, obligabunturque iudices Eccleſiaſtici cauſas matrimoniales convenienter huic articulo dijudicare. Iterum anno MDCXXXIX. in ejuſdem Regis declaratione ſeu ediſto de celebrandis Matrimoniis & contra raptoreſ articulo 1. Volumus quadageſimum ſtatuti Bleſenſis articulum de Matrimoniis clandestinis accurate ſervari, atque illud interpretando ſtatui- mus, ut bannorum proclamatio fiat a Parocho vniuſcujuſque contraben- tium partium, cum conſenſu patrum, matrum, tutorum, aut cura- torum, ſi ſint filii familias, aut in aliena poteſtate conſtituti: atque ut Matrimonii celebrationi quatuor teſtes fide digni interſint præ- ter Parochum, qui partium conſenſum recipit, & eas in Matrimo- nium<sup>2</sup> conjunget juxta conſuetam in Eccleſia formam. Omnibus*

*nam secularibus quam regularibus Presbyteris expressissime prohibemus, ne ullum Matrimonium celebrent, nisi veros inter & ordinariorum Parochianos sine permissione scripta a partium Curatis, vel ab Episcopo diocesano, nonobstantibus consuetudinibus immemorabilibus & privilegiis, qua in contrariam possunt allegari: & statuimus, ut bonus & fidelis fiat commentarius tam de Matrimoniis quam de publicatione bannorum aut dispensationum & permissionum, quæ concessæ fuerint. Sic post Henricum III. Ludovicus XIII. contrahendi Matrimonii, ne clam iis, quorum nosse interest, contrahatur, rationem præscribit. Quæ in re, quæso, quid agit aliud, quod agere eum posse non doceat communis Theologorum Schola, qui Regibus quæsitam jure naturali statuendi impedimenta Matrimonium dirimentia potestatem suis rationibus confirmant.*

*At illud repugnat, inquit Optatus Gallus, Tridentino Concilio, quod in decreto de reformatione pauciores requirit testes quam istud editum. Negamus enimvero repugnare legi, quæ nec recepta est auctoritate Regis & regni, nec promulgata; & eam ob causam perinde se habens, quasi nunquam lata fuisset. Legi autem, quæ sic se habet, quid repugnat? præsertim cum lex Concilii de clandestinis Matrimoniis politicam rationem involvat, immo sit ex se suaque natura civilis, ut docuimus. Non potest autem Papa, ut ait Bellarminus, ut Papa (ac proinde Sacerdotes reliqui) ordinarie legem condere vel confirmare, aut infirmare legem Principum, quia non est ipsi Princeps Ecclesiæ politicus; tamen potest illa omnia facere, si aliqua lex civilis sit necessaria ad salutem animarum, & tamen Reges non velint condere. Cum ergo Rex Galliarum contra clandestinum Matrimonium legem tulerit, tantum abest, ut repugnet Ecclesiæ, ut consulat magis, si Bellarmini mentem capias. Quare quidam Parisiensis Theologus, cum, ni fallor, in Tridentini & Blesensis statuti scopum & finem qui invtroque par est, inspiceret potius, quam in ipsummet statutum, & statuentium jura, Tridentinum de clandestinis Matrimoniis statutum in Gallia receptum esse tradidit, qui ceteroquin affirmat, per constitutiones Concilii prædicti, quibus jus novum positivum inducitur, Gallos in conscientia minime obli-*



*obligari, & reliqua, quæ persequitur Andreas Duvallius lib. de suprema Romani Pontificis auctoritate part. 111. quæst. v11. At decretum de reformatione Matrimonii novam esse constitutionem nemo nescit. Deinde cum in Blesensi statuto, & in illius renovatione & confirmatione, Rex legitimo jure utatur, nemini repugnare censendus est. Quod non advertens Optatus Gallus, temere asseruit articulum primum regis declarationis Tridentino Concilio adversari.*

*Sed audiat Ambrosium Catharinum, qui huic Concilio interfuit. Reperiuntur autem, qui dicunt, civiles leges non esse sequendas, cum eii canones adversentur. Quo in loco videndum est, qua ratione confecti sint isti canones ad statnendum contra jus civile. Oportet autem canones civilem aliquam legem irritantes ab aliqua solida ratione proficisci; nulla vero potest esse alia ratio, nisi quia forte viderint, quod a lege civili constitutum erat, vel contra jus divinum esse, vel contra jus naturale.*

*Audiat Petrum Sotum, qui & Tridentino Concilio interfuit. Non est legi vel consuetudini reipublice auferendum, ut illegitimos aliquos, si velint, reddere possint; sed potius, si opus foret, confirmandum esset ab Ecclesia.*

*Legat Matthæum Kellisonum in Belgio scribentem, posse Principem impedimenta ponere hujus, (contractus Matrimonii) sicut & aliorum contractuum, ita ut non solum peccent contrahentes, verumetiam & irritus sit Matrimonii contractus, nisi fiat cum talibus & talibus conditionibus, tali vel tali solennitate, vel numero testium, tali gradu affinitatis.*

*Evolvat Bonacinam Mediolani, & Candidum Romanum Pœnitentiarium Romæ docentes, posse Principes & impedimenta Matrimonium dirimentia statnere, & præscribere formam, sub qua celebrandum est. Neque vero quod aliqui Doctores hoc aut illo decretalium capite hanc potestatem Principibus abrogatam esse dixerint, hoc est, in pura facti questione erraverint, a latione legis, quæ Matrimonium dirimat, absterreatur Princeps, vel affirmare quis audeat, in Belgio, Mediolani & Romæ arma cadi, quibus schisma contestetur.*

*Porro necesse non est, ut consequentes edicti regii seu*

declationis articulos ab Optati calumniis & imperitiis  
 bus liberemus. Nam everſo, cui calumniæ & imperitio-  
 nes nituntur, falſo, temerario, & ab inſtitutionibus  
 Chriſti alieno principio, neceſſariis labefactatæ motibus ſub-  
 ruuntur.

## CAPUT XXVIII.

*Sub eodem Rege Ludovico regia in Matrimonium quod  
 Joannes Baptiſta Gaſto Aurelianenſis Dux cum Mar-  
 garetæ Lotharingæ contraxit, poteſtas retenta.*

**E**XEMPLI hujus, quo regia in Matrimonia procerum  
 auctoritas elucet, veritatem commendant ſelecta quæ-  
 dam Regis & Pariſienſis Senatus monimenta; & primum  
 quidem data ad Nicolaum Jaium Senatus Principem epiſtola,  
 quæ ſic ſe habet.

## DE PAR LE ROY.

*Monſieur le Jai, mon intention eſtant de faire proceder à la de-  
 claration de la nullité du mariage de mon frere le Duc d'Orleans  
 avec la Princeſſe Marguerite de Lorraine: je ſuis entendre bien par-  
 ticulierement à ma Cour de Parlement par mes Lettres cloſes de ce  
 jour ce que je deſire eſtre fait en cela par les voies de droit &  
 accouſtümées: & c'eſt choſe de tres-grande importance, non ſeule-  
 ment au bien de mon ſervice, mais auſſi au repos de l'Eſtat. Je  
 vous ai bien voulu faire particulierement celle-ci, pour vous dire  
 que vous aiez de voſtre part à contribuer en cette action tout ce  
 qui dépendra de l'autorité de voſtre charge, & que vous jugerez  
 en voſtre conſcience y devoir eſtre fait. A quoi m'aſſurant que  
 vous vous emploirez avec fidélité & affection, je prierai Dieu qu'il  
 vous ait, Monſieur le Jai, en ſa ſainte grace. Ecris à Saint Ger-  
 main en Laie le 11, jour de Janvier MDCXXXIV. Quod Latine  
 dicitur,*

## EX PARTE REGIS.

*Domine lai, ego plane volens ut recuperatoria veluti actiōe cassum atque irritum declaretur Matrimonium, quod Aurelianensis Dux frater meus cum Margareta Principe Lotharinga contraxit, Parisiensi Senatui meo clausis hocce die literis speciatim significo id quod hac in re fieri cupio consueti juris ordine. Atque ut non obsequii solum nostri, sed regni etiam quieti plurimum interest: has ad te dedi literas, quibus te moneam, ut quidquid ex tui muneris auctoritate pendet in conscientia tua faciendum esse sentias, id totum hoc in negotium studiose conferas & fideliter. Orabo Deum, Domine lai, ut te gratum sibi acceptumque conservet. Datum Sangermanopoli ad Laliā silvā, anno MDC. XXXIV. quarto Nonas Januarii.*

Regi eodem & anno & die & loco idem aliis literis generali suo Cognitori significat, præcipitque ut scriptas de Matrimonio Ducis Aurelianensis literas offerat Senatui, & necessariam huic rei diligentiam adhibeat. Is Cognitor erat Matthæus Molæus, vir antiquæ probitatis, & in tractandis causis exercitatissimus, in quibus quid agendum esset, summa fide, pari constantia, nec verecundia minore statuebat. Hæ autem literæ sunt ejusmodi.

## DE PAR LE ROY.

*Nostre amé & feal, comme nous faisons entendre à nostre Cour de Parlement par nos Lettres closes de ce jour ce qui est de nostre volonté & intention en la declaration de la nullité du mariage de nostre très-cher & très-aimé frere le Duc d'Orleans avec la Princesse Marguerite de Lorraine: nous les avons bien voulu accompagner de la presente, pour vous dire que vous aiez à presenter nosdites lettres à nostredite Cour de Parlement, & à faire de vostre part toutes les poursuites, diligences & requisitions qui se-vont necessaires en ceste actiō, en vostre loiauté & conscience, selon que nous nous en reposons sur vostre suffisance, fidelité & affection à nostre service, si n'y faites faute: car tel est nostre plaisir.*

H h h ij

## 428 REGIA IN MATRIMONIUM POTESTAS.

Donné à Saint Germain en Laie le 11. jour de Janvier MDCXXXIV.  
Quod Latine dicitur.

## EX PARTE REGIS.

*Amice & fidelis noster, cum statuimus ad nostram Parlamenti Curiam, clausis hoc die liseris, nostra consilia deferre circa declarationem vestri, quod contracto inter carissimum ac dilectissimum fratrem nostrum Aurelianensem Ducem & Margaretam Principem Lotharingam Matrimonio intervenit: tunc simul volumus tibi scribere & mandare, ut nostras ante dictas literas nostra Parlamenti Curia offeras, & quidquid necessario agendum & postulandum fuerit, fideliter ac religiose agas & postules: atque inde in tuo erga nos studio, fide & capiti totum negotium repono. Interim ne quid desideretur, & sis in culpa, cave diligentissime: nostrum enim est ejusmodi placitum. Datum Sangermanopoli ad Laliam silvam, anno MDCXXXIV. quarto Nonas Januarii.*

Procurator & Advocati regii primariam Senatus Curiam pridie Nonas ejusdem mensis ingressi sunt, & Hieronymus Bignonius frequentissimo Senatui acceptas ab Rege obtulit literas, quæ sic se habent:

## DE PAR LE ROY.

*Nos Amez & Feaux, les divers sujets de mécontentement que nous a donné nostre cousin le Duc de Lorraine depuis quelques années, nous ayant obligé d'entrer en personne plusieurs fois dans son païs avec nos gens de guerre, pour tirer raison par les armes des offenses qu'il avoit essayé de nous faire autant de fois, qu'avec respect qui nous est deu, & les satisfactions convenables, il nous a fait connoistre une veritable envie de reprendre les exemples de ses predecesseurs, & rentrer en nostre amitié: nous avons de bon cœur oublié tout le passé pour l'y recevoir, & avons méprisé tous les moyens que l'occasion nous auroit mis entre les mains de nous venger de luy, afin de faire voir à tout le monde que nostre intention n'estoit pas de luy faire la guerre pour profiter à ses dépens, ni le dépouiller de ses Etats; mais seulement pour l'obliger à l'avenir*

à une meilleure conduite envers nous, & l'y tenir engagé par le dépôt de quelques-unes de ses places entre nos mains, sans lesquelles la raison ne nous pouvoit permettre après les choses passées de prendre une entière confiance en ses promesses. Mais comme la plus essentielle condition & le principal fondement des traitez que nous avons faits avec luy, a esté le desaveu qu'il a toujours fait du prétendu mariage de nostre frere & Duc d'Orleans avec la Princesse Marguerite sa sœur, auquel il nous avoit souventefois protesté qu'il ne voudroit jamais consentir contre nostre intention, suivant ce que nous luy avons franchement déclaré, qu'il ne pouvoit se porter à une action si prejudiciable à nostre autorité & au bien de nostre Etat, sans nous offenser sensiblement, & nous obliger à nous en ressentir contre luy par toutes les voies que Dieu a mises au pouvoir des Souverains, pour reprimer les injures qui leur sont faites; nous n'avions pu ajonster foy à tous les bruits qui auroient couru dudit mariage, jusques à ce que ledit Duc nous la fist luy-mesme déclarer de sa part par nostre cousin le Cardinal de Lorraine son frere. Cette declaration si contraire aux assurances qu'il nous avoit tant de fois reiterées auparavant de n'y entendre jamais contre nostredit gré, nous ayant obligé au ressentiment que peut meriter la grandeur d'une si sensible offense, nous fit prendre resolution au mois d'Aoust dernier de luy faire la guerre, & de la commencer par le siege de sa Ville capitale, que nous faisions promptement investir par l'armée que nous avions lors sur la frontiere de son pais. Cependant comme nous estions en chemin pour nous y rendre en personne, & reduire en passant le reste de ses places en nostre obéissance: ledit Duc reconnoissant sa faulse, & qu'il ne pouvoit la reparer à nostre contentement, qu'en se soumettant sur le fait dudit mariage entierement à nostre discretion, nous fit offrir par ledit Cardinal son frere de remettre ladite Princesse entre nos mains, pour la faire conduire en France, & ordonner sur tous ses interets ce que nous jugerions raisonnable. Cette proposition comme l'unique reparation à l'offense que ledit Duc nous auroit faite, nous eüst aucunement pu satisfaire, si elle eüst esté executée de bonne foy; mais l'evasion de ladite Princesse, que l'on fit en mesme temps sauver de Nancy en habit déguisé, par le moyen d'un de nos passports que nous avions donné audit Cardinal, du-

quel on abusa, pour rendre la tromperie qui nous fut faite plus insigne; & son evasion suivie de sa retraite parmi ceux qui ne desirerent que le trouble & la ruine de cét Etat, fit bien-tost paroistre que ledit Duc n'avoit jamais en cette bonne intention, & decouvroit à jour une partie des conditions secretes & des desseins cachez, par lesquels cette alliance avoit esté clandestinement contractée: desquels Dieu nous ayant fait la grace de nous garantir jusques-là, nous avons resolu d'y remedier encore avec plus de secreté pour l'avenir, selon les loix & les coustumes de nostre royaume: lesquelles ayant pourveu à l'honneur & intereêt des personnes privées en semblables occasions, doivent estre d'autant plus exactement executées pour la satisfaction des Rois, que le repos de tous les peuples soumis à leur autorité peut estre souvent confirmé ou détruit par les alliances des personnes qui ont l'honneur de leur toucher de si près: lesquelles demeurans dans le devoir, & se conformant aux justes volontez de celuy en la main duquel reside la puissance souveraine, peuvent attirer autant de contentement dans la famille royale, que de benedictions dans tout l'Etat, que leur conduite contraire peut causer dans tous les deux de troubles & de discordes. Aussi croirions-nous de faillir à tout ce que nous devons à tous nos sujets & à nous-mesmes, si en dissimulant le rapt d'un fils de France, conduit pendant sa minorité chez les étrangers par un mauvais conseil, nous avions donné sujet par nostre tolerance de faire à l'avenir de semblables entreprises contre la dignité de nos successeurs, & l'honneur de nostre Couronne. C'est-pourquoy voyant que les circonstances & les sujets dudit pretendu mariage, devienrent tous les jours plus dangereux & plus prejudiciables au repos de nostre Etat par la mauvaise disposition des esprits qui l'ont pratiqué dès le commencement, & qui le fomentent encore à present pour continuer à nous déplaire: nous avons resolu d'en faire declarer la nullité par toutes les voies accoustumées, suivant le droit que nous nous sommes spécialement réservé par les dernieres conditions de paix que nous avons accordées audit Duc; & cependant de faire intenter pardevant vous une action de rapt alencontre de luy par nostre Procureur General: auquel ayant ordonné de faire toutes les poursuites & requisitions necessaires en ladite action suivant le devoir de sa charge, nous

avons bien voulu vous en donner avü, afin qu'ayant jugement d'une affaire de si perilleuse consequence, vous apportiez de vostre part ce que vous connoistrez en vos consciences d'y devoir contribuer pour nostre satisfaction & celle du public, selon la rigueur des loix & des costumes observées de tout temps en nostre royaume: Car tel est nostre plaisir. Donné à Saint Germain en Laye le 11. jour de Janvier MDCXXXIV. Quod Latine dicitur.

## EX PARTE REGIS.

*Amici & fideles nostri, offensiones varia, quas a consobрино nostro Duce Lotharingi: dudum accepimus, nobis belli contra ipsum inferendi causam sepius dederunt. Sed ut jus nostrum teneremus, & illius injuriam persequeremur, quoties nos ipsi cum exercitu Lotharingiam intravimus, Dux toties debita nobis cum observantia & convenienti satisfactione, decessorum exempla sequi, & nobiscum reconciliari integro se animo ac libero velle significavit. Tunc injurias & offensiones quasunque communis concordie gratia voluntaria quadam oblivione contrivimus, & quam offerebat occasio ulciscendi rationem omnem omnino negleximus, ut neminem agnosceret nolle nos cum illo bellum facere, vel ex illius damnis proficere, vel eum ditione spoliare. Sed volumus tantum, ut imposterum erga nos se gereret prudentius, & ad id nexu obligaretur: scilicet ut duas apud nos quasdam vrbes deponeret, alioquin in eo fidentiam certa cum spe collocare non possemus. Nam stipulationes, conventa & promissa, qua olim fecit, nec servavit unquam, perpetuam nobis objiciunt diffidentiam. At vero cum Dux Lotharingi: Matrimonium, quod inter fratrem nostrum Aurelianensem Ducem & Principem Margaretam ejusdem Ducis sororem, contractum praeſumebatur, inficiatus est semper, & a se abalienavit, contestans sepius nolle se ei, nobis invitis & repugnantibus, consentire. Et cum precipua conditio & fundamentum pactorum qua nos cum illo fecimus, hac fuit inficiatio, abalienatio & contestatio, jactatis de hocce Matrimonio rumoribus, fidem habere nullam potuimus, donec consobrinus noster Cardinalis Lotharingus Ducis frater nobis ex parte illius denuntiaverit, consentiente & agente se celebratum fuisse Matrimonium. Denuntiatio hac praece-*

dentibus conventis & toties repetitis sponſionibus tam contraria, nos ad offenſionis tanta ultionem impulit, effectique ut Auguſto menſe proximo conſtituerimus illi bellum indicere, & illud inchoare ab obſidione urbis primaria, quam tunc copia noſtra in Lotharingia ſinibus diſtributa illico circumiecerunt. Interim cum illuc progredereſſemur, & per viam reliquas Lotharingi Ducis urbes ſub imperium ditionemque noſtram ſubjungereſſemus; ille majeſtati noſtra ſtatim occurrit, culpam conſiſſus, & agnoſcens ſe veniam aliter deprecari non poſſe, niſi quidquid erat Matrimonii, prudentie & cognitioni noſtra penitus ſubjiceret, ſubjecit. Nam ad hanc rem conſciendam opera Cardinalis fratris ſui pollicitus eſt & deſulit, ſe in manus noſtras Margaretam Principem traditurum, ut illa in Franciam deduceretur, & noſtris commodis & rationibus inſerviturum uti apte congruenterque judicaremus. Propoſita conditio hæc tanquam unica illate nobis injuria emendatio, quodammodo ſatisſacere poterat, ſi bona fide executioni fuiſſet demandata. Sed effugium Margaretæ Principis, quæ mutata veſte & habitum diſſimilem fortune ſua induta, & abuſu fidei publicæ quam Cardinali dederamus, Nanceio exiit, apertam in lucem prodidit Lotharingi Ducis dolum, malum & nefaria conſilia, quibus clam & furrim contractum ſacrat Matrimonium. Deinde Margaretæ Ducis ſoror ſe recepit apud eos, qui nihil aliud quam regni noſtri perturbationem atque excidium vehementius cupiunt. At præterquam, quod Deus nos ab illis malis hætenus eripuit, decrevimus cautione & diligentia majori ſaluti publicæ impoſterum ſubvenire, prout ſerunt regni leges ac mores, qui cum privatorum hominum honori & utilitati in occaſione pari proſpexerint, ad regiæ dignitati ſatisſaciendum accuratius ſervari debent ac diligentius. Pax regnorum & tranquillitas aſtruitur vel deſtruitur connubiali fœdere, quo proceres & optimates inter ſe conjunguntur. Hi dum ſe in officio continent, & ſe ad juſtum ſupremi domini ſui arbitrium ſingunt & accommodant: hinc jucunditatis & gaudiū tantum ad regiā familiam alliciunt & trahunt; inde quoque regno toti benedictionis tantum impertiuntur, quantum & familie regiæ & regno toti malorum & diſcordiarum adferunt, dum nec ſe in officio continent, nec ſe ad juſtum ſupremi domini ſui arbitrium ſingunt & accommodant. Itaque credremus, & nobis iſtis & noſtris ſubditis deſſe,



esse, in utroque peccare, si raptus crimen, quod in filium Francie minore natu apud exteros fallaci perantium consilio admisum est, dissimulemus, & toleratione nostra causam parvi deinceps admittendi contra nostram & successorum dignitatem criminis praberemus. Hinc sit ut perspectis omnibus presumpti huius Matrimonii causis & circumstantiis, quæ in dies singulos regno nostro periculosiores evadunt pravo affectu illorum, qui Matrimonium tractarunt ab initio & fovent adhuc in regii nominis contemptum, statuimus, ut illud nullum atque invalidum de more, & servato juris ordine pronuntietur, & predicto Duci lis raptus coram vobis intendatur a generali Cognitore nostro, cui in mandatis dedimus, ut quidquid hoc in negotio agendum est, studiose ac diligenter agat. Atque hæc vobis mandare volumus, ut ad tante tamque periculose rei iudicium, quod lasuri essis, quantum in cujusque animo roboris est nervorum & fidei & scientia adhibeatis, & juxta leges & consuetudines immenso tempore observatas hoc in regno, nostra & omnium expectationi satisfacere possitis: sic nostrum est ejusmodi placitum. Datum Sangermanopoli ad Laliæ silvam anno MDCXXXIV. quarto Nonæ Januarii.

His autem perlectis literis Cognitor generalis postulat a Senatu, ut & in Aurelianensis Ducis Matrimonium & in raptus crimen, quo se Duce Lorcharingie obstrinxit, inquiretur. Tunc decreta est inquisitio, & inquirendi provincia tribus Senatoribus demandata quarto Nonas Januarii. Cognitor in manus unius ex his tribus plures tradit articulos, qui revocantur ad hæc capita duo: *Filios Francie Matrimonium sine consensu Regis contrahere non posse. Lorcharingia Ducem clientem dedititum, seu, ut vocant, ligium, Francie Coronæ vassallum esse propter Barensem Ducatum, eamque ob causam feodorum legem violasse, quod sororem suam Aurelianensi Duci ausus fuerit elocare, dissentiente supremo domino suo.*

Advocatus regius Hieronymus Bignonius eruditam & nomini suo respondentem orationem habuit, cujus summa est, Dominum Aurelianensem Ducem habendum esse ut pupillum, ut subditum, ut præcipuum regni heredem: ut pupillum, non posse legitimas nuptias celebrare sine tutoris assensu, quem Gallica natio

*sub pœna nullitatis semper exegit: ut subditum & conditionis istiusmodi subditum, non posse quoque eas celebrare nuptias sine supremi domini sui nutu & arbitrio: ut præcipuum regni heredem, id multo minus posse cum extranea muliere contrahere Matrimonium, quin Rex consentiat. Uno verbo prohibitionem factam a patre pupillo, a domino vasallo, a Rege subdito, impedimentum esse quo Matrimonium dirimitur: scilicet prohibitionem facta pupillus, vasallus, subditus ad contrahendum sine consensu patris seu tutoris, domini & Regis Matrimonium inhabilis efficitur.*

His autem præmissis omnibus, quæ in publicorum iudiciorum forma servantur, Parisiensis Senatus anno MDCXXXIV. Nonis Septembris declaravit, *Matrimonium, quod Aurelianensis Dux Regis frater unicus cum Margareta Lotharinga contraxit, nullum & invalide contractum esse.*

Hoc idem censuit Gallicanæ Ecclesiæ Clerus in generalibus Comitibus, quæ anno MDCXXXV. Lutetiæ Parisiorum habuit. Si quis autem Cleri requirat sententiam, hæc est: *Gallicia consuetudine non esse concessum, ut regia sobolis Principes, & ii præsertim, qui viciniore sunt heredes Corona, sine Regis consensu nuptias celebrent, multo minus contra voluntatem & interdictum illius. Has porro nuptias seu conjugia illegitima esse, invalida & nulla defectu conditionis, sine qua memorati Principes valide contrahere non possunt Matrimonium. Hanc demum Gallicæ consuetudinem rationi consentaneam esse, veterem & legitima præscriptione constabilitam, & Ecclesiastica auctoritate firmatam. Sic ergo censuit anno MDCXXXV. Nonis Julii.*

Hanc Gallicani Cleri sententiam & multorum Theologorum responsa, quæ exscriptis rei gestæ actis (verbalem processum dicunt) inseruntur, Aurelianensis Dux cum vidisset, anno MDCXXXV. XVII. Calend. Septembris, Lutetiæ publicum confecit instrumentum, quo nullum esse recognovit Matrimonium cum Principe Margareta olim contractum.

Instrumentum porro sic se habet: *Nous Gaston fils de France, frere unique du Roy, Duc d'Orleans, de Chartres, de Valois, & Comte de Blois, ayant veu l'avis donné au Roy nostre tres-ho-*

noré Seigneur & frere, par nos tres-chers & bien-aimez les Prelats assemblez en nostre ville de Paris, representant le Clergé de France sur le sujes des mariages des Princes du sang & des heritiers presumptifs de la Couronne, par lequel ils affirment en leurs consciences lesdits mariages estre nuls, lorsqu'ils sont faits sans le consentement du Roy. Ayant veu en ouire les réponses d'un grand nombre de Docteurs & Religieux insirées dans le procès verbal desdits sieurs du Clergé assemblez le mois de Juin MDCXXXV. à Paris, qui sont d'un mesme avis; & de plus considéré que ledit avis est fondé sur la coustume du royaume: Nous avons cru, suivant icelle coustume, estre obligez en conscience d'y acquiescer, reconnoistre nul le mariage fait entre nous & la Princeesse Marguerite de Lorraine, & declarer comme nous faisons, que nous ne tiendrons jamais à l'avenir ladite Dame pour nostre épouse, & ne ferons aucune action ni acte contraire à la presente declaration, que nous faisons volontairement, mais par les veritables sentimens de nostre conscience: en témoin dequoi nous avons signé la presente de nostre main, & à icelle fait apposer le caschet de nos armes. Fait à Paris le XVI. jour d'Aoust MDCXXXV. Signé, GASTON. Et plus bas, Par Monseigneur, GOVLAS. Quod Latine dicitur.

*Nos Gasto Regis frater unicus, Aurelianensis, Carnotensis, & Valesius Dux & Comes Blefensis, ubi eam vidimus, quam carissimi & amantissimi nostri Antistites in hac Parisiensis vrbe congregati, & Gallicum Clerum representantes, de Matrimonii Principum regii sanguinis, & viciniorum regni heredum, Regi honoratissimo domino & fratri dixerunt sententiam, qua huiusmodi Matrimonia nulla esse religiose affirmant, cum illa sine Regis consensu sunt: ubi praterea vidimus inserta regestis Gallicani Cleri responsa Doctorum & Religiosorum complurium, qui omnes in eandem opinionem consentiunt: ubi tandem placita omnium in regni consuetudine posita esse ac fundata perspeximus, consuetudini huic bona fide standum esse credidimus, ut ei stamus, & initum inter nos & Margaretam Principem Lotharingam conjugium fuisse nullum & invalidum agnoscimus, & nos eandem Dominam pro sponsa & uxore nostra nusquam habituros declaramus, nec facturam quidquam declarationi huic, quam libenter præbemus, contrarium,*

## 436 REGIA IN MATRIMONIUM POTESTAS.

*religione certa ducti pollicemur. In cuius rei testimonium presentes literas manu propria subscripsimus, & gentilitio stemmate obfirmari curavimus. Datum Parisiis anno MDCXXXV. XVII. Calend. Sept. Signatus GASTO, & infra, Per dominum, GYLIVS.*

Hinc progressu temporis Aurelianensis Dux, cum in gratiam Regis redeundum sibi esse serio cogitaret, anno MDCXXXVI. III. Idus Decembris, scriptis literis a Rege supplices flagitavit inter alia, ut sibi liceret Margaretam Lotharingam in uxorem retinere. Rex vero cum aliis de causis, tum instaurandæ pacis gratia in illud Matrimonium consensit, quod Aureliæ scripto testatus est anno MDCXXXVII. III. Idus Februarii. Sic Matrimonium, quod nullum antea, illegitimum & invalidum erat, verum, legitimum & validum esse cœpit. Enimvero Gasto Franciæ & Margareta Lotharinga memores eorum, quæ cum a Rege & a Parisiensi Senatu, tum a seipsis gesta fuerant, ut sibi Matrimonio & futuræ soboli providerent amplius, idem suum Matrimonium de novo ratum habere voluerunt. Quamobrem anno MDCXLIII. VII. Calend. Junii iterum contraxerunt in castro Meudonis coram Parisiensi Archiepiscopo, & aliis testibus qui ad hoc vocati fuere, ut in publico, quod tunc confectum est, instrumento habetur. Archiepiscopi autem verba hæc sunt, quæ audito mutuo conjugum consensu protulit: *Et ego conjungo vos in Matrimonium in quantum est opus, in nomine Patris & Filii & Spiritus sancti.* Ceterum hæc est verissima historia conjugii, quod Aurelianensis Dux cum Margareta Lotaringi Ducis sorore contraxit, in quo, si caput rei confideres, idem accidit, quod in Matrimonio Balduini & Judith accidisse vidimus.



## CAPUT XXIX.

*Hodiernus regia in Matrimonium potestatis usus constat ex natalium restitutione.*

**D**E restitutione natalium paucis agendum est, atque ex jure restituendi naturæ & antiquæ ingenuitati regiam in disponendis Matrimoniis auctoritatem deducendum. Quod ut fiat, sciendum inprimis duos esse generales hujus ad ingenuitatem restitutionis modos, cum videlicet illegitimus procreatus est filius, vel ex prohibitis nuptiis, vel sine nuptialium documentorum confessione: tum hanc natalium restitutionem non ex ipsa natura, sed ex legibus ortum habere. Neque enim a principio, inquit Imperator, quando sola natura sanciebat, hominum antequam scriptæ provenirent leges, fuit quædam differentia naturalis atque legitimi, sed antiquis parentibus antiqui filii mox ut procedebant, fiebant legitimi. Denique jus restituendi natalibus ad solum Regem spectare, certum est, ut & Sangermanensia Comititia sub Henrico III. & longe antea Innocentius III. agnoverunt. Cujus hæc sunt verba in cap. *Per venerabilem. Insuper cum Rex* (Galliæ) *superiorem in temporalibus minime recognoscat, sine juris alterius latione, in eo jurisdictioni nostræ se subjicere potuit, in quo videretur aliquibus quod per seipsum non tanquam pater cum filiis, sed tanquam Princeps cum subditis potuit dispensare. Quo factum est, ut noluerit natalibus restituere Guillelmi Comitis Montispestulani filios, cum Regem Galliæ superiorem Comes haberet.*

Hæc autem cum ita sese habeant, quid est aliud legitimis natalibus restituere, nisi natalium supplere auctoritate suprema defectum? At quando supplendus est iste defectus, nisi cum ex vetitis nuptiis, aut sine nuptialium instrumentorum confessione quis procreatus est? Hoc autem vel illo modo quis procreatur illegitimus, ubi præscriptas in contrahendo

Matrimonio leges parentes non servarunt. Cum igitur natalium defectum reparare, & legitimam efficere prolem certa quædam sit legum dispensatio, quæ quia servatæ non fuerunt a contrahentibus, illegitimum Matrimonium fuit, ut natalium testitutio, sic & harum legum institutio ad Regem pertinet.

Hoc loco prætermittendum non est illustriſſimum exemplum, quod pro hoc regio jure commemorat Dutandus in IV. sent. dist. XLI. quæst. III. *Alii dicunt, quod in terris non subjectis temporali dominio Papa legitimatio facta per eum non valet quoad successionem, quæ est præjudicialis legitimo heredi, licet valeat quoad actus spirituales & dignitates Ecclesiæ: & hoc de facto tenuit in regno Francia. Quin primogenitus Comitis Flandricæ legitimatus per Papam non successit in Comitatu, sed alius minor, qui erat legitimus.*

## CAPUT XXX.

*Hodiernus regie in Matrimonium potestatis usus constat ex dirimentium impedimentorum dispensatione cum heterodoxis.*

**R**EX Galliarum veniam facit iis, qui seotim a Catholicis per religionem sentiunt, ut in certis quibusdam consanguinitatis gradibus Matrimonium contrahant. Hæc autem cum iis hominibus dispensandi consuetudo nova quidem est: sed novitatis istius robur est antiquitas, in qua disponentibus Regibus consobrina legitima siebat vxor. Dispensandi formulam retulimus, qua Reges in Italia quondam utebantur. Quod cum Matthæus Galenus & jus regium ipsum expenderet, non ita pridem in suis catechesibus asseruit, *sanissimos quoque Theologos non arbitrari tantum penes Ecclesiam jura esse personarum ineptas (ad conjugium) decernendi, verumetiam Regibus Imperatoribusque potestatem ducendarum cognatarum faciendi, quoties id rerumpublicarum utilitas tran-*

*quillitasque postularit.* Atenim dici sine piaculo nequit, regiam cum heterodoxis dispensationem non valere, tum quia qui dirimentem Matrimonia legem ferre potest, eandem, si necessitas exigat, solvit: tum quia Rex & Pontifex gravissime peccarent, ille dispensando, hic ejusmodi dispensationem permittendo. Quod enim ii, quibus venia conceditur, sumum non agnoscant Pontificem, illud Regi nullum jus novum, quod ex potestatis civilis natura non habeat, tribuit, sed efficit, ut jure, quo non utebatur, sed uti poterat, nunc utatur. Quate cum ab Romano & aliis Episcopis de usurpata potestate & jurisdictione non coarguatur, nec ex principiis Theologicis, quæ prima tractatus parte deduximus, coargui merito possit, vel ex hoc vno constaret, Regem suo, nec alieno jure his in dispensationibus uti. Deinde cum eadem sit ferendi, quæ solvendi legem potestas, Rex posset adhuc impedimentum Matrimonium dirimens instituere, si quod publicæ tranquillitati conducere.

## CAPUT XXXI.

*Ad solutionem objectionum, quæ suis locis diluta sunt, mantissa.*

**A**D finem hujus secundæ partis quatuor observamus, diluendis objectionibus, quæ vel jam factæ sunt, vel fieri possent, vtilia. Unum est, asserto jam ex suis verisque principiis regio in Matrimonia procerum jure, nullum opponi posse exemplum, quod rebellionis indicium non sit, & publicæ seditionis incentivum. At quæ regna, quæ imperia tuta forent, si præteritarum rebellionum indiculus in auctoritatem admitteretur?

Alterum, hæc quæ producerentur exempla, regiam potestatem honestare, non dedecorare magis, quam adversa Romano in pectore vulnera, quæ plagarum sunt juri regio infixarum confessio. Quasi vero factio & effraznis nonnullorum


procerum superbia Regibus obesset contra quos nulla sit præscriptio, cum in aliis, tum in iis maxime, quibus principatus integratur. Quod enim optimates quidam aut proceres regni cedere noluerint aliquando, vel edomari non potuerint: id non juri, sed injuriæ temporum deputandum est.

Tertium, Regis alicujus sua abutentis potestate exemplum si daretur, ceteris non obesse Regibus, qui non privato studio, sed publica regni utilitate ducti, nuptiarum facultatem ei adimerent sæpe, cui vitam alioquin adimere jure possent.


Quartum, consultius fore, Principes illos, qui insciis vel invitis Regibus celebrarunt nuptias, excusare, quam cujuspiam memoriam uti sopitos jam cineres profana manu ventilare, & rediviva rebellionis opinione diffamare. At vero excusari facile possent, vel quod alii postea Regis consensum sibi compararint: vel quod alii facti Reges, ut Ludovicus XI. sua Matrimonia, quæ ante fuerant irrita, rata fecerint: vel quod ipsi Reges rerum suarum necessitate compulsi, quem negaverant, consensum dederint: vel quod cum ipsi diserte non repugnarunt, idoneum præbuisse consensum dicantur. Si cujus autem Principis exemplum nulla ex his rationibus purgari posset, illud millies potius quam regia periclitetur auctoritas. Quid enim absurdius, quam ut singulari facinore, quod vel jure caret, vel de quo saltem an careat, ambigitur, regia, eaque tot tantisque, ut visum est, nixa rationibus potestas imminui censeatur.







TERTIA PARS TRACTATUS,  
de jure Principum sæcularium Christiano-  
rum in sanciendis impedimentis Matrimo-  
nium dirimentibus.



ARTICULUS I.

*Quid in causis impedimentisque Matrimonii  
quidam Imperatores cum Græci, tum Latini  
post divisum Imperium egerint, attingitur.*

**D**E tribus hic speciatim monendum esse Lectorem pu-  
to. Unum est, sermonem haberi de ea Romani Impe-  
rii divisione, quæ tempore Caroli Magni facta est, non de  
nonnullis aliis divisionibus, quibus ante Carolum, hic vel  
ille Imperator Romanum Imperium in plures partiebatur.

Alterum, in prima tractatus parte, art. 111. delibata jam  
esse, quæ ante hanc Imperii divisionem ad causas impedi-  
mentaue Matrimonii spectant. Quare ne actum agam, hæc  
non repeto. De hoc argumento disserendi ille, quam iste,  
commodior visus est locus.

Tertium, in hoc articulo non referri omnia quæ post di-  
visum Imperium in causis impedimentisque Matrimonii qui-  
dam Imperatores egerint. Jam enim in secunda parte art. 11.  
retulimus, quæ Carolus Magnus, & alii Imperatores iidem  
ac Reges Gallix in causis impedimentisque Matrimonii sta-  
tuerunt.



## CAPUT I.

*Sub Basilio Macedone regia in Matrimonium potestas retenta.*

**A** Græcis initium sumimus, quorum primus est Basilius Macedo, qui ab anno Christi DCCCLXVII. vsque ad annum DCCCLXXXV. Orientale rexit Imperium. Is hac sua novella quarras nuptias prohibuit: *ut eadem jura procedant, in tertio quoque conjugio, quæ in quarto, manifestum omnibus esto futurum, ut si quis ausus fuerit ad quartas nuptias non nuptias accedere, non solum pro nullis habeantur hæ nuptiæ, nec liberi ex his procreati pro legitimis agnoscantur, verumetiam & paris pollutorum scortationis sordibus subjiciantur.* Id genus statuit impedimenti, quo contractum Matrimonium dirimatur. Neque reperio summum Pontificem, vel Orientis Episcopos hoc impedimentum rescidisse, vel vsurpatam in eo statuendo sacerdotalem jurisdictionem conquestos esse.

Ad calcem epistolarum Photii, quæ Græco-Latinæ nuper prodierunt, quinque ex veteri codice Orientali adjiciuntur epistolæ, quarum vltima ad contractum insciis parentibus Matrimonium spectat. Est autem ejusmodi: *Pervenerunt ad nos literæ sanctitatis tuæ Deo dilectæ, postulantes a mediocritate nostra sententiam ferri de Presbytero, qui præter voluntatem parentum, non expectato eorum consensu, liberos ipsorum coronaverat: quorum postea studio separati, cum aliis personis ad nuptiarum communionem cum venissent, opera parentum ab alio Presbytero benedictionem acceperunt. De primo itaque Presbytero sic discernimus: siquidem contrariæ parentum voluntatis ignarus, ex inscitia, in coronandis istis, quæ convenerunt, personis in errorem lapsus talis cum sis, non prorsus lætæ culpe obnoxius, tanquam de voluntario peccato damnandus est; non tamen tanquam omnis culpa expers dimittendus. Oportuit enim ipsum accurate sciscitantum rescivisse, num voluntate parentum, qui ad nuptias coibant,*

conjugium contraherent. Idcirco ordinis sui jactura talis non subjicitur, sed ad tempus constitutum sacro celebrando prohibebitur, tum eam, quæ in reliquis cernitur, austeritatem jejuniis scilicet & orationibus subibit. Tempus autem pœna subeunda, vel ad quadraginta dies, vel bis totidem extendatur, pro ratione ipsius in penitentia fervoris, ne amplius in ejusmodi quid delicti ex incuria, animivæ ignavia incidat. Hoc igitur obtineat, si ad infirmitatem peccatum referat. Quod si voluntatem parentum consensui huic & conjugio adversari sciret, & ejus non ignarus, tum naturalem legem, tum spirituales contempsit, quorum utraque irritum conjugium pronuntiat, parentibus assensus sui suffragium non ferentibus, pœna rite obnoxius esto. Si tamen parentes, postquam ætas liberorum per leges idonea ad nuptias esset, dilato per longum temporis spatium conjugio, necessitatem ipsis liberis præbuerint etiam invitis parentibus ad nuptias accedendi, tum nec leges hujusmodi nuptias irritas faciunt, & qui interest Sacerdos, & eis benedicit, nulla culpa tenetur. Ratum autem sit hujusmodi conjugium, judice ex causæ notitia custodiam liberorum, & legitimam ipsorum voluntatem improbitati parentum preferente. De primo itaque Presbytero ista nobis jus suggerit.

De secundo autem nec simplex est consideratio. Nam si conjugii prioris ignarus fuerit, nullo jure culpa tenetur. Præsentia enim parentum in nuptiis magnum momentum illi ad absolutionem impendit, qui ideo ad anteaactorum inquisitionem non venit, quod præsentia parentum ea ad examen revocari non ferret. Quod si factum conjugium, & secutam copulam carnalem noverit, quoniam quasi ex necessitate non sunt in calibatu continendi, qui a priori conjugio discesserunt, sed legitimo conjugio vincendi, ne in fornicatione versentur; non quidem ad finem arcebitur sacrorum præsidatu, qui nuptias consecravit, sed moderatiores quasdam pœnas subibit; scilicet quod, cum factas ante nuptias manifestum esset, quæ quidem fornicationis crimen evadere non possunt, ausus sit eos, qui flagranti peccati crimine tenebantur, tanquam puros & inculpato sacerdotali benedictione dignari, & virginitatis coronis eos, qui ipsam male deposuerant, ornare. Quod si prius conjugium ex assensu parentum processerit, a quo deinde præter rationem discesserint, prior quidem Presbyter omnis culpa absolvetur;

#### 444 REGIA IN MATRIMONIUM POTESTAS.

*secundus, siue interfuerint parentes, siue non, Sacerdotio excidet. Nam alienum a sacris legibus conjugium, nec absentia & dissensus parentum facit, nec presentia & assensus aut quod profanatum est, sanctitati restituit. Hæc epistola comprehendit disciplinam, quæ Photii tempore in Orientali Ecclesia vigeat legum subsidio, quas Imperatores tulerant.*

---

### C A P U T I I.

#### *Sub Leone VI. regia in Matrimonium potestas retenta.*

**S**ECUNDVS est Leo VI. Basilii successor, cujus constitutiones sunt duæ ad Stylianum, xxiii. & xxiv. quibus hic Orientis Imperator, cognomento Sapiens seu Philosophus, suam in Matrimonium potestatem exponit.

Prior est ea qua statuit, ne Præsides in provinciis suis domestica sponsalia contrahant: Et illa sic se habet: *Dignum hercle humano ingenio magistratumque virtute, si qui in magistratum assumuntur, eo quod supra multos alios gloria & honore tenentur, religiose præcepta Dei observarent & custodirent, provideque subditorum res curarent, nequaquam vero illos gravi manu opprimerent: at quia sunt quos ferox iniquusque animus e recta præceptorum semita exorbitans, in perversam tyrannicamque cupiditatem ducit, & pro reipublice cura efferati animi propositum exhibere facit, tanquam illos refranatura lex vetus statuit, ne Præsides in suis provinciis contractus & sponsalia ineundi facultatem haberent: atque hanc quidem in eis rationem, quam in filiis, nepotibus & aliis constituisse, filiarum elocationem non prohibuit. Hoc igitur nos tanquam quod desit, optima legi adjicientes statuimus, ut quibus præsidatus obvenit, quemadmodum filios aliosque virilis sexus cognatione domesticos, ita quoque filias, aliasque feminini sexus personas, in suis quique provinciis in Matrimonium collocare prohibeantur. Quid enim causa est, quare filius, & si quis alius virilis sexus est, decreto obnoxius sit; filia vero a legis*

*observatione libera permaneat: cum praesertim virilis sexus saepe numero multis & modis & exercitiis sibi, conjungi, aliisque quos affinitas conjunxit, utilis esse possit? Nam dignitates fortasse consecutus, aut mercatura aliqua instituta, aliaque sustentande vitae cura suscepta, neque sibi, quomodo dixi, neque aliis propinquis inutilis fuerit, quae ut muliebris sexus jubeat, non fere idoneus est.*

Posterior, qua statuit, ne filii naturales cum adoptivis Matrimonia contrahant: Et illa sic se habet: Multi dum prius tempora laudibus celebrant, prima in illis ordinandis constituendisque rebus triluere volunt: atque illa in plerisque recentiora vincere scio quidem & ego; verumtamen in nonnullis vinci etiam video: & cum non pauca sint, in quibus a recentioribus illa superentur, tum vero maxime in adoptionibus id fieri conspicitur, quae illa adoptiones neutiquam decenti cum ritu & ornatu faciebant, dum circa divinum sacrificium divinosque cantus faciebant, & qui adoptari vellent, id illis simpliciter fieri lex permittebat. Unde usqueveniebat persaepe, ut sororis appellatio in uxoris transiret, & quae puella paullo ante filia dicta esset, nurus nomine compellaretur, aut filius qui esset, pro eo gener agnosceretur, quando videlicet naturalis quemque adoptio in filiorum ordinem collocaret, & matrimoniali commercio inter se jungerentur, ac sus deque isthac actio haberetur: quod cum sacrum ministerium non intervenisset, nullum inde ad matrimonialem consuetudinem existeret obstaculum. Ceterum olim cum decenti ratione non adoptaretur, quanquam Matrimonium infame quiddam complecteretur, non tamen nefarium aliquid continebat. Verum nunc cum adoptio secundum ritus tum decoros, sum justos fiat, & per sacrosanctum sacrificium hi in parentum locum, illi vero in filiorum jus subeant naturaliter geniti, nulla amplius reliqua ratio est, ut filii adoptivi cum naturaliter genitis in Matrimonium connectantur. Quocirca etiam statuimus, ut qui eodem modo fratrum nomen subierint, iis nequaquam mutato fraternitatis jure in Matrimonium jungi liceat. Hæc Leo Sapiens, qui ab anno DCCCLXXXVI. usque ad annum DCCCXCI. Imperator fuit. Quo jure in constitutione priori videtur, eodem & usi sunt Reges Galliae, ut in superiori tractatu vidimus.

## CAPUT III.

*Sub Alexio Commneno regia in Matrimonium potestas retenta.*

**T**ERTIVS Alexius Commnenus, ex cuius *de nuptiis & sponsalibus contrahendis novella*, quæ ad rem faciunt, decerpimus. Si nihil aliud est regnum, quam legitima quædam præfectura, nihilque leges aliud, quam integritatis reipublicæ custodes, procul removens & expellentes ea, quæ statui civili nocent. Si denique leges ferre Principibus licet, profecto Imperatorum opus est ad commune reipublicæ commodum ab iis, qui rerum potiuntur, legum expositionem perfici. Et post alia: Hoc instituto majestas quoque nostra Leonis Imperatoris constitutioni novelle innixa, quæ definit, ut prima contrahentium conventio, videlicet ipsa sponsalia sacre benedictionis initiationem habeant, & statutum certumque tempus statis, quod ad nuptialem quoque conjunctionem sufficere jus antiquum sancivit, illa proprie sponsalia statuit esse, dubioque procul eandem cum nuptiis vim obtinere, quæ etiam tempus illud, quod Imperatoris domini Leonis constitutio determinavit, sacrasque preces comitantes habuerunt. Nuptiæ autem legitimo tempore, quod antiquæ recentioresque leges, & a nobis promulgata novella constitutio definierunt, una cum solennibus earum observationibus celebrantur, nec licebit ulli subditorum nostrorum in univ ersum quidquam adversus hæc præsentis potestatis nostra constitutione vetita & interdicta facere, nisi forte (qualia multa frequenter accidunt) Imperator ipse per dispensationem quandam sponsalia cum copulatione, quæ sit sacris votis intervenientibus, intra definitos annos personis, quæ despondentur, ex decreto permittat. Nam licet iis quibus a Deo dispensatio rerum mundi hujus est commissæ, supra leges dispensare. Itaque licebit hoc Imperatoribus quotiescunque voluerint in angustius cogere spatium, atque contrahere per dispensationem, & utraque sponsalia, videlicet tam ea, quæ secundum jus vetus a non minoribus septem annis peragi debere sancitum

est, adeoque perfecta sponsalia dicuntur, quanquam secundum Leonis legem, conceptis sacris precibus contrahuntur, perfecta que sponsalia sunt. Et post alia: Ex legibus enim Imperatoribus tam condere leges est permissum quam dispensare. Hic Imperatores ut leges ferunt, quibus Matrimonium instituitur; sic & aliquando veniam legum illarum infringendarum impetrantur. Porro Alexius ab anno MLXXXIII. usque ad annum MCXVIII. Orientalis Imperii habenas tenuit.

## CAPUT IV.

*Sub Manuele Commeno regia in Matrimonium potestas retenta.*

QUARTVS Manuel Commenus, qui & de suo in statuendis impedimentis Matrimonii jure, & de procedum conjugis sic edisset: Tam sanctissimus Patriarcha, quam Christi Pontificum conventus, etiam modo de divinorum sacrorumque canonum observatione solliciti, receptamque usu in actibus synodicalis de communibus causis consuetudinem retinentes, ad religiosam quoque majestatem nostram referre decreverunt, qua essent abs se statuta, recteque definita de iis, quæ in disceptationem synodicam vocata fuerant, an scilicet ii, qui septimo se gradu sanguinis contingunt, propinquitatem cognationis haud ignorantes; & curiose tamen Ecclesiam de futuro contractu non consulentes, atque ita in Matrimonium coeuntes, indirepti quidem manere; sed pænis subjici debeant; an potius talis facinoris reos divelli abs se invicem oporteat. Et quidem expositum de hac questione scriptum potestati nostræ obsulerunt, jus majestati nostræ debitum, seu Principi gubernationis statum integrum servantes, & ipsam quoque censuerunt interrogandam, an ejus etiam judicio, quæ decreta essent, probarentur: hoc imprimis esse necessarium perspexerunt, idque rectissime, ac iusta sane de causa. Et post alia: Et quoniam sæpenumero multa Matrimonia contrahuntur cum personis Imperatorii generis, aliisque nobilissimis & dignitate conspicuis, iidem-

que cum personis exterarum regionum, quibus Reges & Principes presunt, in hanc reginam urbium venientibus, qua non sine potestatis jussu omnino perfici non solum aequissimum erat: sed majestatem quoque nostram certiore reddi de his, quæ de hac necessaria questione sancita per Synodum essent, ne fortasse per oblivionem illicitus aliquis ejusmodi contractus sacrisque canonibus legumque editis haud respondens accidat, idque hac ipsa in urbe, quæ & ceteris omnibus ob imperii mitram ac diadema, & legibus in universum regitur. Sic ille qui ab anno MCXLII. usque ad annum MCLXXX. Orienti præfuit. Hæc autem non ante quis expendet pro merito, quam observaverit, ab ipso Patriarcha & synodicis Episcoporum conventibus regiam seu imperatoriam in causas impedimentaue Matrimonii potestatem agnoscere. Quod quanquam necessarium non sit, utile tamen est, ut qui hac in questione injuriam Sacerdotio fieri contendunt, ab ipsius Sacerdotii Præsidibus coarguantur, & quod in alios conjiciunt, telum recipiant. Ad generis autem Imperatorii homines quod attinet, Commnenus aperte significat, eos Matrimonia celebrare non posse, quin Imperator consentiat.

## CAPUT V.

*Quod Matthæus Monachus seu Blastares tradit de causis apud Orientales impedimentisque matrimonialibus, refertur.*

**H**IC auctor cum in Alphabetico syntagmate de causis & impedimentis matrimonialibus tractat, quæ Justinianus Imperator in novella CXVII. olim constituerat, describit hoc modo in capite XIII. litera Γ.

*De Matrimonii solutione multis in locis multe leges tractant: sed perfectius novella Justiniani, quæ diserte causas exponit, ob quas maritus aut uxor conjugii repudium mittere potest, aut dotem lucrari, proprietate tamen ejus susceptis ex eodem Matrimonio liberis salva, vel liberis nullis existentibus, expers culpa persona pro-*



proprietate quoque frui potest. Nam licet mortalibus olim permiffum erat, tam ex prifcis legibus, quam longa confuetudine Matrimonia impune folvere, ut fcilicet vir conjugi diceret: *Uxor tuas ipfa res tibi agito: ac viciffim hac illi: Tuas marite res tibi agito.* Quomodo apud Hebræos etiam olim lege receptum erat, ut uxori libellum repudii maritus mitteret: tamen vii nunc comparate res funt, apud Chriftianos hoc abrogatum eft. Causa vero nominatim enumerata funt a religiofis Imperatoribus, ob quas folas Matrimonium folvere licet, cum abfque harum una nefas fit dirimi.

CAUSÆ UXORIS.

*Ac maritus quidem uxori repudium mittit, & dotem ejus lucratur, ut dictum eft propter has caufas.*

I. Si quibus adverfus majestatem Principis ineuntibus confilia mulier confcia fit, idque marito fuo non patefecerit.

II. Si adulterii mulier accusata & fecundum leges adulterii convicta fuerit.

III. Si quocumque modo vita mariti fuerit infidiata, vel cum aliis id molientibus effit confcia, marito non patefecerit.

IV. Si contra mariti voluntatem cum viris extraneis compotet aut lavet.

V. Si contra mariti voluntatem extra domum maneat, nifi forte apud fuos parentes, vel ab ipfomet abfque caufis indicatis expulfa, parentibus ei nullis existentibus, foris noctem tranfegerit.

VI. Si ad Circenfes vel fpectacula vel arenam accedat fpectandi caufa, ignorante vel prohibente marito.

Ceterum Scriptura dictum illud, quo traditur adulterio pollutam ad maritum fuum non redire: de marito intellige, qui eam non vult recipere: quippe fi maritus crimen condonat, citra prohibitionem intra biennium eam recipi fecundum novellam Iuftiniani & Leonis illius Sapientis.

CAUSÆ MARITI.

*Uxor autem marito repudium mittit propter has caufas, cum & dotem fuam & donationem viri propter nuptias recipere poffit, liberis confimiliter in donatione confervando dominio, five proprietate, vel liberis non extantibus, etiam dominium ejus habere.*

## 450 REGIA IN MATRIMONIUM POTESTAS.

I. Si adversus majestatem Principis vel ipse quid molitus fuerit, vel aliquibus molientibus ipse conscius id Principi non patefecerit, vel per se, vel per quamcumque personam.

II. Si quocumque modo vite conjugis insidiatus fuerit.

III. Si pudicitie conjugis insidias struens aliis eam stuprandam tradere conatus fuerit.

IV. Si maritus uxore adulterii accusata rem non probaverit.

V. Si alia cum muliere coeat in eadem domo vel eadem civitate, ac monitus ab uxore vel parentibus ejus vel quovis alio non velis abstinere.

In his non solum donationem ante nuptias maritus loco pænæ amittit, verumetiam trientem reliquarum ipsius facultatum, præterquam quod eas quoque pænas sustinet, quas ipsa mulier erat latura, si condemnata fuisset: non tamen aut mulier arbitratus suo divertere potest a marito, aut maritus ab ipsa, sine judicio & sententia judicum, quemadmodum diversæ Iustiniani novellæ statuunt, ac propterea qui ducit uxorem non ita direptam, adulterium committit.

## SOLVITIO MATRIMONII CITRA POENAM, DEQUE MATRIMONIO, QVOD EXERCITATIONIS PIÆ CAUSA SOLVITVR.

Absque pænâ Matrimonium solvitur, cum elapso triennio maritus cum uxore coire nequit, licet ipse divorcium fieri nolit, manente penes virum donatione ante nuptias, nec quidquam suarum rerum pænâ loco amittente.

Solvitur etiam Matrimonium, cum altera pars exercitio sacro se dedit ad viam meliorem transiens, & vitam in puritate degendam eligens. Tunc enim tam virum, quam mulierem ad præclariora se conferentem, divorcendi recedendique potestatem habere jubemus, exiguo quodam deserta partii solatio relicto. Quidquid enim contrahentes pacti sunt, ut a morte lucro alterius cederet, id habere oportet ab altero desertum, siue vir, siue mulier sit, quando & ipse quantum quidem ad conjugem attinet, mori videtur, alterum vixta iter cum altero committens. Etenim tonsura recte fit, etiam alterutro conjugum invito. Dicimus etiam bona gratia fieri divorcium. Persona quoque derelicta potest aliud ad Matrimonium accedere; sed hoc uxori Episcopi ordinati non est datum, ideoque

cum ejus consensu fieri ordinationem oportet, atque ita sequi tonsuram ejus citra recusationem.

Solvitur etiam Matrimonium, cum maritus aut uxor in captivitatē venerit, ac per quinquennium non constat an vivat necne.

Si vero præter statutas, inquit, a nobis causas ausi quidam fuerint Matrimonium solvere: jubemus, siquidem habeant descendentes vel ex hoc ipso, vel ex alio Matrimonio, ut iis ipsorum facultates dentur, & in monasterium ipsi insciantur, omni vita sua tempore, & monasterio pars ex ipsorum bonis tribuatur. Sin descendentes nullos habeant, sed ascendentes, ut iis tertiam bonorum partem consequantur, si solutioni Matrimonii non consenserint. Quod si nec ascendentes nec descendentes extant: jubemus omnia bona monasteriū, in qua conclusi fuerint, attribui. Quinetiam hæc instrumenta nefaria conscientibus, subjici pœnis corporalibus, & in exilium mitti precipimus. Sin autem ii qui divorcium facere conati fuerunt, rursus in Matrimonium coire voluerint, antequam in monasteria missi sunt, id agendi licentiam ipsis concedimus, & prædictas pœnas eis remittimus, adeoque facultates suas retinere poterunt. At una persona Matrimonium revocare volente, si altera quoque persona non consenserit, adversus eam pœna rata sunt, quæ renavit. Hæc autem fieri jubemus, interveniente providentia religiosissimorum Episcoporum.

Quod si per consensum utriusque partis, vel amore pudicitia, Matrimonium solutum fuerit: jubemus, ut statim utraque pars ad vitam solitariam accedat, ita quidem ut a pœnis immunes maneat. Quod si quis eorum vel ad alias nuptias convolverit, vel in fornicationem inciderit, omnia ipsius bona liberi accipient. Sin liberi nulli extant, fiscus succedet.

Utrum autem Blastares hæc omnia historice potius quam usuario genere, vel contra suis indiderit commentariis, mihi prorsus incompertum est. Dico hæc omnia, quod mihi compertum sit, tunc apud Orientales adulterii causa Matrimonium diremptum esse, cum Florentina Synodus celebrata est. Id vero disciplinæ genus ortum habet ex verbis Christi apud Matthæum duobus in locis.

Prior est in cap. v. vers. xxxii. Dicitur est autem: Quicumque dimiserit uxorem suam, det ei libellum repudii. Ego autem

*dico vobis, quia omnis qui dimiserit uxorem suam, excepta fornicationis causa, facit eam mæcham, & qui dimissam duxerit, adulterat. Hic, ut apparet, exceptio ponitur a Mosaica lege, in qua vxot per repudii libellum dimittebatur, non quoad totum modo, sed etiam quoad conjugii vinculum: sic intelligendus videtur ex subiecta materia locus.*

Posterior in cap. xix. vers. 111. & insequentibus: *Accesserunt ad eum Pharisei tentantes eum & dicentes: Si licet homini dimittere uxorem quocunque ex causa. Qui respondens ait illis: Non legistis, quia qui fecit hominem ab initio, masculum & feminam fecit eos? & dixit: Propter hoc dimittet homo patrem & matrem, & adhærebit uxori suæ, & erunt duo in carne una. Itaque jam non sunt duo, sed una caro: quod ergo Deus coniunxit, homo non separet. Dicunt illi: Quid ergo Moyses mandavit dare libellum repudii & dimittere? Ait illis: Quoniam Moyses ad duritiam cordis vestri permisit vobis dimittere uxores vestras: ab initio autem non fuit sic. Dico autem vobis, quia quicumque dimiserit uxorem suam, nisi ob fornicationem, & aliam duxerit, mæchatur, & qui dimissam duxerit, mæchatur. Verborum Christi facilis & expeditus apparebit sensus, si cominus spectentur interrogantes Christum Pharisei, respondens Pharisæis Christus, & a Christo facta, ut decuit, ad mentem interrogantium Pharisæorum responsio. Ut ergo Pharisei Christum de vxoris dimissione & quoad totum & quoad vinculum interrogabant, sic & Christum de eadem dimissione respondisse omnino credibile est. Sed quoniam relata Christi verba non omnes vno eodemque sensu accipiunt, referre servato temporis ordine constitui testimonia Patrum, qui materiam hanc suo quisque tempore tractarunt usque ad Tridentinum Concilium.*

1. Occurrit primus Iustinus martyr, qui ad annum Christi centesimum quinquagesimum claryit. Hic in apologia pro Christianis prima narrat factum cuiusdam mulieris, quæ virum male motatum propinquiorum consilio & emendationis spe diu sustinuit; sed ille postquam Alexandriam profectus, mulier deterior factus esse dictus est, femina missa illi qui apud vos dicitur repudii libello, ab eo sic se juncta est. Maritus ille commissis,

vt facile conjicitur, adulteriis deterior evasit. Justinus mis-  
sum a femina marito repudii libellum minime reprehendit:  
reprehensurus sine dubio, si quid vel Christi Evangelio, vel  
derivatæ ab initio Christianorum disciplinæ contrarium im-  
portasset.

11. Tertullianus in libri IV. contra Marcionem capite  
xxxiv. Dico illum (Christum) conditionaliter nunc fecisse di-  
vortii prohibitionem; si ideo quis dimittat uxorem, vt aliam ducat.  
Qui dimiserit, inquit, uxorem, & aliam duxerit, adulterium com-  
misit; & qui a marito dimissam duxerit, æque adulter est: ex  
eadem vtiq; causa, qua non licet dimitti, vt alia ducatur. Illi-  
cite enim dimissam pro indimissa ducens, adulter est. Manet enim  
Matrimonium, quod non rite diremptum est. Manente Matrimonio  
nubere, adulterium est. Ita si conditionaliter prohibuit dimittere  
uxorem, non in totum prohibuit: & quod non prohibuit in totum,  
permisit. Aliud est vbi causa cessat, ob quam prohibuit. Et post  
alia: Nam & in Evangelio Matthæi: Qui dimiserit, inquit,  
uxorem suam præter causam adulterii, facit eam adulterari: atque  
ita adulter censetur & ille, qui dimissam a viro duxerit. Ceterum  
præter ex causa adulterii, nec creator disjungit, quod ipse scilicet  
conjunxit. Deinde in libri de Monogamia capite IX. Ceterum  
& alia ratio conspirat, imo non alia; sed qua initii formam im-  
posuit, & voluntatem Dei movit ad prohibitionem repudii: Quo-  
niam qui dimiserit uxorem suam præterquam ex causa adulterii,  
facit eam adulterari, & qui dimissam a viro duxerit, adulterat  
vtiq; . Et paullo post: Adulteratur autem, sicut supra præstruxi-  
mus, qui aliam carnem sibi immiscet super illam pristinam, quam  
Deus aut conjunxit in duos, aut conjunctam deprehendit: ideoque  
abstulit repudium, quod ab initio non fuit, vt quod ab initio fuit,  
muniat duorum in vnam carnem perseverantiam, nec necessitas vel  
ocasio tertia incarnationis irrumpat, soli cause permittens repu-  
dium, si forte prævenierit, cui præcavetur. De Tertulliano sic  
Joannes Maldonatus in caput XXI. Matthæi sic censet: Le-  
gimus nonnullos auctores veteres in ea fuisse sententia, Tertullia-  
num libro IV. contra Marcionem, scilicet vt liceret marito, di-  
missa propter adulterium uxore, aliam ducere.

111. Clemens Alexandrinus in libro II. Stromatum rem

breviter sic attingit. *Quod autem, inquit, consulit Scriptura uxorem ducere, nec a conjugio unquam permittit discedere, legem aperte constituit: Non dimittes uxorem praterquam propter fornicationem. Adulterium autem existimat conjungi Matrimonio viro alio ex separatū. Nempe si prater fornicationis causam Matrimonio jungatur. Si quis autem Clementem non sic intelligat, posterior pars periodi primæ cum periodo prima non bene conveniret: poneretur exceptio, & statim auferretur.*

IV. Origenes Clementis discipulus se & magistrum explicabit tractatu VII. in Evangelium Matthæi. *In novo, inquit, Testamento quoque sunt, non secundum veram justitiam, sed secundum duritiam cordis hominum carnalium constituta, ut puta propter duritiam cordis vestri lex data est, dicens: Bonum est mulierem non tangere: propter fornicationem autem unusquisque propriam habeat uxorem, & unaquæque proprium viram, & cetera. Si autem hoc propter duritiam cordis nostri mandatum est, quanto magis illud propter duritiam cordis nostri est, quod alibi dicit de viduis volentibus iterum nubere, quod si se non continent, nubant. Melius est enim nubere quam vri. Scio enim quosdam, qui presunt Ecclesiis, extra Scripturam permisisse, aliquam nubere viro priori vivente, & contra Scripturam quidam fecerunt dicentem: Mulier ligata est quanto tempore vivit vir ejus. Item vivente viro adultera vocabitur, si facta fuerit alteri viro. Non tamen omnino sine causa hoc permisit: forsitan enim propter hujusmodi infirmitatem incontinentium hominum, peiorum comparatione, quæ mala sunt, permisit adversus ea, quæ ab initio fuerunt scripta. Dico autem vobis, quod quicumque dimiserit uxorem, nisi ob causam fornicationis, & aliam duxerit, mæchatur. Et quibusdam interpositis: Post hoc autem Dominus non permittit propter aliam aliquam causam uxorem dimittere, nisi propter solam causam fornicationis, dicens: Quicumque dimiserit uxorem, excepta causa fornicationis, facit eam mæchari. Quærendum est autem si propter solam causam fornicationis dimittere jubet uxorem. Quod si mulier non fuerit fornicata, sed aliud quid gravius fecerit, ut puta venefica inveniat, aut interfictrix communis infantis nati, aut in quocunque homicidio, aut exportans domum, & male dispergens*

*substantiam viri, aut furta viro faciens: si iuste huiusmodi mulier dimittatur, cum Dominus excepta causa fornicationis dimittere vetet.* In Origenis contextu notanda sunt duo maxime, & primum quidem, quod Catholici fuerunt Antistites, qui ad vitandum incontinentiæ peccatum nonnullis mulieribus permiserint, ut alii viro priori vivente nuberent: at eos Antistites fuisse tunc ab aliis vel in Synodo, vel extra Synodum objugatos, nec dicit Origenes, nec vlla vetus memorat historia; sicque ceterorum qui rem noverunt, silentium duci potest in conscientiam. Deinde quod Origenes Matrimonium propter adulterii crimen dirimi putat juxta Scripturam.

v. Eliberitanum Concilium quod anno circiter CCCV. celebratum vulgo traditur, in canone IX. *Fidelis femina, quæ adulterum maritum reliquerit fidelem, & alterum duxerit, prohibetur, si nubat: si autem duxerit, non prius communionem accipiat, quam is quem reliquit, de seculo exierit, nisi necessitas infirmitatis dare compulerit.* De hoc Concilio Maldonatus ita censet: *Scribit etiam Origenes hoc loco quosdam sua ætate Catholicos Antistites permisisse iis, quorum vxores adulterium admisissent, ut iis dimissis ducerent alias. Idemque in Concilio Eliberino concessum est.* Ut auctor hic ita censeat, existimet necesse est eandem esse viri & vxoris rationem: viri quidem, cum ille dimissa propter adulterium vxore, aliam ducit, vxoris vero, cum illa dimisso propter adulterium viro, alteri nubit. Nihilominus apud Mattheum viri quam vxoris causa planior atque expeditior est: nam ibi viro quidem conceditur, ut dimissa propter adulterium vxore, aliam possit ducere; sed vxori non conceditur, ut viro propter adulterium dimisso, possit alteri nubere. Quidquid id est, exemplum, quod Justinus mox retulit, Eliberitanorum Patrum causam adjuvat. Deinde cum apud beatum Paulum par sit viri in vxorem, & vxoris in virum potestas, Eliberitani Patres ex concessa viro facultate, concessam esse vxori parem facultatem collegerunt; sed concessa vxori facultas ita temperatur: Femina, quæ dimisso propter adulterium viro nupsit alteri, non prius communionem accipit, quam is quem reliquit, de seculo exierit,

id est, demigravit ab hominibus; & tamen subnectitur exceptio, nisi forte necessitas infirmitatis communionem dare compuleris. Atque ita non improbantur secundæ nuptiæ, nec decernuntur ut invalidæ, quia mulier ad priorem maritum redire, aut ei reconciliari non cogitur. Elibertitani Patres totum hoc Ecclesiasticæ disciplinæ, non dogmati transferunt.

VI. Arelatenſe Concilium I. quod anno CCCXIV. habitum est, in canone x. *De his, inquit, qui conjuges suos in adulterioprehendunt, & ii sunt adolescentes, & prohibentur nubere: placuit, ut in quantum potest, consilium eis detur, ne viventibus uxoribus, licet adulteris, alias accipiant.* Ex hoc canone colliguntur tria. Primum est, ante tempus istud, fuisse qui prohibuerint, ne quis uxorem suam in adulterio deprehensam dimitteret, & ea dimissa aliam duceret. Alterum, Arelatenſis Concilii Patres expensâ rursus examinataque re prohibitionem in consilium vertisse. Quo modo sat prope accedunt ad Origenem, qui Christum narrando potius quam jubendo locutum esse sibi sumit. Tertium, Christi verba jam ab initio subobscura visa fuisse, & eam ob causam varie intellecta.

Porro quantâ Arelatenſe Concilium auctoritatis esse debeat, cum ex aliis, tum ex eo quoque quod in eo Episcopi interfuerint sexcenti, demonstratur. Cumianus Presbyter, qui ante annos plusquam mille clauit, in epistola XII. ad Segienum Huenſem Abbatem id scribit: *Item Arelatenſi Synodo sexcentorum Episcoporum confirmante primo in loco de observatione Pasche, vi uno die uno tempore per totum terrarum orbem observetur.* Ado Viennensis in chronici ætate VI. id quoque scribit: *Uno eodemque tempore & illud sacratissimum Concilium apud Arelatem sexcentorum Episcoporum colligitur, Marino tunc Episcopo ejusdem civitatis.* Hinc mirum non est, Arelatenſe Concilium II. quod anno CCCCLI. habitum est, in canone XVIII. dixisse quæ sequuntur: *Ad Arelatenſis Episcopi arbitrium Synodus congreganda, ad quam urbem ex omnibus mundi partibus, & præcipue Gallicanis, sub Marini tempore legimus celebratum fuisse Concilium.* At quæstio hæc nusquam agitata est in Concilio, quod fuerit numerosius. Romanæ Ecclesiæ Legati quatuor adfuerunt.



VII. Lactantius Firmianus in libro de divinis Institutionibus sexto cap. XXIII. *Hæc sunt quæ ad continentiam præcipiuntur a Deo; sed nequæ divina præcepta circumscribere se putet posse, adduntur illa, ut omnis calumniæ & occasio fraudis removeatur, adulterum esse, qui a marito dimissam duxerit; & eum, qui præter crimen adulterii uxorem dimiserit, ut aliam ducat. Hæc ille qui ad annum CCCXX. claruit; sic auctore Lactantio adulter non est, qui dimissa pro adulterii crimine uxore, aliam ducit.*

VIII. Imperator Constantinus ad annum Christi CCCXXI. legem tulit, quæ certas ob causas datur libellus repudii: *Placet mulieri non licere propter pravas suas cupiditates marito repudium mittere, exquisita causa velut ebrioso aut alentiori aut mulierculario, nec vero maritis per quasunque occasiones uxores suas dimittere; sed in repudio mittendo a femina hæc sola crimina inquiri, si homicidam, vel medicamentarium, vel sepulcrorum dissolutorem maritum suum esse probaverit, ut ita demum laudata omnem suam dotem recipiat. Nam si præter hæc tria crimina repudium marito miserit, oportet eam usque ad aciculam capitis in domo mariti deponere, & pro tam magna sui confidentia in insulam deportari. In masculis etiamsi repudium mittant, hæc tria crimina inquiri convenit, si mæcham, vel medicamentariam, vel conciliatricem repudiare voluerit, & cetera, ut supra, in secunda parte tract. art. II. cap. II. Constantinus legem hanc inconsultis Sacerdotibus tulisse quis crederet? Nemo sane, nisi qui de Imperatore tanto nihil unquam inaudiverit.*

IX. Hilarius Pictaviensis Episcopus qui ad annum CCL. claruit, canone IV. in Matthæum. *Dictum est autem: Quicumque dimiserit uxorem, det illi repudium, &c. æquitate in omnes concilians, manere eam maxime in conjugiorum pace præcepit, legi addens plura, nihil demens. Nec sane profectus argui potest. Nam cum lex libertatem dandi repudii ex libelli auctoritate tribuisset, nunc marito fides Evangelica non solum voluntatem pacis indixit, verum etiam reatum coactæ in adulterium uxoris imposuit: si alii ex discessionis necessitate nubenda sit, nullam aliam causam desinendi a conjugio præscribens, quam quæ virum prostituta uxoris societate pollueret. Periodus tota quid Hilarius sentiat, facile ostendit. Scri-*

# 458 REGIA IN MATRIMONIUM POTESTAS.

pturam intelliget, quomodo illa intelligendam se præbet: licere videlicet marito, dimissa propter adulterium vxore, aliam ducere.

x. Inter eos canones, qui dicuntur Apostolorum, quadragessimus-octavus huc reipsa non spectat, licet aliquibus spectare videatur. Est ejusmodi: *Si quis laicus uxorem propriam pellens, aliteram vel ab alio dimissam duxerit, communione privetur.* Coercet eos, qui qualibet ex causa potius, quam qui ex adulterio dimissis vxoribus, alias ducebant. Non enim canon dicit: *Si quis laicus uxorem propriam pellens ob adulterium, aliteram vel ab alio dimissam ob adulterium duxerit, communione privetur.* Sed simpliciter dicit: *Si quis laicus uxorem propriam pellens, aliam vel ab alio dimissam duxerit.* Atque ita canon antecedentibus prodesse potest, obesse non potest apud eos, qui præjudiciis nullis occupantur, apud æquos rerum æstimatores.

x1. Basilius Magnus qui ad annum CCCLXV. floruit, in canone 1 x. ad Amphiloichium: *Domini sententia juxta sensus consequentiam æque viris ac mulieribus convenit, quod non liceat a Matrimonio discedere, excepta causa fornicationis. At vero consuetudo non ita se habet; sed in mulieribus quidem nimiam adhiberi severitatem reperimus, dicente sane tum Apostolo: Qui adhæret meretrici, fit unum corpus. Tum Hieremia: Si fuerit mulier cum alio viro, non revertetur ad virum suum, sed polluta polluetur. Et rursus: Qui habet adulteram, stultus est & impius. Consuetudo vero etiam adulterantes viros, & qui in fornicationibus versantur, mandat a mulieribus retineri. Quare quæ cum viro dimisso habitat, nescio an possit adultera appellari. Crimen enim hic attingit mulierem quæ dimisit: quam ob causam a conjugio recessit. Sive enim pulsata verbera non ferens, pati satius erat, quam a conjuge separari, sive jacturam in pecuniis non ferens, nec ipsa digna est excusatio: sin autem quod ipse vivat in fornicationibus, non est ejusmodi observatio in more Ecclesiastico posita, sed etiam ab infideli viro non est iussa mulier separari; sed ad extremum manere propter incertitudinem eventus. Quid enim scis, mulier, an virum sis servatura? Quare quæ relinquit, est adultera, si ad alium virum accessit: relictus vero est dignus venia, & quæ cum eo habitat, non ideo condemnatur.*

*Si tamen vir ab uxore discedens accefferit ad aliam, est ipse adulter, quoniam facit eam adulterari; & quæ cum eo habitat, est adultera, eo quod alienum virum ad se traduxerit.*

Hic, ut apparet, Basilii viros & mulieres, qui qualibet ex causa dirimebant Matrimonium, & se magis ad Moysis, quam ad Christi legem accommodabant, coarguit. Deinde præ se fert, quod ex Domini sententia viris æque ac mulieribus veretur a Matrimonio discedere, excepta causa fornicationis: quod ergo viri & mulieres perperam faciebant, non posita fornicationis causa, jure poterant facere, posita fornicationis causa. Huc spectant verba hæc: *Non licet a Matrimonio discedere, excepta causa fornicationis*; quæ intelligenda sunt, habito respectu cum ad Christum, qui ad Phariseorum interrogantium mentem sincerissime respondit: tum ad Patrum traditionem ab initio ad tempus vsque Basilii deductam, non habito respectu ad nonnullos e Schola Theologos, qui sibi extra Scripturam & traditionem intus canunt, qui Christum verbis ancipiti & vario sensui expositis docentem Christianos & Judæos, velint nolint, inducunt: Christianos quidem seu Christianæ religionis candidatos, in cap. v. Matthæi; Judæos vero in cap. XIX.

Balsamon in hunc canonem: *Sanctus interrogatus, quid debet fieri conjugibus, si quis ex ipsis se ad aliud Matrimonium conuulerit, vel etiam fornicatus fuerit; sicit responsum ex diversis Scripturis & ex consuetudine quæ tunc servabatur. Quia autem quæ in hoc canone sita sunt, CXVII. Imperatoris Iustiniani novella, quæ in t. s. VII. lib. XXVIII. posita est, penitus immutavit: lege eam similiter, & CXI. novellam, & ut semel dicam, a primo capite ejusdem tit. vsque ad VI. & scies, quot modis solvantur conjugia, & quomodo a lege civili puniuntur, qui adulterantur & conjugibus, vel etiam fornicantur: præterea autem & qui præter rationem vitæ societatem relinquunt. s. Lege item canonem XCVI. Concilii in Trullo, & quæ in eum scripta sunt. Lege etiam jura, quæ vsque ad finem vsque primi capituli XI. tit. præsentis operis sita sunt: similiter & interpretationem v. cap. ejusdem tit. & ex his omnibus fuse de his intelliges.*

Zonaras in eundem canonem: *Ne solvantur nuptiæ, excepta*

fornicationis causa, Dominus precepit. Hoc igitur preceptum ex aquo magnus hic Pater virū & mulieribus convenire asserit, ita ut nec viro suam dimittere uxorem, nec uxori a viro abscedere permissum sit; sed consuetudo non eodem modo se habet in viris qui relinquunt uxores, & mulieribus qua idem faciunt. Mulier siquidem qua a viro secedit, alterique adjungitur, adultera judicatur, nec amplius a viro suo, nisi is voluerit, recipitur. Virum autem, etiamsi fornicatus fuerit aut adulteratus, mulier relinquere haud potest. Ac si deinceps relictus cum altera vitam agat, qua illi adjungitur, nequaquam, ait, adultera judicabitur. Crimen siquidem illius est, qua virum suum reliquit; nec enim ei a viro discedere concessum est. Sed siue se cum illa acerbe gerat, ferre oportet, siue pecunia jacturam patiat, dum videt ab eo dotem absumi, siue tangatur zelotypia, quod cum aliis, ut vir corrumperetur, obdurandum est, nec a viro abscedendum. Si enim cum infidelis sis alter ab eo secedere ipso invito conjugum, alteri vetitum est beati Pauli decreto, quonam modo illi impune erit, qui aliam ob causam conjugium solvit. Quamobrem qua a viro abscessit, si cum altero habitavit, adultera judicatur: si vero cum relicto viro conjuncta legitime fuerit, neque ut adultera, neque ut fornicaria condemnatur. Et vir uxorem suam dimittens & ducens aliam, adulter est, & uxorem cum alio mixtam adulteram facit. Et qua ejusmodi viro habitat, non ignorans ab eo uxorem, quam habuerat, dimissam, adultera est. Alienum namque virum ad se traduxit. Sed hac quidem hic magnus Pater ex ea qua tunc obtinebat Ecclesiastica consuetudine asserit. Verum ex ea qua postea edita est de divortio Imperatoris Iustiniani novella libro XXVII. Basilicorum tit. VII. posita, preter alias causas ob quas conjugia solvere mulieribus datum est, illa quoque recensetur, ut si in eadem domo aut urbe vir alteri commisceatur, atque ab uxore admonitus, tamen ab illius commercio nequaquam abstineat, nuptias dissolvere mulieribus ob zelotypiam permissum sit.

XII. Gregorius Nazianzenus, qui ad annum CCCLXXX. claruit, in oratione XXXI. de Matrimonio sic disserit: Lex quidem omnes ob causas libellum dat repudii. At Christus non ob omnes, sed separari tantum ab adultera uxore permisit, idque propterea, quia impudica genus corrumpit & adulterat. Reliquis

*autem omnibus in rebus animi equitate ac patientia uti jubet. Igitur cetera omnia patienter, moderate ac sapienter seramus, vel, ut rectius loquar, sapienter & moderate ferre quicumque Matrimonii iugum subiistis. Sic ille dictus ad romanos Theologus, qui constituta inter antiquam legem & novam antithesi perspicue significat, in nova licere viro dimissa propter adulterium vxorem aliam ducere, cum in antiqua dato repudii propter quasunque causas libello licebat aliam vxorem ducere. Deinde cum ceteris in causis viros cohortatur ad patientiam, confirmat exceptionem, quæ in adulterio mulieris consistit. Hic sponte dissiilit non satis ingeniosa illa quoad torum & quoad vinculum distinctio, cum in veteri lege & quoad torum & quoad vinculum solvebatur Matrimonium: & in nova licet propter alias causas quoad torum separatio. Hoc autem facile capiunt, qui nec communi sensu carent, nec præiudiciis ducuntur, sed qui omnia qua fide suscipiunt a Patribus, eadem & filiis consignant.*

XIII. Ambrosius Nazianzeno æqualis in libri I. de virginibus capite I. *Quomodo autem Dominus divortium præcepisset, cum ipsius sit sententia, quia nemo dimittere debet uxorem, excepta causa fornicationis? Non addit secundum quid, sed simpliciter, nempe ut liceat postea aliam vxorem ducere. Id nomen ipsum, divortium quo utitur, importat.*

Deinde libro VII. in caput XVI. beati Lucæ. *Quam periculosum si fragilem adolescentula ætatem errori offeras! quam impium, si ejus destituas senectutem, cujus defloraveris iuventutem. Ergo inhonoratum stipendiis, & veteranum Imperator dimittat inglorium, atque imperiis sui possessione detrudat, & rusticum laboris effectum agro suo propulset agricola. An quod in subditos nefas est, in comparem fas est? Dimittis ergo uxorem, quasi jure sine crimine, & putas id tibi licere, quia lex humana non prohibet, sed divina prohibet. Egregiis comparationibus in eos invehitur, qui vxores dimittebant sine crimine, id est, sine adulterio. Qui putabant id se facere jure posse, quia sic fiebat in lege Mosaica; id putabant sibi licere, quod lex humana non prohibebat, non advertentes quod divina prohibebat. Hæc autem prohibet ne vxor a viro dimittatur, excepta for-*

nicationis causa, quam *crimen* appellat Ambrosius: qui & paullo post de Paulo locutus ait: *Idem Apostolus negavit legis esse divina ut conjugium qualecunque solvatur.* Cum sic, inquam, differit, omnino significat: aliquod est conjugium, quod jure solvi possit, nimirum illud, in quo vxor committebat adulterium. Huc spectat exceptio, quam Ambrosius Christum imitatus semel atque iterum apponit: semel in priori, iterum in posteriori testimonio.

xiv. Asterius Amasenus Episcopus qui ad annum ccclxxx. enituit, homilia in locum Evangelii secundum Matthæum, *An liceat homini quacunque ex causa uxorem dimittere.* Et paullo post initium: *Ecce Matrimonium, id est, res humana vita maxima, velut ad normam hio dirigitur, sineque certi definiuntur ejus & contrahendi & dissolvendi. Quibus diligenter uterque cætus & sexus attendat, quo tum femina, tum viri, quæ propria cujusque sint, condiscant. An liceat viro qualibet causa conjugem repudiare: hoc quidem Iudæorum problema: scopum autem interrogationis hunc invenio. Quoniam femine faciles ad credendum, & ad miracula Christi celebranda, fidemque de divinitate ejus amplectendam propensiores esse viderentur, (ut & fuisse postremo patuit ex earum multitudine, quæ Servatorem cum ad supplicii locum duceretur, profectus est, & passionem ejus miserabiliter deservis) ut offensam & odium apud hunc sexum ei conciliarent, dolosam istam interrogationem, & hæc verborum quasi retia fabricati sunt. Verum ille dolum sibi instructum vi divinitatis animadvertens, & leniora levioraque docere & precipere solitus, insidias eorum elusit, ac secundum mulieribus responsum dedit: atque ita Phariseos questionibus intentos inhiantesque, tanquam lupos inanes prædaque expertes ablegavit. Ipsa, ait, creatio conjunctionis, non divortii scopum ostendis, primusque nuptiarum auspex & conciliator extitit ipse conditor universi, qui & primus, quos sinxerat homines conjugali inter sese vinculo copulavit, & posteris velut perpetua quadam serie convivendi cohabitandique necessitatem imposuit, legis instar divine colendam & observandam. Qui autem nexu tam arcto junguntur, non amplius duo sunt, verum una caro. Quare quod Deus conjunxit, homo non separet. Hæc Phariseis dicta tum fuerunt. Audite jam vos mulierum institores, qui cœu vestes subinde*

*cas mutatis, qui thalamus tam saepe & facile fruitis, quam nundinarum tabernulas, qui dotem ac bona ducitis conjuges ad quastum ac negotiationem habetis, qui vel leviter offensi libellum repudiij conscribitis, multasque velus viduas in visa relinquitis. Existimate & omnino vobis persuadete Matrimonia morte tantum & adulterio dirimi. Et quibusdam interpositis: Hactenus quidem vapulet maritus, crebrisque dense niviis instar ingratitudinis criminibus pulsetur: quod si forte adulterij culpam objicit, eamque divortij rationem reddit, omnem statim accusationem a marito injuria hac affecto in adulterum transferam, & pro hoste probus, posthac illi defensor ac propugnator assisum. Laudabo eum qui fugiet insidiatricem, qui vinculum abrumpet, quod cum aspidi, quod echidne copularis. Huic enim primum dat veniam ipse conditor universi, tanquam justo dolore percito, meritoque domus pestem & exitium domo exigenti. Nam cum duplici fine Matrimonia contrahantur, benevolentia & liberorum quarendorum, neutrum in adulterio obtinetur. Nec enim affectui locus, ubi in alterum animus inclinatur, ac sôolis omne decus & gratia perit, quando liberi confunduntur. Cum ait Matrimonia morte tantum & adulterio dirimi. Nullus est, opinor, distinctioni, cujus supra num. XII. memini, locus. Quis enim vir sanæ mentis diceret, Matrimonia quoad torum duntaxat, non quoad vinculum morte dirimi? Asterius porro in Armenia secunda claudit, & in Nicænæ Synodi secundæ actionibus IV. & VI. & ab Hadriano I. in libro de imaginibus laudatur.*

XV. Joannes Chrysostomus Asterio æqualis homilia XXVI. in Genesim: *Audi iterum ipsum Christum dicentem discipulis: Dico enim vobis: Omnis qui dimiserit uxorem suam, excepta causa stupri, facit illam adulterari. Quam excellens benignitas! etiam si infidelis fueris, vel pagana, retine: si autem in te peccaveris, & fœderum obliviscitur, & magis aliorum præstuleris communionem, licet tibi eam ejicere & repellere. Deinde in caput III. Esaiæ: Ei, qui haberet uxorem compertam fornicationis, permisit a se repellere; ei vero, qui gentilem conjugem haberet, non item concessit, etiam si peccatum perfidia gentilis in ipsum redundet; illud vero refiliat in hominem. Denique in homilia XVII. in Matthæum: Siquidem reliquit viro unum expulsionis mo-*

dum, dicendo, *excepta causa fornicationis, alioquin in eandem rursus turpitudinem remearent.* Hæc tria doctoris tanti loca funiculum triplicem efficiunt, qui ne a magistris nodum in scirpo quærentibus facile abrumpetur.

xvi. Innocentius I. Chrysostomo æqualis, in epistolæ ad Exuperium Tolosanum Episcopum capite vi. *De his enim requisivit dilectio tua, qui interveniente repudio alii se Matrimonio copularunt, quos in utraque parte adulteros esse manifestum est. Qui vero vel uxore vivente, quamvis dissociatum videatur esse conjugium, ad aliam copulam festinarunt, neque possunt adulteri non videri, in tantum, ut etiam hæ persone, quibus tales conjuncti sunt, etiam ipsæ adulterium commisisse videantur secundum illud, quod legimus in Evangelio: Qui dimiserit uxorem suam, & duxerit aliam, non mæchatur. Similiter & qui dimissam duxerit, mæchatur; & ideo omnes a communione fidelium abstinendos.* Pontifex cum laudat Evangelium, Marci scilicet vel Lucæ, is debet noratam bis a Matthæo exceptionem subintelligere, ne obreptum illi videatur: quæ enim tacenda non est veritas, raceretur. Sed exceptionem sciens, opinor, & prudens omittit, ut propositæ ab Exuperio quæstioni respondeat, alioquin Evangelio Matthæi vim inferret, quod nefas esset de tanto Pontifice suspicari. Deinde sublata de industria exceptione, nec habito ad Exuperii quæstionem respectu vlllo, novitati studeret. Exuperius per verba hæc: *De his requisivit dilectio tua, qui interveniente repudio alii se Matrimonio copularunt;* non requirit de iis, qui interveniente propter adulterium repudio; sed de iis simpliciter qui interveniente repudio alii se Matrimonio copularunt. Ex quæstione æstimanda est respondentis intentio. Denique si quo ad perscrutandam Innocentii mentem lumine indigeremus, illud suppeditaret nobis Gregorius II. cum propositis a Bonifacio Moguntino Antistiti quæstionibus respondet. At quid illud sit, suo loco videbimus.

xvii. Auctor Commentariorum, qui inter Ambrosii opera extant in beati Pauli epistolas: sic ergo scribit in prioris ad Corinthios epistolæ caput vii. *Non enim permittitur mulieri, ut nubat, si virum sine causa fornicationis dimiserit, aut apostasia, aut si licite impellente lascivia usum querat uxoris, quia infe-*  
rior



*rior non omnino hac lege utitur, qua potior: si tamen apostatet vir, aut usum querat uxoris invertere, nec alii potest nubere mulier, nec reverti ad illum, (& virum uxorem non dimittere) subauditur autem, excepta fornicationis causa; & ideo non subiecit, dicens: Sicut de muliere, quod si discesserit, manere sic: quia viro licet ducere uxorem, si dimiserit uxorem peccantem, quia non ita lege constringitur vir sicut mulier. Hac ille, qui duo evidenter proponit: viro licere dimissa propter adulterium vxore, aliam ducere; & vxori non licere, viro propter adulterium dimisso, alii nubere: quæ opinio a nonnullis perperam attributa est Ambrosio, quod crederent Ambrosium commentariorum istorum auctorem esse. Si auctor sit non Remigius, sed Hilarius Romanæ Ecclesiæ Diaconus, ut a multis creditur verisimilius; hic Innocentio æqualis ad intelligendum Innocentium concludere adhuc poterit.*

*xviii. Hieronymus in libro i. contra Jovinianum: Qui semel duxit uxorem, nisi ex consensu, non valet se abstinere, nec dare repudium non peccanti. Ac proinde dare potest repudium peccanti, id est, fornicanti. Et quibusdam interpositis: Docet (Paulus) juxta sententiam Domini, uxorem, excepta causâ fornicationis, non repudiandam, & repudiatam, viro marito, alteri non nubere, aut certe viro suo reconciliari debere. Hoc in loco Hieronymus in ea est sententia, ut putet viri & vxoris conditionem parem non esse in eo, quod attinet adulterium. Vir dimissa propter adulterium vxore aliam potest ducere; sed vxor viro propter adulterium dimisso non potest alteri, quandiu dimissus vivit, nubere. Eliberitanum Concilium hac in re Doctori sancto prævit.*

*Deinde in caput xix. Matthæi: (Dico autem vobis quia quicumque dimiserit uxorem suam, nisi ob fornicationem, &c.) Sola fornicatio est, quæ vxoru vincat affectum, imo cum illa unam carnem in aliam diviserit, & se fornicatione separaverit a marito, non debet teneri, ne virum quoque sub maledictio faciat, dicente Scriptura: Qui adulteram tenet, stultus & impius est. Ubicumque est igitur fornicatio & fornicationis suspicio, libere vxor dimittitur. Hoc perspicuum est, nec in tali conditione vxore dimittitur, nisi ut alia, si dimittens velit, ducatur. Pergit*

Hieronymus : *Et quia poterat accidere, ut aliquis calumniam faceret innocentem, & ob secundam copulam nuptiarum veteri crimini impingeret, sic priorem dimittere iubetur uxorem, ut secundam prima vivente non habeat. Quod enim dicit, tale est : si non propter libidinem, sed propter injuriam dimittis uxorem : quare expertus infelices priores nuptias, novarum te immittis periculo. Violata legis redarguit maritum, qui non propter adulterium, sed propter aliam causam uxorem repudiat, ut aliam ducat. Mox eundem maritum accusat imprudentiam, quod expertus infelices priores nuptias novarum se immittat periculo. Ad hæc cum Hieronymus uxorem appellat innocentem, eam intelligit, quæ per adulterium repudii causam non dedit; non eam, quæ aliis inquinata non sit vitiiis : quorum ergo maritus vult uxorem dimittere, & aliam ducere. Quod marito haud licere contendit Hieronymus, qui pergit : Necnon quia poterat evenire, ut juxta eandem legem vxor quoque marito daret repudium, eadem cautela precipitur, ne secundum accipiat virum. Et quia meretrix, & quæ semel fuerat adultera, opprobrium non timebat, secundo precipitur viro, quod si talem duxerit, sub adulterii sit crimine. ( Dicunt ei discipuli ejus : Si ita est causa homini, &c. ) Grave pondus vxorum est, si excepta causa fornicationis eas dimittere non licet. Quid enim si temulenta fuerit, si iracunda, si malis moribus, si luxuriosa, si gulosa, si vaga, si jurgatrix, si maledica, tenenda erit istiusmodi ? Volumus, nolumus, sustinenda est. Cum enim essemus liberi, voluntarie nos subjecimus servituti. Sic fornicationis exceptionem, qua marito licet dimissa vxore aliam ducere, confirmat enumeratione vitiorum, propter quæ non licet marito, dimissa vxore, aliam ducere.*

Tum in epistola xxx. ad Oceanum : *Precepit Dominus uxorem non debere dimitti, excepta causa fornicationis, & si dimissa fuerit, manere innuptam : quidquid viris iubetur, consequenter redundat in feminas. Neque enim vxor adultera dimittenda est, & machus tenendus. Et post alia : Igitur & Fabiola, quia persuaserat sibi & putabat a se virum jure dimissum, nec Evangelii vigorem noverat, in quo nubendi universa cautio virventibus viris feminis amputatur, dum multa diaboli vitat vulnera, unum*

*incauta vulnus accepit. Sed quid ergo in abolitis & antiquis mor-  
tor, querens excusare culpam, cujus pœnitentia in ipsa confessâ  
est. Quis hoc crederet, ut post mortem secundi viri in semet-re-  
versa, quo tempore solent viduæ negligentes jugo servitutis excusso  
agere se liberius, adire balneas, volitare per plateas, vultus cir-  
cumferre meretricis, saccum indueret, ut errorem publicum fateretur,  
& sola urbe spectante Romana ante diem Paschæ in basilica  
quondam Laterani, qui Casariano truncatus est gladio, staret in  
ordine pœnitentium, Episcopo, Presbyteris & omni populo collacry-  
mans, sparsum crinem, ora squallida & squallidas manus, for-  
dida colla submitteret? Fornicationis exceptionem confirmat,  
& in ceteris virum & uxorem in parem sortem deputat.*

Postremo in epistola CXLVII. ad Amandum Presbyterum:  
*Quarendum ab eo, id est, a me, utrum mulier relicto viro adul-  
tero & sodomita, & aliam per vim accepto, possit absque pœnitentia  
communicare Ecclesia vivente adhuc eo, quem prius reliquerat:  
quod legens illius versiculi recordatus sum: Ad excusandas excu-  
sationes in peccatis. Omnes enim homines vitiis nostris favemus,  
& quod propria facimus voluntate, ad naturæ referimus necessita-  
tem. Quomodo si dicat adolescens: Vim patior corporis, me ad li-  
bidinem ardor impellit, ipsa organa genitalium membrorum, &  
compositio corporis femineos quarit amplexus. Et rursus homicida:  
In egestate, inquit, eram, indigebam cibo, tegmen corporis non  
habebam: ideo alienum sanguinem fudi, ne ipse fame & frigore  
morerer. Responde itaque sorori, quæ a nobis super suo statu quarit,  
non nostram, sed Apostoli sententiam. An ignoratis, fratres,  
scientibus enim legem loquor, quoniam lex dominatur homini,  
quanto tempore vivit. Mulier enim, quæ sub viro est, vivente vi-  
ro, astricta est legi. Quod si mortuus fuerit vir ejus, liberata est  
a lege viri: ergo vivente viro adultera eris, si duxeris alterum  
virum. Et in alio loco: Mulier alligata est, quanto tempore vivit  
vir ejus: si autem dormierit vir ejus, liberata est, cui vult nu-  
bat, tantum in Domino. Omnes igitur causationes Apostolus am-  
putans, apertissime definit, vivente viro, adulteram esse mulie-  
rem, si alteri nupseris. Nolo mihi præferas raptoris violentiam,  
matris persuasionem, patris auctoritatem, propinquorum catervam,  
servorum insidias atque contemptum, damna rei familiaris.*

*Quandiu vivit vir, licet adulter sit, licet sodomita, licet flagitiis omnibus coopertus, & ab vxore propter hæc scelera derelictus, maritus ejus reputatur, cui alterum virum accipere non licet. Nec Apostolus hac propria auctoritate decernit; sed Christo in se loquente, Christi verba secutus est, qui ait in Evangelio: Qui dimittit vxorem suam, excepta causa fornicationis, facit eam machari; & qui dimissam acceperit, adulter est. Animadvertite quid dicat: Qui dimissam acceperit, adulter est; sive ipsa dimiserit virum, sive a viro dimissa sit, adulter est, qui dimissam acceperit. Unde & Apostoli gravem conjugii sarcinam intelligentes: Si ita est, inquit, non expedit homini vxorem accipere ad quos Dominus: Qui potest, inquit, capere capiat. Et quibusdam interpositis: Ergo & ita soror, quæ, ut dicit, vim passa est ut alteri jungeretur. Si vult corpus Christi accipere, & non adultera reputari, agat pœnitentiam, ita duntaxat ut secundo viro, qui non appellatur vir, sed adulter, a tempore pœnitentia non copuletur. Hæc paulo longiora descripsi, ut ad plenum & perfectum agnoscat, quæ sit Hieronymi circa divortium sententia, ea scilicet, quam ab initio exposuimus, ut nempe viro liceat, dimissa propter solum adulterium vxore, aliam ducere; vxori vero non liceat, dimisso propter adulterium, vel quid aliud viro alteri nubere, atque istud observatione summa dignum est, Ecclesiarum magistrum dixisse nusquam maritum illum, qui dimissa propter fornicationem vxore, aliam ducit: adulterum esse, cum toties dixerit vxorem, qui dimisso propter fornicationem viro alteri nupserit, adulteram esse, & cum adulterum esse, qui dimissam a viro propter illud crimen vxorem duxerit. Et hac in re Hieronymus consensit cum Hilatio Romanæ Ecclesiæ Diacono, a quo aliis in rebus plurimum dissensit, ut nos docet Luciferiani & orthodoxi altercatio.*

XIX. Augustinus multis in locis quæstionem hanc agit.

Primus est in libri contra Adimantum capite III. Si quis ergo relinquit regnum celorum, dum non vult relinquere vxorem; non ferentem Christianum virum improbat a Domino. Et item: Si quis vir relinquit vxorem, dato libello repudii, cum causa non existat aut fornicationis, aut obtinendi regnum celorum, impro-

batur a Domino. At dato libello repudii propter fornicationem, maritus potest aliam vxorem ducere.

Alter est in libri octoginta trium quaestionum quaest. LXXXIII. Si Dominus dimittendae conjugis solam causam fornicationis admitti, & paganum conjugium dimitti prohibet; consequens est ut paganismus fornicatio non deputetur. Solam autem fornicationis causam exceptam facere Dominum, cum de dimittenda conjugē loquitur in Evangelio, manifestum est, &c.

Tertius est in libri de bono conjugali capite VII. Qui dimittit uxorem suam, excepta causa fornicationis, facit eam machari, usque adeo factus illud initum nuptiale cujusdam sacramenti res est, ut nec ipsa separatione irritum fiat, quandoquidem vivente viro, a quo relicta est, machatur, si alteri nupsit, & ille huius mali causa est, qui relinquit. Miror autem, quemadmodum licet dimittere adulteram uxorem, ita liceat ea dimissa alteram ducere. Facit enim de hac re sancta Scriptura difficilem nodum, dicente Apostolo, ex praecepto Domini mulierem a viro non debere discedere, quod si discesserit, manere innuptam, aut viro suo reconciliari: cum recedere utique & manere innupta, nisi ab altero viro, non debeat, ne recedendo ab eo, qui adulter non est, faciat cum machari: reconciliari autem viro, vel tolerando, si se ipse continere non potest, vel correcto forsitan iuste potest. Quomodo autem viro possit esse licentia ducenda alterius, si adulteram reliquerit, cum mulieri non sit nubendi alteri, si adulterum reliquerit, non video. Hac ratione quae in comparatione sita est, quaestionem videtur involvere, quae sine comparatione, ut in Scripturis jacet, involuta non est; nempe viro licere, dimissa propter adulterium vxore, aliam ducere.

Quartus in libri I. de sermone Domini in monte capite XV. Exoritur hic altera quaestio, cum Dominus causa fornicationis permittat dimitti uxorem, quatenus hoc loco intelligenda sit fornicatio: utrum quousque intelligunt omnes, id est, ut eam fornicationem credamus dictam, quae in stupris committitur: an quemadmodum Scripturae solent fornicationem vocare, sicut supra dictum est, omnem illicitam corruptionem, sicut est idololatria vel avaritia, & ex eo jam omnis transgressio legis propter illicitam concupiscentiam. Sed consulamus Apostolum, ne quid temere dica-

*mus : His qui sunt in conjugio , præcipio , non ego , sed Dominus , uxorem a viro non discedere : quod si discesserit , manere innuptam , aut viro suo reconciliari . Potest etiam fieri ut discedat ea causa , qua Dominus permisit , aut si femina licet virum dimittere , etiam præter causam fornicationis , & non licet viro , quid respondebimus de hoc quod dixit posterius : Et vir uxorem ne dimittat . Quare non addidit , excepta causa fornicationis , quod Dominus permisit ? nisi quia similem formam vult intelligi , ut si dimiserit , ( quod causa fornicationis permittitur ) maneat sine uxore , aut reconcilietur uxori . Non enim male reconciliaretur vir illi mulieri , quam cum lapidare nemo ausus esset , dicit ei Dominus : Vade & vide deinceps ne pecces . Quia & qui dicit : Non licet dimittere uxorem , nisi causa fornicationis ; cogit retineri uxorem , si causa fornicationis non fuerit : si autem fuerit , non cogit dimittere , sed permittit . Sicut dicitur : Non licet mulieri nubere alteri viro , nisi viro suo mortuo ; si ante viri mortem nupsit , rea est ; si post viri mortem non nupsit , non est rea : non enim iussa est nubere , sed permissa . Si enim par forma est in isto jure conjugii inter virum & mulierem , usque adeo ut non tantum de femina idem Apostolus dixerit : Mulier non habet potestatem corporis sui , sed vir ; sed etiam de illo non tacuerit dicens : Similiter & vir sui corporis potestatem non habet , sed mulier . Si ergo similis forma est , oportet intelligi non licere mulieri virum dimittere , nisi causa fornicationis , sicut & viro . Et post alia : Quapropter si licet , ut dimittatur conjunx infidelis , quamvis melius sit non dimittere , & tamen non licet secundum præceptum Domini , ut dimittatur conjunx , nisi causa fornicationis . Fornicatio est etiam infidelitas . Quid enim tu dicis , Apostole ? Certe ut vir fidelis consentientem secum habitare mulierem infidelem non dimittat . Ita , inquit . Cum ergo hoc & Dominus præcipiat , ne dimittat vir uxorem , nisi causa fornicationis ; quare hic dicis : Ego dico , non Dominus , quia scilicet idololatria , quam sequuntur infideles , & qualibet noxia superstitio fornicatio est . Dominus autem permisit causa fornicationis uxorem dimitti , sed quia permisit , non iussit , dedit locum Apostolo monendi , ut qui voluerit , non dimittat uxorem infidelem , quo sic fortasse fieri possis fidelis . Et post alia : Cum autem ait , excepta causa fornicationis , non dixit , cujus ipsorum , viri an*

femine. Non enim tantum fornicantem uxorem dimittere conceditur; sed quisquis eam quoque uxorem dimittat, a qua ipse cogitur fornicari, causa fornicationis utique dimittit, velut si aliquem cogat uxor sacrificare idolis. Qui talem dimittit, causa fornicationis dimittit, non tantum illius, sed & sue: illius, quia fornicatur; sue, ne fornicetur. Nihil autem iniquius, quam fornicationis causa dimittere uxorem, si & ipse convincitur fornicari. Occurrit enim illud: In quo enim alterum iudicas, temetipsum condemnas: eadem enim agis qua iudicas. Quapropter quisquis fornicationis causa vult abicere uxorem, prior debet esse a fornicatione purgatus. Quod similiter etiam de femina dixerim.

Quintus in libri de fide & operibus capite XIX. Quisquis etiam uxorem in adulterio deprehensam dimiseris, & aliam duxeris, non videtur agnandus eis, qui excepta causa adulterii dimittunt & ducunt. Et in ipsis divinis sententiis ita obscurum est, utrum & iste, cui quidem sine dubio adulteram licet dimittere, adulter tamen habeatur, si alteram duxerit, ut quantum existimo venialiter ibi quisque fallatur.

Sextus in libri 1. de adulterinis coniugiis cap. VIII. Illud ergo quod Dominus non quidem in sermone ipso, qui exponebatur a nobis, sed tamen alibi ait: Quicumque dimiseris uxorem suam, nisi ex causa fornicationis, & aliam duxeris, mæchatur. Si hoc modo intelligendum est, ut quicumque in causa fornicationis dimiserit, & aliam duxerit, non mæchatur, non videtur in hac causa par forma esse mariti & uxoris, quandoquidem etiam si causa fornicationis discesseris a viro, & alii nupseris, mæchatur, vir autem si eadem causa uxorem dimiserit, & aliam duxerit, non mæchatur. At si par est forma in utroque, uterque mæchatur: si se alteri junxerit, etiam cum se a fornicante disjunxerit; parum vero esse formam in hac causa viri atque mulieris, ibi ostendit Apostolus, quod sæpe commemorandum est, ubi cum dixisset: Uxor non habet potestatem corporis sui, sed vir; adjecit atque ait: Similiter & vir non habet potestatem corporis sui, sed mulier. Cur ergo, inquit, interposuit Dominus causam fornicationis, & non potius generaliter ait: Quicumque dimiserit uxorem suam, & aliam duxerit, mæchatur, si & ille mæchus est, qui dimissa fornicante muliere alteram ducit. Credo, quia illud quod majus est, hoc

*Doninus commemorare voluit. Majus enim adulterium esse quis negat, uxore non fornicante dimissa alteram ducere, quam si fornicantem quis dimiserit, & tunc alteram duxerit: non quia & hoc adulterium non est; sed quia minus est, ubi fornicante dimissa altera ducitur.*

Septimus in ejusdem libri capite xxv. *His ita pro meo modulo pertractatis atque discussis, quaestionem tamen de conjugiiis obscurissimam & implicatissimam esse non nescio. Nec audeo profiteri, omnes finis ejus vel in hoc opere, vel in alio, me adhuc vel jam posse, si urgeas, explicare. Hæc notanda confessio.*

Superfunt alia beati Augustini loca, quæ post interpositam Milevitanam Synodum referemus, cum in libris Synodum hanc subsequenter existant.

xx. Milevitana Synodus secunda, quæ anno ccccxvi, habita est in canone xvii. qui est centesimus secundus Africani codicis: *Placuit ut secundum Evangelicam & Apostolicam disciplinam neque dimissus ab uxore, neque dimissus a marito alteri conjungatur, sed ita maneant, aut sibi met reconcilientur: quod si contempserint, ad pœnitentiam redigantur. In qua causa legem imperialem petendam promulgari. Ad legem imperialem quod attinet, nondum annus erat centesimus, quod Imperator Constantinus legem de hac materia tulerat: eam in secunda parte tractatus art. ii. cap. ii. descripsimus. Mirotur Milevitani Patres legem illam non viderint, aut si viderint, quomodo recordati non fuerint. Digna lex erat, quæ attenderetur a Milevitanis Patribus, & ab Augustino maxime, qui in literis & libris, ubi de Donatistarum causa disputat, Imperatorem Constantinum tam frequenter laudat & prædicat. Locum vnum e pluribus, qui est in epistola clxvi. ad Donatistas, objicio. Scitote, inquit, quod primi majores vestri causam Cecilianæ ad Imperatorem Constantinum detulerunt. Et post alia: Sed quia Constantinus non est ausus de causa Episcopi judicare, eam discutiendam atque finiendam Episcopis delegavit: quod & factum est in urbe Roma, presidente Melchiae Episcopo illius Ecclesiæ cum multis collegis suis. Et paullo post: Iterum tamen clementissimus Imperator eos Episcopos judices dedit apud Arelatum Gallie civitatem, & ab ipsis vestri ad ipsum*



*ipsam Imperatorem appellarunt, donec ipse causam cognosceret, & Cæliannum innocentem, illos calumniosos pronuntiaret. Et paullo post: Tunc Constantinus prior contra partem Donati severissimam legem dedit.*

Octavus Augustini locus est in libri 1. Retractationum capite XIX. *Non quia omne peccatum fornicatio est. Neque enim omnem peccantem perdit Deus, qui quotidie Sanctos suos exaudit, dicentes: Dimitte nobis debita nostra, cum perdat omnem qui fornicatur ab eo. Sed quatenus intelligenda atque limitanda sit hæc fornicatio, & utrum etiam propter hanc liceat dimittere uxorem, latebrosissima questio est: licere tamen propter istam, quæ in stupris committitur, nulla questio est. Et ubi dixi hoc permissum esse, non iussum; non attendi aliam Scripturam dicentem: Qui tenet adulteram, stultus & impius est.*

Nonus in libri 11. Retractationum capite LVII. *Scripti duos libros de adulterinis conjugis, quantum potui secundum Scripturas cupiens solvere difficillimam questionem: quod utrum enodatissime fecerim, nescio; imo vero non me pervenisse ad hujus rei perfectionem sentio, quamvis multos sinus ejus aperuerim: quod judicare poteris quisquis intelligenter legit. Hæc duobus in his locis ille annis post Milevitanum Concilium decem, quod maxime considerandum est.*

Decimus in tractatu IX. in Joannis Evangelium: *Futuri erant, de quibus dixit Apostolus: Prohibentes nubere, & dicentes, quod malum essent nuptiæ, & quod diabolus eas fecisset, cum idem Dominus dicat in Evangelio interrogatus, utrum liceat homini dimittere uxorem suam ex qualibet causa, non licere excepta causa fornicationis. In qua responsione, si meministis hoc ait: Quod Deus conjunxit, homo non separet. Et qui bene eruditi sunt in fide Catholica, noverunt quod Deus fecerit nuptias. Et sicut conjunctio a Deo, ita & divorcium a diabolo sit; sed propterea in causa fornicationis licet uxorem dimittere, quia ipsa esse uxor prior noluit, quæ fidem conjugalem marito non servavit. Hæc ille in tractatu, quem post editos Retractationum libros scripsit, ubi tractatum in Joannis Evangelium mentionem nullam facit, facturus aliquam sine dubio, si eos ante scripssisset.*

Undecimus in epistola LXXXIX. ad Hilarium quæst. IV.

## 474 REGIA IN MATRIMONIUM POTESTAS.

*An hoc eos movet quod ait Dominus: Quicumque dimiserit omnia sua propter me, accipiet in hoc seculo centuplum, & in futuro vitam eternam possidebit. Aliud est, dimiserit; aliud est, vendiderit. Nam & in iis, quæ dimittenda mandavit, etiam vxor commemorata est, quam nullis humanis legibus licet vendere, Christi autem legibus nec dimittere, excepta causa fornicationis. Et paullo post: Hic ille quid eligat, nisi Christum, & dimittat uxorem propter Christum. Ambobus quippe Christianis Dominus præcepit, ne quisquam dimittat uxorem, excepta causa fornicationis. Mihi reipsa incompertum est, utrum Augustinus epistolam ad Hilarium ante vel post libros Retractionum scripserit, necne. Post Retractiones scripsisse verisimilius est, cum epistolæ testimonium ad Augustini tractatum ix. in Joannem magis quam ad alia loca, quæ ex libris ante Milevitana Synodum editis repetuntur, accedat.*

*Et primum quidem his omnibus Augustini testimoniis inter se collatis auctor sibi ipse videretur contrarius, & ob id minori fide dignus, nisi diversa spectentur tempora, quibus animum ad scribendum appulit. In prioribus testimoniis non loquitur, ut in decimo loquitur. In causa fornicationis licet uxorem dimittere, quia ipsa esse vxor prior noluit, quæ fidem conjugalem marito non servavit. Hæc clariora sunt iis, quæ ante Milevitana Synodum exaravit.*

*Deinde hoc idem ipsum possumus recipere propter illa testimonia duo, quæ ex libro i. & ii. Retractionum retulimus. Prius rem conficit: Licere propter fornicationem, quæ in stupris continetur, dimittere uxorem, nulla questio est.*

*Tum, ut ita loqueretur, adduci potuit ex Arelatenis & Elibetiani Concilii canonibus, quos avi progressionem vidisse & examinasse credibile est.*

*Postremo Milevitana Synodus non impedit quominus quæ ante illius celebrationem Augustinus tractaverat, retractaverit & emollierit: tantum abest ut relatum illius canonem, novis & auctoritatibus & rationibus communietit, & ab omni impetitione defenderit.*

*Bellarminus ut sorax suo ipsius petiit indicio, cum in*

libro I. de Matrimonii sacramento cap. XVII. *Canones*, inquit, *Milevitani Concilii Augustino precipue auctore compositi editique fuerunt: quare cum Augustinus integris libris disputaverit, in nullo casu, ne fornicationis quidem, licitum esse, vivente conjuge, ad aliud transire conjugium; dubium esse non debet, quia sit canonis illius sententia.* Omnino prodit se ne torvis quidem oculis aspexisse illos Augustini commentarios, ex quibus testimonia sat multa in medium adduximus.

XXI. Auctor Commentatorum in omnes beati Pauli epistolas apud Hieronymum: sic ille scribit in prioris ad Corinthios epistolæ caput VII. *Precipio, non ego, sed Dominus, uxorem a viro non discedere. Prohibet quacunque ex causa, ne aliis jungantur secundum consuetudinem Iudeorum, quam Dominus interdixit, dicens: Quicumque dimiserit uxorem suam, excepta causa fornicationis, & aliam duxerit, mæchatur.* Apparet sermonem esse de vxoris dimissione, quam apud Iudeos quacunque ex causa, & apud Christianos ex sola fornicationis causa sequitur aliarum nuptiarum celebratio. Hic sensus, velis nolis, vnique advolat ad pectus.

XXII. In Calchedonenfis Concilii actione III. certus quidam libellus admittitur, quem Sophronius contra Dioscorum obtulit, & de eo sic conqueritur. *Hic (Dioscorus) conjugem meam, nomine Theodotam, ex qua & filios suscepi, neque repudio consequente, neque tristi aliquo commisso, sed in communi connubio constitutam, desiderio iniquo captus raptam apud se habuit.* Sermonem instituit de repudio propter adulterium, quo tunc de more solvebatur Matrimonium. Quo vero spectet triste aliquod commissum, edoceri vellem. Sed vsque dum edocear, dicam quod in mentem mihi venit: adnotat vtrumque vel alterutrum e duobus flagitiis, veneficio vel homicidio, quæ Constantinus Imperator lege *Placet mulieri* adulterio conjunxit. Hæc ad annum CCCCLII.

XXIII. Theodoretus, qui eidem Calchedonenfi Concilio interfuit, in libri V. de hæreticis fabulis capite XVI. *Sic rursus, inquit, lex antiqua damnat adulterium; Evangelica vero etiam turpem concupiscentiam per lascivum aspectum ingredientem, adulterium vocat: antiqua enim, qui uxorem odio habeat, dimis-*

vere illam iussit: nova autem adulterum appellat repudium citra fornicationem. Qui enim, inquit, uxorem dimittit, excepta fornicationis causa, mœchari eam facit.

Deinde in ejusdem libri capite xxvi. de Matrimonio: Ipse autem Dominus non solum non prohibuit Matrimonium, sed & in nuptiis convivatus est, & vinum sine cultura productum nuptiis donum dedit. Legem porro Matrimonii adeo confirmavit, ut eum, qui excepta fornicationis causa Matrimonium solvere velit, alia lege inhibeat. Quicumque, inquit, uxorem suam dimittit, nisi ob fornicationem, facit eam mœchari. Sic Matrimonium solvi potest ob fornicationem. Quo sane soluto, id est, dimissa propter fornicationem uxore, potest alia duci.

Denique in sermone ix. de legibus. At nature opifex, quia humanam creans naturam, unum principio virum & feminam unam formavit, etiam Matrimonium solvi vetat, unicamque hujus dirimendi causam assignavit eam, quæ maritalem copulam vere divellit. Omnis enim qui dimittit uxorem suam, excepta fornicationis causa, facit eam mœchari, & qui dimissam duxerit, adulterat. Quibus verbis cetera uxoris vitia ferri jubet, seu loquax sit illa, seu temulenta, seu convitiosa: sin vero nuptiarum leges transiliat, in alium procax intendat; tunc denique copulam solvi jubet. Hæc ille Græcorum Patrum eruditissimus, & in Scripturis sacris exercitissimus. Quin autem Theodoretus verba sint omni luce clariora, nemo nisi sit disputator litigiosissimus, dubitare merito potest.

xxiv. Sanctus Patricius, qui alter est Hibernorum Apostolus, hac ætate claruit, & sæcundam habuit Synodum, in qua decernit cap. xxvi. quæ sequuntur: Item non licet viro dimittere uxorem, nisi ob causam fornicationis, ac si dicat ob hanc causam. Unde si ducat alteram velut post mortem prioris, non veniant. Hæc ille, qui a Celestino Pontifice Romano consecratus in Hiberniam abiit Evangelium Christi annuntiaturus. Quis vero cum ratione diceret, Patricium disciplinam doctrinæ Sedis Apostolicæ contrariam regioni huic importasse?

xxv. Concilium Veneticum, quod anno circiter cccc. lxxv. coactum est, in canone ii. Eos quoque, qui relictis uxo-

# REGIA IN MATRIMONIUM POTESTAS. 477

*ribus suis, sicut in Evangelio dicitur, excepta causa fornicationis, sine adulterii probatione, alias duxerint, statuimus a communione statim arcendos.* Cautionem justam adhibet, ne quis vir abutatur Evangelio, quod ait virum ob vxoris adulterium, posse eam dimittere. Igitur statuit Synodus, ne vir dimissa vxore prius aliam ducat, quam probaverit, id peccati genus ab vxore commissum esse. Nam fieri poterat, & fortassis factum jam erat, vt vir ob fictum vxoris adulterium, vxorem dimisisset, & aliam duxisset. Id collegimus ex relato canone, quia ex malis moribus bonas ortas esse leges, nemo nescit.

xxvi. Agathense Concilium, quod anno MDVI. celebratum est, Venetici Concilii viam insistit, & quosdam viros Evangelio abutentes corrigit can. xxv. *Hi vero seculares, qui conjugale consortium culpa graviore dimittunt, vel etiam dimiserunt, & nullas causas dissidii probabiliter proponentes, prepterea sua Matrimonia dimittunt, vt aut illicita, aut aliena presumant: si antequam apud Episcopos comprouinciales dissidii causas dixerint, & prius vxores quam iudicio damnentur, abiecerint, a communione Ecclesie & sancto populi cætu, pro eo quod fidem & conjugia maculant, excludantur.* Agathensis Concilii Patres vsu, quo viri dimissis propter adulterium vxoribus alias ducunt, retinent: sed abusum, quo viti, dimissis ob fictum adulterium vel ob alias causas vxoribus, ducebant alias, tollunt, & prauaricatores Ecclesiasticis pœnis coercent, & modum præterea, quo tollatur abusus, constituunt.

xxvii. Avitus Viennensis Episcopus, qui ad annum DXV. claruit, in epistola xlix. ad Ansemundum: *Deinde ex duobus eligat, vtrum velis, si primus in puellam carne peccaveris, adhuc expectat quod prædicat Apostolus: Si quis templum Dei violaverit, disperdet illum Deus: si autem corruptionem, quam non inchoaveras, gravavis augmento, quid excogitari turpius, quid horribilius potest, quam vt illum nec hoc prohiberes a meretrice, propter quod solum Deus separari virum permittit a conjugæ? Jacobus Sirmondus veteris istius monete spectator oculatissimus, postrema verba sic intelligit in suis ad ea notis. Hinc patet persuasum adhuc illis temporibus in Gallia fuisse, propter for-*

478 REGIA IN MATRIMONIUM POTESTAS.

*nicationem separari virum ab uxore, & aliam ducere Christi permissu licuisse. Quod ex Concilio quoque Venetico can. 11. manifestum est: Eos qui relictis uxoribus suis, &c. vt supra num. XXV.*

XXVIII. Ferrandus Diaconus circa annum DCL. in Patenético ad Reginum Comitem num. XIX. *Et quia in lege non licet occidere, non licebit in Evangelio vel irasci. In lege namque adulterium vetabatur: in Evangelio etiam videre ad concupiscendum mulierem pars esse perpetrati adulterii iudicatur. In lege libellus repudiij sufficiebat ad conjuges separandos: in Evangelio sine fornicationis crimine nulla Matrimonii dividendi causa permittitur. Hæc plana & aperta sunt.*

XXIX. Justinianus Imperator ad idem tempus in novella CXVII. *Si de adulterio maritus putaverit posse suam uxorem convinci, oportet prius virum inscribere mulierem, aut etiam adulterum; & si huiusmodi accusatio verax esse ostenditur, tunc repudio missa habere virum super ante nuptias donationem & dotem, &c. cetera, quæ in parte II. tractatus art. II. cap. II. referuntur.*

XXX. Primasius Uticensis in Africa Episcopus ad annum DL. in caput VII. prioris ad Corinthios epistolæ: *Hic proprie loquitur ad conjugatos, ne dimitterent uxores, & alias ducerent aut pulcras, aut divites, sicut Iudæi faciebant. Uxorem a viro non discedere: Si quis dimiserit uxorem, excepta causa fornicationis, facit eam mæchari; quod si discesserit, manere innuptam, non ita discedere vt alij nubat: si ob aliquam causam discesserit, alij non nubat. Non dicit: Si quis adulteram uxorem dimiserit, aliam ne ducat. Hoc, inquam, vt de uxore dimissa propter adulterium, dicit, alij non nubat. In ea fuit sententia, vt quidam alij fuere, conditionem viri uxorem propter adulterium dimittentis, & vxoris propter adulterium dimissæ, parem non esse.*

XXXI. Gregorius I. qui ad annum DC. floruit in libri IX. epistola XLIV. ad Hadrianum Notarium: *Agathosa latrrix præsentium quæstæ est, maritum suum contra voluntatem suam in monasterio Urbici Abbatis esse conversum, quæ quia ad ejusdem Abbatis culpam & invidiam non est dubium pertinere, experientia tua precipimus, vt diligenti inquisitione discutiat, ne forte cum*

*ejus voluntate conversus sit, vel ipsa a se mutare promiserit. Et si hoc repereris, & illum in monasterio permanere provideat, & hanc, sicut promisit, mutare compellat. Si vero nihil horum est, nec quoddam fornicationis crimen, propter quod viro licet relinquere uxorem, prædictam mulierem commisisse cognoveris, ne illius converso uxori relicta in saeculo fieri possit perditionis occasio: volumus, ut maritum suum illi, etiamsi tonsuratus sit, reddere omni debeas excusatione cessante. Quia etsi mundana lex precipit, conversionis gratia utrolibet invito posse solvi conjugium: divina hoc tamen lex fieri non permittit. Nam, excepta fornicationis causa, vir uxorem dimittere nulla ratione conceditur: quia postquam copulatione viri atque mulieris unum corpus efficitur, non potest ex parte converti, & ex parte in saeculo remanere. Ex epistolæ contextu apparet facile Romanam Ecclesiam in ea esse sententia, ut putet maritum posse uxorem suam propter admissum fornicationis crimen dimittere, & aliam si velit ducere: id postea confirmabunt alii Pontifices.*

xxxii. Isidorus Hispalensis Episcopus, qui ad annum DCXXX. illustravit Hispaniam, in libri II. de Officiis capite XIX. *Prohibet Dominus dimitti uxorem quacunque ex causa, ne alii jungatur secundum consuetudinem Iudeorum, quam Dominus interdicit, dicens: Qui dimiserit uxorem suam, excepta fornicationis causa, & aliam duxerit, mæchatur. Solum, ut ait Hieronymus, adulterium, quod uxoris vincat affectum, imo cum illa unam carnem in aliam divideris, & se fornicatione separaveris a marito, non debet teneri, ne virum quoque sub maledicto faciat, dicente Scriptura: Qui adulteram tenet, stultus & impius est. Ubicumque est igitur fornicatio & fornicationis suspicio, libere vxor dimittitur. Quid ergo si sterilis, si deformis, si ætate vetula, si fætida si senulenta, si iracunda, si malis moribus, si luxuriosa, si gulosa, si fatua, si vaga, si jurgatrix, si maledica, tenenda est, velis nolis, & qualiscunque accepta & tenenda. Hieronymi sententiam probando suam facit. Præterea, quid sibi velit ex comparatione Iudeorum & Christianorum, facile intelligitur. Iudæi quacunque ex causa dimittebant vxores, & alias ducebant, Christiani non item: non enim dimittunt vxores, & alias ducunt, nisi vxores adulterio se pol-*

480 REGIA IN MATRIMONIUM POTESTAS.

luerint; & si alia de causa dimissis vxoribus ducunt alias, mœchantur. Hæc videtur Iſidori sententia.

xxxiii. Eligius Noviomensis Episcopus ad annum DCLV. quæstionem hanc sic paucis absolvit: *Nec quisquam legitimam uxorem suam quacunq; ex causa dimittere ausus sit, cum Dominus ipse dicat: Quicumq; dimiserit uxorem suam, excepta fornicationis causa, cum facere illam mœchari.* Tunc ob tale crimen non dimittebatur vxor, nisi vt alia duceretur. Id notat Audoenus Rotomagensis Episcopus in libri II. de vita sancti Eligii capite XVI.

xxxv. Toletanum Concilium XII. quod anno DCLXXXI. celebratum est, in canone VII. *Præceptum*, inquit, Domini est, vt excepta causa fornicationis vxor a viro dimitti non debeat; & ideo quicumq; citra culpam criminis prædicti uxorem suam quacunq; occasione reliquerit, quia quod Deus coniunxit, ille separare disposuit, tandiu ab Ecclesiastica communione, & a cœtu omnium Christianorum maneat alienus, quandiu, & ad societatem relictæ conjugis redeat, & partem sui corporis honesta lege conjugii sinceriter amplectatur & foveat. Ita tamen, vt qui jam admoniti a Sacerdote semel bis terq; vt corrigerentur, ad torum suæ conjugis noluerint redire, & a palatina dignitatis officio ipsi se separabunt, & insuper generosa dignitatis testimonium, quandiu in culpa fuerint, amissuri sunt. Sic castigabantur in Hispania, qui in vxoribus fingeant crimen adulterii, & lege Christi abutebantur, qua dimissa propter verum, non fictum adulterium vxore, aliam ducere licebat.

xxxv. Theodorus Cantuariensis Episcopus, qui ad annum DCLXXX. enituit, hæc habet inter suos canones: *Nulli liceat, nisi legitimum habere connubium, nullus incestum faciat, nullus conjugem propriam, nisi, vt sanctum Evangelium docet, fornicationis causa, relinquat. Quod si quisquam propriam expulerit conjugem legitimo sibi Matrimonio conjunctam, si Christianus esse recte voluerit, nulli alteri copuletur: sed ita permaneat, aut priori reconcilietur conjugi.* nempe si uxorem dimittat extra fornicationis causam. Id ita edixisse Theodorum Beda scribit duobus in locis. Primus est in libri quem de Theodori vita composuit capite V. Alter est in libri



libri IV. Historiæ Anglorum capite V.

xxxvi. Venerabilis Beda, qui ad annum DCC. splenduit in Anglia, lib. II. in caput X. Marci, ad illud, *Quicumque dimiserit, &c. una ergo solummodo causa est carnalis fornicatio, una spiritalis timor Dei, ut uxor dimittatur, sicut multi religionis causa fecisse leguntur. Nulla autem causa est Dei lege præscripta, ut vivente ea quæ relicta erat, alia ducatur.* Fornicationis exceptionem, quæ a Marco non ponitur, ex Matthæo supplet. In postremis verbis libertas statuitur, ut vivente ea quæ relicta erat, alia ducatur, vel non ducatur. Deinde in expositione prioris ad Corinthios epistolæ, cap. VII. *His qui sunt in conjugio, præcipit per Apostolum Dominus, uxorem a viro non discedere: quod si discesserit, manere innuptam, aut viro suo reconciliari. Potest enim fieri ut discedat ea causa, qua Dominus permittit, aut si femina licet virum etiam dimittere præter causam fornicationis, & non licet viro, quid respondebimus? De hoc quod dicit posterius, & vir uxorem ne dimittat: quare non addidit, excepta causa fornicationis, quod & Dominus permittit, his quia similem firmam vult intelligi, ut si dimiserit, quod causa fornicationis permittitur, maneat sine uxore? Et paullo post: Si Dominus dimittenda conjugis solam causam fornicationis admittit, & paganum conjugium dimitti prohibet, consequens est ut paganismus fornicationi non deputetur: solam autem fornicationis causam exceptam facere Dominum, cum de dimittenda conjugē loquitur, in Evangelio manifestum est.*

xxxvii. Gregorius II. qui ad annum DCCXXVI. Sedis præsidebat Apostolicæ, quæstionem simpliciter decidit in ea ad Bonifacium Moguntinum Episcopum epistola, qua variis illius interrogationibus respondet. Responsio II. est hujusmodi: *Nam quod proposuisti, quod si mulier infirmitate correpta non valuerit debitum viro reddere, quid ejus faciat jugalit? bonum esset, si sic permaneret, ut abstinencia vacaret. Sed quia hoc magnorum est, ille qui se non poterit continere; natus magis: non tamen subsidii opem subtrahat ab illa, quam infirmitas præpediit, & non culpa detestabilis excludit. Hic primo Matrimonium solvitur propter illam infirmitatem, quæ impedit, quominus uxor viro suo debitum possit reddere; tunc vir poterit aliam*

ducere. Deinde Matrimonium solvitur propter adulterium, quod culpam detestabilem appellat; sed diligenter observandum est, quomodo Pontifex responsiones suas prænuntiat in exordio epistolæ. *In iisdem*, inquit, *litteris quædam submixuisti capitula, sciſcitando qualiter teneas vel doceas hæc Apostolica Romana Ecclesia. Bene ſciis, quia beatus Petrus Apostolus & Apostolatus & Episcopatus principium exitiis, & consulti tibi de statu Ecclesiæ, non ex nobis quasi ex nobis, sed ejus gratia, qui aperit os mutorum, & linguas infantium facit disertas, qualiter tenere debeas Apostolici vigoris doctrinam, dicimus. Hoc autem ita posito dubitari non potest, quin quæ respondet Gregorius, hæc Apostolici vigoris & Romanæ Ecclesiæ doctrinam præ se ferat.*

xxxviii. Vetus Pœnitentiale Romanum, quod Antonius Augustinus edidit, ubi vxori adulteræ sic agenda pœnitentia præscribitur: *Contigit tibi ut vxor tua te consilio & hortante cum alio viro, illa autem nolente adulterium perpetraret, si fecisti, quadraginta dies in pane & aqua pœnitæ, & septem annos, unum ex his in pane & aqua, & nunquam sis sine pœnitentia: si autem vxor tua hoc probare potuerit, quod tua culpa & tuo jussu, se renuente & luctante adulterata sit, si se continere non potest, nubat cui voluerit, tantum in Domino. Tu autem sine vxoria spe in perpetuum mancas: illa, si consentiens fuerat, eadem jejnet qua tibi proposita sunt, & sine spe conjugii maneat.* Hic de viro, qui dimissa propter adulterium vxore, aliam ducit, nihil statuitur: nullus præscribitur agendæ pœnitentiæ modus, quid ita? Sentiant alii quæ voluerint: videtur mihi vir ille extra culpam esse, quia quæsito sibi per Matthæi Evangelium jure vitur. Porro autem vetus Pœnitentiale Romanum hujus, & posteriorum ætatum liber est, qui & auctoribus æquipollet quamplurimis.

xxxix. Vermeriense Concilium, quod anno dcccii. habitum est, in canone 11. *Si quis cum filiastra sua manet, nec matrem, nec filiam ipsius potest habere, nec ille, nec illa aliis se poterunt conjungere ullo unquam tempore: altamen vxor ejus, si ita voluerit, si se continere non potest, si posteaquam cognovit, quod cum filia sua vir ejus fuit in adulterio, carnale commercium*

*cum eo non habet, nisi voluntate abstinet, potest alii nubere.*

XL. Foro-Julienſe Concilium, quod anno dccxci. factum eſt, Evangelii verba ſic aliter interpretatur, in cap. x. Item placuit ut reſoluto fornicationis cauſa jugali vinculo, non liceat viro quandiu adultera vivit, aliam uxorem ducere, licet ſit illa adultera; ſed nec adultera, quæ pœnas graviffimas vel penitentiæ tormentum luere debet, alium accipere virum, nec vivente, nec mortuo, quem non erubuit deſraudare, marito. Nam eſt legatur in ſacris Evangelicis paginis ſola fornicationis cauſa dixiſſe Dominum dimittere virum uxorem ſuam; non tamen legitur conceſſiſſe aliam vivente illa in conjugio ſibi ſociare: prohibuiſſe quidem modis omnibus non ambigitur. Aſſerimus: Quicumque dimiſerit uxorem ſuam, niſi ob fornicationem, & aliam duxerit, mæchatur: & qui dimiſſam duxerit, mæchatur: quæ ita definire proſpeximus, ut juxta ejuſdem Domini meſſiſuam vocem, nemo hac interdicitæ violator inculcare præſumat. Sed quoniam in medio ambiguus interponitur ſermo, id eſt, niſi ob fornicationem, quæ nimirum poteſt, virum ad ſolam licentiam dimittendi uxorem, qui dimiſerit uxorem, niſi ob fornicationem, an etiam ad utrumque dictum reſertur? hoc eſt ad aliam vivente illa accipiendam, quaſi dixerit: Qui dimiſerit uxorem ſuam, & aliam, niſi ob fornicationem, duxerit, mæchatur: & idcirco peritiſſimi viri beati Hieronymi libellum commentariorum recenſeri nobis ſtudioſe mandavimus, anxie utique cognoscere ſeſſinantes, qualiter idem ſumeſſimus Doctor hac ſacrata Dominica verba juxta capaciſſimi ingenii ſui ſubtilitatem ſenſiſſe monſtratur. Cujuſ nimirum ſenſum ſagaciter explorantes, in promptu nihilominus patuit, ad ſolam dimittendi uxorem licentiam pertinere. Nam cum more ſuo vir ſanctus hujus capituli ſummatim ſerim exponendam tranſcurveret, inter cætera & poſt pauca ſic ait. Et quia poterat, inquit, ſic accidere, ut alius calumniam faceret innocenti, & ob ſecundam copulam nuptiarum veteri crimen impingeret, ſic priorem jubetur dimittere uxorem, ut ſecundam prima vivente non habeat. Non enim debet imitari malum adulteræ uxoris; & ſi illa duo, imo unam carnem per ſciſſuras fornicationum diviſit in tres, dividet in quatuor. Unde patenter debet intelligi, quandiu vivit adultera, non licet viro, nec poteſt impune ſecundas contrahere nuptias.

1. Periodus prima capitis hujus videtur ſecum pugnare:

Nam si resolutum sit propter fornicationem jugale vinculum, nihil obstat, quominus vir dimissa ob fornicationem vxore, aliam ducat: non obstat adulterii committendi periculum, quia resolutum est prius jugale vinculum.

II. Si quæ suo loco ad Hieronymi loca quatuor annotavimus, Fotojulienne annotasset Concilium, fortassis aliter sensisset ac sensit.

III. Si vir qui vxorem adulterii convictam dimisit, continere se non possit, quid faciet? Revocabit, inquier, vxorem adulteram, etiamsi adulterium fini Matrimonii directe opponatur. Itane tantum pieratis, tantum iustitiæ?

IV. Si mulier viris addicta pluribus liberos (quod tamen rato accidir) procreat, cujus erunt? an viri legitimi? an eorum qui adulteri esse non desierunt? an etiam eorum qui novi adulteri esse cœperunt? Item cujus heredes? Vide ac circumspice quanta in confusione & perturbatione Christiana verisaretur respublica, si huic credatur Concilio, jubente cum primis Domino, quod dictu nefas esset.

V. Vir de mala fortuna se contristaret, & vxor adultera, cui poenæ nihil imponitur, de bona gauderet. Quis hic æqualitatem inveniet?

VI. Ab hoc disciplinæ genere Romana Ecclesia per Gregorium II. & per suum vetus Pœnitentiale plurimum recedit. Historiam narro, nec præjudicare quidquam aut cuiquam volo. Non memini tamen legere me fuisse multos, qui tunc Concilii hujus placitum amplexi sint; fuisse vero, qui contra senserint, mihi pro comperto est.

XLI. Ad istud tempus spectare possunt formulæ vereres tunc irreprehensæ, in quibus propter alias causas, quam propter adulterium, libellus repudii datur. Nam si propter alias causas quam propter adulterium dabatur libellus ille, multo magis propter adulterium, cujus in Evangelio sit mentio, daretur. Marculfus Monachus in libello II. formularum, cap. xxx. hanc de libello repudii formulam præscribit: *Dum & inter illum & conjugem suam illam non caritas secundum Deum, sed discordia regnat, & ob hoc pariter conversare minime possunt: placuit utriusque voluntatibus, ut se a consortio*

REGIA IN MATRIMONIUM POTESTAS. 485

*separare deberent : quod ita & fecerunt, & cetera, quæ supra relata in secunda parte tractatus art. 11. cap. 11.*

Deinde inter veteres formulas, quæ secundum legem Romanam dicuntur, cap. XIX. ubi libellus hic repudii refertur. *Certis rebus & probatis causis inter maritum & uxorem repudiandi locus patet : idcirco quia inter illum & conjugem suam illam non caritas secundum Deum, sed discordia regnat, & illorum nulla est voluntas pariter conversandi; placuit utriusque voluntatibus, ut se a consortio conjugali separare deberent : quod ita & fecerunt, &c.*

XLII. Carolus Magnus, qui anno DCCC. Occidentis Imperator renunciatus est, in libro V. Capitularium num. XIX. *Si quis homo, inquit, habens mulierem legitimam, si frater ejus adulteraverit cum ea, ille frater, vel illa femina, qui adulterium perpetrarunt, interim quod vivunt, nunquam amplius habeant conjugium; ille vero, cujus uxor fuit, si vult, potestatem habet uxorem accipere aliam.*

XLIII. Adalardus Corbeienſis Abbas, qui Carolo Magno Imperatore Claruit, & ei supervixit, suam ita dicit sententiam apud eum, qui illius res gestas memoriz prodidit. *Tende factum est, inquit, cum idem Imperator Carolus Desideratam Desiderii Italorum Regis filiam repudiaret, quam sibi dudum etiam quorundam Francorum juramentis petierat in conjugium, ut nullo negotio beatus senex persuaderi posset, dum adhuc esses tiro palatii, ut ei quam vivente illa Rex acceperat, aliquo communicares servitutis officio; sed culpabat modis omnibus tale connubium, & gemebat puer beata indolis, quod & nonnulli Francorum eo essent perjuri, atque Rex illicito uteretur toro, propriis sine aliquo crimine repulsa uxore. Sic Adalardus & scriptor vitæ illius sibi sumunt, illicitum non fuisse torum, cujus mentionem faciunt, si propria uxor ob crimen fuisset dimissa.*

XLIV. Romana Synodus, quam Eugenius II. habuit anno DCCCXXVI. in capite XXXVI. *Nulli liceat, excepta causa fornicationis, adhibitam uxorem relinquere, & aliam copulare; aliqui transgressorem priori convenit sociari conjugio, id est, si ob aliam causam uxorem repudiet.*

XLV. Paschasius Radbertus Corbeienſis Abbas, qui ad

annum DCCCXL. floruit, libro IX. in Matthæum: *Dico autem vobis, quia quicumque dimiserit uxorem suam, nisi causa fornicationis, & aliam duxerit, machatur, & qui dimissam duxerit, machatur.* Ecce de tam lata occasione, qua Iudæi male abutebantur in repudiandis conjugibus, quam brevis & absoluta Domini sententia est, qua sola fornicatio esse dicitur, qua uxoris vincat affectum, quoniam & ipsa est qua carnem prius dividit in duas. Et paullo post: Sic demum de divortio disputandum, quia non omne conjugium a Deo est, neque per Deum; alioqui quomodo Apostolus diceret: Infidelis si discedit, discedat: in quo nimis ostendit non omne conjugium a Deo esse quod solvendum est: quapropter etsi adulteratur uxor aut vir, non est conjunctio Dei, cum quibus Dei lex non est, neque lex natura servatur. Quicumque ergo seu quicumque contra Dei mandatum, machus est, jam ipse se a suo corpore separavit, & ab ea gratia, qua est in legitimo Matrimonio; maxime quia se tulit membrum Christi, & factus est membrum meretricis, cum qua meretricatus est. Id ergo non asumo leve esse, si meretrix retineatur, & alutatur se male duabus in partibus, cum jam qua adultera est, nulli esse videtur legitima uxor. Unde sicut crudelis est & iniquus, qui castam dimittit qualibet ex causa uxorem, sic fatuus & injustus, qui retinet meretricem aut flagitiosam. Videtur namque patronus turpitudinis ejus esse, qui crimen celat & consentit uxori. Sicut e contrario præmium possidet nuptiarum e duabus, cum unam faceret castitas carnem. Infra: Verumtamen quia jam aliam vivente illa, qua adultera est, non licet accipere, sicut nec viro alii nubere, si fuerit prior adulter & reprobatus ab ea: Infra: Quamquam enim licite dimittatur uxor ob causam fornicationis, seu a viro discedente uxore, manet tamen vinculum prioris conjugii, propter quod sit reus adulterii, qui dimissam duxerit, etiam ob causam fornicationis, aut vir dimissus, si aliam duxerit. Radbertus hæc & alia scribit vsus Augustini libro I. de nuptiis & concupiscentia: quæ de re rursus postea in Ivone Carnotensi. Porro a duabus Romanis Synodis, quæ illius celebratæ sunt tempore, dissentit.

XLVI. Christianus Drutmarus sua in Matthæum expositio: ne cap. XI. Ego autem dico vobis, quod omnis qui dimiserit uxo-

rem suam, excepta causa fornicationis, facit eam machari, & qui dimissam duxerit, adulteratur. Simplex Domini preceptum est, quod si & propter fornicationem dimiseris, nec ille debet aliam habere, quoadusque illa vivit, nec illa alium: si autem legaliter occideris eam in iudicio, tunc poteris alteram habere.

XLVII. Romana Synodus, quam Leo IV. anno DCCCLIII. habuit, in capite xxvi. Nulli liceat, excepta causa fornicationis, adhibitam uxorem relinquere, & deinde aliam copulare; alioqui transgressorem convenit priori sociari conjugio.

Luitprandus in vita Leonis IV. hoc ipsum tradit ab eo statutum num. xxxvi. Itt nulli liceat, excepta causa fornicationis, uxorem relinquere, & aliam sibi copulare; alioqui convenit transgressorem priori sociari conjugio. Sic anni sunt octingenti quinquaginta plus minus, quod de soluto ob adulterium Matrimonio, Romana ita sentiebat Ecclesia.

Utraque Synodus extat in Romana collectione bipartita, quam Franciscus Cardinalis Barberinus anno MDCLXI. Romæ edi curavit, approbante sacri palatii Magistro, & Alexandro VII. nuncupavit. In nuncupatione de contentis in hac collectione Synodis ita censet: Concilia vetera novem cum duabus & quinquaginta epistolis Pontificum priorum, aliquot item literis & constitutionibus Imperatorum, aliaque nonnulla Ecclesiastica antiquitatis monumenta pretiosa, quæ omnia Lucas Holstenius partim e Vaticana, cui custos erat appositus, partim ex aliis Bibliothecis aut archiis studiose collecta producere, dum viveres, in lucem jussu tuo, beatissime Pater, ac sumptu cæperat: ea ego adjectis, quæ deerant, integre excusa, ac quoad licuit e schedis editoris posthumis emendata & ornata offero ecce sanctitati suæ, non uno ad id nomine adstrictus. Et post alia: Eruditorum qui hæc viderunt, concors opinio est, multa in hac collectione reperiri, quæ orthodoxum dogma sanciant, quæ jura vetera Sedis Apostolica illustrent. Et post alia: Fortunet usinam fructum celestis numen, & quem speravimus fructum vel eruditionis vel exempli salutatis, tum orthodoxi, tum errantes ex hisce percipiant.

XLVIII. Isaaciûs Lingonensis Episcopus, in canone v. tit. III. de adulteris cap. I. Si quis homo habens mulierem legiti-

*nam, si frater ejus adulteraverit cum ea, ille frater vel illa femina, qui adulterium perpetraverunt, interim quod vivunt, nunquam habeant amplius conjugium: ille vero, cujus uxor fuit, si vult, potestatem habet uxorem accipere aliam. Hoc caput ex Capitularibus Caroli Magni desumptum probando suum fecit.*

XLIX. Nicolaus Papa I. in responsione ad consulta Bulgarorum, cap. XCVI. *Quidquid mulier tua contra te cogitaverit, aut fecerit, vel si te accusaverit, non est, excepta causa fornicationis, rejicienda. Ad mentem Romanarum Synodorum, quarum canones mox relati sunt, ni fallor, responderet anno DCCCLXVI. cur enim aliter responderet?*

L. Hincmarus Remensis, Nicolao æqualis, in opusc. XXXVII. num. IV. *Hujus proculdubio sacramenti (Matrimonii) res est, ut mas & femina connubio copulati, quandiu vivunt, inseparabiliter conjuncti perseverent, nec liceat excepta causa fornicationis a conjuge conjugem dirimi. Hoc enim custoditur in Christo & in Ecclesia, ut vivens cum vivente in æternum nullo negotio separetur in civitate Dei nostri & in monte sancto ejus.*

Deinde in libro de divortio Lotharii & Tetbergæ, interrogatione XXI. *Fit & interdum causa non contemnenda interveniente, quod erat illicitum, licitum, cum legaliter initum conjugium dissolvi permittitur causa infidelitatis. Unde Paulus dicit: Si quis frater, & post, vel cum causa fornicationis uxor relinquitur, de qua ibidem Paulus dicit: De his autem, qui Matrimonio juncti sunt, &c. Quod aqua lance pensatur, ut si dimiserit, in calibatu permaneat, que disjunctio inter fideles post initum conjugium fieri non potest, nisi causa fornicationis & amore continentia. Et post alia: Hujus proculdubio sacramenti res est, ut mas & femina connubio copulati, quandiu vivunt, inseparabiliter perseverent, nec liceat excepta causa fornicationis a conjuge conjugem dirimi. Hæc lumen ferunt secum, nec aliunde proculdubio requirunt.*

LI. Joannes VIII. qui ab anno DCCCLXXII. usque ad annum DCCCLXXXII. Romanam gubernavit Ecclesiam, in epistola LXV. ad Ederedum gentis Anglorum Archiepiscopum: *His autem quos asseris uxores proprias contra præceptum Domini*



*Domini relinquere, precipimus neque virum ab uxore, neque uxorem a viro, nisi causa fornicationis, discedere: quod si ob aliud discesserit, manere innuptum vel innuptam, aut sibi mutuo reconciliari, quoniam dicente Domino: Quod Deus conjunxit, homo non separet; & ideo cum priorem legitimo sibi Matrimonio junctam quisquam deserere nequeat, illi conceditur aliam vivente priore conducere. Quid clarius vel expressius?*

LII. Nannetense Concilium, quod circa annum DCCCC. celebratum est, in canone XLII. *Si cujus vxor adulterium perpetravit, & hoc a viro deprehensum fuerit & publicatum, dimittat uxorem, si voluerit, propter fornicationem; illa vero septem annis publice pœniteat: vir vero ejus illa vivente nullatenus accipiat aliam uxorem. Quod si voluerit adulteram sibi reconciliari, licentiam habeat: ita tamen ut pariter cum illa pœnitentiam agat, & exacta pœnitentia post septem annos ad communionem uterque accedat. Si vir adulterio, quod commisit vxor, consenserit, facile capio, cur vir & vxor eandem agere pœnitentiam debeant. Si vero vir, ut apparet, in causa non fuit, cur vxor adulterium perpetraverit, non omnino capio, qua lege, quo jure, & qua aequitate vir & vxor innocens & nocens ad eandem agendam pœnitentiam adstringantur. Ut missum interim faciam repudium, quod viro tunc juxta Romanæ Ecclesiæ disciplinam licuit: quare ex his duobus capitibus insignite minuitur canonis hujus auctoritas.*

LIII. Theophylactus Achridæ Archiepiscopus, qui ad annum MLX. eminuit, in Matthæi caput V. *Dare autem jubet dimissa libellum absolutorium, quem vocant repudiarium, ita ut jam non ad ipsum accedat, & ex hoc fiat confusio, viro alteri cohabitante. Ego autem dico vobis, quod quisque dimiserit uxorem suam, excepta fornicationis causa, facit eam mœcham, & qui dimissam duxerit, mœchatur. Non solvis Mosaica lege, sed corrigit, exterrrens virum, ut ne absque causa odio habeat uxorem. Nam si justa de causa dimiserit eam, nempe fornicantem, nulli condemnationi est obnoxium: quod si absque fornicationis causa, condemnandus est, cogit eam mœcham; sed qui etiam accipit eam, mœchus est. Nisi enim accepisset, rediisset utique, & subdita fuisset viro. Deinde in caput XIX. Ego autem dico vobis, inquit, quod bo-*

*num est uxorem, quæ fornicata est, ejicere tanquam adulteram. Si quis autem ejecerit aliquam, quæ non est fornicata, auctor fuit illi adulterii.*

LIV. OEcumenius Theophylacto proxime subjicitur, etiam si qua ætate vixerit, incertum sit. Sic ergo scribit in caput V. 11. prioris ad Corinthios epistolæ, ad illud: *Uxor a viro non separatur. Quoniam legem manifeste a Domino positam dicturus est, propterea ait: Non ego, sed Dominus: quæ autem lex, ne fiat divisio, nisi in causa stupri.* Et paullo post: *Melius, inquit, est ut non separatur: quod si etiam separata fuerit, maneat habens virum, eisi non commixtione, tamen affectu: sic ut non adducat sibi alium virum. Uxor non dimittit, nisi quispiam accesserit in causa stupri; nam hæc Christi lex est.* Si quid autem in Theophylacto & OEcumenio difficultatis subesset, facile dilueretur ex disciplina, quæ hac in re inter Græcos servata est. Theodorus Balsamon, Joannes Zonaras, & Matthæus Blastares suppetias venirent.

LV. Turonense Concilium, quod anno MLX. Stephanus Cardinalis Presbyter & Nicolai II. Legatus habuit, in capite IX. *Qui suam uxorem sine Episcopali judicio dimittens, aliam duxit vel duxeris, donec se fructuosa tradat penitentia, a corpore & sanguine Domini nostri JESU CHRISTI, & a liminibus Ecclesiæ sit exclusus & alienus.* Concilium eos, qui Christi verbis abutebantur, corrigit, scilicet ut non ante viti uxores suas propter adulterium ejiciant, & alias ducant, quam Episcopali judicio comprobatum fuerit adulterium.

LVI. Gregorius VII. qui anno MLXXIII. cœpit Apostolicæ Sedi præsidere, in libri V. epistola XLVIII. ad Hubertum Genuensem Episcopum: *Scriptum est quippe de conjugali vinculo: Quod Deus conjunxit homo non separet; & veritas omnino prohibet, ne vir uxorem suam, nisi forte causa fornicationis, relinquat.* Exceptionem ita proponit, ut inde significet maritum tunc aliam posse uxorem ducere. Pontifex, opinor, non ignorabat, quid Stephanus Nicolai II. Legatus in Turonensi Concilio ante paucos annos statuerat.

LVII. Lanfrancus Cantuariensis Archiepiscopus, qui ad annum MLXXX. fulgebat in Anglia, epistola X. ad Thomam

Eboracensem Episcopum. De his autem, qui uxores desponsatas causa fornicationis relinquere, aliasque sibi conjungere volunt, (Hoc enim vestra prudentia a me requisivit) Dominus IESVS CHRISTVS quid sentiendum sit, in Evangelio secundum Marcum aperissime dicit: Quicumque dimiseris uxorem suam, & aliam duxerit, adulterium commisit super eam; & si uxor dimiserit virum suum, & alium duxerit, mæchatur. Item secundum Lucam: Omnis qui dimittit uxorem suam, & ducit aliam, mæchatur. Sunt etiam de hac re plurima sanctorum Patrum auctoritates; sed ubi sol lucet, candelabrum ad proferendum lumen proferri minime oportet. In his verbis Dominici luce clarius liquet, quia vivente viro vel uxore extraneam copulam quærere, nulli eorum licet. Cur Lanfrancus quæstionem per Marcum & Lucam solverit, nulla facta mentione Matthæi, a quo ponitur exceptio, vix assequi possum. Si hæc quæ retulimus, intelligantur, habito respectu ad id quod in prioris ad Corinthios epistolæ caput VIII. ita scribit: Quod si discesseris, discedere non potest, excepta causa fornicationis; difficultatem patientur nullam. Sed si habito respectu nullo ad istud scripsit, difficultatem patientur maximam, quæ in eo consistit, ut dicatur obreptum Lanfranco fuisse. Nam hic taceatur, quod apud Matthæum semel atque iterum exprimitur: semel in capite V. iterum in cap. XIX. Si posterius hoc priori anteponitur, Lanfranci testimonium caducum & infirmum est; si vero prius posteriori anteponitur, Lanfranci testimonium conservandæ traditioni poterit inservire.

LVIII. Anselmus Lanfranci successor, vel, ut alii volunt, Hervæus Dolenfis Monachus, in caput V. Matthæi: Hic autem præcipis non dimittere uxorem, nisi tantum excepta causa fornicationis: si enim ruperit legem conjugii, potest eam homo a se separare, ut commixtionem illam auferat sibi quam violavit; sed tamen sacramentum conjugii remanet, ut non aliam ducat. Deinde in caput XIX. Postquam mulier quæ est iuncta viro, & una in carnali copula, in aliam carnem illam unitatem transmiserit, & fornicatione illam dividerit, non amittit quidem vinculum conjugii, sed meretur non amplius carnaliter cum viro suo copulari, qui contra copulationem peccavit: & quia vinculum conjugii remanet,

*ideo addit : Et qui dimissam duxeris, mæchatur.* Auctoris seu Anselmi, qui ad annum MC. claruit, seu Hervei, qui ad annum MCXV. vixit, mens est perspicua; sed quam secum importat difficultatem, hæc diluenda fuit: nempe quid vir faciet, si se continere non possit. Deinde cum ait uxorem adulteram mereri, ut non amplius cum vito suo copuletur: quid inde mali vel pœnæ infertur uxori adulteræ, quæ perseverabit in adulterio, & aliis faciet copiam sui? Efficiendum fuit, ut difficultas hæc legislatoris sapientiæ non obesset.

LIX. Ivo Carnotensis Episcopus, qui circa idem tempus eluxit, in epistola CXXV. ad Daimbertum Senonensem Archiepiscopum: *De Hierosolymitanis; quorum uxores fornicata sunt, bene mihi videtur sentire sanctitas vestra, quia secundum Evangelicam & Apostolicam doctrinam oportet eos, aut ad proprias uxores redire, aut eis viventibus sine ulla carnis commixtione manere; alioquin ii qui nunc adulteras mulieres abhorrent, adulteri reputabuntur, & adulterorum pœna apud Deum iudicabuntur, secundum illud Apostoli: Fornicatores & adulteros iudicabit Deus. Unde Augustinus in libro de decem chordis: Non adulterabis, id est, non ibis ad alienam aliquam præter uxorem tuam.* Item in libro de nuptiis & concupiscentia: *Usque adeo manens inter viventes semel inita iura nuptiarum, ut potius sint inter se conjuges etiam separati, quam cum his, quibus aliis adhaferunt.* Et paullo post: *Manet inter viventes quoddam conjugale, quod nec separatio, nec cum alio copulatio possit auferre.* Inde etiam Hieronymus ad Oceanum: *Præcepit Dominus uxorem non debere dimitti, excepta causa fornicationis, & si dimissa fuerit, manere innuptam. Quidquid viris præcipitur, hoc consequenter redundat ad feminas. Neque enim adultera uxor dimittenda est, & vir mæchus retinendus. His & aliis ejusmodi auctoritatibus freti, si quando apud nos causa fornicationis tale divorcium contigerit, censura Ecclesiastica cogimus separatos vel sibi reconciliari, vel sine spe manere conjugii.*

1. Locus e libro de decem chordis ad institutum minime pertinet. Augustini verba sunt: *Dicitur: Fili, non mæchaberis, id est, non ibis ad aliquam aliam præter uxorem tuam.* Hæc quæstionem quid attinent?

11. Locus e libri 1. de nuptiis & concupiscentia capite x. sic se habet: *Quoniam sane non tantum fecunditas, cujus fructus in prole est, nec tantum pudicitia, cujus vinculum est fides; verum etiam quoddam sacramentum nuptiarum commendatur fidelibus conjugatis. Unde dicit Apostolus: Viri, diligite uxores vestras, sicut & Christus dilexit Ecclesiam. Hujus proculdubio sacramenti res est, ut mas & femina connubio copulati, quandiu vivunt, inseparabiliter perseverent, nec liceat excepta causa fornicationis a conjugum dirimi. Hoc enim custoditur in Christo & Ecclesia, ut vivens cum vivente in aeternum nullo negotio separetur. Cujus sacramenti tanta observatio est in civitate Dei nostri, in monte sancto ejus, hoc est, in Ecclesia Christi, quibusque fidelibus conjugatis, qui sine dubio membra sunt Christi, ut cum filiorum procreandorum causa vel nubant femina, vel ducantur uxores, nec sterilem conjugem sua sit relinquere, ut alia fecunda ducatur: quod si quisquam fecerit, non lege hujus saeculi, ubi interveniente repudio sine crimine conceditur cum aliis alia copulare connubia. Quod etiam sanctum Moysen Dominus propter duritiam cordis illorum Israelitis permisisse testatur; sed lege Evangelii reus est adulterii, sicut etiam illa, si alteri nupserit. Usque adeo manent inter viventes semel inita jura nuptiarum, ut potius sint inter se conjuges, qui ab alterutro separati sunt, quam cum his, quibus aliis adhaeserunt. Cum aliis quippe adulteri non essent, nisi ad alterutrum conjuges permanerent. Denique mortuo viro cum quo verum connubium fuit, fieri verum connubium potest cum quo prius adulterium fuit: ita inter viventes manet quoddam vinculum conjugale, quod nec separatio, nec cum altero copulatio possit auferre. At si Ivo testimonium hoc integrum, & cetera, quae suo loco supra descripsimus, perlegisset, fortassis id non sensisset quod sensit, nec id fecisset quod fecit. Ivonis consilio tunc obstitissent verba haec: Nec liceat excepta causa fornicationis a conjugum dirimi.*

Hic operapretium est animadvertere Hierosolymitanorum nomine Orientales intelligi, apud quos tunc propter fornicationem solvebatur Matrimonium, ut aequalis Ivoni Joannes Zonaras testatur. Sic Ivo & luculentum & pro se & pro Orientalibus testimonium praeber.

LX. Zacharias Chrysopolitanus Episcopus in libri III. in vnum ex quatuor capite XCX. ad illa verba: *Dico autem, quæ quicumque dimiserit uxorem, &c.* Ex hoc loco nonnulli asserunt, quod qui uxorem fornicariam dimiserit, illa vivente aliam legitime ducere possit. Si quis vero non ob fornicationem, sed propter aliud dimiserit uxorem, facit quod non licet; & si duxerit aliam vivente illa, constat quia mæchus est: quacunque autem ex causa dimissam quicumque duxerit, reatum adulterii incurrit. Etenim si vir repudiavit eam, non tamen ob fornicationem, manet ex utraque parte conjugium; si sit ei violentia, sit repudium. Si vero uxor repudiata fuit, quia unam carnem in alium diviserit, & se fornicatione a marito separaverit; culpa sua, ut autumant, a vinculo conjugii solvit, sed ipsa manet obligata. Hinc Ambrosius in primam epistolam ad Corinthios: Hoc vult Apostolus, ut si mulier discedat propter malam conversationem viri, aut innupta maneat, aut viro suo reconcilietur. Non enim permittitur mulieri ut nubat: si virum suum causa fornicationis dimiserit aut apostasia, aut si impellente lascivia usum quærat uxoris invertere, quia inferior non hac lege omnino utitur, qua potior: si tamen apostatet vir, aut usum quærat uxoris invertere; nec alii potest nubere mulier, nec reverti ad illum. Et vir uxorem non dimittat, subauditur, excepta causa fornicationis; ideo non subjecit, sicut de muliere dicens: *Quod si discesseris, manere, &c.* Hæc ille, qui Ivonis æqualis fuit, & ab Ivone in tantum dissentit, in quantum dissentire potest.

LXI. Rupertus Tuitiensis Abbas, Ivonis & Zachariæ æqualis, idem cum Zacharia censet: sic enim scribit libro V. in Matthæum: *Una dumtaxat causa est, propter quam dimittere liceat (uxorem) etiam invitam, & tecum habitare consentientem, scilicet fornicatio: sola enim causa ista te liberat, ut non iudicaris fecisse illam mæcham, cum alius eam duxerit, quia prius illa mæchata est, quam tu illam dimiseris.* Lex quoque ubi dixit antiquis dare libellum repudii, non omnino de isto iudicio tacuit: quod scilicet & qui dimisit & qui duxit, uterque adulterii reus est. Quid ergo amplius hic dixit, quam dictum est antiquis; videlicet quod in Evangelio causa ista non recipienda sit, ut uxorem suam propter odium dimittat quis, nec aliam prorsus

*ob causam hoc licitum sit, nisi ob illam quam dixit causam fornicationis, qua sola cum intercederit, reatu machie non involvitur is qui dimisit. Hæc sunt perspicua.*

LXII. Magister sententiarum, qui ad annum MCL. claruit, in quartum dist. XXXI. *Separatio autem gemina est, corporalis scilicet & sacramentalis. Corporaliter possunt separari causa fornicationis, vel ex communi consensu causa religionis, sive ad tempus, sive usque in finem. Sacramentaliter vero separari non possunt, dum vivunt, si legitime persone sint. Manet enim vinculum conjugale inter eos, etiamsi aliis a se discedentes adhaeserint. Unde Augustinus: Usque adeo manent inter viventes semel ipita jura nuptiarum, ut potius sint inter se conjuges etiam separati, quam cum aliis quibus adhaeserunt, & reliqua quæ habet Ivo Carnotensis.*

LXIII. Alexander III. qui ad annum MCLXX. claruit, in appendice Lateranensis Concilii, part. v. de conjugatis & sponsis monasterium ingressis, cap. VIII. *Sane quod Dominus ait in Evangelio: Non licet viro uxorem suam nisi causa fornicationis dimittere; intelligendum est secundum interpretationem sacri eloquii, de his, quorum Matrimonium est carnali copula consummatum, sine qua consummari non potest; & ideo si predicta non fuerit a viro suo cognita, licitum est ei ad religionem transire. Deinde part. VI. cap. XXV. Quia igitur nemini licet uxorem suam sine manifesta causa fornicationis dimittere, & tunc eam vel sibi reconciliare debet, aut ipsa vivente se continere. Tum part. XXXVII. cap. III. ad Baionensem Episcopum: Quoniam ex multis auctoritatibus, præcipue ex Evangelica veritate apparet, nemini licere excepta causa fornicationis dimittere: constat, quod sive mulier lepra percussa fuerit, sive gravi aliqua infirmitate desenta, non est propterea a viro suo separanda.*

LXIV. Clemens III. qui ad annum MCXC. Romanam administravit Ecclesiam, ad hæresim extendit causam Judaismi seu paganismi. Id inter alios æqualis Clementi Robertus Corzon tradit in summa quæst. de impedimentis Matrimonii. *Uxor, inquit, relicta fide manet libera a Matrimonio: non enim uxor gentilis aut Judei debet esse melioris conditionis, ut possit libere transire ad secunda vota, quam uxor hæretici conversa*

ad fidem. *Quod concessit Clemens III. in illa Decretali Laudabilem, nec dicitur hac ad paria esse judicanda; sed Innocentius qui modo presidet, hac revocavit.* Ex MS. cod. cœnobii sancti Victoris ad Luteriam.

Ea de re sic ipse Innocentius in lib. IV. decret. tit. XIX. de divortiis cap. VII. ad Ferrariensem Episcopum: *Quanto te novimus in canonico jure peritum. . . Sane tua F. intimavit, quod altero conjugum ad hæresim transiente, qui relinquitur, ad secunda vota desiderat convolare: quod utrum fieri possit, per tuas nos duxisti literas consulendos. Nos igitur consultationi tua respondentes distinguimus, licet quidam predecessor noster sensisse aliter videatur, an ex duobus infidelibus alter ad fidem Catholicam convertiatur, vel ex duobus fidelibus alter labatur in hæresim, vel decidat in gentilitatis errorem. Et paullo post: Si vero alter fidelium conjugum vel labatur in hæresim, vel transcat ad gentilitatis errorem, non credimus, quod in hoc casu is qui relinquitur, vivente altero possit ad secundas nuptias convolare, licet in hoc casu major appareat contumelia Creatoris. Bellarminus in libri IV. de Rom. Pont. capite XVI. hanc veluti Pontificum duorum annouia seu dissensionem ita diluit: Nec Celestinum, (Clementem dicere debuit) nec Innocentium aliquid de ea re certi statuisse; sed utrumque respondisse, quod sibi probabilius videbatur. Id quod manifeste colligitur ex verbis Innocentii, qui cum dicit, predecessorem suum aliter sensisse, indicat in opinione rem totam adhuc positam fuisse. Si Clemens & Innocentius contendantur inter se, Clemens ad decessores suos magis, ut vidimus, accedit, quam Innocentius; & tamen apud homines rerum matrimonialium minus peritos, Innocentius sine dubio prævalet: usque adeo veritati nocet Ecclesiasticæ traditionis ignoratio. Quidquid id est, Bellarminus in opinione, quæ Clementi probabilior, Innocentio minus probabilis visa est, putat consistere: hoc autem non satis attendunt, qui controversiæ hujus decisionem non disciplinæ, sed dogmati accensent.*

LXV. Innocentius III. qui ad annum MCCX. claruit, in lib. IV. decret. tit. XIX. de divortiis cap. VII. ad Tiberiensem Episcopum: *Sane veridica hac sententia probatur, et-*  
iam



iam de testimonio veritatis testantur in Evangelio: *Quicumque dimiserit uxorem suam ob fornicationem, & aliam duxerit, machatur. Si ergo uxore dimissa duci alia de jure non potest, fortius & ipsa retenta: per quod evidenter apparet, pluralitatem in utroque sexu, cum non ad imparia judicentur, circa Matrimonium reprobendam.* Pontifex hoc ratiocinando dixit, non habito respectu ad veterem Romanæ Ecclesiæ traditionem, quam Gregorius II. Eugenius II. Leo IV. Joannes VIII. & vetus Pœnitentiale Romanum exponunt. Quidquid id est, traditioni huic, quam Innocentius III. videtur ignorasse, nihil aut parum obest, si Bellarminus audiat in libri IV. de Roman. Pontific. capite III. ita scribens: *Summus Pontifex cum totam Ecclesiam docet in his quæ ad fidem pertinent, nullo casu errare potest.* At Innocentius cum variis privatorum hominum consultationibus respondet, privatos docet homines, non totam Ecclesiam. Hoc ipsum adhuc confirmat, si confirmandum esset, Melchior Canus, in libri VI. de locis capite VIII. cum ait: *Nicolaus eo loco, quod ad hanc questionem attinet, decrevit. Non enim illi proposita fuerat questio: An baptisus in nomine Christi collatus esset validus: sed an baptizatus a pagano vel Indæo, verum baptisus sacramentum suscepisset. Aliter autem & in transcurso cum huic questioni proposita responderes, de suo non interrogatus adjecit, baptisma in nomine Christi conferri: quæ in re sine dubio falli potuit.* Sed ne sint ista, quæ Bellarminus & Canus tam audacter pronuntiant, duobus in locis Innocentius rem absolvit. Unus est in ferm. II. de consecratione Romani Pontificis: *In tantum, inquit, mihi fides necessaria est, ut cum de ceteris peccatis Deum judicem habeam, propter solum peccatum, quod in fide committitur, possem ab Ecclesia judicari.* Alter est in ferm. III. de consecrat. ejusdem Pont. Propter causam vero fornicationis Romana Ecclesia posset dimittere Romanum Pontificem, fornicationem non dico carnalem, sed spirituale, quia non est carnale, sed spirituale conjugium, propter infidelitatis errorem. Ceterum hæc adferenda necessitatio fuerunt ad sufflaminandum in schola non-neminem, qui lente festinare non didicit.

LXVI. Sanctus Thomas, qui ad annum MCCL. floruit, in

Rrr

supplemento quæst. LXII. art. v. *Respondeo*, inquit, *dicendum, quod nihil adveniens supra Matrimonium potest ipsum dissolvere: & ideo adulterium non facit, quin sit verum Matrimonium: manet enim, ut Augustinus dicit, inter viventes conjugale vinculum, & reliqua, quæ sunt apud Magistrum sent. & Ivonem.*

LXVII. In Magistri & Thomæ sententiam plerique concesserunt scholastici, de quibus iudicium postea Cajetanus, vir tamen plane scholasticus, feret: concesserunt, inquam, non auctoritate Scripturæ, sed vno vnius Augustini testimonio. Sed quæ & qualis fuerit sancti Patris opinio, sat fuse suo loco exposuimus.

Ceterum hæc quæstio, quæ beato Augustino semper visa est difficillima, implicatissima, obscurissima & latebrosissima, (sunt illius verba) sancto Thomæ & quibusdam e Schola Theologis, nusquam videtur nisi facillima, expeditissima, planissima, & latebrarum maxime expers omnium. Qua in re, quod mireris, ipsorum quam Augustini conditionem meliorem fecit vnum Augustini testimonium, idque breve, seu potius decurtatum.

LXVIII. Clemens IV. in fidei professione, quam Græcis, ut Romanæ reconciliarentur Ecclesiæ, præscripsit. Hæc autem de Matrimonio credenda tantum esse tradit ad annum MCCLXVII. *Tenet etiam & docet eadem Romana Ecclesia, septem esse Ecclesiastica sacramenta. Infra: De Matrimonio tenet, quod nec unus vir semel plures uxores, nec una mulier simul habere permittitur plures viros. Soluta vero lege Matrimonii per mortem alterutrius conjugum, secundas & tertias nuptias & deinceps successive, licitus esse dicit, si impedimentum canonicum & alia causa non obstat.* Hic de divortio vel de libello repudii ob adulterium, vel alias etiam causas, ne gry quidem. Ac in tali professionis fidei formula, quæ fit ad instaurandam concordiam, quæ interrupta fuerat, nihil prætermittitur, quod tacite subintelligatur.

LXIX. Gregorius X. in Lugdunensi Concilio, quod anno MCCLXXIV. celebratum est, novam fidei professionem Græcis redire cum Latinis in concordiam volentibus non præstituit. Eam præstituit, quam Clemens IV. ante aliquot an-

nos præstituerat. Tunc ab Imperatore, & a Græcis qui aderant, edita professione, ii quæ sequuntur, subjiciunt: *Confitementes vero hæc & approbantes, acceptantes & promittentes observare, ut superius dictum est. Rogamus vero magnitudinem vestram, ut Ecclesia nostra dicat sanctum symbolum prout dicebat ante schisma usque in hodiernum diem, & quod permaneamus in ritibus nostris, quibus vivebamus ante schisma: qui scilicet ritus non sunt contra supradictam fidem, nec contra divina præcepta, nec contra vetus & novum Testamentum, nec contra doctrinam sanctorum generalium Conciliorum, & Sanctorum receptorum per sancta Concilia, quæ celebrata sunt a spiritali dominatione Romana Ecclesie.* Hoc in tomo XIV. Ecclesiasticorum Annalium, quos Odericus Rainaldus conscripsit.

LXX. Guido Carmelita, qui ad annum MCCCXXX. floruit, in libro de Græcorum erroribus. *Decimus, inquit, error est Græcorum: dicunt enim quod divortia Matrimoniorum fieri possint iuxta de causa pro libito voluntatis.* Id minime dicunt, ut ex Matthæo Blastate satis aperte colligitur. Guidonis impostura est: nam Græci minime dicunt se Matrimonium pro libito voluntatis dissolvere.

Præterea hæc pugnant inter se, *iuxta de causa, & pro libito voluntatis.* Sed Guido pergit: *Item Græci in hoc contra Christi doctrinam expresse dicunt hæresim: nam Christus præcepit, uxorem a viro non dimitti, nisi ob solam causam fornicationis: nec tunc viro licet aliam ducere.* Id continuo probat ex cap. v. & XIX. Matthæi, & cap. VII. prioris ad Corinthios epistolæ: *Mulier alligata est viro, & cetera.* Primus, quod sciam, omnium Guido hæresim hanc detexit, & detectam ita probavit. Sic philosophari non didicisset in Romana Ecclesia, si quo tempore hanc Ecclesiam rexerunt Clemens IV. & Gregorius X. vixisset, & manum ferulæ Pontificum eruditione & pietate illustrium subduxisset: si quos videre potuit Pontifices Joannem XXI. & Nicolaum III. vidisset & allocutus fuisset. Joannes & Nicolaus in eo defudarunt & elaborarunt quamplurimum, ut Græcos ad incundam cum Latinis concordiam pertraherent, atque illam fidei professionem, quam Clemens IV. composuerat, sincere emitterent. Tunc decimum erro-

rem seu hæresim Græcorum vel expunxisset e libro suo, vel Clementem in componenda fidei professione, & Gregorium X. Joannem XXI. & Nicolaum III. in ea comprobanda, Romanos Pontifices quatuor inettix & supinitatis accusasset. In summa, si hæresis est, quod hæresim esse dicit auctor, contraria propositio non potest non esse dogma Catholicum. At dogma Catholicum a Vincentio Lirinenſi definitur: *Quod ubique, quod semper, quod ab omnibus creditum est.* In Communitorii 1. contra novitates capite III. Hoc autem ab illis Pontificibus ignoratum fuisse probabit nusquam. Quæ hic a Guidone sit injuria Pontificibus, redundat in Lugdunense Concilium, cui Gregorius X. præfuit, & in quo de reducendis ad Latinorum communionem Græcis per memoratam fidei professionem vnice tractatum est.

LXXI. Flotentinum Concilium in sessione xxv. postquam edita est fidei definitio, repræsentat quæ nostrum ad institutum conferunt, vbi Græcus homo sic loquitur: *Post hæc Latini quæſivere a nobis hæc, id est, quæſtiones fecerunt vnde- cim. Decima est. Quare conjugia dirimitur, dicente Domino: Quos Deus conjunxit, homo non separet.* Infra: *Hæc Latinis objecta Mitylenensis (Episcopus) canonice omnia legitimeque dissolvit, præterquam duo, de quibus Papa significavit Imperatori, cur scilicet Matrimonia dirimantur, & Patriarcha non eligatur: Latini contradicentibus illis legem nihil valere adversus Domini vocem: Quos Deus conjunxit, homo non separet; & non esse conveniens abire hinc sine capite.* Petiit ergo per nuntios Papa ab Imperatore, ut ex Metropolitâ peritos aliquos ad se mitteret. Ille vero missi imperitos, proposuitque Papa duas hæc objectiones de separatione conjugiorum, & de promotione Patriarcha. Illi vero se nullam dixerunt habere facultatem respondendi, nec respondere, sed ea relatu-ros Imperatori, qui responderet. Dum hæc fiunt, lapsi sunt dies. Die vero XIV. Iulii Papa omnes Orientales Præsules ad se convocavit, & cum aliquos ex iis profecti essent, talem secreto cum illis sermonem habuit. Nos fratres Dei beneficio sumus fide conjuncti. Quoniam ergo arcanis Dei judiciis ego sum inter vos membra caput, deoque qualitercunque admonere, & consiliis instruere ad ea quæ videntur pietatem & Ecclesiam constabile;

## REGIA IN MATRIMONIUM POTESTAS: 501

*Propono vobis aliqua, ut fratribus, ut membris, ut Ecclesiarum ductoribus, & primo dico omnes conqueri de separatione Matrimoniorum, idque correctione indiget. Et post alia: Præsules ita responderunt: Equissima sunt qua beatitudo vestra dixit; sed nos ad hac dare perfectam responsionem non possumus. Sunt enim & alii Præsules & Imperator noster: perfectæ enim respondebimus cum illorum consensu. Privatim enim ex nobis respondemus ac dicimus, non esse hac presentis temporis, licet iustâ & necessariâ sint. Nam dirimimus Matrimonia non sine iustis causis. At quæ causæ sint iustæ, non explicant. Utut sit: primo quidem Eugenii IV. & Latinorum Antistitum; qui Florentiæ cum Græcis celebrarunt Concilium, iudicio patet, Matrimoniorum dissolutionem quæ apud Orientales peragitur, ad fidei dogmata non pertinere. Nam postquam edita est fidei definitio circa eam controversiam, quæ in negotio fidei Græcos & Latinos inter se commissos tenebat, Eugenius Græcos sic allocutus est: *Nos fratres Dei beneficio sumus fide conjuncti*. Sic autem Græcos allocutus non esset Pontifex, si ille & reliqui Præsules Latini credidissent Matrimoniorum dissolutionem, quæ apud Orientalem fiebat Ecclesiam, in fidei dogmatibus vel reipsa collocari, vel posse collocari, servato ordine, qui generalibus in Conciliis hætenus servatus fuerat.*

Deinde cum Eugenius & Latini Patres præ se ferunt, Matrimoniorum diremptionem illam, quæ apud Græcos frequentabatur, Ecclesiasticæ disciplinæ materiam esse, cum aiunt, illam *correctione indigere*: ut erant viri prudentes & docti, id sibi constituebant ante oculos, quod Tertullianus in libri de velandis virginibus capite 1. scribit: *Hac lege fidei manente*, (quam ante proposuerat, & eam omnino esse solam immobilem & irreformabilem dixerat,) *cetera jam disciplina & conversationis, admittunt novitatem correctionis, operante scilicet & proficiente usque in finem gratia Dei*.

Tum Eugenius & Latini probe noverant, dirempta non fuisse tantum apud Græcos propter adulterium Matrimonia. Nam si apud eos dirempta tantum fuissent propter adulterium Matrimonia, Latini a Græcis eam disciplinæ hujus sibi reddi minime petivissent rationem, quam Græci vicissim a

Latinis sibi reddi petivissent. Nam Latini quondam & Romana potissimum Ecclesia dirimebant propter adulterium Matrimonia. Fuerunt igitur aliæ dissolutionis Matrimoniorum capita, quæ Latinos ad quærendam a Græcis disciplinæ suæ rationem commoverunt. Matthæus Blastares capita illa recenset, & nos supra recensuimus ex eo, qui & ex Justiniani novella CXVII. recensuerat.

Postremo ex actis Florentinæ Synodi non apparet Græcos Latinis reddidisse rationem ullam disciplinæ illius, quæ in Justiniani novella constituitur circa dissolutionem Matrimonii. Quidquid in causa, potuissent Græci Latinis non immerito dicere, mirari se, cur ab eo tempore quo edita fuit Justiniani novella, & usum in Orientali obtinuit Ecclesia, Latini a Græcis disciplinæ hujus rationem in sexta vel in septima Synodo non postulaverint. Cur cum Photius Occidentalem in certis quibusdam capitibus graviter perstrinxit Ecclesiam, Nicolaus I. & reliqui Occidentis Episcopi Matrimoniorum dissolutionem Photio non objecerint. Cur Latini de ista Græcorum disciplina conquesti non sint in octava Synodo. Cur Leo IX. ad Michaellem Cerularium scribens Constantinopolitanum Episcopum, de Matrimoniorum dissolutione tacuerit, & eam taciturnitate sua confoverit. Cur Innocentius III. tam perspicax Pontifex, & Latini Antistites Græcis in Lateranensi Concilio, cui ille præfuit, Matrimoniorum dissolutionem non exprobraverint, quineriam opprobrent. Cur Eugenius IV. & Florentini Patres anno MCCCCXXXVIII. in memoriam non revocaverint professionis fidei formulam, quam Clemens IV. anno MCCLXVII. Græcis præscripsit, quam Gregorius X. illis anno MCCLXXIV. in Lugdunensi Concilio proposuit, quam Joannes XXI. iisdem anno MCCLXXVII. & Nicolaus III. anno MCCCLXXVIII. ut pax inter omnes redintegraretur Ecclesias, obtulerunt. Intercapedo annorum centum & sexaginta effecit, ut in oblivionem Eugenii & Florentinorum Patrum venerit memorata professionis fidei formula, sub cujus finem legitur: *Tenet etiam & docet eadem Romana Ecclesia, septem esse Ecclesiastica sacramenta.* Et quibusdam interpositis: *De Matrimonio.*

tēnet, quod nec unus vir simul plures uxores, nec una mulier simul habere permittitur plures viros. Soluta vero lege Matrimonii per mortem alterutrius conjugum, secundas & tertias nuptias & deinceps succedere, licitas esse dicunt, si impedimentum canonicum & alia causa non obstat. Sic excluduntur cetera, quæ de Matrimonio in Scholis traduntur, nec in formula exprimuntur. Latinis tunc Latinorum opera satisfecissent Græci, si quod isti nosse debuerant, novissent, aut si noverant, ingenue & sine tergiversatione vlla dixissent. Latini vero a Græcis ea super re postulassent nihil, si quod a Clemente IV. Gregorio X. Joanne XXI. & Nicolao III. factum fuerat non ante immensum tempus, recordati fuissent, aut recordari potuissent. Atque ita non omnes qui Florentinum celebrarunt Concilium, de traditionibus armati, & de consuetudine succincti fuerunt.

LXXII. Eugenius, seu post pacificum Græcorum discessum continuata Florentiæ Synodus in decreto, quod pro Armenorum institutione & concordia edidit, hac de re ita censet: *Quamvis autem ex causa fornicationis liceat tori separationem facere, non tamen aliud Matrimonium contrahere fas est, cum Matrimonii vinculum legitime contracti perpetuum sit.* Quæ verba ex beati Thomæ opusculo de septem sacramentis reperiuntur, non ex professionis fidei formula, cujus modo mentionem fecimus, nec ex antiquioribus Romanæ Ecclesiæ monumentis, quorum vades exhibuimus Gregorium I. Gregorium II. & Petrum per os Gregorii loquentem, Romanas Synodos duas, vnam ab Eugenio II. alteram ab Leone IV. celebratam, Joannem VIII. & vetus Pœnitentiale Romanum. Doleo beatum Thomam ad istorum monumentorum formam non exegisse suum de septem sacramentis opusculum. Nam si exegisset Eugenius decretum suum, aliter sine dubio condidisset. Sed, ut verum fateor, excusandus mihi videtur hic Pontifex, si decretum suis omnibus numeris absolute non sit. Quo enim tempore illud condidit, vehementer occupatus erat in retinendo Pontificatu suo, quem illi Basiliense Concilium nuper abstulerat. In id incumbere totus, quia de summa rerum agebatur.

LXXIII. Christophorus Marcellus, qui Romæ sub Leone X. clauit, & postea Coreyrensis Archiepiscopus fuit, in libri 1. de auctoritate summi Pontificis contra Lutherum capite xix. sectionis 1. Id vero, inquit, non solum dictum, sed etiam creditu longe difficilium est, quod diuino jure Romana Ecclesia sit prima sedes, cum facile urgente causa alio transferri potuerit. Verum cum corporalis Matrimonii jura considero, ad spiritualis contemplationem meipsum conuerto. Et quemadmodum de illo scriptum est: Quod Deus conjunxit, homo non separet, Matthæi xix. ita de hoc ipso sentire ac palam fateri non erubescio. Soluit homo ex causa conjugii nexum, quando adulterii facinus subesse deprehenditur. Solus plane, ait Dominus, honeste voluptatis abusus, quem fornicationem appellant, in causa est, cur relinquatur uxor: sic legitima quedam majoris utilitatis Ecclesia causa subesse potest, quæ hoc ipsum spiritale & diuinitus institutum conjugium dissoluat. Cumque id: Quod Deus junxit, homo non separet; obiectatur, ita intelligendum est, ut valeat, cum ea, qua conjunctio facta fuerit, persisterit causa: qua item deficiente, nexus ille dissolutionem facillime patiat. Quo etiam fit, ut corporale conjugium a Deo propterea institutum sit, ut vir cum peculiari uxore certam honeste voluptatis usu prolem suscipiat, qua cum abfuerit, incerteque suscipiende prolis periculum manserit, jam unius viri propria & peculiaris uxor amplius dici non potest. Idcirco legitime faciendum est utriusque divorcium, ut quod Deus conjunxisse ex causa visus sit, ex illius etiam defectu, homo ipse se separare potuerit. Adde quæ solo diuino consilio & dispensatione statuta sunt, hominum auctoritas nequaquam invertere potest. At si præter id destinatus quoque requiratur eorum consensus, non indecens quidam aut absurdum videtur ex legitima causa mutari posse, & in melius suo jure conuerti. Hæc sola lectione indigent ut intelligantur.

LXXIV. Desiderius Erasmus in annotationibus ad caput xix. Matthæi. Iudei putabant sibi licere quauis de causa quoties libuisset uxorem abjicere. Id Christus adstrinxit, unicam duntaxat causam excipiens, nempe stupri. Annotauit hujus dictionis ἡμᾶρον is quisquis fuit, cujus extat homilia xxxviii. inter mixta Chrysostomi titulo.

Deinde



Deinde in paraphrasi ad caput v. Matthæi : *Et quanquam lex optabat inter conjugatos amicitiam & concordiam esse perpetuam; tamen conscia duritiei cordis Iudaici, ne quid committeretur sceleratius, indulget divortium, puta ne veneficium aut homicidium perpetraretur. At ego volo sanctius & inviolatius esse Matrimonium inter novæ legis professores. Quisquis enim dimiserit uxorem suam, nisi forte adulteram : jam enim uxor esse desit, quæ se miscuit alteri. Postrema verba hæc, quæ nonnullis apud Antonium Possëvinum in apparatu facto displicuerunt Censoribus, beati sunt Augustini tractatu 1 x. in Joannem. Sed propterea, inquit, in causa fornicationis licet uxorem dimittere, quia ipsa esse uxor prior noluit, quæ fidem conjugalem marito non servavit. Censores hoc nescierunt, nisi fortassis Augustinum in Erasmo corrigere voluerint.*

Erasmus paullo post persequitur : *Quod si lex hoc agit, ut sanctum sit conjugium, neque passim concessa divortia, nos legem non solvimus, sed adjuvamus, qui nullum volumus esse divortium, excepta causa stupri.*

Tum in paraphrasi ad caput xix. Ego qui non irritò legem, sed absolutiorem reddo, plane dico vobis, nefas esse præter mentem Dei & voluntatem Moïsi, quod vulgo facitis quavis de causa repudiantes uxores vestras. Nec ideo ratum est quod facitis, quia facitis impune. Multa sunt apud Deum flagitiosa, quæ legibus humanis non puriuntur. Proinde scitote quod quisquis ob quamlibet causam abjecerit uxorem, & alteram duxerit : ut adulterium commisit ipse, ita & uxori præbet adulterii causam, nisi forte quam repudiat, adulterio commoverit repudium. Nam quæ alteri viro sui copiam fecit, jam uxor esse desit, & Matrimonii jus ademissit sibi, divisa carne, quam Deus unam & indivisam esse voluit.

Denique in paraphrasi ad caput x. Marci : *Iudeus ob oris halitum graviorem, ob oculi lippitudinem, aut aliud simile vitium repudiat uxorem, cum inter Evangelicos una dumtaxat causa dirimat conjugium, hoc est, violata conjugii fides. Uxor enim, quæ sui corporis copiam fecit alteri, jam, etiamsi non repudietur, desit esse uxor : & maritus, qui sui corporis copiam fecit alienæ, jam ante divortium maritus esse desit.*

Parisienses Theologi, cum annus agebatur millesimus quingentesimus vicessimus sextus, propositiones illas hæreseos nota sic affecerunt.

*Ha propositiones quatenus per eas prætendi videtur, Matrimonium per adulterium dissolvi, quantum ad vinculum, hæretica sunt. Et sic probant: Est enim vinculum Matrimonii jure divino indissolubile, ut ad Corinthios scribens Apostolus demonstrat: Cum, inquit, his qui Matrimonio juncti sunt, præcipio, non ego, sed Dominus, uxorem a viro non discedere; quod si discesserit, manere innuptam, aut viro suo reconciliari. Et rursum: Mulier alligata est legi, quanto tempore vir ejus vivit, & eadem omnino est ratio de viro sicut de muliere, quia ejusdem beati Pauli sententia: Sicut mulier sui corporis potestatem non habet, sed vir; ita & vir sui corporis potestatem non habet, sed mulier. Tanta præterea est indissolubilitas Matrimonii, ut nec per hæresim (quæ fornicationis est spiritualis) dissolvatur.*

1. Sic brevi manu deciditur quæstio, quam beatus Augustinus post editos a se de illa tractatus complures obscurissimam, implicatissimam & latebrosissimam appellat. Beatus Paulus remittit ad Dominum, qui semel atque iterum permittit viro uxorem propter adulterium abjicere: semel in capite v. Matthæi, iterum in capite xix.

Joannes Chrysostomus homilia xix. in caput vii. prioris ad Corinthios epistolæ: *Quomodo enim quæ priori tempore eum dedecore affecit, & facta est alterius, & abolevis jus Matrimonii, poteris revocare, cui facta est injuria, & qui propterea manet ut sospes & peregrinus. Præterea illic quidem post fornicationem maritus non est maritus; sed mulier, licet cultrix idolorum, non amittit jus mariti.* Chrysostomus censuræ obesse potest, prodesse non potest.

Theodoretus locum Apostoli sic intelligit; nam postquam illius verba retulit, subjungit: *Evangelicam legem revocat in memoriam. Dominus enim in sacris Evangeliiis dixit: Quicumque dimittit uxorem, præterquam causa fornicationis, facit eam mæchari. Præterea adjecit, non ego, sed Dominus. Hæc autem maneat innupta, vel viro reconcilietur. Non est contrarium illi. Nolite fraudare vos invicem, nisi forte ex consensu: illa enim dicta*

*sunt iis, qui non propter aliam causam, sed propter solam continentiam separantur. Hic autem iis legem statuit, qui de aliis rebus contendunt; & conatur quidem infractum servare Matrimonii vinculum: condescendens autem imbecillitati, ei qui separatur, continentiam precipit; hac etiam ratione prohibens Matrimonii disjunctionem. Cum enim alteri conjungi prohibet, utramque partem ad prius Matrimonium redire compellit. Theodoretus cum ita Pauli locum interpretatur, censura obesse potest, prodesse non potest.*

*Theophylactus in idem caput: Iis autem qui Matrimonio juncti sunt, precipio, non ego, sed Dominus, quia Dominus lege sancivit non debere fieri divortium, dempta fornicationis causa, propterea, non ego, inquit, sed Dominus. Censores non ita interpretantur Pauli locum: & quia non ita interpretantur, ab antiquis Ecclesie tractatoribus dissentiunt: & quia dissentiunt, de vi & auctoritate censura mirum quantum detrahunt.*

*Arelatenſe Concilium primum, quod univſam Occidentis repræſentabat Eccleſiam, a cenſura percellitur, vel cenſuram percellit in canone x. De his qui conjuges ſuas in adulterio deprehendunt, & ii ſunt adoleſcentes & prohibentur nubere: placuit, ut in quantum poteſt, conſilium eis detur, ne viventibus uxoribus, licet adulteris, alias accipiant. Hic facit incontinentiæ periculum, ut viris adoleſcentibus non imponatur præceptum, ſed detur conſilium duntaxat, ne viventibus uxoriſ adulteris mulieres alias ſibi conjungant in Matrimonio. Aliud enimvero eſt præceptum, aliud conſilium. Non exaggero, non argumentor: rei perſpicuitas argumentatione elevaretur.*

*Concilia, Patres, tractatores, qui decurſo Eccleſiaſticæ traditionis ſpatio eduntur & proferuntur in lucem, per hanc cenſuram ferunt incommodum, alii gravius, alii minus grave. Gravius quidem ii, qui divortium propter fornicationem licere ſentiunt, quia illorum ſententia hæreſeos notatur: minus vero grave, qui divortium propter fornicationem haud licere ſentiunt, quia contrariam opinionem hæreſeos nota non afficiunt, cum afficere deberent, ne ſibi noceret talis*

moderata disputandi ratio. Parisienses Theologi quatuor, Joannes Major, Joannes Gagnæus, Joannes Arboreus, & Claudius Guillaudus; qui post annum MDXXVI. in Evangelia & beati Pauli epistolas scripserunt commentarios, & in iis Erasmi opinionem redarguunt; sed abstinere se a nota censoria, quæ hæresim importet: sic omnes, deimpro vno Guidone Carmelita, cujuscunque sint sententiæ, in censuram incurrunt; & hæc est certa atque indubitata censuræ perniciēs. Auctores illos quatuor sprevisse potius quam non vidisse Facultatis censuram, quia modum excedit, asserenti, quod responderem expressi nihil, solidi nihil habere me, sincere fateor. Qui vero apte congruenterque responderet, ei assentirer sine controversia, & ut homini de Facultate & de me bene merito gratias agerem, acturus si possem immortales. Hic nisi historici potius quam disertatoris partes obirem, & ne xpi dnoe argueret, timerem; lubenti prolixoque animo præterissem censuram, & ejus probationem, quæ propter tenuitatem suam notæ censoriæ & censorum nomini hæc responderet, nec respondere potest. Obversabatur mihi ante oculos Joannes Rossensis Episcopus, qui in libro de vnica Magdalena scite ait: *Qui rationes invalidas & inefficaces affert, perinde est ac si nullas attulisset, imo longe fuisset ei satius nullas adduxisse. Cum enim quis sententiam aliquam nulla sultam ratione producit in medium, simpliciter & nudis eam verbis asserens, dubitare adhuc de illo possumus, num abditum aliquid soliditatis habeat cui innitatur: quod hætenus non explicuit. Verum qui suam opinionem rationibus munit, quæ palam sunt invalide, nullisque extant roboris, profecto seipsum prodit hallucinatum fuisse, atque fallacibus inductum rationibus, ut ita opinaretur; suumque ita errorem ipsi manifestum facit, quando cunctis aperissime liquet, eum omni solida careere basi.*

Quinetiam cum ad notæ censoriæ probationem, ut vidimus, nihil extra Scripturas easque breves adferatur, censores suam tacite faciunt propositionem, quam Erasmus habet sua in Hilarium præfatione. Hæc est ejusmodi: *Hoc eruditio- nis Theologicæ est, nihil ultra quam sacris literis proditum est, definire. Verum id quod proditum est, bona fide dispensare. Pro-*

positio sic ab illis configitur: *Non est eruditionis Theologica, nihil de iis quæ ad fidem spectant definire, quam quod in sacris literis formaliter & expresse habetur, aut quod ex illis clare deducitur; sed impietatis Witlevica aut Lutherana: quandoquidem auctoribus Dionysio, Basilio, Augustino, & aliis multis Catholicis Doctoribus non minus credenda sunt, quæ a Christo ex Apostolorum traditione habemus de sacramentis & nonnullis aliis, quam quæ in Scripturis sanctis exprimuntur. Nec solis literarum monumentis jubet Apostolus fidem adhiberi, sed & traditionibus nudo sermone explicatis. Quare præscripta propositio est falsa, impia, & Witlevica atque Lutherana perfidia consentanea. Et sane ut probaretur, Erasmi de divortio sententiam dignam esse nota, quæ omnium gravissima est, & simul dogma contrarium Catholica fide credendum, Scripturæ jungenda fuit, si jungi potuit Ecclesiæ traditio: non jungitur, sed in Scriptura sistitur, ut sistendum esse præ se fert Erasmi propositio, & sistendum non esse demonstrat censura Erasmi propositionis.*

LXXV. Thomas Cardinalis Caietanus in Matthæi caput v. Cura fuit legislatori, ut dimissionem uxoris, si qua fieret, adjuvaret. (Ego autem dico vobis) novi Testamenti tempore: Quod omnis qui dimiserit uxorem suam. Contextus invitatur ad intelligendum de dimissione totali: quoniam de illa constat legem loqui dicentem: Qui dimiserit uxorem, det illi libellum repudii, & illam corrigis ad literam JESVS. (excepta fornicationis causa) Lex vetus latum relinquit campum causis dimittendi uxorem: JESVS restringit usque adeo ut solam causam fornicationis (proculdubio carnalis, quæ sola directe contrariatur conjugali fidei) excipiat, (facit eam machari) dando dimissæ absque fornicatione occasionem machandi. (Et qui dimissam) proculdubio absque fornicationis causa (duxerit in uxorem, adulterat) non maritus, sed adulter est. Ita quod dimittens uxorem absque causa fornicationis, causat duo mala; scilicet, quod dimissa machetur, & quod accipiens ipsam sit adulter. Hic est planus litera sensus: nec hinc sequitur quod lex novi Testamenti concedat viro propter uxoris fornicationem dimittere illam totaliter: quoniam textus iste non est tota lex novi Testamenti. Sed bene sequitur, quod ex hoc textu non est pro-

Sss ij

# 510 REGIA IN MATRIMONIUM POTESTAS.

*hibita, non est illicita dimissio uxoris propter ipsius fornicationem, cum quo stat, quod ex alio textu sit prohibita & illicita. Et rursus sequitur, quod dimittens totaliter uxorem propter ipsius fornicationem, non est causa, quod dimissa mæchetur, quoniam illa jam mæchata fuerat: sicut lex disponens, quod maritus occidens uxorem (nisi inventam in actu adulterii) decapitetur, non reddit occasionem uxoris in flagranti reperta crimine licitam, sed impunem a decapitatione. Rursus sequitur, quod in hoc textu nihil disponitur de dimissa ob fornicationis causam, nec de ducente ipsam. Nec hoc est mirum, quia nec de ipsa dimissione, qua fiebat per libellum repudiis, disponitur, an fuerit licita: sed hoc alteri loco legis nova reservatur, scilicet sequentibus, cap. XIX. Considera, prudens lector, Evangelii textum, & te ipsum Evangelio, non Evangelium tuo accommoda sensui.*

Deinde in cap. XIX. Dico autem vobis (Quod quicumque dimiserit) totaliter. De tali enim dimissione erat sermo: nam uxorem dimittere absque additione aliqua, significat non dimittere secundum quid, puta quoad torum; sed simpliciter & absolute, quod est dimittere totaliter. Constatque de dimissione absolute motam esse questionem a Phariseis & loqui Moysen. (Uxorem suam, nisi ob fornicationem, & aliam duxerit, in uxorem mæchatur.) Textus iste clare constituit mæchum facientem hæc duo: scilicet dimittere uxorem non fornicariam, & aliam ducere; & in promptu ratio mæchatus est, quia durat conjugium cum prima dimissa. Quid autem sit in dimittente uxorem fornicariam, & aliam ducente, textus iste nihil dicit. At si vrgens obijceris verba JESU non esse superflua, & propter exceptionem fornicationis aliquid significare diversum ab aliis causis, fateor sic esse. Et si insites illud diversum nihil aliud esse, nisi quod propter fornicationem dimittens uxorem, & aliam ducens, non mæchatur: respondeo sic sonare textum, secundum planum litera sensum. Sed quoniam non audeo apponere me contr. torrentem Doctorum & judiciorum Ecclesiasticorum, ideo dixi textum nihil disponere de dimittente fornicariam. Intelligo igitur ex hac Domini JESU CHRISTI lege, licitum esse Christiano dimittere uxorem ob fornicationem carnalem ipsius uxoris, & posse ducere aliam uxorem, salva semper Ecclesie definitione, qua hactenus non apparet. Nam decretales Pontificia de hac mate-

## REGIA IN MATRIMONIUM POTESTAS. 511

*ria non sunt definitiva fidei, sed judiciales facti: profitentur autem ipsimet Pontifices, ut patet in C. quarto de divortiiis, & in C. Licet de spons. duorum, Romanos Pontifices aliquando in his judiciis Matrimoniorum errasse.*

Tum in caput x. Marci: *Quicumque dimiserit uxorem suam, & aliam duxerit, adulterium commisit super eam, pro in eam. Adverte quod Marcus non refert omnia, quæ JESVS dixit, emittens exceptionem, quam JESVS apposuit, scilicet excepta fornicationis causa, ut clare patet Matth. xix.*

Denique in prioris ad Corinthios epistolæ caput vii. *Non solum miror, sed stupco, quod Christo clare excipiente causam fornicationis, torrens Doctorum non admittit illam mariti libertatem.*

• Hæc ille qui Romæ floruit ad annum MDXXV. & qui postea commentarios suos Clementi VII. dedicavit.

Ego satis memini legere me, fuisse qui Caietanum generatim & per aversionem redarguerint; sed non memini legere me, fuisse qui quæ ex Caietani commentariis retulimus, referentes sigillatim & *ex ab ipsa* redarguerint. Cur autem id ita contigerit, nescio. Præstitisset tamen Caietani dicta posteriori, quam priori dumtaxat modo redarguere, idque servatis pro Scripturæ intelligentia & interpretatione regulis, quas Joannes Chrysostomus & Cyrillus Alexandrinus tradiderunt. Hic in assertionem xx. thesauri: *Primum quidem oportet eum, qui ad investigationem sacrarum Scripturarum accedit, observare tempus, quo aliquid dicitur, & persona a qua dicitur, propter quid & de quo dicitur. Ita enim qui recte sentire volunt, citra ullum errorem quæ scripta sunt intelligent. Ille in homilia super illud Hieremiæ: Non est in homine via ejus. Contextus (Scripturæ) omnem seriem, & pro quibus dicta sunt illa, a quo vel ad quem, quam ob causam, quando & quomodo expendamus. Non enim dicere sufficit, aliquid in Scriptura scriptum reperiri, neque temere avulsa ac discerpta divinius inspirata Scriptura membra nuda, & a reliquo contextu serieque sermonis sejuncta sumere, ac nimia licentia confidentiæque ipsis illudere: sic enim prava dogmata multa in nostram hanc statem injecta sunt, dum negligentioribus persuasit diabolus, ut oblique distorta testimonia*



## 592 REGIA IN MATRIMONIUM POTESTAS.

*Scriptura proferrent, vel additis subtrahēisque nonnullis tenebras veritati offunderent.*

LXXVI. Provinciale Concilium Moguntinum, quod anno MDXLIX. celebratum est, capite xxxvi. *Quod si, inquit, ob fornicationem, quæ sola illis separandi causa a Domino permissa est, conjuges se invicem dividerint, manere debere innuptos, aut dimisso conjugii reconciliari, & neutri eorum, donec vixerit prior conjux, ad secunda transire Matrimonia potestatem esse.*

LXXVII. Ambrosius Catharinus Comples Archiepiscopus, qui Tridentino Concilio interfuit, in tractatu de Matrimonio, qui cum aliis tractatoribus prodiit anno MDLII. cum privilegio Julii III. suscipiam primum partes eorum, qui in viro etiam quoad vinculum dicunt Matrimonium dirimi, ut possit aliam ducere. Stat sententia Domini apud Matthæum his verbis: *Quicumque uxorem suam, nisi ob fornicationem, dimiserit, & aliam duxerit, mæchatur. Hac una oratio, nisi vim litera afferamus, profecto duarum orationum vim habet. Una est affirmativa continens hujusmodi regulam: Si quis uxorem suam absque causa fornicationis dimiserit, & aliam duxerit, mæchatur. Altera est negativa, qua continet exceptionem a regula propter particulam illam nisi, & est: Si quis uxorem suam ob fornicationem dimiserit, & aliam duxerit, mæchatur. Si igitur sic intelligitur hæc Domini sententia, ut verba ipsa, quam manifestissime videntur porrigere, jam decisa est questio.*

Objiciunt illud ex beato Marco, quod ait Dominus: *Quicumque dimiserit uxorem suam, & aliam duxerit, committit adulterium super eam.* Deinde ex beato Luca, ubi ait: *Omnis qui dimiserit uxorem suam, & aliam duxerit, mæchatur.* Loquuntur sine exceptione, sed facile respondetur. Nam beatus Lucas & Marcus, quod erat regulare tradiderunt absque præjudicio jam datæ exceptionis apud Matthæum. Non est enim novum, aliud exemplum per aliud declarari, & in alio poni regulam, in alio tradi exceptionem. Marcus porro, ut ostenderet se loqui extra casum adulterii, dicit: *Quod si quis dimiserit uxorem suam, & aliam duxerit, mæchatur super eam, hoc est, in illam, seu in ejus injuriam. Quod si factum esset ex causa adulterii, non sane diceretur in illam, id est, in ejus injuriam factum: quandoquidem prius ipsa mæcha fuisset.*



set, & amisisset jus suum super viri corpus. Dices ex Augustino, per illa signa universalia, quicumque & omnis, homo includitur. Omnem autem causam includi non est necesse. Unde & Dominus excipiens causam adulterii, usus est illa voce, quicumque, dum ait: Dico vobis: Quicumque dimiserit uxorem suam, nisi ex causa fornicationis, &c. Quamobrem ipsemet beatus Augustinus in libro 11. Retractionum non perfecte se rem explicasse, ingenue fatetur. Ceterum non potest homo separare quod a Deo conjunctum est; sed ipse qui conjunxit, potest etiam separationem permittere. Quod ergo se vir ab adultera separaret, a Christi sententia habet, qui est legislator, non ab ullius hominis auctoritate: & cum ab ea separatus sit, quid vetat quominus aliam ducere possit?

11. Licitæ est dimissio uxoris ex causâ adulterii, per quam tamen dimissionem illud proculdubio fit, ne sint duo in carnem unam, & tollatur ex parte viri obligatio adhaerendi uxori suæ: ita ut solvatur vinculum Matrimonii, saltem ex parte viri, & hoc auctoritate Dei. Quid ergo mirum, si eadem auctoritate concedatur, aut potius expresse concessum sustineatur, posse novum iniri conjugium cum adultera, quæ jus suum suo crimine perdidit. Ex hoc tollitur argumentum ex horum vi verborum: Adhaerebis uxori suæ, & erunt duo in carnem unam. Unde ex causâ adulterii sublata est illa obligatio adhaerendi uxori suæ, cum ipsa carnem illam unam disciderit, & fecerit ad unam carnem non esse duos, sed plures; unde & marito jus suum perdidit, & revera sacramenti significationem destruxit:

Dices ex Paulo, si donec vivit vir, mulier alligata est, casus adulterii, videlicet si vir adulterium commiserit, non liberat eam a viro, seu a lege viri. Igitur nec e contra liberatur vir a jure mulieris, si illa fuerit adultera: sed dicitur, quod posita per adulterum regula non præjudicat exceptioni jam a Christo posita; alioqui non posset virum in casu adulterii dimittere, & debitum carnis illi adultero denegare, secundum communem Doctorum sententiam. Beatus Ambrosius aut alius dat disparitatem: sic ut viro quidem liceat propter uxoris adulterium repudium dare, & aliam ducere; non sic autem e converso mulieri per adulterium viri.

III. Si Matrimonium solvatur in causa adulterii, destruetur sacramenti ratio seu significatio, quia significat conjugium illam conjunctionem, quæ est inter Christum & Ecclesiam. At hæc est insolubilis. Sed dicatur: Quomodo Matrimonium est insolubile, cum morte solvatur id quod non est in conjunctione Christi & Ecclesia? Respondent forte, hoc quidem esse per accidens, sed per se, & ex natura sacramenti esse ut dissolutionem non ferat. Idem ergo versa vice respondebo, quod sicut morte accedente solvitur Matrimonium per accidens, ita per adulterium solvi per accidens: at solvi tamen.

IV. Christus nullo modo separatur ab Ecclesia neque secundum torum, neque secundum vinculum. At hic concedunt separationem propter adulterium, saltem secundum torum: quanquam revera hæc separatio tori est etiam dissolutio vinculi, saltem ex parte. Et enim conjux propter adulterium alterius conjugii liberatur a vinculo, quo ea antea tenebatur: ita ut non habeat ulterius potestatem corporis illius. Ubi est ergo illa significatio indissolubilitatis Matrimonii?

V. Solvitur conjugium non consummatum per ingressum religionis: potest insuper, ut plures dicunt, separari conjugium per separationem Papa: ubi ergo est hæc significatio? Sed comminiscuntur, conjugium ante copulam non significare conjunctionem Christi cum Ecclesia, sed Christi cum anima. Si ergo ponitur, quod ante copulam mulier committat adulterium, tunc vir poterit licite illam dimittere, & aliam ducere, quia significatio non obstat: quod tamen nescio an illi concedant.

VI. Si viro non liceret alteri nubere, ne significatio sacramenti violetur, nec licebit illi dimittere adulteram, & separare seipsum perpetuo a toro, quia & in ejusmodi conjunctione violatur vinculum singulare, quod est unam carnem esse, & habere conjugii suæ: & ideo violatur significatio, quia, Christus nunquam ab Ecclesia sua separatur. Quocirca nescio quo pacto defendi possit, & non solvi vinculum per adulterium: sed solummodo torum, quasi vinculum tantum in hoc consistat: ut alter scilicet non possit alteri jungi, & non in hoc videlicet ita conjuges esse carnem unam, ut in ea quilibet eorum jus habeat, quod in hoc casu non est. Adultera enim perdidit jus suum, ut omnes fatentur, si maritus eam dimittat.

## REGIA IN MATRIMONIUM POTESTAS. 515

*Ceterum indissolubilitas Matrimonii non proficitur a ratione significationis, sed a natura rei & a verbo Domini, & ab ipso facto, id est, ab ipsa carnali copula. Nam ipse Dominus Deus, qui fidelium Matrimonii assistit, indissolubili vinculo conjungens eos, dicens: Propter hoc relinquet homo patrem & matrem, &c. Quae Domini verba omnino per adulterium violantur, quoniam non jam sunt duo ad unam carnem, sed plures. Denique propter mala, quae ex hoc evenire possunt, aequum non est legem aliqui rectam aboleri. Hæc Catharinus, qui videtur difficultates varias, quæ a ratione petuntur, exhaustisse.*

LXXVIII. Tridentinum Concilium in sessione XXIV. quæ anno MDLXIII. habita est, in canone VII. *Si quis dixerit Ecclesiam errare, cum docuit & docet juxta evangelicam & apostolicam doctrinam, propter adulterium alterius conjugum Matrimonii vinculum non posse dissolvi, vel etiam innocentem, qui causam adulterio non dedit, non posse altero conjuge vivente aliud Matrimonium contrahere, mæcharique eum, qui dimissa adultera altam duxerit, & eam quæ dimisso adultero alii nupserit; anathema sit.*

At quomodo canon iste conditus fuerit ex libro XXII. Tridentinæ historix, quam Sforza Cardinalis Pallavicinus composuit, discendum est. Sic enim in cap. IV. scribit: *Canon quoque paratus fuerat cum anathemate in eum, qui diceret, Matrimonia consummata ob adulterium dissolvi. Sed Oratores Veneti die XI. Augusti, cum ipsis posterior modulus ostensus est, solenniter exposuerunt Conventui, Venetam Rempublicam semper conjunctissimam fuisse Apostolicæ Sedi, & Conciliis æcumenicis ejus auctoritate celebratis, pioque semper studio amplexam ac veneratam decreta sanctionesque inde profecta, utpote divinam gloriam, animarum salutem, pacemque Christianorum promoventia. Verum ab eo, quod septimo canone parabatur, nisi moderatione aliqua reformaretur, inferri posse non modicam offensionem Orientis Ecclesiæ; præsertim vero Venetorum insulis, Creta, Cypro, Corcyre & Hacıntho, Cephalenia, & aliis multis, non solum cum publice quietis, sed cum Ecclesiæ Catholice detrimento. Compertum esse Patribus, tametsi Græca Ecclesiæ a Romana ex parte dissentires; non tamen eo desperationis devenitum esse, ut meliora sperari non possent: præsertim cum Græci in subiectis Reipublicæ locis degentes,*

quamvis suo ritu viverent; tamen Praefulis a Romano Pontifice assumptis obtemperarent. Eapropter tum rerum convenientia, tum Oratorum munere se compelli, ne ipsi eos populos percui sinerent ejusmodi anathemate, quo ad tumultum integramque a Sede Apostolica secessionem provocarentur. Satis constare, in more positum apud Græcos, ut uxorem adulteram deserant, & aliam ducant, veterrimam majorum consuetudinem, ut ipsi dicunt, secuti: nec idcirco illos damnatos, aut anathemate percussos fuisse ab ulla Synodo œcumenica, etiamsi Romana & Catholica Ecclesiæ hujusmodi mos liquido innotuisset. Existimare igitur Oratores, sui esse muneris, quam efficacissime possent, postulare ut voces illæ canonis adeo moderate lenirentur, ne Græcis detrimentum inferrent; praesertim intentato anathemate, quod dubium non erat confici posse, non solum nulla pars Ecclesiæ Catholica indignitate, sed fortasse retenta plurimorum Doctôrum reverentia. Possent quantum ipsi rebantur, & obtineri quod Synodus intendebat, & Reipublice satisfieri, canonē ejusmodi verbis constato: Anathema sit, si quis dixerit, sacrosanctam Romanam, Catholicam & Apostolicam Ecclesiam, quæ mater & magistra aliarum est, errasse aut errare, cum docuit & docet propter adulterium alterius conjugum Matrimonium non posse dissolvi, nec utrumque, vel etiam innocentem conjugem, qui causam adulterio non dedit, debere novum Matrimonium contrahere, mæcharique eum, qui dimissa adultera alteram duxerit, & eam, quæ dimisso altero alii nupserit. Propterea rogari Patres ab Oratoribus, ut vel ea, vel alia meliori ratione pro ipsorum prudentissimo arbitratu vellent in eo gratificari serenissima Reipublicæ, quæ semper sacrosanctæ Sedi Apostolicæ obsecuta plane fuerat, & erat obsecutura.

Hic sisto tantisper, vbi de Sede Apostolica sermo instituitur. Oratores hi noverant Curiam tempori sæpe, sed Sedem Apostolicam veritati semper servire. Curiam privatis sæpe, Sedem vero Apostolicam publicis commodis semper studere, nisi forte, quod vitari aliquatenus vix potest, subreptio vel obreptio interveniat. Sed cum intervenit, notum est illud beati Bernardi in epistola CLXXX. ad Innocentium II. *Hoc soles habere præcipuum Apostolica Sedes, ut non pigeat revocare, quod a se forte deprehenderit fraude elicitum, non veritate promeritum.*

*Res plena aequitate & laude digna, ut de mendacio nemo lucretur, præsertim apud sanctam & summam Sedem. Pallavicinus continuo pergit.*

*Hoc exemplar ab Oratoribus propositum videbatur alicui ex ipsis, aut ex ipsorum Consiliariis notam hæresis haud inusurum opinioni contrariæ, sed vim duntaxat habitum: unum ad infligendum anathema temerariis in eo vituperatoribus Ecclesiæ, quæ optimis nixa fundamentis, eam doctrinam, tametsi non tanquam fidei dogma, traheret. Aliud fortasse ab aliis considerabatur, nimirum per eam sanctionem non damnari tanquam hæreticam sententiam oppositam, nisi posita Ecclesiæ auctoritate, & non quasi divinis literis evidenter id repugnaret: adeoque parvi dignitati sancti Ambrosii, qui, ut ipsi arbitrabantur, id scripserat; & etiam Græcorum nomini, donec illis in comperto non esset ab Ecclesiâ oppositum doceri, & donec ejus auctoritati contumaciter iidem haud refragarentur. Et paullo post: Postea cum super ea re sententiæ dicerentur, Andreas Evesta Episcopus Legionensis, postulatam rejectit, affirmans ab Ecclesiâ non usurpari eam damnandi formulam: Si quis dixerit, Ecclesiâ errasse. Hanc veritatem esse certam ac firmatam in Synodo Milevitana cap. XIII. in sexta œcumenica & in Florentina, adduxitque ex Patribus Græcis Clementem Alexandrinum & Basilium. Quod si quis ex aliis deerraverat contrarium opinatus; complures tamen eorum qui adducebantur, alio sensu locutos fuisse: quod ille palam fecit, eorum dictis expensis. Et sane creditum est, si Evesta loquendi locus inter primos obiigisset, sicut inter postremos debebatur in Conventu, tantum ab eo numerum assessorum pertractum iri, quantus ad refellendam petitionem satis fuisset. Veram re ipsa plura suffragia consenserant, ut Oratoribus satisfaceret. Hæc Pallavicinus.*

1. Venetorum Oratores magna quidem suis ad Tridentinos Patres admonitionibus consecuti sunt, majora consecuturi sine dubio, si Orientalis Ecclesiæ opportunitatibus Romanæ & Occidentalis Ecclesiæ opportunitates admisissent. Occidentalis & Romana Ecclesiâ in Arelatenſi Concilio I. Viris adolescentibus consulunt, ut dimissis propter adulterium uxoribus, non ducant alias: haud consulturæ tantum, sed etiam prohibituræ, si juxta evangelicam & apostolicam doctrinam

518 REGIA IN MATRIMONIUM POTESTAS.  
nam prohiberi potuisse credidissent.

II. Hispaniensis Ecclesia, quæ Occidentalis pars est non minima, id in Eliberitano Concilio fecit, quod Venetorum causam adjuvasset, & Andreæ Evestæ Legionensi Episcopo linguam oclusisset. Joannes Maldonatus, & ipse Hispanus, Concilium hoc a Venetorum partibus stare fatetur ingenue in caput XIX. Matthæi, licet ab eo Concilio dissentiat.

III. Romana Ecclesia iterum in responsionibus, quas interroganti Bonifacio Moguntinensi Episcopo per Gregorium II. dedit, pro Venetis nervose dixisset, sed in duabus Synodis, quas Eugenius II. & Leo IV. habuerunt, & in vetere Pœnitentiali suo, quod publicam disciplinam exhibet, & quod multorum instar est auctorum & librorum, omnino perorasset.

IV. Perorationi huic ut cumulus accessissent duo. Unum est fidei professio, quam Romani Pontifices quatuor, Clemens IV. Gregorius X. Joannes XXI. & Nicolaus III. Orientalibus, ut eam in signum initæ cum Occidentalibus concordie ederent, obtulerunt. Hæc fidei professio relata est supra num. LXVIII.

Alterum familiarissima illa de Matrimoniorum dissolutione collocutio, in quam Eugenius IV. & Latini cum Græcis edira jam fidei definitione Florentiæ venerunt. Repetiram ex propriis monumentis collocutionem supra num. LXXI. proposuimus. Admissa collocutione Legati Venetorum suis insensuissent commodis; rejecta, Romana incommodi multum cepisset Ecclesia.

V. Evesta Legionensis Episcopus de Milevitane Synodi canone XIII. non ita locutus esset, ut locutus est, si beatum Augustinum qui Synodo interfuit, de hac materia in libro de fide & operibus cap. XIX. in libro I. de sermone Domini cap. XV. in libro I. de conjugii adulterinis cap. VIII. & XXV. in libro I. Retract. cap. XV. & in libro II. eorumdem Retract. cap. LVII. in tractatu IX. in Joannem, & in epistola LXXXIX. ad Hilarium quæst. IV. differentem vel legisset, vel audivisset.

VI. Evesta non laudasset Synodum sextam pro Quinisexta,

si sextam nullos edidisse canones novisset : non novit, quod imperfectæ scientiæ indicium est certissimum. Expetentia vero rerum magistra constat, scientiam minus perfectæ comparatam in eo, qui præservidi & tortuosi est ingenii, mala multa, sed bona pauca efficere posse, & si quæ bona efficiat, id casui & fortunæ deputandum est.

VII. Evesta non laudasset quoque Synodum Quinisextam seu Trullanam, si editos a Balsamone & Zonara in illius Synodi canones commentarios perlegisset.

VIII. Evesta Florentinam Synodum laudasset sincerius quam laudavit, si scivisset absolutam fuisse Synodum hanc, cui Græci Patres interfuerant, cum quod citare voluit, & sub nomine Florentinæ Synodi citavit, confectum est; scilicet decretum pro concordia Armenorum. Quidquid id est, supra exposuimus num. LXXII.

IX. Cum Evesta Clementem Alexandrinum adduxit, Origenem Clementis discipulum magistro longe superiorem ac doctiorem adducere omisit, & Constantinum Imperatorem, qui convenienter tractatui Otigenis legem tulit anno CCCXXI.

X. Basilium quoque non adduxisset, si Basilii canonem IX. & Balsamonis ac Zonaræ in eum commentarios legendo percurrisset.

Porro autem Pallavicinus, ut sancti Ambrosii auctoritatem, qua utebantur Oratores Venetorum, elevet, Joannis Maldonati & Philippi Labbæi opinionem, ut in margine indicat, secutus, dicit commentarios in epistolas beati Pauli non esse Ambrosii; sed vel Remigii, vel Hilarii Romanæ Ecclesiæ Diaconi schismatici. At si sint Remigii seu Lugdunensis, seu Remensis, inde liquet horum commentariorum doctrinam Gallicanæ Ecclesiæ moribus non repugnasse. Remigius, ut ea ferebat ætas, vir erat doctissimus. Si vero sint Hilarii Romanæ Ecclesiæ Diaconi, inde quoque liquet, horum commentariorum doctrinam ab Romana non abhorrere Ecclesiæ, dummodo non fuerit alia tunc in ea, alia tempore Gregorii II. Eugenii II. & Leonis V. doctrina de solvendis ob adulterium Matrimoniiis.

Hilarii schisma a ferendo hac de re testimonio non excludet apud eos, qui noverint Hieronymum Catholicos & hæreticos Antistites in vnam aggregasse sententiam, cum certus quidam epistolæ ad Galatas locus eundem Hieronymum & Augustinum inter se commissos acriter teneret: qui noverint, Hieronymum & Theodoretum in explicandis Scripturis Theodotionem, Symmachum & Aquilam citare, quamvis illi ab Christiana religione defecissent: qui noverint Catholicis tractatoribus agnoscentes duas in Christo voluntates hæreticos in sexta Synodo adjungi: qui tandem noverint Stephanum I. Rom. Pont. ut suum de non rebaptizandis quibuscumque hæreticis decretum confirmaret, sic usum fuisse disciplinæ hæreticorum: *Si quis ergo a quacunque hæresi venerit ad nos, nihil innovetur, nisi quod traditum est, ut manus illi imponatur in penitentiam*, CUM IPSI HÆRETICE PROPRIE ALTERUTRUM AD SE VENIENTES NON BAPTIZENT, SED COMMUNICENT TANTUM.

Nunc superest, ut de utroque canone, quem Pallavicinus exhibet, nonnihil dicamus. Si canon prior inter vulgatos Tridentini Concilii canones extaret, quinam subjicerentur anathemati, replicata traditionis memoria facile dijudicaretur; sed quia non erat in dijudicanda re, tempus male collocaretur: abuti esset otio & literis, ut contentiosus funis duceretur. De posteriori canone agendum est, qui inter vulgatos Tridentini Concilii canones extat, & quem Pallavicinus in Venetorum gratiam adornatum & emollitum esse significat. In eo percutiuntur anathemate, qui dicunt *Ecclesiam errare*. Sûnt, opinor, heterodoxi. Sed quid ibi nomine Ecclesiæ intelligatur, non est facile suspicari. Nam quo tempore Florentina habebatur Synodus, Orientalis Ecclesia certa quædam dirimebat Matrimonia, nec illa dicebat Occidentalem Ecclesiam errare, quod non similiter Matrimonium dirimeret, & vicissim Occidentalis Ecclesia non dirimebat Matrimonia, nec illa dicebat Orientalem errare, quod illa dirimeret Matrimonia.

An autem canonis istius argumentum disciplinæ sit vel dogmatis, haud difficile constabit ei, qui derivatæ ab initio Eccle-



Ecclesiæ circa Matrimonii dissolutionem traditionis monumenta primum revolvat. Deinde revoluta monumenta illis aprabit regulis, quas Tridentinum Concilium ad sanciendum dogma vel disciplinam sess. IV. v. VII. XIV. cap. 1. & v. sess. XXI. cap. IV. sess. XXIII. cap. 1. sess. XXIV. in doctrina de sacramento Matrimonii, præscripsit. Addendus est articulus ex forma juramenti professionis fidei. *Item sacram Scripturam* (puta Matthæi cap. v. versu XXXIII. cap. XIX. versu IX. Marci x. versu XI. Lucæ cap. XVI. versu XVIIII. cap. VII. prioris ad Corinthios epistolæ versu x. & XI.) *juxta eum sensum quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, ad id, nec eam unquam nisi juxta unanimem consensum Patrum accipiam & interpretabor.*

Nunc ad finem decursæ traditionis observatione nova confirmandum est, quod in parte II. tractatus art. II. cap. II. statui, & argumentis VII. asserui, quæ videntur impedire, quominus facilitate tanta Constantinæ lex & Justiniani novella CXVII. de Matrimonio damnentur a quibusdam recentioribus, quanta damnari solent. Igitur in decursâ traditione offendi neminem, qui Constantini legem vel Justiniani novellam ad examen revocaret & redargueret. Fuerunt quidam, qui ad caput v. vel XIX. Matthæi contra Judæos de libello repudii & de divortio varie disputaverint; sed qui cum Constantino vel Justiniano de ea re manum consuetuerint, & Imperatores ex jure manu consertos ad Christum vocaverint, non fuerunt.

Imperator Zeno novam fidei formulam ita varie conscripam, ut in eam hæretici perinde ac Catholici consentirent, edidit, & Henoticum appellavit: Illud Catholici Antistites rejecerunt, & inter alios Felix III. statim atque in Simplicii locum successus est. Nec Silvester Papa, nec alii Episcopi Constantino restiterunt ferenti legem, cujus initium est: *Plausi mulieri non licere.*

Gregorius Mauritio restitit ferenti legem, qua ne *milites in monasterio susciperentur*, prohibuerat, Imperatoremque eo adduxit, ut legem suam emolliret. Equales Justiniani:

Pontifices ei non resisterunt ferenti legem, quæ est de diversis causis divortiorum.

Clemens IV. Gregorius X. Joannes XXI. & Nicolaus III. cum fidei formulam obtulerint Orientalibus, ut cum Occidentalibus redirent in gratiam, Orientales a servandis Constantini & Justiniani legibus non absterruerunt. Non absterrere in tali rerum circumstantia, quid aliud est, quæso, quam illorum disciplinam asserere, & Venetorum causam apud Tridentinos Patres fortiter orare?

Eugenius IV. Græcorum circa Matrimonii dissolutionem disciplinæ, quæ Imperatorum edictis asseritur, non restitit, ratus eam ad fidei dogma non pertinere: sed disciplinæ tantum rationem petiit, non petiturus tamen omni ex parte, si vetus illi occurrisset Romanæ & Occidentalis Ecclesiæ disciplina. Non repetam, quæ suo loco in hanc rem disseruimus, etiamsi digna sint quæ repetantur, insignantur & inculcentur.

Porro autem quidquid pro defensione Imperatorum & Clementis III. dici potest, breviter complector. Imperatores & Clemens III. *moeretas* seu fornicationis nomen, quo Christus apud Matthæum vitur, non solum pro stupro, sed etiam pro quibusdam aliis criminibus in Scriptura expressis acceperunt, eoque sic accepto suas de divortio leges condiderunt: nec Sacerdotes qui per orbem præsidebant Ecclesiis, repugnarunt, coram repugnaturi sine dubio vel omnes, vel aliqui certe, si per leges huiusmodi Christiana fides seu religio in periculum venisset. Quinetiam si quid peccatum esset ab Imperatoribus, tunc & regnum agendo & sacerdotium pariendo, parem culpam suscepissent, aut oppido quam falluntur Romani Pontifices octo, Celestinus I. Leo I. Hilarus, Felix III. Gregorius I. Leo II. Gregorius VII. & Paschalis II. quorum auctoritates in prima parte tractatus art. 1. cap. xi. descriptæ sunt, & ut murus alieneus objectæ volentibus condemnare, quæ vetus non condemnavit Ecclesia; & ideo minus congruenter pronuntiare, cum ad pauca respiciunt.

## CAPUT VI.

*Sub Ludovico Germania Rege regia in Matrimonium potestas retenta.*

**V**IDEAMVS modo an deterior sit Regum Germaniæ, vel Imperatorum Occidentis, quam Orientis conditio. Non commemoro hic, vt jam præmonui, quæ de causis impedimentiſque Matrimonii edixerunt Imperatores, qui vna Galliæ Reges fuerunt. De iis jam actum est in altera tractatus parte. Quod autem de Ludovico Germaniæ Rege, qui ab anno DCCCXL. vsque ad annum DCCCLXXVI. clauit, proponimus, narratur in chronico, quod in monasterio sancti Bertini fuisse scriptum videtur. *Ludovicus Germaniarum Rex hostem suam contra Vincedos directam, & prospere agentem recepit, cuius filius & æquivocus contra patris voluntatem filiam Adalardi despondit; unde satis animum patris offendit. Carolus obviam fratri suo Ludovico ejus colloquio fruturus Coloniæ pergit, & in talia colloctionum suarum verba patrem & filium de jam dicta presumptione pacificas ea conditione, vt jam Adalardi filia non copuletur. Sic igitur dissolutum fuit illud conjugium, quia contra civiles leges initum, quibus, ne filii contra parentum voluntatem inirent, cautum est.*

## CAPUT VII.

*Sub Henrico III. Imperatore regia in Matrimonium potestas retenta.*

**Q**UÆ pro conservando suo in Matrimonium jure Henricus, qui ab anno MXLVII. vixit vsque ad annum MLVI. gessit, ea sic se habent lib. III. Annalium Flandriæ.

*Vuu ij*

ad annum M L I X. quibus consentiunt Annales Hannovix manuscripti in Bibliotheca Navarrici in Parisiensi Academia Collegii: *Baldwinus Insulensis Flandrix Comes, defuncto Hermann Montensi Comite, magnis viribus invasit Hannoviam & Richildem Hermannii viduam, quæ Montensem Comitatum & omnem Hannovia terram & jure dotis & procuracione liberorum possidebat, rapuit, filioque in Matrimonium collocavit. Tunc Leo IX. cujus nephis erat Richildis, & Henricus III. pro suo quisque jure, adversus Baldwinum & viduam acerrime pugnarunt: ille dirarum fulmine, hic bellorum acerbitate. Dirarum causa fuit, quod Apostolicam Sedem de prohibitis gradibus non consuluerat: bellorum causa, quod Hannovia imperialis juri esset. Vel, ut Annalibus Hannovix scribitur: Cujus (Matrimonii) ratione Imperator Henricus commovit bella contra dictum Baldwinum, ex eo quod viduam, quæ erat sub Imperatoris tutela, sine ejus licentia raperat, & Matrimonio conjunxerat. Matrimonium itaque, quod duplex rescindebat caput, raptus & Imperatoris dissensus, pœna duplex excepit. Porro diuturnior fuit pugna Cæsaris, quam Pontificis, qui quod suum esse credebat, liberaliter concessit. Nonnulli tamen dixerunt, non esse indictum ab Leone decretum anathematis, nisi ea lege, ut adempto sociali jure toti in perpetuum postea secubarent. Ut sit de Leonis facto, successor illius Victor II. in Agrippinensi Synodo, & Henricus I. Rex Francorum, dicuntur auctores fuisse pacis, quæ Cæsarem inter & Comitem subsequuta est. Itaque Imperator de suo jure decessit: & sic Matrimonium, quod dissentiente Cæsare nullum erat, eo postea consentiente ratum habitum est.*

Ab hoc Imperatore aliud sumamus exemplum, quod Antonius Bonfinius lib. 11. decadis 11. rerum Hungaricarum ita refert: *Sophiam filiam forma spectatissimam, quam paulo ante Philippo Franciæ Regis filio sacra asseveratione spononderat, rescissa affinitate conjugaturum in artissimum aterna pacis vinculum: quoniam modo desponsatam filio Regis Gallia gnatam rescissa prestantissima affinitate Andrea filio spondidisset, nisi aliqua vehementi necessitate adactus ad eas condiciones descendisset. Ex hoc certe videre licet, quousque in rescindendis aut curandis sponsalibus,*

REGIA IN MATRIMONIUM POTESTAS. 525  
progrediatur ratio publicæ salutis. Hoc est, ut diuturnum  
graveque bellum, quod Germanos inter & Hungaros arde-  
bat, extingueretur.

---

## CAPUT VIII.

*Sub Henrico IV. Imperatore regia in Matrimonium po-  
testas retenta.*

**H**ENRICVS IV. Henrici III. successor, quam a ma-  
joribus impediendi pro bono Reipublicæ conjugia pro-  
cerum auctoritatem acceperat, ita contestatus est apud Guil-  
ielmum Neubrigensem lib. I v. de rebus Anglicis cap. xxxii.  
Res sic se habet : Philippus Augustus Rex Galliarum postmodum  
nuptiarum facti velut perturbatus, maleficorum artibus ab uxore  
avertitur, eam repudiare cogitat, consilio favent Bellova-  
corum & Carnutum Præfules, Comitis Palatini filiam, quæ  
consobrina Imperatoris erat, expetiit, Imperator Francorum  
amantissimus ut Regi satisfaceret, Palatinum virum, ut fe-  
rebatur, in Imperio summæ post Cæsarem amplitudinis ac-  
cessivit: novi conjugii nuntius ad aures matris pervenit, hæc  
filiam de regio toto convenit, cum ea diligentius agit, am-  
bæ præsumptum Isburgic Reginæ divortium expendunt: ac  
tandem illud exemplum verita puella Regis nuptias abhor-  
ret, alium appetit conjugem, Henricum scilicet Saxonici  
Ducis filium; mater vero ad animum filiarum inclinata ei dicit :  
*Confide, filia, quia per maternam operam formidato liberata exem-  
plo, optato potieris connubio. Mox eundem Henricum elegantissi-  
mum & strenuissimum juvenem Regis Anglorum ex sorore nepotem,  
virago mirabilis secretis literis advocavit. Ille festinus occurrit,  
filiam tradente matre accepit, & confestim solennis nuptiarum ri-  
tus peractus est. Interea, inquit auctor, nova nuptia pater ab  
Imperatore inductus, ut regis filiam nuptiis honestaret, acta rei  
repente fumam accepit: Imperator quoque rem audiens, credensque  
hoc præter ejus conscientiam fieri minime potuisse, acriter contra eum*  
Vnu iij

motu excanduit, & ad se vocatum mordaciter increpavit: tum quia juvenem oderat; tum quia factum erat aliter quam volebat; tum quia stomachanti atque objurganti satisfaciens: Per salutem, inquit, tuam, Imperator, mea hoc neque voluntate, neque conscientia actum est. Sed conjugem meam consobrinam tuam contemplatione juramenti olim a me & illa felicitis memorie patri tuo Imperatori Duci Saxonie prestiti absentem me credo patrasse. Unde tua mihi celsitudo succenset? Tum Imperator: Vade, inquit, & nebulone illo expulso rescinde quod actum est. Et ille: Noli, ait, sic loqui, Imperator. Nam consueque, ut dicitur, res processit, ut absque sempiterno filiae meae dedecore rescindi non possit. Hic primum advertatur, quid juris penes se esse Imperator agnoscat, ratus hoc Matrimonium praeter suam conscientiam fieri minime potuisse. Deinde quid pro excusatione adferat Palatinus Comes. Non dicit Principis hac in re necessarium non esse consensum, aut jure impediendi conjugia procere carere, immo ei tacite consentit. Quomodo igitur excusat sese? Filia, inquit, jam nupsit alicui. Sed qua id ratione factum? Volente quidem matre, & clam se; sed Imperatore conscio, qui nuper fatis concesserat. Postremo dum audita Comitum purgatione, inquit: Vade, & nebulone illo expulso rescinde quod actum est. Supponit profecto Matrimonium fuisse rescissioni obnoxium: de facto quippe, non de jure contractum, quia defuerat illius consensus. Neque vero ab Imperatoris consilio recedit Comes. Sic Imperatori modeste respondens: Noli sic loqui, Imperator. nam consueque res processit, ut absque sempiterno filiae meae dedecore rescindi non possit. Id est, si Matrimonium, quod jam consummatum est, solvatur, filia mea jam pro concubina habeatur necesse est. Ne tamen deinceps falso causetur quis, Imperatori Comitem haud paruisse, audi cur res aliter ac primum voluit Imperator, evenerit sine ullo juris sui damno. Desit ille rescissionem urgere, seu quia desit Rex Galliae filiam Comitum expetere, (comperit enim tunc est legitimum Regis cum Isburge connubium,) seu quia paternae postea voluntati suam accommodaverit, atque ita legitimum evaserit Matrimonium.

## CAPUT IX.

*Sub Ludovico IV. regia in Matrimonium potestas  
retenta.*

**L**UDOVICVS contractum inter Joannem Regis Bohemix filium, & Margaretam Karinthiæ Ducissam, Matrimonium dissolvit, quod Joannes ad opus Matrimonii foret inhabilis. En Ludovici diploma: *Ludovicus Dei gratia Romanorum Imperator Augustus, universis Christi fidelibus, quorum interest vel interesse poterit, in futurum manifestum esse volumus & facimus per presentes. Quod in judicio coram nobis per se, seu per certos nuncios seu procuratores exposuit illustris Margareta Ducissa Karinthiæ & Tyrolis Comitissa, quod vir nobilis Ioannes Regis Bohemix filius, jamdudum sibi Matrimonio copulatus, & postmodum in ætate debita constitutus, ac per tanta temporum spacia secum habitans, quanta sufficiunt ac sufficere debent secundum statuta tam divinæ quam humanæ legis ad debitum carnalis copulæ per virum sive maritum suæ uxori reddendum; eadem Margareta in ætate sufficienti similiter constituta, & seipsam, ut conveniens fuerat, præbente & exhibente ad præfatam copulam carnalem explendam, non potuit dictus Ioannes neque valuit, sicuti neque valet, aut potest, nec unquam posse creditur in futurum, eandem carnaliter cognoscere sibi conjugem Margaretam, quemadmodum multis, & quasi omnibus possibilibus modis hoc tentans, eundem Ioannem impotentem, & omnino inhabilem ad opus præfatum se dicit expertam, ac adversus eundem Ioannem, sibi que præfatum defectum inexistere coram nobis in judicio se reddidit per experimenta sufficientia & testimonia qualibet ad hoc necessaria probaturam. Quare super hoc habito maturo & deliberato consilio suorum procerum & consiliariorum omnium, nostram clementiam atque justitiam una cum præfatis imploravit & requisivit instanter, ut eidem super hoc providere de convenienti remedio dignareretur, & taliter etiam, quod per jus sive sententiam nostram li-*

eite posset a supradicto Ioanne jam vocato marito siue conjuge suo, de Matrimonio separari propter casum. siue impedimentum predictum, & ab eodem Ioanne totaliter sic absolui. ut eidem de cetero ad nullum Matrimonii debitum teneretur; sed posset de seipsa & suis omnibus ordinare, secundum quod sibi expediens videretur. Nos vero, cuius d. bitum est omnibus ac singulis reddere iustum ex officio & auctoritate, qua fungimur, prefatam Margaretam cum prefatis suis omnibus iustitiam instantissime requirentibus & supplicantibus nostris dignum duximus exaudire, & nihilominus absque offensa juris prefati Ioannis jam vocati conjugis sui, si jus aliquod in contrarium habuisset, ad expeditionem seu terminationem litis premisse inter vocatos conjuges prefatos processimus. In hac forma videlicet, quod vocatos conjuges prefatos citari fecimus atque vocavimus in iudicio coram nobis, assignantes eisdem secundum formam juris debitum atque intum locum & temporis spatium, infra quod possent & deberent in iudicio coram nobis comparere ad agendum & defensandum, & cetera faciendum, que necessaria forent pro inquirenda veritate super lite prefata. Verum & Margareta jam dicta per se, seu per suos certos nuncios, siue procuratores sufficienter comparuit in iudicio coram nobis per omnes terminos sibi assignatos, & cum omnibus probationibus & testimoniis sufficientibus ad convincendum supradictum Ioannem impote. rem esse atque privatum naturali potentia ipsam carnaliter cognoscendi, aut quamvis aliam mulierem, seipsam quoque virginem usque in tempus & diem date presentis rescripti per sufficientia testimonia demonstravit. Supradictus vero Ioannes in prefatum iudicium coram nobis impositi sibi defectus per prefatam Margaretam ver similiter conficius, nec per se, nec per aliquem legitimum nuncium, siue procuratorem comparuit, tempore debito, siue statuto, nec quicquam in contrarium impositi sibi defectus per Margaretam prefatam per se vel per alium allegavit; sed consummax ex natura se convictum reddidit, atque confessum de his omnibus, que sibi per predictam Margaretam fuerant tam imposita, quam probata, sufficientia quidem ad Matrimonii divortium inter ipsam & prefatum Ioannem per sententiam consummandum. Nec potest, nec unquam cum veritate poterit supradictus Ioannes, aut quisvis alter pro ipso iudicem vel locum comparendi per



per nos sibi assignatum allegare suspectum. Nam hactenus retroactis temporibus, tam Ioanni Regi Bohemia patri suo, quam etiam Carolo de Bohemia fratri suo, pluries & locis pluribus nostrae coactivae potestati subiectis, fidum ac tutum placitandi nobiscum assignavimus locum, in quo personaliter affuerunt, & cum omni tranquillitate manserunt; ac inde absque molestia qualibet secundum ipsum beneplacitum recesserunt: quod & ante dicto Ioanni benigne offerri fecimus, & acceptare contempsit, ut supra iam diximus. Per auctoritatem ergo nobis rite debitam & concessam, & legi divinae conformiter, sicuti certum est, & asserunt sacra Scriptura, siue divinae leges atque civiles sententiae sufficientes, ac comprobati Doctores, ad divortium siue separationem Matrimonii faciendam inter vocatos conjuges Ioannem & Margaretam predictos procedere volentes atque debentes, infra scriptam sententiam tulimus in haec verba: Nos Ludovicus IV. Dei gratia Romanorum Imperator Augustus pro tribunali iudice sedentes in causa siue lite divortii seu separationis Matrimonii, quae vertebatur inter illustres personas, Ioannem Regis Bohemia filium, requisitum parte ex una, & Margaretam Ducissam Karinthiae, & Tyrolus Comitissam, ex altera parte tanquam attricem, ac requirentem a dicto Ioanne jam vocato conjugis suo de Matrimonio separari. Visis & intellectis tam per nos quam praefatos Doctores iuribus, rationibus, probationibus & testimoniis Margareta praefatae, necnon contumacia iam dicti Ioannis: dicimus, diffinimus & determinamus, praefatam Margaretam separari debere seu posse de Matrimonio a sapredicto Ioanne, eque converso, cum iisdem, vel ipsorum alteri id videbitur expedire. Ipsam quoque Margaretam hoc requirentem instantiter, ut supra, separamus, absolvimus, & separatam esse iudicamus in Matrimonio a iam dicto Ioanne, per hanc nostram sententiam diffinitivam. Simili quoque modo supradictum Ioannem a praefata Margareta in Matrimonio per auctoritatem & per nostram sententiam diffinitivam separantes. Ita videlicet quod de cetero praefatus Ioannes supradictae Margareta in nullo Matrimonii debito teneatur, neque similiter praefata Margareta supradicto Ioanni; sed liberum sit utrique de corpore proprio siue persona & omnibus bonis propriis, iuribus ac rebus tam mobilibus quam immobilibus facere vel disponere, & quodlibet ordinare pro sua propria libito voluntatis.

Ludovicus post dissolutum istud Matrimonium, Margaretz veniam fecit, vt Carolo Marchioni Brandeburgensi consanguineo suo nuberet. Diplomatis verba sunt: *Nos Ludovicus IV. Dei gratia Romanorum Imperator Augustus, vniuersis Christi fidelibus, quorum interest, aut poteris interesse, notum esse volumus & facimus per seriem infra scriptam, quod in nostra presentia personaliter constituti illustres, Ludovicus Marchio Brandeburgensis, & Margareta Ducissa Carinthie ac Tyrolis Comitissa, post habitum ipsorum maturum ac deliberatum consilium, animum atque actualem voluntatem habentes se invicem in Matrimonio legitime copulandi: dubitante tamen prefato Ludovico & Margareta, ne aliquo gradu affinitatis sanguinis tale conjugium siue Matrimonium humanarum legum aut Romanorum Principum statuto, decreto vel ordinatione alia quomodolibet appellata, impedimentum aliquod pateretur: supplicaverunt ac petiverunt instanter, tale impedimentum consanguinitatis, si quod inter ipsos affuerit vel adisset, per dispensationem nostram relaxari, ac per nostram auctoritatem atque sententiam totaliter amoveri. Nos vero propter commune & evidentem Reipublice utilitatem manifeste visam sequi, ad conjugium supradictum prefatum impedimentum affinitatis sanguinis, si quod inter ipsos adisset, iudicamus esse tollendum, & simpliciter amovendum. Cum gradus affinitatis sanguinis, praesertim infra sorores & fratres, Matrimonium non impediat, divina seu Christiana legis statuto aliquo vel precepto, quemadmodum certitudinaliter novimus tam per eos, quam per supradicta legis divinae idoneos ac probatos Doctores: idque etiam assensu beato Augustino lib. XV. de civitate cap. XVI. dum de talibus affinitatis sanguinis gradibus tractans inquit, quod hoc videtur Matrimonium licitum fieri inter affines & consanguineos, nec lex divina prohibuit, & nondum prohibuerat lex humana. Quibus siquidem verbis duas sententias expressit Augustinus: unam videlicet supradictam, quod lege divina legitimum Matrimonium fieri non est prohibitum inter personas sanguinis affinitate conjunctas. Secundam vero sententiam scire fecit: videlicet, quod talis prohibitio Matrimonii inter consanguineos fieri habeat auctoritate legislatoris humani, aut ejus principantis, supremi Principis Romanorum. Idem quoque concedere atque fateri convenit Romanum Epi-*

scopum, Papam vocatum, cum suorum Clericorum catu, quos Cardinales appellant, veritate cogente. Nam prefatus Papa Romanus super impedimento affinitatis sanguinis per dispensationem tollendo a sanguinis affinitate conjunctis, invicemque Matrimonium contrahentibus, ad suam auctoritatem asserit pertinere, ac in talibus Matrimoniis pluries dispensaverunt de facto praeteriti quidam Pontifices Romanorum. Quod si talis gradus affinitatis sanguinis Matrimonium legitimum impedit, legis divinae seu Christianae praecepto, non possit aliquis hominum, quinimo neque angelus de caelo, dictum impedimentum per dispensationem aliquo modo amovere, hoc Christo testante: Facilius est calum & terram transire, quam unum aicem a lege cadere. Rursusque idem Dominus dixit: Caelum & terra transibunt, verba autem mea permanent in aeternum. Ex quibus manifeste apparet, ac fateri cogitur Romanus Episcopus, & per factum confirmatur ipsius, quod gradus affinitatis sanguinis non impedit Matrimonium fieri legis divinae vel Christianae praecepto: & quod si gradus affinitatis sanguinis quamquam licitum Matrimonium impediat fieri, hoc totum factum esset praecepto sive statuto legis humanae. De cujus siquidem legis praeceptis sive statutis dispensare solummodo pertinet ad auctoritatem Imperatoris seu Principis Romanorum. Nec obstat dicere, praefata Matrimonia esse prohibita lege divina, eo quod mali moris sunt: & propterea etiam peccata mortalia fore prohibita, ac proinde obligantia contrahentes ad damnationem aeternam: & contrariam dispensationem in his ad ministerium solummodo Ecclesiasticum Episcopum sive Presbyterum pertinere. Hic enim sermo rithoticus sive apparens, sophisticus est: falsum namque recipit, quoniam praefata Matrimonia non sunt mali moris, praesertim in aliquo casu. Nam & ipsa, tanquam in casu licita, fieri concedit Romanus Episcopus. Nec etiam rursus mali moris sunt absolute loquendo, quoniam non sunt cum malitia convoluta confestim, veluti furtum & crimina reliqua: & propterea nec sunt lege divina prohibita, quemadmodum dixit beatus Augustinus. Non syllogizatur autem, neque concluditur propterea, dispensationem de talibus ad Episcopum quemquam sive Presbyterum pertinere. Ego quod sint absolute prohibita lege divina, & sub poena damnationis aeternae: quoniam de his prohibitis nullus hominum, quinimo nec angelus de caelo, dispensare

posset vel ordinare sive concedere quod licite fierent, ut deductum est supra. Unde etiam juxta prædicta, de præceptis sacre Scripturae sive mandatis loquens Apostolus, inquit: Et si angelus de calo evangelizaret vobis aliud præter id, id est, contra id quod evangelizatum est a nobis, anathema sit. Nec propter aliud, nisi quod evangelizata erant per Apostolum divina prohibita vel præcepta. Rursus, quoniam præfata Matrimonia non fuerunt mali moris, neque prohibita secundum legem veterem, quamvis aliquando peccata fiant, sive fuerunt in antiqua lege, non quod sunt absolute, sive confessim cum malitia convoluta, neque mali moris, sed solummodo, quod lege prohibita fuerant: veluti carnes porcinæ & bestias non ruminantes comedere, quod ideo peccatum effectum est, quia prohibitum fuerat in lege Mosaica; non tamen propter malum, aut mali moris ex se, quemadmodum furtum, homicidium, falsum testimonium, & hujusmodi reliqua, quæ prohibita sunt legibus divinis & humanis, eoquod ex se mala sunt, & mali moris, confessim cum malitia convoluta. Ex his igitur omnibus jam prædictis manifeste apparet, cuilibet non corrupto ignorant avel malitia, vel utraque, auctoritatem dispensandi atque tollendi a Matrimonio impedimentum inter personas, & a personis sanguinis consanguinitate conjunctis, ad Romanum Principem pertinere. Propter quod nos Ludovicus IV. Romanorum Imperator Augustus præfatum affinitatis sanguinis impedimentum, si quod esset inter præfatos Ludovicum & Margaretam, quominus possent aut prohiberentur per humanæ legis aut Romanorum Principum statuta seu decreta, vel alias ordinationes quomodolibet appellatus, in Matrimonio copulari, tollimus, & per nostram auctoritatem atque sententiam tenore præsentium totaliter amovemus. Concedentes eisdem ac cuilibet ipsorum, ut absque offensa cujuslibet juris humani, statuti vel ordinationis alterius quomodolibet nominatorum licite se possint ac valeant in Matrimonio copulari. Absolventes etiam eosdem, ipsorumque legitimos filios & filias ac heredes nunc & in perpetuum a pœna qualibet reali, personali & infamia, & alia quavis quomodolibet nominata, si qua foret imposita contrahentibus Matrimonium infra consanguinitatis gradus aliquos nominatos per quemquam Principem, Romanum etiam, vel per leges, aut communis aliquam, collegium vel singularem personam, cujuscunque auctoritatis vel dignitatis

*existant. Quibus omnibus & singulis, & a quibus excipimus casum prædictum, de præfatis videlicet personis, Ludovicum & Margaretam jam dictos, & in quantum huic nostro rescripto sive dispositioni & concessioni nostre contradicunt, totaliter aut in parte, per hoc ipsum præfens nostrum rescriptum derogamus, & volumus derogari, eodem nihilominus semper in suo robore duraturo. Hæc apud Bzovium tomo XIV. ad ann. MCCCXL. num. VIII.*

Ludovicus Romanorum Imperator, qui tam potuit in Occidentali imperio, quam Græcus in Orientali subditis veniam dare, ut in prohibito consanguinitatis gradu Matrimonium contraherent, aut quam olim potuerunt in Italia Reges, quos nullus unquam Pontifex de usurpato Ecclesiæ jure postulavit. Etenim cum major non sit in dispensatione, quam in legum latione potestas: quidni dispensaret Imperator in lege, quæ ab aliis Imperatoribus jam tum primum instituta est? Non sum nescius gravissimas inter Ludovicum & tres continenter Pontifices intercessisse inimicitias: sed id vulnus refricare nec animus est, nec ad institutum quicquam confert. Fuerit licet Imperator in aliis rebus aut iniquus, aut perduellis: hac in re non prius damnari poterit, quam alii Principes, qui pari usi sunt potestate, damnentur: quam Theologi omnes illi, qui jus ferendarum legum Matrimonia dirimentium tribuunt Principibus, damnentur: quam antiqui Pontifices, qui jus illud in Regibus & Imperatoribus agnoverunt, damnentur. Hic tamen scopulus est, ad quem ne alidant incauti, paucis præmonendum fuit.

Clemens VI. in sententia, qua Ludovicum Imperio privatum denunciavit, inter septem damnationis capita recenset istud, quod nonnullos in prohibitis gradibus conjunxisset. Sed id fecit doctissimus Pontifex, non quod crederet legitimos Principes gradus affinitatis solo civili jure vetitos relaxare non posse: sed quod Ludovicum Bavarum verum ac legitimum Imperatorem non esse, persuasum haberet. Quia in re Pontifex illatam legitimis Principibus injuriam vindicavit potius, quam vllum civili potestati, regiæ vel imperatoris, detrimentum attulit. Clemens enim cum Ludovicum pro Imperii invatore duceret, non ultra quam alieni juris

invasorem in data dispensatione damnavit. Contra vero cum Ludovicus de facto (quod uti & jus Deo judicandum relinquimus) se pro vero Imperatore gereret, in concedenda illa conjugii licentia, civilis potestatis fines non transilivit, nec quod alienum erat, usurpavit aut suo, aut aliquo Pontificis, qui rem suis momentis expenderit, sensu.

~~~~~

## ARTICULUS II.

*Quæ in causis impedimentisque Matrimonii  
plerique Occidentalium partium Reges &  
Principes egerint, attinguntur.*

IN hac tertia parte breviores erimus quam in secunda, quæ solos Galliarum Reges occupavit: brevitatis hujus causæ sunt omnino duæ. Et primum quidem, quod Galliarum regnum cetera Occidentis regna & principatus diuturnitate temporis antecedit, eamque ob rem plura sui in Matrimonium Principum & aliorum subditorum juris monimenta suppeditet. Deinde, quod non licuerit plerosque aliarum Occidentis nationum libros & annales evolvere, in quibus quid Principes juris in Matrimonium procerum & aliorum retinuerint semper, contineri potest. Quæ tamen daturi sumus, cordatis hominibus sufficient, si illa præsertim prima tractatus parte sustententur.

---

## CAPUT I.

*Sub Reccaredo Gothorum in Hispania Rege regia in Matrimonium potestas retenta.*

RECCAREDVVS qui Gregorio I. Pontifice eminuit, suam in Matrimonium potestatem declarare non po-

tuit manifestius, quam statuere leges, quibus subditorum conjugia disponantur, impendantur vel permittantur. Hic ergo Rex in lib. 111. legum Wisigothorum cap. 1. tit. 1. edixit, ut tam Gotho Romanam, quam Romano Gotham Matrimonio sociari liceat: *Sollicita cura in Principe esse dignoscitur, cum pro futuris utilitatibus beneficia populorum providentur: nec parum exultare debet libertas ingenita, cum fractas vires habuerit prisce legis abolite sententia, que incongrue dividere maluit personas in conjuges, quos dignitas compares equaverit in genere: ab hoc meliori proposito salubriter censes, prisca legis remota sententia, hac in posterum valitura lege sancimus, ut tam Gothum Romanam, quam etiam Gothum Romanum, si sibi conjugem habere volueris, premissa petitione dignissima facultas eis nubendi subiaceat, liberumque sit libero liberam quam volueris, honesta conjunctione consultata, perquirendo prosapia solenniter consensu, Comite permittente, percipere conjugem.* Huic legi Pontificum nemo restitit, aut de usurpato Sacerdotum jure conquestus est.

Deinde in lib. 111. cap. 1. tit. 111. hanc de adulteriis incestivis legem tulit: *Nullus presumat de genere patris vel matris, avi quoque vel avia, seu parentum, uxoris, fratris etiam desponsatam, aut viduam, vel propinquorum suorum relictam, sibi in Matrimonio copulare, vel adulterio polluere. Ita ut usque ad sextum generis gradum nulli liceat sanguinis propinquitatem libidinose fœdare, vel in conjugio appetere, exceptis illis personis, quas per ordinationem atque consensum Principum ante hanc legem constat adeptas fuisse conjugium, que nequaquam per legis hujus edictum teneri possunt ad reatum. Similis & de mulieribus ordo servandus est. Qui vero contra hanc constitutionem presumpserint facere, judex eos non differat separare, ut a tam nefanda pollutione divisi juxta qualitatem sexus in monasteriis delegentur, illic jugiter permansuri.* An potuit, quæso, Rex explicatius loqui, vel nervosius? Qui contra Regis edictum Matrimonia contrahunt, ab judice (ni fallor, sæculari) separantur, & in monasteria relegantur perpetuo mansuri.

## CAPUT II.

*Sub Ervigio & Egicane regia in Matrimonium potestas retenta.*

**H**OC jus regium, qua secundas Reginarum Hispanix nuptias attinet, in duobus confirmatum est Conciliis, quorum vnum est Toletanum XIII. quod anno DCLXXXII. coactum est Ervigio Rege, cap. v. *Ne defuncto Rege, relictam ejus conjugem, aut in conjugio sibi quisquam, aut in adulterio audeat copulare. Non hoc securis Regibus licitum, non cuiquam hominum licebit esse permixtum. Qui hanc sententiam violare presumpserit, sit ab omni Christianorum communione seclusus, & sulphureis cum diabolo contradendus ignibus exurendus.*

Alterum est Cæsaraugustanum III. quod anno DCCXI. Egicanis Regis jussu habitum est, de quo hæc Spondanus in Epitome Baronii: *Inter alia vero cum jam antea Toletanum decimum-terium statuisset de vxoribus Regum, ne post eorum obitum ad secunda vota transirent, (ne videlicet occasione nuptiarum Regina daretur alicui animus invadende tyrannidis) in presenti nunc Cæsaraugustano, quo facilius ejusmodi pericula evitarentur, additum præterea est, ut relicta Regis post ejus obitum vestem regiam deponeret, religiosamque induens cum monialibus in monasterio vitam transigeret.* Hic notanda sunt duo. Primum est, legem hanc, quæ secundas Reginarum Hispanix nuptias prohibet, ab Ervigio Rege conditam esse. Unde in Concilio Toletano dicitur obtulisse tomum, in quo indicat se velle leges constituere. Et sane nulla lex est, cujus argumentum ad regiam auctoritatem magis referri debeat, quam quæ secunda Reginarum vota spectat.

Alterum, hanc legem ab Episcopis, qui hæc duo celebraverunt Concilia, duplici modo confirmatam esse: vno quidem, qua politicæ societatis membra sunt, & civilem personam sustinent, dum ne Regina post obitum mariti nubant, tanta cum



REGIA IN MATRIMONIUM POTESTAS. 537  
cum severitate decernitur. Altero vero, qua Clericorum duces & capita, Ecclesiasticamque personam gerunt, dum legem, quæ Hispaniæ saluti, civium incolumitati & quieti plurimum consulit, & a Rege, & a seipsis tanquam præcipuis regni partibus institutam anathemate communiunt, & illius violatores ab omni Christianorum communione secludunt, & sulphureis ignibus cum diabolo exutendos tradunt: quo ex supplicii genere legem iustissima de causa sancitam esse, persuadent. Quod autem Episcopi qua Episcopi hanc legem non tulerint, confirmari potest ex iis, quæ prima tractatus parte art. I V. cap. III. disputavimus.

---

### CAPUT III.

*Sub Henrico I. Castella Rege regia in Matrimonium potestas retenta.*

NUNC ad exempla veniendum est, quamvis ubi tam illustres sunt leges, exempla non desiderentur. Sub Henrico I. qui ad annum MCCXIV. regnabat, vnum supeditat Rodericus Sanctius Palentinus Episcopus lib. III. Hist. Hispanicæ cap. XXXVIII. *Henricus hujus nominis I. cum esset puer annorum undecim, statim mortuo Alfonso VIII. patre suo in regnum assumitur: matre ejus defuncta, regni gubernationem suscepit nobilissima Domina Berengaria soror sua. Et post alia: Alvarus Comes filius Nunii Comitis specialem curam Regia suscepit. Et post alia: Tentaverat Alvarus Henricum Regem puerum filia Regis Portugalliæ nuptui tradere, Regina & magnatibus invitis, idque de facto obtinuit. Et quia se continebatur consanguinitatis gradu, nec ad quietem regni expediebat, ab Innocentio III. celebratum est inter eos legitimum divorcium, super quo emanavit illa famosa Decretalis Efst. de donationibus inter virum & uxorem. Duo ex hac narratione colligimus. Primum quidem, Henricum cum filia Regis Portugalliæ, Regina & magnatibus invitis, Matrimonium contraxisse. Alterum vero, duas ob*  
Tyy

causas factum fuisse divortium, tum quod sese consanguinitatis gradu contingerent, tum quod ejusmodi conjugium publicæ tranquillitati multum incommodaret. Prima causa licet ad divortium sufficeret, secundam tamen minus habuisse virium, nemo est qui merito repugnet; quod facilius primæ quam secundæ poruisset remedium adhiberi. Quæ gratia prolevariis hominibus quotidie conceditur, Regibus ac Principibus cur denegaretur? ut interim ab ipsis Regibus impedimentum consanguinitatis manasse taceamus.

Ceterum, si Sanctius, si Mariana, si alii Hispanicatum rerum scriptores Decretalem Innocentii repræsentassent integram, plurimum ex ea lucis huic rei affluisset. Videtis illius Decretalis fragmentum, quod inter Innocentii Papæ constitutiones extrat, sed nihil vel ad propinquitatis gradum, vel ad regni quietem comperies.

## CAPUT IV.

*Sub Ferdinando V. vel ejus successore regia in Matrimonium potestas retenta.*

NON adferimus exemplum, quo quidem Matrimonium dirimi probetur; sed quo ne illud contra regni pacem contrahatur, provisum constat. Isabella Ferdinandi, qui anno MCCCCLXXV. regnate cœpit, filia, cum a tribus potentissimis Principibus, Alfonso Lusitaniæ Rege, Ferdinando Arragoniæ Principe, & Carolo Aquitaniæ Duce, Regis Gallorum fratre, ad nuptias expeteretur: *Rem*, inquit Lucius Martinus lib. xix. Hist. Hisp. *illa detulit ad consiliarios & regni proceres atque Pontifices, quos sibi benevolos fidelesque cognoverat: qui prudenter omnia cogitantes, demum pensitatu omnium competitorum partibus, & regni paci quietique futura consulentes, Isabella consortium Ferdinandi Sicilia Regis maxime convenire dixerunt.* Seu, ut refert Nebrissensis lib. i. decad. i. rerum gestarum a Ferdinando & Isabella: (postquam Cardinalis Al-

# REGIA IN MATRIMONIUM POTESTAS. 539

bienſis orationem præmiſit, & Iſabellam ſe erga Regem Galliarum excuſantem ſic induxit) Simul etiam dicebat ſe agere Ludovico Regi gratias immortales pro eo animo, quem erga ſe reſque ſuas oſtendebat, quodque dignam exiſtimaret, cui fratrem Matrimonio conjungi peteret: ſed ea de re omnem curam in regni proceres optimatesque rejeciſſe, quandoquidem ſibi non eſſet pater qui patrimonium fundaret, neque frater qui utriuſque parentis curam ſuſtineret. Rogabat præterea Cardinalem, ut ſe apud Regem excuſaret, quod non fuerit in poteſtate ſua, ut illius voluntati obſequeretur, quoniam hæc deliberatio jam non ex ſua, ſed ex optimatum conſultatione pendeat. Quod pridem evenerat in Henrico, ne in ſe eveniret, Iſabella timuit. At cur timuit, niſi publica regni pax foret regula, ad cujus amuſſum contrahenda procerum Matrimonia exigerentur?

## CAPUT V.

### *Sub Philippo II. regia in Matrimonium poteſtas retenta.*

QUIBUS in literis Philippus II. anno MDXCVIII. die VI. Maii omne jus Belgicarum provinciarum tranſcripſit Iſabellæ filiæ, dum Archiduci Albreto nupſit, ſtatuitur, regii ſanguinis mulieres, & alias hujus loci Principes feminas non poſſe cuiquam nubere, quin idem Rex Philippus, vel ejus heredes, atque in regno Hiſpaniæ ſucceſſores conſentiant. Tranſcriptionis articulus hic eſt: *Item tranſcriptio ſeu ceſſio ea facta eſt conditione, ut Principes & domini harum provinciarum teneantur liberos conſilio & aſſenſu ejuſdem Hiſpaniæ Regis, heredum, & in Hiſpania ſucceſſorum in Matrimonio collocare.* Hac autem tranſcriptione ii, de quorum Matrimonio agitur, ad contrahendum Matrimonium redduntur inhabiles, nec habiles fiunt, niſi tranſcriptio ſervetur.

†††

## CAPUT VI.

*Sub Alamannis & Bajuvariis regia in Matrimonium potestas retenta.*

**Q**UID Alamanni & Bajuvarii de causis impedimentisque Matrimonii senserint, aliunde sciri melius nequit, quam ex eorum legibus, quarum specimina quædam subijcimus ex titulo xxxix. de illicitis nuptiis tit. vi. cap. i. *Nuptias prohibemus incestas: itaque uxorem habere non liceat socrum, nurum, privignam, norercam, filiam fratris, filiam sororis, fratris uxorem, uxoris sororem: filii fratrum, filii sororum inter se nulla presumptione jungantur. Si quis contra hæc fecerit, a loci iudicibus separetur, & omnes facultates amittat, quas fiscus acquirat: si minores persone sunt, quæ se illicita conjunctione polluerunt, careant libertate, & servis fiscalibus aggregentur.* Hæ communes sunt Alamannis & Bajuvariis leges, ex quibus & quomodo, & inter quas personas, & a quibus iudicibus Matrimonia dirimerentur, apparet.

## CAPUT VII.

*Sub Longobardorum Regibus regia in Matrimonium potestas retenta.*

**I**NTER Alamannorum, Bajuvariorum & Longobardorum leges repertiuntur istæ, quas Luitprandus Rex, qui anno dccxii. regnare cœpit, tulit, lib. vii. cap. iv. *Hoc autem Deo annuente statuere prævidimus, ut amodo nullus præsumat relictam de consobrino, aut sobrino suo uxorem ducere. Si quis autem hoc quod illicitum est, amodo facere præsumpserit, amittat substantiam suam: & qui de tali conjugio nati fuerint, legitimi heredes non*

*existant, nisi parentes, propinqui; & si parentes & propinqui non fuerint, curtis regia succedat. Hoc autem ideo affiximus, quia teste Deo & Papa urbis Romæ, qui in omni mundo caput Ecclesiarum Dei & Sacerdotum est, per suam epistolam nos adhortatus est, ut tale conjugium fieri nullatenus permitteremus. O illustre Pontificis exemplum! quicquid juris Regum est, ille non vendicat sibi: sed Reges ad sancienda Matrimonii impedimenta paterna benignitate cohortatur.*

*Idem Luitprandus cap. v. Item hoc censemus atque precipimus, ut nullus presumat commatrem suam ducere uxorem; sed nec filiam, quam de sacro fonte levaverit, neque filius ejusdem presumat filiam illius uxorem ducere, qui eum de fonte suscepit, qui spirituales germani esse noscuntur: & qui hoc malum facere tentaverit, perdat omnem suam substantiam; & filii, qui de tali illicito Matrimonio nascuntur, heredes esse non debent, nisi propinqui, parentes; & si propinqui & parentes non fuerint, curtis regia succedat ei. Ubi autem inventi fuerint, qui superscripta illicita conjugia contraxerint, de presenti separentur, & pane superscripte subjaceant. Hac lege Luitprandus spirituale cognationem in impedimentum dirimens instituit, & natos ex contracto adversus legem suam conjugio spurios, & ad paternam hereditatem ineptos decernit.*

## CAPUT VIII.

*Sub Rogerio Siculorum Rege regia in Matrimonium potestas retenta.*

**I**NTER Siculas constitutiones lib. III. cap. I. Rogerius, qui regnare cepit anno MXC. sic edicit: *Sancimus lege presentis volentibus omnibus contrahere Matrimonium, necessitatem imponi universis hominibus regni nostri, & nobilibus maxime, post sponsalia celebrata, solennitate debita, & sacerdotali benedictione premissis, Matrimonium solenniter & publice celebrari, alioqui noverunt amodo morientes contra nostrum regale editum,*

neque ex testamento, neque ab intestato se habiturum heredes legitimos ex clandestino Matrimonio & illicito contra nostram sanctionem procreatos: mulieres etiam dotes alijs nubentibus legitime debitas non habere, rigorem cujus sanctionis omnibus illis remittimus, qui promulgationis hujus tempore jam Matrimonium contraxerunt: viduis autem volentibus ducere uxorem, hujus necessitatis vinculum relaxamus. Ecce tibi Matrimonium clandestinum apud Siculos politicis legibus irritum.

Ceterum æquales Rogerio quinam Romani fuere Pontifices? Viri fortasse languidi, ignavi, debilitata virtute & fracto animo? Minime vero: fuere viri fortissimi, & acerrimi sacerdotalis auctoritatis, & rerum ad eam spectantium defensores ac vindices, Urbanus II. Paschalis & Callistus II. successores Gregorii VII. qui primus deturbandorum e folio Principum potestatem sibi arrogavit. Pontifices illi tres, eorum quæ contra Henricum Imperatorem egerat Gregorius, confirmatores accesserunt. Urbanus II. Philippum Francorum Regem ab Ecclesia segregavit in Claromontensi Concilio. Hos ergo Pontifices, Urbanum, Paschalem & Callistum, qui noverit, hos in vindicandis sacerdotalis ordinis juribus tardos ac remissos fuisse dicturus est nunquam, nisi mentiri velit impudentissime. Rogerium leges quas retulimus ferentem viderunt, & suo silentio comprobarunt: idque Gregorius VII. duobus in locis testatur. Prior est in libri 11. epistola v. ad plures Archiepiscopos & Episcopos, ubi ita scribit: *Vos fratres in culpa estis, quia dum perditissimis factis sacerdotali vigore non resistitis, proculdubio nequitiam consensiendo fovetis.* Posterior in libri 111. epistola 1. ad Episcopos, Abbates & Duces Romani Imperii: *Melius est nobis debitam mortem carnis per tyrannos si oportuerit subire, quam nostro silentio, timore vel commodo, Christianæ legis destructioni consentire; sanctos quippe Patres nostros dixisse scimus: Qui pravis hominibus sui consideratione officii non contradicit, consentit; & qui refecanda non aufert, committit.* Igitur conticuerunt Urbanus, Paschalis & Callistus, quia jure suo utebatur Rex Siciliæ, nec eum extra secularis potestatis metas excurrere judicarunt. Sic partici-

pes non fuerunt criminis, quod ex silentio Gregorius VII. impendere significat.

Hugo Falcandus in Historia Siciliæ meminit Rogerii constitutionum, quas Guillelmus successor ultra modum protenderat. *Enimvero, inquit, Regem, si sua facta discutiatur, magis debuisse mirari, quod regni procures velut in servitutem se redigere tandiu sustinuerint, quam quod adversus eam multis injuriis provocati, vix tandem impatientia doloris exarserint. Ut enim cetera quæ perpessi fuerant, omittantur, miserrimum esse, vel apud servilis conditionis homines, filias suas innuptas domi toto vite tempore permanere: nec enim inter eos absque permissione Curie Matrimonia posse contrahi, adeoque difficile permissionem hanc hæcenus impetratam, ut alias quidem tunc demum liceret nuptui dari, cum jam omnem spem sobolis Senatus ingruens sustulisset; alias vero perpetua virginitate damnatus sine spe conjugii decessisset. Nunc autem totius regni viros nobiles, seque cum illis hoc Regem postulare, hoc requirere, ut de his aliisque perniciosis legibus antiquatis eas restituat consuetudines, quas avus ejus Rogerius Comes a Roberto Guiscardo prius introductas observaverit, & observari præceperit: alioqui si contra antecessorum statuta niti voluerit, hoc eos minime diutius perpessuros. Sic apud Siculos in more positum erat, ut viri nobiles non ante contraherent Matrimonium, quam Rex in illud consentiret. Et quamvis Guillelmus I. Siciliæ Rex in usu juris sui modum haud servaret, & cum viris nobilibus hac in re paullo inhumanius ageret; tamen Pontifex, qui tunc Sedi præsidebat Apostolicæ, illum jure suo adeo non privavit, ut non correxerit, aut corrigendum susceperit, quod corrigendum fuit. Tunc antiquatæ non sunt, (ut viri nobiles postulabant) leges quibus Rex utebatur immoderatus: sed usus retentus est commodior, & modus servatus convenienter editis, quæ majores sanxerant. Id cum in aliis, tum in eo quoque liquet, quod auctor postea hoc modo narrat: Per idem tempus Richardus de Sagio Panormum veniens uxorem suam sororem Baritholomæi Perisini scum adduxerat, ut ea dimissa neptem Archiepiscopi Capuani nobilissimam meretricem, cujus amore dudum captus fuerat, Matrimonio sibi conjungeret. Hic cum Apulia diu Capitaneus & Magi-*

*ster Comes stabulus extitisset, toties aliis rebellantibus fidem incon-*  
*cessam retinens, nunquam ab Rege defecit. Quem Regina benigne*  
*suscipiens, dedit ei comitatum Richardi de Aquila Fundani Comi-*  
*tis, qui sine spe reditus in Romanorum finibus exulabat. De sol-*  
*vendo quoque Matrimonio precepit Curia familiaribus, ut convo-*  
*catis Episcopis aliisque personis, & auditis utriusque partis alle-*  
*gationibus, quod inde dictaret aequitas, expedirent. At illi roga-*  
*verunt Cardinales, ut ejusdem interessent examinationi negotii,*  
*eo quod ipsi promptiorem harum rerum haberent notitiam, cum Ro-*  
*mana Curia frequenter super hujusmodi causis cognosceret. Ioannes*  
*ergo Neapolitanus eorum facile petitioni consensit, Episcopus autem*  
*Hofsiensis viro honestatis non dubie, cum socium suum vidisset*  
*muneribus & gratia esse corruptum, eoque ipso recte judicandi li-*  
*bertatem sublatam, nullis precibus adduci potuit, ut eorum vellet*  
*judiciis interesse. Causa vero propter quam predictus Richardus pu-*  
*tabat oportere dissolvi conjugium, hac erat, quod se dudum ante*  
*contractum Matrimonium, cum quadam uxoris suae consobrina rem*  
*habuisse dicebat. Cujus rei testes processerunt milites duo, hoc se vi-*  
*disse certissime protestantes. Quod cum adversa pars denegaret, es-*  
*sentque qui falsum eos perhibere testimonium probaturi assererent,*  
*causam ejusmodi crederent; & si constaret, ad solvendum Matri-*  
*monium posse sufficere. Sed ut objecti consanguinitatis sua crimi-*  
*nis injuriam propulsarent, Cardinalis rem breviter satagens desi-*  
*nare, predictos testes jurare precepit: inde saluto Matrimonio, &*  
*ab utriusque parte de non coeundo deinceps prestito sacramento,*  
*Richardo potestatem dedit ad secundas nuptias licite transeundi.*  
*Ex his apparet non Romanum Pontificem, sed Reginam præ-*  
*cepisse, ut matrimonialis causa, qua de agitur, a familiaribus,*  
*Curia, ab Episcopis & Cardinalibus dijudicaretur.*





## CAPUT IX.

*Sub Frederico II. Imperatore regia apud Siculos in Matrimonium potestas retenta.*

**Q**UÆ de Comitibus, Baronibus, & aliis Matrimonium contrahentibus statuit Fredericus Imperator, hæc sunt tit. XXI. cap. 1. *Honorem diadematis nostri debitum conservantes, præsentii constitutione sancimus ubique per regnum, ut nullus Comes, Baro, vel miles, vel quilibet alius, qui baronias, castra, vel feuda in capite a nobis tenet, vel ab alio, quæ in quaternionibus Doane nostræ inveniuntur in scriptis, sine permissione nostra uxorem ducere, aut maritare filias, sorores aut neptes, vel quascumque alias, quas ipse possent aut debeant maritare, aut filios uxore cum immobilibus aut mobilibus præsumat, huic legi consuetudine, quæ in aliquibus regni partibus obtinuisse dicitur, nonobstante. In hac lege, tum ex illius fine, tum ex rei & pœnæ gravitate, non aliud præter impedimentum dirimens statui aptissime colligitur.*

Deinde aliam edidit constitutionem, qua vetat, ne sine sua vel Curie permissione cum alienigenis Matrimonium contrahatur. *Cum hereditarium regnum nostrum Sicilia, cujus præclara nobis hereditas laudabiles mores suorum incolarum consueverit enutrire, ac prociſſa temporis habitatores ipsius servitii, & fidei exhibitione claruerunt. In necessitatibus dominorum sæpe tam contigisse dolemus, quod post diversarum mixturam gentium passa est ex alienis moribus regni sinceritas corruptelam. Itaque ex quo homines regni Sicilia se cum alienarum filii miscuerunt, denigrata est puritas hominum, & crescente dierum malitia, & infirmitate mentium inquinata, conversationibus & vſibus ceterorum veritas decrevis in populum, & ab illorum firmamento grex est fidelium maculatus. Ne timeatur ergo deinceps cohabitantium in regno diversitas nationum, magna illatura aſſermina, vel ad regni magna incommoda progressura: volentes hominum diversitatibus competens*

adhibere remedium, præsertim ne in regno nostro gentium infirmitas nutriatur, edicto generali solenniter duximus statuendum, universis de regno & singulis inhibendo, ut nulli liceat amodo de filii & filiabus regni Matrimonium cum exteris & alienigenis, qui, vel quæ non sunt de regno, absque speciali requisitione & mandato ac consensu nostræ Curie contrahere; eo videlicet modo, ut nec aliqua regno nubere alienigenis audeat, nec aliqui filias alienigenarum ducere in uxores: eos qui contra præsumpserint, bonorum omnium spoliatione multamus. Hæc ex legibus regni Siciliæ & Neapolis, quæ in vnum collectæ & promulgatæ fuerunt ab Imperatore Fredetico ad annum MCCXI. Sic Principes variis modis publicæ tranquillitati consulunt, nunc impedimentis, quæ Matrimonia dirimant, nunc fortunarum abdicatione, quæ subditos nonnumquam ferit potentius.

## CAPUT X.

*Sub Haroldo Anglorum Rege regia in Matrimonium potestas retenta.*

**Q**UO tempore Haroldus Anglorum Rex erat, eo vel maxime regiam in Matrimonium procerum auctoritatem viguisse docet Eadmerus in historia Novotum, ubi res Guillelmi Normanniæ Ducis, & Haroldi Regis Anglorum sic persequitur: *Dein venit nuncius in Angliam a præfato Wilhelmo directus, expetens sororem Haroldi, juxta quod convenerat Wilhelmo & illi, ad quæ Haroldus hæc respondisse fertur: Soror mea, quam juxta conditum expetis, mortua est. Et post pauca: Si de filia sua, quam debui in uxorem, ut asseris, ducere, agit super Regem Angliæ, mulierem extraneam, inconsultis Principibus, me nec debere, nec sine grandi injuria posse adducere noveris.* Hæc commentariis non indigent. Haroldus ab anno MXXXVI. ad annum MXL. regnavit. Verum quomodo David Alexandri Scotorum Regis frater uxorem habuit Matildem Comitis Valdeni filiam, tradit Hector Boethius lib.

XII. Hist. Scotorum. *His, inquit, rebus imminente Alexandro in Anglia David germanus ejus cum sorore Matilde Regina degens, Matildem filiam heredem Voldiosi, alias Valdeni Comitis Hunditonie Northumbriaque, & Iudith neptis Guillelmi Nothi uxorem beneficio Regis duxit, qua de re Northumbria Comes effectus est. In quo ergo stat Regis beneficium, nisi ea in gratia, qua Princeps ad contrahendum Matrimonium habilis efficitur?*

## CAPUT XI.

*Sub Joanne Rege regia in Matrimonium potestas retenta.*

PONTIFICVM nemo Joannem Angliæ Regem accusavit, quod primogenitam Gaufridi fratris sui primogeniti filiam captivam tenuerit, veritus ne si potentiori Principi nuberet, ipse ab eo de regno deiceretur, paxque publica turbaretur. Illud sic accidisse tradit Rigordus in gestis Philippi Augusti ad annum MCCXIII. *Elienordis primogenita filia Gaufridi, quondam Armorica Ducis, fratris Joannis Regis primogeniti, tenebatur capta ab ipso Joanne, & incarcerata in Anglia: qui verens per eam amittere regni jura, eam Matrimonium contrahere cum aliquo non sinebat; & sic annis XV III: clapsis postquam eam ceperat, sub arcta custodia conservabat. Argutabuntur forsitan hic difficiles quidam magistri, hæc esse facta Regum, non jura. At respondemus facta quidem esse, sed quæ ex certo jure trahi docuimus prima tractatus parte.*



## CAPUT XII.

*Sub Richardo II. regia in Matrimonium potestas  
retenta.*

**I**OANNES Foresterius in Chronico Angliæ nondum edito ad annum MCCCXCVIII. narrat illustre facinus, quo Richardus II. suam in Matrimonium auctoritatem confirmavit. Illud sic se habet: *Richardus Angliæ Rex II. cum a Norfolcio Duce cecusior factus esset, Comitem Lecestria, postea Henricum Regem hujus nominis IV. clam dixisse sibi, eundem Richardum indignum esse qui regnaret, utrumque regno extorrem facit, Ducem in perpetuum, Lecestria Comitem ad decem annos. Comes in Galliam se recepit ad Carolum VI. Regem, ubi quo certius suis consiliis præsidium quæreret, Mariæ Ioannis Bituricensis Ducis filie, & Philippi Atrebatensis, Comitis Augensis & Equitum Francia Magistri viduæ connubium ambivit. Angliæ Rex ambiti connubii monitus ubi fuit, ad Carolum VI. Regem misit Saresberiensem Comitem, qui ei causas exilis Comitis Lecestria exponeret, precareturque, ut huic Matrimonio non consentiret, & sua illud auctoritate impediret. Ea super re in Consilio Regis deliberatum est, ut per Ioannem Burgundicæ Ducem Comiti Lecestria diceretur, Regem consobrinam suam proditori non claudaturum. Sic Rex Angliæ in Rege Galliarum, & Rex Galliarum in Angliæ Rege impediendi Matrimonia procerum auctoritatem agnoscit.*



## CAPUT XIII.

*Sub Henrico VI. regia in Matrimonium potestas  
retenta.*

**H**ENRICVS VI. Angliæ Rex anno MCCCCXXVII. legem tulit, qua vetuit ne vllus cuiuscunque dignitatis sit, cum femina regii generis Principe vel extranea, Matrimonium contrahere audeat, quin ante Rex consentiat.

## CAPUT XIV.

*Sub Elizabetha regia in Matrimonium potestas  
retenta.*

**G**UILLELMVS Camdenus in Historia Elizabethæ Reginæ ad annum MDLXII. & MDLXIII. narrat quomodo impeditur ne Maria Scotiæ Regina Carolo Archiduci Austriæ nuberet. Sic autem scribit: *Verum cum Cardinalis Lotharingus eodem tempore ageret cum Ferdinando Imperatore, ut illa nuberet Carolo Archiduci filio, qui Elizabethæ nuptias tunc ambivit, Elizabetha per Thomam Randolphum denuntiavit, si Cardinali (capitali Anglorum hosti) de illis nuptiis auscultaret, & amicitiam inter Angliam & Scotiam posse dissolvi, & forsitan spem regni intercludi, qua ne excideret, amice monuit, ut eiusmodi maritum in Anglia delgeret, in quo ipsi sibi imprimis placeret: deinceps suis & Anglis in pace colenda satisfaceret, sibique viam ad successionem certam in Anglia præmuniret, qua declarari non possit, nisi prius constaret, quem in maritum illa adscisceret. Et post alia: Cum bello civili in Gallia flagrante Guisus Regina Scotorum avunculus occisusset, dotalis pecunia e Gallia non solven-*

retur, Hamiltonius Dux Castri Hertaldi Ducatu exueretur, & Sciti præfectura sitellitii in Gallia excluderentur, illa sane ægerime tulit Cardinalis Lotharingus, alter ex avunculis, veritus ne hinc illa Gallis relictis ad Anglorum amicitiam se applicaret. Per Cromwellum iterum nuptias cum Carolo Austriaco, Comitatu Tyrolis in dotem oblato, proponit: illa rem Elizabetha imperiit, quæ per Randolphum eadem quæ prius dixi, de marito adfisciendo monuit. Quibus monitis obtemperans, non Carolo Archiduci filio, sed Henrico Stuardo Andlei domino nupsit, ex quo Jacobum magnæ Britanniæ Regem suscepit.

Præterea Camdenus ad annum MDLXII. refert quomodo dissolutum sit conjugium, quod Eduardus Seimorus Hertfordiæ Comes cum Catharina Greia contraxerat, inconsulta Regina. At severe, ut multi existimarunt, cum Catharina Greia Henrici Greii Ducis Suffolciæ filia, quæ Regina agnatione multo propinquior, actum. Illa enim Henrici VIII. ex altera sorore proneptis, Henrico filio natu maximo Comitis Penbrochiæ enupta, & mox legitime repudiata, diu neglecta, jam gravida, & ad pariendum vicina, in arcem Londinensem conjicitur, professæ se cum Eduardo Seimoro Hertfordiæ Comite legitimo Matrimonii nexu conjunctam esse, & ab eo gravidatam. Ille e Gallia revocatus, quo animi gratia bona cum Regina profectus erat, idem palam professus, in eadem arce conditur.

Archiepiscopus Cantuariensis & alii ad cognoscendam causam & determinandam omni appellatone remota delegantur. Cumque testes Matrimonii intra prescriptum tempus producere non posset, definitiva sententia ab Archiepiscopo pronuntiatur, illum illicitam & illegitimam carnalem copulam cum illa habuisse, & pro illo excessu illum & illam debite puniendos. Hanc sententiam, ut injustam, iniquam & nullam Ioannes Haleius, homo opiniosissimus, sed eruditione multiplici impugnavit, eos legitimos esse conjuges ex solo ipsorum consensu argumentatus; unde & ille in custodiam datus.

Illæ mox filium primogenitum in carcere peperit, posteaque & alterum corruptis custodibus ex Hertfordio progeniit. Quod Eduardus Warnerus arcis Præfectus quasi confusus fuit, loco emotus, custodisque traditus, & ipse Hertfordius in camera stel-

*Asa triplici de crimine accusatur, quod virginem regia stirpe natam in regia viuiarat, carcerem effregerat, & iterum compresserat. Ille protestatus se Matrimonium cum ea legitime contraxisse, non dissimulauit, quin per fores carceris patentes eam adierat, ut de sententia pronuntiata marentem solaretur, debitumque conjugale soluisse. Unde pro singulis criminibus quinque millibus librarum multatus, & novem annis in custodia detentus. Non desistit tamen a Iuriconsultis persuasus contra Archiepiscopi sententiam appellationem interponere, & clandestino continuare; quam tamen his temporibus sponte ac publice renuntiavit. Illa post aliquot annos, ut quæ tempore disparata hic semel coniungam, gravi morbo correpta, coram Hoptono arcis Praefecto culpam a Regina, quod Matrimonium ea inconsulta contraxerat, deprecata, liberosque & Herisfordiis libertatem ejus fidei obtestando commendans, pie & placide in Domino obdormiuit. Et quamvis Ecclesiae Romanae communionem tenuisset Elizabetha: non aliter tamen, aut certe vix aliter pro consuetudine regni patriæque salute fecisset. Quod autem Jurisconsulti quidam legitimum esse Matrimonium illud docuerint, id ex falso principio docuerunt, quo nulla dirimentia Matrimonium impedimenta reciperent, iisque insuperhabitis solo conjugum consensu fieri vellent. Sed homines falso delusi principio veræ de impedimentis dirimentibus doctrinæ, vel legitimis procurandæ salutis publicæ rationibus, nihil quicquam adferunt detrimenti.*

## CAPUT XV.

*Afferta breviter in impediendis dirigendisque procerum Matrimonii consuetudo Angliæ.*

**H**ANC porro Anglorum in impediendis dirigendisque procerum Matrimonii consuetudinem observavit Michael Castelnas, cum esset Galliarum Regis in Anglia Legatus. Eum igitur hac de re in suis commentariis differentem audiamus. *Si in Anglia, inquit, Matrimonii contractus vel sciri*

## 552 REGIA IN MATRIMONIUM POTESTAS.

*pro vel testibus ratus non habeatur, seu, ut aiunt, verificetur ante ipsius consummationem, liberi ante contractum nati, spurii censentur, nec possunt subsequenti conjugio legitimi fieri. Sed si partes contrahant Matrimonium, uxore jam pragnante, etiam partui vicina, modo nondum parturierit, in legitimis habebuntur, exceptis, ut dicitur, Principibus ex sanguine regio procreatis, qui sine Regis assensu nequeunt sibi feminam in Matrimonium collocare: alias hac illi pœna multantur, quod nimirum filii declarentur spurii, & conjugium nullum. Hæc ille Gallice, quæ in Latinum convertimus. Expende modo quem morem habeant Angli in dirimendis Matrimoniis, atque iis potissimum, quæ sine Regum voluntate contrahuntur.*

---

## CAPUT XVI.

*Sub Maccabæo Scotorum Rege regia in Matrimonium potestas retenta.*

**A**FFINES Anglis Scoti suppeditant nobis leges & exempla, quibus Matrimonia suorum ad publicum ordinant bonum, nec ab hoc per ullam sacramenti rationem viti catholicæ religionis professores revocati fuere. Quia vero bonæ leges ex malis oriuntur moribus, duas id generis a Maccabæo Rege, qui ad annum MXL. regnavit, latas referemus ex Boethio lib. XII. Hist. Scotorum. Una lex est hæc: *Capitis damnantur primates, qui alicujus regionis inter se affinitatem contraxerint.* Nonne supplicii genus illud aperit, a primatibus seu Principibus aliquando in regiam auctoritatem regni que pacem graviter peccatum fuisse, dum inconsulto Rege Matrimonia contraxerant? Quod autem regionum proceres & optimates Matrimonii rescissionem & exheredationem fortassis haud timuerint, inde factum est, ut Rex capitis supplicium decerneret, quo in paribus causis nullum esse certius dirimens impedimentum Matrimonii credidit. Quis enim vero ignorat, dum leve supplicium spernitur, gra-  
vius



REGIA IN MATRIMONIUM POTESTAS. 353  
vius a sapienti Magistratu decerni posse?

Altera lex est ista: *Præfectus si intra ditionis suæ fines, aut urbanis, aut rusticis filium filiamque Matrimonio dederit, præfectura abdicatur.* Hic officio seu munere privat hominem, qui contra impedimentum dirimens uxorem duceret, nisi velis relicto conjugio sola præfectura spoliari, Regemque hic ea non vti potestate, qua Matrimonium ejusmodi potuisset dirimere.

---

## CAPUT XVII.

*Sub Alexandro III. Rege regia in Matrimonium potestas retenta.*

QUOD isto capite relaturi sumus exemplum, memoriæ prodidit Georgius Buchananus lib. VIII. rerum Scotticarum. *Martha*, inquit, *Caricta Comes jam nubilis, & patris, qui in bello sacro decesserat, unica heres, cum forte inter venandum conspexisset Robertum Brassium omnium æqualium adolescentium longe formosissimum, cum in arcem suam propinquam benigne invitat, ac renuentem prope invisum ducit. Ibi cum ætas, forma, mores, genus facile mutuum amorem conciliassent, paucis confectis Matrimonio copulantur. Id cum Rex, cui jus erat puella collocanda, rescisset, licet utrique graviter succenseret, tamen per amicos placatus fuit.* Hoc loco attendimus duo. Unum, penes Regem esse jus collocandæ puellæ: quod quia violatum est, Rex gravissime succensuit. Alterum, per amicos placatum fuisse Regem, qui Matrimonium alioqui rescindere potuisset; sed interveniente Regis gratia, legitimum illud habitum est. Quare, ut Rex se & placatum esse, & ratum habere Matrimonium significaret, paternam quam abstulerat hereditatem, restituit, ut testatur Boethius lib. XII. Historiæ Scottorum.

## CAPUT XVIII.

*Sub Roberto Rege regia in Matrimonium potestas  
resenta.*

**A**LTERVM exemplum præbet idem Boethius lib. xv. Historiæ Scotorum: Sed priusquam eam (Euphemiam) Robertus (Stuartus nomine II.) duxisset uxorem, consuetudinem cum Elizabetha filia Adæ Muir Equitis aurati habuerat, qua res illi filios peperit, & duas filias, quarum cum altera Ioannes Doumbar, frater Georgii Comitis Merchiarum, priusquam pater puella regnum adeptus esset, clandestinos congressus habuit, atque uxorem, patre ignorante, duxit. Ceterum in consilio Perihî celebrato fuere nonnulli, qui Robertum instigarent, ad Ioannem Doumbar capitis arcessendum propter læsæ majestatis crimen, quod inscio patre filiam seduxisset, uti aiebant. Ad ea Georgius Doumbar fratris agens causam respondit, Ioannem Doumbar fratrem suum filiam ejus voluntate ipsius uxorem duxisse, nondum Regis, sed Comitis duntaxat, ac domini Kothisai, Botha, Kamfrou, Boukil, & Stuarthrum, qua loca, antequam Rex erat, possidebat. Ceterum Robertus memor, quantum Georgius in disceptatione regni pro ipso contendisset, non modo illius injuriæ oblivis fuit, sed Moravia quoque Comitatu generum suum Ioannem Doumbar comiter appellans donavit. Quibus tria notari necesse est. Unum, Ioannem Doumbarium accusari crimine majestatis, quod inscio Roberto filiam ejus duxerat uxorem. Alterum, Georgii ad eam accusationem responsum ejusmodi esse, quo neget a fratre id commissum; quod scilicet Roberti filiam nondum Regis, sed Comitis tantum habuerat in Matrimonio. Unde ponit in tali casu potuisse crimen majestatis inveniri: quod tamen non inveniretur, nisi lex aut recepta consuetudo ita obtinisset, ut Principes clam Rege non contraherent. Tertium, Regem propter accepta ab utroque Doumbario obsequia & officia consensisse in Matrimonium, suoque consensu fecisse

REGIA IN MATRIMONIUM POTESTAS. 555  
legitimum, immo & filix maritum Moravia Comitatu au-  
xiffe.

Aliud exemplum suggerit idem auctor lib. xiv. qua parte  
Maiora Roberti Regis filix connubium describit: *Ad hæc,*  
*ut Maiora ex magnatum consilio elocetur, cui id videbitur ex*  
*usu regni fore quam opportunissimum, nec eam rem diuturna acce-*  
*pit dilatio. Maioriam etenim communi omnium suffragio nobilissi-*  
*mo viro Waltero Stuart regni Seneschallo pater Matrimonio copu-*  
*lavit. Videtis, lector, his in exemplis regni Scotorum usum,*  
*an patri Regi, an filix liberum fuerit cui voluisset nubere,*  
*quo consilio, quoque fine, & a quibus Matrimonium decretum.*

---

## CAPUT XIX.

*Apud Polonos regia in Matrimonium potestas retenta &  
vindicata.*

**H**ISTORICOS inter alios selegimus Martinum Cro-  
merum Warmiensem Episcopum, qui gentis suæ sen-  
sum & usum in causis impedimentisque connubialibus ape-  
ririt; sed imprimis ex lib. 11. de rebus Polonorum hanc le-  
gem desumimus: *Primaria regni lex est, ut Senatu inconsulto*  
*Rex fædus cum quoquam icere non possit. At certe inter omnia*  
*fœdera nullum gravius vel majus est conjugali, quod si bene,*  
*multorum bonorum; si male fiat, infinitorum malorum vber-*  
*rima seges esse consuevit. Deinde lex generalibus concepra*  
*verbis usu sic obtinuit ab eo tempore, quo regnum Christi re-*  
*ligionem suscepit, ut ex libro 111. de rebus Polonorum col-*  
*ligitur. Miecislavus quippe factus Christianus priores vxores,*  
*quæ erant numero septem, dimisit: Dambrowacamque Christia-*  
*nam Boleslai I. Boemorum Ducis filiam, virginem de Consilii sen-*  
*tentia novo Matrimonio sibi junxit. Sic & Waldislaus lib. v.*  
*rerum Polonicarum: De amplissimi Consilii sententia duxit lu-*  
*ditham Wratislai Boemorum Principis filiam, ex Adheleida An-*  
*drea Ungarorum Regis filia susceptam.*

AAAA ij

## CAPUT XX.

*Sub Jagellone Polonorum Rege regia in Matrimonium potestas elucet maxime.*

EXEMPLUM vero omnium testatissimum est conjugium, quod inter Jagellonem & Hedvigim initum est, quodque ita narratur a Crometo in lib. XIV. de rebus Polonorum. Ludovico Ungarorum & Polonorum Rege mortuo, a proceribus itum est ad Comititia de creando Rege novo deliberaturis. Concilia diversis in locis instituuntur tria. Unum apud Rodomiscos, vbi decernitur, ut Poloni pactorum cum Ludovico initorum, & iurisyurandi sui memores essent, neque Ludovici progeniem a regno excluderent. Alterum apud Vilnam, vbi Sigismundus Marchio Brandeburgensis Rex antea designatus, & Oratores ab Elizabetha Ludovici vidua missi interfuerunt, ibique confirmatum, quod data Ludovico de filiabus ad regnum admittendis fides servaretur. Tertium apud Siradiam, vbi ad Reginam Elizabetham decernuntur Legati, ut Hedvigim filiam primo quoque tempore ad Polonos mitteret, diadema solenni ritu susceperam, & viro sibi Polonisque gratissimo nupturam. *Cui decreto adjectum est, ut Hedvigis adveniens, si Regina esse vellet, reciperet se de consilio Polonorum nupturam.* Et paullo post: *Pacta cum Regina inita sunt, nimirum ut ad tertium Idus Novembris (quæ dies divi Martini Episcopi memorie sacra est) Hedvigis in Poloniam veniret, ac de sententia amplissimi Senatus Matrimonium iniret.* Et propositis conditionibus nonnullis, Legati destinantur ad Jagellonem, ut cum ad contrahendum cum Hedvige Matrimonium, & capeffendum regnum vocarent, si quæ proposita conditiones fuerant, has veller accipere. Ex his autem facile colligitur, quæ & qualis Polonorum fuerit in Regum suorum ac Reginarum Matrimonia potestas. Consentiunt Poloni, ut Jagello Hedvigim in vxor-

REGIA IN MATRIMONIUM POTESTAS. 557  
rem ducat: sed ea lege, vt Hedvigis adveniens, si Regina  
esse velit, recipiat se de Polonorum consilio nupturam.

---

## CAPUT XXI.

*Apud Ungaros regia in Matrimonium potestas retenta,  
& maxime sub sancto Stephano primo Rege.*

QUEM Ungari in causis impedimentisque Matrimonii  
sensum & usum habuerunt, dabit sanctus Stephanus I.  
genus suæ Rex Christianus, & Evangelicæ legis nuncius.  
Et primo quidem in lib. 11. Decretorum suorum cap. xxv.  
Si quis militum impudicitia sedatus puellam aliquam sine conce-  
ssione parentum sibi in uxorem rapuerit, decernimus puellam paren-  
tibus reddi, etiamsi ab illo aliqua vis sibi illata sit, & raptor de-  
cem solvas juvenculos pro raptu, licet postea reconcilietur paren-  
tibus puellæ. En impedimentum raptus. Deinde in eodem lib.  
cap. xxviii. De his, qui extra regnum suas fugiunt uxores,  
vt genus utriusque sexus certa lege & absque injuriis maneat &  
vigeat, in hoc regali Decreto statutum est, vt si quis protervitate  
præditus propter abominationem uxoris patriam effugerit, uxor  
cuncta, quæ in potestate mariti habebantur, possideas, dum velit  
expectare virum, vt nemo in aliud conjugium cogere præsumat:  
& si sponte nubere velit, liceat sibi sumtis congruis vestimen-  
tis, & dimissis ceteris bonis, ad connubium ire; & si vir hoc au-  
dito redi rit, ne liceat sibi aliam ducere præter suam, nisi cum li-  
centia Episcopi Sanctus Rex est, qui ad annum MxLvi. vi-  
xit, & qui talia decrevit, & Decreti sui executionem ad ju-  
dicium Episcopi remittit. Non memini me legere vllum Pon-  
tificem violatæ religionis accusasse Stephanum, vel usurpatæ  
Sacerdotum potestatis.



## CAPUT XXII.

*Sub Ladislao, Colomanno & Alberto regia in Matrimonium potestas retenta.*

**S**ANCTVS Ladislaus, qui ad annum MXC. claruit, in lib. I. Decretorum cap. xxi. de interfectione adulteræ, hæc statuit: *Si quis uxorem suam cum altero viro adulteranssem invenerit, sponte puniat, de se rationem reddat; & si voluerit, aliam ducat.*

Idem cap. xx. *Si quis uxorem suam in adulterio deprehenderit, & in iudicium statuerit, secundum instituta canonum, pœnitentia imponatur: & peracta pœnitentia, si maritus voluerit, iterum recipiat; sin autem non, quoad ambo vixerint, innupti permaneant.*

Disciplina hæc Colomanno placuit lib. II. Decretorum: postea tamen aliter ei visum est cum Synodo Laurentii Strigoniensis Metropolitæ & comprovincialium, ubi de mulieribus a maritis fugientibus sic constituitur: *Si qua mulier a viro fugerit suo, reddatur marito suo semel & bis; tertia vero vice, si nobilis est, adjiciatur pœnitentia sine spe conjugii; si de plebe venundetur, sine spe libertatis. Si quis vero uxorem suam adulteram proclamaverit, si voluerit, maritetur: eodem modo, qui cum alterius uxore, vel qui cum marito alterius peccat, judicetur. Si quis puellam rapuerit vel violaverit, si nobilis est, canonice pœnitentiæ compositioni subiaceat: qui vero hoc persolvere noluerit, vel non potuerit, tonsa capite, secundum iudicium Regis Ladislai, venundetur. Si quis sponsam rapuerit alterius, si illa non consenserit, reddatur proprio sponso. Raptor vero, si nobilis est, compositionem canonicam faciat, & sine spe conjugii pœniteat; si non potuit compositionem dare, sine spe libertatis venundetur. Si quis uxorem fugiens, se sponte debitorem fecerit, unde se expedire nolit propter odium quod in uxorem habet, semper in servitute permaneat: & si unquam liber videatur, iterum venundetur; vxor*

*vero ejus cui velis nubat. Scio quidem, non eandem fuisse olim apud omnes Ecclesias Matrimonii disciplinam; sed hæc Decreta ideo protuli a nullo tunc, quod legerim, Romano Pontifice reprehensa, ut sanctorum Regum in disponendis conjugii eluceret auctoritas.*

Ceterum in eadem Synodo Strigoniensi clandestini Matrimonii statuitur impedimentum: *De desponsatione conjugali placuit sancta Synodo, ut omnis conjugal desponsatio in conspectu Ecclesia, presente Sacerdote, coram idoneis testibus aliquo sensu subarrhationis & consensu utriusque fieret, aliter non conjugium, sed opus fornicationis reputetur.* Sic qui hanc non servant legem, ad contrahendum Matrimonium inhabiles redduntur, cum a Rege, tum a Synodo, qua politicam hac in parte personam gerit. Hoc enim impedimentum cum civilis lex sit, ab aliis fieri non debet quam ab iis, qui civilem principatum habent, vel certe ratum haberi debet.

Idem Colomannus lib. 1. Decretorum de Matrimonio Ismaelitarum: *Ismaelitarum vero nullus audeat filiam suam jungere Matrimonio alicujus de gente sua, sed nostra.*

Albertus in suis Decretis ad annum MCCCCXIX. hæc sanxit: *De maritationibus filiarum regie majestatis. Item quod de maritatione filiarum nostrarum agemus cum consilio Prelatorum & Baronum, ac nobilium regni nostri Ungarici, necnon cognatorum & proximorum, atque subditorum regnorum ac Ducatum nostrorum.* At contracta adversus hanc legem a filiabus Regum Matrimonia valuisse quis crederet? Hæc de legibus, nunc ad exempla veniendum est.

## CAPUT XXIII.

*Certis quibusdam exemplis apud Ungaros regia seu civilis in Matrimonium potestas retenta confirmatur.*

**A**NTONIVS Bonfinius quædam memorie prodidit exempla, in quibus alii ad Matrimonium coguntur,

alii ex Principum assensu contrahunt, alii quid sit juris penes Rempublicam in matrimonialibus causis declarant.

Imprimis ex lib. I. Decadis II. *Post hac pater, ut publica salutis de successore consuleret, Emericum parandis liberis haud intempestivum, digno conjugio obligandum esse censuit, ratus, neminem regno commodiorem futurum, si viveret: sin minus sanctissimam hinc prolem sperari posse, & regendis Ungaris accommodatissimam. Quare excellentissimam forma & virtute virginem, ac regali genere natam, huic desponsat pater, operamque liberis quandoque dandam edocet, ne legitimus idemque optimus, Pannoniæ regno successor desit. Quamvis hoc haud facile efficere potuit, quando non sine multis precibus filium redegerat: ipsum tamen obtemperantissimum, & decenii conjugio jam obstrictum, nunquam cum uxore rem patrasse, sed maiorem, quam antea, si dii potest, castitatem servasse, compertis. Hæc duo sancti, pater & filius, Stephanus & Emericus.*

Deinde ex lib. V I. Decadis II. de Stephano II. *De optanda Regis uxore inter optimates agi captum est, cum celibatum suum intemperantissime duceret: quare cum precibus, tum publici periculi ratione eum ad uxorem ducendam impulerunt. Non est, cur hoc in loco iteremus eandem esse ad Matrimonium cogendi, atque ab eo prohibendi rationem.*

Tum ex lib. I. Decadis III. *Maria Ludovici filia veluti pater testamento caverat: Sigismundo Brandeburgensi Caroli Imperatoris filio, & adhuc puero, ex pacto ita nupsit, ut ad maturas usque nuptias virum non duceret, consummatis nuptiis, Sigismundum regni consortem pariter admisteret. Hanc ultro conditionem universa tunc Hungaria acceperat, cum immortalia Ludovici Regis beneficia omnes pariter obstrinxerint. Quibus verbis quid potest esse clarius? conditionem enim illam, si respuissent Ungari, nullum Matrimonium secutum fuisset, nullaque regni successio.*

Postremo ex Decadis V. libro I. vbi Bonfinius narrat quam ardentissime Beatrix, quæ Matthiæ Regis vxor fuerat, Uladislai Matrimonio jungi percuperet. *Accedebat præterea non levissimi momenti res, quod Beatrix, quæ Matthiæ Regis fuerat vxor, Uladislai Matrimonium prope impatienti animo appetebat, ut in pristina dignitate maneret: quæ si mulier despicitur, haud cuique*



cuique dubium erat, quin quorum se partibus adjunxisset, eisdem regnum etiam opibus & copiis suis conciliatura esset. Quinetiam Ioannis Corvini adolescentia timorem non mediocrem faciebat, quem Maximilianus per Iacobum Sekellium quotidie premiis & pollicitationibus ad defectionem sollicitabat. Cujus rei Legati quoque assidue missi suspicionem augebant. Igitur Rex his tantis subito difficultatibus objectis, omnibus mature quoad possit, sibi occurrendum ratus, Sigismundum Quinqueecclesiarum Anisitem, qui sicum Budam accesserat, quod cum multum apud Corvinum valere auctoritate intelligebat, Tatam ad retinendum in officio adolescentem evestigio mittit, Regina vero nuptias in dies acrius flagitanti, easque nisi assequatur, exitium prope regno Ungariae minitanti, quod tandem responsum det, etiam atque etiam consultandum cum Patribus putat. Cum autem de ea re consilium ageretur, nemo reperiebatur prater paucos, quos pecuniis & praefecturis ipsa sibi devinxerat, cui conjugium ejusmodi probaretur. Regem mulieris imprimis atas, ac nota sterilitas deterrebat: Patres, quod timendum putabant, ne peregrinis gentibus regnum communitatum, brevi ad nominis interitum perveniret: Boemi prater cetera decretum etiam publicum proferebant, quo cautum erat, ne cui Boemia Regi viduam ducere liceret. Quia vero si postulantis Reginae conditio aperte respiceretur, nemini dubitandum videbatur, quin statim bellum illa esset maximum, tum suis, tum aliorum opibus constatura, haud quaquam sponsulium spe deiciendam eam existimabant, quoad regnum esset abs tot imminantium bellorum fervoribus exolutum. Rex autem instante vehementius in dies muliere, atque procerum, quos poterat, animos muneribus & pecuniis corruptente, veritus, ne si consilium Patrum sicutus falsis Reginae promissis tenuisset, parum sincera fide rexisse tandem videretur, IV. Nonas Octobris, Patribus procerumque principibus secreto accitis, ita omnes est allocutus: Cum me Regem declaratum Ungarorum nonnulli horiati essent, ut Beatricem Aragoniam mihi desponderem uxorem, eorum haudquaquam, ut vere dicam, ab initio consilium improbaui: sic enim fore videbam, ut ducentis aureorum millibus ab ea nomine dotis acceptis, & trecentis millibus, quae ex dote & sortis ei jure debentur, quemadmodum ipsa pollicebatur, regno remissis, non Boemico solum exercitui, cui Matthias Rex multa stipendia

debebat satisfacere, sed Polonis etiam & Germanis, qui regnum prope ex compositis invaserunt, facilius possem occurrere. Post autem cum eadem nullis talibus promissis expletis, meum tamen adhuc Matrimonium affectaret, meque, si suam conditionem abnuerem, bello profecturum, atque ad hostes nostros accessuram, eisque Zolinum, Dyosgytum, ac Strigonium tradituram se ostenderet: neque externos jam solum Principes, amicos ac necessarios suos ad belli societatem alliceret; sed qui mihi studerent, meque ab eo Matrimonio deterrent, hostium prope omnes numero duceret: fateor me cum tanta rei indignitate, tum multo magis perspecta mulieris sterilitate commotum, a pristina omnino sententia destitisse. Et si quam spem nuptiarum objeci, me idipsum communis salutis causa, vel auctoribus vobis egisse, cum dimissis omnibus Boemicis copiis, nullo alio modo infesta Regine arma mihi ac regno meo imminetia propulsare commodius possem. Nunc vero cum vos in eadem persistere sententia videam, ut quo facilius mulieris potentissime insidie declinentur, ejus sponsalia simulentur, atque ars arte quodammodo deludatur, faciam: quod vobis placere sentio. Si illud autem apud vos testatum relinquo, me non tam judicio meo, quam auctoritate vestra ad hanc consilii rationem accedere, id quod vobis predictum volo, ne quis me fortassis contra dignitatem regiam ut perfidiosum aliquando insimulare, aut hujus me consilii si quid praterea durius accidisset, auctorem reprehendere jussu possit. Cum omnes assensu essent, haud ita multo post instante muliere, sponsalia in haec verba paucis adhibitis testibus paciscitur, ut diceret, spondere se Reginam ex Antistitum procerumque voluntate ducturam. Hæc paullo longiora descripsimus, quo facilius constarent duo. Et primum quidem, quod apud Boemos decretum erat publicum, quo cavebatur, ne cui Boemiarum Regi viduam ducere liceret. Deinde regnorum pax & tranquillitas est tanti, ut cum illa ex procerum Matrimoniis pendeat vel maxime, procerum Matrimonia fieri nec debeant, nec possint, quin iis Respublicæ consentiant, aut qui Respublicas gubernant. Ceterum in Uladislo & Beatrice factum est aliquid, quod auctore me non fieret; sed hoc non agitur, sed publica Boemiarum pax & tranquillitas, cui, ut apparet, aliter consuli ac provideri non potuit, quam quo modo consultum & provisum

REGIA IN MATRIMONIUM POTESTAS. 563  
 est. Attamen fuisse tunc qui ullam e rebus Matrimonium  
 circumstantibus Theologica ratione coarguerit, legere me  
 non inemini. Theologicam rationem intelligo, quæ ex suis  
 principiis Scriptura & Catholicæ Ecclesiæ traditione ducatur.  
 Fortassis hic audiri potest illud Tertullianicum e libri de  
 baptismo capite XVII. *Sufficiat scilicet in necessitatibus ututaris,*  
*scubi aut loci, aut temporis, aut persona conditio compellit. Tunc*  
*enim constantia succurrentis excipitur, cum urget circumstantia*  
*periclitantis.*

---

## CAPUT XXIV.

*Apud Navarraos regia in Matrimonium potestas  
 retenta.*

ANNVS circumagebatur millesimus ducentessimus sexa-  
 gesimus octavus, cum Henricus Theobaldi Navarræ  
 Regis filius, & Theobaldi junioris itidem Navarræ Regis  
 frater schedulam confecit, qua se sine Regis Navarræ con-  
 sensu Matrimonium non esse contracturum pollicetur. Sched-  
 ula seu charta hæc Parisiis apud Curiam Rationalium extat  
 in libro Principum, & sic se habet: *Je Henriz filz de Roy de*  
*Navarre, Cuens de Ronay, faz assavoir à toz celz qui ces presen-*  
*tes lettres verrons, que je por ce que je voi & entends, qu'insfi-*  
*nités de mals pourroient avenir, si je me mariois fors des poms*  
*du Royaume de France, à Monsignor mon frere le Roy de Na-*  
*varre, à moy & à toz mes amis, à toz les sougez, Monsignor*  
*mon frere le Roy devant dict, & à mout d'autres. Et parce que*  
*je voi qu'il plaît à Monsignor le Roy mon frere & à mes autres*  
*amis, que je me marie dedans les poms dudit Royaume de Fran-*  
*ce, où il y a asés femmes convenables pour moy: toutes choses*  
*venüs & pensees, je por tot bien à avancier à non perir, & por*  
*tot mal abaissier de tant comme je puis, & je jure de tot mon bon*  
*gré, sans force & sans contrainte nule, que je ne me marirai &*  
*ne prendré femme nule quele quele soit fors des poms doudict*  
*B Bbb ij*

*Royaume de France, & qui doudict Royaume ne soit, s'en est par le commandement & par la volenté & par l'otroy Monsignor mon frere le Roy de Navarre avant dict. Et ce je jure de sur Sains & sur les Evangiles aux mieux & au plus certainement que je puis, & sans jamais venir encontre en nule maniere quele quele soit, &c. L'an de grace MCLXVIII. le Mardi devant Pasques. Quod Latine dicitur: Ego Henricus Regis Navarra filius, Ronensis Comes, omnibus hac præsentes literas inspecturis denuncio, pervidere me & cognoscere infinita mala, quæ domino meo fratri Navarra Regi, mihi, & universis amicis meis, & cunctis domini mei fratris antedicti Regis subditis, & aliis quampluribus evenire possent, si uxorem extra regni Gallie fines ducerem. Et quia scio dominum ac fratrem meum Navarra Regem velle, & alios familiares meos cupere, ut ducam uxorem intra fines regni Gallie, ubi sæpe multa reperiuntur mulieres, quæ & dignitati & generi meo conveniunt: his rebus perspectis & pensatis omnibus, ut quidquid est boni promoveam, discrimen omne fugiam, & quidquid est mali longe propulsem pro viribus, libenti prolixoque animo, sine vi & coactione ulla. juro me uxorem extra regni Gallie limites nullam unquam ducturum esse. Et si qua uxor extra illos limites ducenda esset, me, nisi consentiente & volente domino meo antedicto Navarra Rege, ducturum. Et id per Sanctos, & in codicem Evangeliorum juro: & si quid certius esset & angustius, per quod & in quod jurare possem, usque jurarem: ita ut modo & via quacunque constet, me nunquam facturum esse quidquam, quod sacramento huic adversetur, &c. Datum anno reparata salutis humana millesimo ducentesimo sexagesimo octavo, die Martis ante Pascha. Sic Henricus, decernente Rege Navarra, ad contrahendum Matrimonium efficitur inhabilis, nec efficitur habilis, usque dum impleverit, quod jurata promissione cautum est. Profecto meras ageret nugas, qui quod ita factum est, ita fieri non potuisse contenderet.*



## CAPUT XXV.

*Lotharingia Duces suam in Matrimonium auctoritatem  
retentam vindicarunt.*

**H**ANC potestatem, quæ ut Regibus, ita & aliis supremis Principibus convenit, illustri confirmabimus testimonio illius instrumenti, quod anno MCCCCXXV. die Decembris XI. confectum est. In hoc igitur instrumento Ducatus Lotharingæ, Barones, alique nobiles viri Carolo VI. Duci promittunt, se Isabellam filiam natu majorem, quæ tunc uxor erat Renati Andegavensis, & per eam Barenfis Ducis, pro Ducissa habituros, eique tanquam domina obedituros. Sed adjiciunt, quod si obeunte viro, Isabella nuberet alteri sine consensu Caroli patris, aut post hujus obitum, sine consensu trium Ducatus Ordinum, neque ipsam habituros pro Ducissa, neque ei tanquam domina obedituros, neque procreatos ex tali copulatione liberos pro Ducibus habituros, neque illis tanquam legitimis dominis obedituros: immo statim atque celebrate fuerint nuptiæ, Castharinam sororem Isabellæ natu minorum Badensem Marchionissam pro Ducissa habituros, eique tanquam veræ dominæ obedituros, neque ipsam tantum, sed & iis, quos ex legitimo Matrimonio procrearet. Hoc autem instrumentum asservatur in Nanceii Chartophylacio.

## CAPUT XXVI.

*Sabaudia Duces suam in Matrimonium suorum potestatem  
retentam demonstrarunt.*

**P**HILIBERTVS Emmanuel Sabaudia Dux anno MDLXXI. legem tulit, qua cautum est, ne quis subditus Matri-  
BBbb ij

monium cum exteris contrahat sine suo consensu. Quæ de re sic Jacobus Augustus Thuanus lib. L. hist. ad annum MDLXXI. Cum vero Colinius ante quadriennium Carlotam Lavallam uxorem Auréliani amisisset, de secundis nuptiis cogitanti de Iacoba Intramontana Claudii Batarnai Antonini reguli pugna Sandionysiana occisi vidua, nobilissime & juxta opulenta in Sabaudia familia herede, quæ protestantium doctrinæ in occulto favebat, mentio injecta est. Id cum rescivisset Philibertus Emmanuel Sabaudia Dux, publicationis bonorum addita pœna prohibuerat, ne quis ex sua ditione injussu suo cum quoquam alterius ditionis Matrimonium aut affinitatem contraheret. Cumque Rex postea in rei commendationem ad Sabaudum scripsisset, ut edicti prohibitorii gratiam Intramontana faceret, nihil impetrari potuerat. Verum Intramontana, quæ Colinii amoris ex illius virtutum predicatione concepto periculum omniæ posthaberet, injussu Sabaudi, & spreto proscriptionis metu Rupellam sub id tempus venit, & Colinium in maritum accepit. Idem Sabaudia Dux Intramontanam jussit in carcerem conjici, atque ita captiva decessit Jurex anno MDXCVIII. quamvis pro ea Henricus IV. Sabaudum rogasset, ut testatur Petrus Matthæus in historia pacis. Si quis autem tergiversetur, hoc Sabaudi edictum tale non esse, quod Matrimonium dirimat: illud profecto tale esse potuisse, prima tractatus pars ostendit.

## CAPUT XXVII.

*Apud Florentinos Duces suprema civilis in Matrimonium procerum auctoritas apparet.*

**I**N novo statu seu principatu nec vetera, nec nova multa exempla esse possunt. Unum tamen dabit novus Florentiæ Ducatus, in quo examinando si quis caste integreque versetur, idipsum, quod in ceteris Imperiis vidimus, deprehendet. Illud mutuabimur ex tribus historicis, Joanne Nestore, Aldo Manutio, & Joanne Baptista Cino, quorum primus Gallico,

duo alii Italico sermone vitam magni Cosmi Etruriæ Ducis conscripserunt. Hic itaque magnus Etruriæ Dux renuntiatus pacatis & amplificatis rebus suis animum ad nuptias appellit, Margaretam Austriacam Alexandri Ducis viduam postulat ab Imperatore, ut sicut hereditati Alexandri, ita & ejus Matrimonio succederet. Noluit Cæsar, causatus, quod Margaretam promiserat Octaviano Farnesio Pauli III. ut volunt, nepoti. Statuerat Cæsar hac affinitate Pontificem in suas partes pertrahere, ab eoque magnam pecuniæ vim obtinere. Cosmus ubi vidit Margaretam Octaviano collocatam, expetiit sororem Octaviani nomine Victoriam. Noluit adhuc Cæsar eam Cosmo concedere: verebatur quippe, ne si Romana potentia & amplitudo Florentinorum opibus jungeretur, in Italia grande aliquod negotium sibi accideret. Tunc Dux gemini fœderis spe dejectus paulo sollicitior fuit: usus tamen suorum consilio, tertium a Cæsare uxorem efflagitat, ex qua liberos sibi successuros relinqueret. Ille vero qui antea semper promiserat sese Cosmo de muliere provisorum, conjicit oculos in Leonoram Petri Toletani filiam, qui tunc vices Regis Neapoli gerebat, eamque sibi conjunctissimam accersivit, & Cosmo nuptum dedit. Quod factum voris Imperatoris respondit, Leonora perpetuam viri cum illo sic fovit amicitiam, ut quoties bella Cæsarianos inter & Gallos exarserunt in Italia, a partibus Imperatoris stetit, ejusque conatus pro virili juvit. Quis vero ex hac historia non advertit, Cosmum Etruriæ Ducem habuisse omnino persuasum, quod sine Imperatoris consensu uxorem ducere se non posset? Non habetur quidem hoc loco direptum Matrimonium; sed ne dirimeretur, summa Ducis & Imperatoris cautione provisum. Quasi vero politica prudentia & auctoritas non æque in impediendis, ac in vindicandis peccatis eluceret, aut aliquando vitiosas partes sanare, quam exsecare non præstaret, summa Regum & Imperatorum felicitas subditorum obsequio magis, quam rebellionem metienda est: neque malos cives castigandi jure, quia boni forent omnes aliquando, privandi sunt Reges, qui neminem morte mularent.

## CAPUT XXVIII.

*Romani Pontifices suam in Matrimonium subditorum potestatem retentam demonstrarunt tanquam temporales domini.*

**Q**UOD primæ tractatus partis art. 1. cap. XII. jus in terrenis Principibus Romani Pontifices agnoverunt, hoc & ipse terrenus Princeps memorabili exemplo illustratum posteris reliquit Paulus IV. Res sic se habet. Cum in Tridentino Concilio Decretum illud, quo ne quis dominus suos subditos ad ineunda conjugia pœnis adigat aut minis, vetatur, sic formaretur, ut nominatim Imperatorem & Reges comprehenderet, Guillelmus Cassadorus Barcinonensis Episcopus obstitit, causatus, credendum non esse, Christianos Principes sese in Matrimoniis, nisi gravissimis de causis & propter publicum bonum interposituros. Volebat quippe legitimas causas excipi, quibus quis subditus ab Imperatore vel Regibus ad Matrimonium cogeretur, & Decretum ita formari, ut eos solum caperet, qui contra jus & rectum ordinem adigunt ad Matrimonia. Quod & jure factum fuisse alibi ex auctoritate plurium Doctorum ostendimus.

Porro Cassadorus aiebat posse multos casus occurrere, in quibus divinas & humanas leges impugnaturus sit, qui dixerit, Principem non posse, & id præcipere, & ad Matrimonium contrahendum cogere. Tunc ille protulit exemplum, quo illud sic a Paulo IV. factum. anno MDLVI. IV. Non. Januarii constabat. *Paulus siquidem IV. monitorio quodam denun. iaverat Joanne Arragonia uxori Ascanii Columnæ, nequam e filiabus suis sine licentia sua collocaret in Matrimonium; si secus faceret, irritum fore, quantumvis consummaretur. At illud sapientissimus Papa, & notæ probitatis vir haud unquam fuisset ausus, nisi liceret Principibus boni publici causa subditos ad conjugium cogere, aut ab eo contrahendo impedire.*

Cur.



Cur autem Paulus I V. id Joannæ Arragoniæ prohibuerit, fecit perduellionis crimen, quo Ascanius Columna tenebatur: ac proinde timuit Paulus, ne elocatis filiabus novas sibi affinitates adjungeret, quarum ope fretus in contumacia obfirmaretur. Hæc Petrus Suavis ita refert in libro V I I I. historiæ Tridentini Concilii.

Ceterum, quod Paulus id genus Matrimonii non impedierit ut Pontifex, certum est, quia nullos ut Pontifex in causis temporalibus rebelles habuit, sed tantum ut temporalis dominus: & eos habere cœpit, ex quo supremus in ejusmodi causis dominus esse cœpit. Qua in re certa sunt tria, & incertum vnum.

Et primo quidem certum est, fuisse tempus, quo Romanus Pontifex Imperatori ut temporali domino subderetur. Id profitetur Gregorius Magnus in lib. I I. Indiæ. XI. epistola L X I I. ad Mauritium Imperatorem ita scribens: *Omnipotentii Deo reus est, qui serenissimis dominis in omni quod agit & loquitur, purus non est: ego autem indignus pietatis vestre famulus in hac suggestione, neque ut Episcopus, neque ut servus, jure Reipublicæ, sed jure privato loquor: quia, serenissime domine, ex illo jam tempore dominus meus fuisti, quando adhuc dominus omnium non eras. Longino viro clarissimo Stratore veniente dominorum legem suscepi, ad quam fatigatus tunc agritudine corporis respondere nil valui, in qua dominorum pietas sanxii, ut, &c. Ego vero hæc dominis meis loquens quid sum, nisi pulvis & vermis? Infra: Dominis meis tacere non possum. Ad hoc enim potestas dominorum meorum pietati calitus data est super omnes homines, ut, &c. Infra: Ego quidem jussioni subjectus eandem legem per diversas terrarum partes transmitti feci: & quia lex omnipotentii Deo minime concordat, ecce per suggestionis meæ paginam serenissimis dominis nuntiavi. Utrobique ergo quæ debui exsolvi, qui & imperatori obedientiam præbui, & pro Deo quod sensi, minime tui.*

Deinde in ejusdem libri & Indiæ. epistola L X V. ad Theodorum medicum: *Quanta bona omnipotentis Dei & serenissimi domini mei Imperatoris habeam, lingua mea non sufficit explere. Infra: Modo autem eidem domino aliqua suggesti. Infra: Quod si ideo serenissimas dominus noster fecit, quia, &c.*

Tum in libri IV. epistola XXXI. ad Mauritium Imperatorem : *In serenissimis jussionibus suis dominorum pietas, dum me de quibusdam redarguere studuit, parcendo mihi minime peperci. Infra : Hoc tamen piissimo domino suggero. Infra : Sacerdotilus autem non ex terrena potestate dominus noster citius indigneatur. Infra : Inter hac ergo incerta ad solas lacrymas redeo, petens ut idem omnipotens Deus piissimum dominum nostrum sua hic manu regat.*

Denique in ejusdem libri epistola XXXII. ad eundem Imperatorem : *Piissimus atque a Deo constitutus dominus noster inter ceteras Augustorum ponderum curas conservanda quoque sacerdotali charitati & cunctitudine studii spiritualis invigilat.*

Id proficitur Agatho in epistola synodica, quæ in Synodi VI. actione IV. lecta & approbata est. *His itaque, inquit, mansuetissimi rerum domini, divalibus apicibus animatus, & ad spem consolationis de profundis angoribus alleviatus, orsus sum melioris refectus confidentia paulatim iis, quæ per mansuetissima fortitudinis vestra sacram dudum precepta sunt, efficaciter promptam obsequentiam exhibere, ut personæ, quales secundum temporis hujus defectum ac servilis provincie qualitatem poterant inveniri, pro obedientia satisfactione inquirerem : & cum consilio confamilorum meorum Episcoporum, tam de propinqua hujus Apostolicæ Sedis Synodo, quamque de familiari Clero amatores Christiani Imperii, & sequenter de religiosis servis Dei, ut ad piissimæ tranquillitatis vestra vestigia properarent, hortarer. Et nisi longus provinciarum ambitus, in quibus humilitatis nostræ Concilium constitutum est, tanti temporis protelationem ingereret, olim hoc quod vix tandem nunc fieri potuit, studiosa obedientia, famulatus noster implever. Sed dum de diversis provinciis familiare nobiscum Concilium congregatur, & dum personas, quasdam de hac servili vestri serenissimi principatus Romana urbe, vel de proximo dirigere procuramus, quasdam de longe positis provinciis, in quibus verbum Christianæ fidei ab Apostolicis exiguitatis meæ predecessores missi prædicabant, remeare præstolamur, non parvus temporum cursus elapsus est, ut corporales agriutudines mei famulatus silentio transcam, in quibus nec vivere licet, nec libet assiduus agrimoniis laborantem. Ideoque, Christianissimi domini & filii, secundum*

# REGIA IN MATRIMONIUM POTESTAS. 571

*piissimam jussionem a Deo protegenda mansuetudinis vestre pro obedientia, quam debuimus, non pro confidentia eorum scientia quos dirigimus, presentes confamilios nostros, Abundantium, Joannem & Joannem, reverendissimos fratres nostros Episcopos, &c. Sic Pontifex ad Constantinum, Heraclium & Tiberium Imperatores scribit, quorum dominio subjici se multoties significat.*

*Id profitetur Gregorius II. cum paucis, sed efficacibus verbis, ad Leonem Isaurum in posteriori scribit epistola: Pontifex introspiciendi in palatium potestatem non habet, ac regias dignitates defendendi.*

*Id testatur Luitprandus, seu quisquis vitam Joannis XII. composuit. Interca, inquit, Joannes Pontifex ad defectionem sollicitatus innemur juramenti præsui Adelberio (rebelli) se conjunxis. Deinde in epistola, quam Otto Imperator cum Romana Synodo ad Joannem XII. qui Synodo adesse noluit, direxit. Joannes, inquit, oblitus juramenti & fidelitatis, quam mihi supra corpus beati Petri promissit, eundem Adelbertum (rebellem) Romam venire fecit, & contra me defendit. Hæc ad annum DCCCCLV. contigerunt, quo Joannes XII. Ottoni I. sacramentum fidei præstitisse dicitur.*


*Deinde certum est ad annum MCCCXVIII. quo Innocentius III. Romanæ præsidere cœpit Ecclesiæ, jam decessisse Romanum Pontificem Imperatori subesse, & cœpisse supremam in rebus temporalibus potestatem exercere. Id videre est in tit. Qui sint legitimi filii, in cap. Per venerabilem, ubi res ita se habet ad Guillelmum Comitem Montispeffulanum: Per venerabilem fratrem nostrum Arelatensem Archiepiscopum tua nobis humilitas supplicavit, ut filios tuos legitimationis dignaremur titulo decorare, quatenus eis quominus tibi succederent, natalium oblectio non noceret. Quod autem super hoc Apostolica Sedes plenam habeat potestatem, ex illo videtur, quod diversis causis inspectis, cum quibusdam minus legitime genitis, non naturalibus tantum, sed adulterinis etiam dispensavit, sic ad actus spirituales illos legitimans, ut possint in Episcopos promoveri: ex quo verisimilius creditur, & probabilius reputatur, ut eos ad actus legitime valeat saculares, præsertim & rati Romanos Pontifices inter homines superiorem alium non cognoscant, qui legitima dñ habeat.*

## 572 REGIA IN MATRIMONIUM POTESTAS.

*potestatem, quia cum major in spiritualibus tam providentia, quam auctoritas & idoneitas requiratur, quod in majori conceditur, licitum esse videtur & in minori. Et paullo post: videretur siquidem monstruosum, ut qui legitimus ad spirituales fieret actiones, circa saculares actus illegitimus remaneret. Unde cum in spiritualibus dispensetur, consequenter intelligitur in temporalibus dispensatum. Id autem in Patrimonio beati Petri libere potest Apostolica sedes efficere, in quo & summi Pontificis auctoritatem exercet, & summi Principis exequitur potestatem. Et paullo post: Super Ecclesia Patrimonio plenam in temporalibus gerimus potestatem. Sic Innocentius designat eam terræ partem, ubi Romanus Pontifex, excusso imperii iugo, & veteri abjecta obedientia, exercebat summi Principis potestatem. Hanc terræ partem vocat, nunc beati Petri, nunc Ecclesiæ Patrimonio: quod an tunc iisdem contineretur terminis, quibus Status, ut vocant, Ecclesiasticus, seu Romani Pontificis Dicitio hodie continetur, hujus loci non est disquirere. Ad institutum nostrum satis est id nosse quod modo indagamus, & mox observavimus.*

Tum certum est intra annorum illorum, qui a Joanne XII. usque Innocentium III. elapsi sunt, spatium, Romanos Pontifices Occidentalium Imperatorum obedientiæ subductos fuisse, & a præstando illis sacramento fidei destitisse. Sed quo anno, quo Pontifice, quo Imperatore id contigerit, incertum est. Carolus Sigonius cum ad annum DCCCCLXXIII. quo a vita decessit Otto I. Italiæ statum describit: narrat quidem Imperatorem hunc Romano Pontifici Romanum Ducatum, Spoletanum, Thufciam, Marchiam Anconitanam & Exarchatum concessisse; sed aperte non dicit, num supremum dominum concesserit. Utut sit, cum primum Romani Pontifices supremo in illis locis dominio potiri cœperunt, ii æque ac reliqui Principes potuerunt leges condere, quibus, si opus esset, Matrimonia dirimerentur.





*Univerſi Tractatus conclusio.*

CUM aeterni legislatoris, a quo omnis potestas in caelo & in terra derivatur, inviolabili statuatur lege, reddenda esse Caesari quae sunt Caesaris, & Deo quae sunt Dei: in hoc universo tractatu, omni omnino ratione studuimus, ut ab hac divina regula ne latum quidem vnguem discederemus. Neque ullus, opinor, verae Theologiae principiis imbutus, qui rectis oculis aspiciat, ibit inficias. Ostendimus itaque duplicem potestatem, qua Christianorum Matrimonium regatur, temporalem & spiritalem a Deo concessam esse, & utramque sic inter se differre, ut temporalis ac politica potestas matrimonialis contractus, & eorum quae ad eum validum vel invalidum reddendum pertinent, vel quae civilem contractum perinde sequuntur ac sequerentur, si Sacramentum non esset, curam gerat. Spiritalis vero & sacerdotalis rerum illarum temporalium fines transiliens, & ultimum aeternae vitae finem intuens, Sacramento aliisque rebus, quas Deus contractui Matrimonii jam legitime peracto superadjecit, ordinandis disponendisque incumbat. Quo in negotio primum ante oculos semper habuimus Gelasium & Nicolaum Pontifices, qui hanc utramque potestatem propriis actibus a Christo distinctam fuisse constantissime docuerunt. Deinde beatum Augustinum tractatu CXV. in Joannem ex parte Christi Sacramentorum auctoris ita differentem: *Audite omnia regna terrae, non impedio dominationem vestram in hoc mundo, regnum meum non est de hoc mundo.* At justam quorumlibet Principum dominationem non impediret tantum, sed vel nobilissima sui parte mutilaret; si quia Matrimonium in Sacramentum instituit, id fecerit quod fecisse volunt Basilius Pontius, Hurtadus Mendoza, Antoninus Diana, Optatus Gallus: id est, si Christianos Principes sancientiarum pro bono pacis legum Matrimonia dirimentium jure pravarit.

Verum absit ab ordine sacerdotali tam dura sententia, qua

sponsa a suo sponso tam vehementer dissentiret, & religionem, cui propaganda semper incubuit, Principibus ethnicis dissuaderet, & Christianis tandem a quo defenditur, suspectam redderet ac formidolosam. Porro de impedimentis Matrimonium dirimentibus, & eorum auctoribus ea disseruimus, quæ homini ad prudenter sentiendum in hac materia parato, non sensuto autem nimis multa videri possunt. Illam, si Deo placet, secuti sumus disputandi methodum, quæ omnem finem faciat altercandi. Illam quæ exponi potuit, antiquitatem exposuimus, ut quod nos forsitan alteri alteris quibusdam suspecti non ita commode possumus, hoc priscorum sæculorum veneranda canities ab hac lite remotior decideret arbitrio. Universitatem vidimus, cum ad explendam curiositatem omnem percurrimus Academiarum judicia, Imperiorum, Regnorum, Provinciarum leges, mores, exempla, & Romanorum Pontificum testimonia, quæ de utraque memoria, nova & veteri spirant, & jura Principum in disponendis Matrimoniis cumulatissime testantur. Sed quod spectat ad Principes & Imperia, credibile non est, tot ac tantos Principes, tot ac tanta Imperia in vnum, quod non fuisset suum, usurpasse tandiu, vel in vnam intolerabili errore conspirasse sententiam, vel demum id permisisse sacerdotalem ordinem, qui pro illorum salute Deo justo judici rationem redditurus est. Consensionem denique post exortas certe Lutheri novitates exhibuimus, omnium pene Magistrorum definitiones & placita sectati: atque ita quidquid de nativo jure Principum non vnus aut duo tantum, sed omnes propemodum vno pariter eodemque consensu aperte, frequenter, perseveranter tenuisse, docuisse, scripisse cognovimus; id nobis quoque intelleximus absque vlla dubitatione tenendum, docendum, scribendum. Sed *ah sit*, ait Gelasius, *ab homine Christiano, ut intimatam suis sensibus veritatem arbitretur injuriam*. Si quis igitur, ut cum Nicolao Oresmio Parisiensi Theologo, Caroli V. præceptori, & Lexoviensi tandem Episcopo, concludam, *amore veritatis inveniende huius dicti volueris contradicere vel contra scribere, bene facies: & si male locutus sum, testimonium perhibeat de malo; sed si cum ratione, ne ipse videatur condem-*

# REGIA IN MATRIMONIUM POTESTAS. 575

nare quod non poteris impugnare. Quidquid id est, in omnem eventum ego de regia in Matrimonium potestate argumētatus, ea vtor protestandi formula, qua Joannes XXII. de visione beatifica fermocinatus, vti sic voluit: *Ne quis sinistre interpretari possit nos sensisse aliquid aut sentire quod sacre Scripturæ obviet, aut fidei orthodoxæ: dicimus & protestamur expresse, quod quidquid in quæstione seu materia visionis animarum, videlicet an anima a peccatis & pœnis peccatorum purgata videant divinam essentiam illa visione, quam Apostolus vocat facialem, seu in quacunque alia materia, in sermonibus & collationibus nostris diximus, allegavimus, seu proposuimus, non intendentes aliquid determinare vel decidere vel credere, quod esset quovis modo Scripturæ sacre obvium, vel contrarium fidei orthodoxæ; sed illud solum tenere & credere, quod & Scripturæ sacre potest & poterat Catholica fidei convenire. Et si forsan in prædictis sermonibus vel collationibus aliqua, quæ vel Scripturæ sacre, seu fidei orthodoxæ quovis modo essent vel viderentur obvia, ipsa præter intensionem a nobis fuisse prolata dicimus & asserimus, eaque revocamus expresse, non intendentes illis adharere, nec ea in præsentî defendere, nec etiam in futurum. Hæc apud Odoricum Raynaldum in tomo xv. Ecclesiasticorum Annalium ad annum MCCCXXXIV. Quis, quæso, in quavis materia non imitaretur hunc Pontificem, cum ait beatus Cyprianus: Non vincimur, sed instruimur, dum offeruntur meliora.*

FINIS.



*Addenda paginae 16. lin. 12. post sacramentum est.*

xvi. Isaacius Habertus in libro vi. de consensu Hierarchiæ & Monarchiæ, ubi regum de connubiis edictum tueretur: *Constantis*, inquit, ac perspicue veritatis est, Principis titulo ac potestate condendarum de Matrimonio legum, vim facultatemque in suo ordine supremam comprehendere: nominis enim regis amplitudine non sola facultas, sed etiam officium continetur instituendi decernendique omnia, quæ ad Reipublicæ finem bonumque cumulatissimum necessaria, utilia, fructuosa judicantur. Nihil autem ad Reipublicæ incolumitatem & conservationem ætioris Matrimonio necessitatis est, ex quo videlicet sibi feritur, ac veluti renascitur, semperque constat, & artificiosam quandam humano generi immunitatem elaborat. Unde prima legum omnium Dei ore dicta & promulgata lex de conjugio fuit. Quod sapientissimi postea Philosophorum Principibus tanquam Dei Proregibus incumbere docuerunt. Theologum vero simul cum Philosopho agens sanctus Thomas contra gentes, quam solido sermone veritatem hanc suffulcit! Quando aliquid ad diversos fines ordinatur, indiget habere diversâ dirigentia in finem, quia finis est proportionatus agenti, &c. ut supra. Hæc ille, qui postea in Vabrensem Episcopum evasit.

*Addenda paginae 188. lin. 12. post excusarentur.*

Celestinus III. in epistola ad Michaelem Senonensem Archiepiscopum: Cum in regno Gallia Catholici semper aequitatis cultores fuerint Principes. Infra: Et quidem si magnitudo regia considerasset attentius, attendissent & secum nihilominus, qui hujus præsumptionis cooperatores fuerunt, quantum sit Matrimonii sacramentum, non fuisset, ut credimus, hoc modo processum. Constat enim cuique divinam paginam revolventi, quod ipse Dominus Matrimonium instituit & in paradiso, ante peccatum ad officium propter sobolem propagandam, dicens: Crescite, & multiplicamini, & replete terram. & extra paradysum, ad remedium propter peccatum, propter fornicationem. Unde ipse primus homo Spiritu sancto afflatus inquit: Propter hoc relinquet homo patrem &

*matrem*



matrem, & adhærebit uxori, & erunt duo in carne una. Quanta sit etiam Matrimonii dignitas, & quam circumspecta debeat ad tractandum de eo procedere gravitas, Dominus innuit, qui cum interrogatus fuisset, si licitum esset uxorem dimittere, & quæsitum esset ab eo super hereditate duorum fratrum communiter dividenda, in uno tacet, & in altero sic respondet: Quicumque dimiserit uxorem suam, præter causam fornicationis, mæchatur. Per hoc nimirum ostendit, quod Ecclesia in cognitione Matrimoniorum, quasi ceteris difficiliore, cum majori quam in aliis procedere debeat gravitate. Et cum ipse alibi dicat: Quod Deus conjunxit, homo non separet; adverti potest quam graviter ille delinquat, & quantum sit ei ab ira ventura timendum, per quam tanti Sacramenti Christi & Ecclesia religio perturbatur. In ea epistola quam Radulfus de Diceto integram recenset in libro chronicotum. At quantum sit Matrimonii sacramentum, Pontifex id cum ex veteri, tum ex novo fœdere confirmat.

*Addenda pagine 192. lin. 2. post Matthæi xix.*

Petrus Sorus, qui ex parte Romani Pontificis Tridentino Concilio interfuit in lect. 11. de Matrimonio: *Ad hoc igitur breviter dicimus: primo, institutionem illam (de qua in Genesi) etiam ad Sacramentum pertinere. De illa enim inquit Paulus: Sacramentum hoc magnum est. Propterea enim (ut superius dicimus) omnia ibi facta prophetica fuerunt & supernaturalia, quanquam natura videretur perfici. Ubi igitur institutum est Sacramentum hoc, ibi & significatio & indissolubilitas (qua ex significatione est) instituta sunt, hoc ipsum Christo Domino apud Mattheum aperte testante, & legem permittentem repudii libellum prohibente. Ait enim: Ab initio non sic erat; sed masculum & feminam fecit eos. Et dixit: Propter hoc relinquet homo, &c. ubi, ut postea dicitur, & uxorum pluralitas, & repudium tanquam contra primam institutionem introducta rejiciuntur a Christo. Ex quo etiam secundo dicimus Sacramentum hoc peculiariter novæ legis esse, quia in ea probatur & reducitur ad priorem suam originem: itaque in eo loco Matthæi merito dicere possumus a Christo institutum, vel potius confirmatum in Ecclesia: nam & quod nuptiis interfuerit Dominus,*

*D D d d*

approbatio etiam fuit ipsius. Fuit igitur Matrimonium in lege veteri Sacramentum, Paulo id aperte testante. Nam & pluralitas illa uxorum, ut Augustinus inquit, gentium omnium Ecclesias significabat conjungendas in Christo.

*Addenda pagina 460. lin. 32. post permissum sit.*

XII. Epiphanius Salaminæ seu Constantiæ in Cypro insula Episcopus, Basilio æqualis, in libris quos de hæresibus ad annum CCCLXXVI. conscripsit, in hæresi LIX. quæ est Catharorum seu Novatianorum: Ceterum in populo propter ejus imbecillitatem tolerari istud potest, ut qui uxore prima si contenti esse non possint, ea mortua, secundam sibi copulent. Quamquam, qui unam duntaxat habuit, majori Ecclesiæ judicio honore dignus est. Sed cui mortua una sufficit, cum occasione aliqua stupri, neptiæ adulteriique, uxoris aut alterius flagitii, uxorem autem, cum ea divortium fecerit: si alterum duxerit, aut alteri viro mulier nupsit, sacrarum literarum auctoritas ab omni culpa illos absoluit, neque ab Ecclesiâ vel æterna vita rejicit, sed propter imbecillitatem tolerandos existimat. Non ita tamen, duas ut altera superstiti uxores simul habeat; sed ut ab una separatus, alteram sibi legitime, si lubet, adjungat. Hic doctissimus Antistes perinde loquitur, ac si tunc nulla fuisset ea de re quam tractat dubitatio.

*Addenda pagina 571. lin. 10. post deferendi.*

Id profitetur Romanum Eugenii II. Concilium quod anno DCCCXXVI. coactum est. In nomine Domini Dei Salvatoris nostri JESU CHRISTI, imperante domino nostro piissimo augusto H. Lodouico a Deo coronato magno Imperatore, anno XIIII. & regni ejus anno XIIII. sed & H. Lothario novo Imperatore ejus filio anno X. Indiët. IV. mensis Novembris die XV. Eugenius sanctissimus, &c. Sic Romanum Concilium, cujus caput erat Eugenius, Ludovicum Imperatorem dominum suum appellat, id est; Imperio subiectum.

Id profitetur apud Anastasium Bibliothecarium Sergius II.

qui anno DCCCXLIV. Sedis Apostolicæ clavum tenere cœpit, vbi auctor narravit Ludovicum Lotharil Imperatoris filium ab Sergio Longobardorum Regem coronatum esse, subiicit: *His igitur peractis, a prædicto postulaverunt Pontifice, ut omnes primates Romani fidelitatem ipsi Ludovico Regi per sacramentum promitterent, quod prudentissimus Pontifex fieri nequaquam concessit. Sed sic orsus est illis: Quia, si vultis domino Lothario Imperatori hoc sacramentum ut faciant, solummodo consensio atque permitto; nam Ludovico ejus filio ut hoc peragatur, nec ego, nec omnis Romanorum nobilitas consentit. Tunc demum in eadem Ecclesia sedentes pariter tam beatissimus Pontifex, quam magnus Rex & omnes Archiepiscopi atque Episcopi, stantibus reliquis Sacerdotibus, & Romanorum & Francorum optimatibus, fidelitatem Lothario magno Imperatori semper Augusto promiserunt.*

Id proficitur Romanum Leonis IV. Concilium, cujus exordium sic se habet: *In nomine Patris & Filii & Spiritus sancti. Incipit sancta ac veneranda Synodus, qua per Domini gratiam, & ejus divinum consilium congregata est in Ecclesia beati Petri Apostoli, anno scilicet Pontificatus sanctissimi ac coangelici, & universalis quarti Papa Leonis septimo, atque invictissimorum dominorum nostrorum HLotharii ac HLudovici Imperatorum; anno quoque Imperii eorum quinto, & irigesimo septimo mense Decembri, die VIIII. Indiæ. II.* Sic Romanum Concilium quod habitum est anno DCCCLIII. Imperatores Lotharium & Ludovicum dominos suos nominat. Quo nomine Leo IV. & Præfules alii se in rebus terrenis Imperatoribus subditos esse luculenter ostendunt.





Ad primam partem tract. art. II. cap. IV. Appendix in  
gratiam nonnullorum ἑπικριτῶν, qui caput hoc  
I V. cum assertione V. & VI. precedentis capitis,  
conciliare non possunt, etiamsi facile conciliarent, nisi  
præjudicii occupati nodum in scirpo quærerent.

Rationum momenta XV. quibus invictè probatur nomen  
Ecclesiæ, quod habent canones duo scissionis XXIV. Tri-  
dentini Concilii, de sacerdotali ordine, quatenus talis est,  
intelligi non posse sine ejusdem Concilii injuria.

*Si quis dixerit eos tantum consanguinitatis seu affinitatis gra-  
dus, qui Levitico exprimuntur, posse impedire Matrimonium con-  
trahendum, & dirimere contractum, non posse Ecclesiam in non-  
nullis dispensare, aut constituere, ut plures impediant & dirimant,  
anathema sit.*

*Si quis dixerit non potuisse Ecclesiam constituere impedimenta  
Matrimonium dirimentia, vel in iis constituendis errare, ana-  
thema sit.*

Canones hi duo anathemate feriunt Lutheri propositiones  
duas. Prima est: *Conjunctio viri & mulieris tenet, quocunque  
modo contra hominum leges contigerit.*

Altera: *Debent Sacerdotes ea omnia Matrimonia confirmare,  
quæ contra Ecclesiasticas vel Pontificias leges fuerunt contracta,  
in quibus Papa dispensat, & quæ non sunt in sacra Scriptura ex-  
pressa.*

Propositio prior tangit latam ab Imperatore Theodosio  
legem, quam ab Ambrosio & Augustino illustribus Ecclesia-  
rum magistris laudatam viderat Lutherus, & quæ præterea  
testimonium habet sui in canone V. Lateranensis Concilii,  
cui Callistus II. præfuit: *Conjunctiones consanguineorum fieri  
prohibemus, quoniam eas divina & sæculi prohibent leges.*

Propositio posterior tangit maxime Pontificias ejusdem  
Theodosianæ legis dispensationes.

Facultas Parisiensis Theologiæ propositiones duas Lutheri  
non separatim sed conjunctim damnandas esse censuit, ut  
jura civili & Ecclesiastico foro convenientia simul tueretur.

Censura est ejusmodi : *utraque harum propositionum est falsa, & Ecclesie potestati impie derogativa.* Facultas hac in censura, ut jam monui, humanas leges, quibus dirimuntur Matrimonia, & Pontificias, quibus humanæ communiuntur per anathemata & spirituales pœnas, in vnum conjunxit : quod curiosa diligentique animadversione indiget. Deinde quod in altera Lutheri propositione spectat personalem suppositionem, ut loquuntur Dialectici, in simplicem convertit. Quam enim dispensandi facultatem Novator Pontifici tribuit, eam Facultas Ecclesiæ vindicandam & asserendam esse duxit. Hic tractandi modus extraordinarius est, cum propositiones damnandæ damnari soleant ut jacent; sed id non caret mysterio, quod præ se fert suppositionis personalis in simplicem conversio.

Tridentina Synodus Facultatem imitatur & subsequitur, cum in canone priori legum Matrimonia dirimentium dispensationem non Pontifici, cui a Luthero illa tribuitur, sed Ecclesiæ transferribit : atque istud, ni fallor, admirationis habet quamplurimum, cum Synodus Pontifici id omne semper tribuat, quod videatur posse tribui. Sic & in posteriori canone potestatem instituendarum legum quæ Matrimonia dirimant, non Pontifici, sed Ecclesiæ consignat. Parisienses Theologi & Tridentini Patres cum agebant hocce modo, intelligebant viti prudentes, Christianæ religioni, & publicæ disciplinæ satis superque ita consultum iri.

Hic non ante rationum momenta exponam omnia, quam tria scitu necessaria notaverim. Primum est, ex superiori Parisiensium Theologorum, & Tridentinorum Patrum modo tractandi veram relatorum canonum sumendam esse intelligentiam. Id discimus ex sanctis Patribus, quos in materia non dissimili nos docentes audire juvat.

Primus est Hilarius in libro de Trinitate quarto : *Intelligentia dictorum ex causis est assumenda dicendi, quia non sermones, sed rei est sermo subjectus.*

Alter est Ambrosius in libro III. de Virginibus : *Quoniam vero beati Ioannis Baptista non strictim prætereunda est recordatio, interest, ut quis, & a quibus, & quam ob causam, quomodo*

*& quo tempore sis occisus, advertere debeamus.*

Tertius, Chrysostomus in homilia de verbis Jeremiæ (Non est in homine via ejus) cap. x. *Allatam in medium propheticam hanc sententiam diligenter expendamus, quis eam protulerit, & quorum causa, quo tempore & quem alloquens, & quo in statu res tum essent. Omnia denique pervestigemus, quæ ad inveniendum vñi esse possint.*

Quartus denique Cyrillus Alexandrinus in thesauro, assertionem xx. *Primum quidem oportet eum, qui ad investigationem sacrarum scripturarum accedit, observare tempus, quo aliquid dicitur, & personam a qua dicitur, propter quod, & de quo dicitur.*

Lutherus igitur impedimenta dirimentia, & inprimis consanguinitatis & affinitatis, quæ olim secularium Principum auctoritate laudabiliter, vt in articulo xxi. primæ partis tractatus per plura capita vidimus, instituta, Ecclesiasticis postea illata constitutionibus & variis modis asserta fuerunt, cum reprehendat: vel ex hoc vno manifestum est, quid definiarit Synodus, & quam ad interpretationis lineam exponendi sint canones nostri duo, quæ impedimenta novator ille rejecerat, hæc Concilium retinuit, & retenta duplici anathemate communiit. Sic Tridentini Præsules & illorum Theologi, qui repetitam ab initio impedimentorum Matrimonia dirimentium historiam probe noverant, Theodosii Magni & Justiniani & aliorum Principum leges a nobis supra descriptas adversus Lutherum vindicarunt, & Christianorum pacem ac tranquillitatem confirmarunt.

Alterum est, Ecclesiam apud beatum Paulum Christi corpus semel atque iterum vocari. Semel in epistolæ ad Romanos capite xii. *Sicut in vno corpore multa membra habemus, omnia autem membra non eundem actum habent: ita multi vnum corpus sumus in Christo: singuli autem alter alterius membra.* Iterum in prioris ad Corinthios epistolæ capite xii. *Sicut enim corpus vnum est, & membra habet multa: omnia autem membra corporis cum sint multa, vnum tamen corpus sunt: ita & Christus.* Et paulo post: *Nam & corpus non est vnum membrum, sed multa. Si dixit pes, quoniam non sum manus, non sum de*

corpore. Num ideo non est de corpore? Et si dixeris aurá, quoniam non sum oculus, non sum de corpore: num ideo non est de corpore? si totum corpus oculus, ubi auditus? si totum auditus, ubi odoratus? Nunc autem posuit Deus membra, unumquodque eorum in corpore sicut voluit. Auctor Commentariorum in hanc epistolam apud Hieronymum: Per comparationem, ait, corporis ostendit, non naturam membrorum, sed officia esse diversa, & neminem debere curare, cujus sit officii, dum omnes uno eodemque spiritu animentur. Theodoretus in eundem locum: Christum, inquit, hic commune Ecclesia corpus appellavit: quoniam hujus corporis caput est Christus Dominus. Præcipit ergo in corpus intueri, & scire quod ex diversis quidem membris est compositum. Unum autem corpus est & dicitur, & hinc intelligere, quod etiam Ecclesia vocatur corpus Christi Domini. Habet autem membra multa & differentia, & alia quidem majora, alia minora, alia præstantiora, alia inferiora; sed omnia tamen necessaria & utilia.

Bellatminus in libro v. de Rom. Pont. cap. vii. cum in Pauli loca duo hæc inspiceret, sic describit Ecclesiam: Reges & Principes, Clerici & laici non faciunt duas republicas, sed unam, id est, unam Ecclesiam. Sumus enim omnes unum corpus, Rom. xii. & i. Corinth. cap. xii. Hic Cardinalis Romanæ Ecclesiæ & Curie opportunitatum non negligens, cur in narratione sua Reges Pontificibus anteposuerit, fecerunt duo. Et primum quidem quod sciret a Patribus & Ecclesiæ tractatoribus dici regnum & Sacerdotium, non Sacerdotium & regnum. Deinde quod Romanos Pontifices hunc ordinem servantes videret. Nicolaus enim I ad Michaellem Imperatorem ita scribit in epistola vltima. Sed cum ad verum ventum est, eundem Regem atque Pontificem ultra sibi, nec Imperator jura Pontificatus arripuit, nec Pontifex nomen Imperatorum usurpavit. Alexander iii. leges canonibus sic anteposit in Appendice ad Lateranense Concilium cap. iv. de juramento: Imperatorum secularium leges & Ecclesiastica Patrum constitutiones viros religiosos in omnipotentis Dei servitio protegunt. Nicolaum & Alexandrum præcedit Hispalensis Synodus ii. & cap. ii. sic loquitur: Hoc enim & secularium Principum edicta præcipiunt, & Presulum Romana decrevis auctoritas.



Tertium est, Ecclesiam, quæ est Christi corpus, a Gelasio Pontifice primo bifariam distribui in epistola VIIII quam ad Anastasium Imperatorem dedit: *Duo sunt*, inquit, *quibus hic mundus principaliter regitur, auctoritas sacra Pontificum, & regalis potestas, in quibus tanto gravius est pondus Sacramentum, quanto etiam pro ipsis Regibus Domino in divino reddiduri sunt examine rationum.* Et quibusdam interpositis: *Si enim quantum ad ordinem pertinet publicæ disciplina, cognoscentes in peritium tibi superna dispositione collatum, legibus tuis ipsi quoque parent religionis Antiquitates, ne vel in rebus mundanis exclusi videantur obviare sententiæ: quo, rogo, te decet effectum eum obviare, qui pro eragando venerabilibus attributi sunt mysteriis?* Gallicana Ecclesia Gelasii doctrinam comprobando suam fecit.

Carolus Magnus, qui de Christiana religione tam bene meritus est in libro V. Capitulare, num. CLXVII. *Principaliter itaque*, inquit, *totius sanctæ Dei Ecclesiæ corpus in duas eximias personas, in sacerdotalem videlicet & regalem, sicut a sanctis Patribus traditum accepimus, divisum esse novimus.*

Lupus Ferratiensis Abbas in epistola LXXXI. ad Amulum Episcopum: *Idem Rex & Sacerdos Sacerdotum, qui solus potuit Ecclesiam regere, quam redemit, postquam humanitatem suam in celum evexit, semper cum suis futurus divinitate, potestatem suam ad eandem gubernandam Ecclesiam in Sacerdotes divisit & Reges.*

Nicolaus I. Lupum hunc insignem virum excipit, & ita scribit ad Michaelen Imperatorem in epistola VIIII. *Sed cum ad verum ventum est, eundem Regem atque Pontificem vltra suum, nec Imperator jura Pontificatus attulit, nec ideo fix nomen Imperatorum usurpavit: quoniam idem mediator Dei & hominum homo CHRISTVS JESVS, sic actibus propriis & dignitatibus divinis officia utriusque potestatis discevit: ut & Christiani Imperatores pro æterna vita Pontificibus indigerent, & Pontifices pro cursu temporalium tantummodo rerum imperialibus legibus uterentur.*

Nicolaum subsequuntur Concilia duo Galliarum. Unum, quod apud sanctam Macram in pago Remensi coactum est anno DCCCLXXXI. cap. I. *Hæc namque sunt sacerdotalis*

*Eccle iij*

officii, & regii ministerii: quia sicut in sacris legimus literis, duo sunt, quibus principaliter mundus hic regitur, auctoritas sacra Pontificum, & regia potestas. Solus enim Dominus noster JESVS CHRISTVS vere fieri potuit Rex & Sacerdos. Post Incarnationem vero Domini, Resurrectionem & Ascensionem ejus in celum, nec Rex Pontificis dignitatem, nec Pontifex regiam potestatem sibi usurpare presumpsit, sic actionibus propriis dignitatibusque ab eo distinctis, ut & Christiani Reges pro aeterna vita Pontificibus indigerent, & Pontifices pro temporalium rerum cursu Regum dispositionibus uterentur.

Alterum apud Trosleium in pago Sueffionensi habitum anno DCCCCIX. cap. 11. In quo facto, inquit, pontificalem sic exerimus auctoritatem, ut non obliviscamur regiam a Deo constitutam esse sublimitatem, dicente Apostolo, Subjecti estote Regi, quasi praeclenti. Sicut enim regalis potestas sacerdotali religioni se devote submittit: sic & sacerdotalis auctoritas cum omni pietatis officio se regali dignitati subdere debet, sicut sanctus ostendit Papa Gelasius ad Anastasium scribens Imperatorem: Duo sunt, inquit, quibus principaliter mundus hic regitur, auctoritas sacra Pontificum, & regalis potestas, in quibus tanto gravius est pondus Sacerdotum, quanto etiam pro ipsis Regibus in divino reddituri sunt examine rationem, &c. Ergo quia & Rex pro aeterna vita indiget Pontificibus, & Pontifices pro temporalium rerum cursu regali indigent dispositione, & a Rege obediendum est Pontificibus recta, sancta & iusta suadentibus, & vicissim a Pontificibus obediendum est Regi pietatis cultui religione, jure & solatio servienti.

A tempore Gelasii, qui anno DCCCXCVI. vitam deposuit, usque ad annum DCCCCIX. quo celebratum est Trosleianum Concilium, nec Romana, nec Gallicana Ecclesia cogitationem ullam suscepit, vel de statuendis legibus, quae Matrimonium dirimant, vel de reddendis personis ad contrahendum Matrimonium inhabilibus, vel de concessione veniae, qua consobrina vxor iusta fieret, & hoc est tam certum, quam quod certissimum. Ceterae Occidentis & Orientis Ecclesiae Romanam & Gallicanam imitabantur Ecclesiam, suis se finibus continebant. Profecto intelligebant omnes tria illa, de quibus non cogitarunt, ad regiam tantummodo

potestatem pertinere, cum in civili republica sit nihil, quod ad eam magis intime pertineat.

Porro quæ notatæ sunt epochæ duæ, præjudicium inferre nullum debent connubiali disciplinæ, quæ vel Gelasii tempus antecessit, vel Trosleiani Concilii celebrationem subsecuta est. Imperatores ante Gelasium suis legibus Matrimonium, quatenus in officium communitatis institutum est, rexerunt. Imperatores & Reges post Trosleianum Concilium jure suo tandiu sunt vñ, quandiu ei conservando studiose advigilarunt. Sed tandem aliquando regia potestas annorum vices experta est, & temporum detrimenta sensit: ita vt juris sui memoriam pene amiserit, & factum sit continuo, vt hinc quibus soluti erant legibus, iis plane subja-cuerint; inde quam contrahendi in gradu vetito Matrimonii concedebant subditis veniam, hanc illis & ipsis Regibus Pontifices, non Petri hac in re, sed Theodosii successores concesserint. Hæc non juris est, sed facti quæstio, quam vulgus imperitorum fortassis nescit; sed quam eruditus in doctrina temporum nemo ignorat. Dicenda sunt cum veritate, quæ vere gesta sunt.

His autem tribus ita præmissis, exponenda sunt rationum momenta x v. quibus invicte ptobatur, nomen Ecclesiæ, quod habent canones duo sessionis xxiv. non posse intelligi de sacerdotali ordine, quatenus sacerdotalis ordo est, sine injuria ejusdem Concilii.

Ratio prima ex eo quæritur, quod Facultas Parisiensis Theologiæ, & Tridentinum Concilium, vbi de Pontificia dispensatione agitur, suppositionem personalem in simplicem converterint, vt jam notavimus, & recte quidem. Nam in suppositione personali non erat semper verum dicere, veniam a Romano vel alio Pontifice datam esse, qua conso-brina legitima fieret vxor. Quid ita? Ab anno Christi cccxcv. quo migravit Theodosius senior, Imperatores & Reges vsque ad Gregorium VII. epocham multarum rerum, quarum discussio non est hujus loci, veniam illam dederunt: Gregorii successores dare cœperunt. At in suppositione simplici semper erit verum dicere, Ecclesiam a tem-

pore Theodosii dedisse veniam, qua consobrina vxor iustæ fieret, etiamsi veniam illam aliter atque aliter dederit, nunc per Imperatores & Reges, nunc per Pontifices. Hoc tractatus nostri pars prima demonstrat in articuli capite vi. Accedit superior notatio tertia, vbi Romani & Gallicani Præsules auctoritatem sacram Pontificum, & regalem potestatem in Ecclesia concludunt. Sic priori canoni, in quo res historica tangitur, sua tantum constabit veritas: non constabit, vt apparet, si Ecclesiæ nomine sacerdotali ordo, quatenus talis est, intelligatur, & tunc Concilio fiet injuria.

In Occidente dixi, quia quo tempore in eo fieri a Pontificibus cepit dispensatio, in Oriente facta non est, nec vllam ibi factam fuisse reperimus, quamdiu Orientale stetit Imperium. Præterea in Occidente Ludovicus IV. Imperator ad annum MCCCXL. Margareta Ducissa Carinthia permissit, vt Brandeburgensi Marchioni consobрино suo nuberet.

Ratio secunda quaeritur ex posteriori canone, in quo respectus ad superiorem ætatem habetur: *Si quis dixeris non potuisse Ecclesiam constituere impedimenta Matrimonium dirimentia*. At in ætate superiori non auctoritas sacra Pontificum, sed regalis potestas leges Matrimonium dirimentes instituit, & cum primis eas, quibus Lutherus bellum indixit. quocirca si nomine Ecclesiæ sacerdotalis ordo, quatenus talis, intelligatur, sua canoni constare non poterit veritas, atque ita Concilio fiet injuria. Sed si nomen Ecclesiæ intelligatur juxta superiores notationes, sua canoni constabit veritas, nec Concilio fiet injuria.

Ratio tertia ex eo quaeritur, quod si nomine Ecclesiæ sacerdotalis ordo intelligatur, consecrarium sit, Concilium eandem tractans materiam nomen Ecclesiæ aliter atque aliter accepisse; in vtroque canone pro sacerdotali tantum ordine, vt ponitur, sed in capite de reformatione Matrimonii, vbi dicitur celebrandum esse Matrimonium *in facie Ecclesiæ*, pro fidelium collectione, vt Bellarminus tradit in suis ad Tridentinum Concilium declarationibus. *In facie*, inquit, *Ecclesiæ*, *Ecclesiæ nomen sumi pro fidelium collectione*. Hanc loquendi formulam *in facie Ecclesiæ*, si tam brevi negotio fieri posset,

posset, quam potest facili, per traditionem ad beatum Paulum reducemus, qui in prioris ad Corinthios epistolæ capite VIII. sic scribit: *Ostensionem ergo quæ est caritatis vestre, & nostræ gloria, pro vobis in illos ostendite in faciem Ecclesiarum*, quæ aliæ non sunt quam fidelium cœtus. His autem ita positis, Concilium eandem tractans materiam, nomen Ecclesiæ non vno eodemque sensu, sed aliter atque aliter accipetet, & lectores suos ambiguitate nominis ludificaretur; atque ita Concilio fieret injuria. non fieret, si nomen illud usurparetur in suppositione simplici, ex qua ad alteram e duabus personalibus suppositionibus veteri disciplinæ & traditioni juxta supetiores notationes convenientem rectissime descenditur.

Ratio quatta ex eo quaritur, quod si nomen Ecclesiæ sacerdotalem ordinem importaret, Concilium novo & inusitato modo locutum esset. Quid ita? antequam Tridentinum cogeretur Concilium, Ecclesia definita est nusquam Clericorum, vel Sacerdotum primi & secundi ordinis cœtus. Qui accipiet Ecclesiam prout a beato Cyptiano definitur, *Plebs sacerdoti adunata, & pastori suo grex adharens*, vnum atque alterum fetet incommodum: vnum quidem, quia definitio hæc non exhibet sacerdotalem tantum ordinem; alterum vero, quia sacerdotalis ordo in ea definitione locum non habet digniorem, sed plebs & grex. Siquidem locus in rei definitione dignior est, quem rectus, non obliquus casus exprimit. Deinde Patres reliqui & tractatores Ecclesiam definierunt *Fidelium seu Catholicorum congregationem*. Atqui hæc definitio non favet iis, qui nomen Ecclesiæ in Tridentinis canonibus enunciatum accipiunt pro sacerdotali ordine, & a Concilio acceptum esse maxime volunt: & sic Concilio fit injuria, cum illud inducunt novo & inusitato apud Patres & tractatores ecclesiasticos modo locutum, & adversus varia juris axiomata, quæ Matthæus Gribaldus in libro II. de ratione studendi refert: *Verba in statutis proprie accipi debent. L. 1. §. Si ii qui navem. de exerato actio. L. III. §. Hæc verba. Item verba debent intelligi secundum communem usum loquendi. L. Librorum. §. Quod tamen Cossius, &c. Item verba sunt stri-*

*Est & proprie intelligenda. L. 1. §. Si ii qui navem. ut supra.*  
Ceterum nulla fit Concilio injuria, dum nomen Ecclesiæ secundum propriam & receptam per ætates singulas definitionem accipitur, & ad suppositionem revocatur simplicem, ex qua ad alteram e duabus suppositionibus personalibus veteri disciplinæ & traditioni juxta superiores notationes respondentem rectissime descenditur.

Ratio quinta quæritur ex Sedis Apostolicæ Legatis, Præsulibus & Theologis, qui Tridentino Concilio interfuerunt. Hi numquam Ecclesiam Clericorum vel Sacerdotum primi & secundi ordinis, sed Fidelium seu Catholicorum congregationem definierunt: Hosius Varmienſis Episcopus, Cardinalis & Sedis Apostolicæ Legatus, qui ultimis Concilii sessionibus, ac proinde sessioni xxiv. in qua de Matrimonio agitur, præſedit, in libri de Symbolo cap. xv. Martinus Pereſius in libri de divinis traditionibus parte 11. assertionem v. Simon Vigoreus ex Parisiensi Theologo Narbonensis Archiepiscopus, in ſerm. xviii. super Symbolum: Melchior Canus in libri 1v. de locis capite 11. Petrus Sotus in Compendio catholicæ doctrinæ: Joannes Heſſolius in explicatione Symboli Apostolorum cap. 11. Alſonſus Salmeron in prolegomeno xlii. & in tomo 111. part. 11. tract. xxv. Gentianus Hervetus in catechiſmo. Nunc si nomen Ecclesiæ in laudatis canonibus accipiatur pro ſacerdotali ordine, illustriores & doctiores Concilii Præſules & Theologi, & cum primis Sedis Apostolicæ Legatus aliter in ſuis ſcriptis, aliter in illis canonibus loquerentur, & in iſtud juris axioma incuſſerent: *Verba ideo inſtituta ſunt, non ut perea ſe invicem homines fallant, ſed ut eis quiſque in alterius notiſſiam cogitationes ſuas præſtat. C. Is autem xxii. q. 11.* Matthæus Gribaldus ibidem. atque ita fit Concilio injuria. Non fiet injuria, si dicatur, quod vera cum ratione dicendum eſt, Concilium per illustriores & doctiores Episcopos & Legatum imprimis, qui ſeſſioni xxiv. præſuit, nomen Ecclesiæ uſurpaſſe in ſuppoſitione ſimplici, ex qua ad alteram e duabus personalibus ſuppoſitionibus veteri disciplinæ & traditioni juxta superiores notationes congruentem rectissime descenditur.

Ratio sexta ex iis quæritur, quæ gesta sunt in Concilio, ubi inveniendus fuit modus, quo clandestinum Matrimonium cassum & irritum declararetur. Tunc habitis vltro citroque disputationibus, non potuit modus nisi vnicus inveni-ri, scilicet, reddendas esse personas ad ineundum Matrimo-nii contractum inhabiles. Invento huic modo reclararunt quidam causati, eo vtendum non esse, quia eiusmodi contra-ctus Matrimonii sic irritos & nullos facere, ad sæculares Ma-gistratus pertineret: non fallebantur, quia ad sæculares Magi-stratus nihil verius pertinet ac certius, quam personas red-dere ad ineundos quoscumque contractus, etiam Matrimonii, quod est politicæ communitalis fundamentum, inhabiles. Re-clamarunt quidem illi, sed frustra, quod nullum alium mo-dum, qui rescindendo contractui sufficeret, objecerint. Tridentini Patres excogitatum ad clandestini Matrimonii rescissio-nem modum, qui ad sæculares Magistratus vnice pertinet, secuti, vt sibi videbantur, de sæcularium illorum Magistratu-m consensu insumpserunt. insumpserunt enimvero, quia de proprio, vt ita dicam, fundo & penu nullum habuerunt, quem insumerent. Quis autem crederet Tridentinos Patres si quem habuissent, eum reliquisse in præteritis? At quicumque hoc totum capiet, facile quoque capiet, cur nomen Ecclesiæ Tri-dentinis illatum canonibus pro sacerdotali ordine haud vsur-paverint, ac proinde dum a nonnullis ita vsurpatur nomen Ecclesiæ, Concilio fit injuria. Sed nulla ei fit injuria, dum nomen illud sumitur in suppositione simplici, ex qua ad al-teram e duabus suppositionibus personalibus veteri disciplinæ & traditioni juxta superiores notationes consentientem re-ctissime descenditur.

Ratio septima ex iis quæritur, quæ post Tridentinum Con-cilium gesta sunt ab Henrico III. Galliarum Rege, & Ble-fensibus Comitibus. Henricus & coacti in iis Comitibus trium ordinum Optimates, Tridentini Concilii decreto de rescin-dendis Matrimoniis clandestinis consentire noluerunt, per-suasi iuris esse regii & Rerum publicarum personas ad contra-hendum Matrimonium inhabiles efficere, & hoc pacto clan-destinum Matrimonium rescindere. Sic edixerunt: Regio seu

Blesensi Edicto, nec Gallicani Præfules, vel Theologi, qui Tridentino interfuerant Concilio, & adhuc supererant, nec Romana repugnavit Ecclesia. Repugnassent sine dubio, si hinc penes Regem & regni Comitum non fuisset edicere quod edixerunt, inde sacerdotalis tantum juris esse decretum edere quod ediderunt, & nomen Ecclesiæ laudatis canonibus insertum nonnisi pro sacerdotali ordine usurpari: quod dum a quibusdam non satis advertentibus usurpatur, Concilio fit injuria, & Sedi Apostolicæ sancitorum a generalibus Conciliis canonum executrici, cujus modestia & silentium ducerentur in conscientiam. At nulla Concilio vel Sedi Apostolicæ fit injuria, si nomen Ecclesiæ capiat in suppositione simplici, ex qua ad alteram e duabus suppositionibus personalibus veteri disciplinæ & traditioni juxta superiores notationes concordantem rectissime descenditur.

Ratio octava quæritur ex Milevitani Concilii canone, qui sic se habet: *Placuit ut secundum evangelicam & apostolicam disciplinam, neque dimissus ab uxore, neque dimissa a marito alteri conjungatur, sed ita maneant, aut sibi inter reconciliantur. Quod si contempserint, ad pœnitentiam redigantur: in qua causa legem imperialem petendam promulgari.* Quin autem Tridentini Patres canonem hunc probe noverint, momentis suis expenderint, & ut convenientissimæ disciplinæ regulam sibi proposuerint, merito dubitari nequit; & qui dubitaret, mihi videretur de tantis Patribus male mereri. Milevitani Patres, quos inter beatus Augustinus pietate & doctrina excelluit, notanda maxime tria suggerunt, & primum quidem statuunt, ut nec dimissus ab uxore vir, nec a viro dimissa vxor alteri conjungatur: deinde statuunt, ut qui contempserint, ad pœnitentiam redigantur: tum demum statuunt, ut ab Imperatore lex petatur. In secundo, potestatem apud se aliam non agnoscunt, quam imponendæ pœnitentiæ viro, qui dimissa uxore aliam duxerit, vel vxori, quæ dimisso viro alii nupsierit. In tertio, eam ab Imperatore petunt legem, non qua imposita, vel imponenda ab Episcopis pœnitentia confirmetur vel exigatur, sed qua initum facto divortio connubium sub pœna rescissionis, vel alia graviore prohibeatur. Hoc prohibi-



tionis genus non petiissent ab Imperatore, si quam petebant ab Imperatore legem promulgari, eam se promulgare posse credidissent. Id, ni fallor, docet communis hominum intelligentia. Hæc autem omnia Tridentini Patres, qui passim Augustino suis in decretis tantum tribuunt, cum intelligerent, a ferenda ex se lege quæ Matrimonium dirimeret, non potuerunt sibi non cavere. Id genus prudentiæ Tridentinis Patribus qui voluerit denegare, doneget: ego denegare non possum. Hinc manifeste consequitur, ut sapientissimi Præfules nomen Ecclesiæ canonibus suis inditum pro sacerdotali ordine non acceperint: & quæ eos accepisse diceret, ab illo fieret Tridentinis Patribus seu Concilio injuria. Non fieret injuria, si nomen illud acceperint, ut accepisse evincit hæc ratio, in suppositione simplici, ex qua ad alteram e duabus suppositionibus personalibus veteri disciplinæ & traditioni juxta superiores notationes congruentem rectissime descenditur.

Nona quaritur ex Romana & Gallicana Ecclesia docentibus, duo esse, quibus, ut visum est in notatione tertia, principaliter hic mundus regitur, auctoritatem sacram Pontificum, & regalem potestatem. At in mundo, cujus mentionem faciunt, Christiano, nisi Matrimonium, quod in officium naturæ & communis institutum est, regia potestate gubernetur & dirigatur, nihil quod sit alicujus ponderis, assignari poterit unquam regia potestate gubernandum & dirigendum. Quare si tollatur e regia potestate matrimonialis contractus subditorum directio, abibit regnum in confusionem & perturbationem. Tunc Reges non erunt Reges amplius, sed vicarii eorum, qui matrimonialem contractum dirigunt: hoc premimus, hoc urgemus. Quæ Tridentini Patres cum tenerent egregie, nomen Ecclesiæ suis insertum canonibus pro sacerdotali ordine non acceperunt. Da oppositum: Romanæ & Gallicanæ Ecclesiæ & Concilio fiet injuria non fiet, mihi crede, si dicatur nomen illud a Tridentinis Patribus acceptum esse in suppositione simplici, ex qua ad alteram e duabus suppositionibus personalibus veteri disciplinæ & traditioni juxta superiores notationes respondentem rectissime descenditur.

Ratio decima ex eo quaeritur, quod leges Matrimonium dirimentes ad naturalem & civilem ordinem simpliciter & absolute pertineant, easque Reges non alieno, sed suo jure ferre possint, ut probant fere omnes Theologi, & cum primis qui Tridentino interfuerunt Concilio, Ambrosius Catharinus, Jacobus Naclantus, Petrus Sotus & Dominicus Sotus, Magistri ex Ordine Prædicatorum celeberrimi, & quorum rationes pro jure Principum rem ita conficiunt, ut sacerdotalem ordinem, quatenus talis est, a ferendis legibus, quæ Matrimonium dissolvant, redditus ad illud contrahendum personis inhabilibus, excludat: non excluderent tamen, si unusquisque in sua diœcesi Episcopus, ut Romanus in beati Petri patrimonio Antistes, & summi Pontificis auctoritatem exerceat, & summi Principis exequeretur potestatem; sed istud vere affirmateque dici non potest. Exinde sequitur non posse sine injuria Concilii doceri, nomen Ecclesiæ illius canonibus insertum pro sacerdotali ordine collocari: sed removeretur injuria, ut eam removeri cupio, si nomen Ecclesiæ collocetur in suppositione simplici, ex qua ad alteram e duabus suppositionibus personalibus veteri disciplinæ & traditioni juxta superiores notationes consentaneam rectissime descenditur.

Ratio undecima ex eo quaeritur, quod Tridentina Synodus pugnaret secum, si nomen Ecclesiæ pro sacerdotali ordine sumeretur. Hinc diceret, ut ponitur, sacerdotalem ordinem, quatenus talis est, jure proprio ferre posse leges, quæ ex natura sua, objecto & fine civiles sunt, & mere naturalis ordinis, quales sunt eæ, quæ Matrimonium dirimunt, ut Theologi consentiunt univèrsi; inde dictum hoc suum probare non posset, quomodo probandum esse statuit in sessione IV. cujus sunt hæc verba: *Præterea ad coercenda petulantia ingenia decrevis, (Synodus) ut nemo sine prudentiæ innixus, in rebus fidei & morum ad adificationem Christianæ doctrinæ pertinentiam, sacram Scripturam ad suos sensus cor. torquens, contra eam sensum, quem tenuit & tenet sancta mater Ecclesia, cujus est judicare de vero sensu & interpretatione Scripturarum sacrarum, aut etiam contra unanimum consensum Patrum, ipsam Scripturam*

*sacram interpretari audeat, etiamsi huiusmodi interpretationes nullo unquam tempore in lucem edenda forent. Hoc decretum in fidei confessionem transiit: Item sacram Scripturam juxta cum sensum, quem tenuit & tenet sancta mater Ecclesia, cujus est judicare de vero sensu & interpretatione sacrarum Scripturarum, admitto, nec eam unquam, nisi juxta unanimum consensum Patrum, accipiam & interpretabor. At Scripturæ sacræ locus nullus est; non ille, *Pasce oves meas*; non ille, *Quodcumque ligaveris*; non ille, *Qui vos audit, me audit*; non ille, *Qui Ecclesiam non audierit*; non alius quisque ille sit, quo juxta unanimum consensum Patrum intellecto probetur, sacerdotalem ordinem, vel ut est apud Gelasium, auctoritatem sacram Pontificum, ferre posse leges quæ Matrimonium dirimant, vel personas ad contrahendum Matrimonium inhabiles reddere. Profecto non memini legete me vel ex Patribus antiquis unum, qui laudata vel alia Scripturæ loca ad illam legumulationem flexerit, tantum abest, ut Patres cuncti vel fere cuncti flexerint. Hæc est contradictio, in quam qui nomen Ecclesiæ de sacerdotali ordine Tridentinam Synodum intellexisse contendunt, eam audent conjicere: atque ita sit Synodo injuria, a qua nos sumus immunes, cum nomen Ecclesiæ a Tridentina Synodo intellectum de sacerdotali ordine negamus, & acceptum dicimus in suppositione simplici, ex qua ad alteram e duabus suppositionibus personalibus veteri disciplinæ & traditioni juxta superiotes notationes convenientem rectissime descenditur.*

Ratio duodecima ex iis queritur, quæ gesta sunt in Tridentino Concilio, dum certi quidam Episcopi petierunt instantissime, ut cum Synodi vel Concilii mentio in actis fieret, *Synodus vel Concilium universalem representans Ecclesiam* diceretur. Legati Sedis Apostolicæ petitioni huic vehementer repugnarunt causati, hanc loquendi formulam, nec in canonibus, nec in Conciliis antiquis reperiri: & eam ob rem formula prætermissa est. Nunc ego Legatorum sincero animo præditorum exemplum secutus, ingenue disputo & constanter affirmo, nec in Conciliis, nec in canonibus antiquis inveniri, sacerdotalem ordinem, vel auctoritatem sa-

drum Pontificum, leges quæ Matrimonium dirimant, condidisse, vel quod in idem recidit, personas ad contrahendum Matrimonium inhabiles reddidisse. Id autem cum ita sit, necessario sequitur nomen Ecclesiæ Tridentinis illatum canonibus, sacerdotalem non appellare ordinem, sed Ecclesiam in suppositione simplici, ex qua ad alteram e duabus suppositionibus personalibus juxta superiores notationes consentientem rectissime descenditur: alioqui fit injuria Concilio, quod erroris periculo exponeretur.

Ratio decima-tertia quaritur ex definitione, quæ in Florentina Synodo circa Romani Pontificis auctoritatem & auctoritatis limites facta est. Hæc autem ita se habet: *Item definimus sanctam Apostolicam Sedem & Romanum Pontificem in universum orbem tenere primatum, & ipsam Romanum Pontificem successorem esse beati Petri Principis Apostolorum, & verum Christi vicarium, totiusque Ecclesiæ caput, & omnium Christianorum patrem ac doctorem existere, & ipsi in beato Petro pascendi, regendi ac gubernandi universalem Ecclesiam a Domino nostro JESU CHRISTO plenam potestatem traditam esse, quemadmodum & in gestis œcumenicorum Conciliorum, & in sacris canonibus continetur.* Sic legitur apud Blondum Eugenii IV. Notarium in decadis 111. libro x. apud Marcum Vigerium Card. in decachordo chorda x. Joannem Rossensem in articulo xxv. contra Lutheranas assertiones, Joannem Ekium in libro 11. de primatu Petri cap. xxv. Albertum Pighium in libro 1v. de Hierarchia Ecclesiastica capite ultimo. Editioni huic incorruptæ concordat textus Græcus, καὶ ἐν τῷ ὅλῳ, καὶ ἐν τοῖς οἰκουμένικαῖς συνόδοις, καὶ ἐν τοῖς κηρύσσει ἀγλαμαίνται. *Juxta eum modum, qui & in gestis œcumenicorum Conciliorum, & in sacris canonibus continetur.* Porro Florentina Synodus in prima editione sui, & in editionis privilegio, quod concessit Clemens VII. octava Synodus vocatur. Hinc fit, ut gesta œcumenicarum Synodorum septem tantum, Nicænæ, Constantinopolitanæ, Ephesinæ, Calchedonenfis, Constantinopolitanæ II. & Nicænæ II. intelligantur. His ita positis, præ me fero in Synodorum istarum canonibus & actis, quibus Romani Pontificis aucto-  
ritas

ritas ad gubernandam Ecclesiam circumferibitur, nullos apparere canones, nulla legi acta, in quibus Romanus Pontifex, vel sacerdotalis ordo leges Matrimonium dirimentes instituat, vel personas ad Matrimonium contrahendum reddat inhabiles. Qua de causa necessario dicendum est, legum illarum institutionem, nec ad Romanum Pontificem, nec ad sacerdotalem ordinem pertinere: tum nomen Ecclesiae Tridentinis insertum canonibus, sacerdotalem ordinem non importare; sed simpliciter Ecclesiam, ex qua ad alteram e duabus suppositionibus personalibus veteri disciplinæ & traditioni juxta superiores notationes coherentem rectissime descenditur: alioqui Concilio Florentinæ definitionis non ignato sit injuria, quia quod sacerdotali ordini tribueretur, fundamentum nullum in canonibus & actis œcumenicorum Conciliorum septem haberet.

Ratio decima-quarta inde quaeritur, quod Theologiæ veræ principia duo, Scriptura & traditio, nihil objiciant, vicius nomen Ecclesiae Tridentinis illatum canonibus, ad sacerdotalem ordinem flectatur. Intelligenda est igitur simpliciter Ecclesia, ex qua ad alteram e duabus suppositionibus personalibus veteri disciplinæ & traditioni juxta superiores notationes respondentem rectissime descenditur, ad regalem scilicet potestatem.

Confirmatur hæc tota disputandi forma: Bellarminus Romanæ & Gallicanæ Ecclesiae doctrinam supra notatam, & descensum hujusmodi callebat, vbi libro III. de laicis cap. XXI. scribit: *Ecclesia paulatim progressa est, & omnia remedia experta. Primo solum excommunicavit (hæreticos.) Deinde addidit multam pecuniariam, tum exilium, ultimo coacta est ad mortem venire.* Deinde sub finem capitis XXI. *Ecclesia experta est omnes alias rationes, antequam ad ultimum supplicium veniret. Nam initio, ut supra diximus, solum excommunicabat: deinde videns hoc non sufficere, addidit penam pecuniariam, tum amissionem bonorum, postea exilium, tandem hoc devenit, (ad ultimum supplicium) ut satis patet ex variis legibus Imperatorum in C. tit. de hæreticis.* Hic nomen Ecclesiae sumitur in suppositione simplici, ex qua primum descenditur ad personalem, nimirum

facerdotalem ordinem ratione excommunicationis, quā percelluntur hæretici : deinde ad personalem aliam, nempe regiam potestatem ratione mulctæ pecuniariæ, amissionis bonorum, exilii, & ultimi supplicii, quo hæretici plectuntur. Hoc in loco factiosa, & juri regio stolidæ inimica gens diffugiet, & vocem comprimet indicem ignotantiæ suæ, nisi fortasse velit, sacerdotalem ordinem in hæreticos animadvertere mulctâ pecuniaria, amissione bonorum, exilio, & morte.

Ratio decima-quinta ex eo quaritur, quod ne humanis quidem rationibus, iisque sacerdotali ordini vt tali propriis, & sophistica fraude carentibus, probari possit, sacerdotalem ordinem, quatenus talis est, jure ferendarum legum Matrimonia dirimentium potiri. Humanæ rationes jus istud Principibus cum asserant, sacerdotali ordini simul denegant, quia alio spectat sacerdotalis ordo, alio spectat regia potestas. Deinde eruditissimi quique Theologi, cum netvis omnibus contendunt, arque in hoc elaborarunt, vt jus statuendi impedimenta Matrimonium dirimentia sacerdotali vindicarent ordini, nihil plane profecerunt, vt in ptima tractatus parte, art. 1. cap. x. demonstratum est. Concludunt sacerdotalem ordinem, quem Ecclesiam vocant, posse impedimenta Matrimonium dirimentia instituere, quia Principes instituunt vel possunt instituere. Vitiosa est disputandi methodus, in qua ab ordine vno ad alium, ab genere vno ad aliud transitur. Absolvit omnia Martinus Rithovius Iprensis Episcopus, dnm apud Catd. Pallavicinum in libro xxi. de historia Tridentini Concilii, capite 1.v. sic loquitur : *Certum est non esse certam hanc potestatem in Concilio reddendi irrita Matrimonia, a compluribus Theologis, qui ibi aderant, id negari, & ex assermantibus aliis ab aliis Theologis rationes asferri, & alterius ab altero rationem confutari. Unde in comperto erat, rem in nebuloso, non in sudo versari. Quæ omnia cum ita sint, viri prudentis non esset nomine Ecclesiæ sacerdotalem ordinem intelligere, ne Concilio fieret injuria : sed intelligenda est simpliciter Ecclesia, ex qua ad alteram e duabus suppositionibus personalibus veteri disciplinæ & traditioni juxta superiotes notaciones convenientem rectissime descenditur, ad regalem sci,*

licet potestatem. Sed fortasse quis dicet, Nemo id dixit ha-  
 tenus. Quis scit? Sed quid tum? Hoc ita dicendum esse, ne  
 fiat Concilio injuria, & veritati consulatur, rationes singulae  
 quas proposuimus, evincunt. Deinde argumentum nullum est,  
 seu Theologicum, seu Philosophicum, quo probetur, nomen  
 Ecclesiae sine Concilii injuria de sacerdotali ordine intelli-  
 gendum esse. Tum inficialis est conjectura, qua qui utuntur,  
 ad pauca respiciunt, & continuo facile pronuntiant. Non  
 omnis conjectura inficialis ad quilibet probandum sufficit.  
 Hoc argumenti genus magno cum delectu, circumspectione,  
 & accurata consideratione adhibendum est, idque maxime,  
 cum ponderosum & majestatis splendore lucens aliquod nego-  
 tium tractatur. Exempli gratia: Qui in medium proferret lau-  
 datum in notatione tertia Gelasium Antistitum Romanorum  
 omnium primum esse qui dixerit: *Duo sunt quibus principaliter  
 hic mundus regitur, auctoritas sacra Pontificum, & regalis potestas.*  
 Et quia Gelasius id Antistitum Romanorum omnium pri-  
 mus dixit, qui continuo sibi sumeret, Gelasii dictum abji-  
 ciendum esse procul; audireturne? Minime vero. In Morbo-  
 niam amandaretur. Ad haec, qui pugnaret Gelasium Antisti-  
 tum Romanorum omnium primum esse qui dixerit: *Unius-  
 cujusque Synodi constitutum, quod universalis Ecclesiae probatis  
 effusus, non aliquam magis exequi sedem praeter ceteris oportere  
 quam primam.* Et quia Gelasius id Antistitum Romanorum  
 omnium primus dixit, qui putaret censoria severitate dam-  
 nandum esse; audireturne? Minime vero. *etc no anne*, vel  
*etc xuvóσπαργας* ablegaretur. Ceterum qui conjecturam infi-  
 cialem obijciunt, sibi pro sua auctoritate credi cupiunt, &  
 quod sibi fingunt, maxime volunt: egregie petunt princi-  
 pium; & quod in questione versatur, id pro causa dicti sui  
 adferunt, & praeterea nihil.

Porro qui probat efficaciter, sacerdotalis esse juris commu-  
 nione sacramentorum Ecclesiae privare eos, qui privationem  
 ejusmodi suis merentur criminibus, necessaria consecutione  
 negat regii esse juris id poenae genus reo cuiquam irrogare;  
 sic qui probat efficaciter, regii esse juris leges Matrimonium  
 dirimentes instituere, consecutione pari negat sacerdotalis.

esse juris id genus legum instituere. Parium eadem est natura & eadem conditio. Ceterum qui ratiocinando aliquid potest assequi, hoc assequetur facile, nisi fortassis hinc illi displiceat mutua Regnum inter & Sacerdotium concordia, inde aperta juris in Matrimonium regii demonstratio.

Successuriantur rationes numero tres, quæ ad regiam auctoritatem attinent. Prima est, qui nomen Ecclesiæ Tridentinis insertum canonibus ad sacerdotalem tantum ordinem flectunt, eos clam fovere opinionem, quæ directam sacerdotalis ordinis, vel Pontificum supra Regum temporalia potestatem constituit. Nam summi in temporalibus Principis auctoritatem exercet, qui fert leges ex natura sua, sine & objecto civiles, quibus hinc dirimatur Matrimonium, inde personæ ad illud contrahendum inhabiles reddantur, id est, ad primam eamque præcipuam politicæ communitatis functionem, ex qua & ejusdem communitatis conservatio, & ut plurimum, pax & publica Regnorum & Imperiorum tranquillitas pendet. Hæc legumlatio non ad Regum modo subditos, sed ad ipsos etiam Reges omnino pervadit: ita ut qui tam ex subditis, quam ex Regibus procreabuntur filii, legitimi non sint, nec heredes, sed spurii, & ad cernendam parentum hereditatem inepti: quæ duo ad sæcularem statum maxime spectant, vel nihil spectabit unquam. Magnifice nugaretur qui adferret, argumento quidem isto confici, posse leges Matrimonium dirimentes a Regibus ferri; sed sacerdotalem ordinem, quem homines literate periti vocant Ecclesiam, ab illa legumlatione non excludi. Qui hoc adferret, nullatenus adferret, si apud Bellarminum vel oscitanter legisset in libri 1. de Matrimonio capite XXI. Quod eadem potestas ad duo diversa tribunalia aequè immediate & proprie pertinere non possit. Nescio an proferam Homericum illud, quod lippis notum est ac tonforibus: *οὐκ ἀγαθὸν πολυκοιρανίη, εἴς κοίραν* ☉ *ἔστιν.*

Altera consistit in hypothesi, quæ sic ficeret: Rex noster, ut heterodoxo, sic & orthodoxo cuidam det veniam, qua consobrinam in uxorem ducat, & liberos suscipiat. His positus, excitetur de Matrimonio, & susceptis liberis contro-



versia, & ea deferatur ad Magistrum Ill. cui non placet asser-  
tionum nostrarum cum Tridentinis canonibus concilia-  
tio. Si iudicet irritum esse Matrimonium, & susceptos ex eo  
liberos spurios esse, nec heredes sacerdotalis veniæ defectu,  
captus est: quia sic ruetur opinionem eorum, qui sacerdo-  
talem vel Pontificiam auctoritatem supra Regum temporalia  
constituunt. Si iudicet legitimum esse Matrimonium, & sus-  
ceptos ex eo liberos legitimos esse heredes, nullus est: quia  
factum de Tridentinis canonibus præjudicium abalienabit a  
se, & conciliationem nostram non poterit non approbare.  
Ceterum homo perverse religiosus coegit me fictam adhi-  
bere hypothesim, quo validior appareret nostra concilia-  
tio, & errore pulso, & regnante veritate, suum unicuique  
jus assereretur.

Tertia est ejusmodi: Si per nomen Ecclesiæ Tridentinis  
canonibus illatum sacerdotalis tantum ordo intelligeretur, &  
abrogaretur regia, quam in articulo 1. tractatus nostri de-  
scripsimus, & suis confirmavimus momentis, in Matrimo-  
nium potestas; his canonibus regno vel reipublicæ plus in-  
veheretur damni, quam invehirur in sessione xxv. consti-  
tutione xix. quæ est ejusmodi: *Detestabilis duellorum usus,*  
*fabricante diabolo introductus, ut cruenta corporum morte, ani-*  
*marum etiam perniciem lucretur, ex Christiano orbe penitus ex-*  
*terminetur. Imperator, Reges, Duces, Principes, Marchiones,*  
*Comites, & quicumque alio nomine domini temporales, qui lo-*  
*cum ad monomachiam in terris suis inter Christianos concesserint,*  
*eo ipso sint excommunicati, ac jurisdictione & dominio civitatis,*  
*castri aut loci, in quo, vel apud quem duellum fieri permiserint,*  
*quod ab Ecclesia obtinent, privati intelligantur, & si feudalia*  
*sint, directis dominis acquirantur. Qui vero pugnam commise-*  
*rint, & qui eorum patrini vocantur, excommunicationis, ac om-*  
*nium bonorum suorum proscriptionis, ac perpetuæ infamiae penam*  
*incurrant.* Vis rationis hujus quæ in comparatione consistit,  
vltro se objicit. Magnum quidem damnum est, quod ex hac  
constitutione ad Reges & paucos eorum subditos pervenit;  
sed majus esset, quod ex duobus Tridentinis canonibus in-  
veheretur. Nam Reges & eorum subditos vniuersim attin-

git. Et primum quidem e nutu sacerdotalis ordinis penderet nonnunquam, ut Regum Matrimonium legitimum esset, vel non legitimum, si venia consobrinæ in vxorem ducendæ negaretur, & quæ inde orta esset proles, non legitima, vel certe dubia censeretur. En præsens civilis belli raro finiendi argumentum. Deinde Regum filii utroque parente invito, & spretis regni legibus, quam vellent vxorem, etiam reipublicæ inimicam acciperent, & confestim ad arma procederetur, & cuncta respublica vel regnum variis seditionibus & discordiis concuteretur. Tum populi non possent in partem turbarum non venire propter sua Matrimonia, & aditæ, vel adeundæ hereditatis jura, de quibus aliquando disceptaretur, & lites ad annos multos prorogarentur. In hac ratione ad hominem disputo, postquam ad rei veritatem ante satis superque disputavi.

Reliquum est modo, ut Appendicis hujus lectorem de duobus admoneam. Unum est, illos, qui nomen Ecclesiæ Tridentinis inditum canonibus pro sacerdotali tantum ordine contendunt accipi, de Tridentina Synodo tam male mereri, ut nihil supra possit. Hanc tollunt in altum, quo lapsu graviore ruat. Alterum, illos ipsosmet occultos quidem, sed capitales nihilominus regis potestatis hostes esse ea in re, quæ regnorum & rerum publicarum basis & fundamentum est perpetuum.













